

॥ नमो तस्स भगवतो अरहतो सम्मासम्बुद्धस्स ॥

# विनयपिटके वजिरबुद्धि-टीका

गन्थारम्भकथा

पञ्चाविसुद्धाय दयाय सब्बे ।  
विमोचिता येन विनेय्यसत्ता ।  
तं चक्खुभूतं सिरसा नमित्वा ।  
लोकस्स लोकन्तगतस्स धम्मं ॥

सङ्खज्ज सीलादिगुणेहि युत्त-  
मादाय सब्बेसु पदेसु सारं ।  
सङ्खेपकामेन ममासयेन ।  
सञ्चोदितो भिक्खुहितज्ज दिस्वा ॥

समन्तपासादिकसञ्जिताय ।  
सम्बुद्धघोसाचरियोदिताय ।  
समासतो लीनपदे लिखिस्सं ।  
समासतो लीनपदे लिखीतं ॥

सञ्जा निमित्तं कत्ता च, परिमाणं पयोजनं ।  
सब्बागमस्स पुब्बेव, वत्तब्बं वत्तुमिच्छताति ॥ —

वचनतो समन्तपासादिकेति सञ्जा । दीपन्तरे भिक्खुजनस्स अत्थं नाभिसम्भुणातीति निमित्तं । बुद्धघोसोति गरूहि  
गहितनामधेय्येनाति कत्ता । समधिकसत्तवीसतिसहस्समत्तेन तस्स गन्थेनाति परिमाणं । चिरट्टितत्थं धम्मस्साति पयोजनं ।

तत्राह — “वत्तब्बं वत्तुमिच्छताति यं वुत्तं, तत्थ कथंविधो वत्ता”ति? उच्चते —

पाठत्थविदूंसंहीरो, वत्ता सुचि अमच्छरो ।  
चतुक्कमपरिच्चागी, देसकस्स हितुस्सुकोति ॥ (महानि० अट्ठ० गन्थारम्भकथा) ।

तत्र पठीयतेति पाठो । सो हि अनेकप्पकारो अत्थानुरूपो अत्थाननुरूपो चेति । कथं? सन्धायभासितो व्यञ्जनभासितो  
सावसेसपाठो निरवसेसपाठो नीतो नेय्योति । तत्र अनेकत्थवत्ता सन्धायभासितो नाम “मातरं पितरं हन्त्वा”तिआदि (ध० प० २९४)  
। एकत्थवत्ता व्यञ्जनभासितो नाम “मनोपुब्बङ्गमा धम्मा”त्यादि (ध० प० १, २; नेत्ति० ९०, ९२; पेटको० १४) । सावसेसो नाम  
“सब्बं, भिक्खवे, आदित्तं”मित्यादि (महाव० ५४; सं० नि० ४.२८) । विपरीतो निरवसेसो नाम “सब्बे धम्मा सब्बाकारेन बुद्धस्स  
भगवतो जाणमुखे आपाथं आगच्छन्ती”त्यादि (महानि० १५६; पटि० म० ३.५) । यथा वचनं, तथा अवगन्तब्बो नीतो नाम  
“अनिच्चं दुक्खमनत्ता”त्यादि । युत्तिया अनुस्सरितब्बो नेय्यो नाम “एकपुग्गलो, भिक्खवे”त्यादि (अ० नि० १.१७०) ।

**अथोपि** अनेकणकारो पाठत्थो सभावत्थो जेय्यत्थो पाठानुरूपो पाठाननुरूपो सावसेसत्थो निरवसेसत्थो नीतत्थो नेय्यत्थोत्यादि । तत्थ यो तंतंसज्जापनत्थमुच्चारयते पाठो, स **पाठत्थो** “सात्थं सब्यज्जन”मित्यादीसु (पारा० १; दी० नि० १.१९०) विय । रूपारूपधम्मानं लक्खणरसादि **सभावत्थो** “सम्मादिट्ठि भावेती”त्यादीसु (विभ० ४८९; सं० नि० ५.३) विय । यो जायमानो हिताय भवति, स जातुमरहत्ता **जेय्यत्थो** “अत्थवादी धम्मवादी”त्येवमादीसु (दी० नि० १.९, १९४; ३.२३८; म० नि० १.४११) विय । यथापाठं भासितो **पाठानुरूपो** “चक्खु, भिक्खवे, पुराणकम्म”न्ति (सं० नि० ४.१४६) भगवता वुत्तमतो चक्खुमपि कम्मन्ति । ब्यज्जनच्छायाय अत्थं पटिबाहयमानेन वुत्तो **पाठाननुरूपो** । वज्जेतब्बं किञ्चि अपरिच्चजित्वा परिसेसं कत्वा वुत्तो **सावसेसत्थो** “चक्खुञ्च पटिच्च रूपे च उप्पज्जती”ति (सं० नि० ४.६०; महानि० १०७) च, “सब्बे तसन्ति दण्डस्स, सब्बे भायन्ति मच्चुनो”त्यादीसु (ध० प० १२९) विय । विपरीतो **निरवसेसत्थो** “सन्धावितं संसरितं ममज्जेव तुम्हाकञ्च (दी० नि० २.१५५; महा० २८७; नेत्ति० ११४) । तत्र, भिक्खवे, को मन्ता को सद्भाता...पे०... अज्जत्र दिट्ठपदेही”त्यादि (अ० नि० ७.६६) । सद्वसेनेव वेदनीयो **नीतत्थो** “रूपा सद्वा रसा गन्धा, फोडुब्बा च मनोरमा”त्यादीसु (सं० नि० १.१५१, १६५; महाव० ३३) विय । सम्मुतिवसेन वेदितब्बो **नेय्यत्थो** “चत्तारोमे, भिक्खवे, वलाहकूपमापुग्गला”त्यादीसु विय (अ० नि० ४.१०१; पु० प० १५७) । आह च —

“यो अत्थो सद्वतो जेय्यो, नीतत्थं इति तं विदू ।  
अत्थस्सेवाभिसामग्गी, नेय्यत्थो इति कथ्यते”ति ॥

एवं पभेदगते पाठत्थे विजानातीति **पाठत्थविदू** । न संहारते परपवादीहि दीघरत्तं तित्थवासेनेत्य**संहारो** । भावनायागमाधिगमसम्पन्नत्ता वत्तुं सक्कोतीति **वत्ता**, सङ्खेपवित्थारनयेन हेतुदाहरणादीहि अवबोधयितुं समत्थोत्यत्थो । सोचयत्यत्तानं परे चेति **सुचि**, दुस्सील्यदुद्धिद्विमलविरहितोत्यत्थो । दुस्सीलो हि अत्तानमुपहन्तुनादेय्यवाचो च भवत्यपत्ताहाराचारो इव निच्चातुरो वेज्जो । दुद्धिद्वि परं उपहन्ति, नावस्सं निस्सयो च भवत्यहिवाळगहाकुलो इव कमलसण्डो । उभयविपन्नो सब्बथाप्यनुपासनीयो भवति गूथगतमिव छवालातं गूथगतो विय च कण्हसण्णो । उभयसम्पन्नो पन सुचि सब्बथाप्युपासनीयो सेवितब्बो च विज्जूहि, निरुपद्ववो इव रतनाकरो । नास्स मच्छरोत्य**मच्छरो**, अहीनाचरियमुद्धीत्यत्थो । सुत्तसुत्तानुलोमाचरियवादत्तनोमत्तिसङ्घातस्स चतुक्कस्सापरिच्चागी, तदत्थस्सेव व्याख्यातेत्यत्थो । अथ वा पच्चक्खानुमानसद्वत्थापत्तिप्पभेदस्स पमाणचतुक्कस्सापरिच्चागी ।

“एकंसवचनं एकं, विभज्जवचनापरं ।  
ततियं पटिपुच्छेय्य, चतुत्थं पन ठापये”ति ॥ —

एवं वुत्तचतुक्कस्स वा अपरिच्चागी । हितुस्सुको इति सोतूनं हितायोस्सुको, तेसमवबोधनं पति पत्थेती त्यत्थो । सो एसो सुचित्ता पियो । चतुक्कस्स अपरिच्चागित्ता गरु । असंहारत्ता भावनीयो । देसकत्ता वत्ता । हितुस्सुकत्ता वचनक्खमो । पाठत्थविदुत्ता गम्भीरकथं कत्ता । अमच्छरत्ता नो चट्टाने नियोजकोति ।  
“पियो गरु भावनीयो, वत्ता च वचनक्खमो ।  
गम्भीरञ्च कथं कत्ता, नो चट्टाने नियोजको” ॥ (अ० नि० ७.३७; नेत्ति० ११३) —

इतिअभिहितो देसको ।  
सोता इदानि अभिधीयते —

धम्माचरियगरु सद्भा-पज्जादिगुणमण्डितो ।  
असठामायो सोतास्स, सुमेधो अमतामुखो ॥

तत्थ धम्मगरुत्ता कथं न परिभवति, आचरियगरुत्ता कथिकं न परिभवति, सद्भापज्जादिगुणपटिमण्डितत्ता अत्तानं न

परिभवति, असठामायत्ता अमताभिमुखत्ता च अविक्खित्तचित्तो भवति, सुमेधत्ता योनिमनसिकरोतीत्यथो । वुत्तज्जेतं —

“पञ्चहि, भिक्खवे, धम्मोहि समन्नागतो सुणन्तो सद्धम्मं भब्बो नियामं ओक्कमितुं कुसलेसु धम्मेषु सम्मत्तं । कतमेहि पञ्चहि? न कथं परिभोति, न कथिकं परिभोति, न अत्तानं परिभोति, अविक्खित्तचित्तो धम्मं सुणाति एकगगचित्तो, योनिमनसो च मनसि करोती”ति (अ० नि० ५.१५१) ।

तलक्खणप्पत्तत्ता भावना भवति सवनस्सेत्युत्तो सोता ।

### गन्थारम्भकथावण्णना

इदानीं अस्सारम्भो — तत्थ योति अनियमनिद्वेसो, तेन विसुद्धजातिकुलगोत्तादीनं किलेसमलविसुद्धिया, पूजारहताय वा अकारणतं दस्सेत्वा यो कोचि इमिस्सा समन्तपासादिकाय आदिगाथाय निद्विडुलोकनाथत्तहेतुं यथावुत्तहेतुमूलेन थिरतरं अचलं कत्वा यथावुत्तहेतुकालं अच्चन्तमेव पूरेन्तो अवसाने यथावुत्तहेतुफलं सम्पादेत्वा यथावुत्तहेतुफलप्ययोजनं साधेति, सोव परमपूजारहोति नियमेति ।

एत्तावता —

भयसम्मोहदुद्धिट्ठि-पणामो नेस सब्बथा ।

पज्जापुब्बङ्गमो एसो, पणामोति निदस्सितो ॥

तत्र हेतूति अतिदुक्करानि तिसपारमितासङ्घातानि पुञ्जकम्मानि । तानि हि अच्चन्तदुक्खेन कसिरेन वचनपथातीतानुभावेन महता उस्साहेन करीयन्तीति अतिदुक्करानि नाम । अतिदुक्करत्ता एव हि तेसं अतिदुल्लभं लोके अनञ्जसाधारणं नाथत्तसङ्घातं फलं फलन्ति, तं तत्थ हेतुफलं; हेतुमूलं नाम यथावुत्तस्स हेतुनो निष्पादनसमत्था महाकरुणा, सा आदिपणिधानतो पट्टाय “मुत्तो मोचेस्सामी”ति आदिना नयेन याव हेतुफलप्ययोजना, ताव अब्बोच्छिन्नं पवत्तति । यं सन्धाय वुत्तं —

“सकानना सग्निवरा ससागरा,

गता विनासं बहुसो वसुन्धरा ।

युगन्तकाले सलिलानलानिले,

न बोधिसत्तस्स महातपा कुतो”ति ॥

याय समन्नागतत्ता “नमो महाकारुणिकस्स तस्सा”ति आह । हेतुकालं नाम चतुअट्ठसोळसअसङ्ख्येय्यादिप्पभेदो कालो, यं सन्धायाह “कप्पकोटीहिपि अप्पमेय्यं काल”न्ति । तत्थ अच्चन्तसंयोगत्थे उपयोगवचनं वेदितव्वं “मासं अधीते, दिवसं चरती”ति आदीसु विय । कामज्ज सो कालो असङ्ख्येय्यवसेन पमेय्यो विज्जेय्यो, तथापि कप्पकोटिवसेन अविज्जेय्यतं सन्धाय “कप्पकोटीहिपि अप्पमेय्यं काल”न्ति आह । तत्थ कालयतीति कालो, खिपति विद्धंसयति सत्तानं जीवितमिति अत्थो । कल विक्खेपे । तत्थ कप्पीयति संकप्पीयति सासपपब्बतादीहि उपमाहि केवलं संकप्पीयति, न मनुस्सदिवसमाससंवच्छरादिगणनाय गणीयतीति कप्पो । एकन्ति आदिगणनपथस्स कोटिभूतत्ता कोटि, कप्पानं कोटियो कप्पकोटियो । ताहिपि न पमीयतीति अप्पमेय्यो, तं अप्पमेय्यं । करोन्तोति नानत्थत्ता धातूनं दानं देन्तो, सीलं रक्खन्तो, लोभक्खन्तो निक्खमन्तो, अत्तहितपरहितादिभेदं तं तं धम्मं पजानन्तो, विविधेन वायामेन घट्टेन्तो वायमन्तो, तं तं सत्तापराधं खमन्तो, पटिज्जासम्मुतिपरमत्थसच्चाणि सच्चायन्तो, तं तं सत्तहितं अधिद्वहन्तो, सकललोकं मेत्तायन्तो, मित्तामित्तादिभेदं पक्खपातं पहाय तं तं सत्तं अज्झुपेक्खन्तो चाति अत्थो । खेदं गतोति अनन्तप्पभेदं महन्तं संसारदुक्खं अनुभवनट्टेन गतो, सम्पत्तोत्यत्थो । संसारदुक्खज्जि सारीरिकं मानसिकज्ज सुखं खेदयति

पातयतीति “खेदो”ति वुच्चति । **लोकहितायाति** इदं यथावुत्तहेतुफलप्पयोजननिदस्सनं,  
“संसारदुक्खानुभवनकारणनिदस्सन”न्तिपि एके —

“जातिसंसारदुक्खानं, गन्तुं सक्कोपि निब्बुतिं ।  
चिरल्लिद्धोपि संसारे, करुणायेव केवल”न्ति ॥ —

च वुत्त”न्ति, तमयुत्तं । न हि भगवा लोकहिताय संसारदुक्खमनुभवति । न हि कस्सचि दुक्खानुभवनं लोकस्स उपकारं आवहति । एवं पनेतं दस्सेति तिसपारमितापभेदं हेतुं, पारमिताफलभूतं नाथत्तसङ्घातं फलञ्च । यथा चाह “ममज्झि, आनन्द, कल्याणमित्तं आगम्म जातिधम्मा सत्ता जातिया परिमुच्चन्ती”तिआदि (सं० नि० १.१२९; ५.२) । तत्थ भगवा यथावुत्तहेतूहि सत्तानं विनेय्यभावनिष्पादनपञ्चाबीजानि वपि, हेतुफलेन परिपक्विकन्द्रियभावेन परिनिष्फन्नविनेय्यभावे सत्ते विनयि, संसारदुक्खतो मोचयीति अत्थो । न एवं संसारदुक्खेन लोकस्स उपकारं किञ्चि अकासि, तस्मा करोन्तो अतिदुक्करानि लोकहितायाति सम्बन्धो । इमिस्सा योजनाय सब्बपठमस्स बोधिसत्तस्स उप्पत्तिकालतो पट्टाय बोधिसत्तस्स नाथत्तसङ्घातपारमिताहेतुफलाधिगमो वेदितब्बो । यो नाथोति हि सम्बन्धो अधिप्पेतो । इमस्स पनत्थस्स —

“यदेव पठमं चित्त-मुप्पन्नं तव बोधये ।  
त्वं तदेवस्स लोकस्स, पूजिके परिवसित्थ” ॥ —

इति वचनं साधकं । पठमचित्तस्स पारमिताभावो रुक्खस्स अङ्कुरतो पट्टाय उप्पत्तिउपमाय साधेतब्बो । एत्थाह — “खेदं गतोति वचनं निरत्थकं, यथावुत्तनयेन गुणसाधनासम्भवतो”ति? न, अन्तरा अनिवत्तनकभावदीपनतो । दुक्करानि करोन्तो खेदं गतो एव, न अन्तरा खेदं असहन्तो निवत्ततीति दीपेति । लोकदुक्खापनयनकामस्स वा भगवतो अत्तनो दुक्खानुभवनसमत्थतं दस्सेति ।

“यस्स कस्सचि वरदोस्सं, यावाहं सब्बसत्तदुक्खानि ।  
सब्बानि सब्बकालं युगं, पद्मस्सेव बुज्झन्तोमही”ति ॥ —

एवंअधिप्पायस्स अत्तमत्तदुक्खानुभवनसमत्थताय कायेव कथाति अतिसयं अत्थं दस्सेतीति अत्थो । अथ वा **खेदं गतोति** व्यापारं परिचयं गतोतिपि अत्थो सम्भवति । कम्मादीसु सब्बापारं पुरिसं दिस्वा सन्ति हि लोके वत्तारो “खिन्नोयं कम्मे, खिन्नोयं सत्ते”तिआदि । इमिस्सा योजनाय नाथोति इमिना बुद्धताधिगमसिद्धं कोटिप्पत्तं नाथभावं पत्वा ठितकालो दस्सितोति वेदितब्बो । केचि “महाकारुणिकस्साति वदन्तो बुद्धभूतस्साति दस्सेती”ति लिखन्ति, तं न सुन्दरं विय, बोधिसत्तकालेपि तब्बोहारसम्भावतो । तस्मा सो एत्तकं कालं दुक्करानि करोन्तो अवसाने दुक्करपारमितापारिपूरिया तासं फलभूतं नाथभावं पत्वा लोकहिताय व्यापारं गतोति अयमत्थो निदस्सितो होति । “बोधिं गतो”ति वुत्तेपि सुव्यत्तं हेतुफलं दस्सितं होति । बुद्धभावप्पत्तस्सेव च नाथस्स नमो कतो होति विसेसवचनसम्भावतो, न बोधिसत्तस्स । एवं सन्तेपि विनयाधिकारो इधाधिप्पेतो । सो च पब्बजितकालतो पट्टाय यावमरणकाला होति । तं अतिविय परित्तं कालं लज्जिनो अतिसुकरं सीलमत्तं एककस्स अत्तनो हिताय अत्तमत्तदुक्खापनयनाधिप्पायेन परिपूरेन्तो को नाम इधलोकपरलोकातिक्कमसुखं न गच्छेय्य, ननु भगवा सकललोकदुक्खापनयनाधिप्पायेन कप्पकोटीहिपि अप्पमेय्यं कालं करोन्तो अतिदुक्करनिरस्सादं खेदं गतोति अज्जापदेसेन गुणं वण्णेति आचरियो ।

**लोकहितायाति** एत्थ लोकियति एत्थ दुक्खन्ति लोको, लुयते वा जातिजरामरणदुक्खेहीति लोको, इमिना सत्तलोकं जातिलोकञ्च सङ्गण्हाति । तस्मा तस्स सत्तलोकस्स इधलोकपरलोकहितं अतिक्कन्तपरलोकानं वा उच्छिन्नलोकसमुदयानं लोकानं, इध जातिलोके ओकासलोके वा दिट्ठधम्मसुखविहारसङ्घातञ्च हितं सम्पिण्डेत्वा लोकस्स, लोकानं, लोके वा हितन्ति सरूपेकदेसेकसेसं कत्वा “लोकहित”मिच्चेवाह । **नाथोति** सब्बसत्तानं आसयानुसयचरियाधिमुत्तिभेदानुरूपधम्मदेसनसमत्थताय

“धम्मं वो, भिक्खवे, देसेस्सामि...पे०... तं सुणाथा”ति (म० नि० ३.४२०) एवं याचनट्टेनापि नाथतेति नाथो । भिक्खूनं वीतिक्कमानुरूपं सिक्खपदपञ्जापनेन दिट्ठधम्मिकसम्परायिकाय च करुणाय उपगन्त्वा तपति, सुत्तन्तवसेन वा तेसं सब्बसत्तानं अनुसयिते किलेसे करुणाय च पञ्जाय च उपगन्त्वा तपति, अभिधम्मवसेन वा ते ते सङ्खारे अनिच्चादिलक्खणवसेन उपपरिक्खित्वा अत्तनो किलेसे पञ्जाय उपेच्च परिच्छिन्दित्वा तपतीति तपनट्टेनापि नाथतेति नाथो । सदेवके लोके अप्पटिपुग्गलत्ता केनचि अप्पटिहतधम्मदेसनत्ता परमचित्तिस्सरियप्पवत्तितो च इस्सरियट्टेनापि नाथतेति नाथो । “धम्मिया कथाय सन्दस्सेसि समादपेसि समुत्तेजेसि सम्पहंसेसी”ति (महाव० ९०) वचनतो सम्पहंसनसङ्घातेन आसीसट्टेन, पणिधानतो पट्टाय “कथं नामाहं मुत्तो मोचयिस्सामी”ति आदिना नयेन आसीसट्टेन वा नाथतेति नाथोति वेदितब्बो, सम्मासम्बुद्धो । चतूहिपि नाथङ्गेहि चतुवेसारज्जचतुपटिसम्भिदादयो सब्बेपि बुद्धगुणा योजेतब्बा, अतिवित्थारिकभया पन न योजिता ।

**नमोति** परमत्थतो बुद्धगुणबहुमानपब्भारा चित्तनति, चित्तनतिप्पभवा च वचीकायनति । अत्थु मेति पाठसेसेन सम्बन्धो । **महाकारुणिकस्साति** एत्थ सब्बसत्तविसयत्ता महस्साहप्पभवत्ता च महती करुणा **महाकरुणा** । तत्थ पणिधानतो पट्टाय यावअनुपादिसेसनिब्बानपुरप्पवेसा नियुत्तोति महाकारुणिको, भगवा । एत्थ च महाकारुणिकस्साति इमिना यथावुत्तहेतुमूलं दस्सेति । निक्करुणो हि परदुक्खेसु उदासिनो बुद्धत्थाय पणिधानमत्तम्पि अतिभारियन्ति मज्जन्तो अप्पमेय्यं कालं अतिदुक्करं हेतुं पूरेत्वा नाथत्तसङ्घातं हेतुफलप्पयोजनभूतं लोकहितं कथं करिस्सति । तस्मा सब्बगुणमूलभूतत्ता महाकरुणागुणमेव वण्णेन्तो “नमो महाकारुणिकस्सा”ति आह । एत्तावता हेतुअनुरूपं फलं, फलानुरूपो हेतु, द्विन्मि अनुरूपं मूलं, तिण्णमि अनुरूपं पयोजनन्ति अयमत्थो दस्सितो होति ।

एवं अच्छरियपुरिसो, नाथो नाथगुणे ठितो ।  
नमोरहो अनाथस्स, नाथमानस्स सम्पदं ॥

एत्थ सिया “अनेकेसु भगवतो गुणेसु विज्जमानेसु कस्मा ‘महाकारुणिकस्सा’ति एकमेव गहित”न्ति? उच्चते —

दोसहीनस्स सत्थस्स, चोदना तु न विज्जते ।  
दोसयुत्तमसत्थज्ज, तस्मा चोदना अपत्तकाति ॥

न मया चोदना कता, किन्तु पुच्छा एव कता । अपिच —

“फलं सतिपि रुक्खेड्ढे, न पतत्यविकम्पिते ।  
चोदना या’त्थु सत्थानं, पुच्छनात्यत्थफलं महता ॥

“नभोत्तुं कुरुते सम्मा, गहितुं नाड्ढते घटं ।  
अक्खेपे हि कते तदि-च्छिस्साणाबुद्धिबन्धनं ॥

“यथा हिमपदो पड्ढो, पबुद्धो गन्धलिम्पिया ।  
भिन्नत्थविरमस्सेवं, सत्थकतात्थलिम्पिया”ति ॥ —

एवं चेकं —

सम्मापि चोदना तं खलु, गुरवो विवाक्या विवद्ध ।  
यतिसिस्सा आघट्टिताति-वाक्येनाभ्यधिकं गोपय ॥

सरवती आचरं किलिङ्गा, तदिच्छिस्सजितात्तानं ।  
जयत्यत्तानमाचरो, सदस्सस्सेव सारथीति ॥ —

अत्रोच्चते —

यस्स हि वाक्यसहस्सं, वाक्ये वाक्ये सतज्ज जिह्वा ।  
नामं दसबलगुणपदेसं, वत्तुं कप्पेनपि न सक्का ॥

यथा —

बुद्धोपि बुद्धस्स भण्येय वण्णं,  
कप्पम्पि चे अज्जमभासमानो ।  
खीयेथ कप्पो चिरदीघमन्तरे,  
वण्णो न खीयेथ तथागतस्साति ॥ (दी० नि० अट्ठ० १.३०४; ३.१४१; म० नि० अट्ठ० २.४२५; उदा० अट्ठ० ५३; चरिया०  
अट्ठ० निदानकथा) —

चोत्तत्ता न सक्का भगवतं गुणानमवसेसाभिधातुं ।

अपिच —

यथा त्वं सत्तानं, दसबल तथा जाणकरुणा ।  
गुणद्वन्दं सेट्ठं, तव गुणगणा नाम तिगुणाति ॥ —

सब्बगुणसेट्ठत्ता मूलत्ता च एकमेव वुत्तं । अथ वा “छसु असाधारणजाणेसु अज्जतरत्ता तग्गहणेन सेसापि गहिताव  
सहचरणलक्खणेना”ति च वदन्ति । विसेसतो पनेत्थ अभिधम्मस्स केवलं पज्जाविसयत्ता अभिधम्मट्ठकथारम्भे आचरियेन “करुणा  
विय सत्तेसु, पज्जा यस्स महेसिनो”ति पज्जागुणो वण्णितो तेसं तेसं सत्तानं  
आसयानुसयचअयाधिमुत्तिभेदानुरूपपरिच्छिन्दनपज्जाय, सत्तेसु महाकरुणाय च अधिकारत्ता । सुत्तन्तट्ठकथारम्भे  
“करुणासीतलहदयं, पज्जापज्जोतविहतमोहतम”न्ति भगवतो उभोपि पज्जाकरुणागुणा वण्णिता । इध पन विनये  
आसयादिनिरपेक्खं केवलं करुणाय पाकतिकसत्तेनापि असोतब्बारहं सुणन्तो, अपुच्छितब्बारहं पुच्छन्तो, अवत्तब्बारहज्ज वदन्तो  
सिक्खापदं पज्जपेसीति करुणागुणोयेवेको वण्णितोति वेदितब्बो ।

पज्जादया अत्तपरत्थहेतू,  
तदन्वया सब्बगुणा जिनस्स ।  
उभो गुणा ते गुणसागरस्स,  
वुत्ता इधाचरियवरेन तस्मा ॥

एत्तावता अट्ठकथादिगाथा,  
समासतो वुत्तपदत्थसोभा ।  
अयम्पि वित्थारनयोति चाहं,  
उद्धं इतो ते पटिसंखिपामि ॥

दुतियगाथाय असम्बुधन्ति धम्मानं यथासभावं अबुज्झन्तो । बुद्धनिसेवितन्ति बुद्धानुबुद्धपच्चेकबुद्धेहि गोचरभावनासेवनाहि यथारहं निसेवितं । भवा भवन्ति वत्तमानभवतो अज्जं भवं गच्छति उपगच्छति, पटिपज्जतीति अत्थो । अथ वा भवोति सस्सतदिट्ठि । तस्स पटिपक्खत्ता अभवोति उच्छेददिट्ठि । भवोति वा बुद्धि । अभवोति हानि । भवोति वा दुग्गति । अभवोति सुगति । “अप्पमाणा धम्मा, असेक्खा धम्मा”ति आदीसु (ध० स० तिकमातिका १३, ११) विय हि बुद्धिअत्थत्ता अकारस्स । भावयतीति भवो, जाति । भवतीति वा भवो । सविकारा बहुविधखन्धुप्पत्ति दीपिता । अभवोति विनासो, जातिभावं मरणभावञ्च गच्छतीति वुत्तं होति । एत्थ अरहन्तानं मरणम्पि खणिकवसेन गहेतब्बं । भवेसु अभवो भवाभवो, तं भवाभवं, भवेसु अभावपज्जन्ति गच्छतीति अत्थो । जीवलोकोति सत्तलोको, सङ्खारलोकओकासलोकानं भवाभवगमनासम्भवतो सत्तलोकं जीवलोकोति विसेसेति । अविज्जादिकिलेसजालविद्धंसिनोति एत्थ नवपि लोकोत्तरधम्मा सङ्गहं गच्छन्ति । अपचयगामिता हि चतुमग्गधम्मस्स ओधिसो अविज्जादिकिलेसजालविद्धंसो, सो अस्स अत्थि, तदारम्मणं हुत्वा तत्थ सहायभावूपगमनेन निब्बानस्सापि । यथाह “यो खो, आवुसो, रागक्खयो...पे०... इदं वुच्चति निब्बानं”न्ति । अरहत्तस्सापि तथा रागादिकखयवचनसम्भावतो । फलसामञ्जेन तिण्णम्पि फलानं अत्थीति नवविधोपेस “अविज्जादिकिलेसजालविद्धंसी”ति वुच्चति । अथ वा सहचरणलक्खणकआरणाया पटिपक्खगोचरगहणता । अनभिहितोपि हि धम्मस्स तत्राभिहितोव बुज्झितब्बो इति वचनतो कारणगोचरगहणेन चत्तारिपि फलानि गहितानि । नरकादीसु अपतमानं धारेति सुगतिं उप्पादनेनाति धम्मो । पुन सुगतिमिह अजननकारी अकुसलधम्मे निवारेत्वा पोसेति पवत्तेति वट्ठेतीति धम्मो । सो पन कामरूपारूपभेदतो तिविधो अच्चन्तसुखावहनतो, ततोपि उत्तमत्ता धम्मवरो ।

एत्थाह — “चतुन्नं, भिक्खवे, अरियसच्चानं अननुबोधा अप्पटिवेधा एवमिदं दीघमद्धानं सन्धावितं संसरितं”न्ति (दी० नि० २.१५५; महाव० २८७) वचनतो चतुसच्चधम्मं असम्बुधं भवा भवं गच्छति जीवलोकोति सिद्धं । तस्मा यं असम्बुधं गच्छति, तस्सेव “तस्सा”ति अन्ते तंनिदेसेन नियमनतो चतुसच्चधम्मोपि अविज्जादिकिलेसजालविद्धंसी धम्मवरोति चापज्जति । अज्जथा “नमो अविज्जादिकिलेसजालविद्धंसिनो धम्मवरस्स तस्सा”ति तंनिदेसेन समानविभत्तिकरणं न युज्जति अतिप्पसङ्गनियमनतो, “अविज्जादिकिलेसजालविद्धंसिनो धम्मवरस्सा”ति वचनं विसेसनवचनं । तस्मा दुक्खसमुदयसच्चानं तब्भावप्पसङ्गो नत्थीति चे? न, तंनिदेसेन समानविभत्तिद्वाने अविसेसितत्ता । अपि च मग्गसच्चनिरोधसच्चेसु फलानं अपरियापन्ना नव लोकोत्तरधम्मा सङ्गहिताति वचनविरोधो, फलानं असङ्गहे वेरज्जकण्डवण्णनायं न केवलं अरियमग्गो चेव निब्बानञ्च, अपि च अरियफलधम्मेहि सिद्धिं परियत्तिधम्मोपि । वुत्तज्जेतं “रागविरागमनेजमसोकं...पे०... धम्ममिमं सरणत्थमुपेही”ति (वि० व० ८८७) वचनविरोधो चाति पुब्बापरविरुद्धा एसा गाथा सासनविरुद्धा चा”ति? वुच्चते — सब्बमेतमयुत्तं वुत्तगाथत्थाजाननतो । एत्थ हि आचरियेन पवत्तिपवत्तिहेतुविसयविभागो च दस्सितो । कथं? तत्थ असम्बुधन्ति असम्बोधो, सो अत्थतो अविज्जा, ताया च तण्हुपादानानि गहितानि, तयोपि ते धम्मा समुदयसच्चं, भवाभवन्ति एत्थ दुक्खसच्चं वुत्तं । सुगतिदुग्गतिप्पभेदो हि भवो अत्थतो पज्जुपादानक्खन्था होन्ति । “एवमेतस्स केवलस्स दुक्खक्खन्थस्स समुदयो होती”ति (महाव० १) वचनतो दुक्खप्पवत्ति पवत्ति नाम, दुक्खसमुदयो पवत्तिहेतु नाम, अविज्जासङ्गातस्स च पवत्तिहेतुस्स अग्गहितगहणेन निरोधमग्गसच्चद्वयं विसयो नाम । वुत्तज्जेतं “तत्थ कतमा अविज्जा? दुक्खे अज्जाणं...पे०... दुक्खनिरोधगामिनिया पटिपदाय अज्जाणं”न्ति (विभ० २२६) ।

एत्थ च निरोधसच्चं बुद्धेन गोचरासेवनाय आसेवितं, मग्गसच्चं भावनासेवनाय । एत्तावता असम्बुधं बुद्धनिसेवितं यन्ति उपयोगप्पत्तो यो विसयो निरोधो च मग्गो च, तस्स यथावुत्ताविज्जादिकिलेसजालत्तयविद्धंसिनो नमो धम्मवरस्साति अयं गाथाय अत्थो । परियत्तिधम्मोपि किलेसविद्धंसनस्स सुत्तन्तनयेन उपनिस्सयपच्चयत्ता किलेसविद्धंसनसीलताया “अविज्जादिकिलेसजालविद्धंसी”ति वत्तुं सम्भवति । एवज्झि सति रागविरागाति गाथत्थो, सो धम्मं देसेति...पे०... ब्रह्मचरियं पकासेतीति सुत्तत्थो च असेसतो गहितो होति । अथ वा इमाय गाथाय केवलं परियत्तिधम्मोव गहितो होति, यं सन्धायाह “सो धम्मं देसेति आदिकल्याणं...पे०... ब्रह्मचरियं पकासेती”ति (दी० नि० १.१९०; पारा० १), तम्पि असम्बुधं बुद्धेहेव निसेवितं गोचरासेवनाय अनज्जनिसेवितं । यथाह “भगवंमूलका नो, भन्ते, धम्मा भगवन्नेत्तिका भगवंपटिसरणा...पे०... भगवतो सुत्वा भिक्खू धारेस्सन्ती”ति (सं० नि० २.१४६) ।

ततियगाथाय सीलादयो किञ्चापि लोकियलोकुत्तरा यथासम्भवं लब्धन्ति, तथापि अन्ते “अरियसङ्घ”न्ति वचनतो सीलादयो चत्तारो धम्मकखन्धा लोकुत्तराव । एत्थ च “सीलसमाधिपञ्जाविमुत्तिविमुत्तिजाणप्पभुतीही”ति वत्तब्बे सरूपेकसेसं कत्वा “विमुत्तिजाणप्पभुतीही”ति वुत्तं । एत्थ च किञ्चापि विमुत्तीति फलधम्माव सुत्ते अधिप्पेता, तथापि “मग्गा वुट्ठहित्वा मग्गं पच्चवेक्खति । पहीने किलेसे पच्चवेक्खति । फलं पच्चवेक्खति । निब्बानं पच्चवेक्खती”ति (पट्ठा० १.१.४१०) वचनतो मग्गादिपच्चवेक्खणजाणं विमुत्तिजाणन्ति वेदितब्बं । विमुत्ति विमोक्खो खयोति हि अत्थतो एकं । “खये जाणं अनुप्पादे जाणन्ति (ध० स० दुक्कमातिका १४२; दी० नि० ३.३०४) एत्थ खयो नाम मग्गो, रागक्खयो दोसक्खयोति फलनिब्बानानं अधिवचन”न्ति सुत्ते आगतमेव । पहीनकिलेसानं खयो पाकतिको खयो एव । **पभुत्ति**-सद्देन तिस्सो विज्जा छ अभिज्जा चतस्सो पटिसम्भिताति एवमादयो गुणा सङ्गहिता । समन्नागमट्ठेन अपरिहीनट्ठेन च युतो । **खेत्तं जनानं कुसलत्थिकानन्ति** “अनुत्तरं पुञ्जक्खेत्तं लोकस्सा”ति सुत्ततो कुसलस्स विरुहनट्ठानत्ता, सुत्तन्तनयेन उपनिस्सयपच्चयत्ता च कामं कुसलस्स खेत्तं होति सङ्गो, न कुसलत्थिकानं जनानं । तस्मा न युज्जतीति चे? न, सुत्तत्थसम्भवतो । सुत्ते “अनुत्तरं पुञ्जक्खेत्तं लोकस्सा”ति (सं० नि० ४.३४१) हि वुत्तं । कस्स लोकस्स? पुञ्जत्थिकस्स खेत्तं सङ्गो, पुञ्जुपनिस्सयत्ता पुञ्जक्खेत्तं होति सङ्गो, कुसलत्थिकानन्ति च वुच्चन्ति । लोकेपि हि देवदत्तस्स खेत्तं यज्जदत्तस्स खेत्तं सालियवुपनिस्सयत्ता सालिखेत्तं यवखेत्तन्ति च वुच्चति । **अरियसङ्घ**न्ति विगतकिलेसत्ता अरियं परिसुद्धं अरियानं, अरियभावं वा पत्तं सीलदिट्ठिसामज्जेन सङ्गतत्ता सङ्गं । “अरिय-सद्देन सम्मुतिसङ्गं निवारेती”ति केचि लिखन्ति, तं न सुन्दरं विमुत्तिजाणगुणगहणेन विसेसितत्ता । **सिरसा**ति इमिना कामं कायनतिं दस्सेति, तथापि उत्तमसङ्गे गुणगारवेन उत्तमङ्गमेव निद्विसन्तो “सिरसा नमामी”त्याह । सिरस्स पन उत्तमता उत्तमानं चक्खुसोतिन्द्रियानं निस्सयत्ता, तेसं उत्तमता च दस्सनानुत्तरियसवनानुत्तरियहेतुताय वेदितब्बा । एत्थाह — अनुसन्धिकुसलो

“उपोघातो पदञ्चेव, पदत्थो पदविग्गहो ।

चोदनाप्रत्यवज्जानं, व्याख्या तन्तस्स छब्बिधा”ति ॥ —

एवमवत्त्वा कस्मा रतनत्तयपणामं पठमं वुत्तन्ति? वुच्चते — सताचारत्ता । आचारो किरिेस सण्णुरिसानं, यदिदं संवण्णनारम्भे रतनत्तयपूजाविधानं । तस्मा “सताचारतो भट्ठा मा मयं होमा”ति करीयति, चतुगम्भीरभावयुत्तञ्च विनयपिटकं संवण्णेतुकामस्स महासमुद्धं ओगाहन्तस्स विनय पञ्जावेय्यत्तियसमन्नागतस्सापि महन्तं भयं होति, भयक्खयावहञ्चेत्तं रतनत्तयगुणानुस्सरणजनितं पणामपूजाविधानं । यथाह “एवं बुद्धं सरन्तान”न्तिआदि (सं० नि० १.२४९) । अपिचाचरियो सत्थुपूजाविधानेन असत्थरि सत्थाभिनिवेसस्स लोकस्स यथाभूतं सत्थरि एव सम्मासम्बुद्धे सत्थुसम्भावनं उप्पादेति, असत्थरि सत्थुसम्भावनं परिच्चजापेति, “तथागतप्पवेदितं धम्मविनयं अत्तनो दहती”ति वुत्तदोसं परिहरति । अन्तरायबहुलत्ता खन्धसन्ततिया विष्पकताय विनयसंवण्णनाय अत्तनो आयुवण्णसुखबलानं परिकखयसम्भवासङ्काय “अभिवादनसीलिस्स...पे०... आयु वण्णो सुखं बल”न्ति (ध० प० १०९) वुत्तानिसे याव संवण्णनापरियोसाना पत्थेति । अपि चेत्थ बुद्धस्स भगवतो पणामपूजाविधानं सम्मासम्बुद्धभावाधिगमत्थं **बुद्धयानं** पटिपज्जन्तानं उरस्साहं जनेति । लोकियलोकुत्तरभेदस्स, लोकुत्तरस्सेव वा सद्धम्मस्स पूजाविधानं पच्चेकबुद्धभावाधिगमत्थं **पच्चेकबुद्धयानं** पटिपज्जन्तानं उरस्साहं जनेति । सद्धम्मपटिवेधमत्ताभिलासिनो हि ते । परमत्थसङ्गपूजाविधानं परमत्थसङ्गभावाधिगमत्थं **सावकयानं** पटिपज्जन्तानं उरस्साहं जनेति, मङ्गलादीनि वा सात्थानि अनन्तरायानि चिरद्वितिकानि बहुमतानि च भवन्तीति एवंलद्धिकानं चित्तपरितोसनत्थं “पूजा च पूजनेय्या”न्ति भगवता पसत्थमङ्गलं करोति । वुच्चते च —

“मङ्गलं भगवा बुद्धो, धम्मो सङ्गो च मङ्गलं ।

मङ्गलादीनि सात्थानि, सीधं सिज्झन्ति सब्बसो ॥

“सत्थु पूजाविधानेन, एवमादी बहू गुणे ।

लभतीति विजानन्तो, सत्थुपूजापरो सिया”ति ॥



एत्थ च सत्थुपधानत्ता धम्मसङ्गानं पूजाविधानं सत्थुपूजाविधानमिच्चेव दट्ठब्बं सासनतो लोकतो च । तेनेतं वुच्चति —

“सत्था”ति धम्मो सुगतेन वुत्तो ।  
निब्बानकाले यमतो स सत्था ।  
सुवत्थिगाथासु “तथागतो”ति ।  
सङ्गो च वुत्तो यमतो स सत्था ॥

किञ्च भिय्यो —

धम्मकायो यतो सत्था, धम्मो सत्था ततो मतो ।  
धम्मट्ठितो सो सङ्गो च, सत्थुसङ्ख्यं निगच्छति ॥

सन्ति हि लोके वत्तारो कोसगतं असिं गहेत्वा ठितं पुरिसं विसुं अपरामसित्वा “असिं गहेत्वा ठितो एसो”ति । तेनेवाह चारियमात्रच्चेवा —

“नमत्थु बुद्धरत्नाय, धम्मरत्नाय ते नमो ।  
नमत्थु सङ्गरत्नाय, तिरत्नसमवानयी”ति ॥

अपिच सब्बधम्मेषु अप्पटिहतजाणनिमित्तानुत्तरविमोक्खपातुभावाभिसङ्गातं खन्धसन्तानमुपादाय “बुद्धो”ति यदि पुज्जापियति, धम्मो पणामारहोति का एव कथा, सङ्गो च “सङ्गे गोतमि देहि, सङ्गे ते दिन्ने अहञ्चेव पूजितो भविस्सामि सङ्गो चा”ति वुत्तत्ता भाजनन्ति दीपेति । अथ वा “बुद्धसुबोधितो धम्मो आचरियपरम्पराय सुवण्णभाजने पक्खित्ततेलमिव अपरिहापेत्वा यावज्जतना आभतत्ता एव मादिसानम्पि सोतद्वारमनुप्पत्तो”ति सङ्गस्स आचरियो अतीव आदरेन पणामं करोति “सिरसा नमामी”ति ।

एवं अनेकविधं पणामप्योजनं वदन्ति, आचरियेन पन अधिप्पेतप्योजनं अत्तना एव वुत्तं “इच्चेवमच्चन्तनमस्सनेय्य”न्ति आदिना चतुत्थगाथाय । इच्चेवन्ति एत्थ इति-सदो रतनत्तयपूजाविधानपरिसमत्तत्थो । यदि एवं यथाविहितमत्तमेव पूजाविधानं अरहति रतनत्तयं, न ततो उद्भन्ति आपज्जतीति अनिट्ठप्पसङ्गनिवारणत्थं “एवमच्चन्तनमस्सनेय्य”न्ति आह । तत्थ एवन्ति इमिना यथावुत्तविधिं दस्सेति । यथावुत्तेन विधिना, अज्जेन वा तादिसेन अच्चन्तमेव मुहुत्तमपि अट्ठत्वा अभिक्खणं निरन्तरं नियमेन नमस्सनारहं नमस्समानस्स हितमहप्फलकरणतोति अत्थो । एवंविधं दुल्लभट्टेन महप्फलट्टेन च सिद्धं रतनभावं रतनत्तयं नमस्समानो यं पुज्जाभिसन्दं अलत्थं अलभिं । अकुसलमलं तदङ्गादिप्पहानेन पुनातीति पुज्जं । किलेसदरथप्पटिप्पस्सद्धिया सीतलत्ता चित्तं अभिसन्देतीति अभिसन्दो । पुज्जञ्च तं अभिसन्दो चाति पुज्जाभिसन्दो, तं पुज्जाभिसन्दं । गण्ठपदे पन “पुज्जमहत्तं”न्ति भणन्ति, “विपुल”न्ति वचनतो सो अत्थो न युज्जतीति आचरियो । अथ वा पुज्जानं अभिसन्दो पुज्जाभिसन्दो, तं पुज्जाभिसन्दं । सन्द सवनेति धातु । तस्मा पुज्जसोतं पुज्जुस्सयन्ति अत्थो युज्जति, तं पन विपुलं, न परित्तन्ति दस्सितं विपुल-सदेन ।

पञ्चमगाथा यस्मिं विनयपिटके पाळितो च अत्थतो च अनूनं लज्जीपुग्गलेसु पवत्तनट्टेन ठिते सकलं तिविधम्पि सासनं तेस्वेव पुग्गलेसु पतिट्ठितं होति । कस्स सासनन्ति चे? अट्ठितस्स भगवतो । भगवा हि ठितिहेतुभूताय उच्छेददिट्ठिया अभावेन अट्ठितोति वुच्चति । उच्छेददिट्ठिको हि परलोके निरपेक्खो केवलं कामसुखल्लिकानुयोगमनुयुज्जन्तो तिट्ठति, न परलोकहितानि पुज्जानि कत्तुं ब्यावटो होति, सस्सतदिट्ठिको तानि कत्तुं आयूहति । भगवा पन तथा अतिट्ठन्तो अनायूहन्तो मज्झिमं पटिपदं पटिपज्जन्तो सयञ्च ओघं तरि, परे च तारेसि । यथाह “अप्पतिट्ठं ख्वाहं, आवुसो, अनायूहं ओघमतरि”न्ति (सं० नि० १.१) ।

चतुर्ब्रह्मविहारवसेन सत्तेसु सुट्टु सम्मा च ठितस्साति अत्थवसेन वा **सुसण्ठितस्स** । सुसण्ठितत्ता हेस केवलं सत्तानं दुक्खं अपनेतुकामो हितं उपसंहरितुकामो सम्पत्तिया च पमोदितो अपक्खपतितो च हुत्वा विनयं देसेति, तस्मा इमस्मिं विनयसंवण्णनाधिकारे सारुप्पाय थुतिया थोमेन्तो आह “सुसण्ठितस्सा”ति । **गण्ठपदे** पन “मनापिये च खो, भिक्खवे, कम्मविपाके पच्चुपट्टिते”ति (दी० नि० अट्ठ० २.३५; म० नि० अट्ठ० २.३८६) सुत्तस्स, “सुसण्ठाना सुरूपता”ति (खु० पा० ८.११) सुत्तस्स च वसेन सुसण्ठितस्साति अत्थो वुत्तो, सो अधिप्पेताधिकारानुरूपो न होति । **अमिस्सन्ति** किं विनयं अमिस्सं, उदाहु पुब्बाचरियानुभावन्ति? नोभयम्पि । अमिस्सा एव हि विनयट्ठकथा । तस्मा भावनपुंसकवसेन अमिस्सं तं वण्णयिस्सन्ति सम्बन्धो । **पुब्बाचरियानुभावन्ति** अट्ठकथा “यस्मा पुरे अट्ठकथा अकंसू”ति वचनतो तेसं आनुभावो नाम होति । किञ्च अपुब्बं दिस्वा सन्ति हि लोके वत्तारो “कस्सेस आनुभावो”ति । अथ वा भगवतो अधिप्पायं अनुगन्त्वा तंतं पाठे अत्थं भावयति विभावयति, तस्स तस्स वा अत्थस्स भावना विभावनाति आनुभावो वुच्चति अट्ठकथा ।

पुब्बाचरियानुभावे सति किं पुन तं वण्णयिस्सन्ति इमिना आरम्भेनाति ततो वुच्चन्ति छट्ठसत्तमट्ठमनवमगाथायो । तत्थ अरियमग्गजाणम्बुना निद्धोतमलत्ता विसुद्धविज्जेहि, तेनेव निद्धोतासवत्ता विसुद्धपटिसम्भिदेहि, विसुद्धपटिसम्भिदत्ता च सद्धम्मसंवण्णनकोविदेहीति योजना वेदितब्बा । केचि “पुब्बाचरियाति वुत्ते लोकाचरियापि, सासने राहुलाचरियादयोपि सङ्गहन्ति, ते अपनेतुं कामज्यातिआदि वुत्त”न्ति वदन्ति । “तं वण्णयिस्स”न्ति वुत्तत्ता पुब्बट्ठकथाय ऊनभावो दस्सितोति चे? न, चित्तेहि नयेहि संवण्णितोति दस्सेतुं “**कामज्या**”तिआदि वुत्तं । सद्धम्मं संवण्णेतुं कोविदेहि, ताय संवण्णनाय वा कोविदेहि **सद्धम्मसंवण्णनकोविदेहि** ।

**सल्लेखिये**ति किलेसजातं बाहुल्लं वा सल्लिखति तनुं करोतीति सल्लेखो, सल्लेखस्स भावो सल्लेखियं, तस्मिं सल्लेखिये । **नोसुलभूपमेही**ति असुलभूपमेहि । **महाविहारस्साति** महाविहारवंसस्स । पज्जाय अच्चुग्गतट्ठेन धजो उपमा एतेसन्ति धजूपमा, तेहि **धजूपमेहि** । सम्बुद्धवरं अनुअयेहि अनुगतेहि **सम्बुद्धवरन्वयेहि**, बुद्धाधिप्पायानुगेहीति अधिप्पायो । इध वर-सद्वो “सामं सच्चानि बुद्धत्ता सम्बुद्धो”ति वचनतो पच्चेकबुद्धापि सङ्गहन्ति । तस्मा ते अपनेतुं वुत्तो ।

अट्ठकथाय ऊनभावं दस्सेत्वा इदानी अत्तनो करणविसेसं तस्स पयोजनञ्च दस्सेतुं “**संवण्णना**”तिआदिमाह । **न किञ्चि अत्थं अभिसम्भुणातीति** किञ्चि पयोजनं फलं हितं न साधेतीति अत्थो “न तं तस्स भिक्खुनो किञ्चि अत्थं अनुभोती”तिआदीसु (पारा० ५३८) विय । **अज्झेसनं बुद्धसिरिक्खयस्साति** इमिना यस्मा सहम्पतिब्रह्मना अज्झिट्ठेन धम्मो देसितो भगवता, सारिपुत्तस्स अज्झेसनं निस्साय विनयो पज्जतो, तस्मा अयम्पि आचरियो तं आचरियवत्तं पूजेन्तो इमं संवण्णनं बुद्धसिरित्थेरस्स याचनं निस्साय अकासीति दस्सेति । **समनुस्सरन्तो**ति तस्साभावं दीपेति आदरञ्च ।

ततो परं द्वे गाथायो कत्तब्बविधिदस्सनत्थं वुत्ता । तेन तासु अट्ठकथासु वुत्तविनिच्छयपच्चयविमतिं विनोदेति, एकट्ठकथाय कुसलस्स वा “अयं नयो अट्ठकथायं नत्थी”ति पटिक्खेपं निवारति, अयुत्तत्थपरिच्चागेन तत्थ अभिनिविट्ठानं अभिनिवेसं परिच्चजापेति, थेरवाददस्सनेन विनयविनिच्छयं पति विनयधरानं कारणोपपत्तितो उहापोहक्कमं दस्सेति, अयुत्तत्थेरवादपटिक्खेपेन पुग्गलप्पमाणतं पटिक्खिपतीति इमे चानिसंसा कत्तब्बविधिदस्सनेन दस्सिता होन्ति । संवण्णनं तज्ज समारभन्तो तस्सा संवण्णनाय महाअट्ठकथं सरीरं कत्वा समारभिस्सं, महापच्चरियम्पि यो वुत्तो विनिच्छयो, तथेव कुरुन्दीनामादीसु लोके विस्सुतासु अट्ठकथासु च यो वुत्तो विनिच्छयो, ततोपि विनिच्छयतो महाअट्ठकथानयेन, विनययुत्तिया वा युत्तमत्थं तस्स सरीरस्स अलङ्कारं विय गणहन्तो समारभिस्सं । किं संवण्णनमेव, न अज्जन्ति दस्सनत्थं पुन संवण्णनागहणं । अथ वा अन्तो गधत्थेरवादं संवण्णनं कत्वा समारभिस्सन्ति योजना वेदितब्बा । थेरवादा हि बहिअट्ठकथाय विचरन्ति । एत्थ **आदि-सद्वेन** चूळपच्चरिअन्धकअरियट्ठकथापन्नवारादयोपि सङ्गहिता । तत्थ **पच्चरी** नाम सीहळभासाय उळुम्पं किर, तस्मिं निसीदित्वा कतत्ता तमेव नामं जातं । कुरुन्दीवल्लिविहारो नाम अत्थि, तत्थ कतत्ता **कुरुन्दी** नाम जाता ।

**सम्म समारभिस्सन्ति** कत्तब्बविधानं सज्जेत्वा अहं ठितो, तस्मा **तं मे निसामेन्तूति** गाथाय तं संवण्णनं मे मम, मया वा वुच्चमानन्ति पाठसेसो। **निसामेन्तु** पस्सन्तु पज्जाचक्खुना सुणन्तु वा सद्भावीरियपीतिपामोज्जाभिसङ्खारेण सङ्खरित्वा पूजयन्ता **सक्कच्चं धम्मं**। कस्स धम्मं? **धम्मपदीपस्स तथागतस्स**। किं दस्सेति? पदीपट्टानियो हि धम्मो हिताहितप्पकासनतो, पदीपधरट्टानियो धम्मधरो तथागतो, तस्मा परिनिब्बुतेपि तस्मिं तथागते तत्थ सोकं अकत्वा सक्कच्च धम्मं पटिमानयन्ता निसामेन्तूति दस्सेति। अथ वा “धम्मकाया तथागता”ति (दी० नि० ३.११८) वचनतो धम्मो च सो पदीपो चाति **धम्मपदीपो**, भगवा।

यो धम्मविनयो यथा बुद्धेन वुत्तो, सो तथेव बुद्धपुतेहि सावकेहि **जातो** अवबुद्धो, येहि **तेसं** बुद्धपुत्तानं **मतिं** अधिप्पायं **अच्चजन्ता** निरवसेसं गणहन्ता। **पुरेति** पुरा, पोरणत्थेरा वा। **अट्ठकथा**ति अट्ठकथायो, उपयोगबहुवचनं।

यं अत्थजातं अट्ठकथासु वुत्तं, तं सब्बम्पि पमादलेखकानं पमादलेखमत्तं वज्जयित्वा। किं सब्बेसम्पि पमाणं? न, किन्तु सिक्खासु सगारवानं इध विनयमिह पण्डितानं, महाअट्ठकथायं पन सच्चोपि अलिकेपि दुक्कटमेव वुत्तं, तं पमादलेखन्ति वेदितब्बं। पमादलेखं वज्जयित्वा पमाणं हेस्सतीति सम्बन्धो।

**ततो चाति** अट्ठकथासु वुत्तअत्थजाततो **तन्तिक्कमं** पाळिक्कमं। सुत्तन्ता सुत्तावयवा। अन्तोति हिदं अब्भन्तरावयवसम्भावनादीसु दिस्सति। सुत्तन्तेसु भवा सुत्तन्तिका, तेसं **सुत्तन्तिकानं**, सुत्तन्तगन्थेसु आगतवचनानन्ति अत्थो। अथ वा अमीयतीति अन्तो, साधीयतीति अधिप्पायो। केन साधीयति? सुत्तेन, सुत्तस्स अन्तो सुत्तन्तो, को सो? सो सो अत्थविकप्पो, तस्मिं सुत्तन्ते नियुत्तानि वचनानि सुत्तन्तिकानि। तेसं **सुत्तन्तिकानं** वचनानमत्थं। तस्स तस्स आगमसुत्तस्स अभिधम्मविनयसुत्तस्स चानुरूपं परिदीपयन्ती, अयं तावेत्थ समासतो अत्थविभावना – “इतिपि सो भगवा”तिआदीनं (सं० नि० २.४१; ५.४७९; अ० नि० ६.१०; पारा० १) सुत्तन्तिकानं वचनानमत्थं आगमसुत्तन्तानुरूपं। “विवादाधिकरणं सिया कुसलं सिया अकुसलं सिया अब्याकत”न्ति (चूळव० २२०) एवमादीनं अभिधम्मसुत्तन्तिकानं वचनानमत्थं अभिधम्मसुत्तन्तानुरूपन्ति एवमादि। **हेस्सतीति** भविस्सति, करीयिस्सतीति अधिप्पायो। **वण्णनापीति** एत्थ अपि-सद्धो सम्पिण्डनत्थो, सो तस्माति पदेन योजेतब्बो। कथं? पण्डितानं पमाणत्तापि वित्थारमग्गस्स समासितत्तापि विनिच्छयस्स असेसितत्तापि तन्तिक्कमस्स अवोक्कमितत्तापि सुत्तन्तिकवचनानं सुत्तन्तट्ठकथानुरूपं दीपनतोपि तस्मापि सक्कच्चं अनुसिक्खितब्बाति। एत्थ “तन्तिक्कमं अवोक्कमित्वा”ति वचनेन सिद्धेपि “अट्ठकथाचरिया वेरञ्जकण्डादीसु ‘सुत्तन्तिकानं भारो’ति गता, मयं पन वत्ताव गमिस्सामा”ति दस्सेतुं “सुत्तन्तिकान”न्ति वुत्तं किर।

गन्थारम्भकथावण्णना निड्डिता।

### बाहिरनिदानकथावण्णना

तदङ्गविनयादिभेदेन विनयस्सबहुत्ता विनयो ताव ववत्थपेतब्बो। “बुद्धेन धम्मो विनयो च वुत्तो”ति पुब्बे वुत्तत्ता इदानि “वुत्तं येना”ति न वत्तब्बन्ति चे? तस्स एवमादिवचनं सन्धाय वुत्तन्ति सम्बन्धो। **धारितं येन चाभतं। यत्थप्पतिट्ठितञ्चेतन्ति** वचनं सकलम्पि विनयपिटकं सन्धाय वुत्तं। **अत्तपच्चक्खवचनं न होतीति** आहच्च भासितं न होतीति अधिप्पायो। न हि भगवतो अतीतादीसु अप्पच्चक्खं किञ्चि अत्थि। यदि अत्तपच्चक्खवचनं न होति, पदसोधम्मापत्तिं न जनेय्याति चे? न, सावकभासितस्सपि पदसोधम्मापत्तिजननतो। नियमाभावा अतिप्पसङ्गोति चे? न, पदसोधम्मसिक्खापदट्ठकथायं “सङ्गीतित्तयं आरुळ्हो”ति विसेसितत्ता। तथा अट्ठकथायम्पि सङ्गीतिं आरुळ्हत्ता “खन्धानञ्च पटिपाटि...पे... संसारोति पवुच्चती”ति (ध० स० अट्ठ० निदानकथा; विभ० अट्ठ० २२६ सङ्खारपदनिद्वेस) एवमादिवचनं, यञ्च सङ्गीतिआरुळ्हक्कमानुगतं, तं पदसोधम्मापत्तिं जनेतीति आयस्मा उपतिस्सो।

## पठममहासङ्गीतिकथावण्णना

**पठममहासङ्गीति नाम चाति** एत्थ च-सद्दो अतिरेकत्थो, तेन अज्जापि अत्थीति दीपेति । तम्पि सालवनं उपगन्त्वा मित्तसुहज्जे अपलोकेत्वा निवत्तनतो **उपवत्तनन्ति** पाकटं जातं किर । **यमकसालानन्ति** एका किर सालपन्ति सीसभागे, एका पादभागे । तत्रापि एको तरुणसालो सीसभागस्स आसन्ने होति, एको पादभागस्स, मूलखन्धविटपपत्तेहि अज्जमज्जं संसिब्बित्वा ठितसालानन्तिपि वुत्तं । **अनुपादिसेसाय निब्बानधातुयाति** इत्थम्भूतलक्खणे करणवचनं “कतकिच्चो पीतिज हास चेतो अवेरमुखेनाभतकुण्डलेना”ति आदीसु विय । परिनिब्बाने परिनिब्बानहेतु, तस्मिं ठाने वा मा सोचित्थ चित्तेन, मा परिदेवित्थ वाचाय “परिदेवनं विलाप”न्ति वचनतो । **महासमणेनाति** निस्सक्कत्थे करणवचनं । सूरियं सूभि पटुकरा भा रणिस्स ताणा इत्यत्रेव । यज्ज भगवतो अनुगहं, तस्स अनुगहस्साति आचरिया । एकच्चे पन “यं यस्मा अहं अनुगहिता”ति वदन्ति । **निब्बसनानीति** निद्धितवसनकिच्चानि, मया परिभुज्जित्वा अपनीतानि । यदि सुयुत्तानि धारेस्ससीति पुच्छति, कवचसदिसानि साणानि । इस्सरियसदिसा नव अनुपुब्बविहारादयो । अट्ठ समापत्तियो निरोधसमापत्ति च पटिलाभक्कमेन “**अनुपुब्बविहारा**”ति वुत्ता ।

अनागते सन्निकट्टे, तथातीते चिरन्तने ।

कालद्वयेपि कवीहि, पुरासद्दो पयुज्जते ॥

सत्थुसासनमेव परियत्ति सत्थुसासनपरियत्ति, सा सुत्तगोय्यादिवसेन नवङ्गा । तिपिटकमेव सब्बपरियत्तिष्पभेदं धारेन्तीति **तिपिटकसब्बपरियत्तिष्पभेदधरा** । “विना न सक्का”ति न वत्तब्बं “तिपिटकसब्बपरियत्तिष्पभेदधरे”ति वुत्तत्ता, एवं सन्तेपि अत्थि विसेसो तेहि सम्मुखापि असम्मुखापि सुत्तं, थेरेन पन असम्मुखापटिगहितं नाम नत्थीति । **न वायन्ति** एत्थ वाति विभासा, अज्जासिपि न अज्जासिपीति अत्थो । **तत्र** उच्चिनने । बहुसद्दो विपुल्लत्थो “अनन्तपारं बहु वेदितब्बमित्थ”त्रेव । पुब्बे “तिपिटकसब्बपअयत्तिष्पभेदधरे”ति वुत्तत्ता “बहु चानेन...पे०... परियत्तो”ति न युज्जतीति चे? न, तिपिटकस्स अनन्तत्ता, तस्मा अम्हे उपादाय तेन बहु परियत्तोति अधिप्पायो । इतरथा आनन्दत्थेरो तेहि अप्पस्सुतोति आपज्जति, “असम्मुखा पटिगहितं नाम नत्थी”ति वचनविरोधो च । **अट्ठमासो अतिक्कन्तोति** एत्थ एको दिवसो नट्ठो, सो पाटिपददिवसो, कोलाहलदिवसो नाम सो, तस्मा इध न गहिता । संवेगवत्थुं कित्तेत्वा कीळनतो **साधुकीळनं** नाम । **स्वेपीति अपि**-सद्दो अपेक्खामन्तानुज्जाय । सुभसुत्तं “अचिरपरिनिब्बुते भगवती”ति (दी० नि० १.४४४) वुत्तत्ता चतुरासीतिधम्मक्खन्धसहस्सेसु अन्तो गधं न होतीति चे? न, भगवतो काले लद्धनयत्ता कथावत्थु विय । छड्डिता पतिता उक्त्तापा **छड्डितपतितउक्त्तापा** । आणा एव अप्पटिहतट्टेन चक्कन्ति **आणाचक्कं** । एकतो एत्थ निपतन्तीति **एकनिपातनं** । **आकासेन आगन्त्वा निसीदीति एकेति** एतं दुतियवारे गमनं सन्धायाति आयस्मा उपतिस्सो । पठमं वा आकासेन गन्त्वा परिसं पत्वा भिक्खुपन्तिं अपीळेन्तो पथवियं निमुज्जित्वा आसने एव अत्तानं दस्सेसि । उभयथा च आपाथं गतो, तेन उभयम्पि युज्जति, अज्जथा द्वीसु एकं अभूतं आपज्जति ।

**अथ खो आयस्मा महाक्कस्सपो आयस्मन्तं उपालिं पुच्छि...पे०... आयस्मा उपालित्थेरो विस्सज्जेसीति** इदं पुब्बे “पठमं आवुसो उपाली”ति आदिना (चूळव० ४३९) वुत्तपुच्छाविस्सज्जनं सङ्घिपित्वा सङ्गीतिकारकेहि दस्सितवचनन्ति **गण्ठपदे** लिखितं । तथा होतु, किमत्थं पनेत्थ “निदानम्पि पुच्छि, पुग्गलम्पि पुच्छि, वत्थुम्पि पुच्छी”ति एवं पुब्बे दस्सितानुक्कमेन अवत्वा “वत्थुम्पि पुच्छि, निदानम्पि पुच्छि, पुग्गलम्पि पुच्छी”ति एवं अनुक्कमो कतोति? “वत्थुमूलकत्ता सिक्खापदपज्जत्तिया उप्पटिपाटिया वुत्त”न्ति वदन्ति एके । एत्थ पन विचारणा वेरज्जकण्डे सम्पत्ते करीयति । **राजागारकेति** एवं नामके उय्याने । अभिरमनारहं किर राजागारम्पि । तत्थ, यस्स वसेनेतं एवं नामं लभति । अथ खो “आयस्मा महाक्कस्सपो”ति आदिना पुब्बे वुत्तमेव सङ्घिपित्वा दस्सेति सङ्गीतिकारको वसीगणो । यदि एवं यथा निदानम्पि पुच्छि, पुग्गलम्पि पुच्छीति एत्थ पुच्छाक्कमो दस्सितो, तथा आनन्दत्थेरोस्स विस्सज्जनक्कमोपि किमत्थं न दस्सितोति चे? इमिनानुक्कमेन सङ्गहं पज्जपि निकाया अनारुळ्हाति दस्सनत्थं । कथं पन आरुळ्हाति? आयस्मा महाक्कस्सपो पज्जपि निकाये अनुक्कमेनेव पुच्छि, आनन्दत्थेरो पन अनुक्कमेनेव पुच्छितम्पि अपुच्छितम्पि तस्स तस्स सुत्तस्स सभावं अन्तरा उप्पन्नं वत्थुं उद्देसनिद्देसक्कमं मातिकाविभङ्गक्कमन्ति एवमादिसब्बं अनुरूपवचनं पक्खिपित्वा

विस्सज्जेसि, तेनेवाह “एतेनेव उपायेन पञ्चपि निकाये पुच्छी”ति। अथ वा “अम्बलट्टिकायं राजागारके”ति वत्तब्बे “राजागारके अम्बलट्टिकाय”न्ति उप्पटिपाटिवचनेनपि इममत्थं दीपेति। “अम्बलट्टिकायं विहरति राजागारके”ति हि वुत्तं।

गहकारन्ति इमस्स अत्तभावोहस्स कारकं तण्हावड्ढिकं गवेसन्तो येन जाणेन सक्का सो दड्ढं, तस्सत्थाय दीपङ्करपादमूले कताभिनीहारो एत्तकं कालं अनेकजातिसंसारं तं जाणं अविन्दन्तो विचरन्ति अत्थो। **दुक्खा जाति पुनप्पुनन्ति** इदं गहकारकगवेसनस्स कारणवचनं। **सब्बा ते फासुका**ति तव सब्बा अनवसेसकिलेसफासुका मया भग्गा। **गहकूटं** नाम अविज्जा। सोमनस्ससहगतं जाणं **सोमनस्समयं**। न हि सोमनस्समयं जाणं खन्धसभावभेदतो। **दळ्हीकम्मसिथिलकरणप्पयोजना**ति येभुय्यताय वुत्तं, तं पन तत्थ तत्थ पकासयिस्साम। **अज्जमज्जसङ्करविरहिते धम्मे च विनये चा**ति एत्थ पाणातिपातो अकुसलन्ति एवमादीसु मरणाधिप्पायस्स जीवितिन्द्रियुपच्छेदकप्पयोगसमुट्ठापिका चेतना अकुसलं, न पाणसङ्घातजीवितिन्द्रियस्स उपच्छेदकसङ्घातो अतिपातो। तथा अदिन्नस्स परसन्तकस्स आदानसङ्घाता विज्जति अब्याकतो धम्मो, तब्बिज्जत्तिसमुट्ठापिका थ्येय्यचेतना अकुसलो धम्मोति (पट्ठा० १.१.२७) एवमादिना अज्जमज्जसङ्करविरहिते धम्मे पटिबलो विनेतुं। जातरूपरजतं परसन्तकं थ्येय्यचित्तेन गणहन्तस्स यथावत्थुं पाराजिकथुल्लच्चयदुक्कटेषु अज्जतरं, भण्डागारिकसीसेन दिव्यमानं गणहन्तस्स पाचित्तियं, अत्तत्थाय गणहन्तस्स निस्सगियं पाचित्तियं, केवलं लोलताय गणहन्तस्स अनामासदुक्कटं, रूपियछड्ढकसम्मत्तस्स अनापत्तीति एवं अज्जमज्जसङ्करविरहिते विनयेपि पटिबलो विनेतुन्ति अत्थो। **भावेतीति** वड्ढेति, एतेन फलवसेन जवनवसेन च चित्तस्स वुद्धिं दस्सेति। “अविसिड्ढ”न्ति पाठो, साधारणन्ति अत्थो।

देसेन्तस्स वसेनेत्थ, देसना पिटकत्तयं।  
सासितब्बवसेनेतं, सासनन्तिपि वुच्चति॥

कथेतब्बस्स अत्थस्स, वसेनापि कथाति च।  
देसना सासना कथा, भेदम्पेवं पकासये॥

सासनस्स नपुंसकत्ता “**यथा...पे०... धम्मसासनानी**”ति वुत्तं। **दुच्चरितसंकिलेसं** नाम अत्थतो चेतना, तथाकारप्पवत्तचित्तुप्पादो वा। अनिच्चादिलक्खणं पटिविज्झित्वा पवत्तत्ता विपस्सनाचित्तानि विसयतो लोकियाभिसमयो असम्मोहतो लोकोत्तरो, लोकोत्तरो एव वा अभिसमयो विसयतो निब्बानसङ्घातस्स अत्थस्स, इतरस्स मग्गादिकस्स असम्मोहतोतिपि एके। एत्थ “पटिवेधो”ति वुत्तं जाणं, तं कथं गम्भीरन्ति चे? गम्भीरस्स उदकस्स पमाणग्गहणकाले दीघेन पमाणेन भवितब्बं, एवं अलब्भनेय्यभावदस्सनत्थं इदानीति वुत्तन्ति एके। **यस्स चत्थाय** मग्गफलत्थाय। **तज्ज अत्थं नानुभोन्ति** नाधिगच्छन्ति कज्जि अत्तना अधिप्पेतं, इतिवादपमोक्खञ्च। कस्मा? अत्थस्स अनुपपरिक्खित्वा गहितत्ता। अधिगतफलत्ता **पटिविद्धाकुप्पो**। पुन खीणासवग्गहणेन अरहन्तमेव दस्सेति, न सेक्खं। सो हि यथा भण्डागारिको रज्जो कटकमकुटादिं गोपेत्वा इच्छतिच्छितक्खणे उपनेति, एवं सहेतुकानं सत्तानं मग्गफलत्थाय धम्मं देसेसि। तासंयेव तत्थ विनयपिटके पभेदतो वुत्तत्ता, वायमित्त्वा ता एव पापुणातीति आचरिया। किमत्थं तिस्सोव विज्जा तत्थ विभत्ताति? सीलसम्पत्तिया एतपरमुपनिस्सयभावतो। “अपरेहिपि सत्तहङ्गेहि समन्नागतो भिक्खु विनयधरो होति। आपत्तिं जानाति, अनारपत्तिं, लहुकं आपत्तिं, गरुकं आपत्तिं, अनेकविहितं पुब्बेनिवासं अनुस्सरति...पे०... दिब्बेन चक्खुना विसुद्धेन अतिक्कन्तमानुसकेन सत्ते पस्सति...पे०... आसवानञ्च खया...पे०... उपसम्पज्ज विहरती”ति (परि० ३२७) सुत्तमेत्थ साधकं। विनयं परियापुणित्वा सीलसम्पत्तिं निस्साय आसवक्खयजाणेन सहेव विय दिब्बचक्खुपुब्बेनिवासानुस्सतिजाणानि पटिलभति। विसुं एतेसं परिकम्मकिच्चं नत्थीति दस्सनत्थं तासंयेवाति वुत्तन्ति च वदन्ति एके। अभिधम्मे पन तिस्सोविज्जा छ अभिज्जा चतस्सो च पटिसम्भिदा अज्जे च सम्पप्पधानादयो गुणविसेसा विभत्ता। किज्वापि विभत्ता, तथापि विसेसतो पज्जाजातिकत्ता चतस्सो पटिसम्भिदा पापुणातीति दस्सनत्थं **तासं तत्थेवा**ति अवधारणविपल्लासो कतो। अत्तना दुग्गहितेन धम्मेनाति पाठसेसो। कत्तरि चेतं करणवचनं, हेतुत्थे च, अत्तना दुग्गहितहेतूति अधिप्पायो। **कस्मा पना**ति “अनुलोमिको”ति वुत्तत्थं दीपेति।

पठममहासङ्गीतिकथावण्णनानयो ।

### दुतियसङ्गीतिकथावण्णना

**पन्नभाराति** पतितकखन्धभारा । “भारा हवे पञ्चकखन्धा”ति (सं० नि० ३.२२) हि वुत्तं । “सम्मुखा भविस्साम न भविस्सामा”ति वत्तारो । तेसु दहरा किर । **जम्मिन्ति** लामकं ।

दुतियसङ्गीतिकथावण्णनानयो ।

### ततियसङ्गीतिकथावण्णना

**ब्रह्मलोका चवित्वाति** एत्थ चत्तारो मग्गा पञ्चानन्तरियानि नियतमिच्छादिद्वीति इमेयेव नियता, न महग्गता, तस्मा पणिधिवसेन हेट्ठुपपत्तिपि होति । **अतिच्छथाति** अतिच्च इच्छथ, गन्त्वा भिक्खं परियेसथाति अधिप्पायो । **केटुभं** नाम कव्यकरणविधियुत्तं सत्थं । किरियाकप्पं इत्येके, कत्ताख्यादिलकखणयुत्तसत्थं । **असन्धिमित्ताति** तस्सा नामं । तस्सा किर सरीरे सन्धयो न पञ्जायन्ति, मधुसिस्थकेन कतं विय सरीरं होति । तस्मा “एवंनामिका जाता”तिपि वदन्ति । मागधकेन पत्थेन चत्तारो पत्था आळ्हकं, चत्तारि आळ्हकानि दोणं, चतुदोणा मानिका, चतुमानिका खारिका, वीसतिखारिको वाहोति । **केथुमालाति** “सीसतो उट्ठित्वा ठितो ओभासपुज्जो”ति वदन्ति । राजिद्धिअधिकारप्पसङ्गेनेतं वत्थु वुत्तं, नानुक्कमेन । अनुक्कमेन पन बुद्धसासनावहारं वत्थुं दीपेन्तो “**राजा किरा**”तिआदिमाह । किलेसदमनेन **दन्तं** । कायवाचाहि **गुत्तं** । “पाचीनमुखो”तिपि पाठो अत्थि । पुब्बे जेट्ठुभातिकत्ता तेनेव परिचयेन पत्तग्गहणत्थाय आकारं दस्सेति । **अभासीति** “भासिस्सामी”ति वितक्केसि । अपरे “अज्जातन्ति वुत्तेपि सब्बं अभणी”ति वदन्ति । **अमतन्ति** निब्बानसङ्घाताय निवत्तिया सगुणाधिवचनं, तस्सा **अप्पमादो पदं** मग्गो । **मच्चूति** पवत्तिया सदोसाधिवचनं, तस्सा पमादो पदं मग्गोति एवं चत्तारि सच्चानि सन्दस्सितानि होन्ति । सङ्घसरणगतत्ता सङ्घनिस्सिता पब्बज्जा, भण्डुकम्मस्स वा तदायत्तत्ता । निग्रोधत्थेरस्सानुभावकित्तनाधिकारत्ता पुब्बे वुत्तम्पि पच्छा वत्तब्बम्पि सम्पिण्डेत्वा आह “पुन राजा असोकारामं नाम महाविहारं कारेत्वा सट्ठिसहस्सानि...पे०... चतुरासीतिविहारसहस्सानि कारापेसी”ति । “पुथुज्जनकल्याणकस्स वा पच्चवेक्खितपरिभोगो”ति वचनतो सेक्खाव परमत्थतो दायादा, तथापि थेरो महिन्दकुमारस्स पब्बज्जत्थं एकेन परियायेन लोकधम्मसिद्धेन एवमाह “**यो कोचि महाराज...पे०... ओरसं पुत्तं**”न्ति । वुत्तज्झि वेदे

“अङ्गा अङ्गा सम्भवसि, हदया अधिजायसे ।

अत्ता वे पुत्तो नामासि, स जीव सरदोसत”न्ति ॥

तस्मा इमिना परियायेन ओरसो पुत्तो मातापितूहि पब्बजितो चे, अत्थतो ते सयं पब्बजिता विय होन्ति । धम्मकथिका कस्मा नारोचेन्ति? राजा “थेरं गण्हित्वा आगच्छथा”ति अमच्चे पेसेसि, धम्मकथिका थेरस्स आगमनकाले परिवारत्थाय पेसिता, तस्मा । अपिच तेन वुत्तविधिनाव वदन्ति चण्डत्ता, चण्डभावो चस्स “अम्बं छिन्दित्वा वेळुया वतिं करोही”ति वुत्तअमच्चवत्थुना विभावेतब्बो । कस्मा पन धम्मकथिका राजाणापनं करोन्तीति? “सासनं पग्गहेतुं समत्थो”ति वुत्तत्ता । **दीपकतित्तिरोति** कूटतित्तिरो । अयं पन कूटतित्तिरकम्मे नियुत्तोपि सुद्धचित्तो, तस्मा तापसं पुच्छि । **साणिपाकारन्ति** साणिपाकारेन । विभजित्वा वदतीति **विभज्जवादी** “अत्थि ख्वेस ब्राह्मण परियायो”तिआदिना (पारा० ५) । अपिच **सस्सतवादी** च भगवा “अत्थि, भिक्खवे, अजातं अभूतं असङ्गतं”न्तिआदि (इतिवु० ४३)-वचनतो । **एकच्चसस्सतिको** च “सप्पच्चया धम्मा, अप्पच्चया धम्मा”ति (ध० स० दुकमातिका ७) वचनतो । **अन्तानन्तिको** च —

“गमनेन न पत्तब्बो, लोकस्सन्तो कुदाचनं ।

न च अप्पत्वा लोकन्तं, दुक्खा अत्थि पमोचनं” ॥ (सं० नि० १.१०७; अ० नि० ४.४५) ।

“अनमतग्गोयं, भिक्खवे, संसारो पुब्बकोटि न पज्जायती”ति (सं० नि० २.१२४; चूळनि० कप्पमाणवपुच्छानिद्देस ६१) वचनतो । **अमराविकखेपिकपक्खम्पि** ईसकं भजति भगवा “सस्सतो लोकोति अब्बाकतमेतं असस्सतो लोकोति अब्बाकतमेतं”न्तिआदिअब्बाकतवत्थुदीपनतो सम्मुतिसच्चदीपनतो च । तज्झि अज्झत्तबहिद्वादिवसेन न वत्तब्बं । यथाह “आकिच्चज्जायतनं न वत्तब्बं अज्झत्तारम्मणन्तिपी”तिआदि (ध० स० १४३७) । तथा **अधिच्चसमुप्पन्निकपक्खम्पि** भजति “लद्धा मुधा निब्बुतिं भुज्जमाना”ति (खु० पा० ६.७; सु० नि० २३०) वचनतो । तत्थ हि मुधाति अधिच्चसमुप्पन्नवेवचनं । **सज्जीवादादिको** च भगवा सज्जीभवअसज्जीभवनेवसज्जीनासज्जीभववसेन । **उच्छेदवादी** च “अहज्झि, ब्राह्मण, उच्छेदं वदामि रागस्सा”ति (पारा० ६) वचनतो । **दिट्ठधम्मनिब्बानवादी** च “खीणा जाति, वुसितं ब्रह्मचरियं”न्ति (महाव० २३; दी० नि० २.२१५; सं० नि० ३.३५) वचनतो, “नत्थि दानि पुनब्भवो”ति (महाव० १६) वचनतो, दिट्ठेव धम्मे निरोधसमापत्तिदीपनतो च । एवं तेन तेन परियायेन तथा तथा वेनेय्यज्झासयानुरूपं विभजित्वा वदतीति विभज्जवादी भगवाति ।

ततियसङ्गीतिकथावण्णनानयो ।

**पुप्फनामो** सुमनत्थेरो । महापदुमत्थेरोति एके । महिसकमण्डलं **अन्धरट्टन्ति** वदन्ति । **धम्मचक्खु** नाम तयो मग्गा । सोतापत्तिमग्गन्ति च एके । पच्चपि रट्टानि **पच्च चीनरट्टानि** नाम । **राजगहेति** देविया कतविहारे । **सिलकूटम्हीति** पब्बतकूटे । **वड्डमानन्ति** अलङ्करणचुण्णं । अरियदेसे अतीव सम्मतं किर । एकरसेन नाथकरणा इति दमिळा । **सारपामङ्गन्ति** उत्तमं पामङ्गं । पेतवत्थुआदिना संवेजेत्वा अभिसमयत्थं सच्चसंयुत्तच्च । **मेघवनुय्यानं** नाम महाविहारट्टानं । “द्वासट्ठिया लेणेसू”ति पाठो । **दसभातिकन्ति** अभयकुमारादयो दस, ते इध न वुत्ता । **वुत्थवस्सो पवारत्त्वाति** चातुमासिनिया पवारणायाति अत्थो । पठमपवारणाय वा पवारत्त्वा एकमासं तत्थेव वसित्वा कत्तिकपुण्णमासियं अवोच, अज्जथा “पुण्णमायं महावीरो”ति वुत्तत्ता न सक्का गहेतुं । **महावीरोति** बुद्धोपचारेन धातुयो वदति । **जङ्घप्पमाणन्ति** “थूपस्स जङ्घप्पमाण”न्ति वदन्ति । **मातुलभागिनेय्या** चूळोदरमहोदरा । धरमानस्स विय बुद्धस्स रस्मि सरसरस्मि, रज्जो लेखासासनं अप्पेसि, एवच्च मुखसासनमवोच । दोणमत्ता मगधनाळिया द्वादसनाळिमत्ता किर । “परिच्छिन्नट्टाने छिज्जित्वा”ति पाठो । **सब्बदिसाहि पच्च रस्मियो आवट्टेत्वाति** पच्चहि फलेहि निक्खन्तत्ता पच्च, ता पन छब्बण्णाव । **कत्तिकजुण्हपक्खस्स पाटिपददिवसेति** जुण्हपक्खस्स पठमदिवसेति अत्थो । महाबोधिट्टाने परिवारेत्वा ठितनागयक्खादिदेवताकुलानि । **गोपका** नाम राजपरिकम्मिनो तथाभावकिच्चा । तेसं कुलानं नामन्तिपि केचि । उदकादिवाहा कालिङ्गा । कालिङ्गेषु जनपदेषु जातिसम्पन्नं कुलं कालिङ्गकुलन्ति केचि ।

**पठमपाटिपददिवसेति** दुतियउपोसथस्स पाटिपददिवसेति अत्थो । तत्थ ठितेहि समुद्दस्स दिट्ठत्ता तं ठानं समुद्दसालवत्थु । **सोळस जातिसम्पन्नकुलानि** अट्ठ ब्राह्मणामच्चकुलानि । महाअरिट्ठत्थेरो चेतियगिरिम्हि पब्बजितो । **अमच्चस्स परिवेणट्टानेति** सम्पत्तिकालवसेनाह । महिन्दत्थेरो द्वादसवस्सिको हुत्वा तम्बपण्णिदीपं सम्पत्तो, तत्थ द्वे वस्सानि वसित्वा विनयं पतिट्ठापेसि, द्वासट्ठिवस्सिको हुत्वा परिनिब्बुतो । **विनयो संवरत्थायाति** विनयपिटकं, तस्स परियापुणनं वा । यथाभूतजाणदस्सनं सप्पच्चयनामरूपपरिग्गहो । मग्गादिपच्चवेक्खणे असति अन्तरा परिनिब्बानं नाम नत्थि सेक्खस्स मरणं वा, सतियेव होति । तस्मा आह “**विमुत्तिजाणदस्सनं**”न्ति । **अनुपादापरिनिब्बानत्थायाति** कच्चि धम्मं अनुपादाय अग्गहेत्वा ईसकम्पि अनवसेसेत्वा परिनिब्बानत्थायाति अत्थो । **उपनिसाति** “विनयो संवरत्थाया”तिआदिका कारणपरम्परा । एत्तावता अत्तहितनिष्फत्तिं दस्सेत्वा इदानि परहितनिष्फत्तिं दस्सेतुं “**एतदत्थं सोतावधानं**”न्ति आह । तस्सत्थो — अत्तनो विनयकथनं विनयमन्तनञ्च उग्गहेतुं परेसं सोतस्स ओदहनं **सोतावधानं** । ततो उग्गहितविनयकथामन्तनानं तेसं उपनिसा यथावुत्तकारणपरम्परा सिद्धायेवाति न पुन दस्सिताति वेदितब्बा । अज्जथा एतदत्था उपनिसाति इमिना वचनेनेव अनुपादापरिनिब्बानस्स सङ्गहितत्ता अनुपादापरिनिब्बानतो उद्धं सोतावधानासम्भवतो एतदत्थं सोतावधानन्ति अन्ते न सम्भवतीति निरत्थकं भवेय्य, न च निरत्थकं परहितनिष्फत्तिया मूलकारणदस्सनत्थत्ताति वेदितब्बं ।

एवं यथा यथा यं यं, सम्भवेय्य पदं इध ।  
तं तं तथा तथा सब्बं, पयोजेय्य विचक्खणोति ॥

बाहिरनिदानकथावण्णना निड्ढिता ।

## पाराजिकवण्णना

### वेरञ्जकण्डो

#### वेरञ्जकण्डवण्णना

“तेन समयेन बुद्धो भगवा वेसालियं विहरति महावने कूटागारसालायं । तेन खो पन समयेन वेसालिया अविदूरे कलन्दगामो नाम होती”ति विनयनिदाने आरभितब्बे वेरञ्जकण्डस्स आरम्भो किमत्थोति चे? वुच्चते — मूलतो पभुति विनयनिदानं दस्सेतुं । यदि एवं “पठमं आवुसो उपालि पाराजिकं कत्थ पञ्चत्तन्ति, वेसालियं”न्ति वचनेन विरुज्झतीति चे? न विरुज्झति । कस्मा? कत्थ पञ्चत्तन्ति हि निदानपुच्छा । एवं सन्तेपि “पठमस्स पाराजिकस्स किंनिदानं”न्ति पुच्छिते साधारणमहानिदानविस्सज्जनं अयुत्तं वियाति? नायुत्तं, सब्बेसं सिक्खापदानं पाटेक्कं निदानस्स पुट्टत्ता तस्स विस्सज्जेतब्बत्ता च सब्बसाधारणमहानिदानं पठममाह । एकन्तेन पुच्छाविस्सज्जनक्कमेन पाराजिकादीनि सङ्गहं आरोपितानि । कथं आरोपितानीति चे? आयस्मता महाकस्सपेन अनुक्कमेन सब्बोपि विनयो पुच्छितो, पुट्टेन च आयस्मता उपालित्थेरेन यथासम्भवं निरन्तरं विस्सज्जितमेव । अपुच्छितानिपि विनीतवत्थुआदीनि युज्जमानानि वत्थूनि अन्तोक्त्वा विस्सज्जनक्कमेनेव गणसज्जायमकंसूति वेदितब्बं । अञ्जथा वेरञ्जकण्डं पठमपाराजिकस्सेव निदानन्ति वा अनधिकारिकं वा निष्पयोजनं वा पाटेक्कं सिक्खापदानिदानपुच्छानन्तरं तदेव विस्सज्जेतब्बन्ति वा आपज्जति, तस्मा आदितो पभुति विनयनिदानं दस्सेतुं “तेन समयेना”तिआदि आरब्धं ।

इदानीं निदानभण्णे पयोजनं वक्खाम — विनयस्सआणादेसनत्ता भगवतो ताव आणारहभावदीपनं, आणाभूतस्स च विनयस्स अनञ्जविसयभावदीपनं, आणाय ठितानं सावकानं महानुभावदीपनञ्चाति तिविधमस्स पयोजनं । कथं? आणासासनारहो हि भगवा पहीनकिलेसत्ता, अधिगतगुणविसेसत्ता, लोकजेट्टसेट्टत्ता, तादिभावप्पत्तत्ता च, अरसरूपतादीहि अट्ठहि अक्कोसवत्थूहि अकम्पनतो भगवतो तादिभावप्पत्ति वेदितब्बा, अट्ठन्नप्पि तेसं अक्कोसवत्थूनां अत्तनि सम्भवपरियायदीपनपाळिया पहीनकिलेसत्ता वेदितब्बा । चतुन्नं झानानं तिस्सन्नञ्च विज्जानं अधिगमपरिदीपनेन अधिगतगुणविसेसत्ता वेदितब्बा । “नाहं तं ब्राह्मण पस्सामि सदेवके...पे०... मुद्धापि तस्स विपतेय्या”ति च “जेट्टो सेट्टो लोकस्सा”ति च वचनेन जेट्टसेट्टत्ता वेदितब्बा, इदञ्च भगवतो आणारहभावदीपनपयोजनं । “आगमेहि त्वं सारिपुत्त, आगमेहि त्वं सारिपुत्त, तथागतोव तत्थ कालं जानिस्सती”ति वचनं अनञ्जविसयभावदीपनं । “साधाहं, भन्ते, पथविं परिवत्तेय्य”न्ति च “एकाहं, भन्ते, पाणिं अभिनिम्मिनिस्सामी”ति च “साधु, भन्ते, सब्बो भिक्खुसङ्घो उत्तरकुरुं पिण्डाय गच्छेय्या”ति च इमेहि थेरस्स तीहि सीहनादेहि आणाय ठितानं सावकानं महानुभावतादीपनं वेदितब्बं । सावत्थियादीसु अविहरित्वा किमत्थं भगवा वेरञ्जायमेव तदा विहासीति चे? नळेरुयक्खस्स पीतिसज्जननत्थं, भिक्खुसङ्घस्स भिक्खावसेन अकिलमनत्थं, वेरञ्जब्राह्मणस्स पसादसज्जननत्थं, महामोगल्लानत्थेरस्स आनुभावदीपनद्वानभूतत्ता, सारिपुत्तत्थेरस्स विनयपञ्चत्तियाचनहेतुभूतपरिवितक्कनद्वानभूतत्ता च । तेसु पच्छिमं बलवकारणं, तेन वुत्तं अट्ठकथायं “तेन समयेनाति येन कालेन आयस्मतो...पे०... तेन कालेना”ति । पुरिमेसु चतुसु असङ्गहकारणेषु पठमेन भगवा मेत्ताभावनादिना अमनुस्सानं चित्तसंरक्खणेन भिक्खूनां आदरं जनेति । दुतियेन परिसावचरेन भिक्खुना एवं परिसा सङ्गहेतब्बा, एवं अप्पिच्छेन सन्तुट्ठेन च भवितब्बन्ति वा दस्सेति । ततियेन पच्चये निरपेक्खेन कुलानुग्गहो कातब्बोति । चतुत्थेन एवं महानुभावेनापि पच्चयत्थं न लोलुपं कातब्बं, केवलं परदत्तपजीविना भवितब्बन्ति दस्सेति । “तेनातिआदिपाठस्स...पे०... विनयस्सत्थवण्णन”न्ति वचनतो अञ्जो तेनातिआदिपाठो, अञ्जो विनयो आपज्जति ।



“तेनातिआदिपाठम्हा, को अज्जो विनयो इध ।  
तस्सत्थं दस्सयन्तोव, करे विनयवण्णन”न्ति ॥ —

चे? ननु वुत्तं पुब्बेव “इदज्झि बुद्धस्स भगवतो अत्तपच्चक्खवचनं न होती”तिआदि, तस्मा उपालित्थेरेन वुत्तस्स तेनातिआदिपाठस्स अत्थं नानप्पकारतो दस्सयन्तो करिस्सामि विनयस्स भगवतो अत्तपच्चक्खवचनभूतस्स अत्थवण्णनन्ति एवमेत्थ अत्थो दट्ठब्बो । यदि एवं “तेन समयेन बुद्धो भगवा वेरज्जायं विहरतीति एवमादिवचनपटिमण्डितनिदानं विनयपिटकं केन धारित”न्तिआदिवचनं विरुज्झति “तेन समयेना”तिआदिवचनस्स विनयपिटकपरियापन्नभावदीपनतोति चे? न, अज्जत्थेपि तब्बोहारसिद्धितो “नानाविधभित्तिक्कम्मपटिमण्डितवसनो पुरिसो”तिआदीसु विय । विनयस्सादिभावेन सङ्गीतिकारकेहि अनुज्जातत्ता विनयपरियापन्नापि युज्जति तस्स वचनस्स । एत्थाह — यथा सुत्तन्ते “एकं समय”न्ति च, अभिधम्मे च “यस्मिं समये”ति अनियमतो वुत्तं, तथा अवत्वा इध “तेन समयेना”ति पठमं तंनिद्वेसोव कस्मा वुत्तोति? वुच्चते — तस्स तस्स सिक्खापदपज्जत्तिसमयस्स, यस्स वा सिक्खापदपज्जत्तिहेतुभूतस्स समयस्स हेतु भगवा तत्थ तत्थ विहासि, तस्स च समयस्स अतीतस्स तेसं सङ्गीतिकारकानं वसीनं सुविदितत्ता । कथं? “ये ते भिक्खू अप्पिच्छा ते उज्झायन्ती”तिआदिवचनतो, “अथ खो ते भिक्खू भगवतो एतमत्थं आरोचेसु”न्ति च “अथ खो भगवा एतस्मिं निदाने सन्निपातापेत्वा”ति च “भिक्खून् तदनुच्छविकं तदनु... पे०... दस अत्थवसे पटिच्च सङ्गसुद्धताया”ति च “एवञ्च पन, भिक्खवे, इमं सिक्खापदं उद्विसेय्याथा”ति च खन्धकेसु च “अनुजानामि, भिक्खवे, तीहि सरणगमनेहि पब्बज्ज”न्तिआदिविनयक्कमस्स वचनतो यो सो सिक्खापदपज्जत्तिसमयो, तस्स तस्स विनयक्कमस्स सो पज्जत्तिसमयो च सुविदितो तेसं पज्जसतानं धम्मधरानं भिक्खून्, नायं नयो सुत्तन्ताभिधम्मेसु सम्भवति । तस्मा सुविदितत्ता तेन समयेन हेतुभूतेन विहरतीति विहरतिपदेन एकसम्बन्धत्ता च पठमं यंनिद्वेसादिनो असम्भवतो च विनयपिटके तंनिद्वेसोव पठमं वुत्तो । कथं? एत्थ “येन खो पन समयेन वेसालिया अविदूरे कलन्दगामो नाम होती”ति वा “येन खो पन समयेन वेसाली...पे०... होती”ति वा असम्भवतो यंनिद्वेसेन अवत्वा तंनिद्वेसस्सेव सम्भवतो “तेन खो पन समयेन...पे०... कलन्दगामो नाम होती”ति वुत्तन्ति, केवलं सुविदितत्ता वा । **अनियमनिद्वेसवचनन्ति** एत्थ किञ्चापि यथावुत्तनयेन नियमनिद्वेसवचनमेवेतं तंनिद्वेसत्ता, तथापि सम्पतिकालवसेन तदितरेसं भिक्खून् अविदितत्ता “अनियमनिद्वेसवचन”न्ति वुत्तं । यं पन वुत्तं “अयज्झि सब्बस्मिम्पि विनये युत्ती”ति, तं तब्बहुलेन वुत्तन्ति वेदितब्बं ।

यदि सब्बं तेनाति पदं अनियमनिद्वेसवचनं भवेय्य, तेन हि भिक्खवे भिक्खून् सिक्खापदन्ति एत्थ इदम्पि पुब्बे सिद्धत्थं तेनाति पदं अनियमनिद्वेसवचनं भवेय्य । “तेन समयेन बुद्धो भगवा उरुवेलायं विहरती”तिआदीसु वुत्तं तेनाति पदञ्च अनियमनिद्वेसवचनं भवेय्य, न च होति, तस्मा येसं तेन तंनिद्वेसेन निद्विद्वत्थो अविदितो, तेसं वसेनाह “अनियमनिद्वेसवचनमेत”न्ति । अथ वा ततो पठमं तदत्थादस्सनतो पच्छापि तंसम्बन्धेन यंनिद्वेसदस्सनतो च “अनियमनिद्वेसवचनमेत”न्ति वुत्तं । अथ वा पुब्बण्हादीसु अयं नामाति अनियमेत्वा कालपरिदीपनस्स समयसदस्स उपपदभावेनपि एवं वत्तुमरहति “यदिदं अनियमनिद्वेसवचन”न्ति । अथ वा “तेना”ति वुत्ते तेन घटेन पटेनाति सब्बत्थप्पसङ्गनिवारणत्थं नियमं करोति “समयेना”ति । केन पन समयेन? परभागे अत्थतो सिद्धेन सारिपुत्तस्स परिवितक्कसमयेन । एत्थाह — वितक्कसमयो चे इधाधिप्पेतो, “परतो इध पन हेतुअत्थो करणत्थो च सम्भवति । यो हि सो सिक्खापदपज्जत्तिसमयो सारिपुत्तादीहिपि दुब्बिज्जेय्यो, तेन समयेन हेतुभूतेन करणभूतेन चा”तिआदिवचनं विरुज्झतीति? न, बाहुल्लेन वुत्तत्ता । सुत्तन्ताभिधम्मेसु विय अवत्वा इध विनयपिटके करणवचनेन कस्मा निद्वेसोति हि चोदना । तस्मा तस्सा विस्सज्जने बाहुल्लेन करणवचनप्पयोजनं वत्तुकामो आचरियो आह “यो सो सिक्खापदपज्जत्तिसमयो”तिआदि । न सम्पति वुच्चमानस्सेव करणवचनस्स पयोजनं वत्तुकामो, इमस्स पन हेतुअत्थोव सम्भवति, न करणत्थो, तस्मा आह “अपरभागे अत्थतो सिद्धेना”तिआदि । **समयज्जाति** आगमनपच्चयसमवायं तदनुरूपकालञ्च उपादायाति अत्थो । पच्चयसामगिञ्च आगमनकालञ्च लभित्वा जानिस्सामाति अधिप्पायो ।

एत्थाह — यथा “एकोव खो, भिक्खवे, खणो समयो चा”ति एत्थ खणसमयानं एको अत्थो, तथा कालञ्च समयञ्च उपादायाति कालसमयानं एको अत्थो सिया, अपिच आगमनपच्चयसमवायो चेत्थ समयो कालस्सापि आगमनपच्चयत्ता

समयगहणेनेव सो गहितोति विसुं कालो किमत्थं गहितोति च? वुच्चते — अप्पेव नाम स्वेपीति कालस्स पठमं नियमितत्ता न समयो कालत्थो । तस्मिं स्वेति नियमितकाले इतरेसं आगमनपच्चयानं समवायं पटिच्च उपसङ्कमेय्याम यथानियमितकालेपि पुब्बण्हादिप्पभेदं यथावुत्तसमवायानुरूपं कालञ्च उपादायाति स्वेति परिच्छिन्नदिवसे पुब्बण्हादिकालनियतभावं दस्सेति, तस्मा कालसमयानं न एकत्थत्ता कालस्स विसुं गहणम्मि सात्थकन्ति वेदितब्बं । यस्मा खणे खणे त्वं भिक्खु जायसि च जीयसि च मीयसि चेति भिक्खुनिया सन्तिके अभिक्खणं गच्छतीति (पाचि० १९८) च खणे खणे भासति सत्थुसासनन्ति च खणसद्वो अनेकत्थो, तथा समयसद्वो च, तस्मा एकमेकेन नियमेन्तो “**एकोव खो, भिक्खवे, खणो च समयो चा**”ति आह । खणसमयानं अत्थो एकत्थो युज्जति खणो ओकासलाभो, अट्ठक्खणवज्जितो नवमो खणोति अत्थो । अत्तनो अत्तनो उच्छेदादयो दिट्ठिगतसङ्घाते समये एत्थ पवदन्तीति **समयप्पवादको** । स्वेव तिन्दुकाचीरसङ्घाताय तिम्बरुरुक्खपन्तिया परिकिञ्चित्ता **तिन्दुकाचीरं** । **एकसालके**ति एको सालरुक्खो । “कुटिका”तिपि वदन्ति । **अत्थाभिसमया**ति अत्तनो हितपटिलाभा । **धीरो**ति च **पण्डितो** वुच्चति, नाञ्जो । **सम्मा मानाभिसमया**ति सुट्ठु मानस्स पहानेन, समुच्छेदवसेन सुट्ठु मानप्पहानेनाति अत्थो । **दुक्खस्स पीळनट्ठो**ति आदीसु “चतुन्नं सच्चानं चतूहि आकारेहि पटिवेधो”ति आदीसु खन्धपञ्चकसङ्घातस्स दुक्खस्स दुक्खाकारतायट्ठो । **सङ्गतट्ठो** कारणुप्पत्तिअत्थो, दुक्खाय वेदनाय **सन्तापट्ठो** । सुखाय वेदनाय **विपरिणामट्ठो** । पीळनट्ठादिकोव **अभिसमयट्ठो**ति अत्थो दट्ठब्बो । **गब्भोक्कन्तिसमयो**ति आदीसुपि पथवीकम्पनआलोकपातुभावादीहि देवमनुस्सेसु पाकटो । **दुक्करकारिकसमयो**पि काळो समणो गोतमो न काळोति आदिना पाकटो । सत्तसत्ताहानि च अञ्जानि च **दिट्ठधम्मसुखविहारसमयो** ।

**अच्चन्तमेव तं समयन्ति** आरम्भतो पट्टाय याव पत्तसन्निट्ठाना, ताव अच्चन्तसम्पयोगेन तस्मिं समये । **करुणाविहारेन विहासी**ति करुणाकिच्चविहारेन तस्मिं समये विहासीति अत्थो । तं समयज्झि करुणाकिच्चसमयं । जाणकिच्चं करुणाकिच्चन्ति द्वे भगवतो किच्चानि, अभिसम्बोधि **जाणकिच्चं**, महाकरुणासमापत्तिं समापज्जित्वा वेनेय्यसत्तावलोकनं कत्वा तदनुरूपकरणं **करुणाकिच्चं** । “सन्निपतितानं वो, भिक्खवे, द्वयं करणीय”न्ति (म० नि० १.२७३; उदा० १२, २८) हि वुत्तं, तं भगवापि करोतियेव । अथ वा आगन्तुकेहि भिक्खूहि आदिसमायोगञ्च । तत्थ करुणाकिच्चं विहारं दस्सेन्तो “करुणाविहारेन विहासी”ति आह । **अधिकरणज्झि कालत्थो**ति एत्थ हि-कारो कारणत्थो । तत्थ हि अभिधम्मे कालसमूहखणसमवायहेतुसङ्घातवसेन पञ्चविधो समयट्ठो दट्ठब्बो । कालसमूहट्ठो समयो कथं अधिकरणं होति? अधिकरणमुप्पत्तिट्ठानं पुब्बण्हे जातोति यथा, एवं कालट्ठो समयसद्वो दट्ठब्बो । कथं रासट्ठो? यवरासिम्हि जातोति यथा । तस्मा यस्मिं काले पुज्जे वा चित्तं समुप्पन्नं, तस्मिं काले पुज्जे वा फस्सादयो उप्पज्जन्तीति वुत्तं होति । **अधिकरणज्झी**ति एत्थ अभिधम्मे निदिट्ठं अधिकरणं कालट्ठो समूहट्ठो च होति, “यस्मिं समये”ति वुत्तं अधिकरणं सन्थाय वुत्तन्ति दट्ठब्बं । इदानि भावेनभावलक्खणञ्च दस्सेन्तो “**तत्थ वुत्तानं**”मिच्चादिमाह । तत्थ अभिधम्मे वुत्तानं भावो नाम किन्ति? उप्पत्ति विज्जमानता, सा तेसं तत्थ वुत्तानं फस्सादिधम्मानं, सा पन समयस्स भावेन भावो लक्खीयति जायति, तस्मा तत्थ भुम्मवचननिद्देशो कतोति वुत्तं होति ।

तत्थ **खणो** नाम अट्ठक्खणविनिमुत्तो नवमो खणो, तस्मिं सति उप्पज्जति । **समवायो** नाम चक्खुन्द्रियादिकारणसामगगी, तस्मिं सति उप्पज्जति । **हेतु** नाम रूपादिआरम्भणं । तस्मा तस्मिं खणकारणसमवायहेतुम्हि सति तेसं फस्सादीनं भावो विज्जमानता होतीति वुत्तं होति । **इध पन हेतुअत्थो करणत्थो च सम्भवती**ति एत्थ अत्थद्वयमेकस्स सम्भवतीति इध विनये वुत्तस्स समयसद्वस्स कत्तुकरणत्थे ततिया हेतुम्हि च इत्युत्तत्ता । **सो दुब्बिज्जेय्यो**ति “तथागतोव तत्थ कालं जानिस्सती”ति वुत्तत्ताति वुत्तं होति । तेन समयेनाति तस्स समयस्स कारणा “अन्नेन वसति विज्जाय वसती”ति यथा, अन्नं वा विज्जं वा लभामीति तदत्थं वसतीत्यत्थो । एवं “तेन समयेन विहरती”ति वुत्ते हेत्वत्थे ततिया दट्ठब्बा, तस्मा सिक्खापदपञ्जत्तिया समयञ्च वीतिक्कमञ्च ओलोकयमानो तत्थ तत्थ विहासीति वुत्तं होति । ततियपाराजिकादीसु “इच्छामहं, भिक्खवे, अद्भमासं, पटिसल्लीयितु”न्ति (पारा० १६२) एवमादीसु दट्ठब्बा, तस्मा दुतिया कालद्धाने अच्चन्तसंयोगेति दुतियात्र सम्भवति “मासमधीते दिवसमधीते”ति यथा । इध पन हेतुअत्थो करणत्थो च सम्भवतीति एत्थ यस्स करणवचनस्स हेतुअत्थो सम्भवति, तेन समयेन हेतुभूतेन तं तं वत्थुवीतिक्कमसङ्घातं वीतिक्कमसमयसङ्घातं वा सिक्खापदपञ्जत्तिहेतुञ्च अपेक्खमानो भगवा तत्थ तत्थ विहासि । यस्स करणत्थो सम्भवति, तेन करणभूतेन समयेन सम्पत्तेन सिक्खापदानि पञ्जापयन्तो भगवा तत्थ तत्थ विहासीति अधिप्पायो ।

**गणितपदे** पन “सुदिन्नादीनं वीतिकमोव कारणं नाम, तस्स नियमभूतो कालो पन करणमेव तं कालं अनतिकममित्वाव सिक्खापदस्स पञ्जपेतब्बत्ता”ति वुत्तं, तं निदोसं। यं पन वुत्तं “इदं करणं पुब्बभागत्ता पठमं वत्तब्बम्पि पच्छा वुत्तं”न्ति, तं दुवुत्तं। हेतुअत्थतो हि यथा पच्छा करणत्थो योजियमानो अनुक्कमेनेव योगं गच्छति, तथा च योजितो। यं पन अट्टकथाचरियो पच्छा वुत्तं इदं करणत्थं पठमं योजेत्ता पठमं वुत्तं हेतुअत्थं पच्छा योजेत्ति, तं योजनासुखत्ताति वेदितब्बन्ति **आचरियेन** लिखितं। इतो पट्ठा यत्थ यत्थ “आचरियेन लिखितं”न्ति वा “आचरियस्स तक्को”ति वा वुच्चति, तत्थ तत्थ आचरियो नाम **आनन्दाचरियो** कलसपुरवासीति गहेतब्बो। एत्थाह — यथा सुत्तन्ते “एकं समयं भगवा”ति वुच्चति, तथा “तेन समयेन भगवा वेरञ्जाय”न्ति वत्तब्बं, अथ सवेवचनं वत्तुकामो थेरो, तथागतो सुगतोतिआदीनिपि वत्तब्बानि, अथ इमस्सेव पदद्वयस्स गहणे किञ्चि पयोजनं अत्थि, तं वत्तब्बन्ति? वुच्चते — केसञ्चि बुद्धस्स भगवतो परमगम्भीरं अञ्ज्ञासयक्कमं अजानतं “अपञ्जते सिक्खापदे अनादीनवदस्सो... पे०... अभिविञ्जापेसी”तिआदिकं (पारा० ३६) “अथ खो भगवा आयस्मन्तं सुदिन्नं पटिपुच्छी”तिआदिकञ्च (पारा० ३९) “सादियि त्वं भिक्खूति। नाहं भगवा सादियि”न्तिआदिकञ्च (पारा० ७२) तथा पुराणवोहारिकं भिक्खुं पुच्छित्वा तेन वुत्तपरिच्छेदेन दुतियपाराजिकपञ्चापनञ्च देवदत्तस्स पब्बज्जानुजाननञ्चाति एवमादिकं विनयपरियत्तिं दिस्वा बुद्धसुबुद्धतं पटिच्च सङ्का सम्भवेय्य, “तथा किं पन तुहं छवस्स खेळासकस्सा”ति (चूळव० ३३६) एवमादिकं फरुसवचनपटिसंयुत्तं विनयपरियत्तिं निस्साय खीणासवत्तं पटिच्च सङ्का सम्भवेय्य, तदुभयसङ्काविनोदनत्थं आयस्मता उपालित्थेरेन इदमेव पदद्वयगगहणं सब्बत्थ कतन्ति वेदितब्बं। तेनेतं दीपेति — कामं सब्बजेय्यबुद्धत्ता बुद्धोयेव, भग्गसब्बदोसत्ता भगवाव, सो सत्थाति। परतोपि वुत्तं “जानन्तापि तथागता पुच्छन्ति... पे०... अनत्थसंहिते सेतुघातो तथागतान”न्ति (पारा० १६)। सुत्तन्ते च वुत्तं “सणहेनपि केसि विनेमि फरुसेनपी”तिआदि (अ० नि० ४.१११)।

**असाधारणहेतुम्हीति** एत्थ कुसलमूलानि न अकुसलानं कदाचि मूलानि होन्ति, तथा अकुसलमूलानि कुसलानं, अब्याकतमूलानि न कदाचि कुसलानन्ति अयमेव नयो लब्भति, यस्मा कुसला हेतू तंसमुद्धानानं रूपानं हेतुपच्चयेन पच्चयो (पट्ठा० १.१.४०१ आदयो), तस्मा कुसलानि कुसलानयेवातिआदिनयो न लब्भति। पुचि वुच्चते कुट्ठा, ते मन्दयति नासयतीति **पुचिमन्दो**। **सत्तानं हितसुखनिष्पादनाधिमुत्ततन्ति** एत्थ सामञ्जतो वुत्तसत्ते द्विधा भिन्दित्वा दस्सेतुं “**मनुस्सानं उपकारबहुलत**”न्तिआदि वुत्तं। **बहुजनहितायाति** बहुनो जनस्स हितत्थाय। पञ्चासम्पत्तिया दिट्ठधम्मिकसम्परायिकहितूपदेसको हि भगवा। **सुखायाति** सुखत्थाय। चागसम्पत्तिया उपकारकसुखसम्पदायको हि एस। मेत्ताकरुणासम्पत्तिया लोकानुकम्पाय मातापितरो विय। लोकस्स रक्खितगोपिता हि एस। **देवमनुस्सानन्ति** एत्थ भब्बपुग्गले वेनेय्यसत्तेयेव गहेत्वा तेसं निब्बानमग्गफलाधिगमाय अत्तनो उप्पत्तिं दस्सेति। “अत्थाया”ति हि वुत्ते परमत्थत्थाय निब्बानाय, “हिताया”ति वुत्ते तंसम्पापकमग्गत्थायाति वुत्तं होति, मग्गतो उत्तरि हितं नाम नत्थीति। **सुखायाति** फलसमापत्तिसुखत्थाय ततो उत्तरि सुखाभावतो। **दिट्ठिशीलसङ्गातेनाति** एत्थ समाधिं पञ्जञ्च अग्गहेत्वा दिट्ठिशीलमत्तगहणं सब्बसेक्खासेक्खसामञ्जत्ता। **कोसम्बकसुत्तेपि** (म० नि० १.४९२) “शीलसामञ्जगतो विहरति, दिट्ठिसामञ्जगतो विहरती”ति वुत्तं। दिट्ठिगहणेन पञ्चापि गहिताति चे? न, सोतापन्नादीनम्पि पञ्चाय परिपूरकारिभावप्पसङ्गतो, तस्मा एकलक्खणानम्पि तासं पञ्चादिट्ठीनं अवत्थन्तरभेदो अत्थि धितिसमाधिन्द्रियसम्मासमाधीनं विय। **अञ्जासीति** एत्थ सोतद्वारानुसारेण जाता, अत्था सुताति हि वुच्चन्ति “सुतमेतं, भो गोतम, पापका समाचारा दिस्सन्ति चेव सुय्यन्ति चा”तिआदीसु विय। “भिक्खु खो, उपालि, सङ्गं भिन्दती”तिआदीसु (चूळव० ३५४) विय **अवधारणत्थे** वा। वेरञ्जायं **भवो** विज्जमानो। **इत्थम्भूतस्स** एवं भूतस्स। कथं भूतस्स? सक्कपुत्तस्स सक्ककुला पब्बजितस्स, एवं हुत्वा ठितस्स कित्तिसद्वो अब्भुग्गतोति अभिसहेन योगे उपयोगवचनानि होन्तीति अत्थो।

**कामुपादानपच्चया एव मेत्तं भावेति, ब्रह्मलोके निब्बत्ततीति** इमिना कामुपादानहेतु कम्मं कत्वा कामभवे एव निब्बत्ततीतिवादीनं वादो पटिक्खित्तोति वदन्ति, “ब्रह्मलोके पणीता कामा”ति सुत्वा, कप्पेत्वा वा पच्छा “तत्थ सम्पत्तिं अनुभविस्सामी”ति कामुपादानपच्चया तदुपगं करोतीति ब्रह्मलोकेपि कामनीयत्वेन कामा, “तदारम्भणत्ता तण्हा कामुपादानन्ति वुत्ता”ति च वदन्ति, वीमंसितब्बं। कम्मञ्च चक्खुस्स जनककारणं, कम्मस्स मूलकारणं तण्हा, तस्मा न मूलकारणं होति जनकं। रूपतण्हादयो दुक्खसच्चं खन्धपरियापन्नत्ता, “यम्पिच्छं न लभति, तम्पि दुक्ख”न्ति (दी० नि० २.३८७; म० नि० १.१३१; विभ०

१९०) वचनतो च । तस्स मूलकारणभावेन समुद्रापिकाति तस्स कारणभूतस्स इमस्स खन्धपञ्चकस्स समुद्रापिकाति योजेतब्बं । “आसवसमुदया अविज्जासमुदयो”ति (म० नि० १.१०३) वचनतो तस्स एव कारणन्तिपि वत्तुं वट्टति । अपिच “रूपादि विय तण्हापि तण्हाय उप्पत्तिप्पहानट्ठान”न्ति वचनतो रूपादि विय तण्हापि दुक्खसच्चं कतं । वुत्तज्हेतं “रूपतण्हा लोके पियरूपं सातरूपं, एत्थेसा तण्हा उप्पज्जमाना उप्पज्जती”ति (दी० नि० २.४००; विभ० २०३) च “एत्थेसा तण्हा पहीयमाना पहीयती”ति (दी० नि० २.४०१; म० नि० १.१३४) च । **विसुद्धिमग्गे** “सब्बाकारेण पण उपादानक्खन्धपञ्चकं दुक्खञ्चेव अरियसच्चञ्च अज्जत्र तण्हाया”ति वचनतो इध रूपतण्हादयो दुक्खसच्चन्ति वचनं विरुज्झतीति चे? न, अज्जमज्जासङ्करभावेन दस्सेतुं तत्थ तत्थ वुत्तत्ता । यदि तण्हा उपादानक्खन्धपरियापन्ना न भवेय्य, **सच्चविभङ्गे** “तत्थ कतमे संखित्तेन पञ्चुपादानक्खन्धा दुक्खा । सेय्यथिदं, रूपुपादानक्खन्धो .. पे० ... विज्जाणुपादानक्खन्धो”ति (विभ० २०२) एत्थ “ठपेत्वा तण्हं सङ्खारुपादानक्खन्धो”ति वत्तब्बं भवेय्य, न च वुत्तं, तस्मा दुक्खसच्चपरियापन्ना तण्हाति चे? न, हेतुफलसङ्करदोसप्पसङ्गतो । न सङ्करदोसोति चे? सच्चविभङ्गपाळियज्झि पञ्चहि कोट्ठासेहि समुदयसच्चं निदिट्ठं ।

कथं? तण्हाति एको वारो, तण्हा च अवसेसा च किलेसाति दुतियो, तण्हा च अवसेसा च किलेसा अवसेसा च अकुसला धम्माति ततियो, तण्हा च अवसेसा च किलेसा अवसेसा च अकुसला धम्मा तीणि च कुसलमूलानि सासवानीति चतुत्थो, तण्हा च अवसेसा च किलेसा अवसेसा च अकुसला धम्मा तीणि च कुसलमूलानि सासवानि अवसेसा च सासवा कुसला धम्माति पञ्चमो वारोति । आम निदिट्ठं, तथापि अभिधम्मभाजनियेयेव, न अज्जस्मिं, सो च नयो अरियसच्चनिद्वेसे न लब्भति । तथा हि तत्थ “चत्तारि सच्चानि”च्चेवाह, सुत्तन्तभाजनियपज्जपुच्छकेसु विय “चत्तारि अरियसच्चानी”ति न वुत्तं, तस्मा सुत्तन्तभाजनियोव पमाणं तत्थ च तण्हाय वुत्तत्ता । यथाह “तत्थ कतमं दुक्खसमुदयं अरियसच्चं, यायं तण्हा पोनोभविका... पे० ... सेय्यथिदं, कामतण्हा”तिआदि (विभ० २०३) । “यदनित्तं तं दुक्ख”न्ति (सं० नि० ३.१५) इमिना परियायेन वुत्तत्ता तत्थ वुत्तम्पि पमाणमेव । “पठमं ज्ञानं उपसम्पज्ज विहरति पथवीकसिण”न्ति (ध० सं० १८६ आदयो) वचनतो “कसिणानी”ति ज्ञानानि वुत्तानि । केचि “उग्गहनिमित्तपटिभागनिमित्ते सन्धाय वुत्त”न्ति वदन्ति, तं न सुन्दरं । “द्वत्तिंसाकारापि पण्णातिं विस्सज्जेत्वा पटिकूलाति सति पट्टपेतब्बा”ति वचनतो सतिगोचरा रूपादयो च वेदितब्बा ।

सद्वाहिरोत्तप्पबाहुसच्चवीरियारम्भोपट्टितसत्तिसम्पज्जताति इमे **सत्त सद्धम्मा** नाम । **सभावतो**ति दुक्खतो । **न चवती**ति देवे सन्धाय । **जातेय्यन्ति** जातब्बं । **दट्ठेय्यन्ति** दट्ठब्बं । अथ वा पण “नाहं गमनेन लोकस्स अन्तं जातेय्य”न्ति वदामीति अत्थो । **लोकन्ति** खन्धलोकं । **गमनेन न पत्तब्बो**ति सरीरगमनेन, अगतिगमनेन वा न पत्तब्बो, अरियगमनेन लोकन्तं पत्ताव दुक्खा अत्थि पमोचनन्ति वुत्तं होति । **समितावी**ति समितकिलेसो । **आहारट्टितिका**ति पच्चयट्टितिका । ये केचि पच्चयट्टितिका, सब्बे ते लुज्जनपलुज्जनट्ठेन एको लोकोति अधिप्पायो । सङ्खारा हि सकसकपच्चयायत्तताय सत्ता विसत्ता सत्ता नाम । **परिहरन्ति** परिचरन्ति । **दिसा**ति उपयोगबहुवचनं । **भन्ति** पटिभन्ति । के ते? तेयेव विरोचमाना पभस्सरा चन्दिमसूरिया । **अट्ठ लोकधम्मा** सङ्खाराव । “**सिनेरुस्स समन्ततो**”ति वचनतो युगन्धरादयो सिनेरुं परिक्षिपित्वा परिमण्डलाकारेण ठिताति वदन्ति । परिक्षिपित्वा अच्युगतो लोकधातु अयं । “**म**-कारो पदसन्धिकरो”ति वदन्ति । अज्जथापि लक्खणादिभेदतो सङ्खारलोकं, आसयानुसयभेदतो सत्तलोकं, चक्कवाळादिपरिमाणतो ओकासलोकञ्च सब्बथापि विदितत्ता लोकविदू ।

विमुत्तिजाणदस्सनं कामावचरं परित्तं लोकियं, तेन सब्बं लोकं कथं अभिवति? असदिसानुभावत्ता सब्बज्जुतज्जाणं विय । तज्झि अत्तनो विसये भगवतो सब्बज्जुतज्जाणगतिकं, लहुतरप्पवत्ति च भवङ्गचित्तद्वयानन्तरं उप्पत्तितो । न कस्सचि एवंलहुतरं चित्तं उप्पज्जति, अपि आयस्मतो सारिपुत्तस्स, तस्स किरिेस चित्तवारो पञ्चदसभवङ्गानन्तरन्ति । **अगिसिखधूमसिखा** च नागा किर सीहळदीपे । अत्थस्स दीपकं पदं **अत्थपदं** । एकत्थदीपकं पदं, सब्बमेतं वाक्यन्ति अत्थो । **अट्ठ दिसा** नाम अट्ठ विमोक्खा, समापत्तियो वा । सत्थवाहो सत्थाति निपातितो यथा पिसितासो पिसाचो । उदके मण्डूको अहं आसिं, न थले मण्डूको, वारिमत्तमेव गोचरो, तस्स मे तव धम्मं सुणन्तस्स सीसं दण्डेन सन्निरुम्भित्वाति पाठसेसो । अनादरत्थे वा सामिवचनं । “एत्तकेनपि एवरूपा इद्धि भविस्सती”ति सितं कत्वा । **विमोक्खो**ति चेत्य मग्गो, तदनन्तरिकं **जाणं** नाम फलजाणं, तस्मिं खणे बुद्धो नाम । **सब्बस्स**

बुद्धत्ताति कत्तरि । बोधेताति हेतुकत्तरि । सेट्ठथदीपकं वचनं सेट्ठं नाम, तथा उत्तमं । सच्छिकापञ्जतीति सब्बधम्मनं सच्छिकरणवसेन सयम्भुता पञ्जति, अत्तना एव वा जाता सच्छिकतातिपि सच्छिकापञ्जति । भगी भगवा चीवरपिण्डपातादीनं । भजी अरञ्जवनपत्थानि पन्तानि सेनासनानि । भागी अत्थधम्मविमुत्तरसस्स । रागादिकिलेसगणभग्गमकासि । भावितत्तनो भावितकायो । भवस्स अन्तं निब्बानं मग्गाधिगमेन तं गतोति भवन्तगो ।

“लोभं, भिक्खवे, एकं धम्मं पजहथा”तिआदिना (इतिवु० १) नयेन एक्कादिवसेनागते गहेत्वा वदति । संकिलेसतण्हादिट्ठिदुच्चरितसंकिलेसवसेन अनिच्चदुक्खमनत्तासुभेसु निच्चन्तिआदिविपरियेसा । चीवरहेतु वा, भिक्खवे, भिक्खुनो तण्हा उप्पज्जमाना उप्पज्जति, पिण्डपात सेनासनइतिभवाभवहेतु वा (अ० नि० ४.९) । चेतोखिला सत्थरि कङ्कति, धम्मे, सङ्गे, सिक्खाय, सब्रह्मचारीसु कुपितोति (दी० नि० ३.३१९; विभ० ९४१) आगता पञ्च । कामे अवीतरागो होति...पे०... काये, रूपे, यावदत्थं उदरावदेहकं भुज्जित्वा, अञ्जतरं देवनिकायं पणिधाय ब्रह्मचरियं चरतीति (दी० नि० ३.३२०; विभ० ९४१) आगता पञ्च विनिबन्धा । विवादमूलानि कोधो उपनाहो मक्खो पळासो इस्सा मच्छरियं माया साठेय्यं थम्भो सारम्भो सन्दिट्ठिपरामासिता आधानग्गाही दुप्पटिनिस्सग्गिता (अ० नि० ६.३६; दी० नि० ३.३२५) । विभङ्गे पन “कोधो मक्खो इस्सा साठेय्यं पापिच्छता सन्दिट्ठिपरामासिता”ति (विभ० ९४४) आगतं । तण्हं पटिच्च परियेसना, परियेसनं पटिच्च लाभो, लाभं पटिच्च विनिच्छयो, एवं छन्दरागो, अज्झोसानं, परिग्गहो, मच्छरियं, आरक्खो, आरक्खाधिकरणं, दण्डादानसत्थादान...पे०... अकुसला धम्मा सम्भवन्तीति (दी० नि० २.१०४; ३.३५९; अ० नि० ९.२३; विभ० ९६३) वुत्तानं । रूपसद्दगन्धरसफोडुब्बधम्मतण्हाति छ, ता कामभवविभवतण्हावसेनेव अट्टारस, ता एव अज्झत्तिकस्सुपादाय अट्टारस, बाहिरस्सुपादाय अट्टारसाति छत्तिंस, ता अतीते छत्तिंस, अनागते छत्तिंस, पच्चुप्पन्ने छत्तिंसाति एवं अट्टसततण्हाविचरितानीति । मारेतीति मारो, पमादो “पमादो मच्चुनो पद”न्ति (ध० प० २१) वचनतो । सम्माआजीवविनासनतो वा किलेसा वुच्चन्ति “मारो”ति, वधकूपमत्ता खन्धाव मारा । अभिसङ्कारा जातिदुक्खाभिनिब्वत्तापनतो, जातस्स जरादिसम्भवतो च मारा । एकभवपरियापन्नजीवितमारणतो मच्चु मारो । अणिमता नाम परमाणु विय अदस्सनूपगमनं । लघिमता सरीरेन, चित्तेन वा सीघगमनं । महिमता चन्दिमसूरियादीनम्पिपाणिना परामसनादि । पत्ति नाम यत्थिच्छित्तदेसप्पत्ति । पकासनता, लाभकस्सत्थसाधनं वा पाकम्मं । ईसत्तं नाम सयंवसिता । वसित्तं नाम अपरवसिता । यत्थकामावसायितं नाम यत्थिच्छति यदिच्छति यावदिच्छति, तत्थ ताव तदत्थसाधनं । पीळनसङ्कतसन्तापविपरिणामट्ठेन वा दुक्खमरियसच्चन्तिआदिमि इदं चोदनापुब्बङ्गमं अत्थविस्सज्जनं — दुक्खादीनं अज्जेपि रूपतण्हादयो अत्था अत्थि, अथ कस्मा चत्तारो एव वुत्ताति चे? अज्जसच्चदस्सनवसेन आविभावतो ।

“तत्थ कतमं दुक्खेजाणं, दुक्खं आरब्भ या उप्पज्जति पञ्जा”तिआदिनापि (विभ० ७९४) नयेन एकेकसच्चारम्मणवसेनापि सच्चजाणं वुत्तं । “यो, भिक्खवे, दुक्खं पस्सति, दुक्खसमुदयमि सो पस्सती”तिआदिना (सं० नि० ५.११००) नयेन एकं सच्चं आरम्मणं कत्वा सेसेसु किच्चनिप्फत्तिवसेनापि वुत्तं । तत्थ यदा एकेकं सच्चं आरम्मणं करोति, तदा समुदयदस्सनेन ताव सभावतो पीळनलक्खणस्सापि दुक्खस्स यस्मा तं आयूहनलक्खणेन समुदयेन आयूहितं सङ्कतं, तस्मास्स सो सङ्कतट्ठो आवि भवति । यस्मा पन मग्गो किलेससन्तापहरो सुसीतलो, तस्मास्स मग्गदस्सनेन सन्तापट्ठो आवि भवति नन्दस्स अच्छरादस्सनेन सुन्दरिया अनभिरूपभावो विय । अविपरिणामधम्मस्स पन निरोधस्स दस्सनेन तस्स विपरिणामट्ठो आवि भवतीति वत्तब्बमेव नत्थि । सभावतो आयूहनलक्खणस्सपि समुदयस्स दुक्खदस्सनेन निदानट्ठो आवि भवति असप्पायभोजनतो उप्पन्नब्याधिदस्सनेन भोजनस्स ब्याधिनिदानभावो विय । विसंयोगभूतस्स निरोधस्स दस्सनेन संयोगट्ठो । निव्यानभूतस्स च मग्गस्स दस्सनेन पलिबोधट्ठोति । तथा निस्सरणस्सापि निरोधस्स अविवेकभूतस्स समुदयस्स दस्सनेन विवेकट्ठो आवि भवति । मग्गदस्सनेन असङ्कतट्ठो । इमिना हि अनमतग्गे संसारे मग्गो न दिट्ठपुब्बो, सोपि च सप्पच्चयत्ता सङ्कतो एवाति अप्पच्चयधम्मस्स असङ्कतभावो अतिविय पाकटो होति । दुक्खदस्सनेन पनस्स अमतट्ठो आवि भवति । दुक्खज्झि विसं, अमतं निब्बानन्ति । तथा निव्यानलक्खणस्सापि मग्गस्स समुदयदस्सनेन “नायं हेतु निब्बानस्स पत्तिया, अयं हेतू”ति हेत्वत्थो आवि भवति । निरोधदस्सनेन दस्सनट्ठो परमसुखुमरूपानि पस्सतो “विप्पसन्नं वत मे चक्खू”ति चक्खुस्स विप्पसन्नभावो विय । दुक्खदस्सनेन अधिपतेय्यट्ठो अनेकरोगातुरकपणजनदस्सनेन इस्सरजनस्स उळारभावो वियाति एवमेत्थ लक्खणवसेन, एकस्स अज्जसच्चदस्सनवसेन च इतरेसं तिण्णं आविभावतो एकेकस्स

चत्तारो अत्था वुत्ता । उपधिविवेको निक्किलेसता ।

पटिपक्खं अत्थयन्तीति **पच्चत्थिका** । पति विरुद्धा अमिता **पच्चामिता** । **सच्छिकत्वा पवेदेतीति** एतावता भगवतो सब्बज्जुतं दीपेति । तेन जाणसम्पत्तिं दीपेत्वा इदानीं करुणासम्पत्तिं दीपेतुं “**सो धम्मं देसेसी**”ति आदिमाह । अथ वा किं सो पवेदेसीति? जाणं, तं सब्बं तिलोकहितभूतमेव । सो धम्मं देसेसीति कीदिसं? “**आदिकल्याण**”न्ति आदि । अनेन वचनेन वत्तुं अरहभावं दीपेति । **सासनधम्मो**ति ओवादपरियत्ति । **किच्चसुद्धियाति** किलेसप्पहाननिब्बानारम्मणकिच्चसुद्धिया । **सासनब्रह्मचरियं** नाम सिक्खत्तयं, नवकोटिसहस्सानीति आदिकं वा । मग्गमेव ब्रह्मचरियं **मग्गब्रह्मचरियं** । तस्स पकासकं पिटकत्तयं इध **सात्थं सब्बज्जनं** नाम । छसु अत्थपदेसु सङ्खेपतो कासनं **सङ्कासनं** । आदितो कासनं **पकासनं** । उभयमपि वित्थारेत्वा देसनं **विवरणं** । पुन विभागकरणं **विभजनं** । ओपम्मादिना पाकटकरणं **उत्तानीकरणं** । सोतूनं चित्तपरितोसजननेन, चित्तनिसानेन च **पञ्जापनं** वेदितब्बं । ब्यज्जनपदेसु अक्खरणतो **अक्खरं**, “एकक्खरपदमक्खर”न्ति एके । विभत्तिअन्तं **पदं** । ब्यज्जयतीति **ब्यज्जनं**, वाक्यं । पदसमुदायो वा वाक्यं । विभागपकासो **आकारो** नाम । फुसतीति फस्सोति आदि निब्बचनं **निरुत्ति**, निरुत्तिया निद्दिट्ठस्स अपदेसो **निद्देसो** नाम । फुसतीति फस्सो, सो तिविधो — सुखवेदनीयो दुक्खवेदनीयो अदुक्खमसुखवेदनीयोति । एतेसु अयं योजना — अक्खरेहि सङ्कासयति, पदेहि पकासयति, ब्यज्जनेहि विवरति, आकारेहि विभजति, निरुत्तीहि उत्तानिं करोति, निद्देसेहि पञ्जापेति । अक्खरेहि वा सङ्कासयित्वा पदेहि पकासेति, ब्यज्जनेहि विवरित्वा आकारेहि विभजति, निरुत्तीहि उत्तानिं कत्वा निद्देसेहि पञ्जापेति । अक्खरेहि वा उग्घाटेत्वा पदेहि विनेति उग्घटितज्जुं, ब्यज्जनेहि विवरित्वा आकारेहि विनेति विपज्जितज्जुं, निरुत्तीहि नेत्वा निद्देसेहि विनेति नेय्यन्ति वेदितब्बं । **अत्थो**ति भासितत्थो । तस्सेवत्थस्स पटिविज्झितब्बो सको सको भावो **पटिवेधो** नाम । तं उभयमपि अत्थो नाम । तेन वुत्तं “**अत्थगम्भीरतापटिवेधगम्भीरताहि सात्थ**”न्ति । **धम्मो**ति वा **देसना**ति वा ब्यज्जनमेव । निद्देसभावेन परिसुद्धं सासनब्रह्मचरियं, सिक्खत्तयपरिग्गहितो मग्गो च, उभयमपि ब्रह्मचरियपदेन सङ्गहितं । **पटिपत्तियाति** पटिपत्तिहेतु । **आगमव्यत्तिता**ति पुनप्पुनं अधीयमाना खन्धादयो पाकटा होन्ति । दुरुत्तसत्थानि अधीयमानानि सम्मोहमेवावाहन्ति ।

**२-३. कच्चि खमनीयं** सीतुण्हादि । **कच्चि यापनीयं** यथालब्धेहि जीवितसाधनेहि जीवितं । **अप्पाबाधन्ति** अप्पोपसग्गं, **अप्पातङ्कन्ति** अप्परोगं । **कच्चि लहुट्ठानं** सरीरकिच्चे । **कच्चि बलं** समणकिच्चे । **कच्चि फासुविहारो** यथावुत्तनयेन अप्पाबाधताय, अनुक्कण्ठनादिवसेन वा । सत्तसद्धितो पट्टाय **पच्छिमवयो**, उत्तरामुखोति वुत्तं होति । लोकविवरणे जाते इध किं ओलोकेसि, नत्थेत्थ तथा सदिसोपीति आह “**त्वं सदेवकस्स लोकस्स अग्गो**”ति आदि । **आसभिं** उत्तमं । **उपपत्तिवसेन** देवा । रूपानं परिभोगवसेन, पत्थनावसेन वा उप्पन्ना रागसम्पयुत्ता सोमनस्सवेदानानुरूपतो उप्पज्जित्वा हृदयतप्पनतो अम्बरसादयो विय “**रूपरसा**”ति वुच्चन्ति । **तथागतस्स पहीना**ति अधिकारवसेनाह । तथागतस्सपि हि कस्सचि ते पहीनाति मत्थकच्छिन्नतालो विय कता । कथं? रूपरसादिवचनेन विपाकधम्मधम्मा गहिता, ते विज्जमानापि मत्थकसदिसानं तण्हाविज्जानं मग्गसत्थेन छिन्नता आयतिं तालपन्तिसदिसे विपाकक्खन्धे निब्बत्तेतुं असमत्था जाता । तस्मा तालावत्थु विय कता । “**कुसलसोमनस्सापि एत्थ सङ्गहिता**”ति वदन्ति । पठममग्गेन पहीना कम्मपथट्ठानिया, दुतियेन उच्छिन्नमूला ओळारिका, ततियेन तालावत्थुकता कामरागट्ठानिया । चतुत्थेन अनभावंकता रूपरागारूपरागट्ठानिया । अपरिहानधम्मतं पन दीपेन्तो “**आयतिं अनुप्पादधम्मा**”ति आह । तदङ्गप्पहानेन वा पहीना विपस्सनाक्खणे, ज्ञानस्स पुब्बभागक्खणे वा, विक्खम्भनप्पहानेन उच्छिन्नमूला ज्ञानक्खणे । “**विविच्चेव कामेही**”ति (पारा० ११) हि वुत्तं । समुच्छेदप्पहानेन तालावत्थुकता ततियविज्जाधिगमक्खणे । इत्थम्भूता पन ते रूपरसादयो अनभावंकता आयतिमनुप्पादधम्माति एकमेविदं अत्थपदं । पठमाय वा अभिनिब्भिदाय पहीना, दुतियाय उच्छिन्नमूला, ततियाय तालावत्थुकता । इत्थम्भूता यस्मा अनभावंकता नाम होन्ति, तस्मा आयतिअनउप्पादधम्माति वेदितब्बा । अथ वा दुक्खजाणेन पहीना, समुदयजाणेन उच्छिन्नमूला, निरोधजाणेन तालावत्थुकता, मग्गजाणेन अनभावंकता, पच्चवेक्खणजाणेन आयतिं अनुप्पादधम्माति वेदितब्बा । लोकियमग्गेन वा पहीना, दस्सनमग्गेन उच्छिन्नमूला, तिविधेन भावनामग्गेन तालावत्थुकताति आदि । ब्राह्मणस्स अविसयत्ता धम्मरसा न उद्धटा ।

**११. धम्मधातुन्ति** एत्थ सब्बज्जुतज्जाणं धम्मधातु नाम । अनुकम्पवचनानुरूपं “**पुण्णचन्दो विया**”ति वुत्तं, सूरियवचनं

“सुप्पटिविद्धता”तिवचनानुरूपं, पथवीसमचित्ताय कारणं “करुणाविष्कार”न्ति वदन्ति । पटिच्छादेतब्बे हि अत्तनो गुणे “आरद्धं खो पन मे वीरिय”न्तिआदिना पकासेन्तो अत्तनो करुणाविष्कारं पकासेतीति गहेतब्बो । **वरभूरिमेधसो** वरपुथुलजाणो, भूरीति वा भूमि, भूमि विय पत्थटवरपज्जोति अत्थो । अबुज्झि एत्थातिपि अधिकरणेन **रुक्खो बोधि** । सयं बुज्झति, बुज्झन्ति वा तेन तंसमङ्गिनोति **मग्गो बोधि**, एवं **सब्बज्जुतज्जाणमि** । बुज्झीयतीति **निब्बानं बोधि** । तिस्सन्नं विज्जानं उपनिस्सयवतो यथासम्भवं **तिस्सो विज्जा** वेदितब्बा । एकग्गतावसेन **तिक्खभावो** । तिक्खोपि एकच्चो सरो लक्खं पत्वा कुण्ठो होति, न तथा इदं । सतिन्द्रियवसेनस्स **खरभावो**, सद्धिन्द्रियवसेन **विप्पसन्नभावो**, अन्तरा अनोसक्कित्वा किलेसपच्चत्थिकानं सुद्धु अभिभवनतो वीरियिन्द्रियवसेनस्स **सूरभावो** च वेदितब्बो । मग्गविजायनत्थं गम्भग्गहणकालो सङ्घारुपेक्खानन्तरमनुलोमत्ता ।

छन्दोति च सङ्कप्पोति च अवत्थन्तरभेदभिन्नो रागोव —

“सेनहात्थ्यङ्गमुपेति,  
रत्तहदयो रागेन ।  
सम्मगते रत्तकाममुपेति,  
कामपतितं लोकस्स मात्रालमती”ति —

आदीसु विय —

**विभङ्गेयेव किञ्चापि अत्थो वुत्तोति** एत्थ अयमधिप्पायो — विभङ्गपाळिं आनेत्वा इध वुत्तोपि सब्बेसं उपकाराय न होति, तस्मा तं अट्ठकथानयेनेव पकासयिस्सामीति । **इतोति** कामेहि । कायविवेकादीसु उपधिविवेको ततियो, तस्मा ततियं छडुत्वा द्वे गहेत्वा तदङ्गादीसु विक्खम्भनविवेकं गहेत्वा “**तयो एवा**”ति वुत्ता । एवं सति चित्तविक्खम्भना एकत्था एवाति विसेसो न सियाति चे? अप्पनावारत्ता न पनेवं दट्ठब्बं । कायविवेकगहणेन पुब्बभागगहणं जायति, तस्मा **चित्तविवेको**ति तदङ्गविवेको वुत्तो, विक्खम्भनेन अप्पनाकालेति गहेतब्बं असङ्करो । अथ वा चित्तविवेकेन तदङ्गविक्खम्भना गहिता, इतरेन विक्खम्भनविवेको एवातिपि युत्तं, किलेसकामत्ता वा द्वीसु कम्मेसु परियापन्नो पुरिसो विय । यथा अविज्जमानेन अविज्जमानपज्जत्तिवसेन लोके “सफलो रुक्खो”ति वुच्चति, तथेव विज्जमानेन विज्जमानपज्जत्तिवसेन सासने “सवितक्कं सविचारं ज्ञान”न्ति वुच्चतीति अधिप्पायो ।

**वूपसमाति** एत्थ केसं वूपसमाति, किं पठमज्झानिकानं, उदाहु दुतियज्झानिकानन्ति? एत्थ यदि पठमज्झानिकानं, नत्थि तेसं वूपसमो । न हि पठमज्झानं वितक्कविचाररहितं अत्थि । यदि दुतियज्झानिकानं, नत्थेव वूपसमो तत्थ तदभावाति चे? तेनेतं वुच्चति “**समतिक्कमा**”ति, समतिक्कमोपि न तेसंयेव । किन्तु सकलस्सपि पठमज्झानधम्मरासिस्साति चे? तेनेतं वुच्चति “**ओळारिकस्स पन समतिक्कमा**”तिआदि । सब्बेपि पठमज्झानधम्मा ओळारिकाव दुतियज्झानतो, न केवलं वितक्कविचारद्वयमेवाति चे? न वितक्कविचारायेव तेहि सम्पयुत्तानं ओळारिकभावतोति तेस्वेव आदीनवदस्सनेन दुतियज्झानक्खणे तेसं अभावो होति । तेन वुत्तं “**दुतियज्झानक्खणे अपातुभावा**”ति, यस्स धम्मस्सानुभावेन, योगेन वा इदं ज्ञानं “**सम्पसादन**”न्ति वुच्चति “**एकोदिभाव**”न्ति च, तस्स दस्सनत्थं सद्भासमाधयो **विभङ्गे** वुत्ता । **पणीतभोजनसिक्खापदे** (पाचि० २५७ आदयो) सप्पिआदयो वियाति वुत्ते अयं अत्थवण्णना न विरुज्झति । **समं पस्सतीति** लीनुद्धच्चं पहाय खीणासवस्स छसु द्वारेसु इट्ठानिट्ठोळारम्मणापाथे परिसुद्धपकतिभावाविजहनाकारभूता उपेक्खा **छळङ्गुपेक्खा** । नीवरणादिपटिसङ्घासन्तिट्ठनागहणे मज्झत्तभूता उपेक्खा, अयं **सङ्घारुपेक्खा** नाम । विचिनने मज्झत्तभूता उपेक्खा **विपस्सनुपेक्खा** नाम । तत्थ छळङ्गुपेक्खा ब्रह्मविहारुपेक्खा बोज्झङ्गुपेक्खा तत्रमज्झत्तुपेक्खा ज्ञानुपेक्खा पारिसुद्धुपेक्खा च अत्थतो एका तत्रमज्झत्तुपेक्खाव, अवत्थाभेदेन भेदो नेसं । सङ्घारुपेक्खाविपस्सनुपेक्खानमि एकता पज्जावसेन, किच्चवसेन पन दुविधता वेदितब्बा ।

छळङ्गुपेक्खा कामावचरा, ब्रह्मविहारुपेक्खा रूपावचरातिआदिना भूमिवसेन । छळङ्गुपेक्खा खीणासवस्सेव, ब्रह्मविहारुपेक्खा

तिण्णम्पि पुथुज्जनसेक्खासेक्खानन्ति एवं पुगलवसेन । छळङ्गुपेक्खा सोमनस्सुपेक्खासहगतचित्तसम्पयुत्ता, ब्रह्मविहारुपेक्खा उपेक्खासहगतचित्तसम्पयुत्ता एवाति एवं चित्तवसेन । छळङ्गुपेक्खा छळारम्मणा, ब्रह्मविहारुपेक्खा धम्मारम्मणावाति आरम्मणवसेन । वेदनुपेक्खा वेदनाक्खन्धेन सङ्गहिता, इतरा नव सङ्गारक्खन्धेनाति खन्धसङ्गहवसेन । छळङ्गुपेक्खा ब्रह्मविहारबोज्झङ्गानुपेक्खा पारिसुद्धितत्रमज्झत्तुपेक्खा च अत्थतो एका, तस्मा एकक्खणे एकाव सिया, न इतरा, तथा सङ्गारुपेक्खाविपस्सनुपेक्खापि । वेदनावीरियुपेक्खानं एकक्खणे सिया उप्पत्तीति । छळङ्गुपेक्खा अब्याकता, ब्रह्मविहारुपेक्खा कुसलाब्याकता, तथा सेसा । वेदनुपेक्खा पन सिया अकुसलापि । एवं कुसलत्तिकवसेन । दसपेता सङ्केपेन चत्तारोव धम्मा वीरियवेदनातत्रमज्झत्तजाणवसेन । “दुक्खदोमनस्ससुखसोमनस्सान”न्ति एवं प्हानक्कमेन अवत्वा विभङ्गे वुत्तनयेन कस्मा वुत्तानीति चे? सुत्तानुरक्खणत्थं । **इट्ठानिट्ठविपरीतन्ति** एत्थ “आरम्मणवसेन अगगहेत्वा इट्ठानिट्ठविपरीताकारेन अनुभवतीति गहेतब्ब”न्ति वदन्ति । कस्मा? एकंयेव कसिणं आरम्भ सब्बेसं पवत्तितो । ततियज्झानतो पट्टाय उपकारा हुत्वा आगताति सतिसीसेन देसना कता, विगतवलाहकादिना सोम्मताय रत्तिया वलाहकादिना कालुस्सिये सतिपि दिवा विय अनुपकारिका न होति रत्तिं, तस्मा “**अत्तनो उपकारकत्तेन वा**”ति वुत्तं । “सूरियप्पभाभिभवा, रत्तिया अलाभाति इमे द्वे हेतू अपरिसुद्धताय कारणं । सोम्मभावेन, अत्तनो उपकारकत्तेन चाति इमे द्वे सभागताय कारण”न्ति वदन्ति, तस्सा अपरिसुद्धाय जातियाति वुत्तं होति, तस्मा कारणवचनन्ति एके ।

ज्ञानकथावण्णना निट्ठिता ।

### पुब्बेनिवासकथावण्णना

१२. चित्तेकग्गतासभागत्ता ज्ञानानं “**केसञ्चि चित्तेकग्गतत्थानी**”ति आह । कुसलानं भवोक्कमनसभागत्ता “**केसञ्चि भवोक्कमनत्थानी**”ति । असभागत्ता सेसट्ठानेसु “पादकत्थानी”ति अवत्वा “**पादकानी**”ति आह । तेन पादकभूतानम्पि यथासम्भवं चित्तेकग्गता भवोक्कमनतावहतं, इतरेसं यथासम्भवं पादकतावहतञ्च दीपेति । असभागत्ता जवनविपस्सनापादकानि समानानि अभिज्जापादकानि च होन्ति, अभिज्जापादकानि च विपस्सनापादकानि होन्तीतिपि दीपेति, तथा पादकाभावं दीपेति । अभिज्जाय हि चतुत्थमेव पादकं, न इतरानि । तेसु चतुत्थस्स ततियं पादकं, ततियस्स दुतियं, दुतियस्स पठमन्ति । अथ वा “चत्तारि ज्ञानानी”ति यथालाभतो वुत्तं ।

विनयनिदाननिमित्तं, वेरञ्जनिवासकप्पनं ।

सत्थु यस्मा तस्मा भगवा, विज्जत्तयमाह वेरञ्जे ॥

वुत्तज्हेतं “विनये सुप्पटिपन्नो भिक्खु सीलसम्पत्तिं निस्साया”तिआदि (पारा० अट्ठ० १.पठममहासङ्गीतिकथा) । सीलवतो हि सीलपच्चवेक्खणत्थं रत्तिट्ठानदिवाठानेसु निसिन्नस्स निसज्जनतो पट्टाय अत्तनो अतीतकिरियानुस्सरणबहुलताय पुब्बेनिवासानुस्सतिविज्जा अप्पकसिरेन समिज्झति । तथा अत्तानं पटिच्च सत्तानं चुतिपरिग्गहणसीलताय चुतूपपातजाणं अप्पकसिरेन समिज्झति, उदकादीसु सुखुमत्त दस्सनसीलताय दिब्बचक्खुजाणं समिज्झति । यस्मा सत्तविधमेथुनसंयोगपरिवज्जनेन, कामासवादिपरिवज्जनेन वा ब्रह्मचरियं अखण्डादिभावं पापुणाति, तस्मास्स आसवक्खयजाणं अप्पकसिरेन समिज्झतीति एत्थ विनयनिदाने विज्जत्तयमेव दस्सितं, तस्मा आह “**येसञ्च गुणानं दायकं अहोसि, तेसं एकदेसं दस्सेन्तो**”ति, अज्जथा विज्जत्तयपटिलाभमत्तप्पसङ्गे सियाति ।

सो एवन्ति इमिना किञ्चापि चतुन्नं ज्ञानानं पुब्बभागपटिपदापि सङ्गहं गच्छति, न केवलं पुरिमज्झानत्तिकमेव, तथापि केवलं पुरिमज्झानत्तिकमेव गणहन्तो “एवन्ति चतुत्थज्झानक्कमनिदस्सनमेतं, इमिना पठमज्झानाधिगमादिना कमेन चतुत्थज्झानं पटिलभित्वाति वुत्तं होती”ति आह, तं कस्माति चे? सम्भारभूमित्ता । वुत्तज्हेतं **अट्ठकथायं** (विसुद्धि० २.३८१) “एत्थ च पुरिमानि तीणि ज्ञानानि यस्मा पीतिफरणेन च सुखफरणेन च सुखसञ्जञ्च लहुसञ्जञ्च ओक्कमित्वा लहुमुदुक्कमञ्जकायो हुत्वा इद्धिं



पापुणाति, तस्मा इमिना परियायेन इद्धिलाभाय संवत्तनतो सम्भारभूमियोति वेदितब्बानि । चतुत्थज्झानं पन इद्धिलाभाय पकतिभूमि एवा”ति । इदमेव वा अत्थं सन्धायाह “पुब्बे इमानि चत्तारि ज्ञानानि केसज्चि अभिज्जापादकानी”ति । यदि एवं चतुत्थज्झानमि अन्तोक्त्वा एवन्ति किमत्थं न वुत्तं । तज्झि पकतिभूमितीति चे? न वत्तब्बं, चतुत्थज्झानतो परस्स समाहितादिभावप्पत्तस्स चित्तस्स अत्थिभावप्पसङ्गतो । यस्मा यस्मिं सति “पुब्बेनिवासानुस्सतिजाणाय चित्तं अभिनिन्नामेसि”न्ति वुत्तं, तस्मा तस्मिं चतुत्थज्झानचित्ते पकतिभूमिभावप्पत्ते अभिज्जापादके जाते परिकम्मचित्तं “पुब्बेनिवासानुस्सतिजाणाय अभिनिन्नामेसि”न्ति आह । **अभिनीहारक्खमं होतीति** एत्थ तं इद्धिविधाधिगमत्थाय परिकम्मचित्तं अभिनीहरति । कसिणारम्मणतो अपनेत्वा इद्धिविधाभिमुखं पेसेसि । **गण्ठपदे** पन “अभिज्जापादकज्झानतो इद्धिविधाजाणादीनं नीहरणत्थ”न्ति वुत्तत्ता अभिनीहारक्खमन्ति अत्थो पकप्पितो ।

सो एवं समाहिते एवं आनेज्जप्पत्तेति योजना वेदितब्बा दुतियविकप्पे, **नीवरणदूरीभावेन वितक्कादिसमतिक्कमेनाति** पठमज्झानादीनं किच्चसङ्गहनतो । अयं योजना पठमविकप्पे न सम्भवति “परिसुद्धेतिआदीसु पना”ति वचनेन “एव”न्ति पदस्स अनुप्पबन्धनिवारणतो । तेनेव “उपेक्खासतिपरिसुद्धिभावेन परिसुद्धे”तिआदिमाह । **इच्छावचरानन्ति** “अहो वताहं आपत्तिज्चेव आपन्नो अस्सं, न च मं भिक्खू जानेय्यु”न्तिआदिना (म० नि० १.६०) नयेन उप्पन्नइच्छावसेन पवत्तानं कोपअपच्चयानं अभावेन अनङ्गणेति अत्थो । एत्थ च पन यथावुत्तप्पकारा इच्छापि पठमज्झानादीनं अधिगमाय अन्तरायिका “सम्पजानमुसावादो खो पनायस्मन्तो अन्तरायिको धम्मो”ति (महाव० १३४) वुत्तत्ता, पगेव इच्छावचरा कोपअपच्चया, तस्मा वुत्तं **“ज्ञानपटिलाभपच्चनीकानं पापकानं इच्छावचरान”**न्तिआदि । कत्थचि पन “ज्ञानपटिलाभपच्चयानं इच्छावचरान”न्ति पोत्थकेसु पाठो दिस्सति, सो पमादलेखो, **गण्ठपदे** च “अहो वत सत्था ममज्जेव पटिपुच्छित्वा धम्मं देसेय्या”ति यो तदत्थो लिखितो, सो दुल्लिखितो । न हि ज्ञानपटिलाभपच्चया कोपादयो **अनङ्गणसुत्ते** (म० नि० १.५७ आदयो) वुत्ता, “न च युत्तितो सम्भवन्ति ज्ञानलाभिना तदभावा”ति आचरियो वदति, तं वीमंसितब्बं । एत्थ विज्जत्तयस्स उत्तरुत्तरविसेसदस्सनत्थं “सो एवं समाहिते चित्ते”तिआदिना पुनप्पुनं अट्ठङ्गनिदस्सनं कतन्ति वेदितब्बं । उत्तरुत्तरविसेसा चेभासं अत्तदुक्खपरदुक्खदस्सनतदुपसमत्तदीपनतो वेदितब्बा । भगवा हि पुब्बेनिवासानुस्सतिजाणेन अत्तनो अनन्तसंसारदुक्खं पस्सित्वा, चुतूपपातजाणेन परस्स च लोकस्स आसवक्खयजाणेन तदुभयवूपसमत्तज्च पस्सित्वा तं देसेति, पठमेन वा अत्तदुक्खदस्सनतो अत्तसिनेहपरिच्चागं दीपेति । दुतियेन परदुक्खदस्सनतो परेसु कोपपरिच्चागं, ततियेन अरियमग्गदस्सनतो मोहपरिच्चागज्च दीपेति । एवं नानागुणविसेसदीपनतो इमस्सेव लोकियाभिज्जाद्वयस्स इध गहणं कतन्ति वेदितब्बं ।

यस्मा अतीतजाति एव निवासो, तस्मा “अतीतजातीसू”ति न वत्तब्बन्ति चे? न, जातिया एकदेसेपि निवासवोहारसिद्धिदस्सनतो । **पाळियं** किज्चापि “एकमि जातिं द्वेपि जातियो”तिआदिवचनेन सकलजातिया अनुस्सरणमेव पुब्बेनिवासानुस्सति विय दिस्सति, न एवं दट्ठब्बं । तदेकदेसानुस्सरणमि पुब्बेनिवासानुस्सति एवाति दस्सनत्थं, भुम्मवचनं कतं ओकासादिसङ्गहत्थज्च । **“छिन्नवटुमकानुस्सरणादीसू”**ति **आदि-**सद्देन अनिवुत्थलोकधातुदीपरट्टनगरगामादिग्गहणं वेदितब्बं । **गण्ठपदे** पन “तेसं छिन्नवटुमकानं लोकुत्तरसीलादीनि न भगवता बोधिसत्तकाले विज्जातानी”ति वुत्तं । अत्थापत्तितो लोकियानि विज्जातानीति आपज्जति, तं दिब्बचक्खुजाणाधिकारे “अरियानं उपवादका”ति वचनेन समेन्तं विय दिस्सति । न हि अरिये अपस्सन्तस्स एवं होति । किमत्थं पनेत्थ अनुस्सति वुत्ता, ननु एस विज्जाधिकारोति चे? आदिकम्मिकस्स सतिवसेन निब्बत्तितो, अतीतधम्मानं सतिया विसेसाधिकारत्ता च । वुत्तज्झि “अनुस्सरामी”ति ।

“वत्तमानेसु विज्जान-मतीतेस्वस्स सरति ।

अनागतेसु धम्मेसु, सरति विज्जान पणिधी”ति ॥

आचरियकुमारितेन सिलोकोपि वुत्तो ।

तत्थ रागे उस्सन्नतरे तेजोसंवट्ठो । दोसे आपोसंवट्ठो । मोहे वायोसंवट्ठो । केचि “दोसे तेजोसंवट्ठो, रागे आपोसंवट्ठो, मोहे वायोसंवट्ठो”ति वदन्ति । यस्मा अमुत्राति चित्तं, वचनं वा भवादिनियमेन होति, तस्मा “**भवे वा**”तिआदि । **एवंनामो एवंगोत्तो**ति पदद्वयेन अज्झत्तबहिद्धामूलकं पञ्जत्तिसङ्घातं गोचरनिवासं दीपेति । **पवत्तफलभोजनो** सयंपतितफलाहारो ।

**चतुरासीतिकप्पसहस्सपरमायुपरियन्तो** वाति पणिधानतो पुब्बे । पटिनिवत्तन्तस्स पच्चवेक्खणं पुब्बेनिवासानुस्सतिजाणं न होति । “पुब्बेनिवासानुस्सतिजाणलाभीनं पनेतं आनुभावपरिदीपन”न्ति **गण्ठपदे** वुत्तं । **अमुत्राति** एत्थ पठमयोजनायं सीहोक्कन्तवसेन अनुस्सरणं वुत्तं, तच्च खो अनुलोमवसेन । “पटिलोमवसेना”तिपि लिखन्ति, तं दुविज्जेय्यं । सीहोक्कन्तं दस्सेतुं “**अनेकासु कप्पकोटीसू**”तिआदि वुत्तं । **यथा** तन्ति निदस्सनेन पटिपत्तिसाधारणेन फलसाधारणतं दस्सेन्तो ब्राह्मणस्स आदरं जनेति, अत्तानमेवेकं उक्कंसेतीति वचनं निवारेति । “साधु खो पन तथारूपानं अरहतं दस्सनं होती”ति तस्स पुब्बे उप्पन्नचित्ते एव नियोजेति । **पठमा अभिनिब्भिदा**ति वचनेन अविज्जण्डकोसस्स बहुपटलभावं दस्सेति, तेन अट्ठगुणिस्सरियादिना अनभिनिब्भिदं दीपेति ।

पुब्बेनिवासकथावण्णना निट्ठिता ।

### दिब्बचक्खुजाणकथावण्णना

**१३. “चुतूपपातजाणया”**ति फलूपचारेन वुत्तं । इदञ्चि दिब्बचक्खुजाणं रूपारम्भणत्ता परित्तपच्चुप्पन्नअज्झत्तबहिद्धारम्भणं होति । न चुत्तिं वा पटिसन्धिं वा आरम्भणं करोति । तस्मा “यथाकम्मूपगे सत्ते पजानामी”ति (पारा० १३) वचनं विय फलूपचारेनेव वुत्तमिदन्ति वेदितव्वं । दिब्बविहारसन्निस्सितत्ता कारणोपचारेन दिब्बं । इमिना पन केचि आचरिया “कुसलाकुसला चक्खू दिब्बचक्खु कामावचर”न्ति वदन्ति, ते पटिसेधिता होन्ति । चतुत्थज्झानपज्जा हि एत्थ अधिप्पेता । **महाजुतिकत्ता महागतिकत्ता**ति एतेसु “सद्वसत्थानुसारेना”ति वुत्तं । एकादसन्नं उपक्किलेसानं एवं उप्पत्तिक्कमो उपक्किलेसभावो च वेदितव्वो, महासत्तस्स आलोकं वट्ठेत्वा दिब्बचक्खुना नानाविधानि रूपानि दिस्वा “इदं नु खो कि”न्ति विचिकिच्छा उदपादि, सो उपक्किलेसो **उपक्किलेससुत्ते** (म० नि० ३.२३६ आदयो) “विचिकिच्छाधिकरणञ्च पन मे समाधिम्हि चवि, समाधिम्हि चुते ओभासो अन्तरधारयति दस्सनञ्च रूपान”न्ति वचनतो । ततो “रूपानि मे पस्सतो विचिकिच्छा उप्पज्जति, इदानि न किञ्चि मनसि करिस्सामी”ति चिन्तयतो अमनसिकारो, ततो किञ्चि अमनसिकरोन्तस्स थिनमिद्धं उदपादि, ततो तस्स पहानत्थं आलोकं वट्ठेत्वा रूपानि पस्सतो हिमवन्तादीसु दानवरक्खसादयो पस्सन्तस्स छम्भितत्तं उदपादि, ततो तस्स पहानत्थं “मया दिट्ठभयं पकतिया ओलोकियमानं नत्थि, अदिट्ठे किं नाम भय”न्ति चिन्तयतो उप्पिलावितत्तं उदपादि । **गण्ठपदे** पन “उप्पिलं दिब्बरूपदस्सेनेना”ति वुत्तं, “तं दुवुत्तं परतो अभिजप्पावचनेन तदत्थसिद्धितो”ति **आचरियो** वदति । ततो छम्भितत्तपहानत्थं “मया वीरियं दळ्ळं पग्गहितं, तेन मे इदं उप्पिलं उप्पन्न”न्ति वीरियं सिथिलं करोन्तस्स कायदुडुल्लं कायदरथो कायालसियं उदपादि, ततो तं चजन्तस्स अच्चारद्धवीरियं उदपादि, तत्थ दोसं पस्सतो अतिलीनवीरियं उदपादि, ततो तं पहाय समप्पवत्तेन वीरियेन छम्भितत्तभया हिमवन्तादिट्ठानं पहाय देवलोकाभिमुखं आलोकं वट्ठेत्वा देवसङ्घं पस्सतो तण्हासङ्घाता अभिजप्पा उदपादि, ततो “मय्हं एकजातिकरूपं मनसि करोन्तस्स अभिजप्पा उप्पन्ना, तस्मा दानि नानाविधं रूपं मनसि करिस्सामी”ति कालेन देवलोकाभिमुखं, कालेन मनुस्सलोकाभिमुखं आलोकं वट्ठेत्वा नानाविधानि रूपानि मनसि करोतो नानत्तसज्जा उदपादि, ततो “नानाविधरूपानि मे मनसि करोन्तस्स नानत्तसज्जा उदपादि, तस्मा दानि अभिजप्पादिभया इट्ठादिनिमित्तगाहं पहाय एकजातिकमेव रूपं मनसि करिस्सामी”ति तथा करोतो अभिनिज्झायितत्तं रूपानं उदपादि एवं पहीनउपक्किलेसस्सापि अनधिट्ठितत्ता । ओभासज्झि खो जानामि, न च रूपानि पस्सामीतिआदि जातं ।

तस्सत्थो — यदा परिकम्मोभासमेव मनसि करोमि, तदा ओभासं सज्जानामि, दिब्बेन चक्खुना रूपानि न च पस्सामि, रूपदस्सनकाले च ओभासं न जानामीति । किमत्थमिदं वुत्तं, न हि एतं उपक्किलेसगतन्ति? न केवलं उपक्किलेसप्पजहनमेवेत्थ कत्तव्वं, येन इदं विसुद्धं होति, अज्जम्पि तदुत्तरि कत्तव्वं अत्थीति दस्सनत्थं । **विचिकिच्छा चित्तस्स उपक्किलेसो**तिआदीसु “इमे

धम्मा उपविकलेसाति आदीनवदस्सनेन पजहिं, न मय्हं तदा उप्पन्नत्ता”ति केचि वदन्ति । **मानुसकं** वाति इमिना सभावातिककमं दस्सेति । **मंसचक्खुना** वियाति इमिना परियत्तिगहणं, वण्णमत्तारम्मणतज्ज उपमेति । वण्णमत्ते हेत्थ सत्त-सद्धो, न “सब्बे सत्ता आहारट्टितिका”ति (अ० नि० १०.२७) एत्थ विय सब्बसङ्खतेसु, हीनजातिआदयो मोहस्स **निस्सन्दो** विपाको । कायदुच्चरितेन समन्नागता पुब्बे अतीतभवे अहेसुं, सम्पति निरयं उपपन्नाति एवं पाठसेसेन सम्बन्धो वेदितब्बो । “यथाकम्मूपगजाणञ्चि एकन्तमतीतारम्मणं, दिब्बचक्खु पच्चुप्पन्नारम्मण”न्ति उभिन्नं किच्चवसेन वुत्तं । **महल्लको**ति समणानं सारुप्पमसारुप्पं, लोकाचारं वा न जानातीति अधिप्पायेन वुत्तत्ता गुणपरिधंसनेन गरहतीति वेदितब्बं । “नियतो सम्बोधिपरायनो”ति (सं० नि० २.४१; ५.९९८, १००४) वुत्तो अरियपुग्गलो मग्गावरणं कातुं समत्थं फरुसवचनं यदि कथेय्य, अपायगमनीयमि करेय्य, तेन सो अपायुपगोपि भवेय्य, तस्मा उपपरिक्खितवन्ति एके । “**वायामं मा अकासी**ति थेरेन वुत्तत्ता मग्गावरणं करोती”ति वदन्ति । पुब्बेव सोतापन्नेन अपायद्वारो पिहितो, तस्मास्स सग्गावरणं नत्थि । “**पाकतिकन्ति** पवत्तिविपाकं अहोसी”ति वदन्ति । “वुद्धि हेसा, भिक्खवे, अरियस्स विनये, यो अच्चयं अच्चयतो दिस्वा यथाधम्मं पटिकरोती”ति (म० नि० ३.३७०; दी० नि० १.२५१) वचनतो पाकतिकं अहोसीति एके । **सचे सो न खमती**ति सोतापन्नादीनं खन्तिगुणस्स मन्दताय वा आयतिं तस्स सुद्ध संवरत्थाय वा अक्खमनं सन्धाय वुत्तं । **सुखानं वा आयस्स** आरम्मणादिनो अभावा कालकज्जिका असुरा होन्ति । “इतो भो सुगतिं गच्छा”ति (इतिवु० ८३) वचनतो **मनुस्सगतिपि** । **दिब्बचक्खुजाणविज्जा**ति दिब्बचक्खुमेव दस्सनट्ठेन जाणं, तस्स तस्स अत्थस्स विन्दनट्ठेन विज्जाति अत्थो ।

दिब्बचक्खुजाणकथावण्णना निट्ठिता ।

### आसवक्खयजाणकथावण्णना

**१४. सो एवं समाहिते चित्ते**ति किं पुरिमस्मियेव, उदाहु अज्जस्मियेव चतुत्थज्झानचित्ते । **अट्ठकथायमि** यतो वुद्धाय पुरिमविज्जाद्वयं अधिगतं, तदेव पुन समापज्जनवसेन अभिनवं अभिणहं कतन्ति दस्सनत्थं “सो एवं समाहिते चित्तेति इध विपस्सनापादकं चतुत्थज्झानचित्तं वेदितब्ब”न्ति वुत्तं । एत्थाह — यदि तदेव पुन समापज्जनवसेन अभिनवं कतं, अथ कस्मा पुब्बे विय “विपस्सनापादकं अभिज्जापादकं निरोधपादकं सब्बकिच्चसाधकं सब्बलोकियलोकुत्तरगुणदायकं इध चतुत्थज्झानचित्तं वेदितब्ब”न्ति अवत्त्वा “इध विपस्सनापादकं चतुत्थज्झानचित्तं वेदितब्ब”न्ति एत्तकमेव वुत्तं, ननु इध तथावचनट्ठानमेव तं अरहत्तमग्गेन सद्धिं सब्बगुणनिप्फादनतो, न पठमविज्जाद्वयमत्तनिप्फादनतोति? वुच्चते — अरियमग्गस्स बोज्झङ्गमग्गङ्गझानङ्गपटिपदाविमोक्खविसेसनियमो पुब्बभागवुट्ठानगामिनीविपस्सनाय सङ्खारुपेक्खासङ्खाताय नियमेन अहोसीति दस्सनत्थं विपस्सनापादकमिध वुत्तन्ति वेदितब्बं । तत्थ परियापन्त्ता, न तदारम्मणमत्तेन । **परियायतो**ति अज्जेनपि पकारेन । “**इमे आसवा**”ति अयं वारो किमत्थं आरद्धो? “आसवानं खयजाणाया”ति अधिकारानुलोमनत्थं । **मग्गक्खणे हि चित्तं विमुच्चति, फलक्खणे विमुत्तं** होतीति इदं एकत्तनयेन वुत्तं । यच्चि विमुच्चमानं, तदेव अपरभागे विमुत्तं नाम होति । यज्ज विमुत्तं, तदेव पुब्बभागे विमुच्चमानं नाम होति । भुज्जमानो एव हि भोजनपरियोसाने भुत्तावी नाम । “इमिना पच्चवेक्खणजाणं दस्सेती”ति पच्चवेक्खणजाणस्स च पट्ठाने “मग्गा वुट्ठित्वा मग्गं पच्चवेक्खति, फलं, निब्बानं, पहीने किलेसे पच्चवेक्खती”ति अयमुप्पत्तिकमो वुत्तो । पवत्तिकमो पनेत्थ सरूपतो अत्थतोति द्विधा वुत्तो । तत्थ “विमुत्तमिति जाणं अहोसी”ति सरूपतो चतुब्बिधस्सपि पच्चवेक्खणजाणस्स पवत्तिकमनिदस्सनं । “खीणा जाती”तिआदि अत्थतो । तेनेव अन्ते “अब्भज्जासि”न्ति पुग्गलाधिट्ठानं देसनं अकासि पच्चवेक्खणजाणस्स तथा अप्पवत्तितो । अप्पटिसन्धिकं होतीति जानन्तो “खीणा जाती”ति जानाति नाम । “दिब्बचक्खुना पच्चुप्पन्नानागतंसजाण”न्ति अनागतंसजाणस्स च दिब्बचक्खुसन्निस्सितत्ता वुत्तं ।

आसवक्खयजाणकथावण्णना निट्ठिता ।

### उपासकत्तपटिवेदनाकथावण्णना

**१५. कण्णसुखतो हृदयङ्गमतोति** वचनमेव सन्धाय वुत्तं । **अनत्तुक्कंसनतोति** आदि पुग्गलवसेन, **कण्णसुखतोति** सोतिन्द्रियं सन्धाय । **आपाथारमणीयतोति** जाणापाथारमणीयतो । सयमेव **हेट्टामुखजातं वा**, मग्गो पन असोको होति । तदा हि सोको पहीयमानो । चरियादिअनुकूलतो **अप्पटिकूलं** । “**मधुरमिम**”न्ति वुत्तत्ता “**धम्ममिम**”न्ति वचनं अधिकं विय दिस्सति । तस्मा “**रागविरागमिम**”न्ति एवं विसुं विसुं योजेत्वा पुन पिण्डेत्वा धम्ममिमं उपेहीति योजेतब्बं, “**धम्ममेव सरणत्थमुपेही**”ति पठन्ति किराति दीपेति । सरणगतानं तेनेव सरणगमनेन भयं सन्तासं दुग्गतिं परिक्किलेसं दुक्खं हिंसतीति रतनत्तयं **सरणं** नाम । तप्पसादतगुरुतादीहि विहतकिलेसो तप्परायनताकारप्पवत्तो चित्तुप्पादो **सरणगमनं** । तंसमङ्गीसत्तो **सरणं गच्छति** । पभेदेन पन दुविधं सरणगमनं लोक्कत्तरं लोकियन्ति । तत्थ लोक्कत्तरं दिट्ठसच्चानं मग्गक्खणे सरणगमनुपक्किलेससमुच्छेदेन निब्बानारम्मणं हुत्वा किच्चतो सकलेपि रतनत्तये इज्झति । लोकियं पुत्थुज्जनानं सरणगमनुपक्किलेसं तदङ्गविक्खम्भनेन आरम्मणतो बुद्धादिगुणारम्मणं हुत्वा इज्झति । तं अत्थतो रतनत्तये सद्भापटिलाभो सद्भामूलिका च सम्मादिट्ठि । लोक्कत्तरस्स चत्तारि सामञ्जफलानि विपाकफलं, सब्बदुक्खक्खयो आनिसंसफलं । “यो च बुद्धञ्च धम्मञ्च... पे०... सब्बदुक्खा पमुच्चती”ति (ध० प० १९०-१९२) हि वुत्तं । लोकियस्स भवभोगसम्पदा । “ये केचि बुद्धं सरणं गतासे”ति (दी० नि० २.३३२; सं० नि० १.३७) हि वुत्तं । लोकियसरणगमनं तीसु वत्थूसु अज्जाणसंसयमिच्छाजाणादीहि संकिलिस्सति, न महाजुतिकं होति, न महाविप्फारं । लोक्कत्तरस्स नत्थि संकिलेसो । लोकियस्स सावज्जो अनवज्जोति दुविधो भेदो । तत्थ अज्जसत्थारादीसु अत्तसन्निव्यातनादीहि सावज्जो होति, सो अनिट्ठफलो । अनवज्जो कालकिरियाय, सो अविपाकत्ता अफलो । लोक्कत्तरस्स नेवत्थि भेदो । भवन्तरेपि हि अरियसावको अज्जं सत्थारं न उद्दिसति । यो कोचि सरणगतो गहट्ठो **उपासको** । रतनत्तयउपासनतो उपासको । पञ्च वेरमणियो **सीलं** । सत्थसत्तमंसमज्जविसवाणिज्जारहितं धम्मेन जीविकं **आजीवो** । वुत्तसीलाजीवविपत्ति **विपत्ति** नाम । विपरीता **सम्पत्ति** ।

**१६. लच्छाम नु खोति** दुग्गते सन्धाय वुत्तं । **सक्खिस्साम नुखो नोति** समिद्धे सन्धाय । तत्थ वेरज्जायं । **पग्गहतीति** पत्तं पग्गहो, तेन पग्गहेन पत्तेनाति अत्थो । **समादायेवाति** निदस्सनं । **न च वट्ठतीति** पुन पाकं किञ्चापि वट्ठति, तथापि न सुट्ठ पक्कत्ता वुत्तं, “उत्तण्डुलभत्तं लभित्वापि पिधेतुं न वट्ठती”ति अट्ठकथावचनञ्चेत्थ साधकं । “सावकानं वा सिक्खापदं पज्जपेस्सामी”ति इमिना वचनेन आजीवपारिसुद्धिशीलं सन्धाय “**पच्छा सील**”न्ति वुत्तं । उपालित्थेरोपि तं वत्थुं पटिच्च भगवता बहूनि सिक्खापदानि पज्जत्तानि अत्थीति दीपेति । यदि एवं वेरज्जायं “एतस्स भगवा कालो”ति वचनं न समेतीति चे? न, ततो पुब्बे सिक्खापदाभावप्पसङ्गतो । थेरो पन पज्जत्तानि ठपेत्वा इदानि पज्जपेतब्बानि पातिमोक्खुद्देसप्पहोनेकानि सन्धायह । भगवापि “न ताव सारिपुत्त सत्था सावकानं सिक्खापदं पज्जपेती”ति **भद्दालिसुत्ते** (म० नि० २.१३४; आदयो) विय एकच्चेसु पज्जत्तेसुपि ततो परं पज्जपेतब्बानि सन्धायह । इधेव **अट्ठकथायं** “सामप्पि पचनं समणसारुप्पं न होति न च वट्ठती”ति वचनञ्च, तथा “रत्तिच्छेदो वा वस्सच्छेदो वा”तिआदिवचनानि च अत्थि । अज्जथा “द्वीहाकारेहि बुद्धा भगवन्तो भिक्खू पटिपुच्छन्ती”ति इधेवेदं पाळिठपनं विरुज्झतीति आचरियेन विचारितं, तं सुन्दरं पुब्बेपि पज्जत्तसिक्खापदसम्भवतो । किन्तु इध पाळिठपनविरोधविचारणा पन निप्पयोजना विय मम दिस्सति । कस्मा? उपालित्थेरेन सङ्गीतिकाले वुत्तपाठत्ता । **रत्तिच्छेदोति** सत्ताहकिच्चं सन्धाय वुत्तो । “सत्ताहकरणीयेन गन्त्वा रत्तिच्छेदो वा वस्सच्छेदो वा एकभिक्खुनापि न कतो”ति वुत्तं किर **महाअट्ठकथायं**, तस्मा वस्सच्छेदस्स कारणे सति सत्ताहकिच्चं कातुं वट्ठतीति एके । विनयधरा पन निच्छन्ति, तस्मा अट्ठकथाधिप्पायो वीमंसितब्बो, इमाय वेरज्जायं अप्पिच्छतादिपटिपदाय पसन्ना । सालीनं विकति **सालिविकति** ।

**१७-८. उपपन्नफलोति** बहुफलो । “खुद्दं मधु”न्ति पाठो । **थेरं सीहनादं नदापेतुं पुच्छीति** इमिना आचरियो यं पुब्बे आणाय ठितानं सावकानं महानुभावतादस्सनं “वेरज्जायं निवासप्पयोजन”न्ति अम्हेहि वुत्तं, तं सम्पादेति, राजगहे वेरज्जायज्जाति उभयत्थ वितक्कुप्पादे एकतो पिण्डेत्वा दस्सेन्तो “**अथ खो आयस्मतो सारिपुत्तस्सा**”तिआदिमाह । कालं सन्धाय **चिरं**, ठितिं सन्धाय **चिराति** विग्गहो ।

कामं हिनोति अत्तनो फलनिब्बत्तिया सहायं गच्छतीति कत्तरि **हेतु**, तथापि इध तेन करणभूतेन तस्स फलं हिनोति पवत्ततीति **हेतु** । तथा घटन्ति तेनाति घटो । **किलासुनोति** पयोजनाभावेन अवावटा । **अब्बोकिण्णानि** विसभागेहि । **आगामिनिया** अनागतेति

अथो। इमेसंयेव नोति दस्सनत्थं “सब्बबुद्धानं ही”ति वुत्तं। **यावसासनपरियन्ता**ति याव बुद्धा धरन्ति, तावाति अथो। खत्तियब्राह्मणाव उच्चा, तत्थापि विसेसं दस्सेतुं “उच्चनीचउळारुळारभोगा”ति। “मनसि कत्वा”तिपि पाठो। उपसम्पाद्यउपसम्पाद्यइच्चेतं द्वयं मागधे “उपसम्पज्जा”ति वुच्चति। **अनुपादाया**ति आरम्मणकरणवसेन अगगहेत्वा। **आसवेही**ति कत्तरि ततियाविभत्ति। **चित्तानी**ति पच्चत्तबहुवचनं। **विमुच्चिसू**ति कम्मकारके। विमोचितानीति अधिप्पायोति आचरियो। आसवेहीति पदञ्च पच्चत्ते करणवचनं कत्वा **गण्ठपदे** अथो पकासितो। यदि अरियमग्गेन निरुद्धानं आसवानं वसेन अनासवता, लोके चित्तानिपि अनासवा सियुं। न हि निरुद्धानि चित्तानि आरम्मणानि करोन्तीति तानि अनिरुद्धासववसेन सासवानीति चे। सोतापन्नस्स मग्गचित्तं उपरिमग्गवज्झासववसेन सासवं, अवसिद्धासवसमुच्छिन्दनानुभावत्ता फलानि सासवानि सियुन्ति? न, आसवसमुच्छिन्दनानुभावागतफलत्ता। भिंसनस्स करणं भिंसनकत्तं, तस्मिं **भिंसनकतस्मिं**, भिंसनकिरियायाति अथो। इत्थिलिङ्गं विपल्लासं कत्वा नपुंसकलिङ्गं, पुरिसलिङ्गं वा कत्वा। **निमित्तत्थे**ति एत्थ —

“चम्मनि दीपिनं हन्ति, दन्तेसु हन्ति कुञ्जरं।  
वालेसु चामरिं हन्ति, सिङ्गेसु सरभो हतो”ति ॥ —

अधिकरणं।

**२०-२१.** नचिरट्टितिककारणे कथिते चिरट्टितिककारणं अत्थतो वुत्तपटिपक्खवसेन किञ्चापि सिद्धं, तथापि तं थेरस्स विनयपञ्जत्तियाचनाय ओकासकारणाधिप्पायतो विनयपञ्जत्तियाचनोकासं पापेतुं पुन भगवन्तं “को पन, भन्ते, हेतू”ति पुच्छि। भगवापि याचनं सम्पटिच्छितुकामो ब्याकासि। “आसवद्वानीया सङ्गे पातुभवन्ती”ति पुग्गलस्स सङ्गपरियापन्नत्ता वुत्तं। **आदरत्थवसेनेवेत्थ द्विक्खत्तुं वुत्तन्ति** यस्मा थेरो पुब्बे राजगहे, सम्पति वेरञ्जायन्ति द्विक्खत्तुं काचि, तस्मा आदरेन पुनप्पुनं याचयमानं पस्सित्वा सयम्पि भगवा आदरेनेव “आगमेहि त्वं सारिपुत्ता”ति आह। तेनेतं दीपेति “मा त्वं पुनप्पुनं याचाहि, सम्पटिच्छिताव मया ते याचना, पुब्बेननु तवयाचनं सम्पटिच्छिताव मया एतत्के काले एतकानि सिक्खापदानि पञ्जत्तानि, न ताव मे सावकानं आणापातिमोक्खुद्देसानुजाननकालो सम्पत्तो, तक्कानुमानवसेन तया ‘एतस्स भगवा कालो’ति पुनप्पुनं निद्विसियमानोपि नेस सो कालो, किन्तु तथागतोव तत्थ कालं जानिस्सती”ति। यस्मा पन “सिक्खापदपञ्जत्तिकालतो पभुति आणापातिमोक्खमेव उद्विसियती”ति वुत्तं, तस्मा पातिमोक्खुद्देसप्पहोनकसिक्खापदमेव सन्धायाह। “तत्थाति सिक्खापदपञ्जत्तियाचनापेक्खं भुम्मवचनं”न्ति एकमेव पदं वुत्तं तस्सा सिद्धिया इतरस्स सिद्धितो। “सावकानं विसयभावन्ति इमिना महापदुमत्थेरवादो पटिक्खितो”ति **अनुगण्ठपदे** वुत्तं, तं सुन्दरं विय। सम्मुखे **गरहा**। परम्मुखे **उपवादो**। “न, भिक्खवे, ऊनदसवस्सेन...पे०... दुक्कटस्सा”ति (महाव० ७५) इदं सिक्खापदं भगवा बुद्धत्तेन दसवस्सिको हुत्वा पञ्जपेसि ऊनदसवस्सिकस्स तस्स तथा सिक्खापदपञ्जत्तिया अभावतो। न तदा अतिरेकदसवस्सिकोव दसवस्सिकानं रत्तञ्जुमहत्तप्पत्तितो, तस्मा तं सिक्खापदं वेरञ्जायं वस्सावासतो पुब्बे राजगहे एव पञ्जत्तन्ति सिद्धं, तस्मिं सिद्धे सिद्धमेव “याव न सङ्गे रत्तञ्जुमहत्तं पत्तोति वचनं इतो पुब्बे पठमयाचनायपि वुत्त”न्ति। **अट्ठकथायम्पि** रत्तञ्जुमहत्तप्पत्तकाले “द्वे सिक्खापदानी”ति गणनपरिच्छेदवचनं पठमयाचनाय वुत्तवचनं सन्धाय वुत्तं। अञ्जथा रत्तञ्जुमहत्तप्पत्तकाले द्वे एव, न अञ्जन्ति आपज्जति।

“अथ खो आयस्मतो सारिपुत्तस्सा”तिआदिमिह अयमादितो पट्ठाय अत्थविभावना — अयं किरायस्मा अस्सजित्थेरतो पटिलिङ्गं एकगाथामत्तकं धम्मपरियायं नयसतसहस्सेहि विवेचेन्तो अरहत्तं पत्वा सावकपारमीजाणे ठितो “अहो वत महानुभावोयं सद्धम्मो, यो विनापि धम्मसामिना परम्मुखतो सुतमत्तेपि मय्हं महन्तं गुणविसेसं जनेसि, साधु वतायं सद्धम्मो चिरं तिद्वेय्या”ति चिन्तेन्तो “कतमेसानं नु खो बुद्धानं भगवन्तानं...पे०... न चिरट्टितिक”न्ति तमत्थं, कारणञ्च अत्तनो अगगसावकजाणेन पटिविज्झित्वा “सावकानं सिक्खापदं पञ्जत्तन्तिआदिचिरट्टितिकारण”न्ति निद्वं कत्वा विनयपञ्जत्तियाचनोकासकरणत्थं भगवन्तं पुच्छि। ततो पज्जस्स विस्सज्जने विनयपञ्जत्तियाचनोकासे सम्पत्ते “एतस्स भगवा कालो, एतस्स सुगत कालो”ति विनयपञ्जत्ति याचि। ततो भगवा तस्सा याचनाय सम्पटिच्छितभावं, “एतस्स भगवा कालो”ति वुत्तकालस्स अकालतं, कालस्स च

अनञ्जविसयतं दीपेन्तो “आगमेहि त्व”न्तिआदिमाह, ततो भगवा तस्स याचनं, सत्तेसु कारुञ्जतञ्च पटिच्च “तेन खो पन समयेन भिक्खू अनुपज्झायका अनाचरियका अनोवदियमाना”तिआदिना (महाव० ६४) नयेन वेपुल्लमहत्ततं पटिच्च सत्था सावकानं उपज्झायवत्तादीनि विनयकम्मनि, तदनुरूपसिक्खापदानि च पञ्जपेसि। ततो अनुक्कमेन द्वादसमवस्सं वेरञ्जायं वसि। तदा च आयस्मा सारिपुत्तो सत्थारा निद्धिद्वेसु चिरट्ठितिहेतूसु जातेसु “नवङ्गसत्थुसासनमहत्तता च सम्पति जाता, विनयपञ्जत्ति च बहुतरा जाता, पातिमोक्खुद्देसो एवेको न ताव सावकानं अनुज्जातो, सो च परिसुद्धेन सङ्गेन करीयति। सङ्घोपि एतरहि परिसुद्धो पच्छिमकस्स सोतापन्नत्ता”ति चिन्तेत्वा पातिमोक्खुद्देसं अनुजानापेतुकामो यत्तकेहि च सिक्खापदेहि पातिमोक्खुद्देसो अनुजानीयति, तत्तकानं पञ्जत्तियाचनपुब्बङ्गमं पातिमोक्खुद्देसं याचन्तो पुब्बुप्पन्नवितक्कसूचनपुच्छाविस्सज्जनक्कमवसेन याचनोकासे सम्पत्ते “एतस्स भगवा कालो”तिआदिमाह।

तत्थ “यं भगवा सावकानं सिक्खापदं पञ्जपेय्या”ति पातिमोक्खुद्देसण्होनकसिक्खापदं सन्धायाह, अयमत्थो **भद्दालिसुत्तेन** (म० नि० २.१३४ आदयो) दीपेतब्बो। तत्थ हि बहूसु सिक्खापदेसु पञ्जत्तेसु, पञ्जपियमानेसु च “न ताव भद्दालि सत्था सावकानं सिक्खापदं पञ्जपेती”तिआदि (म० नि० २.१४५) वुत्तं अपञ्जत्तं उपादाय, तथा इधापि अपञ्जत्तं सन्धाय वुत्तन्ति वेदितब्बं। परिसुद्धत्ता सङ्घस्स सम्पति सावकानं आणापातिमोक्खुद्देसं नानुजानामीति दस्सेन्तो “**निरब्बुदो**”तिआदिमाह। न हि परिसुद्धे सङ्गे ओवादपातिमोक्खुद्देसस्स अनुद्देसकारणं अत्थि, तस्मिं सति आणापातिमोक्खुद्देसानुजाननाधिप्पायतो। तथा च सो ततो अट्ठन्नवस्सानं अच्चयेन अनुज्जातो। यथाह **पातिमोक्खठपनक्खन्धके** (चूळव० ३८६) “न दानाहं, भिक्खवे, इतो परं उपोसथं करिस्सामि...पे०... पातिमोक्खं उद्दिसेय्याथा”ति। यं पन **उपसम्पदक्खन्धके** (महाव० १२९) “तेन खो पन समयेन भिक्खू अञ्जतरं भिक्खुं उपसम्पादेत्वा एककं ओहाय पक्कमिंसु...पे०... सो तस्सा मेथुनं धम्मं पटिसेवित्वा चिरेन अगमासी”ति वत्थु आगतं, तं सुदिन्नवत्थुतो परतो उप्पन्नम्पि तत्थ यथाधिकारं समोधानेतुं वुत्तं। तथा तत्थेव “उभयानि खो पनस्स पातिमोक्खानि वित्थारेन स्वागतानि होन्ती”तिआदिना (पाचि० १४७; अ० नि० ८.५२; १०.३३) अङ्गानिपि वेदितब्बानि। न हि आदितो एव उभतोपातिमोक्खानि सिद्धानीति। अपिच आदितो पट्टाय अयमनुक्कमो वेदितब्बो, सेय्यथिदं — राहुलकुमारे उप्पन्ने बोधिसत्तो निक्खमित्वा छब्बस्सानि दुक्करं कत्वा सत्तमे अभिसम्बुद्धो, तस्मिं एव संवच्छरे कपिलवत्थुं गन्त्वा राहुलकुमारं पब्बाजेसि। **अम्बलट्टिकराहुलोवादसुत्तट्ठकथायं** (म० नि० अट्ठ० २.१०७ आदयो) “अयज्हि आयस्मा सत्तवस्सिककाले भगवन्तं चीवरकण्णे गहेत्वा ‘दायज्जं मे समण देहि, दायज्जं मे समण देही’ति दायज्जं याचमानो भगवता धम्मसेनापतिसारिपुत्तत्थेरस्स निय्यादेत्वा पब्बाजितो”ति च वुत्तं, तस्मा राहुलकुमारं आरब्ध “अनुजानामि, भिक्खवे, तीहि सरणगमनेहि सामणेरपब्बज्ज”न्ति (महाव० १०५) वुत्तत्ता सरणगमनूपसम्पदा पठमवस्सब्भन्तरे एव पटिक्खित्ता, जत्तिचतुत्थकम्मवसेन उपसम्पदा अनुज्जाताति पञ्जायति। अपिच **राहुलवत्थुम्हि** “न, भिक्खवे, अननुज्जातो मातापितूहि पुत्तो पब्बाजेतब्बो, यो पब्बाजेय्य, आपत्ति दुक्कटस्सा”ति (महाव० १०५) सिक्खापदं पञ्जत्तं, तस्मा इतो पुब्बेपि सिक्खापदानि पञ्जत्तानीति सिद्धं।

सुत्वा च यो हेतुनिरोधमगं,  
निरोधुपायं पटिविज्झि खिप्पं।  
जातोवपेक्खेन असेसमेतं,  
लोकं विपस्सी सुगतगसिस्सो॥

सो धम्मसेनापति अगसिस्सो,  
सद्धम्मराजस्स तथागतस्स।  
सयं मुनिन्देन यसस्स पत्तो,  
अनेकसो सोळसथा पसत्थो॥

तस्मा हि सिक्खापदबन्धकालो,

जातुम्पि लोके अतिभारियोव ।  
पगेव सिक्खापदभावभेदो,  
पगेव अज्जो उभयत्थ तत्थ ॥

पच्चेकबुद्धा अपि तं द्वयन्तु,  
जातुं न सक्काव पगेव नेतुं ।  
निस्संसयं तत्थ तथागतोव,  
जानिस्सतिच्चाह तथागतोति ॥

इच्चेतमत्थं इध भिक्खु जत्वा,  
सिक्खापदानं कमभावभेदं ।  
जातुं सयं नो न परे च नेतुं,  
परियेसितब्बो इध युत्तिमग्गो ॥

तत्थ कमभेदो सिक्खापदानं परतो आवि भविस्सति । भावभेदो ताव उक्खित्तकानुवत्तनपच्चया भिक्खु अनापत्तिको, भिक्खुनी पन समनुभट्ठा पाराजिका होति । पाराजिकापत्तिपटिच्छादने भिक्खुस्स दुक्कटं, भिक्खुनिया पाराजिकं । दुट्ठुल्लं आरोचेन्तस्स, पटिच्छादेन्तस्स च पाचित्तियं । महासावज्जं पाराजिकं आरोचेन्तस्स, पटिच्छादेन्तस्स च भिक्खुस्स दुक्कटं । इच्चेवमादीहि अभावभेदसिक्खापदानं इध भावभेदेन युत्तिपरियेसनं साधयमानोपि सिया अनुम्मादविघातभागीति । एतावता सकलस्सपि विनयपिटकस्स वितक्कयाचनकालकालज्जूकारणफलपयोजनेहि सत्तहि अङ्गेहि पटिमण्डितं निदानमायस्मता उपालित्थेरेन निदस्सितं होति । तत्थ थेरस्स विनयपञ्चत्तियाचनहेतुभूतो **वितक्को** नाम । तस्सेव “एतस्स भगवा कालो”तिआदिना पवत्ता **याचना** नाम । रत्तज्जूवेपुल्ललाभग्गबाहुसच्चमहत्तप्पत्ति **कालो** नाम । सब्बज्जू एव **कालज्जू** नाम । आसवट्ठानीयानं धम्मानं पातुभावो **कारणं** नाम । “तेसंयेव आसवट्ठानीयानं धम्मानं पटिघाताया”ति वचनतो आसवट्ठानीयधम्मपटिघातो **फलं** नाम । “यथयिदं ब्रह्मचरियं अद्धनियं अस्सा”ति वचनतो सासनब्रह्मचरियस्स चिरट्ठिति **पयोजनन्ति** वेदितब्बं । होति चेत्थ —

“वितक्को याचना कालो, कालज्जू कारणं फलं ।  
पयोजनन्ति सत्तङ्गं, निदानं विनयस्सिधा”ति ॥

**२२. अन्तिममण्डलन्ति** अब्भन्तरमण्डलं । तज्जि इतरेसं अन्तो होति, खुद्वकमण्डलं वा । अनुमतिदानवसेन तेसं भिक्खूनं **दत्त्वा** । तेसं बुद्धानं चारिकाय विनेतब्बा **वेनेय्यसत्ता** । **ओचिनन्ता** **वियाति** बहुपुप्फं गच्छं मालाकारा चिरं ओचिनन्ति, एवं बहुवेनेय्येसु गामादीसु चिरं वसन्ता वेनेय्यपुज्जं परिहरन्ता चरन्ति । **सन्तं सुखं**, न वेदनासुखं विय सपरिप्फन्दं । **दससहस्सचक्कवाळे**ति देवानं वसेन वुत्तं । मनुस्सा पन इमस्मिंयेव चक्कवाळे बोधनेय्या उप्पज्जन्ति । महाकरुणाय धुवं सत्तसमवलोकनं । **ओतिण्णे**ति परिसमज्झं आगते, आरोचिते वा । येन कारणेन मयं तुम्हाकं देय्यधम्मं ददेय्याम, तं कुतो सक्का लब्धुं । बहुकिच्चा हि घरावासाति । दुतियविकप्पे **तन्ति** देय्यधम्मं । “तुम्हेहि तं कुतो लब्धा”ति **अनुगण्ठपदे** वुत्तं । केचि पन “पठमं किरियं पेक्खति, दुतियं देय्यधम्मं”न्ति वदन्ति । **आचरियो** पन “पठमयोजनाय यं दानपुज्जं, तं कुतो लब्धा । पुज्जन्तरायबहुला हि घरावासाति । दुतिययोजनाय तेमासब्भन्तरे यमहं ददेय्यं, अतिक्कन्तकालत्ता तमहं सम्पति कुतो ददेय्यन्ति दस्सेती”ति वदति । सीलादिकुसलधम्मसन्दस्सनादि**धम्मरतनवस्सं** ।

**२३.** पत्तुण्णदेसे पत्तुण्णं पटवरं । **महायागन्ति** महादानं । **परिपुण्णसङ्कप्पन्ति** तेमासं सोतब्बं अज्ज सुण्णिन्ति ।

**तन्निदन्ति** इदं कारणं ।

उपालि दासकोति **आचरियपरम्परतो**। बाहिरब्भन्तरनिदानं, सिक्खापदानं पज्जत्तिट्ठानसङ्घातं आवेणिकनिदानञ्च सन्धायाह “निदानस्स पभेददीपनतो”ति। थेरवादादि **वत्थुप्पभेदो**। सकाय पटिज्जाय मेत्तियं भिक्खुनिं नासेथातिआदि **परसमयविवज्जनतो**तिआदि। **विभङ्गनयभेददस्सनतो**ति तिस्रो इत्थियो भूमट्ठं थलट्ठन्तिआदि। एत्थाह — किं भगवतो मारावट्टनपटिघाताय सत्ति नत्थीति? अत्थि, तथापिस्स पच्छा उपगुत्तकाले पसादहेतुत्ता अधिवासेति। एत्थ उपगुत्ताधिट्ठानं वत्तब्बं। बुद्धानं आचिण्णन्ति दिजदस्सनेन किंपयोजनन्ति चे? मारावट्टनहेतु ब्राह्मणस्स पुज्जन्तरायोति पयोजनं।

दिजोपि सो मारमनोरथस्स,  
भङ्गं करोन्तो जिनपुङ्गवस्स।  
सस्सिस्ससङ्गस्स अदासि दानं,  
असेसकं कप्पियभण्डभेदं॥

किं भगवा ससिस्सो ताव महन्तं कप्पियभण्डं उब्भण्डिकं कत्वा अगमासीति? न अगमासि, तेमासिभागियं पन पुज्जरासिकं देय्यधम्मं अप्पटिक्खिपन्तो ब्राह्मणस्स उपायतो सत्था अदासि।

तदज्जथा मारमनोरथोव,  
पूरो सिया नेव दिजस्स भिय्यो।  
पापं महन्तं अपि पापुणेय्य,  
मिच्छाभिमानेन तथागते सो॥

तस्मा भगवा अस्सादियन्तो तं देय्यधम्मं अप्पटिक्खिपन्तो उपायेन ब्राह्मणस्स पुज्जबुद्धिं कत्वा, मारस्स च मनोरथविघातं कत्वा अगमासीति, “अयं नयो अट्ठकथं विनापि पाळिनयानुलोमतो सिद्धो”ति वदन्ति। कथं? —

“सत्था ससिस्सो यदि अग्गहेसि,  
दिजस्स तं चीवरमादितोव।  
नाथस्स नो वीसतिवस्सकाले,  
विरुज्झते जीवकयाचनापि।  
तथापि सब्बं सुविचारयित्वा,  
युत्तं नयं चिन्तयितुं व युत्त”न्ति॥

इदानि आयस्मा उपालित्थेरो विनयपज्जत्तिया साधारणनिदानं दस्सेत्वा सिक्खापदानं पाटेक्कं पज्जत्तिट्ठानसङ्घातं निदानमादिं कत्वा पुग्गलपज्जत्तिअनुपज्जत्तिविभागापत्तिभेदन्तरापत्तिआदिकं नानप्पकारं विधिं निज्जटं निग्गुम्बं कत्वा दस्सेतुं “अथ खो भगवा वेरज्जायं यथाभिरन्तं विहरित्वा”तिआदिमाहाति। इध ठत्वा —

सिक्खापदानं सब्बेसं, कमभेदं पकासये।  
तस्मिं सिद्धे निदानानं, कमसिद्धिं यतो भवे॥

तत्थ सब्बसिक्खापदानं यथासम्भवं देसनाक्कमो पहाणक्कमो पटिपत्तिक्कमो उप्पत्तिक्कमोति चतुब्बिधो कमो लब्धति। तत्थ भगवता राजगहे भिक्खूनं पातिमोक्खुद्देसं अनुजानन्तेन पातिमोक्खुद्देसस्स यो देसनाक्कमो अनुज्जातो, तं देसनाक्कममनुलोमेन्तो आयस्मा महाकस्सपो पठमं पाराजिकुद्देसं पुच्छि, तदनन्तरं सङ्घादिसेसुद्देसं, ततो अनियतुद्देसं वित्थारुद्देसञ्च पुच्छित्वा तदनन्तरं भिक्खुनीविभङ्गञ्च तेनेव अनुक्कमेन पुच्छि, निदानुद्देसन्तो गधानञ्च सरूपेन अनुद्दिट्ठानं पुच्छन्तं खन्धकेपि पुच्छि। एतेन च



खन्धके पञ्चत्ता थुल्लच्चया सङ्गहिता होन्ति । पुच्छितानुक्कमेनेव उपालित्थेरो तं सब्बं सापत्तिभेदादिकं देसेन्तो थुल्लच्चयदुब्भासितआपत्तिसमुद्धानादिदीपकं अन्तोक्त्वा देसेसि, अयमेत्थ देसनाक्कमो । उभतोविभङ्गखन्धकतो पन उच्चिनित्वा तदा परिवारपाळि विसुं कता । इममेव नयं सन्धाय **अट्टकथायं** वुत्तं “एतेनेव उपायेन खन्धकपरिवारेपि आरोपेसु”न्तिआदि (पारा० अट्ट० १.पठममहासङ्गीतिकथा) । अपिच **पाळिया** “एतेनेवुपायेन उभतोविनये पुच्छि । पुट्टो पुट्टो आयस्मा उपालि विस्सज्जेसी”ति एत्तकमेव वुत्तं, तस्मा महाकस्सपो उभतोविभङ्गे एव पुच्छि । विस्सज्जेन्तो पन आयस्मा उपालि निवरसेसं देसेन्तो खन्धकपरिवारे अन्तोक्त्वा देसेसि । तदा च खन्धकपरिवारपाळि विसुं कताति अयं देसनाक्कमो । यदि एवं निदानुद्देशो पठमं देसेतब्बोति चे? न, तदसम्भवतो । सो हि “यस्स सिया आपत्ती”तिआदिना (महाव० १३४) नयेन पवत्तत्ता पठमं सिक्खापदसङ्गहितासु आपत्तीसु अदस्सितासु न सम्भवति । “यानि मया भिक्खून् पञ्चत्तानि सिक्खापदानि, तानि नेसं पातिमोक्खुद्देशं अनुजानेय्य”न्ति वचनतो सिक्खापदानेव पठमं देसेतब्बानीति पाराजिकुद्देशक्कमो सम्भवति ।

पाराजिकुद्देशादिसङ्गहितानं आपत्तिअकुसलानं यथोळारिकक्कमेन पहातब्बत्ता पहानक्कमोपेत्य सम्भवति । उपसम्पन्नसमनन्तरं “तावदेव चत्तारि अकरणीयानि आचिक्खितब्बानी”ति (महाव० १२९) वचनतो “समादाय सिक्खति सिक्खापदेसू”ति (दी० नि० १.१९३) वचनतो च यथा गरुक्कं आचिक्खणं सिक्खनेन पटिपत्तिक्कमोपेत्य सम्भवति, एवमिमेहि तीहि कमेहि देसेतब्बानम्पेतेसं सिक्खापदानं यथासम्भवं उप्पत्तिक्कमो सम्भवति । तथा हि यं यं साधारणं, तं तं भिक्खुं आरब्भ उप्पन्ने एव वत्थुस्मिं “या पन भिक्खुनी छन्दसो मेथुनं धम्मं पटिसेवेय्या”ति भिक्खुनीनम्पि पञ्चत्तं । अञ्जथा तं भिक्खुनीनं अनुप्पन्नपञ्चत्ति सिया । ततो “अनुप्पन्नपञ्चत्ति तस्मिं नत्थी”ति (परि० २४७) **परिवारे** एतं वचनं विरुज्झति, एत्तावता पुरिमेन कमत्तयेन पठमं देसेतब्बतं पत्ते पाराजिकुद्देशे पठमुप्पन्नत्ता मेथुनधम्मपाराजिकं सब्बपठमं देसेतुकामो उपालित्थेरो “तत्र सुदं भगवा वेसालिय”न्ति वेसालिमेव पापेत्वा ठपेसि । अञ्जथा बाराणसियं पञ्चत्तानं “न, भिक्खवे, मनुस्समंसं परिभुज्जितब्ब”न्ति (महाव० २८०) एवमादीनं देसनाधिप्पाये सति बाराणसिं पापेत्वा ठपेय्याति ।

अब्भन्तरनिदानकथा निट्ठिता ।

वेरञ्जकण्डवण्णना निट्ठिता ।

## १. पाराजिककण्डो

### १. पठमपाराजिकं

#### सुदिन्नभाणवारवण्णना

पठमस्सेत्थ निदाने, ठत्वा पाराजिकस्स विज्जेय्यो ।

चोदनापरिहारनयो, पुग्गलवत्थुप्पकासनेयेव ॥

तत्थ भगवा वेरञ्जायं वुत्थवस्सो अनुपुब्बेन चारिकं चरन्तो कत्तिकजुण्हपक्खे एव वेसालिं पापुणित्वा याव पठमपाराजिकसिक्खापदपञ्चापनं, ताव अट्ट वस्सानि वेसालियंयेव विहरन्तो विय पाळिक्कमेन दिस्सति, न च भगवा तावत्तकं कालं तत्थेव विहासि । सो हि सुदिन्नस्स सावकानं सन्तिके पब्बज्जं उपसम्पदञ्च अनुजानित्वा यथाभिरन्तं तत्थ विहरित्वा चारिकं चरन्तो भेसकळावनं पत्वा तत्थ तेरसमं वस्सं वसि, तेनेव अनुक्कमेन सावत्थिं पत्वा चुद्धसमं वस्सं वसि, पन्नरसमं कपिलवत्थुम्हि, सोळसमं आळवियं, ततो वुत्थवस्सो चारिकं चरन्तो राजगहं पत्वा सत्तरसमं वसि, इमिना अनुक्कमेन अपरानिपि तीणि वस्सानि तत्थेव वसि । एत्तावता भगवा परिपुण्णवीसतिवस्सो राजगहतो अनुपुब्बेन वेसालिं पापुणि, ततो उपसम्पदाय अट्टवस्सिको सुदिन्नो वेसालियंयेव मेथुनं धम्मं अभिविज्जापेसि, ततो भगवा तस्मिं वत्थुस्मिं पठमं पाराजिकं पञ्जपेसीति वेदितब्बं । तत्थ यस्मा

उपालित्थेरो इतो पठमतरं तत्थ वेसालियञ्च पञ्जत्तसिक्खापदानि अदस्सेतुकामो, विनयनिदानानन्तरं पठमपाराजिकमेव दस्सेतुकामो, तस्मा वेसालियं पठमं निवासं, पच्छा इमस्स सिक्खापदस्स पञ्जत्तिकाले निवासञ्च एकतो कत्वा “तत्र सुदं भगवा वेसालिय”न्तिआदिमाह, तेन वुत्तं “पठमस्सेत्थ निदाने, ठत्वा ...पे०... पकासनेयेवा”ति । तस्मा इमस्मिं पठमपाराजिकस्स पञ्जत्तिट्ठानसङ्घाते निदाने ठत्वा “तेन खो पन समयेन वेसालिया अविदूरे कलन्दगामो नाम होति...पे०... अञ्जतरं वज्जिगामं उपनिस्साय विहरती”ति एतस्मिं इमस्स सिक्खापदस्स पुग्गलप्पकासने, “तेन खो पन समयेन वज्जी दुब्बिक्खा होति...पे०... तिक्खत्तुं मेथुनं धम्मं अभिविज्जापेसी”ति (पारा० ३०) इमस्मिं वत्थुप्पकासने च चोदनानयो, परिहारनयो च वेदितब्बोति वुत्तं होति । तत्रायं पकासना — किमत्थं थरेन अञ्जेसं सिक्खापदानं पुग्गलवत्थूनि विय सङ्खेपतो अवत्वा यत्थ च सो उप्पन्नो, यथा च धम्मे पसन्नो, यथा च पब्बजितो, यथा च इमं वत्थुं उप्पादेति, तं सब्बं अनवसेसेत्वा पुग्गलवत्थूनि वित्थारतो वुत्तानीति चे? वुच्चते —

एवं सद्भाय किच्छेन, महन्ते भोगजातके ।  
हित्वा पब्बजितानम्पि, पेसलानम्पि सब्बसो ॥

सब्बलामकधम्मायं, मेथुनो यदि सम्भवे ।  
न धम्मदेसनायेव, सिद्धा विरति सब्बसो ॥

तस्मा नवङ्गसद्धम्मे, सत्थारा देसितेपि च ।  
विनयो पञ्जपेतब्बो, ततो धम्मविसुद्धिहि ॥

विनयाभावतो एवं, अज्झाचारो भविस्सति ।  
तस्मा विनयपञ्जत्ति, सात्थिका पेसलस्सपि ॥

अनादीनवदस्सावी, यस्मा यं पापमाचरि ।  
विनयोयेव सद्धानं, आदीनवविभाविनो ॥

तस्मा सद्धानुसारीनं, विनयो सात्थकोव यं ।  
धम्मो धम्मानुसारीनं, ततो उभयदेसना ॥

अपि च यदि पण्णत्तिवीतिककमं अकरोन्तस्सापि याव ब्रह्मलोका अयसो पत्थटो, पगेवञ्जेसन्ति दस्सनत्थं अज्झाचारस्स पाकटभावदीपनं । कथं? —

अभब्बो अरहत्तस्स, सुदिन्नो पुत्तमातरो ।  
भब्बानुप्पन्नपञ्जत्ति, तदत्थं न कता अयं ॥

ननु मागण्डिकं अज्झुपेक्खित्वा मातापितूनमस्सा हितत्थं धम्मं देसेतीति इममत्थं दस्सेतुं बीजकबीजकमातूनं अरहत्तुप्पत्ति थरेन दीपिता । “तेन खो पन समयेन वेसालिया अविदूरे कलन्दगामो नाम होति, येन समयेन सुदिन्नो पुराणदुतियिकाय मेथुनं धम्मं पटिसेवी”ति वा “येन समयेन भगवा पठमपाराजिकं पञ्जपेसी”ति वा वचनं इध न युज्जति । कस्मा? “इध पन हेतुअत्थो करणत्थो च सम्भवती”ति वुत्तं अट्ठकथावचनञ्चि इध न लब्भति । चिरनिविट्ठो हि सो गामो, न तस्मिंयेव समयेति । यस्मा पन सो चिरनिविट्ठोपि च गामो अत्तनो निविट्ठकालतो पट्ठाय सब्बकालमत्थीति वत्तब्बतं अरहति, तेन परियायेन “तेन खो पन समयेन वेसालिया अविदूरे कलन्दगामो नाम होती”ति वुत्तं ।

**२५-६. अनुज्जातोसि पन त्वन्ति समणवत्तदस्सनत्थं भगवा पुच्छति । मातापितूहि अननुज्जातन्ति एत्थ जनकेहेव**

अननुज्जातदस्सनत्थं पुच्छीति वुत्तं। न खो सुदिन्न तथागताति “पब्बाजेतु मं भगवा”ति याचनावसेन पनेवमाह, न भगवा सयं सरणानि दत्त्वा पब्बाजेसि। **दुक्खस्साति** एत्थ “कलभागम्पी”ति पाठसेसो। **विकप्पद्वयेपीति** दुतियततियविकप्पेसु। **पुरिमपदस्साति** किञ्चीति पदस्स। **उत्तरपदेनाति** दुक्खस्साति पदेन। **समानविभत्तीति** सामिवचनं। यथा किं? “कस्सचि दुक्खस्सा”ति वत्तब्बे “किञ्चि दुक्खस्सा”ति वुत्तन्ति वेदितब्बं। **अकामका विना भविस्सामाति** तथा सद्धिं अमरित्वा अकामा जीविस्साम। सचेपि न मराम, अकामकाव तथा वियोगं पापुणिस्साम, तयि जीवमाने एव नो मरणं भवेय्य, मरणेनपि नो तथा वियोगं मयं अकामकाव पापुणिस्साम।

**३०. कतिपाहं बलं गाहेत्वाति** कस्मा पनायं तथा पब्बज्जाय तिब्बच्छन्दो अनुज्जातो समानो कतिपाहं घरेयेव विलम्बित्वा कायबलञ्च अग्गहेसीति? अनुमतिदानेन मातापितृसु सहायकेसु च तुट्ठो तेसं चित्ततुट्ठत्थं। केसुचि अट्ठकथापोत्थकेसु केचि आचरिया “अयं सुदिन्नो जीवकवत्थुतो पच्छा पंसुकूलिकधुतङ्गवसेन पंसुकूलिको जातो”ति सज्जाय “गहपतिचीवरं पटिक्खिपित्वा पंसुकूलिकधुतङ्गवसेन पंसुकूलिको होती”ति लिखन्ति, तं “अचिरूपसम्पन्नो”ति वचनेन विरुज्झति। “तथा सुदिन्नो हि भगवतो द्वादसमे वस्से पब्बजितो, वीसतिमे वस्से जातिकुलं पिण्डाय पविट्ठो सयं पब्बज्जाय अट्ठवस्सिको हुत्वा”ति, “भगवतो हि बुद्धत्तं पत्ततो पट्ठाय याव इदं वत्थं, एत्थन्तरे वीसति वस्सानि न कोचि गहपतिचीवरं सादियि, सब्बे पंसुकूलिकाव अहेसु”न्ति च वुत्तेन अट्ठकथावचनेन विरुज्झति, पब्बज्जाय अट्ठवस्सिको, न उपसम्पदाय। उपसम्पदं पन **जीवकवत्थुतो** (महाव० ३२६) पच्छा अलत्थ, तस्मा अवस्सिको जातिकुलं पिण्डाय पविट्ठो सियाति चे? न, “अलत्थ खो सुदिन्नो कलन्दपुत्तो भगवतो सन्तिके पब्बज्जं, अलत्थ उपसम्पद”न्ति एकतो अनन्तरं वुत्तत्ता। पब्बज्जानन्तरमेव हि सो उपसम्पन्नो तेरसधुतङ्गगुणे समादाय वत्तन्तो अट्ठ वस्सानि वज्जिगामे विहरित्वा निस्सयमुत्तत्ता सयंवसी हुत्वा “एतरहि खो वज्जी दुब्बिक्खा”तिआदितक्कवसेन येन वेसाली तदवसरि, तस्मा “पंसुकूलिकधुतङ्गवसेन पंसुकूलिको होती”ति एत्तकोयेव पाठो येसु पोत्थकेसु दिस्सति, सोव पमाणतो गहेतब्बो। “आरज्जिको होती”ति इमिना पञ्च सेनासनपटिसंयुत्तानि सङ्गहितानि नेसज्जिकङ्गञ्च विहारसभागत्ता, “पिण्डपातिको”ति इमिना पञ्च पिण्डपातपटिसंयुत्तानि, “पंसुकूलिको”ति इमिना द्वे चीवरपटिसंयुत्तानि सङ्गहितानीति। जातिघरूपगमनकारणदीपनाधिप्पायतो सपदानचारिकङ्गं विसुं वुत्तन्ति वेदितब्बं। “मा अतिहरापेसु”न्ति कालव्यत्तयवसेन वुत्तं। धम्मस्सन्तरायकरतरत्ता “इमं नय”न्ति अनयोयेव।

येभ्य्येन हि सत्तानं, विनासे पच्चुपट्ठिते।

अनयो नयरूपेन, बुद्धिमागम्म तिट्ठति॥

**३६. अपज्जत्ते सिक्खापदेति** एत्थ दुविधं सिक्खापदपज्जापनं। कथं? “एवञ्च पन, भिक्खवे, इमं सिक्खापदं उद्दिसेय्याथा”ति एवं सउद्देसानुद्देसभेदतो दुविधं। तत्थ पातिमोक्खे सरूपतो आगता पञ्च आपत्तिक्खन्धा सउद्देसपज्जत्ति नाम। सापि दुविधा सपुग्गलापुग्गलनिद्देसभेदतो। तत्थ यस्सा पज्जत्तिया अन्तो आपत्तिया सह, विना वा पुग्गलो दस्सितो, सा सपुग्गलनिद्देसा। इतरा अपुग्गलनिद्देसाति वेदितब्बा। सपुग्गलनिद्देसापि दुविधा दस्सितादस्सितापत्तिभेदतो। तत्थ अदस्सितापत्तिका नाम अट्ठ पाराजिका धम्मा। “पाराजिको होति असंवासो”ति हि पुग्गलोव तत्थ दस्सितो, नापत्ति। दस्सितापत्तिका नाम भिक्खुनीपातिमोक्खे “सत्तरस सङ्गादिसेसा धम्मा निस्सारणीयं सङ्गादिसेस”न्ति हि तत्थ आपत्ति दस्सिता सद्धिं पुग्गलेन, तथा अपुग्गलनिद्देसापि दस्सितादस्सितापत्तितोव दुविधा। तत्थ अदस्सितापत्तिका नाम सेखिया धम्मा। सेसा दस्सितापत्तिकाति वेदितब्बा। सापि दुविधा अनिद्दिट्ठकारकनिद्दिट्ठकारकभेदतो। तत्थ अनिद्दिट्ठकारका नाम सुक्कविस्सट्ठि मुसावाद ओमसवाद पेसुज्ज भूतगाम अज्जवादक उज्झापनक गणभोजन परम्परभोजन सुरामेरय अङ्गुलिपतोदक हसधम्म अनादरिय तलघातकजतुमट्ठक सिक्खापदानं वसेन पञ्चदसविधा होन्ति। सेसानं पुग्गलनिद्देसानं वसेन निद्दिट्ठकारका वेदितब्बा।

अनुद्देसपज्जत्तिपि पदभाजनन्तरापत्तिविनीतवत्थुपटिक्खेपपज्जत्तिअवुत्तिसिद्धिवसेन छब्बिधा होन्ति। तत्थ “येभ्य्येन खायितं आपत्ति थुल्लच्चयस्सा”ति (पारा० ६१) एवमादिका पदभाजनिये सन्दिस्समानापत्ति **पदभाजनसिक्खापदं** नाम। “न त्वेव नग्गेन

आगन्तब्बं, यो आगच्छेय्य, आपत्ति दुक्कटस्सा”तिआदिका (पारा० ५१७) **अन्तरापत्तिसिक्खापदं** नाम । “अनुजानामि, भिक्खवे, दिवा पटिसल्लीयन्तेन द्वारं संवरित्वा पटिसल्लीयितु”न्ति (पारा० ७५) एवमादिका **विनीतवत्थुसिक्खापदं** नाम । “लोहितुप्पादको, भिक्खवे, अनुपसम्पन्नो न उपसम्मादेतब्बो, उपसम्पन्नो नासेतब्बो”ति (महाव० ११४) एवमादिका **पटिक्खेपसिक्खापदं** नाम । खन्धकेसु पञ्चत्तदुक्कटथुल्लच्चयानि **पञ्चत्तिसिक्खापदं** नाम । “या पन भिक्खुनी नच्चं वा गीतं वा वादितं वा दस्सनाय गच्छेय्य, पाचित्तिय”न्ति (पाचि० ८३४) इमिना वुत्तेन “या पन भिक्खुनी नच्चेय्य वा गायेय्य वा वादेय्य वा पाचित्तिय”न्ति एवमादिकं यं किञ्चि अट्ठकथाय दिस्समानं आपत्तिजातं, विनयकम्मं वा **अवुत्तसिद्धिसिक्खापदं** नाम । छब्बिधम्पेतं छहि कारणेहि उद्देसारहं न होतीति अनुद्देससिक्खापदं नामाति वेदितब्बं । सेय्यथिदं — पञ्चहि उद्देसेहि यथासम्भवं विसभागत्ता थुल्लच्चयदुब्भासितानं, सभागवत्थुकम्पि दुक्कटथुल्लच्चयद्वयं असभागापत्तिकत्ता, अन्तरापत्तिपञ्चत्तिसिक्खापदानं नानावत्थुकापत्तिकत्ता, पटिक्खेपसिक्खापदानं केसञ्चि विनीतवत्थुपञ्चत्तिसिक्खापदानञ्च अदस्सितापत्तिकत्ता, अदस्सितवत्थुकत्ता भेदानुवत्तकथुल्लच्चयस्स, अदस्सितापत्तिवत्थुकत्ता अवुत्तसिद्धिसिक्खापदानन्ति । एत्तावता “दुविधं सिक्खापदपञ्चापनं उद्देसानुद्देसभेदतो”ति यं वुत्तं, तं समासतो पकासितं होति ।

तत्थ **अपञ्जत्ते सिक्खापदे**ति सउद्देससिक्खापदं सन्धाय वुत्तन्ति वेदितब्बं । एकच्चे आचरिया एवं किर वण्णयन्ति “चत्तारो पाराजिका कतिवस्साभिसम्बुद्धेन भगवता पञ्चत्तातिआदिना पुच्छं कत्वा तेसु पठमपाराजिको वेसालियं पञ्चत्तो पञ्चवस्साभिसम्बुद्धेन हेमन्तानं पठमे मासे दुतिये पक्खे दसमे दिवसे अट्ठतेय्यपोरिसाय छायाय पुरत्थाभिमुखेन निसिन्नेन अट्ठतेरसानं भिक्खुसतानं मज्झे सुदिन्नं कलन्दपुत्तं आरम्भ पञ्चत्तो”ति, तं न युज्जति, कस्मा? —

यस्मा द्वादसमं वस्सं, वेरञ्जायं वसि जिनो ।  
तस्मिञ्च सुद्धो सङ्गोति, नेव पाराजिकं तदा ॥

थेरस्स सारिपुत्तस्स, सिक्खापञ्चत्तियाचना ।  
तस्मिं सिद्धाति सिद्धाव, गरुकापत्ति नो तदा ॥

ओवादपातिमोक्खञ्च, किं सत्था चतुवस्सिको ।  
पटिक्खिपि किमाणञ्च, समत्तं अनुजानि सो ॥

अजातसत्तुं निस्साय, सङ्गभेदमकासि यं ।  
देवदत्तो ततो सङ्ग-भेदो पच्छिमबोधियं ॥

आराधयिंसु मं पुब्बे, भिक्खूति मुनिभासितं ।  
सुत्तमेव पमाणं नो, सोव कालो अनप्पकोति ॥

यं पन वुत्तं “अथ भगवा अज्झाचारं अपस्सन्तो पाराजिकं वा सङ्गादिसेसं वा न पञ्जपेसी”ति, तं सकलसिक्खापदं सन्धायाह । न केवलं सउद्देससिक्खापदमत्तं, तेन सउद्देसानुद्देसपञ्चत्तिभेदं सकलं पाराजिकं सन्धायाहाति वुत्तं होति । किञ्चापि नाभिपरामसनम्पि कायसंसङ्गो, तथापि एतं विसेसनियमनतो, अच्छन्दरागाधिप्पायतो च विसुं वुत्तं । छन्दरागरत्तस्सेव हि कायसंसङ्गो इधाधिप्पेतो । असुचिपाने पन हत्थिनिया तापसपस्सावपानेन **वालकाब्बो** नाम उप्पज्जति, वालकाब्बस्स वत्थु वत्तब्बं । **मण्डव्यस्स** नाभिया परामसनेनेव किर । रूपदस्सने पन वेज्जका आहु —

“थीनं सन्दस्सना सुक्कं, कदाचि चलितोवरे ।  
तं गामधम्मकरणं, द्वयसमं सङ्गमिय ।

गम्भादीति अयं नयो, थीनं पुरिसदस्सनासीत्यूपनेय्य” ॥

तथाप्याहु —

“पुष्फिके एधिय्य सुद्धे, पस्सं नरञ्च इत्थि तं ।  
गम्भञ्च नयेत्युत्त-मिति तस्मा कासो इती”ति ॥

**राजोरोधो वियाति** सीहळदीपे एकस्सा इत्थिया तथा अहोसि, तस्मा किर एवं वुत्तं । किञ्चापि याव ब्रह्मलोका सद्दो अभुग्गच्छि, न तं मनुस्सानं विसयो अहोसि तेसं रूपं विय । तेनेव भिक्खू पुच्छिंसु “कच्चि नो त्वं आवुसो सुदिन्न अनभिरतो”ति ।

**३९. कलीति** कोधो, तस्स सासनं **कलिसासनं**, कलहो । **गामधम्मन्ति** एत्थ जनपदधम्मं जनपदवासीनं सिद्धिं । **अत्ताति** चित्तं, सरीरञ्च । **असुत्तन्तविनिबद्धन्ति** विनयसुत्ते अनागतं, सुत्ताभिधम्मेषुपि अनागतं, **पाळिविनिमुत्तन्ति** अत्थो । **कुसुममालन्ति** नानागुणं सन्धायाह । **रतनदामन्ति** अत्थसम्पत्तिं सन्धाय वदति । **पटिक्खपनाधिप्पाया** भद्दालि विय । पदनिरुत्तिव्यञ्जनानि नामवेवचनानेव “नामं नामकम्मं नामधेय्यं निरुत्ती”ति आदीसु (ध० स० १३१५) विय । निप्परियायेन विरति सिक्खापदं नाम । अकुसलपक्खे दुस्सील्यं नाम चेतना । कुसलपक्खेपि चेतनापरियायतो **विभङ्गे** “सिक्खापद”न्ति वुत्तं । **सङ्गसुद्धतायाति** एत्थ लोकवज्जस्स पञ्चापने सङ्गसुद्धता होति पाकटादीनवतो । पञ्चत्तिवज्जस्स पञ्चापने सङ्गफासुता होति पाकटानिसंसत्ता । तत्थ पठमेन दुम्मङ्कनं निग्गहो, दुतियेन पेसलानं फासुविहारो । पठमेन सम्परायिकानं आसवानं पटिघातो, दुतियेन दिट्ठधम्मिकानं । तथा पठमेन अप्पसन्नानं पसादो, दुतियेन पसन्नानं भिय्योभावो । “पुब्बे कतपुञ्जताय चोदियमानस्स भब्बकुलपुत्तस्सा”ति वुत्तत्ता “सुदिन्नो तं कुक्कुच्चं विनोदेत्वा अरहत्तं सच्छाकासि, तेनेव पुब्बज्जा अनुज्जाता”ति वदन्ति, उपपरिक्खितब्बं । तथा पठमेन सद्धम्मद्विति, दुतियेन विनयानुग्गहो होतीति वेदितब्बो ।

अपिचेत्थ वत्थुवीतिककमे यत्थ एकन्ताकुसलभावेन, तं सङ्गसुद्धभावाय पञ्चत्तं लोकवज्जतो, यत्थ पञ्चत्तिजानने एव अत्थापत्ति, न अञ्जदा, तं सद्धम्मद्वितिया वापि पसादुप्पादबुद्धिया धम्मदेसनापटिसंयुत्तं, इतरञ्च सेखियं, इदं **लोकवज्जं** नाम । वत्थुनो पञ्चत्तिया वा वीतिककमचेतनायाभावेपि पटिक्खित्तस्स करणे, कत्तब्बस्स अकरणे वा सति यत्थ आपत्तिप्पसङ्गो, तं सब्बं ठपेत्वा सुरापानं **पण्णत्तिवज्जन्ति** वेदितब्बं । आगन्तुकवत्तं, आवासिक, गमिक, अनुमोदन, भत्तग, पिण्डचारिक, आरञ्जक, सेनासन, जन्ताघर, वच्चकुटि, सद्धिविहारिक, उपज्झाय, अन्तेवासिक, आचरियवत्तन्ति एतानि अग्गहितग्गहणनयेन गणियमानानि **चुद्दस**, एतानि पन वित्थारतो **द्वेअसीति महावत्तानि** नाम होन्ति । सत्तहि आपत्तिकखन्धेहि संवरो **संवरविनयो** पञ्चत्तिसिक्खापदमेव । तत्थ **पञ्चत्तिविनयो** समथविनयत्थाय **समथविनयो** संवरविनयत्थाय **संवरविनयो** पहानविनयत्थायाति योजना वेदितब्बा । **यं सङ्गसुद्धं, तं सङ्गफासूति** एकमिव वुत्तं सङ्गसुद्धताय सति सङ्गफासु भविस्सतीति दीपनत्थं । पकरीयन्ति एत्थ ते ते पयोजनविसेससङ्घाता अत्थवसाति अत्थवसं “**पकरणं**”न्ति वुच्चति । दससु पदेसु एकेकं मूलं कत्वा दसक्खत्तुं योजनाय पदसत्तं वुत्तं । तत्थ पच्छिमस्स पदस्स वसेन **अत्थसत्तं** पुरिमस्स वसेन **धम्मसत्तं** अत्थजोतिकानं निरुत्तीनं वसेन निरुत्तिसत्तं, धम्मभूतानं निरुत्तीनं वसेन निरुत्तिसत्तन्ति **द्वे निरुत्तिसत्तानि**, अत्थसत्ते जाणसत्तं, धम्मसत्ते जाणसत्तं द्वीसु निरुत्तिसत्तेसु द्वे जाणसत्तानीति **चत्तारि जाणसत्तानि** वेदितब्बानि । एत्थ **सङ्गसुद्धताति** धम्मसङ्गस्स सुद्धभावोति अत्थो । “अत्थपदानीति अट्ठकथा । धम्मपदानीति पाळी”ति वुत्तं किर ।

**मेथुनं धम्मन्ति** एवं बहुलनयेन लद्धनामकं सकसम्पयोगेन, परसम्पयोगेन वा अत्तनो निमित्तस्स सकमग्गे वा परमग्गे वा परनिमित्तस्स सकमग्गे एव पवेसपविट्ठितुद्धरणेसु यं किञ्चि एकं पटिसादियनवसेन सेवेय्य पाराजिको होति असंवासोति । केचि पन “पवेसादीनि चत्तारि वा तीणि वा द्वे वा एकं वा पटिसेवेय्य, पाराजिको होति । वुत्तज्हेतं ‘सो चे पवेसनं सादियति, पविट्ठं, ठितं, उद्धरणं सादियति, आपत्ति पाराजिकस्सा’ति आदी”ति (पारा० ५९) वदन्ति, तेसं मतेन चतूसुपि चतस्सो पाराजिकापत्तियो आपज्जति । तेयेव एवं वदन्ति “आपज्जतु मेथुनधम्मपाराजिकापत्ति मेथुनधम्मपाराजिकापत्तिया तब्भागिया”ति, “अत्तनो

वीतिक्कमे पाराजिकापत्तिं, सङ्घादिसेसापत्तिञ्च आपज्जित्वा सिकखं पच्चक्खाय गहट्टकाले मेथुनादिपाराजिकं आपज्जित्वा पुन पब्बजित्वा उपसम्पज्जित्वा एकं सङ्घादिसेसापत्तिं एकमनेकं वा पटिकरित्वाव सो पुग्गलो यस्मा निरापत्तिको होति, तस्मा सो गहट्टकाले सापत्तिकोवाति अन्तिमवत्थुं अज्झापन्नस्सापि अत्थेव आपत्तिवुट्ठानं। वुट्ठानदेसनाहि पन असुज्जनतो ‘पयोगे पयोगे आपत्ति पाराजिकस्सा’ति न वुत्तं गणनपयोजनाभावतो। किञ्चापि न वुत्तं, अथ खो **पदभाजने** ‘आपत्ति पाराजिकस्सा’ति वचनेनायमत्थो सिद्धो’ति युत्तिञ्च वदन्ति। यदि एवं **मातिकायम्पि** “यो पन भिक्खु मेथुनं धम्मं पटिसेवेय्य पाराजिक”न्ति वत्तब्बं भवेय्य, पाराजिकस्स अनवसेसवचनम्पि न युज्जेय्य। सब्बेपि हि आपत्तिकवन्धे भिक्खुगणनञ्च अनवसेसेत्वा तिट्ठतीति अनवसेसवचनन्ति कत्वा पवेसेव आपत्ति, न पविट्ठादीसु, तमेवेकं सन्धाय “यस्स सिया आपत्ती”ति पाराजिकापत्तिम्पि अन्तो कत्वा निदानुद्देसे वचनं वेदितब्बं। तस्मा **मातिकायं** “पाराजिक”न्ति अवत्वा “पाराजिको होती”ति पुग्गलनिद्देसवचनं तेन सरीरबन्धनेन उपसम्पदाय अभब्बभावदीपनत्थं। “आपत्ति पाराजिकस्सा”ति **पदभाजने** वचनं अन्तिमवत्थुं अज्झापन्नस्सापि पाराजिकस्स असंवासस्स सतो पुग्गलस्स अथेय्यसंवासकभावदीपनत्थं। न हि सो संवासं सादियन्तोपि थेय्यसंवासको होति, तस्मा “उपसम्पन्नो भिक्खु”त्वेव वुच्चति। तेनेवाह “असुद्धो होति पुग्गलो अज्जतरं पाराजिकं धम्मं अज्झापन्नो, तज्जे सुद्धदिट्ठि समानो अनोकासं कारापेत्वा अक्कोसाधिप्पायो वदेति, आपत्ति ओमसवादेन दुक्कटस्सा”ति (पारा० ३८९)। अनुपसम्पन्नस्स तदभावतो सिद्धो सो “उपसम्पन्नो भिक्खु”त्वेव वुच्चतीति। तेन पदसोधम्मं सहसेय्यञ्च न जनेति, भिक्खुपेसुज्जादिञ्च जनेतीति वेदितब्बं। भिक्खुनीनं सङ्घादिसेसेसु पन भिक्खुसङ्घादिसेसतो वुट्ठानविधिविसेसदस्सनत्थं “अयम्पि भिक्खुनी...पे०... आपन्ना”ति (पाचि० ६७९) पुग्गलनिद्देसं कत्वापि पाराजिकतो अधिप्पायन्तरदस्सनत्थं “निस्सारणीयं सङ्घादिसेस”न्ति (पाचि० ६७९) आपत्तिनामगहणञ्च कतं। एत्तावता सपुग्गलनिद्देसे दस्सितादस्सितापत्तिदुक्कं वित्थारितं होति। अपुग्गलनिद्देसेसु सेखियेसु आपत्तिया दस्सनकारणं सेखियानं **अट्ठकथायमेव** वुत्तं। तदभावतो इतरेसु आपत्तिदस्सनं कतं। अपुग्गलनिद्देसेसुपि दस्सितादस्सितापत्तिदुक्कञ्च वित्थारितं होतीति।

पठमपञ्चत्तिकथावण्णना निड्ढिता।

सुदिन्नभाणवारं निड्ढितं।

**मक्कटीवत्थुकथावण्णना**

**४०-१.** दुतियपञ्चत्तियं “इध मल्ला युज्जन्ती”तिआदीसु विय पटिसेवतीति वत्तमानवचनं पचुरपटिसेवनवसेन वुत्तं, “तज्ज खो मनुस्सित्थिया, नो तिरच्छानगताया”ति परिपुण्णत्थम्पि पठमं पञ्चत्तिं अत्तनो मिच्छागाहेन वा लेसओड्डनत्थाय वा एवमाह। परिपुण्णत्थतयेव नियमेतुं “ननु आवुसो तथेव तं होती”ति वुत्तं, तेनेव मक्कटीवत्थु विनीतवत्थूसु पक्खित्तं अविसेसत्ता, तथा वज्जिपुत्तकवत्थु। विचारणा पनेत्थ ततियपञ्चत्तियं आवि भविस्सति। “ननु, आवुसो, भगवता अनेकपरियायेना”तिआदि न केवलं सउद्देससिक्खापदेनेव सिद्धं, “तिरच्छानगतादीसुपि पाराजिक”न्ति अनुद्देससिक्खापदेनपि सिद्धन्ति दस्सनत्थं वुत्तं। अथ वा यदि सउद्देससिक्खापदं सावसेसन्ति पञ्जपेसि, इमिना अनुद्देससिक्खापदेनापि किं न सिद्धन्ति दस्सनत्थं वुत्तं। “तेन हि, भिक्खवे, भिक्खूनं सिक्खापदं पञ्जपेस्सामी”ति तदेव सिक्खापदं पठमपञ्चत्तमेव लेसत्थिकानं अलेसोकासं कत्वा आमेटितत्थं कत्वा पञ्जपेस्सामीति अत्थो। अज्जथा “अज्जवादके विहेसके पाचित्तिय”न्तिआदीसु (पाचि० १०१) विय वत्थुद्वयेन आपत्तिद्वयं आपज्जति, न चापज्जति, सो एवत्थो अज्जेनापि वचनेन सुप्पकासितो, सुपरिब्यत्तकरणत्थेन दळ्ढहतरो कतोति अधिप्पायो। ततियपञ्चत्तियम्पि अज्जेसु च एवं विसुद्धो।

**यस्स सचित्तकपक्खे**तिआदिमिहि पन गण्ठपदनयो ताव पठमं वुच्चति, **सचित्तकपक्खे**ति सुरापानादिअचित्तके सन्धाय वुत्तं। सचित्तकेसु पन यं एकन्तमकुसलेनेव समुट्ठापितञ्च। उभयं लोकवज्जं नाम। सुरापानस्मिहि “सुरा”ति वा “पातुं न वट्ठती”ति वा जानित्वा पिवने अकुसलमेव, तथा भिक्खुनीनं गन्धवण्णकत्थाय लेपने, भेसज्जत्थाय लेपने अदोसत्ता “अविचारणीय”न्ति एत्तकं

वुत्तं । तत्थ न वट्ठतीति “जानित्वा”ति वुत्तवचनं न युज्जति पण्णत्तिवज्जस्सापि लोकवज्जभावप्पसङ्गतो । इमं अनिट्ठप्पसङ्गं परिहरितुकामताय **वजिरबुद्धित्थेरस्स गण्ठपदे** वुत्तं “इध सचित्तकन्ति च अचित्तकन्ति च विचारणा वत्थुविजाननेयेव होति, न पज्जत्तिविजानने । यदि पज्जत्तिविजानने होति, सब्बसिक्खापदानि लोकवज्जानेव सियुं, न च सब्बसिक्खापदानि लोकवज्जानि, तस्मा वत्थुविजाननेयेव होती”ति, इदं युज्जति । कस्मा? यस्मा सेखियेसु पज्जत्तिजाननमेव पमाणं, न वत्थुमत्तजाननन्ति, यं पन तत्थेव वुत्तं “पसुत्तस्स मुखे कोचि सुरं पक्खिपेय्य, अन्तो चे पविसेय्य, आपत्ति, तत्थ यथा भिक्खुनिया अधक्खकं उब्भजाणुमण्डलं परस्स आमसनादिकाले कायं अचालेत्वा चित्तेनेव सादियन्तिया आपत्ति ‘किरियाव होती’ति वुत्ता येभ्य्येन किरियसम्भवतो, तथा अयम्पि तदा किरियाव होती”ति, तं सुविचारितं अनेकन्ताकुसलभावसाधनतो । सुरापानापत्तिया एकन्ताकुसलता पन मज्जसज्जिनोपि सकिं पयोगेन पिवतो होतीति कत्वा वुत्ता ।

अयं पनेत्थ अत्थो — सिक्खापदसीसेन आपत्तिं गहेत्वा यस्स सिक्खापदस्स सचित्तकस्स चित्तं अकुसलमेव होति, तं लोकवज्जं । सचित्तकाचित्तकसङ्घातस्स अचित्तकस्स च सचित्तकपक्खे चित्तं अकुसलमेव होति, तम्पि सुरापानादि लोकवज्जन्ति इममत्थं सम्पिण्डेत्वा “यस्स सचित्तकपक्खे चित्तं अकुसलमेव होति, तं लोकवज्ज”न्ति वुत्तं । सचित्तकपक्खेति हि इदं वचनं अचित्तकं सन्धायाह । न हि एकंसतो सचित्तकस्स सचित्तकपक्खेति विसेसने पयोजनं अत्थि । यस्मा पनेत्थ पण्णत्तिवज्जस्स पज्जत्तिजाननचित्तेन सचित्तकपक्खे चित्तं अकुसलमेव, वत्थुजाननचित्तेन सचित्तकपक्खे चित्तं सिया कुसलं सिया अकुसलं सिया अब्बाकतं, तस्मा “तस्स सचित्तकपक्खे चित्तं अकुसलमेव”ति न वुच्चतीति “सेसं पण्णत्तिवज्ज”न्ति वुत्तं । अधिमाने वीतिक्कमाभावा, सुपिनन्ते अब्बोहारिकत्ता सुपिनन्ते विज्जमानापि वीतिक्कमछाया अब्बोहारिकभावेनाति वुत्तं होति । इदं पन वचनं दळ्हीकम्मसिथिलकरणप्पयोजनत्ता च वुत्तं, तेन यं वुत्तं बाहिरनिदानकथाधिकारे “दळ्हीकम्मसिथिलकरणप्पयोजनाति येभ्य्यताय वुत्त”न्तिआदि, तं सुवुत्तमेवाति वेदितब्बं ।

मक्कटीवत्थुकथावण्णना निट्ठिता ।

### वज्जिपुत्तकवत्थुवण्णना

४३-४. वज्जीसु जनपदेसु वसन्ता **वज्जिनो** नाम, तेसं पुत्ता । **यावदत्थन्ति** यावता अत्थो अधिप्पायोति वुत्तं होति, तत्थ यं वुत्तं “सिक्खं अप्पच्चक्खाय दुब्बल्यं अनाविकत्वा”ति, तं कामं सिक्खापच्चक्खाने, तदेकट्ठे च दुब्बल्याविकरणे पज्जत्ते सति युज्जति, न अज्जथा । तथापि इदानि पज्जपेतब्बं उपादाय वुत्तं, कथञ्चि नाम छब्बगिया भिक्खू अतिरेकचीवरं धारेस्सन्ति (पारा० ४५९), आळवका भिक्खू कुटियो कारापेन्ति अप्पमाणिकायो (पारा० ३४२), भिक्खुनियो द्वे वस्सानि छसु धम्मेषु असिक्खितसिक्खं सिक्खमानं वुट्ठापेन्ति (पाचि० १०७७), सङ्गेन असम्मतं वुट्ठापेन्तीतिआदि (पाचि० १०८४) विय दट्ठब्बं । न हि ततो पुब्बे अधिट्ठानं विकप्पनं वा अनुज्जातं । यदभावा अतिरेकचीवरन्ति वदेय्य, पमाणं वा न पज्जत्तं, यदभावा अप्पमाणिकायोति वदेय्य, एवंसम्पदमिदं दट्ठब्बं । “उल्लुम्पतु मं, भन्ते, सङ्गो अनुकम्पं उपादाया”ति (महाव० ७१, १२६) उपसम्पदं याचित्वा उपसम्पन्नेन उपसम्पन्नसमनन्तरमेव “उपसम्पन्नेन भिक्खुना मेथुनो धम्मो न पटिसेवितब्बो, असक्कपुत्तियो”ति (महाव० १२९) च पज्जत्तेन अस्समणादिभावं उपगन्तुकामेन ननु पठमं अज्झुपगता सिक्खा पच्चक्खातब्बा, तत्थ दुब्बल्यं वा आविकातब्बं सिया, ते पन “सिक्खं अप्पच्चक्खाय दुब्बल्यं अनाविकत्वा मेथुनं धम्मं पटिसेविंसू”ति अनुपज्जत्तिया ओकासकरणत्थं वा तं वुत्तन्ति वेदितब्बं । “सो आगतो न उपसम्पादेतब्बो”ति किञ्चापि एत्थेव वुत्तं, तथापि इतरेसुपि पाराजिकेसु यथासम्भवं वेदितब्बं । न हि सिक्खं अप्पच्चक्खाय दुब्बल्यं अनाविकत्वा यो पाराजिकवत्थुं अदिन्नं थेय्यसङ्घातं आदियति, मनुस्सविग्गहं वा जीविता वोरपेति, पटिविजानन्तस्स उत्तरिमनुस्सधम्मं वा उल्लपति, सो आगतो न उपसम्पादेतब्बो । अनुपज्जत्ति हि दळ्हीकम्मसिथिलकम्मकरणप्पयोजना । सा हि यस्स पाराजिकं होति अज्जा वा आपत्ति, तस्स नियमदस्सनप्पयोजनातिलक्खणानुपज्जत्तिकत्ता । एवञ्चि अन्ते अवत्वा आदिम्हि वुत्ता “गामा वा अरज्जा वा”ति (पारा० ९१) अनुपज्जत्ति विय । परिपुण्णे पनेतस्मिं सिक्खापदे —

“निदाना मातिकाभेदो, विभङ्गो तंनियामको ।  
ततो आपत्तिया भेदो, अनापत्ति तदञ्जथा”ति ॥ —

अयं नयो वेदितव्यो । तत्थ सुदिन्नवत्थु मक्कटिवत्थु वज्जिपुत्तकवत्थु चाति तिप्पभेदं वत्थु इमस्स सिक्खापदस्स निदानं नाम, ततो निदाना “यो पन, भिक्खु, भिक्खूनं सिक्खासाजीवसमापन्नो...पे०... असंवासो”ति इमिस्सा मातिकाय भेदो जातो । तत्थ हि “अन्तमसो तिरच्छानगताया”ति इत्थिलिङ्गवचनेन “सच्चं, आवुसो, भगवता सिक्खापदं पञ्जत्तं, तज्ज खो इत्थिया नो पुरिसे नो पण्डके नो उभतोब्यञ्जनके चा”ति मक्कटिपाराजिको विय अज्जोपि लेसं ओड्ढेतुं सक्कोति, तस्मा तादिसस्स अलेसोकासस्स दस्सनत्थं इदं वुच्चति । मक्कटिवत्थुसङ्घाता निदाना “अन्तमसो तिरच्छानगतायपी”ति मातिकावचनभेदो न इत्थिया एव मेथुनसिद्धिदस्सनतो कतो, तस्मा **विभङ्गो तंनियामको** तस्सा मातिकाय अधिप्पेतत्थनियामको विभङ्गो । **विभङ्गे** हि “तिस्सो इत्थियो । तयो उभतोब्यञ्जनका । तयो पण्डका । तयो पुरिसा । मनुस्सित्थिया तयो मग्गे...पे०... तिरच्छानगतपुरिसस्स द्वे मग्गे”तिआदिना (पारा० ५६) नयेन सब्बलेसोकासं पिदहित्वा नियमो कतो ।

एत्थाह — यदि एवं साधारणसिक्खापदवसेन वा लिङ्गपरिवत्तनवसेन वा न केवलं भिक्खूनं, भिक्खुनीनम्पि “सिक्खासाजीवसमापन्नो”ति विभङ्गे वत्तब्बं सिया । तदवचनेन भिक्खुनी पुरिसलिङ्गपातुभावेन भिक्खुभावे ठिता एवं वदेय्य “नाहं उपसम्पदकाले भिक्खूनं सिक्खासाजीवसमापन्ना, तस्मा न अप्पच्चक्खातसिक्खापि मेथुनधम्मेन पाराजिका होमी”ति? वुच्चते — तथा न वत्तब्बं अनिट्ठप्पसङ्गतो । भिक्खुनीनम्पि “सिक्खासाजीवसमापन्नो”ति वुत्ते भिक्खुनीनम्पि सिक्खापच्चक्खानं अत्थीति आपज्जति, तज्जानिदं । इदं अपरं अनिट्ठप्पसङ्गोति “सब्बसिक्खापदानि साधारणानेव, नासाधारणानी”ति । अपिचायं भिक्खूनं सिक्खासाजीवसमापन्नोवाति दस्सनत्थं “अनुजानामि, भिक्खवे, तंयेव उपज्झ”न्तिआदि (पारा० ६९) वुत्तं, अपिच यो तथा लेसं ओड्ढेत्वा मेथुनं धम्मं पटिसेवन्तो वज्जिपुत्तका विय पाराजिको होति । ते हि “भिक्खूनं सिक्खासाजीवसमापन्नो”ति वचनाभावे सति “आपत्तिं तुम्हे, भिक्खवे, आपन्ना पाराजिक”न्ति वुत्ता भगवता । एत्थ पन “भिक्खवे”ति वुत्तत्ता केचि भिक्खुलिङ्गे ठिता, “इदानीं चोपि मयं, भन्ते आनन्द, लभेय्याम भगवतो सन्तिके पब्बज्जं लभेय्याम उपसम्पद”न्ति वुत्तत्ता केचि विभन्ताति वेदितव्वा । **ततो आपत्तिया भेदो**ति ततो विभङ्गतो “अक्खायिते सरीरे पाराजिकं, येभ्य्येन खायिते थुल्लच्चय”न्तिआदि आपत्तिया भेदो होति । **अनापत्ति तदञ्जथा**ति ततो एव विभङ्गतो येनाकारेण आपत्ति वुत्ता, ततो अज्जेनाकारेण अनापत्तिभेदोव होति । “सादियति आपत्ति पाराजिकस्स, न सादियति अनापत्ती”ति हि विभङ्गे असति न पज्जायति । एत्तावता समासतो गाथात्थो वुत्तो होति । एत्थ च पन —

“निदानमातिकाभेदो, विभङ्गस्स पयोजनं ।  
अनापत्तिपकारो च, पठमो निप्पयोजनो”ति ॥ —

इमं नयं दस्सेत्वाव सब्बसिक्खापदानं अत्थो पकासितव्वो । कथं? भगवता पन येनाकारेण यं सिक्खापदं पज्जापितं, तस्स आकारस्स समत्थं वा असमत्थं वाति दुविधं निदानं, अयं **निदानभेदो** । मातिकापि निदानापेक्खा निदानानपेक्खाति दुविधा । तत्थ चतुत्थपाराजिकादिसिक्खापदानि निदानापेक्खानि । न हि वग्गुमुदातीरिया भिक्खू सयमेव अत्तनो अत्तनो असन्तं उत्तरिमनुस्सधम्मं मुसावादलक्खणं पापेत्वा भासिंसु । अज्जमज्जस्स हि ते उत्तरिमनुस्सधम्मस्स गिहीनं वण्णं भासिंसु, न च तावता पाराजिकवत्थु होति । तत्थ तेन लेसेन भगवा तं वत्थुं निदानं कत्वा पाराजिकं पज्जपेसि, तेन वुत्तं “निदानापेक्ख”न्ति । इमिना नयेन निदानापेक्खानि अत्वा तब्बिपरीतानि सिक्खापदानि निदानानपेक्खानीति वेदितव्वानि, अयं **मातिकाभेदो** ।

नानप्पकारतो मूलापत्तिप्पहोनकवत्थुपयोगचित्तनियामदस्सनवसेन मातिकाय विभजनभावदीपनत्थं तेसं अप्पहोनकताय वा तदञ्जतरवेकल्लताय वा वीतिक्कमे सति आपत्तिभेददस्सनत्थं, असति अनापत्तिदस्सनत्थज्जाति सब्बत्थ तयो अत्थवसे पटिच्च मातिकाय विभजनं विभङ्गो आरभीयतीति वेदितव्वो । एत्थ पन “भिक्खकोति भिक्खु, भिक्खाचरियं अज्झुपगतोति भिक्खु, भिन्नपटधरोति भिक्खू”ति केवलं व्यञ्जनत्थदीपनवसेन पवत्तो वा, “समज्जाय भिक्खू”ति भिक्खुभावसम्भवं अनपेक्खित्वापि



केवलं भिक्खु नाम पवत्तिट्ठानदीपनवसेन पवत्तो वा, “एहि भिक्खूति भिक्खु, सरणगमनेहि उपसम्पन्नोति भिक्खु, जत्तिचतुत्थेन कम्मेन उपसम्पन्नोति भिक्खू”ति उपसम्पदानन्तरेनापि भिक्खुभावसिद्धिदीपनवसेन पवत्तो वा, “भद्रो भिक्खु, सारो भिक्खु, सेक्खो भिक्खु, असेक्खो भिक्खू”ति भिक्खुकरणेहि धम्महेहि समन्नागतभिक्खुदीपनवसेन पवत्तो वा विभङ्गो अज्झुपेक्खितो सब्बसामञ्जपदत्ता, तथा अञ्जभागियसिक्खापदादीसु सद्धारवसेन, अधिकरणदस्सनादिवसेन पवत्तो च अज्झुपेक्खितो इतरत्थ तदभावतोति वेदितब्बो ।

तत्थ तित्थो इत्थियोतिआदि वत्थुनियमदस्सनवसेन पवत्तो, मनुस्सित्थिया तयो मग्गे मेथुनं धम्मं पटिसेवन्तस्स आपत्ति पाराजिकस्सातिआदि पयोगनियमदस्सनवसेन पवत्तो, भिक्खुस्स सेवनचित्तं उपट्ठितेतिआदि चित्तनियमदस्सनवसेन पवत्तो, सादियति आपत्ति पाराजिकस्स, न सादियति अनापत्तीतिआदि वत्थुपयोगनियमे सति चित्तनियमभावाभाववसेन आपत्तानापत्तिदस्सनत्थं पवत्तो, मतं येभ्य्येन खायितं आपत्ति थुल्लच्चयस्सातिआदि वत्थुस्स अप्पहोनकताय वीतिक्कमे आपत्तिभेददस्सनत्थं पवत्तो, न सादियति अनापत्तीति चित्तनियमवेकल्येन वीतिक्कमाभावा अनापत्तिदस्सनत्थं पवत्तोति । एवं इतरेसुपि सिक्खापदेसु यथासम्भवनयो अयन्ति पयोजनो विभङ्गो ।

अनापत्तिवारो पन मूलापत्तितो, तदञ्जेकदेसतो, सब्बापत्तितो च अनापत्तिदीपनवसेन तिविधो । तत्थ यो पठमो, सो विभङ्गो विय तयो अत्थवसे पटिच्च पवत्तो । कतमे तयो? मातिकापदानं सात्थकनिरत्थकानं तदञ्जथा उद्धरणानुद्धरणवसेन सप्पयोजननिष्पयोजनभावदीपनत्थं, तदञ्जथा पटिपत्तिक्कमदस्सनत्थं, आपत्तिप्पहोनकट्टानेपि विस्सज्जनत्थञ्चाति । कथं? **एळकलोमसिक्खापदे** “भिक्खुनो पनेव अट्ठानमग्गप्पटिपन्नस्स एळकलोमानि उप्पज्जेय्युं, आकङ्खमानेन भिक्खुना पटिग्गहेतब्बानी”ति (पारा० ५७२) एतानि केवलं वत्थुमत्तदीपनपदानीति निरत्थकानि नाम, तेसं अनापत्ति । “अट्ठानमग्गं अप्पटिपन्नस्स उप्पन्ने एळकलोमे अनापत्ति, आकङ्खमानेन पटिग्गहिते”तिआदिना नयेन तदञ्जथा अनुद्धरणेन निष्पयोजनभावो दीपितो होति, यदिदं **मातिकायं** “मेथुनं धम्मं पटिसेवेय्य”ति, इदं सात्थकं । तस्स सप्पयोजनभावदीपनत्थं “अनापत्ति अजानन्तस्स असादियन्तस्सा”ति वुत्तं । यस्मा जाननसादियनभावेन आपत्ति, असेवन्तस्स अनापत्ति, तस्मा वुत्तं **मातिकायं** “यो पन भिक्खु मेथुनं धम्मं पटिसेवेय्य, पाराजिको होति असंवासो”ति अधिप्पायो । “परपरिग्गहितं परपरिग्गहितसज्जिता गरुपरिक्खारो थेय्यचित्तं अवहरण”न्ति वुत्तानं पञ्चन्नम्पि अङ्गानं पारिपूरिया पेततिरच्छानगतपरिग्गहिते आपत्तिप्पहोनकट्टानेपि विस्सज्जनत्थं “अनापत्ति पेतपरिग्गहिते”तिआदि (कङ्खा० अट्ठ० दुतियपाराजिकवण्णना) वुत्तं । अनापत्ति इमं जान, इमं देहि, इमं आहर, इमिना अत्थो, इमं कप्पियं करोहीति भणतीतिआदि पन तदञ्जथा पटिपत्तिक्कमदस्सनत्थं वुत्तन्ति वेदितब्बं । एतावता “निदानमातिकाभेदो”तिआदिना वुत्तगाथाय अत्थो पकासितो होति ।

एत्थ पठमपञ्जत्ति ताव पठमबोधिं अतिक्कमित्वा पञ्जत्तत्ता, आयस्मतो सुदिन्नस्स अट्ठवस्सिककाले पञ्जत्तत्ता च रत्तञ्जुमहत्तं पत्तकाले पञ्जत्ता । दुतियअनुपञ्जत्ति बाहुसच्चमहत्तं पत्तकाले उप्पन्ना । सो हायस्मा मक्कटिपाराजिको यथा मातुगामपटिसंयुत्तेसु सिक्खापदेसु तिरच्छानगतित्थी अनधिप्पेता, तथा इधापीति सञ्जाय “सच्चं, आवुसो, भगवता सिक्खापदं पञ्जत्तं, तच्च खो मनुस्सित्थिया, नो तिरच्छानगतित्थिया”ति आह । ततियानुपञ्जत्ति लाभग्गमहत्तं पत्तकाले उप्पन्ना । ते हि वज्जिपुत्तका लाभग्गमहत्तं पत्ता हुत्वा यावदत्थं भुज्जित्वा न्हायित्वा वरसयनेसु सयित्वा ततियानुपञ्जत्तिया वत्थुं उप्पादेसुं, ते च वेपुल्लमहत्तं पत्ते सङ्गे उप्पन्ना, सयञ्च वेपुल्लमहत्तं पत्ताति “वेपुल्लमहत्तम्पेत्थ लब्भती”ति वुत्तं । इदं पठमपाराजिकसिक्खापदं तिविधम्पि वत्थुं उपादाय चतुब्बिधम्पि तं कालं पत्वा पञ्जत्तन्ति वेदितब्बं ।

तत्थ यो पनाति अनवसेसपरियादानपदं । **भिक्खूति** तस्स अतिप्पसङ्गनियमपदं । **भिक्खूनं सिक्खासाजीवसमापन्नोति** तस्स विसेसनवचनं । न हि सब्बोपि भिक्खुनामको या भगवता याय कायचि उपसम्पदाय उपसम्पन्नभिक्खूनं हेट्ठिमपरिच्छेदेन सिक्खितब्बसिक्खा विहिता, “एत्थ सह जीवन्ती”ति यो च आजीवो वुत्तो, तं उभयं समापन्नोव होति । कदा पन समापन्नो अहोसि? याय कायचि उपसम्पदाय उपसम्पन्नसमनन्तरमेव तदुभयं जानन्तोपि अजानन्तोपि तदज्झुपगतत्ता समापन्नो नाम होति । **सह**

जीवन्तीति याव सिकखं न पच्चक्खाति, पाराजिकभावञ्च न पापुणाति, यं पन वुत्तं अन्धकट्टकथायं “सिकखं परिपूरेन्तो सिकखासमापन्नो साजीवं अवीतिककमन्तो साजीवसमापन्नो होती”ति, तं उक्कट्टपरिच्छेदवसेन वुत्तं । न हि सिकखं अपरिपूरेन्तो कामवितक्कादिबहुलो वा एकच्चं सावसेसं साजीवं वीतिककमन्तो वा सिकखासाजीवसमापन्नो नाम न होति । उक्कट्टपरिच्छेदेन पन चतुक्कं लब्धति अत्थि भिक्खु सिकखासमापन्नो सीलानि पच्चवेक्खन्तो न साजीवसमापन्नो अचित्तकं सिकखापदं वीतिककमन्तो, अत्थि न सिकखासमापन्नो कामवितक्कादिबहुलो साजीवसमापन्नो निरापत्तिको, अत्थि न सिकखासमापन्नो न च साजीवसमापन्नो अनवसेसं आपत्तिं आपन्नो, अत्थि सिकखासमापन्नो च साजीवसमापन्नो च सिकखं परिपूरेन्तो साजीवञ्च अवीतिककमन्तो, अयमेव चतुत्थो भिक्खु उक्कट्टो इध अधिप्पेतो सिया । न हि भगवा अनुक्कट्टं वत्तुं युत्तोति चे? न, “तत्र यायं अधिसीलसिकखा, अयं इमस्मिं अत्थे अधिप्पेता सिकखा”तिवचनविरोधतो । उक्कट्टगहणाधिप्पाये सति “सिकखाति तस्सो सिकखा”ति एतकमेव वत्तब्बन्ति अधिप्पायो । सिकखत्तयसमापन्नो हि सब्बुक्कट्टोति ।

“मेथुनं धम्मं पटिसेवेय्या”ति परतो वचनं अपेक्खित्वा अधिसीलसिकखाव वुत्ताति चे? न, तस्सापि अभब्बत्ता । न हि अधिसीलसिकखं परिपूरेन्तो साजीवञ्च अवीतिककमन्तो मेथुनं धम्मं पटिसेवितुं भब्बो, तं सिकखं अपरिपूरेन्तो साजीवञ्च वीतिककमन्तो एव हि पटिसेवेय्याति अधिप्पायो, तस्मा एवमेत्थ अत्थो गहेतब्बो । यस्मा सिकखापदसङ्घातो साजीवो अधिसीलसिकखमेव सङ्गहति, नेतरं अधिचित्तसिकखं अधिपञ्जासिकखं वा, तस्मा “तत्र यायं अधिसीलसिकखा, अयं इमस्मिं अत्थे अधिप्पेता सिकखा”ति वुत्तं, तस्मा अधिसीलसिकखाय सङ्गाहको साजीवो सिकखासाजीवोति वुत्तो । इति साजीवविसेसनत्थं सिकखागहणं कतं । तदत्थदीपनत्थमेव विभङ्गे सिकखं अपरामसित्वा “तस्मिं सिकखति, तेन वुच्चति साजीवसमापन्नो”ति वुत्तं, तेन एकमेविदं अत्थपदन्ति दीपितं होति । तञ्च उपसम्पदूपगमनन्तरतो पट्टाय सिकखनाधिकारत्ता “सिकखती”ति च “समापन्नो”ति च वुच्चति । यो एवं “सिकखासाजीवसमापन्नो”ति सङ्ख्यं गतो, तादिसं पच्चयं पटिच्च अपरभागे साजीवसङ्घातमेव सिकखं अप्पच्चक्खाय, तस्मिंयेव च दुब्बल्यं अनाविकत्वा मेथुनं धम्मं पटिसेवेय्याति अयमत्थो युज्जति । किन्तु अट्टकथानयो पटिक्खित्तो होति । सो च न पटिक्खेपारहोति तेन तदनुसारेण भवितब्बं ।

अधिप्पायो पनेत्थ परियेसितब्बो, सो दानि वुच्चति — सब्बेसुपि सिकखापदेसु इदमेव भिक्खुलक्खणं साधारणं, यदिदं “भिक्खून् सिकखासाजीवसमापन्नो”ति । खीणासवोपि सावको आपत्तिं आपज्जति अचित्तकं, तथा सेक्खो । पुथुज्जनो पन सचित्तकम्पि, तस्मा सेक्खासेक्खपुथुज्जनभिक्खून् सामञ्जमिदं भिक्खुलक्खणन्ति कत्वा केवलं सिकखासमापन्नो, केवलं साजीवसमापन्नो च उभयसमापन्नो चाति सरूपेकदेसेकसेसनयेन “सिकखासाजीवसमापन्नो”त्वेव सम्पिण्डेत्वा उक्कट्टगहणेन अनुक्कट्टानं गहणसिद्धितो अट्टकथायं उक्कट्टोव वुत्तो । तमेव सम्पादेतुं “तस्मिं सिकखति, तेन वुच्चति साजीवसमापन्नो”ति एत्थ सिकखापदस्स अवचने परिहारं वत्वा यस्मा पन सो असिकखम्पि समापन्नो, तस्मा सिकखासमापन्नोतिपि अत्थतो वेदितब्बोति च वत्वा “यं सिकखं समापन्नो तं अप्पच्चक्खाय यञ्च साजीवं समापन्नो तत्थ दुब्बल्यं अनाविकत्वा”ति वुत्तन्ति अयमट्टकथायं अधिप्पायो वेदितब्बो । एतस्मिं पन अधिप्पाये अधिसीलसिकखाय एव गहणं सब्बत्थिकत्ता, सीलाधिकारतो च विनयस्साति वेदितब्बं । यथा च सिकखापदं समादियन्तो सीलं समादियतीति वुच्चति, एवं सिकखापदं पच्चक्खन्तो सीलसङ्घातं सिकखं पच्चक्खातीति वत्तुं युज्जति, तस्मा तत्थ वुत्तं “यं सिकखं समापन्नो, तं अप्पच्चक्खाया”ति । सिकखं पच्चक्खाय पटिसेवितमेथुनस्स उपसम्पदं अनुजानन्तो न समूहनति नाम । न हि सो भिक्खु हुत्वा पटिसेवि, “यो पन भिक्खू”ति च पज्जतं । एत्तावता समासतो “सिकखासाजीवसमान्नो”ति एत्थ वत्तब्बं वुत्तं ।

किं इमिना विसेसवचनेन पयोजनं, ननु “यो पन भिक्खु सिकखं अप्पच्चक्खाय दुब्बल्यं अनाविकत्वा...पे... असंवासो”ति एतकमेव वत्तब्बन्ति चे? न वत्तब्बं अनिट्ठप्पसङ्गतो । यो पन सिकखासाजीवसमापन्नो थेय्यसंवासादिको केवलेन समञ्जामत्तेन, पटिञ्जामत्तेन वा भिक्खु, तस्सापि सिकखापच्चक्खानं अत्थि । सिकखं अप्पच्चक्खाय च मेथुनं धम्मं पटिसेवन्तस्स पाराजिकापत्ति । यो वा पच्छा पाराजिकं आपत्तिं आपज्जित्वा न सिकखासाजीवसमापन्नो तस्स च, यो वा पक्खपण्डकत्ता पण्डकभावूपगमनेन न सिकखासाजीवसमापन्नो तस्स च तदुभयं अत्थीति आपज्जति । “पण्डकभावपक्खे च पक्खपण्डको उपसम्पदाय न वत्थू”ति वुत्तं,

तस्मा इतरस्मिं पक्खे वत्थूति सिद्धं, तस्मिं पक्खे उपसम्पन्नो पण्डकभावपक्खे पण्डकत्ता न सिक्खासाजीवसमापन्नो, सो परिच्चजितब्बसिक्खाय अभावेन सिक्खं अप्पच्चक्खाय मुखेन परस्स अङ्गजातगगहणादयो मेथुनं धम्मं पटिसेवेय्य, तस्स कुतो पाराजिकापत्तीति अधिप्पायो। अयं नयो अपण्डकपक्खं अलभमानस्सेव परतो युज्जति, लभन्तस्स पन अरूपसत्तानं कुसलानं समापत्तिक्खणे भवङ्गविच्छेदे सतिपि अमरणं विय पण्डकभावपक्खेपि भिक्खुभावो अत्थि। संवासं वा सादियन्तस्स न थेय्यसंवासकभावो अत्थि अन्तिमवत्थुं अज्झापन्नस्स विय। न च सहसेय्यादिकं जनेति। गणपूरको पन न होति अन्तिमवत्थुं अज्झापन्नो विय, न सो सिक्खासाजीवसमापन्नो, इतरस्मिं पन पक्खे होति, अयं इमस्स ततो विसेसो। किमयं सहेतुको, उदाहु अहेतुकोति? न अहेतुको। यतो उपसम्पदा तस्स अपण्डकपक्खे अनुज्जाता सहेतुकपटिसन्धिकत्ता। पण्डकभावपक्खेपि किस्स नानुज्जाताति चे? पण्डकभूतत्ता ओपक्कमिकपण्डकस्स विय।

अपिच सिक्खासाजीवसमापन्नोति इमिना तस्स सिक्खासमादानं दीपेत्वा तं समादिन्नसिक्खं अप्पच्चक्खाय तत्थ च दुब्बल्यं अनाविकत्वाति वत्तुं युज्जति, न अज्जथाति इमिना कारणेन यथावुत्तानिदुप्पसङ्गतो “यो पन भिक्खु भिक्खून् सिक्खासाजीवसमापन्नो सिक्खं अप्पच्चक्खाया”तिआदि वुत्तं। यथा चेत्थ, तथा “यो पन भिक्खु भिक्खून् सिक्खासाजीवसमापन्नो सिक्खं अप्पच्चक्खाय दुब्बल्यं अनाविकत्वा गामा वा अरज्जा वा अदिन्नं थेय्यसङ्घातं आदियेय्य (पारा० ८९), सुगतचीवरप्पमाणं चीवरं कारापेय्य अतिरेकं वा, छेदनकं पाचित्तिय”न्तिआदिना (पाचि० ५४८) नयेन सब्बत्थ योजेतब्बं। **अन्तमसो तिरच्छानगतायपीति** मनुस्सित्थिं उपादाय वुत्तं। न हि “पगेव पण्डके पुरिसे वा”ति वत्तुं युज्जति। सेसं तत्थ तत्थ वुत्तनयमेव।

अयं पठमपाराजिकस्स मातिकाय ताव विनिच्छयो।

### चतुब्बिधविनयकथावण्णना

**४५. नीहरित्वाति** एत्थ सासनतो नीहरित्वाति अत्थो। “पञ्चहुपालि, अङ्गेहि समन्नागतेन भिक्खुना नानुयुज्जितब्बं। कतमेहि पञ्चहि? सुत्तं न जानाति, सुत्तानुलोमं न जानाती”ति (परि० ४४२) एवमादितो हि परियत्तिसासनतो सुत्तं, सुत्तानुलोमञ्च नीहरित्वा पकासेसुं। “अनापत्ति एवं अम्हाकं आचरियानं उग्गहो परिपुच्छति भणती”ति एवमादितो परियत्तिसासनतो आचरियवादं नीहरित्वा पकासेसुं। **भारुकच्छकवत्थुस्मिं** “आयस्मा उपालि एवमाह — अनापत्ति, आवुसो, सुपिनन्तेना”ति (पारा० ७८) एवमादितो परियत्तिसासनतो एव अत्तनोमतिं नीहरित्वा पकासेसुं। ताथ हि अत्तनोमतिया थेरो एतदग्गट्ठानं लभि। अपि च वुत्तज्हेतं भगवता “अनुपसम्पन्नेन पञ्चत्तेन वा अपञ्चत्तेन वा वुच्चमानो... पे०... अनादरियं करोति, आपत्ति दुक्कटस्स”ति (पाचि० ३४३)। तत्थ हि पञ्चत्तं नाम सुत्तं। सेसत्तयं अपञ्चत्तं नाम। तेनायं “चतुब्बिधञ्हि विनयं, महाथेरा”ति गाथा सुवुत्ता। यं सन्धाय वुत्तं नागसेनत्थेरेन। **आहच्चपदेनाति** अट्ट वण्णट्ठानानि आहच्च वुत्तेन पदनिकायेनाति अत्थो, उदाहटेन कण्ठोक्कन्तेन पदसमूहेनाति अधिप्पायो। **रसेनाति** तस्स आहच्चभासितस्स रसेन, ततो उद्धटेन विनिच्छयेनाति अत्थो। सुत्तच्छाया विय हि सुत्तानुलोमं। आचरियवादो “**आचरियवंसो**”ति वुत्तो **पाळियं** वुत्तानं आचरियानं परम्पराय आभतोव पमाणन्ति दस्सन्तथं। **अधिप्पायोति** कारणोपपत्तिसिद्धो उहापोहनयप्पवत्तो पच्चक्खादिपमाणपतिरूपको। **अधिप्पायोति** एत्थ “अत्तनोमती”ति केचि अत्थं वदन्ति।

**परिवारदुकथायं**, इध च किञ्चापि “सुत्तानुलोमं नाम चत्तारो महापदेसा”ति वुत्तं, अथ खो महापदेसनयसिद्धं पटिक्खित्तापटिक्खित्तं अनुज्जाताननुज्जातं कप्पियाकप्पियन्ति अत्थतो वुत्तं होति। तत्थ यस्मा ठानं ओकासो पदेसोति कारणवेवचनानि “अट्ठानमेतं, आनन्द, अनवकासो”तिआदि (पारा० ४३) सासनतो, “निग्गहट्ठान”न्ति च “असन्दिट्ठिड्डिड्डान”न्ति च “असन्दिट्ठि च पन पदेसो”ति च लोकतो, तस्मा **महापदेसाति** महाकारणानीति अत्थो। कारणं नाम जापको हेतु इधाधिप्पेतं। महन्तभावो पन तेसं महाविसयत्ता महाभूतानं विय। ते दुविधा विनयमहापदेसा सुत्तन्तिकमहापदेसा चाति। तत्थ विनयमहापदेसा विनये पयोगं गच्छन्ति, इतरे उभयत्थापि, तेनेव **परिवारे** अनुयोगवत्ते “धम्मं न जानाति, धम्मनुलोमं न जानाती”ति (परि० ४४२) वुत्तं। तत्थ **धम्मन्ति** ठपेत्वा विनयपिटकं अवसेसपिटकद्वयं। **धम्मनुलोमन्ति** सुत्तन्तिके चत्तारो महापदेसे। तत्थ यो धम्मं

धम्मनुलोमञ्चेव जानाति, न विनयं विनयानुलोमञ्च, सो “धम्मं रक्खामी”ति विनयं उब्बिनयं करोति, इतरो “विनयं रक्खामी”ति धम्मं उद्धम्मं करोति, उभयं जानन्तो उभयम्पि सम्पादेति ।

तत्रिदं मुखमत्तं — तत्थ पठमो “सो चे पवेसनं सादियति, पविट्ठं, ठितं, उद्धरणं सादियति आपत्ति, न सादियति अनापत्ती”ति एत्थ विप्पटिपज्जति । सो हायस्मा सुखवेदनीयस्स उपादिन्नफोडुब्बस्स, कायिन्द्रियस्स च समायोगे सति पटिविजानन्तो कायिकसुखवेदनुप्पत्तिमत्तेन सादियति नामाति परिच्छिन्दित्वा तस्स आपत्ति पाराजिकस्साति असेवनाधिप्पायस्सपि आपत्तिप्पसङ्गं करोति, तथा यस्स सन्थतत्ता वा योनिदोसवसेन वा दुक्खा असाता वेदना, वातोपहटगत्तताय वा नेव कायिकवेदना, तस्स जानतो अजानतोपि “अनापत्ति असादियन्तस्सा”ति (पारा० ७६) सुत्तन्तं दस्सेत्वा सेवनाधिप्पायस्सापि अनापत्तिप्पसङ्गं करोति, तथा यदि मोचनरागेन उपक्कमतो मुत्ते सङ्गादिसेसो, पगेव मेथुनरागेनाति दुक्कटट्टानं गहेत्वा सङ्गादिसेसट्टानं करोति, एवं विनयं उब्बिनयं करोति नाम । इतरो “अनापत्ति अजानन्तस्साति वुत्तत्ता जानतो जाननेनेव सुखवेदना होतु वा मा वा सादियना होती”ति वत्त्वा असेवनाधिप्पायस्सपि जानतो अनापत्तिट्टाने आपत्तिं करोति, अनवज्जं सावज्जं करोतीति एवं धम्मं उद्धम्मं करोति । उभयं पन जानन्तो “भिक्खुस्स सेवनचित्तं उपट्ठितेति (पारा० ५७) वचनतो सेवनचित्तमेवेत्थ पमाणं, तस्स भावेन आपत्ति पाराजिकस्स, अभावेन अनापत्ती”ति वत्त्वा उभयम्पि रक्खति सम्पादेति । इमिना नयेन सब्बसिक्खापदेसु यथासम्भवं सप्पयोजना कातब्बा ।

सङ्गीतिं आरोपेत्वा ठपितपाळितो विनिमुत्तं कत्वा ठपितत्ता **पाळिविनिमुत्ता** अत्थतो, नयतो, अनुलोमतो च पाळि**ओक्कन्तविनिच्छयप्पवत्ता** अनुपविट्ठविनिच्छयवसेन पवत्ताति अत्थो । “न समूहनिस्सती”ति जानन्तोपि भगवा केवलं “तेसं मतं पच्छिमा जनता मम वचनं विय पमाणं करोतू”ति दस्सनत्थञ्च परिनिब्बानकाले एवमाह “आकङ्खमानो, आनन्द, सङ्घो ममच्चयेन खुद्धानुखुद्धानि सिक्खापदानि समूहनतू”ति (दी० नि० २.२१६), तेनेतं सिद्धं “पञ्चत्तम्पि चे सिक्खापदं समूहनितुं यस्स सङ्घस्स अनुज्जातं भगवता, तस्स पञ्चत्तानुलोमं अतिरेकत्थदीपनं, पगेवानुज्जातं भगवता”ति । किञ्च भिय्यो ऊनातिरित्तिसिक्खापदेसु आचरियकुलेसु विवादो अञ्जमञ्जं न कातब्बोति दस्सनत्थञ्च । कस्मा सङ्घो न समूहनीति? अञ्जमञ्जं विवादप्पसङ्गदस्सनतो । भगवता च “सब्बहेव समग्गेहि सम्मोदमानेहि अविवदमानेहि सिक्खितब्ब”न्ति वुत्तं । तत्थ च एकच्चे थेरा एवमाहंसूति च अञ्जवाददस्सनतो विवदमानेहि सिक्खितब्बं जातं, तदभावत्तम्पि जत्तिदुतियकम्मवाचं सावेत्वा अविवदमानेहेव सिक्खितब्बं अकासि ।

**अपिचाति** अत्तनो मतिया पाकटकरणत्थं आरम्भो । तत्थ “सुत्तन्ताभिधम्मविनयट्ठकथासू”ति वचनतो पिटकत्तयस्सपि साधारणा एसा कथाति वेदितब्बा, “अथ पनायं कप्पिय”न्तिआदि विनयस्सेव । **कारकसङ्घसदिसन्ति** सङ्गीतिकारकसङ्घसदिसं । “सुत्तादिचतुक्कं अप्पच्चक्खाय तेन अविरुद्धस्स कम्मस्स कारकसङ्घसदिस”न्ति **धम्मसिरित्थेरस्स गण्ठपदे** वुत्तं, तं अयुत्तं, “सुत्तमेव बलवतरं । सुत्तज्झि अप्पटिवत्तियं कारकसङ्घसदिस”न्ति एतेहि पदेहि अयुत्तत्ता । **पाकतिके** पन **गण्ठपदे** “तमत्थं विनिच्छिनित्वा तस्स कारकसङ्घसदिस”न्ति वुत्तं । **परवादी**ति अम्हाकं समयविजाननको अञ्जनिकायिकोति वुत्तं । **परवादी सुत्तानुलोमन्ति** कथं? “अञ्जत्र उदकदन्तपोना”ति (पाचि० २६६) सुत्तं सकवादस्स, तदनुलोमतो नाळिकेरफलस्स उदकम्पि उदकमेव होतीति परवादी च ।

“नाळिकेरस्स यं तोयं, पुराणं पित्तबन्धनं ।

तमेव तरुणं तोयं, पित्तघं बलबन्धन”न्ति ॥ —

एवं परवादिना वुत्ते सकवादी धञ्जफलस्स गतिकत्ता, आहारत्थस्स च फरणतो “यावकालिकमेव तं”न्ति वदन्तो पटिक्खिपति । **परो आचरियवादन्ति** “सुङ्गं परिहरतीति एत्थ उपचारं ओक्कमित्वा किञ्चापि परिहरति, अवहारो एवा”ति अट्ठकथावचनतो “तथा करोन्तो पाराजिकमापज्जती”ति परवादिना वुत्ते सकवादी “सुङ्गं परिहरति, आपत्ति दुक्कटस्सा”ति सुत्तं तत्थेव आगतमहाअट्ठकथावचनेन सङ्घि दस्सेत्वा पटिसेधेति, तथा करोन्तस्स दुक्कटमेवाति । **परो अत्तनोमतीति** एत्थ “पुरेभत्तं परसन्तकं

अवहरति पुरेभक्तमेव हरिस्सामीति वायमन्तस्स पच्छाभत्तं होति, पुरेभक्तपयोगोव सो, तस्मा मूलद्वो न मुच्चतीति तुम्हाकं थेरवादत्ता मूलद्वस्स पाराजिकमेवा”ति परवादिना वुत्ते सकवादी “तं सङ्केतं पुरे वा पच्छा वा तं भण्डं अवहरति, मूलद्वस्स अनापत्ती”ति (पारा० ११९) सुत्तं दस्सेत्वा पटिक्खपति ।

**परो सुत्तन्ति** “अनियतहेतुधम्मो सम्मत्तनियतहेतुधम्मस्स आरम्भणपच्चयेन पच्चयो”ति सुत्तं पट्टाने लिखितं दस्सेत्वा “अरियमग्गस्स न निब्बानमेवारम्भण”न्ति परवादिना वुत्ते सकवादी “आरम्भणत्तिकादिसुत्तानुलोमे न ओतरती”ति पटिक्खपति । सुत्तानुलोमे ओतरन्त्येव हि सुत्तं नाम, नेतरं । तेन वुत्तं पाळिआगतं पञ्जायतीति एतकेनपि सिद्धे **तिस्सो सङ्गीतियो आरुळहपाळिआगतं पञ्जायती**”तिआदि । तादिसज्झि पमादलेखन्ति आचरियो । “अप्पमादो अमतं पदं, पमादो मच्चुनो पद”न्ति (ध० प० २१; नेत्ति० २६) वचनतो दिन्नभोजने भुज्जित्वा परिस्सयानि परिवज्जित्वा सति पच्चुपट्टपेत्वा विहरन्तो निच्चो होतीति । एवरूपस्स अत्थस्स वसेन आरुळहम्पि सुत्तं न गहेतब्बं, तेन वुत्तं नो चे तथा पञ्जायतीति सिद्धेपि “**नो चे तथा पञ्जायति, न ओतरति न समेती**”ति । “**बाहिरकसुत्तं वा**”ति वुत्तत्ता अत्तनो सुत्तम्पि अत्थेन असमेन्तं न गहेतब्बं । **परो आचरियवादन्ति**आदीसु द्वीसु नयेसु पमादलेखवसेन तत्थ तत्थ आगतद्वकथावचनं थेरवादेहि सिद्धिं योजेत्वा वेदितब्बं ।

**अथ पनायं आचरियवादं । परो सुत्तन्ति** परवादिना “मूलबीजं नाम हलिद्धि सिङ्गिवेरं वचा...पे०... बीजे बीजसज्जी छिन्दति वा छेदापेति वा भिन्दति वा...पे०... आपत्ति पाचित्तियस्साति (पाचि० ९१) तुम्हाकं पाठत्ता हलिद्धिगण्ठं छिन्दन्तस्स पाचित्तिय”न्ति वुत्ते सकवादी “यानि वा पनज्जानि अत्थि मूले सज्जायन्ती”तिआदि दस्सेत्वा तस्स अट्टकथासङ्घातेन आचरियवादेन पटिक्खपति । न हि गण्ठिहि गण्ठ जायतीति । **परो सुत्तानुलोमन्ति** परवादिना “अनापत्ति एवं अम्हाकं आचरियानं उग्गहोति वचनस्सानुलोमतो ‘अम्हाकं पोराणभिक्षू एकपासादे गम्भं थकेत्वा अनुपसम्पन्नेन सयितुं वट्टतीति तथा कत्वा आगता, तस्मा अम्हाकं वट्टतीति तुम्हेसु एव एकच्चेसु वदन्तेसु तुम्हाकं न किञ्चि वत्तुं सक्का”ति वुत्ते सकवादी “सुत्तं सुत्तानुलोमज्ज उग्गहितकानंयेव आचरियानं उग्गहो पमाण”न्तिआदिअट्टकथावचनं दस्सेत्वा पटिसेधेति । **परो अत्तनोमतिन्ति** “द्वारं विवरित्वा अनापुच्छा सयितेसु के मुच्चन्ती”ति एत्थ पन द्वेपि जना मुच्चन्ति यो च यक्खगहितको, यो च बन्धित्वा निपज्जापितोति तुम्हाकं थेरवादत्ता अज्जे सब्बेपि यथा तथा वा निपन्नादयोपि मुच्चन्तीति पटिसेधेति ।

**अथ पनायं अत्तनोमतिं । परो सुत्तन्ति** “आपत्तिं आपज्जन्ती”ति परवादिना गुत्ते सकवादी “दिवा किलन्तरूपो मज्जे निसिन्नो पादे भूमितो अमोचेत्वाव निद्वावसेन निपज्जति, तस्स अनापत्ती”तिआदिअट्टकथावचनं (पारा० अट्ट० १.७७) दस्सेत्वा एकभङ्गेन निपन्नादयोपि मुच्चन्तीति पटिसेधेति । **अथायं अत्तनोमतिं । परो सुत्तानुलोमन्ति** “दोमनस्सं पाहं, देवानमिन्द, दुविधेन वदामि सेवितब्बम्पि असेवितब्बम्पीतिआदिवचनेहि (दी० नि० २.३६०) संसन्दनतो सदारपोसे दोसो तुम्हाकं नत्थि, तेन वुत्तं ‘पुत्तदारस्स सङ्गहो”ति (खु० पा० ५.६; सु० नि० २६५) परवादिना वुत्ते किञ्चापि सकवादी बहुस्सुतो न होति, अथ खो रागसहितेनेव अकुसलेन भवितब्बन्ति पटिक्खपति । सेसेसुपि इमिना नयेन अज्जथापि अनुरूपतो योजेतब्बं । इदं सब्बं उपतिस्सत्थेरादयो आहु । धम्मसिरित्थेरो पन “एत्थ परोति वुत्तो अज्जनिकायिको, सो पन अत्तनो सुत्तादीनियेव आहरति । तानि सकवादी अत्तनो सुत्तादिहि ओतारेत्वा सचे समेति गण्हाति, नो चे पटिक्खपती”ति वदति ।

चतुब्बिधविनयकथावण्णना निट्ठिता ।

### पदभाजनीयवण्णना

**सिक्खापदविभङ्गे** पन किञ्चापि **यो पनाति** अनवसेसपरियादानपदं, तथापि **भिक्षू**ति इमिना परपदेन समानाधिकरणत्ता तदनु रूपानेवस्स विभङ्गपदानि वुत्तानि । भिक्षुनिब्बचनपदानि तीणि किञ्चापि सभिक्षुभावस्स, अभिक्षुभावस्स चाति यस्स कस्सचि पब्बजितस्स साधारणानि, तथापि “असुद्धो होति पुग्गलो अज्जतरं पाराजिकं धम्मं अज्झापन्नो, तज्जे सुद्धदिट्ठि समानो अनोकासं कारापेत्वा चावनाधिप्पायो वदेति, आपत्ति सङ्गादिसेसेन दुक्कटस्सा”ति एवमादिसुत्तं निब्बचनत्थयुत्तोव पुग्गलो

“आपत्ति सङ्घादिसेसेन दुक्कटस्सा”ति (पारा० ३८९) एत्थ वत्थु, न इतरो गिहिभूतोति दस्सनत्थं वुत्तं। सब्बस्सपि विनयपिटकस्स साधारणं भिक्खुलक्खणं वत्थुज्झि भगवा आरभि। यो पन सुद्धो एव समानो केनचि कारणेन गिहिलिङ्गे ठितो, सो अत्तनो सभिक्खुभावत्ता एव वत्थु होति, असुद्धोपि भिक्खुलिङ्गे ठितत्ताति अयमत्थो दस्सितो होति। असुद्धोपि जातकेहि, पच्चत्थिकेहि वा राजभयादिकारणेन वा कासावेसु सउस्साहोव अपनीतकासावो वत्थु एव पुन कासावग्गहणेन थेय्यसंवासकभावानुपगमनतो, भिक्खुनिब्बचनत्थे अनिक्खित्तधुरत्ताति वुत्तं होति। यो पन लिङ्गत्येनको भिक्खुनिब्बचनत्थं सयज्ज अज्झुपगतो, संवासं थेनेन्तो, तज्जे सुद्धदिट्ठि समानो अनोकासं कारापेत्वा चावनाधिप्पायो वदेति, आपत्ति सङ्घादिसेसेन दुक्कटस्साति अयम्पि अत्थो दस्सितो होति।

“समज्जाय भिक्खु पटिज्जाय भिक्खू”ति वचनद्वयं यथावुत्तज्ज अत्थं उपब्रूहेति, अन्तरा उप्पन्नाय नियताय मिच्छादिट्ठिया उपच्छिन्नकुसलमूलो केवलाय समज्जाय, पटिज्जाय च “भिक्खू”ति वुच्चति, न परमत्थतोति इमं अतिरेकत्थं दीपेति। किं वुत्तं होति? “नाहं, भिक्खवे, अज्जं एकधम्मम्पि समनुपस्सामि, यं एवं महासावज्जं यथयिदं, भिक्खवे, मिच्छादिट्ठि। मिच्छादिट्ठिपरमानि, भिक्खवे, महावज्जानी”ति आहच्चभासितं सङ्गीतित्तयारुहं सुत्तं, **अट्ठकथायम्पिस्स** “मिच्छादिट्ठिपरमा एतेसन्ति मिच्छादिट्ठिपरमानि”ति (अ० नि० १.३१०) वुत्तं। पज्ज आनन्तरियकम्मानि महासावज्जानि, मिच्छादिट्ठि पन महासावज्जतराति अधिप्पायोति। कस्मा? तेसज्झि परिच्छेदो अत्थि, सब्बबलवम्पि कप्पट्टितिकमेव होति, नियतमिच्छादिट्ठिया पन परिच्छेदो नत्थि, ताय समन्नागतस्स भवतो वुट्ठानं नत्थि, तस्मा “इमस्स भिक्खुकरणा कुसला धम्मा संविज्जन्ती”ति वा “सुद्धोवाय”न्ति वा न सक्का वत्तुं। “दिट्ठिविपत्तिपच्चया द्वे आपत्तियो आपज्जती”ति वुत्तत्ता न सक्का “असुद्धो”ति वा “अज्जतरं पाराजिकं धम्मं अज्झापन्नो”ति वा वत्तुं। एस हि उभोपि पक्खे न भजति, तेन वुत्तं “समज्जाय, पटिज्जाय च भिक्खु, न परमत्थतो”ति।

किमत्थं पनेवं महासावज्जाय नियतमिच्छादिट्ठिया पाराजिकं भगवा न पज्जपेसीति? दुब्बिजानत्ता। पकतियापेसा दिट्ठि नाम “सम्मा”ति वा “मिच्छा”ति वा दुविज्जेय्या, पगेव “नियता”ति वा “अनियता”ति वाति। तत्थ पाराजिकापत्तिया पज्जत्ताय भिक्खू अज्जमज्जं असमदिट्ठिकं पाराजिकं मज्जमाना उपोसथादीनि अक्त्वा अचिरेनेव सासनं विनासेय्युं, सयज्ज अपुज्जं पसवेय्युं सुद्धेसुपि भिक्खूसु विप्पटिपत्तिया पटिपज्जनेन। तस्मा उपायकुसलताय पाराजिकं अपज्जापेत्वा तस्स उक्खेपनीयकम्मं, सम्मावत्तज्ज पज्जापेत्वा तं सङ्गेन असम्भोगं, असंवासज्ज अकासि। भगवा हि तस्स चे एसा दिट्ठि अनियता, सम्मावत्तं पूरेत्वा ओसारणं लभित्वा पकतत्तो भवेय्य। नियता चे, अट्ठानमेतं अनवकासो, यं सो नियतमिच्छादिट्ठिको सम्मावत्तं पूरेत्वा ओसारणं लभित्वा पकतत्तो भवेय्य। केवलं “समज्जायभिक्खु पटिज्जायभिक्खू”ति नाममत्तधारको हुत्वा परं मरणा अरिद्धो विय संसारखाणुकोव भविस्सतीति इमं नयं अदस।

अट्ठसु उपसम्पदासु तिस्सोवेत्थ वुत्ता, न इतरा पाटिपुग्गलत्ता, भिक्खूनां असन्तकत्ता च। तत्थ हि ओवादपटिग्गहणपज्हब्याकरणूपसम्पदा द्विन्नं थेरानं एव, सेसा तिस्सो भिक्खुनीनां सन्तकाति इध नाधिप्पेता, तिस्सन्नम्पि उपसम्पदानं मज्जे “भद्रो भिक्खू”तिआदीनि चत्तारि पदानि वुत्तानि तिस्सन्नं साधारणत्ता। एहिभिक्खुभावेन वा सरणगमनजत्तिचतुत्थेन वा उपसम्पन्नो हि भद्रो च सारो च सेक्खो च असेक्खो च होति, उपसम्पदवचनं पन नेसं सावकभावदीपनत्थं। इमे एव हि आपत्तिं आपज्जन्ति, न सम्मासम्बुद्धा, पच्चेकबुद्धा च।

**अयं इमस्मिं अत्थे अधिप्पेतोति** एत्थ च आपत्तिं आपज्जितुं भब्बा जत्तिचतुत्थेनेव कम्मेन उपसम्पन्ना। न हि अज्जे एहिभिक्खुसरणगमनओवादपटिग्गहणपज्हब्याकरणाहि उपसम्पन्ना आपत्तिं आपज्जितुं भब्बा, तेनेते पटिक्खिपित्वा “अयं इमस्मिं अत्थे अधिप्पेतो भिक्खू”ति अन्तिमोव वुत्तोति किर **धम्मसिरित्थेरो**, तं अयुत्तं। “द्वे पुग्गला अभब्बा आपत्तिं आपज्जितुं बुद्धा च पच्चेकबुद्धा चा”ति (परि० ३२२) एत्तकमेव वुत्तन्ति। अज्जथा एहिभिक्खुआदयोपि वत्तब्बा सियुं। किज्ज भिय्यो “द्वे पुग्गला भब्बा आपत्तिं आपज्जितुं भिक्खू च भिक्खुनियो चा”ति सामज्जेन वुत्तत्ता च, अपिच आपत्तिभयट्ठानदस्सनतो च। कथं? आयस्मा सारिपुत्तो आवसथपिण्डं कुक्कुच्चायन्तो न पटिग्गहेसि, चीवरविप्पवासभया च सब्बं तिचीवरं गहेत्वा नदिं तरन्तो मनं वुट्ठो

अहोसि महाकस्सपो । किञ्च सरणगमनूपसम्पदाय उपसम्पन्ने आरब्ध सद्धिविहारिकवत्तादीनि असम्मावत्तन्तानं नेसं दुक्कटानि च पञ्जत्तानि दिस्सन्ति, तस्मा दुब्बिचारितमेतं । अयं इमस्मिं अत्थे अधिप्पेतो भिक्खूति पटिक्खित्ताय सरणगमनूपसम्पदाय अनुज्जातप्पसङ्गभयाति उपतिस्सत्थेरो, आपत्तिया भब्बतं सन्धाय तस्मिम्पि वुत्ते पुब्बे पटिक्खित्तापि सा पुन एवं वदन्तेन अनुज्जाताति भिक्खूनं मिच्छागाहो वा विमति वा उप्पज्जति, तस्मा न वुत्ताति वुत्तं होति, तं “भिक्खुनी नाम उभतोसङ्गे उपसम्पन्ना”ति (पाचि० १६१) इमिना समेति । इदञ्चि साकियादीनं अनुज्जातउपसम्पदाय अनुप्पबन्धभया वुत्तं ।

अयं पनेत्थ अम्हाकं खन्ति — भिक्खु-पदनिद्देसत्ता यत्तकानि तेन पदेन सङ्गहं गच्छन्ति, ये च विनयपिटके तत्थ तत्थ सन्दिस्सन्ति सयं आपत्तापज्जनट्टेन वा दुट्ठुल्लारोचनपटिच्छादनादीसु परेसं आपत्तिकरणट्टेन वा, ते सब्बेपि दस्सेत्वा इदानि यदिदं तस्स भिक्खु-पदस्स विसेसनत्थं वुत्तं परपदं “सिक्खासाजीवसमापन्नो”ति, तस्स वसेन इदं वुत्तं “अयं इमस्मिं अत्थे अधिप्पेतो भिक्खू”ति । सो एव हि कम्मवाचानन्तरमेव सिक्खासाजीवसमापन्नो होति ततो पट्टाय सउद्देससिक्खापदानं उप्पत्तिदस्सनतो, तस्सेव च सिक्खापच्चक्खानं दिस्सति, नेतरस्स । तस्सेव च सिक्खापच्चक्खानं सम्भवति “उल्लुम्पतु मं, भन्ते, सङ्घो अनुकम्मं उपादाया”ति (महाव० ७१, १२६) वत्त्वा समादिन्नत्ता, तस्सेव च उपसम्पन्नसमनन्तरमेव अकरणीयनिस्सयाचिक्खनदस्सनतो, विनयं पातिमोक्खं उद्देसं पच्चक्खामीति आदिसिक्खापच्चक्खानलक्खणपारिपूरितो चाति सिक्खापच्चक्खानं उपादाय सो एव इधाधिप्पेतोति वुत्तं होति ।

यस्मा पनस्स सिक्खापच्चक्खानं सब्बथा युज्जति, तस्मा “सिक्खं पच्चक्खाय तं तं वत्थुं वीतिक्कमन्तस्स ततो ततो आपत्तितो अनापत्ति, इतरस्स आपत्ती”ति वत्तुं युज्जति, तस्मा “यत्थ यत्थ सावज्जपज्जति, अनवज्जपज्जति वा, अयं इमस्मिं अत्थे अधिप्पेतो भिक्खूति वुच्चति, तत्थ तत्थ तदज्झाचारत्थेनायमेव जत्तिचतुत्थेन उपसम्पन्नो अधिप्पेतो नामा”ति वत्तुं युज्जतीति वेदितब्बं । एवं सन्ते यं वुत्तं “याय कायचि उपसम्पदाय अयं इमस्मिं ‘मेथुनं धम्मं पटिसेवित्वा पाराजिको होती’ति अत्थे भिक्खूति अधिप्पेतो”ति, तस्मि न वत्तब्बमेव । कथं होति? विरोधदोसोपि परिहतो होति । कथं? सचे जत्तिचतुत्थेन उपसम्पन्नो एव इधाधिप्पेतो “भिक्खू”ति च “उपसम्पन्नो”ति च, तेन न उपसम्पन्नो अनुपसम्पन्नो नामाति कत्वा जत्तिचतुत्थकम्मतो अज्जथा उपसम्पन्ना नाम महाकस्सपत्थेरादयो इतरेसं अनुपसम्पन्नद्वाने ठत्वा सहसेय्यपदसोधम्मपत्तिं जनेय्युं, ओमसनादिकाले च दुक्कटमेव जनेय्युन्ति एवमादिको विरोधदोसो परिहतो होतीति सब्बं आचरियो वदति । मङ्गुरच्छवि नाम सामो ।

यस्मा ते अतिमहन्तो जातिमदो चित्तं परियुट्ठाति, तस्मा तुम्हेहि मम सासने एवं सिक्खितब्बं । “सातसहगता पठमज्झानसुखसहगता असुभे च आनापाने चा”ति गण्ठिपदे वुत्तं । उद्धुमातकसज्जाति उद्धुमातकनिमित्ते पटिलद्धपठमज्झानसज्जा । रूपसज्जाति पथवीकसिणादिरूपावचरज्झानसज्जा । सो तं ब्याकासि “अविभूता, भन्ते, उद्धुमातकसज्जा अवट्ठितब्बत्ता असुभानं, विभूता, भन्ते, रूपसज्जा वट्ठितब्बत्ता कसिणान”न्ति । पञ्चउपसम्पदक्कमो महावग्गा गहितो । जत्तिचतुत्थेनाति एत्थ किञ्चापि जत्ति सब्बपठमं वुच्चति, तिस्सन्नं पन अनुस्सावनानं अत्थव्यज्जनभेदाभावतो अत्थव्यज्जनभिन्ना जत्तितासं चतुत्थाति कत्वा “जत्तिचतुत्थ”न्ति वुच्चति । व्यज्जनानुरूपमेव अट्ठकथाय “तीहि अनुस्सावनाहि एकाय च जत्तिया”ति वुत्तं, अत्थपवत्तिक्कमेन पदेन पन “एकाय जत्तिया तीहि अनुस्सावनाही”ति वत्तब्बं । यस्मा पनेत्थ “चत्तारिमानि, भिक्खवे, कम्मानि (महाव० ३८४), छ इमानि, भिक्खवे, कम्मानि अधम्मकम्मं वग्गकम्म”न्ति (महाव० ३८७) वचनतो कुप्पकम्ममि कत्थचि “कम्म”न्ति वुच्चति तस्मा “अकुप्पेना”ति वुत्तं ।

यस्मा अकुप्पमि एकच्चं न ठानारहं, येन अप्पत्तो ओसारणं “सोसारितो”ति चम्पेय्यक्खन्धके (महाव० ३९५ आदयो) वुच्चति, तस्मा “ठानारहेना”ति वुत्तं । यदि एवं “ठानारहेना”ति इदमेव पदं वत्तब्बं, न पुब्बपदं इमिना अकुप्पसिद्धितोति चे? तं न, अट्ठानारहेन अकुप्पेन उपसम्पन्नो इमस्मिं अत्थे अनधिप्पेतोति अनिट्ठप्पसङ्गतो । द्वीहि पनेतेहि एकतो वुत्तेहि अयमत्थो पज्जायति “केवलं तेन अकुप्पेन उपसम्पन्नो अयमि इमस्मिं अत्थे अधिप्पेतो ‘भिक्खू’ति, ठानारहेन च उपसम्पन्नो अयमि इमस्मिं अत्थे अधिप्पेतो ‘भिक्खू’ति, कुप्पेन उपसम्पन्नो नाधिप्पेतो”ति । तेनायमि अत्थो साधितो होति “यो पन, भिक्खु, जानं ऊनवीसतिवस्सं

पुगलं उपसम्पादेय्य, सो च पुगलो अनुपसम्पन्नो'ति (पाचि० ४०३) वचनतो याव न जायति, ताव समञ्जायभिक्षुपटिञ्जायभिक्षुभावं उपगतोपि न पुब्बे दस्सितसमञ्जायभिक्षुपटिञ्जायभिक्षु विय अञ्जेसं भिक्षून् उपसम्पन्नद्वाने ठत्वा ओमसनपाचित्तियादिवत्थु होति, केवलं अनुपसम्पन्नद्वाने ठत्वा “अनुपसम्पन्ने उपसम्पन्नसञ्जी पदसो धम्मं वाचेति, आपत्ति पाचित्तियस्सा”तिआदि (पाचि० ४७) आपत्तिवत्थुमेव हुत्वा तिष्ठति । अकुप्पेन उपसम्पन्नो पन पच्छा पाराजिकोपि जातितो उपसम्पन्नद्वाने तिष्ठतीति “पण्डको, भिक्षवे, अनुपसम्पन्नो न उपसम्पादेतब्बो, उपसम्पन्नो नासेतब्बो”तिआदिना (महाव० १०९) नयेन वुत्तेसु पन वज्जनीयपुगलेसु कोचि पुगलो “उपसम्पन्नो”ति वुच्चति, नोपि उपसम्पन्नद्वाने तिष्ठति, कोचि तिष्ठतीति वेदितब्बं ।

एत्थ पन अत्थि कम्मं अकुप्पं ठानारहं, अत्थि ठानारहं नाकुप्पं, अत्थि अकुप्पञ्चेव न ठानारहञ्च, अत्थि नाकुप्पं न च ठानारहन्ति इदं चतुक्कं वेदितब्बं । तत्थ पठमं ताव वुत्तं, तत्तियचतुत्थानि पाकटानि । दुत्तियं परियायेन भिक्षुनिसङ्गतो एकतोउपसम्पन्नाय लिङ्गपरिवत्ते सति लब्धति । तस्स हि पुगलस्स पुब्बे सिक्खमानकाले लब्धं अत्तिचतुत्थउपसम्पदाकम्मं किञ्चापि अकुप्पञ्चेव ठानारहञ्च, पुरिसलिङ्गे पन पातुभूते “अनुजानामि, भिक्षवे, तंयेव उपज्झं तमेव उपसम्पद”न्ति (पारा० ६९) एत्थ अपरियापन्नत्ता तस्स पुगलस्स केवलं सामणेरभावापत्तितो कम्मं दानि कुप्पं जातन्ति वुच्चति । लिङ्गपरिवत्तेन चीवरस्स अधिद्वानविजहनं विय तस्स पुगलस्स भिक्षुनिसङ्गेन कताय उपसम्पदाय विजहनं होतीति वेदितब्बं, अञ्जथा सो पुगलो उपसम्पन्नो भिक्षूति आपज्जति । अथ वा लिङ्गपरिवत्ते असतिपितं एकतोउपसम्पदाकम्मं कुप्पति, यथाठाने न तिष्ठति । तस्मा न ताव सा “भिक्षुनी”ति सङ्ख्यं गच्छति । यस्मा अञ्जतरं पाराजिकं धम्मं आपज्जित्वापि अनापज्जित्वापि उण्णब्बजितुकामताय गिहिलिङ्गं सादियन्तिया पुनपि उपसम्पदा उभतोसङ्गे लब्धति, तस्मा तेन परियायेन “कुप्पतीति कुप्प”न्ति वुच्चति, यथावुत्तकम्मदोसाभावतो पन “ठानारह”न्ति । भिक्षुनी पन गिहिलिङ्गं सादियन्तिकाले न पुरिसलिङ्गपातुभावे सति भिक्षूसु उपसम्पदं लब्धतीति साधकं कारणं न दिस्सति, सिक्खं पच्चक्खाय उण्णब्बजिता चे, लभतीति एके, तं पनायुत्तं भिक्षुनिया सिक्खापच्चक्खनाभावतोति अम्हाकं खन्तीति आचरियो । “यथा ‘कत्तब्ब’न्ति वुत्तं, तथा अकते कुप्पतीति कत्वा करणं सत्थुसासन”न्ति गण्ठिपदे वुत्तं । यत्थ यत्थ “गण्ठिपदे”ति वुच्चति, तत्थ तत्थ “धम्मसिरित्थेरस्स गण्ठिपदे”ति गहेतब्बं ।

### साजीवपदभाजनीयवण्णना

“महाबोधिसत्ता नियता”ति वुत्तं अनुगण्ठिपदे । यत्थ “अनुगण्ठिपदे”ति, तत्थ “वजिरबुद्धित्थेरस्सा”ति गहेतब्बं । सावकबोधिपच्चेकबोधिसम्मासम्बोधीति वा तीसु बोधीसु सम्मासम्बोधियं सत्ता बोधिसत्ता महाबोधिसत्ता नाम । पातिमोक्खसीलबहुकत्ता, भिक्षुसीलत्ता, किलेसपिदहनवसेन वत्तनतो, उत्तमेन भगवता पञ्चत्तत्ता च अधिकं, बुद्धुप्पादेयेव पवत्तनतो उत्तमन्ति अञ्जतरस्मिं गण्ठिपदे । किञ्चापि पच्चेकबुद्धापि धम्मतावसेन पातिमोक्खसंवरसीलेन समन्नागताव होन्ति, तथापि “बुद्धुप्पादेयेव पवत्तती”ति नियमितं तेन परियायेनाति । तेनाह “न हि तं पज्जत्तिं उद्धरित्वा”तिआदि । पातिमोक्खसंवरतोपि च मग्गफलसम्पयुत्तमेव सीलं अधिसीलं, तं पन इध अनधिप्पेतं । न हि तं पातिमोक्खुद्देसेन सङ्गहितन्ति । समन्तभद्रकं कारणवचनं सब्बसिक्खापदानं साधारणलक्खणत्ता इमिस्सा अनुपज्जत्तिया अरियपुगला च एकच्चं आपत्तिं आपज्जन्तीति साधितमेतं, तस्मा “न हि तं समापन्नो मेथुनं धम्मं पटिसेवती”ति अट्ठकथावचनं असमत्थं विय दिस्सतीति? नासमत्थं, समत्थमेव यस्मिं यस्मिं सिक्खापदे सासा विचारणा, तस्स तस्सेव वसेन अट्ठकथाय पवत्तितो । तथा हि कङ्क्यावितरणियं (कङ्का० अट्ठ० निदानवण्णना) उदकुक्खेपसीमाधिकारे “तिमण्डलं पटिच्छादेत्वा अन्तरवासकं अनुक्खिपित्वा उत्तरन्तिया भिक्षुनिया”ति वुत्तं भिक्षुनिविभङ्गे आगतत्ता । एसेव नयो अञ्जेपि एवरूपेसु । किमत्थन्ति चे तं? पाळिक्कमानुवत्तनेन पाळिक्कमदस्सनत्थं । तत्रिदं समासतो अधिप्पायदीपनं — पदसोधम्मसिक्खापदस्स तिकपरिच्छेदे उपसम्पन्ने उपसम्पन्नसञ्जी, अनापत्ति, अकटानुधम्मसिक्खापदवसेन उपसम्पन्ने उक्खित्तके सिया आपत्ति, तथा सहसेय्यसिक्खापदेति एवमादि । अत्थो पनेत्थ परतो आवि भविस्सति ।



यं वृत्तं **अट्टकथायं** “ततोपि च मग्गफलचित्तमेव अधिचित्तं, तं पन इध अनधिप्पेत”न्ति च, “ततोपि च मग्गफलपञ्जाव अधिपञ्जा, सा पन इध अनधिप्पेता । न हि तंसमापन्नो भिक्खु मेथुनं धम्मं पटिसेवती”ति । “तत्र यायं अधिसीलसिक्खा, अयं इमस्मिं अत्थे अधिप्पेता सिक्खा”ति इमाय पाळिया विरुज्झति । अयज्झि पाळि अधिसीलसिक्खाव इध अधिप्पेता, न इतराति दीपेति । अट्टकथावचनं तासम्पि तिण्णं लोकियानं अधिप्पेततं दीपेति । अयं पनेत्थ अट्टकथाधिप्पायो — तिस्सोपि लोकिया सिक्खा इमस्मिं पठमपाराजिके सम्भवन्ति, कालेनापि अधिचित्तपञ्जालाभी भिक्खु तथारूपं असप्पायं पच्चयं पटिच्च ततो ततो अधिचित्ततो, अधिपञ्जातो च आवत्तित्वा सीलभेदं पापुणेय्याति ठानमेतं विज्जति, न लोकुत्तरचित्तपञ्जालाभी, अयं नयो इतरेसुपि सब्बेसु अदिन्नादानादीसु सचित्तकेसु लब्धति, अचित्तकेसु पन इतरोपि । तथापि केवलं विनयपिटकस्स, पातिमोक्खसीलस्स च सङ्गाहकत्ता “सिक्खं अप्पच्चक्खाया”ति इमस्मिं उत्तरपदे पच्चक्खानारहा अधिसीलसिक्खाव लोकियाति दस्सनत्थं पाळियं “तत्र यायं अधिसीलसिक्खा, अयं इमस्मिं अत्थे अधिप्पेता सिक्खा”ति वृत्तन्ति वेदितव्वं ।

एत्थ **सिक्खा**ति कायवचीदुच्चरिततो विरती च चेतना च, अज्जत्र चेतनायेव वेदितव्वा । **सिक्खापदन्ति** सउद्देससिक्खापदं, एकच्चं अनुद्देससिक्खापदञ्च लब्धति । **चित्तस्स अधिकरणं कत्वा**ति तस्मिं सिक्खतीति अधिकरणत्थे भुम्मन्ति दस्सनत्थं वृत्तं । **यथासिक्खापदन्ति** पच्चवेक्खणवसेन वृत्तं । सीलपच्चवेक्खणापि हि सीलमेव, तस्मा सुप्पटिच्छन्नादिचारित्तेसु विरतिविषययुत्तचेतनं पवत्तेन्तोपि सिक्खं परिपूरेन्तोत्वेव सङ्ख्यं गच्छति । “सम्पजानमुसावादे पाचित्तिय”न्ति (पाचि० २) वृत्तमरियादं अवीतिक्कमन्तो “तस्मिञ्च सिक्खापदे सिक्खती”ति वुच्चति । अज्जतरस्मिं पन **गण्ठपदे** वृत्तं “**सिक्खा**ति तं सिक्खापदं सिक्खनभावेन पवत्तचित्तुप्पादो । **साजीवन्ति** पज्जति । तदत्थदस्सनत्थं पुब्बे मेथुनसंवरस्सेतं अधिवचन”न्ति । यस्मा सिक्खाय गुणसम्मताय पुज्जसम्मताय तन्तिया अभावतो लोकस्स दुब्बल्याविकम्मं तत्थ न सम्भवति । पत्थनीया हि सा, तस्मा “यज्ज साजीवं समापन्नो, तत्थ दुब्बल्यं अनाविकत्वा”ति वृत्तं । आणाय हि दुब्बल्यं सम्भवतीति आयस्मा उपतिस्सो ।

### सिक्खापच्चक्खानकथावण्णना

एत्थ **यामी**ति अमुकस्मिं तित्थायतने, घरादिमि वा । **भावविकप्पाकारे**नाति “अहं अस्स”न्ति आगतत्ता यं यं भवितुकामो, तस्स तस्स भावस्स विकप्पाकारेन, भिक्खुभावतो अज्जभावविकप्पाकारेनाति अधिप्पायो ।

**४६. हन्दा**ति वचसायेव । **गिहिभावं पत्थयमानो**ति आदिपदेहि चित्तनियमं दस्सेति । एकेनेव चित्तेन सिक्खापच्चक्खानं होति, न तदभावेनाति ।

**५१. बुद्धं धम्मन्ति** आदिपदेहि खेत्तनियमं दस्सेति । तत्थ आदितो चुट्टसहि पदेहि सभावपरिच्चागो, पच्छिमेहि अट्टहि भावन्तरादानञ्च दस्सितं होति । **पच्चक्खामि धारेही**ति एतेहि कालनियमं दस्सेति । **वदती**ति इमिना पदेन पयोगनियमं दस्सेति । **विज्जापेती**ति इमिना विजानननियमं दस्सेति । **उम्मत्तको सिक्खं पच्चक्खाति, उम्मत्तकस्स सन्तिके सिक्खं पच्चक्खाती**ति आदीहि पुग्गलनियमं दस्सेति । **अरियकेन मिलक्खस्स सन्तिके सिक्खं पच्चक्खाती**ति आदीहि पन पुग्गलादिनियमेपि सति विजानननियमासम्भवं दस्सेति । तत्थ “याय मिलक्खभासाय कालनियमो नत्थि, तायपि भासाय कालनियमत्थदीपने सति सिक्खापच्चक्खानं रुहतीति नो मती”ति **आचरियो** । **दवाया**ति आदीहि खेत्तादिनियमे सतिपि चित्तनियमाभावेन न रुहतीति दस्सेति । **सावेतुकामो न सावेती**ति चित्तनियमेपि सति पयोगनियमाभावेन न रुहतीति दस्सेति । **अविज्जुस्स सावेति, विज्जुस्स न सावेती**ति चित्तखेत्तकालपयोगपुग्गलविजानननियमेपि सति यं पुग्गलं उट्ठिस्स सावेति, तस्सेव सवने न रुहति, न अज्जस्साति दस्सनत्थं वृत्तं, तेन वृत्तं **अट्टकथायं** “यदि अयमेव जानातूति एकं नियमेत्वा आरोचेति, तज्जे सो एव जानाति, पच्चक्खाता होति सिक्खा । अथ सो न जानाति...पे०... अप्पच्चक्खाता होति सिक्खा”ति । **सब्बसो वा पन न सावेति, अप्पच्चक्खा होति सिक्खा**ति चित्तादिनियमेनेव सिक्खा पच्चक्खाता होति, न अज्जथाति दस्सनत्थं वृत्तं । एत्तावता “सिक्खा... पे०... दुब्बल्यं अनाविकत्वा”ति पदस्स पदभाजनं तीहि आकारेहि दस्सितं होति । तत्थ द्वे अमिस्सा, पच्छिमो एको मिस्सोति

वेदितब्बो। तेनेव वचीभेदेनाति तदत्थदीपनमत्तं वचनं सुत्वाव तेनेव वचीभेदेन जानापेतीति अत्थो। चित्तसम्पयुत्तन्ति पच्चक्खातुकामताचित्तसम्पयुत्तं। समयञ्जू नाम तदधिप्पायजाननमत्तेन होति।

५३. वण्णपट्टानं बुद्धगुणदीपकं सुत्तं। उपालिगहपतिना वुत्ता किर उपालिगाथा। पञ्जाणं सञ्जाणन्ति अत्थतो एकं, तस्मा बोधिपञ्जाणन्ति बोधिसञ्जाणं, बोधिबीजन्ति वुत्तं होति।

द्विन्नम्पि नियमेत्वाति एत्थ “द्वीसुपि जानन्तेसु एव पच्चक्खामीति अधिप्पायेन वुत्ते तेसु एको चे जानाति, न पच्चक्खाता होती”ति अञ्जतरस्मिम्पि गण्ठपदे वुत्तं, तं अट्ठकथाय न समेति। “गिही होमी”ति वा “गिहिम्ही”ति वा वुत्ते किञ्चापि वत्तमानवचनं होति। “धारेही”ति अत्थाभावा च “धारेही”ति वुत्ते च परस्सुपरि गच्छति, तस्मा न होति। सन्दिट्टिकं धम्मन्ति सब्बत्थ धम्मवचनं वुत्तं यं सन्धाय “सन्दिट्टिक”न्ति वदति, तं पकासेतुं। अञ्जथा “विजितविजयं पच्चक्खामी”ति वुत्ते चक्कवत्तिआदीसुपि तप्पसङ्गतो बुद्धसद्दोपि अवसाने वत्तब्बो भवेय्य। आचरियवेवचनेसु पन यो मं पब्बाजेसीतिआदि उपज्झं अगगहेत्वा, परं वा उद्दिस्स पब्बजितं सन्धाय वुत्तन्ति। ओकल्लकोति कपणाधिवचनं। मोल्लिबद्धोति सिखाबद्धो, ओमुक्कमकुटो वा। चेल्लको अथेरो। चेटको मज्झिमो। मोल्लिगल्लो महासामणेरो। मनुस्सविग्गहनागादीनं नागरूपादीनं वा सन्तिके, भासाजाननकिन्नरादीनं वा। “देवता नाम महापञ्जा”ति किर पाठो। दवायाति सहसा। रवाभञ्जेनाति खलितभञ्जेन। अक्खरसमयानज्झि नाभिञ्जाताय वा करणानं अविस्सदताय वा होति रवाभञ्जं। अविधेय्यिन्द्रियताय “पोत्थकरूपसदिसस्सा”ति वुत्तं, गरुमेधस्स मन्दपञ्जस्स। कित्तावता पन गरुमेधो होतीति चे? समये अकोविदताय।

सिक्खापच्चक्खानकथावण्णना निट्ठिता।

### मूलपञ्जत्तिकथावण्णना

५५. “पटिसेवतिनामा”ति पदं मातिकायं नत्थि, तस्मा “पटिसेवेय्याति एत्था”तिआदिमाह। “एसो मेथुनधम्मो नामा”ति सब्बपाळिपोत्थकेसु, अट्ठकथायं “एसो वुच्चति मेथुनधम्मो नामा”ति उद्धटा। इत्थिया निमित्तेन अत्तनो निमित्तन्ति दुविज्जेय्यमेतं दस्सितं। अत्तनो निमित्तेन इत्थिया निमित्तं सुविज्जेय्यत्ता न दस्सितं। चत्तारि ठानानि मुञ्चित्वाति एत्थ अब्भन्तरतलं छुपन्तंयेव सन्धाय वुत्तं, अच्छुपन्तं नीहरन्तस्स अनापत्ति। मज्झन्ति अगगप्पदेसं। उपरिभागमज्झन्ति उपरिभागस्स अगगप्पदेसं। नट्टकायप्पसादन्ति एत्थ उपहतिन्द्रियस्स आपत्तिसम्भवतो इधापि आपत्तीति चे? नेति दस्सनत्थं “मतचम्मं वा”तिआदि वुत्तं। मतचम्मज्झि अनुपादिन्नं, उपादिन्ने एव पाराजिकापत्ति। अपिधाय अप्पटिच्छादेत्वा। यथा दन्ता न दिस्सन्ति, तथा पिधायेव निसीदितब्बन्ति अधिप्पायो।

गोनसोति गोणपिट्टिको मण्डलसप्पो, यस्स पिट्ठे लोहितकानि मण्डलानि दिस्सन्ति। कललपरिचयवारिचारमच्छगहणेन किञ्चापि समुद्धे महामुखा हत्थिसरीरम्पि एकप्पहारेन गिलितुं समत्था ततो महन्ततरा च गहिता होन्ति, तेसं मुखादीसु मेथुनधम्मो न सम्भवतीति तत्थ ठानपरिच्छेदो नत्थीति एके, विचारेत्वा गहेतब्बं। एतमेव हीति अनन्तरं सन्धाय। सद्धिं योजनाय अक्खरयोजनाय। “पञ्जत्तं पन सिक्खापदं सब्बेहिपि लज्जीपुग्गलेहि समं सिक्खितब्बभावतो समसिक्खता नामाति वुत्तत्ता सब्बसिक्खापदं सब्बभिकखूहि सिक्खितब्बं। न हि कस्सचि ऊनमधिकं वा अत्थी”ति तस्स गण्ठपदे वुत्तं। परिवारे पन —

“न उक्खित्तको न च पन पारिवासिको,  
न सङ्गभिन्नो न च पन पक्खसङ्कन्तो।  
समानसंवासकभूमिया ठितो,  
कथं नु सिक्खाय असाधारणो सिया”ति॥ (परि० ४७९) —

वुत्तं । तदद्वकथाय च “अयं पज्हा नहापितपुब्बकं सन्धाय वुत्ता । अयज्हि खुरभण्डं परिहरितुं न लभति, अज्जे लभन्ति । तस्मा सिक्खाय असाधारणो”ति वुत्तं । तं सब्बं यथा संसन्दति समेति, तथा वेदितब्बं । भिक्खुनीनयेव साधारणानि सिक्खापदानिपि भिक्खु सिक्खति, एवमज्जोपि अन्हापितपुब्बको भिक्खु तं सिक्खापदं सिक्खति एव तदत्थकोसल्लत्थन्ति कत्वा सब्बम्पि सिक्खापदं समसिक्खता नामाति । यं तं वुत्तन्ति सम्बन्धो । “तस्सो इत्थियो”तिआदिविभङ्गोत्तनियामकोतिलक्खणत्ता वत्थुनियमनत्थं वुत्तं । तेन अमनुस्सिस्थिप्पसङ्गेन कते सुवण्णरजतादिमये पटिक्खिपति । इतो पट्ठाय ये च “तयो अत्थवसे पटिच्च विभङ्गो पवत्तती”ति पुब्बे वुत्ता, ते यथासम्भवं योजेत्वा वेदितब्बा ।

### पठमचतुक्ककथावण्णना

५७. आपत्ति पाराजिका अस्स होतीति एत्थ यस्मा सा अकुसला आपत्ति तस्स भिक्खुनो सीलसम्भवं अभिभवति, रागाभिभवे तस्मिं पाराजिकाति लद्धनामा पुब्बभागे आपन्ना दुक्कटथुल्लच्चयादयो आपत्तियो अभिभवित्वा विनासेत्वा सयमेवेका अस्स । वत्थुना सभागाहि वा असभागाहि वा अज्जाहि पाराजिकत्तेन समानजातिकाहि आपत्तीहि सयं नाभिभवीयतीति एके । तं तं पुब्बे विचारितमेव । यदा पन चतस्सोपि पाराजिकापत्तियो एकतो होन्ति, तदा ता तस्स भिक्खुनो भिक्खुभावं अभिभवन्ति, अभिक्खुं करोन्ति, अनुपसम्पन्नं करोन्ति, समज्जायपि भिक्खु न होति । ओमसवादपाचित्तियं न जनेतीति एके । दुतियेन अत्थविकप्पेन पाराजिकस्स धम्मस्स पत्ति सम्पत्ति आपत्तीति अत्थो सङ्गहितो होतीति कत्वा आपत्तिसम्पत्तिवादीनं सङ्गहितो होति, युज्जति चेसा परसापेक्खा । सापत्तिको नाम सो भिक्खु होति, अज्जथा तस्स खणभङ्गेन अनापत्तिको भवेय्य, न च होतीति । कदा पन होतीति? यदा कालं करोति, यदा च सिक्खं पच्चक्खाय सामणेरादिभूमियं तिष्ठति । यदि एवं सिक्खाय पच्चक्खाताय पाराजिकापत्ति पच्चक्खाता होति सिक्खा चाति उभयं तस्स एकतो अत्थि, सङ्गादिसेसादिआपत्ति सिक्खापच्चक्खानेन किं न पच्चक्खाता, पुन उपसम्पन्नेन देसापेतब्बा । सिक्खापच्चक्खानं आपत्तिवुट्ठानं जातं, अभिक्खु आपत्तितो वुट्ठाति, गहट्ठो वुट्ठाति, सामणरो वुट्ठाति, ततो विनयविरोधा न वुट्ठाति । हज्जि पन वुट्ठाति गहट्ठो, सामणरो वा सीलसम्पन्नोव ज्ञानलाभी अस्स, सोतापत्तिफलस्स वा अरहत्तफलस्स वा लाभी अस्स, पाराजिकापत्तिया सापत्तिको अरहा अस्स । उक्खित्तको उप्पब्बजितो वा परिवासारहो मानत्तारहो उप्पब्बजितो वा सीलसम्पन्नो ज्ञानलाभी अस्स, सोतापत्तिफलस्स, अरहत्तफलस्स वा लाभी अस्स, सापत्तिको सन्तरायिको अरहा अस्स, सो पुन उपसम्पन्नो परिवासं, मानत्तं वा दत्वा अब्भेतब्बो उक्खित्तको ओसारेतब्बोति समानो अयं उपलब्भोति ।

अयं पनेत्थ विनिच्छयो — पाराजिकं धम्मं आपन्नो याव भिक्खुभावं पटिजानाति सादियति संवासं, सन्तरायिकत्ता उपोसथदिवसादीसु गहट्टस्स विय सयमेव सीलं समादियन्तस्सपि न सीलसमादानं रुहति, पगेव ज्ञानादीनि । सो चे भिक्खुभावं न सादियति न पटिजानाति संवासं न सादियति, केवलं भिक्खून् आविकत्वा राजवेरिचोरादिभयेन कासावं न परिच्चजति, अनुपसम्पन्नोव होति सहसेय्यादिं जनेति, सीलस्स च ज्ञानादीनज्च भागी होति । वुत्तज्हेतं भगवता —

“आपन्नेन विसुद्धापेक्खेन सन्ती आपत्ति आविकातब्बा, आविकता हिस्स फासु होति, पठमस्स ज्ञानस्स अधिगमाया”तिआदि (महाव० १३४-१३५) ।

तत्थ सन्ती आपत्तीति सावसेसानवसेसप्पभेदा सब्बापि आपत्ति आपन्ना अधिप्पेता । एवं सन्तेपि पगेव गहट्ठादिभूमियं ठितो ज्ञानादीनं भागी अस्स सुद्धन्ते ठितत्ता, यो पन उक्खित्तको अनोसारितो, गरुधम्मं वा आपज्जित्वा अवुट्ठितो सिक्खं पच्चक्खाय गहट्ठादिभूमियं ठितो, न सो ज्ञानादीनं भागीयेव भवति न सुद्धन्ते ठितत्ता, सकरणीयत्ता च, तेनेव भगवता “सो पुन उपसम्पन्नो ओसारेतब्बो”ति वुत्तं, तस्मा तस्स पुग्गलस्स ते भिक्खुकाले आपन्ना अन्तरायिका धम्मा विप्पटिसारं जनयित्वा अविप्पटिसारमूलकानं पामोज्जादीनं सम्भवं निवारेन्ति, नो सकासावेसुयेव । नो चे निवारेन्ति, सम्भवति । गरुक्कं आपज्जित्वा भिक्खून् आविकत्वा चे उप्पब्बजितो, पकतत्तो हुत्वा उप्पब्बजितोति कत्वा ज्ञानादीनं भागी अस्स “आविकता हिस्स फासु होती”ति वुत्तत्ता । पगेव भिक्खुकाले, न त्वेव उक्खित्तको सकरणीयत्ताति एके । तदनुवत्तनको पन तं लद्धिं पहाय भागी अस्स । न, भिक्खवे,

सगहट्टाय परिसाय (महाव० १५४) सिक्खापच्चकखातकस्स अन्तिमवत्थुं अज्झापन्नकस्स निसिन्नपरिसायाति (महाव० १८३) एत्थ गहट्टो नाम पकतिया गिहिलिङ्गे ठितो । सिक्खं पच्चकखाय भिक्खुलिङ्गे ठितो सिक्खापच्चकखातको । सो सकासावेसु सापेक्खत्ता सामणेरभावं पत्थयमानो तेनेव लिङ्गेन तीहि सरणगमनेहि सामणेरो होति । अन्तिमवत्थुं अज्झापन्नो संवासं सादियन्तोपि पच्छा पुब्बे वुत्तक्कमेन असादियित्वा सामणेरभावं पत्थयमानो सिक्खापच्चकखातको विय तीहि सरणगमनेहि सामणेरो होति, न पुन कासावं पटिग्गाहापेतब्बो भिक्खूहि पठमं दिन्नलिङ्गेयेव ठितत्ता । यो पन पाराजिको चोदियमानो पराजित्वा “हन्द, भन्ते, सामणेरो भवामि, सरणानि देथा”ति वदति, “साधु गणहाही”ति न वत्तब्बो, गिहिलिङ्गे ठपेत्वा पुन कासायानि पटिग्गाहापेत्वा पब्बाजेतब्बो । “इदं पन सब्बं अत्तनो मतिया वुत्तत्ता विचारेत्वा गहेतब्ब”न्ति आचरियो वदति । **पवेसनं** नाम अङ्गजातं पवेसेन्तस्स अङ्गजातेन सम्फुसं । **पविट्ठं** नाम याव मूला पवेसेन्तस्स विप्पकतकाले वायामकालो । सुक्कविस्सट्ठिसमये अङ्गजातं **ठितं** नाम । **उद्धरणं** नाम नीहरणकालो । **गण्ठपदे** पन “वायामतो ओरमित्वा ठानं ठितं नामा”ति वुत्तं, तं असङ्करतो दस्सनत्थं वुत्तं । पवेसनपविट्ठउद्धरणकालेसुपि सुक्कविस्सट्ठि होतियेव ।

पठमचतुक्ककथावण्णना निड्ढिता ।

### एकूनसत्ततिद्विसत्तचतुक्ककथावण्णना

५१-६०. “मतं येभ्य्येन अक्खायित”न्ति वचनतो अमतं येभ्य्येन खायितम्पि पाराजिकवत्थुमेवाति दस्सेति । सब्बसो खायितं, उप्पाटितं वा थुल्लच्चयवत्थुमेवाति दस्सेति, तथा “येभ्य्येन खायित”न्ति वचनतो मतं सब्बखायितं, उप्पाटितं वा दुक्कटवत्थुति दस्सेति । **न च सावसेसं पज्जापेन्ति** । किं कारणा? **इदं हि सिक्खापदं लोकवज्जं, न पण्णत्तिवज्जं** । तत्थ सिक्खापदन्ति पाराजिकं अधिप्पेतं । तत्थ थुल्लच्चयम्पि हि लोकवज्जं, न पण्णत्तिवज्जं । अथ वा उभयम्पि अनवसेसं पज्जतं । पाराजिकखेत्ते हि हेट्ठिमकोटिं पापेत्वा ठपिते ततो परं थुल्लच्चयन्ति पज्जत्तमेव होति । तत्थ थुल्लच्चयखेत्तम्पि पाराजिकखेत्तं विय हेट्ठिमपरिच्छेदेन वुत्तन्ति वेदितब्बं । **उपड्ढक्खायिते थुल्लच्चयन्ति** यत्थ निमित्तं खायितं, तं दुक्कटवत्थुति वेदितब्बं । एत्थाह — पण्णत्तिवज्जं किं सावसेसमेव भगवा पज्जापेतीति? न । एकंसतो पन यथासम्भवं तत्थ तत्थ पकासयिस्साम, किमत्थं पन भगवा उपड्ढक्खायिते पाराजिकं न पज्जापेसीति अयं ताव अपुच्छा बुद्धविसयत्ता विनयपज्जत्तिया । इदं पनेत्थ कारणपतिरूपकं “उपड्ढभावस्स दुब्बिनिच्छयत्ता”ति । येभ्य्येन खायितं नाम वच्चमग्गपस्सावमग्गमुखानं चतूसु कोट्टासेसु द्वे कोट्टासे अतिक्कम्म याव ततियकोट्टासपरियोसाना खादितं, ततियकोट्टासं अतिक्कम्म याव चतुत्थकोट्टासपरियोसाना दुक्कटवत्थु ।

**यदिपि निमित्तं सब्बसो खायितन्ति** “जीवमानकसरीरंयेव सन्धाय वुत्त”न्ति वदन्ति, तं वीमंसित्वा गहेतब्बं । **अल्लसरीरे**ति अभिनवे, अकुथिते वा मनुस्सानं जीवमानसरीरे अक्खिनासादीसु थुल्लच्चयमेव । **तिरच्छानगतानं हत्थिअस्सादीनं नासाय वत्थिकोसे च थुल्लच्चयन्ति** “अमग्गेन अमग्गं पवेसेति, आपत्ति थुल्लच्चयस्सा”ति इमाय **पाळिया** अत्थविसेसेनेत्थ वुत्तं । **उपकच्छकादीसु दुक्कटं, सब्बेसम्पि तिरच्छानगतानं अक्खिकणवणेसु दुक्कटं, अवसेससरीरेपि दुक्कटमेवाति** इदं विनीतवत्थुस्मिं “एहि, भन्ते, मेथुनं धम्मं पटिसेवा”ति । “अलं भगिनि नेतं कप्पती”ति (पारा० ७९) इमिना ताव मेथुनरागाभावो दस्सितो होति । “एहि, भन्ते, ऊरुन्तरिकाय घट्टेहि...पे०... सो भिक्खु तथा अकासी”ति इमिना ताव मोचनस्सादो दस्सितो होति, तेनेवाह भगवा “आपत्ति सङ्गादिसेसस्सा”ति । “यो पन मेथुनरागेन ऊरुन्तरिकाय घट्टेति, तस्स दुक्कट”न्ति सिद्धन्ति कत्वा वुत्तं ।

मनुस्सानं अक्खिकणवणादि थुल्लच्चयवत्थु, तिरच्छानगतानं दुक्कटवत्थुति एत्थ दुविज्जेय्यो पाळिलेसो, तस्मा “न च, भिक्खवे, रत्तचित्तेन अङ्गजातं छुपितब्बं, यो छुपेय्य, आपत्ति थुल्लच्चयस्सा”ति वचनतो रत्तचित्तेन अक्खिकणवणं छुपन्तस्स दुक्कटन्ति सिद्धन्ति अयं **चम्मक्खन्थके** पाळिलेसोति वेदितब्बो । “**जीवमानकपुरिसस्सा**ति जीवमानकसद्वो मते वत्तब्बमेव नत्थीति आपनत्थं वुत्तो”ति वदन्ति । **महाअड्ढकथायं पनाति** इदं किञ्चापि “कत्वा महाअड्ढकथं सरीर”न्ति वुत्तं, अथ खो सेसअड्ढकथासु “मेथुनरागेन मुखेना”ति वचनाभावतो तत्थेव भावतो तं वचनं पाळिवचनेन संसन्दित्वा दस्सनत्थं वुत्तं ।

अनुगण्ठपदे पन “तं सव्वम्पीति महाअट्ठकथायमेव मेथुनरागेन इत्थिया निमित्तं अप्पवेसेन्तो छुपति, थुल्लच्चय”न्ति च वुत्तं। “मेथुनरागेन मुखेना”तिपि कत्थचि, पाळियं अविसेसेन “न च, भिक्खवे, रत्तचित्तेन अङ्गजातं छुपितव्व”न्ति वुत्तं, तस्मा “तं सव्व”न्ति वुत्तं। **पुरिमं पसंसन्ती**ति तिरच्छानगति...पे०... वुत्तनयेनेव थुल्लच्चयं, कायसंसग्गरागेन दुक्कटन्तिआदिअट्ठकथावचनेहि संसन्दनतो। “तं सव्वम्पी...पे०... **पुरिमं पसंसन्ती**”ति इदं सङ्गीतितो पच्छा सीहळदीपकेहि आचरियेहि पाळिया, अट्ठकथायञ्च वुत्तवचनं संसन्दित्वा वुत्तविनिच्छयोति वुत्तं। एत्थ **इतरथा** हीति पकतिमुखेन। कस्मा दुक्कटन्ति चे? “अङ्गुलिबीजादीनि पवेसेन्तस्स दुक्कट”न्ति वुत्तत्ता युत्तं। **तिरच्छानगतिथिया पस्सावमग्गन्ति** एत्थ महाअट्ठकथायम्पि पुब्बे “निमित्त”न्ति वत्वा एत्थ “पस्सावमग्ग”न्ति वुत्तत्ता अवसेसनिमित्ते दुक्कटन्ति युत्तं विय दिस्सति। **वुत्तनयेनेवाति** मेथुनरागेन। **थुल्लच्चयन्ति** च **खन्धके** पस्सावनिमित्तवसेनेवागतत्ता उपपरिक्खित्वा गहेतव्वं।

एकूनसत्ततिद्विसत्तचतुक्ककथावण्णना निट्ठिता।

### सन्थतचतुक्कभेदककथावण्णना

**६१-२. इत्थिनिमित्तं खाणुं कत्वाति** इत्थिनिमित्तस्स अन्तो खाणुं पवेसेत्वा समतलं वा कत्वा अतिरित्तं वा खाणुं घट्टेन्तस्स दुक्कटं पवेसाभावा। ईसकं अन्तो पवेसेत्वा ठितं खाणुमेव चे अङ्गजातेन छुपति, पाराजिकं। “उप्पलगन्धा उप्पलभावा”तिपि दीपवासिनो पठन्ति किर। **सुत्तं भिक्खुम्ही**ति सेवनचित्तं उपट्ठितेति (पारा० ५७) एत्थ विय। “सुत्तभिक्खुम्ही”ति च पठन्ति, तं उज्जुक्मेव।

सन्थतचतुक्कभेदककथावण्णना निट्ठिता।

पदभाजनीयवण्णना निट्ठिता।

### पकिण्णककथावण्णना

**पकिण्णके** यानि सिकखापदानि “किरियानी”ति वुच्चन्ति, तेसं वसेन कायो, वाचा च सह विज्जत्तिया वेदितव्वा। अकिरियानं वसेन विना विज्जत्तिया वेदितव्वा, चित्तं पनेत्थ अप्पमाणं भूतारोचनसमुद्धानस्स किरियत्ता, अचित्तकत्ता च। तत्थ किरिया आपत्तिया अनन्तरचित्तसमुद्धाना वेदितव्वा। अविज्जत्तिजनकम्पि एकच्चं बाहुल्लनयेन “किरिय”न्ति वुच्चति, यथयिदं पठमपाराजिकं विज्जत्तिया अभावेपि “सो चे सादियति, आपत्ति पाराजिकस्सा”ति हि वुत्तं “न सादियति अनापत्ती”ति च। विज्जत्तिसङ्घातापि किरिया विना सेवनचित्तेन न होति चित्तजत्ता, विकाररूपत्ता, चित्तानुपरिवत्तिकत्ता च। तस्मा किरियासङ्घातमिदं विज्जत्तिरूपं इतरं चित्तजरूपं विय जनकचित्तेन विना न तिट्ठति, इतरं सद्वायतनं तिट्ठति, तस्मा किरियाय सति एकन्ततो तज्जनकं सेवनचित्तं अत्थियेवाति कत्वा न सादियति अनापत्तीति न युज्जति। यस्मा विज्जत्तिजनकम्पि समानं सेवनचित्तं न सव्वकालं विज्जत्तिं जनेति, तस्मा विनापि विज्जत्तिया सयं उप्पज्जतीति कत्वा “सादियति, आपत्ति पाराजिकस्सा”ति वुत्तं। नुप्पज्जति चे, न सादियति नाम, तस्स अनापत्ति, तेनेव भगवा “किंचित्तो त्वं भिक्खू”ति चित्तेनेव आपत्तिं परिच्छिन्दति, न किरियायाति वेदितव्वं। एतावता छ आपत्तिसमुद्धानानि, तानि एव आपत्तिकरा धम्मा नामाति च, चतूहाकारेहि आपत्तिं आपज्जति कायेन वाचाय कायवाचाहि कम्मवाचाय आपज्जतीति च एतानि सुत्तपदानि अवरोधितानि होन्ति, अज्जथा विरोधितानि। कथं? यज्हि आपत्तिं कम्मवाचाय आपज्जति, न तत्थ कायादयोति आपन्नं, ततो कम्मवाचाय सद्धिं आपत्तिकरा धम्मा सत्ताति आपज्जति, अथ तत्थापि कायादयो एकतो वा नानातो वा लब्धन्ति। “चतूहि आकारेही”ति न युज्जति, “तीहाकारेहि आपत्तिं आपज्जती”ति वत्तव्वं सियाति एवं विरोधितानि होन्ति। कथं अवरोधितानीति? सविज्जत्तिकाविज्जत्तिकभेदभिन्नत्ता कायादीनं। या किरिया आपत्ति, तं एकच्चं कायेन सविज्जत्तिकेन आपज्जति, एकच्चं सविज्जत्तिया वाचाय, एकच्चं सविज्जत्तिकाहि कायवाचाहि आपज्जति। या पन अकिरिया आपत्ति, तं एकच्चं कम्मवाचाय आपज्जति, तज्ज खो अवसिद्धाहि अविज्जत्तिकाहि कायवाचाहियेव, न विना “नो चे कायेन

वाचाय पटिनिस्सज्जति, कम्मवाचापरियोसाने आपत्ति सङ्गादिसेस्ससा'ति (पारा० ४१४, ४२१) वचनतो। अविसेसेन वा एकच्चं आपत्तिं कायेन आपज्जति, एकच्चं वाचाय, एकच्चं कायवाचाहि। यं पनेत्थ कायवाचाहि, तं एकच्चं केवलाहि कायवाचाहि आपज्जति, एकच्चं कम्मवाचाय आपज्जतीति अयमत्थो वेदितब्बोति एवं अविरोधितानि होन्ति।

तत्रायं समासतो अत्थविभावना — **कायेन आपज्जतीति** कायेन सविज्जत्तिकेन अकत्तब्बं कत्वा एकच्चं आपज्जति, अविज्जत्तिकेन कत्तब्बं अकत्वा आपज्जति, तदुभयमपि कायकम्मं नाम। अकत्तमपि हि लोके “कत्”न्ति वुच्चति “इदं दुक्कटं मया, यं मया पुज्जं न कत्”न्ति एवमादीसु, सासने च “इदं ते, आवुसो आनन्द, दुक्कटं, यं त्वं भगवन्तं न पुच्छी”तिआदीसु (चूळव० ४४३), एवमिध विनयपरियाये कायेन अकरणीयमपि “कायकम्म”न्ति वुच्चति, अयमेव नयो **वाचाय आपज्जतीति**आदीसु। तत्थ **समुद्धानग्गहणं** कत्तब्बतो वा अकत्तब्बतो वा कायादिभेदापेक्खमेव आपत्तिं आपज्जति, न अज्जथाति दस्सनत्थं। **किरियाग्गहणं** कायादीनं सविज्जत्तिकाविज्जत्तिकभेददस्सनत्थं। **सज्जाग्गहणं** आपत्तिया अङ्गानङ्गचित्तविसेसदस्सनत्थं, तेन यं चित्तं किरियालक्खणे, अकिरियालक्खणे वा सन्निहितं, यतो वा किरिया वा अकिरिया वा होति, न तं अविसेसेन आपत्तिया अङ्गं वा अनङ्गं वा होति, किन्तु याय सज्जाय “सज्जाविमोक्ख”न्ति वुच्चति, ताय सम्पयुत्तं चित्तं अङ्गं, इतरं अनङ्गन्ति दस्सितं होति। इदानीं येन चित्तेन सिक्खापदं सचित्तकं होति, यदभावा अचित्तकं, तेन तस्स अविसेसेन सावज्जत्ता लोकवज्जभावोव वुच्चति, किन्तु सावज्जयेव समानं एकच्चं लोकवज्जं एकच्चं पण्णत्तिवज्जन्ति दस्सनत्थं **लोकवज्जग्गहणं**। चित्तमेव यस्मा “लोकवज्ज”न्ति वुच्चति, तस्मा मनोकम्ममपि सिया आपत्तीति अनिट्ठप्पसङ्गनिवारणत्थं **कम्मग्गहणं**। यं पनेत्थ अकिरियालक्खणं कम्मं, तं कुसलत्तिकविनिमुत्तं सियाति अनिट्ठप्पसङ्गनिवारणत्थं **कुसलत्तिकग्गहणं**। या पनेत्थ अब्याकता आपत्ति, तं एकच्चं अवेदनमपि सज्जावेदयितनिरोधसमापन्नो आपज्जतीति कत्वा वेदनात्तिकं एत्थ न लब्धतीति अनिट्ठप्पसङ्गनिवारणत्थं **वेदनात्तिकग्गहणं** कतन्ति वेदितब्बं। सिक्खापदज्झि सचित्तकपुग्गलवसेन “तिचित्तं तिवेदन”न्ति लद्धवोहारं अचित्तकेनापन्नमपि “तिचित्तं तिवेदन”मिच्चेव वुच्चति। तत्रिदं सुत्तं “अत्थापत्ति अचित्तको आपज्जति अचित्तको वुट्ठाति (परि० ३२४)। अत्थापत्ति कुसलचित्तो आपज्जति कुसलचित्तो वुट्ठाती”तिआदि (परि० ४७०)। **अनुगण्ठपदे** पन “सज्जा सदा अनापत्तिमेव करोति, चित्तं आपत्तिमेव, अचित्तकं नाम वत्थुअविजाननं, नोसज्जाविमोक्खं वीत्तिकमजाननं, इदमेतेसं नानत्त”न्ति वुत्तं।

**सब्बसङ्गाहकवसेनाति** सब्बसिक्खापदानं सङ्गहवसेन। भिक्खुनिया चीवरदानादि **किरियाकिरियतो**। जातरूपरजतपटिग्गहणादि **सिया किरियतो**। उपनिक्खित्तापटिक्खेपे **सिया अकिरियतो**। देसितवत्थुकपमाणात्तिककन्तकुटिकरणे **सिया किरियतो**, अदेसितवत्थुकपमाणात्तिककन्तकरणे **सिया किरियाकिरियतो**। यं **चित्तङ्गं लभतियेवाति** कायचित्तं वाचाचित्तन्ति एवं। **विनापि चित्तेनाति** एत्थ विनापि चित्तेन सहापि चित्तेनाति अधिप्पायो। यो सो सविज्जत्तिको, अविज्जत्तिको च वुत्तो कायो, तस्स कम्मं कायकम्मं, तथा वचीकम्मं। तत्थ सविज्जत्तिको कायो उप्पत्तिया कम्मं साधेति, इतरो अनुप्पत्तिया। तथा वाचाति वेदितब्बं, **सिक्खापदन्ति** “यो तत्थ नामकायो पदकायो”ति वचनतो वीत्तिकमे युज्जतीति वुत्तं। “हसितुप्पादवोड्ढन्नानिपि आपत्तिसमुद्गापकचित्तानि। इदमपि न मया परिच्छिन्नन्ति हसमानो पस्सति यदा, तदा वोड्ढन्नं जवनगतिक”न्ति **अनुगण्ठपदे** वुत्तं। अभिज्जाचित्तानि पज्जतिं अजानित्वा इद्धिविकुब्बनादिकाले गहेतब्बानि।

एत्थ पन यो पन भिक्खु भिक्खूनं सिक्खासाजीवसमापन्नो...पे०... मेथुनं धम्मं पटिसेवन्तो अत्थि कोचि पाराजिको होति असंवासो, अत्थि कोचि न पाराजिको होति असंवासो। दुक्कटथुल्लच्चयवत्थुसु पटिसेवन्तो अत्थि कोचि न पाराजिको। पक्खपण्डको अपण्डकपक्खे उपसम्पन्नो पण्डकपक्खे मेथुनं धम्मं पटिसेवन्तो सो पाराजिकं आपत्तिं नापज्जतीति न पाराजिको नाम। न हि अभिक्खुनो आपत्ति नाम अत्थि। सो अनापत्तिकत्ता अपण्डकपक्खे आगतो किं असंवासो होति न होतीति? होति, “अभब्बो तेन सरीरबन्धनेना”ति (पारा० ५५; महाव० १२९) हि वुत्तं। “यो पन, भिक्खु, भिक्खूनं...पे०... असंवासो”ति (पारा० ४४) वुत्तत्ता यो पन भिक्खुभावेन मेथुनं धम्मं पटिसेवति, सो एव अभब्बो। नायं अपाराजिकत्ताति चे? न, “ब्यत्तेन भिक्खुना पटिबलेन सङ्घो जापेतब्बो”ति (महाव० ८६) वुत्तद्धाने यथा अभिक्खुना कम्मवाचाय सावितायपि कम्मं रुहति कम्मविपत्तिया असम्भवतो,

एवंसम्पदमिदं ददुब्बं। तत्रिदं युत्ति — उपसम्पन्नपुब्बो एव चे कम्मवाचं सावेति, सङ्खो च तस्मिं उपसम्पन्नसञ्जी, एवञ्चे कम्मं रुहति, न अञ्जथाति नो खन्तीति आचरियो। गहट्ठो वा तित्थियो वा पण्डको वा अनुपसम्पन्नसञ्जी कम्मवाचं सावेति, सङ्खेन कम्मवाचा न वुत्ता होति, “सङ्खो उपसम्पादेय्य, सङ्खो उपसम्पादेति, उपसम्पन्नो सङ्खेना”ति (महाव० १२७) हि वचनतो सङ्खेन कम्मवाचाय वत्तब्बाय सङ्खपरियापन्नेन, सङ्खपरियापन्नसञ्जितेन वा एकेन वुत्ता सङ्खेन वुत्ताव होतीति वेदितब्बो, अयमेव सब्बकम्मेसु युत्ति। तथा अत्थि मेथुनं धम्मं पटिसेवन्तो कोचि नासेतब्बो “यो भिक्खुनीदूसको, अयं नासेतब्बो”ति वुत्तत्ता एव, सो अनुपसम्पन्नोव, सहसेय्यापत्तिआदिं जनेति, तस्स ओमसने च दुक्कटं होति। अभिक्खुनिया मेथुनं धम्मं पटिसेवन्तो न नासेतब्बो “अन्तिमवत्थुं अज्झापन्नो, भिक्खवे, अनुपसम्पन्नो...पे०... नासेतब्बो”ति पाळिया अभावतो। तेनेव सो उपसम्पन्नसङ्खं गच्छति, न सहसेय्यापत्तादिं जनेति, केवलं असंवासीति कत्वा गणपूरको न होति, एककम्मं एकुद्देसोपि हि संवासीति वुत्तो। समसिक्खतापि संवासीति कत्वा सो तेन सङ्खि नत्थीति पदसोधम्मापत्तिं पन जनेतीति कारणच्छाया दिस्सति। यथा भिक्खुनिया सङ्खि भिक्खुसङ्गस्स एककम्मादिनो संवासस्स अभावा भिक्खुनी असंवासा भिक्खुस्स, तथा भिक्खु च भिक्खुनिया, पदसोधम्मापत्तिं पन जनेति। तथा “अन्तिमवत्थुं अज्झापन्नोपि एकच्चो यो नासेतब्बो”ति अवुत्तोति इमिना निदस्सनेन सा कारणच्छाया गहणं न गच्छति।

अपि च “भिक्खु सुत्तभिक्खुमिहि विप्पटिपज्जति, पटिबुद्धो सादियति, उभो नासेतब्बा”ति (पारा० ६६) च, “तेन हि, भिक्खवे, मेत्तियं भिक्खुनिं नासेथा”ति (पारा० ३८४) च वचनतो यो सङ्गमज्झं पविसित्वा अनुविज्जकेन अनुविज्जियमानो पराजापितो, सोपि अनुपसम्पन्नोव, न ओमसवादपाचित्तियं जनेतीति वेदितब्बं। किञ्चापि “उपसम्पन्नं उपसम्पन्नसञ्जी खुंसेतुकामो”ति पाळि नत्थि, किञ्चापि **कङ्खावितरणियं** “यं अक्कोसति, तस्स उपसम्पन्नता, अनज्जापदेसेन जातिआदीहि अक्कोसनं, ‘मं अक्कोसती’ति जानना, अत्थपुरेक्खारतादीनं अभावोति इमानेत्य चत्तारि अङ्गानी”ति (कङ्खा० अट्ठ० ओमसवादसिक्खापदवण्णना) वुत्तं, तथापि दुट्ठोससिक्खापदे “असुद्धो होति पुगलो अज्जतरं पाराजिकं धम्मं अज्झापन्नो, तज्जे सुद्धदिट्ठि समानो ओकासं कारापेत्वा अक्कोसाधिप्पायो वदेति, आपत्ति ओमसवादस्सा”ति (पारा० ३८९) वचनतो असुद्धे उपसम्पन्नसञ्जाय एव ओमसन्तस्स पाचित्तियं। असुद्धदिट्ठिस्स दुक्कटं। “सुद्धो होति पुगलो, अज्जतरं पाराजिकं धम्मं अनज्झापन्नो, तज्जे सुद्धदिट्ठि समानो ओकासं कारापेत्वा अक्कोसाधिप्पायो वदेति, आपत्ति ओमसवादस्सा”ति (पारा० ३८९) वचनतो पन **कङ्खावितरणियं** “तस्स उपसम्पन्नता उपसम्पन्नसञ्जिता”ति न वुत्तं अनेकंसिक्कता तस्स अङ्गस्साति वेदितब्बं।

अपि चेत्य सिक्खापच्चक्खातकचतुक्कं वेदितब्बं, अत्थि पुगलो सिक्खापच्चक्खातको न सिक्खासाजीवसमापन्नो, अत्थि सिक्खासाजीवसमापन्नो न सिक्खापच्चक्खातको, अत्थि सिक्खापच्चक्खातको चेव सिक्खासाजीवसमापन्नो च, अत्थि नेव सिक्खापच्चक्खातको न सिक्खासाजीवसमापन्नो। तत्थ ततियो भिक्खुनीसिक्खापच्चक्खातको वेदितब्बो। सा हि याव न लिङ्गं परिचजति, कासावे सउस्साहाव समाना सामज्जा चवितुकामा सिक्खं पच्चक्खन्तीपि भिक्खुनी एव सिक्खासाजीवसमापन्नाव। वुत्तज्झि भगवता “न, भिक्खवे, भिक्खुनिया सिक्खापच्चक्खान”न्ति (चूळव० ४३४)। कदा च पन सा अभिक्खुनी होतीति? यदा सामज्जा चवितुकामा गिहिनिवासनं निवासेति, सा “विब्भन्ता”ति सङ्खं गच्छति। वुत्तज्झि भगवता “यदेव सा विब्भन्ता, तदेव अभिक्खुनी”ति (चूळव० ४३४)। कित्तावता पन विब्भन्ता होतीति? सामज्जा चवितुकामा कासावेसु अनालया कासावं वा अपनेति, नग्गा वा गच्छति, तिणपण्णादिना वा पटिच्छादेत्वा गच्छति, कासावंयेव वा गिहिनिवासनाकारेन निवासेति, ओदातं वा वत्थं निवासेति, सलिङ्गेनेव वा सङ्खि तित्थियेसु पविसित्वा केसलुज्चनादिवतं समादियति, तित्थियलिङ्गं वा समादियति, तदा विब्भन्ता नाम होति। तत्थ या भिक्खुनिलिङ्गे ठिताव तित्थियवतं समादियति, सा तित्थियपक्कन्तको भिक्खु विय पच्छा पब्बज्जम्पि न लभति, सेसा पब्बज्जमेवेकं लभन्ति, न उपसम्पदं। **पाळियं** किञ्चापि “या सा, भिक्खवे, भिक्खुनी सकासावा तित्थायतनं सङ्गन्ता, सा आगता न उपसम्पादेतब्बा”ति वचनतो या पठमं विब्भमित्वा पच्छा तित्थायतनं सङ्गन्ता, सा आगता उपसम्पादेतब्बाति अनुज्जातं विय दिस्सति। सङ्गीतिआचरियेहि पन “चतुवीसति पाराजिकानी”ति वुत्तत्ता न पुन सा उपसम्पादेतब्बा, तस्मा एव सिक्खापच्चक्खानं नानुज्जातं भगवता। अन्तिमवत्थुअज्झापन्ना पन भिक्खुनी एव। पक्खपण्डकीपि भिक्खुनी एव। **किन्ति** पुच्छा।

### विनीतवत्थुवण्णना

**६७.** विनीतानि विनिच्छितानि वत्थूनि **विनीतवत्थूनि** । तेसं तेसं “तेन खो पन समयेन अञ्जतरो भिक्खू”तिआदीनं **वत्थू**नं पाटेककं नामगणनं उद्धरित्वा उद्धरित्वा ऊनाधिकदोससोधनद्वेन उद्धाना च ता मत्रादिसिद्धिगाथाहि छन्दोविचितिलखणेन गाथा चाति “**उद्धानगाथा नामा**”ति वुत्तं, **दे, सोधने** इति धातुस्स रूपं उद्धानाति वेदितब्बं । इमा पन उद्धानगाथा धम्मसङ्गाहकत्थेरेहि सङ्गीतिकाले ठपिता, कत्थाति चे? पदभाजनीयावसाने । “**वत्थुगाथा** नाम ‘तेन खो पन समयेन अञ्जतरो भिक्खू’तिआदीनं इमेसं विनीतवत्थूनं निदानानी”ति **गण्ठपदे** वुत्तं, तस्मा तत्थ वुत्तनयेन विनीतवत्थूनि एव “वत्थुगाथा”ति वुत्ताति वेदितब्बं । इदमेत्थ समासतो अधिप्पायनिदस्सनं — “आपत्तिं त्वं, भिक्खु, आपन्नो पाराजिक”न्ति मूलापत्तिदस्सनवसेन वा, “अनापत्ति, भिक्खु, पाराजिकस्स, आपत्ति सङ्गादिसेसस्स, दुक्कटस्सा”ति आपत्तिभेददस्सनवसेन वा, “अनापत्ति, भिक्खु, असादियन्तस्सा”ति अनापत्तिदस्सनवसेन वा यानि वत्थूनि विनीतानि विनिच्छितानि, तानि विनीतवत्थूनि नाम । तेसं विनीतवत्थूनं निदानवत्थुदीपिका तन्ति **वत्थुगाथा** नाम । उद्धानगाथाव “वत्थुगाथा”ति वुत्ताति एके । तेसं “इमिना लखणेन आयतिं विनयधरा विनयं विनिच्छिनिस्सन्ती”ति वचनेन विरुज्झति । न हि उद्धानगाथायं किञ्चिपि विनिच्छयलखणं दिस्सति, उद्धानगाथानं विसुं पयोजनं वुत्तं “सुखं विनयधरा उग्गणिहस्सन्ती”ति, तस्मा पयोजननानत्ततोपेतं नानत्तं वेदितब्बं । तत्थायं विग्गहो — वत्थूनि एव गाथा वत्थुगाथा । विनीतवत्थुतो विसेसनत्थमेत्थ गाथाग्गहणं । उद्धानगाथातो विसेसनत्थं वत्थुग्गहणन्ति वेदितब्बं । केचि पन “गाथानं वत्थूनीति वत्तब्बे वत्थुगाथाति वुत्त”न्ति वदन्ति । मक्कटिवत्थुं अञ्जे तत्थ भिक्खू आरोचेसुं, इध सयमेव । तत्थ कारणस्स “भगवता सिक्खापदं पञ्जत्त”न्ति वुत्तता वज्जिपुत्तकापि अञ्जे एव । “तत्थ आनन्दत्थेरो, इध ते एवा”ति अञ्जतरस्मिं **गण्ठपदे** वुत्तं । आचरियस्स अधिप्पायो पुब्बे वुत्तो, तस्मा उपपरिक्खितब्बं ।

**६७-८.** जत्वाति अपुच्छित्वा सयमेव जत्वा । **पोक्खरन्ति** सरीरं भेरिपोक्खरं विय । लोकिया अविकलं “सुन्दर”न्ति वदन्ति, तस्मा वण्णपोक्खरतायाति पठमेनत्थेन विसिद्धकायच्छवितायाति अत्थो, दुतियेन वण्णसुन्दरतायाति । “उप्पलगम्भवण्णत्ता सुवण्णवण्णा, तस्मा उप्पलवण्णाति नामं लभी”ति **गण्ठपदे** वुत्तं । **नीलुप्पलवण्णा कायच्छवी**ति वचनं पन सामच्छविं दीपेति । लोके पन “उप्पलसमा पसत्थसामा”ति वचनतो “या सामा सामवण्णा सामतनुमज्झा, सा पारिचरिया सग्गे मम वासो”ति वचनतो सामच्छविका इत्थीनं पसत्था । “यावस्सा नं अन्धकार”न्तिपि पाठो । किलेसकामेहि वत्थुकामेसु यो न लिम्पति ।

**६९. इत्थिलिङ्गं पातुभूतन्ति** इत्थिसण्ठानं पातुभूतं, तच्च खो पुरिसिन्द्रियस्स अन्तरधानेन इत्थिन्द्रियस्स पातुभावेन । एवं पुरिसिन्द्रियपातुभावेपि । एतेन यथा ब्रह्मानं पुरिसिन्द्रियं नुप्पज्जति, केवलं पुरिससण्ठानमेव उप्पज्जति, यथा च कस्सचि पण्डकस्स विनापि पुरिसिन्द्रियेन पुरिससण्ठानं उप्पज्जति, न तथा तेसन्ति दस्सितं होति, तं पन इत्थिन्द्रियं, पुरिसिन्द्रियं वा अन्तरधायन्तं मरन्तानं विय पटिलोमक्कमेन सत्तरसमचित्तखणतो पट्टाय अन्तरधायति । पच्चुप्पन्ने इन्द्रिये निरुद्धे इतरं विसभागिन्द्रियं पातुभवति । यस्मा महानिदं ओक्कन्तस्सेव किरस्स विसभागिन्द्रियं पातुभवति, तस्मा “**रत्तिभागे निदं ओक्कन्तस्सा**”ति वुत्तं । “अनुजानामि, भिक्खवे, तंयेव उपज्झं तमेव उपसम्पद”न्ति वचनतो पवत्तिनीयेव उपज्झाया, उपसम्पदाचरिया भिक्खुनीयेव आचरियाति कत्वा तासं उपज्झायवत्तं, आचरियवत्तच्च इमिना भिक्खुनासदासायं पातं भिक्खुनुपस्सयं गन्त्वा कातब्बं, ताहि च इमस्स विहारं आगम्म सद्धिविहारिकवत्तादि कातब्बं नु खोति चे? “अनुजानामि, भिक्खवे, भिक्खुनीहि सङ्गमितु”न्ति वचनेन विनाभावदीपनतो केवलं न पुन उपज्झा गहेतब्बा, न च उपसम्पदा कातब्बाति दस्सनत्थमेव “अनुजानामि, भिक्खवे, तंयेव उपज्झ”न्तिआदि वुत्तन्ति वेदितब्बं । तत्थ **भिक्खुनीहि सङ्गमितु**न्ति भिक्खूहि विना हुत्वा भिक्खुनीहि एव सद्धिं समङ्गी भवितुं अनुजानामीति अत्थो, तस्मा इमिना पाळिलेसेन “तस्सा एव गामन्तरादीहि अनापत्ती”ति अट्टकथावचनं सिद्धं होति, आगन्त्वा सङ्गमितुं सक्का, यच्च भगवता गमनं अनुज्जातं, तं निस्साय कुतो गामन्तरादिपच्चया आपत्ति । न हि भगवा आपत्तियं नियोजेतीति युत्तमेव तं, अञ्जथा “या आपत्तियो भिक्खूनं भिक्खुनीहि असाधारणा, ताहि आपत्तीहि अनापत्ती”ति पाळिवचनतो न गामन्तरादीहि अनापत्तीति आपज्जति । साधारणता आपत्तियेव “या आपत्तियो भिक्खूनं भिक्खुनीहि असाधारणा, या च भिक्खुनीहि सङ्गमन्तिया गामन्तरनदीपाररत्तिविष्णवासगणओहीयनापत्तियो, ताहि आपत्तीहि अनापत्ती”ति न वुत्तताति चे? न वुत्तं अनिट्ठप्पसङ्गतो । भिक्खुनीहि सद्धिं सङ्गन्तायपि तस्सा ता पहाय अज्जाहि सङ्गमन्तिया गामन्तरादीहि अनापत्ति एव सब्बकालन्ति इमस्स अनिट्ठप्पसङ्गतो तथा न वुत्तन्ति अत्थो । तत्थ गामन्तरापत्तादिवत्थुं सञ्चिच्च तस्मिं काले अज्जाचरन्तीपि सा लिङ्गपातुभावेन



कारणेन अनापज्जनतो अनापत्ति । अनापज्जनहेनेव वुट्ठाति नामाति वेदितब्बा । तथा योगी अनुपण्णे एव किलेसे निरोधेति । अबन्धनोपि पत्तो “ऊनपञ्चबन्धनो”ति वुच्चति, सब्बसो वा पन न सावेति अप्पच्चक्खाता होति सिक्खा, एवमिध अनापन्नापि आपत्ति वुट्ठिता नाम होतीति वेदितब्बा ।

यस्मा पन सा पुरिसेन सहसेय्यापत्तिं अनापज्जन्तीपि सक्कोति भिक्खुनीहि सङ्गमितुं, तस्मा अनापत्तीति कत्वा अट्ठकथायं “उभिन्नम्पि सहसेय्यापत्ति होती”ति वुत्तं । वुत्तहेतं **परिवारे** “अपरेहिपि चतूहाकारेहि आपत्तिं आपज्जति सङ्गमज्जे गणमज्जे पुग्गलस्स सन्तिके लिङ्गपातुभावेना”ति (परि० ३२४) । यं पन वुत्तं **परिवारे** “अत्थापत्ति आपज्जन्तो वुट्ठाति वुट्ठहन्तो आपज्जती”ति (परि० ३२४), तस्स सहसेय्यादिं आपज्जति असाधारणापत्तीहि वुट्ठाति, तदुभयम्पि सन्धाय वुत्तन्ति वेदितब्बं । दूरे विहारो होति पञ्चधनुसतिकं पच्छिमं, विहारतो पट्ठाय गामं पविसन्तिया गामन्तरं होतीति अत्थो । **संविदहनं परिमोचेत्वा**ति अद्धानगमनसंविदहनं अकत्वाति अत्थो । **ता कोपेत्वा**ति परिचयजित्वाति अत्थो । “**परिपुण्णवस्ससामणेरेनापी**”ति वचनतो अपरिपुण्णवस्सस्स उपज्झायगहणं नत्थीति विय दिस्सति । **विनयकम्मं कत्वा ठपितो**ति विकप्पेत्वा ठपितो । अविकप्पितानं दसाहातिक्कमे निस्सगियता वेदितब्बा । **पुन पटिग्गहेत्वा सत्ताहं वट्ठती**ति पन “अनुजानामि, भिक्खवे, भिक्खून् सन्निधिं भिक्खुनीहि पटिग्गहापेत्वा परिभुज्जितु”न्ति (चूळव० ४२१) वचनतो वुत्तं । **अनपेक्खविस्सज्जनेनाति** वत्थुं अनपेक्खविस्सज्जनेन वा पटिग्गहणेन वा पुन पटिग्गहेत्वा परिभुज्जिस्सामीति । **पक्खमानत्तकाले पुनदेव लिङ्गं परिवत्तति छारत्तं मानत्तमेव दातब्बन्ति** सचे, भिक्खुकाले अप्पटिच्छन्नाय आपत्तिया, नो पटिच्छन्नायाति नो लब्धीति आचरियो ।

**परिवासदानं पन नत्थी**ति भिक्खुनिया छादनासम्भवतो वुत्तन्ति वेदितब्बं । सचे भिक्खुनी असाधारणं पाराजिकापत्तिं आपज्जित्वा पुरिसलिङ्गं पटिलभति, भिक्खूसु उपसम्पदं न लभति, पब्बज्जं लभति, अनुपब्बजित्वा भिक्खुभावे ठितो सहसेय्यापत्तिं न जनेति । विब्भन्ताय भिक्खुनिया पुरिसलिङ्गे पातुभूते भिक्खूसु उपसम्पदं न लभति, पाराजिकं । अविब्भन्तमानस्स गहट्ठस्सेव सतो भिक्खुनीदूसकस्स सचे इत्थिलिङ्गं पातुभवति, नेव भिक्खुनीसु उपसम्पदं लभति, न पुन लिङ्गपरिवत्ते जाते भिक्खूसु वाति । भिक्खुनिया लिङ्गपरिवत्ते सति भिक्खु होति, सो चे सिक्खं पच्चक्खाय विब्भमित्वा इत्थिलिङ्गं पटिलभेय्य, भिक्खुनीसु उपसम्पदं पटिलभति उभयत्थ पुब्बे पाराजिकभावं अप्पत्तता । या पन भिक्खुनी परिपुण्णद्वादसवस्सा पुरिसलिङ्गं पटिलभेय्य, उपसम्पन्नो भिक्खु एव । पुन सिक्खं पच्चक्खाय आगतो न उपसम्पादेतब्बो अपरिपुण्णवीसतिवस्सत्ता । पुन लिङ्गपरिवत्ते सति भिक्खुनीसु उपसम्पदं लभति । एवं चे कतद्वादससङ्गहस्स दारकस्स लिङ्गपरिवत्ते सति गिहिगता इत्थी होति, परिपुण्णद्वादसवस्सा उपसम्पादेतब्बा किर । भिक्खुनिया इत्थिलिङ्गन्तरधानेन, भिक्खुस्स वा पुरिसलिङ्गन्तरधानेन पक्खपण्डकभावो भवेय्य, न सा भिक्खुनी भिक्खुनीहि नासेतब्बा भिक्खु वा भिक्खूहि पुन पकतिभावापत्तिसम्भवा । पकतिपण्डकं पन सन्धाय “पण्डको नासेतब्बो”ति वुत्तं । पक्खपण्डको हि संवासनासनाय नासेतब्बो, इतरो उभयनासनायाति अत्थो । यदि तेसं पुन पकतिभावो भवेय्य, “अनुजानामि, भिक्खवे, तंयेव उपज्झं तमेव उपसम्पदं तानियेव वस्सानि भिक्खुनीहि सङ्गमितु”न्ति अयं विधि सम्भवति । सचे नेसं लिङ्गन्तरं पातुभवेय्य, सो च विधि, या आपत्तियो भिक्खून् भिक्खुनीहि साधारणा, ता आपत्तियो भिक्खुनीनं सन्तिके वुट्ठातुं असाधारणाहि अनापत्तीति अयम्पि विधि सम्भवति । यं वुत्तं **परिवारे** “सह पटिलाभेन पुरिमं जहति, पच्छिमे पतिट्ठाति, विज्जत्तियो पटिप्पस्सम्भन्ति, पज्जत्तियो निरुज्जन्ति, सह पटिलाभेन पच्छिमं जहति, पुरिमे पतिट्ठाति, विज्जत्तियो”तिआदि, तं यथावुत्तविधिं सन्धाय वुत्तन्ति अम्हाकं खन्तीति आचरियो । इत्थिलिङ्गं, पुरिसलिङ्गं वा अन्तरधायन्तं किं सकलम्पि सरीरं गहेत्वा अन्तरधायति, उदाहु सयमेव । किञ्चेत्थ — यदि ताव सकलं सरीरं गहेत्वा अन्तरधायति, अयं पुग्गलो चुतो भवेय्य । तस्मा सामज्जा चुतो भवेय्य, पुन उपसम्पज्जन्तो ओपपातिको भवेय्य । अथ सयमेव अन्तरधायति, सोपि भावो तस्स विरुज्जति । इत्थिन्द्रियादीनि हि सकलम्पि सरीरं व्यापेत्वा ठितानीति खणनिरोधो विय तेसं अन्तरधानं वेदितब्बं, तस्मा यथावुत्तदोसप्पसङ्गाभावो वेदितब्बो । अज्जमज्जं संसट्ठप्पभानं दीपानं एकप्पभानिरोधेपि इतरिस्सा ठानं विय सेससरीरट्ठानं तत्थ होतीति वेदितब्बं ।

**७१-२. मुच्चतु वा मा वा दुक्कटमेवा**ति मोचनरागाभावतो । **अविसयो**ति असादियनं नाम एवरूपे ठाने दुक्करन्ति अत्थो । मेथुनधम्मो नाम उभिन्नं वायामेन निपज्जति “तस्स द्वयंद्वयसमापत्ती”ति वुत्तत्ता, तस्मा त्वं मा वायाम, एवं ते अनापत्ति भविस्सति,

किरियज्हेतं सिक्खापदन्ति वुत्तं होति, “आपत्तिं त्वं भिक्खु आपन्नो पाराजिक”न्ति वचनतो अकिरियम्पेतं सिक्खापदं येभ्येन “किरिय”न्ति वुच्चतीति सिद्धं होति ।

७३-४. “पाराजिकभयेन आकासगतमेव कत्वा पवेसनादीनि करोन्तस्स सहसा तालुकं वा पस्सं वा अङ्गजातं छुपति चे, दुक्कटमेवा”ति वदन्ति । कस्मा? न मेथुनरागत्ताति, वीमंसितब्बं । दन्तानं बाहिरभावो ओट्टानं बाहिरभावो विय थुल्लच्चयवत्थु होतीति वुत्तं “बहि निक्खन्तदन्ते जिक्काय च थुल्लच्चय”न्ति । तं पुग्गलं विसज्जिं कत्वाति वचनेन सो पुग्गलो खित्तचित्तो नाम होतीति दस्सितं होति । यो पन पुग्गलो न विसज्जीकतो, सो चे अत्तनो अङ्गजातस्स धातुघट्टनचरिणिज्झिणिकादिसज्जाय सादियति, मेथुनसज्जाय अभावतो विसज्जीपक्खमेव भजतीति तस्स अनापत्तिच्छाया दिस्सति । “मेथुनमेतं मज्जे कस्सचि अमनुस्सस्सा”ति अत्वा सादियन्तस्स आपत्ति एव । **पण्डकस्स मेथुनधम्मन्ति** पण्डकस्स वच्चमग्गे वा मुखे वा, भुम्मत्थे वा सामिवचनं । अवेदयन्तस्सपि सेवनचित्तवसेन आपत्ति सन्थतेनेव सेवने विय ।

उपहतिन्द्रियवत्थुस्मिं “एतमत्थं आरोचेसुं, सो आरोचेसी”ति दुविधो पाठो अत्थि । तत्थ “आरोचेसु”न्ति वुत्तपाठो “वेदियि वा सो भिक्खवे”ति वुत्तत्ता सुन्दरं, अज्जथा “आपत्तिं त्वं भिक्खू”ति वत्तब्बं सिया । “वेदिया वा”ति दीपवासिनो पठन्ति किर, मेथुनधम्मस्स पुब्बपयोगा हत्थग्गाहादयो, तस्मा “दुक्कटमेवस्स होती”ति इमिना पुरिमपदेन सम्बन्धो । यस्मा पन दुक्कटमेवस्स होति, तस्मा याव सीसं न पापुणाति पुग्गलो, ताव दुक्कटे तिट्ठतीति सम्बन्धो वेदितब्बो । सीसं नाम मग्गपटिपादनं । “**सीसं न पापुणातीति** पाराजिकं न होति ताव पुब्बपयोगदुक्कटे तिट्ठती”ति अज्जतरस्मिं **गण्ठपदे** लिखितं । **उच्चालिङ्गपाणकदट्टेनाति** एत्थ भावनिट्ठापच्चयो वेदितब्बो । दट्टेन दंसेन खादनेनाति हि अत्थतो एकं ।

७६-७. सङ्गामसीसे युद्धमुखे योधपुरिसो वियायं भिक्खूति “**सङ्गामसीसयोधो भिक्खू**”ति वुच्चति । **रुक्खसूचिद्वारं** उपिलवाय, एकेन वा बहूहि वा कण्टकेहि थकितब्बं **कण्टकेद्वारं** । दुस्सद्वारं साणिद्वारज्ज **दुस्ससाणिद्वारं** । “किलज्जसाणी”ति आदिना वुत्तं सब्बम्पि दुस्ससाणियमेव सङ्गहेत्वा वुत्तं । एकसदिसत्ता “**एक**”न्ति वुत्तं । **आकासतलेति** हम्मियतलेति अत्थो । **अयज्हेत्थ सङ्केपोति** इदानी वत्तब्बं सन्धाय वुत्तं । “किज्चि करोन्ता निसिन्ना होन्तीति वुत्तत्ता निपन्नानं आपुच्छनं न वट्ठती”ति वदन्ति । “यथापरिच्छेदमेव च न उट्ठाति, तस्स आपत्तियेवा”ति किज्चापि अविसेसेन वुत्तं, अनादरियदुक्कटापत्ति एव तत्थ अधिप्पेता । कथं पज्जायतीति? “रत्तिं द्वारं विवरित्वा निपन्नो अरुणे उग्गते उट्ठहति, अनापत्ती”ति वुत्तत्ता, **महापच्चरियं** विसेसेत्वा “अनादरियदुक्कटापि न मुच्चती”ति वुत्तत्ता च, तेन इतरस्मा दुक्कटा मुच्चतीति अधिप्पायो । **यथापरिच्छेदमेव च न उट्ठाति, तस्स आपत्तियेवाति** एत्थ न अनादरियदुक्कटं सन्धाय वुत्तं । यथापरिच्छेदमेवाति अवधारणत्ता परिच्छेदतो अब्भन्तरे न होतीति वुत्तं होति । पुन “सुपती”ति वुत्तद्वाने विय सन्निधानं गहेत्वा वुत्तं । **एवं निपज्जन्तोति** निपज्जनकाले आपज्जितब्बदुक्कटमेव सन्धाय वुत्तं, तस्मा यथापरिच्छेदेन उट्ठहन्तस्स द्वे दुक्कटानीति वुत्तं होतीति । **अन्धकट्टकथायम्पि** “यदि रत्तिं द्वारं असंवरित्वा निपन्नो ‘दिवा वुट्ठहिस्सामी’ति, अनादरिये आपत्ति दुक्कटस्सा”ति वुत्तं, एत्थापि “निपन्नो”ति वुत्तत्ता “अरुणे उट्ठिते उट्ठाही”ति न वुत्तत्ता च जानितब्बं । “**महापच्चरियं** अनादरियदुक्कटमेव सन्धाय वुत्तं, न **अट्टकथायं** वुत्तदुक्कट”न्ति एके वदन्ति । **तस्स अनापत्तीति** अत्थतो अनिपन्नत्ता वुत्तं । “सचे पन रत्तिं संवरित्वा निपन्नो, अरुणुट्ठानसमये कोचि विवरति, द्वारजगनादीनि अकत्वा निपन्नस्स आपत्तियेव । कस्मा? आपत्तिखेत्तत्ता”ति वदन्ति ।

यस्मा यक्खगहितकोपि विसज्जीभूतो विय खित्तचित्तो नाम होति, अस्स पाराजिकापत्तितो अनापत्ति, पगेव अज्जतो, तस्मा “यक्खगहितको विय विसज्जीभूतोपि न मुच्चती”ति यं **महापच्चरियं** वुत्तं, तं पुब्बे सज्जिच्च दिवा निपन्नो पच्छा यक्खगहितकोपि विसज्जीभूतोपि न मुच्चति निपज्जनपयोगक्खणे एव आपन्नत्ताति अधिप्पायेन वुत्तं । **बन्धित्वा निपज्जापितोव मुच्चतीति** न यक्खगहितकादीस्वेव, सोपि याव सयमेव सयनाधिप्पायो न होति, ताव मुच्चति । यदा किलन्तो हुत्वा निद्वायितुकामताय सयनाधिप्पायो होति, तदा संवरापेत्वा, जग्गापेत्वा वा आभोगं वा कत्वा निद्वायितब्बं, अज्जथा आपत्ति । सभागो चे नत्थि, न पस्सति वा, न गन्तुं वा सक्कोति । चिरम्पि अधिवासेत्वा पच्छा वेदनाट्टो हुत्वा अनाभोगेनेव सयति, तस्स “अनापत्ति वेदनाट्टस्सा”ति

वचनेन अनापत्ति, तस्सापि अविसयत्ता आपत्ति न दिस्सतीति विसञ्जीभावेनेव सुपन्तस्स “अनापत्ति खित्तचित्तस्सा”ति वचनेन न दिस्सति। **आचरिया पन एवं न कथयन्तीति** अविसेसेन “न दिस्सती”ति न कथयन्ति, यदि सञ्जं अप्पटिलभित्वा सयति, अवसवत्तत्ता आपत्ति न दिस्सति, सचे सञ्जं पटिलभित्वापि किलन्तकायत्ता सयनं सादियन्तो सुपति, तस्स यस्मा अवसवत्तत्तं न दिस्सति, तस्मा आपत्ति एवाति कथयन्तीति अधिप्पायो।

**महापदुमत्थेरवादे** यक्खगहितको खित्तचित्तको मुच्चति। बन्धित्वा निपज्जापितो असयनाधिप्पायत्ता, वेदनाट्टत्ता च मुच्चतीति अधिप्पायो। एवं सन्ते पाळिअट्ठकथा, थेरवादो च समेति, तस्मा तेसं तेसं विनिच्छयानं अयमेव अधिप्पायोति नो खन्तीति आचरियो, **अनुगण्ठपदे** पन यक्खगहितकोपि विसञ्जीभूतोपि न मुच्चति नाम, पाराजिकं आपज्जितुं भब्बो सो अन्तरन्तरा सञ्जापटिलाभतोति अधिप्पायो। “बन्धित्वा निपज्जापितो वा”ति कुरुन्दीवचनेन एकभङ्गेन निपन्नोपि न मुच्चतीति चे? मुच्चतियेव। कस्मा? अत्थतो अनिपन्नत्ता। कुरुन्दीवादेन महाअट्ठकथावादो समेति। कस्मा? अवसवत्तसामञ्जतो। किञ्चापि समेति, आचरिया पन एवं न कथयन्ति। न केवलं तेयेव, महापदुमत्थेरोपीति दस्सनत्थं “**महापदुमत्थेरेना**”ति वुत्तं। **महापदुमत्थेरवादे** “पाराजिकं आपज्जितुं अभब्बो यक्खगहितको नामा”ति च वुत्तं, तत्थ आचरिया पन एवं वदन्ति “सचे ओक्कन्तनिद्दो अजानन्तोपि पादे मच्चकं आरोपेति, आपत्तियेवाति वुत्तत्ता यो पन पतित्वा तत्थेव सयति न वुट्ठाति, तस्स आपत्ति अन्तरन्तरा जानन्तस्सापि अजानन्तस्सापि होती”ति। सब्बट्ठकथासु वुत्तवचनानि सम्पिण्डेत्वा दस्सेतुं “**इध को मुच्चति को न मुच्चती**”ति वुत्तं। यक्खगहितको वा विसञ्जीभूतो वा न केवलं पाराजिकं आपज्जितुं भब्बो एव, सब्बोपि आपज्जति। एवं “बन्धित्वा निपज्जापितोव मुच्चती”ति वचनेन तस्सपि अवसवत्तत्ता “आपत्ति न दिस्सती”ति एवं न कथयन्ति। यस्मा उम्मत्तकखित्तचित्तवेदनाट्टेसु अञ्जतरो न होति, तस्मा “आपत्तियेवा”ति कथयन्ति। इदं किर सब्बं न सङ्गीतिं आरुळ्ळं। “पवेसनं सादियतीतिआदिना वुत्तत्ता अकिरियापि होतीति वदन्ति, तं न गहेतब्बं, यदा पन सादियति, तदा सुखुमापि विञ्जति होति एवाति इध किरिया एवा”ति **अनुगण्ठपदे** वुत्तं।

पठमपाराजिकवण्णना निड्ढिता।

## २. दुतियपाराजिकं

### धनियवत्थुवण्णना

८४. दुतिये राजूहि एव परिगगहितत्ता “राजगह”न्ति लद्धनामके समीपत्थेन, अधिकरणत्थेन च पटिलद्धभुम्मविभक्तिके गिज्झकूटे पब्बते चतूहि विहारेहि विहरन्तोति अधिप्पायो। तस्स “वस्सं उपगच्छिंसू”ति इमिना सम्बन्धो वेदितब्बो। तयो एव हि जत्तिं ठपेत्वा गणकम्मं करोन्ति, न ततो ऊना अधिका वा अकिरियत्ता। तत्थ विनयपरियायेन सङ्गणपुगगलकम्मकोसल्लत्थं इदं पकिण्णकं वेदितब्बं — अत्थि सङ्गकम्मं सङ्गो एव करोति, न गणो न पुगगलो, तं अपलोकनकम्मस्स कम्मलक्खणेकदेसं ठपेत्वा इतरं चतुब्बिधम्मि कम्मं वेदितब्बं। अत्थि सङ्गकम्मं सङ्गो च करोति, गणो च करोति, पुगगलो च करोति। किञ्चाति? यं पुब्बे ठपितं। वुत्तहेतं **परिवारट्ठकथायं** “यस्मिं विहारे द्वे तयो जना वसन्ति, तेहि निसीदित्वा कतम्मि सङ्गेन कतसदिसमेव। यस्मिं पन विहारे एको भिक्खु होति, तेन भिक्खुना उपोसथदिवसे पुब्बकरणपुब्बकिच्चं कत्वा निसिन्नेन कतम्मि कतिकवत्तं सङ्गेन कतसदिसमेव होती”ति (परि० अट्ठ० ४९५-४९६)। पुनपि वुत्तं “एकभिक्खुके पन विहारे एकेन सावितेपि पुरिमकतिका पटिप्पस्सम्भति एवा”ति। अत्थि गणकम्मं सङ्गो करोति, गणो करोति, पुगगलो करोति, तं तयो पारिसुद्धिउपोसथा अञ्जेसं सन्तिके करीयन्ति, तस्स वसेन वेदितब्बं। अत्थि गणकम्मं गणोव करोति, न सङ्गो न पुगगलो, तं पारिसुद्धिउपोसथो अञ्जमञ्जं आरोचनवसेन करीयति, तस्स वसेन वेदितब्बं। अत्थि पुगगलकम्मं पुगगलोव करोति, न सङ्गो न गणो, तं अधिद्धानुपोसथवसेन वेदितब्बं। अत्थि गणकम्मं एकच्चोव गणो करोति, एकच्चो न करोति, तत्थ अजत्तिकं द्वे एव करोन्ति, न तयो। सजत्तिकं तयोव करोन्ति, न ततो ऊना अधिका वा, तेन वुत्तं “तयो एव हि जत्तिं ठपेत्वा गणकम्मं करोन्ति, न ततो ऊना अधिका वा अकिरियत्ता”ति। तस्मा तयोव विनयपरियायेन सम्पहुला, न ततो उद्धन्ति वेदितब्बं। **अनुगण्ठपदे** पन “किञ्चापि कम्मलक्खणं तयोव करोन्ति, अथ खो तेहि कतं सङ्गेन

कतसदिसन्ति वुत्तत्ता एकेन परियायेन तयो जना विनयपरियायेनपि सङ्घो”ति वुत्तं, इदं सब्बम्पि विनयकम्मं उपादाय वुत्तं, लाभं पन उपादाय अन्तमसो एकोपि अनुपसम्पन्नोपि “सङ्घो”ति सङ्ख्यं गच्छति किर । पवारणादिवसस्स अरुणुगगमनसमनन्तरमेव “वुत्थगस्सा”ति वुच्चन्ति, उक्कंसनयेन “पाटिपददिवसतो पट्ठाया”ति वुत्तं, तेनेव “महापवारणाय पवारिता”ति वुत्तं । अञ्जथा अन्तरायेन अपवारिता “वुत्थवस्सा”ति न वुच्चन्तीति आपज्जति । थम्भादि कट्टकम्मन्ति वेदितब्बं । केचि तनुकं दारुत्थम्भं अन्तोक्त्वा मत्तिकामयं थम्भं करोन्ति, अयं पन तथा न अकासि, तेन वुत्तं “सब्बमत्तिकामयं कुटिकं करित्वा”ति । तेलमिस्साय तम्बमत्तिकाय ।

८५. “मा पच्छिमा जनता पाणेषु पातब्बतं आपज्जी”ति इमिना अनुद्देससिक्खापदेन यत्थ इट्ठकपचन पत्तपचन कुटिकरण विहारकारापन नवकम्मकरण खण्डफुल्लपटिसङ्खरण विहारसम्मज्जन पटगिदान कूपपोक्खरणीखणापनादीसु पातब्बतं जानन्तेन भिक्खुना कप्पियवचनम्पि न वत्तब्बन्ति दस्सेति, तेनेव परियायं अवत्वा तेसं सिक्खापदानं अनापत्तिवारेसु “अनापत्ति असतिया अजानन्तस्सा”ति वुत्तं । “अन्तरापत्तिसिक्खापद”न्तिपि एतस्स नाममेव । “गच्छथेतं, भिक्खवे, कुटिकं भिन्दथा”ति इमिना कतं लभित्वा तत्थ वसन्तानम्पि दुक्कटमेवाति च सिद्धं । अञ्जथा हि भगवा न भिन्दापेय्य । एस नयो भेदनकं छेदनकं उद्दालनकन्ति एत्थापि, आपत्तिभेदाव । ततो एव हि भेदनकसिक्खापदादीसु विय “अञ्जेन कतं पटिलभित्वा परिभुज्जति, आपत्ति दुक्कटस्सा”ति न वुत्तं, तथा अञ्जस्सत्थाय करोति, चेतियादीनं अत्थाय करोति, दुक्कटमेवाति च सिद्धं, अञ्जथा कुटिकारसिक्खापदादीसु विय “अञ्जस्सत्थाय वासागारं ठपेत्वा सब्बत्थ, अनापत्ती”ति नयमेव वदेय्य, न भिन्दापेय्य । सब्बमत्तिकामयभावं पन मोचेत्वा कट्टपासाणादिमिस्सं कत्वा परिभुज्जति, अनापत्ति । तथा हि छेदनकसिक्खापदादीसु भगवता नयो दिन्नो “अञ्जेन कतं पमाणातिक्कन्तं पटिलभित्वा छिन्दित्वा परिभुज्जती”तिआदीसु । केचि पन “वयकम्मम्पीति एतेन मूलं दत्वा कारापितम्पि अत्थि, तेन तं अञ्जेन कतम्पि न वट्ठतीति सिद्ध”न्ति वदन्ति, तं न सुन्दरं । कस्मा? सम्भारे किणित्वा सयमेव करोन्तस्सापि वयकम्मसम्भवतो । किं वा पाळिलेसे सति अट्ठकथालेसनयो । इट्ठकाहि गिज्जकावसथसङ्घेपेन कता वट्ठतीति एत्थ पकतिइट्ठकाहि चिन्तित्वा कत्तब्बावसथो गिज्जकावसथो नाम । सा हि “मत्तिकामया”ति न वुच्चति, “इट्ठकुटिका”त्वेव वुच्चति, तस्मा थुसगोमयतिणपलालमिस्सा मत्तिकामयापि अपक्किट्टकमयापि “सब्बमत्तिकामया”त्वेव वुच्चतीति नो खन्तीति आचरियो, भस्मादयो हि मत्तिकाय दळ्हिभावत्थमेव आदीयन्ति, अपक्किट्टकमयापि गिज्जकावसथसङ्ख्यं न गच्छति, न च आयस्सा धनियो एकप्पहारेनेव कुम्भकारो विय कुम्भं तं कुटिकं निट्ठापेसि, अनुक्कमेन पन सुक्खापेत्वा सुक्खापेत्वा मत्तिकापिण्डेहि चिन्तित्वा निट्ठापेसि, अपक्किट्टकमया कुटि विय सब्बमत्तिकामया कुटि एकाबद्धा होति, न तथा पक्किट्टकमया, तस्मा सा कप्पतीति एके । सब्बमत्तिकामयाय कुटिया बहि चे तिणकुटिकादिं कत्वा अन्तो वसति, दुक्कटमेव । सचे तत्थ तत्थ छिद्दं कत्वा बन्धित्वा एकाबद्धं करोति, वट्ठति । अन्तो चे तिणकुटिकादिं कत्वा अन्तो वसति, वट्ठति । कारको एव चे वसति, करणपच्चया दुक्कटं आपज्जति, न वसनपच्चया । सचे अन्तो वा बहि वा उभयत्थ वा सुधाय लिम्पति, वट्ठति । यस्मा सब्बमत्तिकामया कुटि सुकरा भिन्दितुं, तस्मा तत्थ ठपितं पत्तचीवरादि अगुत्तं होति, चोरादीहि अवहरितुं सक्का, तेन वुत्तं “पत्तचीवरगुत्तत्थाया”ति ।

### पाळिमुत्तकविनिच्छयवण्णना

तेन खो पन समयेन छब्बगिया भिक्खू उच्चावचे पत्ते धारेन्ति, उच्चावचानि पत्तमण्डलानि धारेन्ती”ति (चुळव० २५३) एवमादीनि वत्थूनि निस्साय “न, भिक्खवे, उच्चावचा पत्ता धारेतब्बा, यो धारेय्य, आपत्ति दुक्कटस्सा”तिआदिना नयेन अकप्पियपरिक्खारेसु च दुक्कटं पज्जतं । कस्मा? तदनुलोमत्ता । यत्थापि न पज्जतं, तत्थ “न, भिक्खवे, उच्चावचानि छत्तानि धारेतब्बानि, यो धारेय्य, आपत्ति दुक्कटस्सा”तिआदिना (चूळव० २६९-२७०) नयेन दुक्कटं सम्भवति, तस्मा “तत्रायं पाळिमुत्तको”ति आरभित्वा सब्बपरिक्खारेसु वण्णमट्ठं, सविकारं वा करोन्तस्स आपत्ति दुक्कटन्ति दीपेन्तेन “न वट्ठती”ति वुत्तन्ति वेदितब्बं । एत्थाह — “अनुजानामि, भिक्खवे, ठपेत्वा पहरणिं सब्बं लोहभण्डं, ठपेत्वा आसन्दिं पल्लङ्कं दारुपत्तं दारुपादुकं सब्बं दारुभण्डं, ठपेत्वा कतकञ्च कुम्भकारिकञ्च सब्बं मत्तिकाभण्ड”न्ति (चूळव० २९३) वुत्तत्ता यथाठपितं वज्जेत्वा इतरं सब्बं वण्णमट्ठम्पि सविकारम्पि अविसेसेन वट्ठतीति? वुच्चते — तं न युत्तं यथादस्सितपाळिविरोधतो, तस्मा “ठपेत्वा पहरणि”न्ति एवं

जातिवसेन अयं पाळि पवत्ता, यथादस्सिता पाळि वण्णमट्ठादिविकारपटिसेधनवसेन पवत्ताति एवं उभयम्पि न विरुज्झति, तस्मा यथावुत्तमेव। **आरग्गेन** निखादनग्गेन, “आरग्गेरिव सासपो”ति (म० नि० २.४५८; ध० प० ४०१; सु० नि० ६३०) एत्थ वुत्तनयतो आरग्गेन।

**पट्टमुखे** वाति पट्टकोटियं। **परियन्ते**ति चीवरपरियन्ते। वेणिउहुमुनियुपेज्जाम। **अग्घियन्ति** चेति यं। **गयमुग्गरन्ति** तुलादण्डसण्ठानं, गया सीसे सूचिका होति, मुखपत्ता लट्ठा। **उक्किरन्ति** नीहरन्ति करोन्ति ठपेन्ति। **कोणसुत्तपिळका** नाम गण्ठकपट्टादिकोणेसु सुत्तमयपिळका। यं एत्थ चीवरं वा पत्तो वा “न वट्टती”ति वुत्तो, तत्थ अधिद्वानं रुहति, विकप्पनापि रुहतीति वेदितव्वं। **देडुभो**ति उदकसप्पो। **अच्छी**ति कुज्जरक्खि। **गोमुत्तकन्ति** गोमुत्तसण्ठाना राजियो। कुज्जिकाय सेनासनपरिक्खारत्ता सुवण्णरूपियमयापि वट्टतीति छाया दिस्सति, “**कुज्जिकाय वण्णमट्टकम्पं न वट्टती**”ति वचनतो अज्जे कप्पियलोहादिमयाव कुज्जिका कप्पन्ति परिहरणीयपरिक्खारत्ता। **आरकण्टको** पोत्थकादिकरणसत्थकजाति। “**आमण्डकसारको** आमलकफलमयो”ति वदन्ति। तालपण्णबीजनीआदीसु “**वण्णमट्टकम्पं वट्टती**”ति वुत्तं। किञ्चापि तानि कुज्जिका विय परिहरणीयानि, अथ खो “उच्चावचानि न धारेतब्बानी”ति पटिक्खेपाभावतो वुत्तं। केवलज्झि तानि “अनुजानामि, भिक्खवे, विधूपनञ्च तालवण्टज्जा”तिआदिना (चूळव० २६९) वुत्तानि। **गण्ठपदे** पन “**तेलभाजनेसु वण्णमट्टकम्पं वट्टती**ति सेनासनपरिक्खारत्ता”ति वुत्तं। **राजवल्लभा**ति राजकुलूपका। **सीमा**ति इधाधिप्पेता भूमि, बद्धसीमा च। “येसं सन्तका तेसं सीमा, तत्थ परेहि न कत्तव्व”न्ति **अनुगण्ठपदे** वुत्तं। “भूमि च सीमा च येसं सन्तका, तेहि एव वारेतब्बा। येसं पन अज्जेसं भूमियं सीमा कता, ते वारेतुं न इस्सरा”ति वदन्ति। “सङ्गभेदादीनं कारणत्ता ‘मा करोथा’ति पटिसेधेतब्बा एवा”ति **अन्धकट्टकथायं** वुत्तं किर।

**८६-७.** दारुकुटिकं कातुं, कत्तुन्ति च अत्थि। **खण्डाखण्डिकन्ति** फलाफलं विय दट्टव्वं। **आणापेही**ति वचनं अनिट्ठे एव वुच्चतीति कत्वा **बन्धं आणापेसि**। **इस्सरियमत्ताया**ति समिद्धियं मत्तासद्दोति आपेति।

**८८.** “एवरूपं वाचं भासित्वा”ति च पाठो। **लोमेन त्वं मुत्तो, मा पुनपि एवरूपमकासी**ति इदं किं व्यापाददीपकं, दारुसुपि लोभक्खन्धदीपकं वचनं सोतापन्नस्स सतो तस्स राजस्स पतिरूपं। ननु नाम “पुब्बे कतं सुकतं भन्ते, वदेय्याथ पुनपि येनत्थो”ति पवारत्त्वा अतीव पीतिपामोज्जं उप्पादेतव्वं तेन सियाति? सच्चमेतं सोतापन्नत्ता अतीव बुद्धमामको धम्ममामको सङ्गमामको च, तस्मा भिक्खूनं अकप्पियं असहन्तो, सिक्खापदपञ्चत्तिया च ओकासं कत्तुकामो “सुपयुत्तानि मे दारूनी”ति तुट्ठचित्तोपि एवमाहाति वेदितव्वं। इमेहि नाम एवरूपे ठाने। “**आगतपदानुरूपेना**ति अज्जेहि वा पदेहि, इतो थोकतरेहि वा आगतकाले तदनुरूपा योजना कातव्वा”ति **गण्ठपदे** वुत्तं। “न केवलं इमस्मियेव सिक्खापदे, अज्जेसुपि आगच्छन्ति, तस्मा तत्थ तत्थ आगतपदानुरूपेन योजना वेदितव्वा”ति **अनुगण्ठपदे** वुत्तं। **उज्झायनत्थो** अदिन्नस्सादिन्नत्ताव, ते उज्झायिसु।

**रुद्रदामको** नाम रुद्रदामकादीहि उप्पादितो। बाराणसिनगरादीसु तेहि तेहि राजूहि पोरानसत्थानुरूपं लक्खणसम्पन्ना उप्पादिता **नीलकहापणा**। तेसं किर तिभागं अग्घति रुद्रदामको, तस्मा तस्स पादो थुल्लच्चयवत्थु होति। मासको पन इध अप्पमाणं। कहापणो किञ्चिकाले ऊनवीसतिमासको होति, किञ्चि काले अतिरेकवीसतिमासको। तस्मा तस्स कहापणस्स चतुत्थभागो पञ्चमासको विय अतिरेकपञ्चमासको वा ऊनपञ्चमासको वा पादोति वेदितव्वं। इमस्सत्थस्स दीपनत्थं “**तदा राजगहे वीसतिमासको कहापणो होती**”तिआदि वुत्तं। तत्थ रजतमयो सुवण्णमयो तम्बमयो च **कहापणो** होति। सुवण्णभूमियं विय पादोपि यत्थ तम्बमयोव कतो होति, तत्थ सोव पादोति आचरियो। यस्मा पादो एकनीलकहापणगघनको, तस्मा तस्स पादस्स चतुत्थभागोव सिया पादोति एके। इदं न युज्जति। यो च तत्थ पादारहो भण्डो, तस्स चतुत्थभागस्सेव पाराजिकवत्थुभावप्पसङ्गतो। यदि पादारहं भण्डं पाराजिकवत्थु, सिद्धं “सोव पादो पच्छिमं पाराजिकवत्थु”ति। न हि सब्बत्थ भण्डं गहेत्वा नीलकहापणगघेन अग्घापेन्ति। यस्मा तस्स तस्सेव कहापणगघेन अग्घापेन्ति, तस्मा तस्स तस्स जनपदस्स पादोव पादोति तदगघनकमेव पादगघनकन्ति सिद्धं, “**सो च खो पोरानस्स नीलकहापणस्स वसेन, न इतरेसन्ति** यत्थ पन नीलकहापणा वळज्जं गच्छन्ति, तत्थेवा”ति केचि वदन्ति, उपपरिक्खित्वा गहेतव्वं।

## पदभाजनीयवण्णना

**१२. गामा वा अरञ्जा वा**ति लक्खणानुपज्जत्तिकत्ता पठमपज्जत्तिया आदिमि वुत्ता । **यतो वा अपक्कन्ता**, सो **अमनुस्सो नाम** । “अमनुस्सगामं अपारुपित्वा, गामप्पवेसनञ्च अनापुच्छा पविसितुं वट्ठती”ति **अनुगण्ठपदे** वुत्तं । “यतो गामतो आगन्तुकामा एव अपक्कन्ता, तं गामं एवं पविसितुं न वट्ठती”ति वदन्ति एके । केचि पन “यक्खपरिग्गहभूतोपि आपणादीसु दिस्समानेसु एव ‘गामो’ति सङ्ख्यं गच्छति, अदिस्समानेसु पवेसने अनापत्ती”ति वदन्ति । “गामो एव उपचारो गामूपचारोति एवं कम्मधारयवसेन गहिते कुरुन्दट्ठकथादीसु वुत्तमि सुवुत्तमेव होती”ति वदन्ति । “तस्स घरूपचारो गामोति आपज्जती”ति वचनं पटिक्खिपति । “गामस्सुपचारो च गामो च गामूपचारो चा”ति वदन्ति, तं विरुज्झति, न । “इमेसं लाभादीसु लक्खणं सन्धाय **महाअट्ठकथायं** ‘घरं घरूपचारो’तिआदि वुत्तं, तं न मयं पटिक्खिपामा”ति च वदन्ति । “**कतपरिक्खेपो चा**ति घरस्स समन्ततो तत्तको उपचारो नामा”ति **गण्ठपदे** लिखितं । **अनुगण्ठपदे** पन “**यो यो अट्ठकथावादो वा थेरवादो वा पच्छा वुच्चती**ति इतो अनागतं सन्धाय वुत्तं, नातीतं । यदि अतीतमि सन्धाय वुत्तं, महापदुमथेरवादोव पमाणं जातन्ति आपज्जति, तस्मा अनागतमेव सन्धाय वुत्तन्ति आचरिया कथयन्ती”ति वुत्तं । **सेसम्पी**ति गामूपचारलक्खणमि ।

**तत्रायं नयो**ति तस्स गामूपचारस्स गहणे अयं नयो । **विकालेगामप्पवेसनादीसू**ति एत्थ “गामप्पवेसनञ्चि बहि एव आपुच्छितब्ब”न्ति **गण्ठपदे** वुत्तं । “तं अट्ठकथाय न समेती”ति वदन्ति । “गामसङ्घातूपचारं सन्धाय वुत्तं”न्ति गहिते समेतीति मम तक्को । “**आदि-सद्वतो** घरे ठितानं दिन्नलाभभाजनादीनी”ति **गण्ठपदे** वुत्तं । “गामूपचारे ठितानं पापुणितब्बलाभं सञ्चिच्च अदेन्तानं पाराजिक”न्ति **अनुगण्ठपदे** वुत्तं । किञ्चापि **कुरुन्दि**आदीसु पाळियं वुत्तवचनानुलोमवसेन वुत्तत्ता “पमादलेखा”ति न वत्तब्बं, महाअट्ठकथायं वुत्तविनिच्छयो सङ्गीतितो पट्ठाय आगतो । “**यज्जेतं महाअट्ठकथायं**”न्तिआदि सीहळदीपे अट्ठकथाचरियेहि वुत्तं “विनिच्छयनयो”ति च । **लेड्डुपातेनेव परिच्छिन्दितब्बो**ति परिक्खेपारहट्ठानं, न उपचारं । सो हि ततो अपरेन लेड्डुपातेन परिच्छिन्नो । इमस्मिं **अदिन्नादानसिक्खापदे**ति नियमेन अज्जत्थ अज्जथाति अत्थतो वुत्तं होति । तेन वा नियमेन यथारुतवसेनापि अत्थो इध युज्जति । **अभिधम्मे पना**तिआदिना अज्जथापि अत्थापत्तिसिद्धं दस्सेति ।

“परिच्चागादिमि अकते ‘इदं मम सन्तकं’न्ति अविदितमि परपरिग्गहितमेव पुत्तकानं पितु अच्चयेन सन्तकं विय, तं अत्थतो अपरिच्चत्ते सङ्गहं गच्छती”ति **गण्ठपदे** वुत्तं । “थेनस्स कम्मं **थेय्यं**, थेनेन गहेतब्बभूतं भण्डं । थेय्यन्ति सङ्घातन्ति थेय्यसङ्घात”न्ति **पोराणगण्ठपदे** वुत्तं । तं थेय्यं यस्स थेनस्स कम्मं, सो यस्मा थेय्यचित्तो अवहरणचित्तो होति, तस्मा “थेय्यसङ्घात”न्ति पदं उद्धरित्वा “थेय्यचित्तो अवहरणचित्तो”ति पदभाजनमि तेसं पोराणानं युज्जतेव, तथापि अट्ठकथायं वुत्तनयेनेव गहेतब्बं । “यज्ज पुब्बभागे ‘अवहरिस्सामी’ति पवत्तं चित्तं, यज्ज गमनादिसाधकं, परामसनादिसाधकं वा मज्जे पवत्तं, यज्ज ठानाचावनपयोगसाधकं, तेसु अयमेवेको पच्छिमो चित्तकोट्टासो इध अधिपेतो ‘थेनो’ति अपरे”ति **अनुगण्ठपदे** वुत्तं । ऊनमासकमासपादादीसु “अवहरणचित्तेसु एकचित्तकोट्टासोति आचरिया वदन्ती”ति वुत्तं ।

## पज्जवीसतिअवहारकथावण्णना

**पज्जवीसति अवहारा** नाम वचनभेदेनेव भिन्ना, अत्थतो पन अभिन्ना । **आकुला दुविज्जेय्यविनिच्छया**ति आचरियानं मुखे सन्तिके सब्बाकारेन अग्गहितविनिच्छयानं दुविज्जेय्या । दुकतिकपट्टानपाळि (पट्टा० ५.१.१ आदयो, दुकतिकपट्टानपाळि) विय आकुला दुविज्जेय्यविनिच्छया, केवलं तं आचरिया पुब्बापरविरोधमकत्वा सङ्गीतितो पट्ठाय आगतनयमविनासेत्वा वण्णयन्तीति “पट्टानपाळिमिवाति अपरे वदन्ती”ति च वुत्ता । **पोराणा**ति सङ्गीतिआचरिया । **अयमेत्थ सामीचि** एव, सचे न देति, आपत्ति नत्थि, पाराजिकभया पन यथा सिक्खाकामो देति, एवं दातब्बमेव । यानि पनेत्थ वत्थूनि, तानि सीहळदीपे आचरियेहि सङ्घादीनमनुमतिया अट्ठकथासु पक्खित्तानि, “अनागते ब्रह्मचारीनं हितत्थाय पोत्थकारुळ्हकालतो पच्छापी”ति वुत्तं । आणत्तिकं आणत्तिकखणेपि गण्हाति, कालन्तरेनापि अत्थसाधको, कालन्तरं सन्धायाति इदमेतेसं नानत्तं । **भट्ठे**ति अपगते । **अन्तरसमुदे** अतुरुमुहुदे । **फरति** सार्धेति । **नवधोतो**ति नवकतो । **पासाणसक्खरन्ति** पासाणञ्च सक्खरञ्च ।

### भूमट्टकथादिवण्णना

१४. महाअट्टकथायं पन सच्चेपि अलिकेपि दुक्कटमेव वुत्तं, तं पमादलिखितन्ति वेदितव्वन्ति यथेतरहि युत्तिया गहेतव्वा । तत्थ “चतुवग्गेन ठपेत्वा उपसम्पदपवारणअब्भानादिसब्बं सङ्गकम्मं कातुं वट्ठति”च्चेव वत्तव्वे “उपसम्पदपवारणकथिनब्भानादीनी”ति लिखन्तीति वेदितव्वं । तं आचरिया “पमादलेखा”त्वेव वण्णयन्ति, तेन वुत्तं “पमादलिखित”न्ति । यं यं वचनं मुसा, तत्थ तत्थ पाचित्तियन्ति वुत्तं । दुक्कटस्स वचने पयोजनाभावा “अदिन्नादानस्स पुब्बपयोगे”ति वुत्तं । अज्जेसम्पि पुब्बपयोगे पाचित्तियट्ठाने पाचित्तियमेव । पमादलिखितन्ति एत्थ इध अधिप्पेतमेव गहेत्वा अट्टकथायं वुत्तन्ति गहिते समेति विय । आचरिया पन “पाचित्तियट्ठाने पाचित्तिय”न्ति वत्वा दुक्कटे विसुं वत्तव्वे “सच्चालिके”ति सामज्जतो वुत्तत्ता “पमादलेखा”ति वदन्तीति वेदितव्वान्ति । “कुसलचित्तेन गमने अनापत्ती”ति वुत्तत्ता “दानज्ज दस्सामी”ति वचनेन अनापत्ति विय ।

पाचित्तियट्ठाने दुक्कटा न मुच्चतीति पाचित्तियेन सद्धिं दुक्कटमापज्जति । बहुकापि आपत्तियो होन्तूति खणनब्यूहनुद्धरणेसु दस दस कत्वा आपत्तियो आपन्नो, तेसु उद्धरणे दस पाचित्तियो देसेत्वा मुच्चति, जातिवसेन “एकमेव देसेत्वा मुच्चती”ति कुरुन्दियं वुत्तं, तस्मा पुरिमेन समेति । “समोधानेत्वा दस्सितपयोगे “दुक्कट”न्ति वुत्तत्ता समानपयोगा बहुदुक्कटत्तं आपेति । खणने बहुकानीति समानपयोगत्ता न पटिप्पस्सम्भति । अट्टकथाचरियप्पमाणेनाति यथा पनेत्थ, एवं अज्जेसुपि एवरूपानि अट्टकथाय आगतवचनानि सङ्गीतितो पट्ठाय आगतत्ता गहेतव्वानीति अत्थो । “इध दुतियपाराजिके गहेतव्वा, न अज्जेसू”ति धम्मसिरित्थेरो किराह । गण्ठपदे पन “पुरिमखणनं पच्छिमं पत्वा पटिप्पस्सम्भति, तेनेव एकमेव देसेत्वा मुच्चती”ति वुत्तं, “विसभागकिरियं वा पत्वा पुरिमं पटिप्पस्सम्भती”ति च वुत्तं ।

एवं एकट्ठाने ठिताय कुम्भिया ठानाचावनज्जेत्थ छहाकारेहि वेदितव्वन्ति सम्बन्धो । कुम्भियाति भुम्मवचनं । उद्धं उक्खिपन्तो केसग्गमत्तम्पि भूमितो मोचेति, पाराजिकन्ति एत्थ मुखवट्ठिया फुट्ठोकासं बुन्देन मोचिते “ठानाचावनज्जेत्थ छहाकारेहि वेदितव्व”न्ति इमिना समेति, तथा अवत्वा “भूमितो मुत्ते केसग्गमत्तम्पि अतिक्कन्ते भूमितो मोचितं नाम होती”ति दळ्हं कत्वा वदन्ति, उपपरिक्खित्वा गहेतव्वं । एत्थ एकच्चे एवं अत्थं वदन्ति “पुब्बे खणन्तेन अवसेसट्ठानानि वियोजितानि, तस्मिं विमुत्ते पाराजिक”न्ति । सङ्खेपमहापच्चरियादीसु वुत्तवचनस्स पमादलेखभावो “अत्तनो भाजनगतं वा करोति, मुट्ठिं वा छिन्दती”ति वचनेन दीपितो ।

यं पन “पीतमत्ते पाराजिक”न्ति वुत्तं, तं यथेतरहि “पज्जविज्जाणा उप्पन्नवत्थुका उप्पन्नारम्मणा”ति पदस्स “उप्पन्नवत्थुकाहि अनागतपटिक्खेपो”ति अट्टकथावचनं “असम्भिन्नवत्थुका असम्भिन्नारम्मणा पुरेजातवत्थुका पुरेजातारम्मणा”ति वचनमपेक्खित्वा अतीतानागतपटिक्खेपोति परिवत्तेति, तथा तादिसेहि परिवत्तन्ति वेदितव्वं । न हि अट्टकथाचरिया पुब्बापरिवरुद्धं वदन्ति । यं पन आचरिया “इदं पमादलिखित”न्ति अपनेत्वा पटिक्खिपित्वा वचनकाले वाचेन्ति, उद्दिसन्ति, तमेव च इमिनापि आचरियेन “पमादलिखित”न्ति पटिक्खित्तं । यज्ज सुत्तं दस्सेत्वा ते पटिक्खिपन्ति, तमेव च दस्सेन्तेन इमिना पटिक्खित्तं, तेन वुत्तं “तं पन तत्थेवा”तिआदि ।

अनापत्तिमत्तमेव वुत्तन्ति नेव अवहारो न गीवा अनापत्तीति व्यज्जनतोव भेदो, न अत्थतोति दस्सनत्थं । तं पमादलिखितं कतरेहीति चे? पुब्बे वुत्तप्पकारेहि, लेखकेहि वा, एस नयो सब्बत्थ । “न हि तदेव बहूसु ठानेसु युत्ततो पाराजिकमहुत्वा कत्थचि होती”ति सब्बं अनुगण्ठपदे वुत्तं । दुट्ठपितं वा ठपेतीति एत्थ ततो पग्घरिस्सतीति ठानाचावनं सन्धाय कतत्ता पाराजिकं तं पन गण्हतु वा मा वा तत्थेव “भिन्दती”तिआदिवचनतो वेदितव्वं । “तत्थेवाति ठानाचावनं अकरोन्तोव ठाना अचावेतुकामोव केवलं ‘भिन्दती’ति अट्टकथावचनतो च आपेतव्व”न्ति अज्जतरस्मिं गण्ठपदे वुत्तं । तथा “पग्घरितेहि तित्तपंसुं गहेत्वा उदके पक्खिपित्वा पचित्वा गहेतुं सक्का, तस्मा गहणमेव सन्धाय वुत्त”न्ति अपरे । “रित्तकुम्भिया उपरि करोति, भण्डदेय्य”न्ति वुत्तं, तं आणत्तिया

विरुज्झति, “यदा सक्कोसि, तदा तं भण्डं अवहरा”ति अत्थसाधको आणत्तिकाले एव पाराजिकं। अपिच आवाटकादीनि थावरपयोगानि च एत्थ साधकानि। नत्थि कालकतपयोगानि पाराजिकवत्थूनीति तस्मा उपपरिक्खितव्वन्ति एके। यत्थ यत्थ “अपरे”ति वा “एके”ति वा वुच्चति, तत्थ तत्थ सुट्ठु उपपरिक्खित्वा युत्तं गहेतव्वं, इतरं छट्ठेतव्वं। **वदन्तीति** आचरिया वदन्ति। **न, अज्जथा गहेतव्वत्थतो**ति पाळिपरिहरणत्थं वुत्तं। **एवमेके वदन्तीति** तं न गहेतव्वं। कस्मा? “पस्सावं वा छट्ठेती”ति च “अपरिभोगं वा करोती”ति च अत्थतो एकत्ता, अट्ठकथाय “मुग्गरेन पोथेत्वा भिन्दती”ति वुत्तत्तापि।

**अयं पनेत्थ सारोति**आदिकथाय “अम्हाकं आचरियस्स वचन”न्ति **धम्मसिरित्थेरो** आह। सङ्गहाचरियानं वादोति एके। पुब्बे वुत्तापि ते एव, तस्मा **वोहारवसेना**ति अछट्ठेतुकामप्पि तथा करोन्तं “छट्ठेती”ति वोहरन्ति। **एवमेतेसं पदानं अत्थो गहेतव्वोति** एवं सन्ते “ठानाचावनस्स नत्थिताय दुक्कट”न्ति अट्ठकथावचनेन अतिविय समेति, तत्थ ठानाचावनचित्तस्स नत्थिताय ठाना चुतप्पि न “ठाना चुत”न्ति वुच्चतीति अत्थो गहेतव्वो। **इतरथापीति** थैय्यचित्ताभावा ठाना चावेतुकामस्सपि दुक्कटं युज्जति।

**९६.** सयमेव पतितमोरस्सेव इतो चितो च करोतो थुल्लच्चयं। आकासट्टुविनिच्छये तप्पसङ्गेन तस्मिं वेहासादिगतेपि असम्मोहत्थं एवं गहेतव्वन्ति वुत्तं। “एवमज्जत्रापि सामिसे”ति **गण्ठपदे** वुत्तं। “ठानाचावनं अकरोन्तो चालेती”ति वचनतो ठानाचावने थुल्लच्चयं नत्थीति वुत्तं होति। केचि अफन्दापेत्वा ठानाचावनाचावनेहिपि दुक्कटथुल्लच्चये वदन्ति। “ते ठानाचावनं अकरोन्तोति इमं अट्ठकथावचनं दस्सेत्वा पटिसेधेतव्व”ति केचि वदन्ति, वीमंसितव्वं।

**९७.** छेदनमोचनादि उपरिभागं सन्धाय वुत्तं। अवस्सं ठानतो **आकासगतं करोति**। एत्थ “एककोटिं नीहरित्वा ठपिते वंसे ठितस्स आकासकरणं सन्धाय”ति केचि वदन्ति। ते पन अथ “मूलं अच्छेत्वा वलयं इतो चितो च सारोति, रक्खति। सचे पन मूलतो अनीहरित्वापि हत्थेन गहेत्वा आकासगतं करोति, पाराजिक”न्ति अट्ठकथावचनं दस्सेत्वा पटिसेधेतव्व। **भित्तिनिस्सितन्ति** भित्तिया उपत्थम्भितं सन्धाय वुत्तन्ति एके। **भित्तिं निस्साय ठपितन्ति** नागदन्तादीसु ठितं सन्धाय वुत्तं। **छिन्नमत्तेति** उपरि उग्गन्त्वा ठितं सन्धाय वुत्तं।

**९८. उपरि ठितस्स पिट्टियाति** एत्थ अधो ओसारणं सन्धाय वुत्तं। हेट्ठा ओसारेन्तस्स उपरिमस्स पिट्टिया हेट्टिमेन ठितोकासं अतिक्कन्तमत्ते पाराजिकं, उद्धं उक्खिपन्तस्स उदकतो मुत्तमत्ते। “एवं गहिते भूमट्ठे वुत्तेन समेती”ति वदन्ति। मतमच्छानं ठितट्ठानमेव ठानं किर। थैय्यचित्तेन मारेत्वा गणहतो ऊनपादग्घनके दुक्कटं, सहपयोगत्ता पाचित्तियं नत्थीति एके। **मदनफलवसादीनीति** एत्थ **सीहळभासा** किर **वस** इति विसन्ति अत्थो, गरुळाकारेन कतुप्पेयितं वा।

**९९. पुब्बे** पासे बद्धसूकरउपमाय **वुत्ता एव**। “थले ठपिताय नावाय न फुट्ठोकासमत्तमेवा”ति पाठो। “वातो आगम्माति वचनतो वातस्स नत्थिकाले पयोगस्स कतत्ता अवहारो नत्थि, अत्थिकाले चे कतो, अवहारोवा”ति वदन्ति। “भण्डदेय्यं पन केसन्ति चे? येसं हत्थे कहापणानि गहितानि, तेसं वा, नावासामिना नावाय अग्गहिताय नावासामिकस्स वा”ति **अनुगण्ठपदे** वुत्तं।

**१०४. निरम्बित्वा** उपरि। **अकतं वा पन पतिट्टपेतीति** अपुब्बं वा पट्टपेतीति अत्थो।

**१०६.** गामट्ठे वा “गामो नामा”ति न वुत्तं पठमं गामलक्खणस्स सब्बसो वुत्तत्ता।

**१०७.** अरज्जट्टे **अरज्जं नामाति** पुन न केवलं पुब्बे वुत्तलक्खणज्जेव अरज्जन्ति इधाधिप्पेतं, किन्तु परपरिगहितमेव चेतं होति, तं इधाधिप्पेतन्ति दस्सनत्थं वुत्तं। तेनेव अत्थेपि अरज्जग्गहणं कतं। **अग्गेपि मूलेपि छिन्नाति** एत्थ “न वेठेत्वा ठिता, छिन्नमत्ते पतनकं सन्धाय वुत्त”न्ति वदन्ति। **तच्छेत्वा ठपितोति** अरज्जसामिकेहि परेहि लद्धेहि तच्छेत्वा ठपितो। **अद्धगतोपीति** चिरकालिकोपि। “**न गहेतव्वोति** अरज्जसामिकेहि अनुज्जातेनपी”ति **गण्ठपदे** वुत्तं। **छल्लिया परियोनद्धं** होतीति इमिना सामिकानं निरपेक्खतं दीपेति। तेन वुत्तं “**गहेतुं वट्ठती**”ति। यदि सामिकानं सापेक्खता अत्थि, न वट्ठति।



१०८. तत्थ “भाजनेसु पोक्खरणीतळाकेसु च गावो पक्कोसतीति इतो पट्ठाय तयो दस वारा आदिमेव दस्सेत्वा संखित्ता”ति अनुगण्ठपदे वुत्तं। निब्बहनउदकं नाम तळाकरक्खणत्थाय अधिकोदकनिक्खमनद्वारेन निक्खमनउदकं। “गहेतुं न लभतीति सामीचिकम्मं न होती”ति अनुगण्ठपदे वुत्तं। इतो पट्ठाय “वुत्त”न्ति वुत्ते अनुगण्ठपदेति गहेतब्बं। अनिक्खन्ते उदकेति पाठसेसो, सुक्खमातिकापयोगत्ता भण्डदेय्यमि न होतीति अधिप्पायो। तळाकं निस्साय खेत्तस्स कतत्ताति “सब्बसाधारणं तळाकं होती”ति पठमं वुत्तत्ता तं सन्धाय वुत्तं। “यस्मा तळाकगतं उदकं सब्बसाधारणमि मातिकाय सति तं अतिक्कमित्वा गहेतुं न वट्ठति, तस्मा तं सन्धाय कुरुन्दियादीसु अवहारोति वुत्त”न्ति अपरे आहूति। इमिना लक्खणेन न समेतीति यस्मा सब्बसाधारणदेसो नाम तच्च तळाकं सब्बसाधारणं, कतिकाभावा च महाअट्ठकथायं वुत्तमेव युत्तन्ति आहाचरियो।

१०९. “ततो पट्ठाय अवहारो नत्थीति थेय्यायपि गणहतो, तस्मा यथामुण्डमहाजेतब्बत्ता, अरक्खितब्बत्ता, सब्बसाधारणत्ता च अज्जमि सङ्गसन्तकं इदं न होती”ति गण्ठपदे वुत्तं।

११०. उज्जुकेव तिट्ठतीति एत्थ “समीपे रुक्खसाखादीहि सन्धारितत्ता ईसकं खलित्वा उज्जुकेव तिट्ठति चे, अवहारो। छिन्नवेणु विय तिट्ठति चे, अनापत्ती”ति वुत्तं, तं सुवुत्तं, तस्स विनिच्छये “सचे तानि रक्खन्ती”ति वुत्तत्ता। नो अज्जथाति सम्पत्ते चे वाते वातमुखसोधनं करोति, पाराजिकन्ति अत्थो।

१११. अज्जेसु पन विचारणा एव नत्थीति तेसु अण्णटिक्खपितत्ता अयमेव विनिच्छयोति वुत्तं होति। “एतेन धुरनिक्खेपं कत्वापि चोरेहि आहटं चोदेत्वा गणहतो अनापत्तीति दीपितं होती”ति वुत्तं।

११२. एसेव नयोति उद्धारेयेव पाराजिकं, कस्मा? अज्जेहि पत्तेहि साधारणस्स सज्जाणस्स वुत्तत्ता। पदवारेनाति चोरेन नीहरित्वा दिन्नं गहेत्वा गच्छतो। गामद्वारन्ति वोहारमत्तमेव, गामन्ति अत्थो आणत्तिया दट्ठब्बत्ता, द्विन्नमि उद्धारे एव पाराजिकं। असुकं नाम गामं गन्त्वाति वचनेन याव तस्स गामस्स परतो उपचारो, सब्बमेतं आणत्तमेव होति। “ठत्वा वा निसीदित्वा वा विस्समित्वा पुरिमथेय्यचित्तं वूपसमित्वा गमनत्थज्जे भण्डं न निक्खित्तं, यथागहितमेव, पदवारेन कारेतब्बोति, निक्खित्तज्जे, उद्धारेना”ति च लिखितं। केवलं “लिखित”न्ति वुत्ते गण्ठपदे गहेतब्बं। थेय्यचित्तेन परिभुज्जन्तोति ठानाचावनं अकत्वा निवत्थपारुतनीहारेन “पुब्बेवेदं मया गहित”न्ति थेय्यचित्तेन परिभुज्जन्तो। “नट्ठे भण्डदेय्यं किरा”ति लिखितं। “अज्जो वा”ति वचनेन येन ठपितं, तेन दिन्ने अनापत्तीति दीपितं होति गोपकस्स दाने विय, “केवलं इध भण्डदेय्यन्ति अपरे”ति वुत्तं। “अज्जो वा”ति वचनतो येन ठपितं। सो वातिपि लब्भतीति विचारेत्वा गहेतब्बो। वा-सट्ठेन यस्स हत्थे ठपितं, सो वा देति राजगहे गणको विय धनियस्स, तस्मा पाराजिकं युत्तं विय।

तव थूलसाटको लद्धोति वुत्तक्खणे मुसावादे दुक्कटं। तस्स नामं लिखित्वाति एत्थ “तेन गहेत्वा ठपेय्यासी”ति आणत्तत्ता नामलेखनकाले अनापत्ति कुससङ्गमनसदिसं न होती”ति वुत्तं। न जानन्तीति न सुणन्तीति अत्थो। सचे जानित्वापि चित्तेन न सम्पटिच्छन्ति एसेव नयो। जानन्तेन पन रक्खितुं अनिच्छन्ते पटिक्खित्तमेव एतन्ति वत्तं जानितब्बं। उम्मग्गेनाति पुरापाणं खणित्वा कतमग्गेनाति अत्थो।

निस्सितवारिकस्स पन सभागा भत्तं देन्ति, तस्मा यथा विहारे पन्ति, तथेव कातब्बन्ति सम्पत्तवारं अगहेतुं न लभन्ति, “तस्स वा सभागा अदातुं न लभन्ती”ति वुत्तं। अत्तदुतियस्साति न हि एकेनानीतं द्विन्नं प्होति, सचे प्होति पापेतब्बोति दस्सेतुं “यस्स वा”तिआदि वुत्तं। “परिपुच्छं देतीति पुच्छितपण्हस्स विस्सज्जनं करोती”ति लिखितं। सङ्गस्स भारं नाम “सद्धम्मवाचना एवा”ति वुत्तं, “नवकम्मिकोपि वुच्चती”ति च, “इतो भण्डतो वट्ठन्तं पुन अन्तो पविसतीति महाअट्ठकथापदस्स कुरुन्दीसङ्केपट्ठकथाहि अधिप्पायो विवरितो”ति लिखितं।

११३. गच्छन्ते याने वाति एत्थ “सुङ्कट्टानस्स बहि ठितं सन्धाय वुत्त”न्ति उपतिस्सत्थेरो वदति किर। “गच्छन्ते याने

वातिआदि सुङ्कटान्भन्तरे गहेतब्ब”न्ति वुत्तं। बहि ठितस्स वत्तब्बमेव नत्थि, “अन्तो ठत्वा”ति अधिकारे वुत्तत्ता चेति युत्तं — यानादीसु ठपिते तस्स पयोगं विनायेव गतेसु पाराजिको न होति। कस्मा न भण्डदेय्यन्ति चे? सुङ्कटानस्स बहि ठितत्ता। अरञ्ज्हे “अस्सतिया अतिक्कमन्तस्सपि भण्डदेय्यमेवा”ति (पारा० अट्ठ० १.१०७) वुत्तं तेसं सपरिग्गहितत्ता। इध पन “अत्र पविट्ठस्सा”ति वचनतो न बहि ठितस्स, तं किर सुङ्कसङ्केतं। **अञ्जं हरापेतीति** तत्थ “सहत्था”ति वचनतो अनापत्ति। **निस्सग्गियानि होन्तीति** अट्ठकथातो **पाचित्तियं**, उपचारं ओक्कमित्वा परिहरणे सादीनवत्ता दुक्कटं।

**सुङ्कटाने सुङ्कं दत्त्वाव गन्तुं वट्ठतीति** इदं दानि वत्तब्बानं मातिकाति **धम्मसिरित्थेरो**। “अनुराधपुरस्स चतूसु द्वारेसु सुङ्कं गणहन्ति, तेसु दक्खिणद्वारस्स पुरतो मग्गो थूपारामतो आनन्दचेतियं पदक्खिणं कत्वा जेतवनविहारस्सन्तरपाकारस्सासन्ने निविट्ठो, यो न गामं पविसन्तो उपचारं ओक्कन्तो होति। थूपारामतो च महाचेतियं पदक्खिणं कत्वा राजविहारं गच्छन्तो न ओक्कमती”ति किर **महाअट्ठकथायं** आगतं। **एत्थ चाति** सुङ्कघाते “द्वीहि लेट्ठुपातेहीति आचरियपरम्पराभता”ति लिखितं। **द्वीहि लेट्ठुपातेहीति** सुङ्कघातस्स परिच्छेदे अट्ठपिते युज्जति, ठपिते पन अतिरेकयोजनम्पि सुङ्कघातं होतीति ततो परं द्वे लेट्ठुपाता उपचारोति गहेतब्बो। सो पनेत्थापि दुविधो बाहिरब्भन्तरभेदतो। तत्थ दुतियलेट्ठुपातसङ्घातं बाहिरोपचारं सन्धाय **पाळियं**, **महाअट्ठकथायञ्च** दुक्कटं वुत्तं। अब्भन्तरं सन्धाय **कुरुन्दियन्ति** नो खन्ति। “अत्र पविट्ठस्स सुङ्कं गणहन्तूति हि नियमित्तानं एकन्ततो पाराजिकखेत्तं होति, तञ्च परिक्खित्तं, एको लेट्ठुपातो दुक्कटखेत्तं, अपरिक्खित्तञ्चे, दुतियो लेट्ठुपातोति नो अधिप्पायो”ति आचरियो वदति।

**११४. धनं पन गतट्ठाने वट्ठतीति** एत्थ “वट्ठिया सह अवहारकस्स भण्डदेय्य”न्ति लिखितं। “तं वट्ठिं दस्सामी”ति अग्गहेसि, तत्थ कम्मं अकरोन्तस्स वट्ठतीति कत्वा वुत्तं। केवलं आठपितखेत्तस्स न वट्ठति। “यं धनं वट्ठि, तं देन्तस्स अवहारकस्स वट्ठिया अदाने पाराजिकं होती”ति वदन्ति।

**नामेनाति** सप्पनामेन वा सामिकेन कतेन वा।

**११६. राजघरस्स अन्तोवत्थुम्हि**, परिक्खित्तराजङ्गणं वा अन्तोवत्थु। अपरिक्खित्ते राजङ्गणे ठितस्स सकलनगरं ठानं। गोणस्स “अपरिक्खित्ते ठितस्स अक्कन्तट्ठानमेव ठान”न्ति वुत्तत्ता **खण्डद्वारन्ति** अत्तना खण्डितच्छिदं। **तत्थेव घातेतीति** “जीवित्तिन्द्रियारम्भणत्ता वधकचित्तस्स पाचित्तियं होतीति? न होति। कस्मा? अदिन्नादानपयोगत्ता। तम्पि थेय्यचित्तं सङ्खारारम्भणं व होति। इध तदुभयं लभति सद्धिं पुब्बभागापरभागेही”ति वुत्तं।

**११८. तस्सुद्धारे सब्बेसं पाराजिकन्ति** यदि यो आणत्तो अवस्सं तं भण्डं हरति, आणत्तिकखणे एव पाराजिकं। “इध तिण्णं कस्मा पाराजिकं, ननु ‘तुम्हे, भन्ते, तयो हरथा’ति वुत्तत्ता थुल्लच्चयं, इतरेसञ्च पटिपाटिया एकेकस्साणत्तत्ता एकेकेन च दुक्कटेन भवितब्बं। कथं, एको किर मासग्घनकं परिस्सावनं थेनेत्वा देसेत्वा निरुस्साहो एव वा हुत्वा पुन मासग्घनकं सूचिं तथेव कत्वा पुन मासग्घनकन्ति एवं सियाति? न एवं, तं यथा उप्पलथेनको येन वत्थु पूरति ताव सउस्साहत्ता पाराजिको आसि, एवमिमे सउस्साहाव न देसयिंसु वा”ति लिखितं, **पाळियं**, **अट्ठकथायञ्च** संविदहित्वा गतेसु एकस्सुद्धारे सब्बेसं पाराजिकं विना विय आणत्तिया किञ्चापि वुत्तं, अथ खो “तस्सायं अत्थो”ति वत्वा पच्छा वुत्तविनिच्छयेसु च एकभण्डएकट्ठानादीसु च सम्बहुला एकं आणापेन्तीति आणत्तिमेव नियमेत्वा वुत्तं, तस्मा आणत्ति इच्छितब्बा विय, वीमसितब्बं। “एकभण्डं एकट्ठान”न्ति च पाठो ‘एककुलस्स भण्ड’न्ति वचनतो”ति वदन्ति।

**११९-१२०. ओचरके वुत्तनयेनेवाति** अवस्संहारिये भण्डे। तं सङ्केतन्ति तस्स सङ्केतस्स। अथ वा तं सङ्केतं अतिक्कमित्वा पच्छा वा। अपत्वा पुरे वा। एस नयो तं **निमित्तन्ति** एत्थापि। अक्खिनिखणनादिकम्मं लहुकं इत्तरकालं, तद्धुणे एव भण्डं अवहरितुं न सक्का, किञ्चि भण्डं दूरं होति, किञ्चि भारियं, तं गहेतुं याव गच्छति याव उक्खिपति, ताव निमित्तस्स पच्छा होति। सचे तं भण्डं अधिगतं विय आसन्नं, लहुकञ्च, सक्का निमित्तक्खणे अवहरितुं, तमेव सन्धाय वुत्तं किन्ति? न, पुब्बे वुत्तम्पि “ततो पट्ठाय तेनेव निमित्तेन अवहरती”ति वुच्चति आरद्धत्ता। यदि एवं “पुरेभत्तपयोगो एसो”ति वारो पमाणं होति, न च तं पमाणं

महापदुमत्थेरवादस्स पच्छा वुत्तत्ता, न सङ्केतकम्मं विय निमित्तकम्मं दट्ठब्बं। तत्थ हि कालपरिच्छेदो अत्थि, इध नत्थि, इदमेव तेसं नानत्तं।

१२१. तच्च असम्मोहत्थन्ति एको “पुरेभत्तादीसु वा, अक्खिनिखणनादीनि वा दिस्वा गण्हा”ति, एको गहेतब्बं भण्डनिस्सितं कत्वा “पुरेभत्तं एवं वण्णसण्ठानं भण्डं गण्हा”ति वदति, एवंविधेषु असम्मोहत्थं एवंविधं सङ्केतं निमित्तञ्च दस्सेतुन्ति च, यथाधिप्पायन्ति दुतियो ततियस्स ततियो चतुत्थस्साति एवं पटिपाटिया चे वदन्तीति अत्थो। सचे दुतियो चतुत्थस्स वदेति, न यथाधिप्पायोति च। “पटिग्गहितमत्तेति अवस्सं चे पटिग्गण्हाति, पुब्बेव थुल्लच्चय”न्ति च लिखितं। पटिग्गण्हकानं दुक्कटं सब्बत्थोकासाभावतो न वुत्तं। पाराजिकापज्जनेनेतं दुक्कटं आपज्जित्वा आपज्जन्ति किर। अत्थसाधकाणत्तिचेतनाखणे एव पाराजिको होतीति अधिप्पायो। तत्थ मग्गट्टानियं कतरं, कतरं फलट्टानियन्ति “अत्थसाधकचेतना नाम मग्गानन्तरफलसदिसा”ति वुत्तत्ता फलट्टानिया चेतनाति सिद्धं। आणत्ति चे मग्गट्टानिया सिया, चेतनासहजत्ता न सम्भवति, तथा भण्डस्स अवस्संहारिता च न सम्भवति। आणत्तिक्खणे एव हि तं अवस्संहारितं जातन्ति अवहारकस्स पटिग्गण्हञ्चे, तम्पि न सम्भवति अनागतत्ता। चेतना चे मग्गट्टानिया होति, आणत्तिआदीसु अञ्जतरं, भण्डस्स अवस्संहारिता एव वा फलट्टानिया चे, अत्थो न सम्भवति। पाराजिकापत्ति एव हि फलट्टानिया भवितुमरहति, न अञ्जन्ति एवं ताव इध ओपम्मसंसन्दनं सम्भवति चेतना मग्गट्टानिया, तस्सा पाराजिकापत्तिभावो फलट्टानियो। यथा किं? यथा पटिसम्भिदामग्गे “सद्भाय जाणं धम्मपटिसम्भिदा। सद्भाय सदत्थे जाणं अत्थपटिसम्भिदा”ति एत्थ अञ्जो सद्भो, अञ्जो सद्भाय सदत्थोति सिद्धं, यथा च “एको अमोहसङ्गातो धम्मो सम्पयुत्तकानं धम्मनं हेतुपच्चयेन पच्चयो अधिपतिसहजातअञ्जमञ्जनिस्सयइन्द्रियमग्गसम्पयुत्तअत्थिअविगतपच्चयेन पच्चयो”ति एत्थ अमोहो धम्मो अञ्जो, अञ्जे तस्स हेतुपच्चयतादयोति सिद्धं। यथा च विनयपिटके यानि छ आपत्तिसमुद्धानानि, एवं यथासम्भवं “सत्त आपत्तिक्खन्धा”ति वुच्चन्ति, तेसं अञ्जा आपत्तिसमुद्धानता, अञ्जो आपत्तिक्खन्धभावोति सिद्धं। इमिना आपत्तिक्खन्धनयेन आपत्ताधिकरणस्स कति ठानानीति? सत्त आपत्तिक्खन्धा ठानानीति। कति वत्थूनीति? सत्त आपत्तिक्खन्धा वत्थूनीति। कति भूमियोति? सत्त आपत्तिक्खन्धा भूमियोति एवमादयोपि दस्सेतब्बा। तथा हि तस्सा एवं मग्गट्टानियाय अत्थसाधिकाय चेतनाय यस्मा अञ्जा पाराजिकापत्तिता अनत्थन्तरभूता आकारविसेससङ्गाता फलट्टानिया अत्थि, तस्मा “अत्थसाधकचेतना नाम मग्गानन्तरफलसदिसा”ति वुत्ताति वेदितब्बं। अथ वा केवलं धम्मनियामत्तयेव उपमत्तेन आचरियेन एवं वुत्तन्तिपि सम्भवतीति न तत्थ ओपम्मसंसन्दनं परियेसितब्बं, “इदं सब्बं केवलं तक्कवसेन वुत्तत्ता विचारेत्वा गहेतब्ब”न्ति आचरियो।

भूमट्टकथादिवण्णना निट्ठिता।

### आपत्तिभेदवण्णना

१२२. “विभङ्गनयदस्सनतो”ति वुत्तत्ता तं सम्पादेतुं “इदानी तत्थ तत्था”तिआदि आरब्धं। तत्थ अङ्गवत्थुभेदेन चाति अवहारङ्गजाननभेदेन वत्थुस्स हरितब्बभण्डस्स गरुकलहुकभावभेदेनाति अत्थो। अथ वा अङ्गञ्च वत्थुभेदेन आपत्तिभेदञ्च दस्सेन्तोति अत्थो। अतिरेकमासको ऊनपञ्चमासकोति एत्थ वा-सद्दो न वुत्तो, तीहिपि एको एव परिच्छेदो वुत्तोति। अनज्झावुट्ठकं नाम अरञ्जपालकादिना न केनचि ममायितं। छट्ठितं नाम अनत्थिकभावेन अतिरेकमत्तादिना सामिकेन छट्ठितं। नट्ठं परियेसित्वा छिन्नालयत्ता छिन्नमूलकं। अस्सामिकवत्थूति अच्छिन्नमूलकम्पि यस्स सामिको कोचि नो होति, निरपेक्खा वा परिच्चजन्ति, यं वा परिच्चत्तं देवतादीनं, इदं सब्बं अस्सामिकवत्थु नाम। देवतादीनं वा बुद्धधम्मनं वा परिच्चत्तं परेहि चे आरक्खकेहि परिग्गहितं, परपरिग्गहितमेव। तथारूपे हि अदिन्नादाने राजानो चोरं गहेत्वा हननादिकं करेय्युं, अनारक्खके पन आवासे, अभिक्खुके अनारामिकादिके च यं बुद्धधम्मस्स सन्तकं, तं “आगतागतेहि भिक्खूहि रक्खितब्बं गोपेतब्बं ममायितब्ब”न्ति वचनतो अभिक्खुकावाससङ्घसन्तकं विय परपरिग्गहितसङ्ख्यमेव गच्छतीति छाया दिस्सति। इस्सरो हि यो कोचि भिक्खु तादिसे परिक्खारे चोरेहिपि गह्यमाने वारेतुं पटिबलो चे, बलक्कारेन अच्छिन्दित्वा यथाठाने ठपेतुन्ति। अपरिग्गहिते परसन्तकसज्जिस्स छसु आकारेसु विज्जमानेसुपि अनापत्ति विय दिस्सति, “यं परपरिग्गहितञ्च होती”ति अङ्गभावो किञ्चापि दिस्सति, परसन्तके तथा

पटिपन्नके सन्धाय वुत्तन्ति गहेतब्बं । अत्तनो सन्तकं चोरेहि हटं, चोरपरिगहितत्ता परपरिगहितं होति, तस्मा परो चेत्तं थेय्यचित्तो गणहति, पाराजिकं । सामिको एव चे गणहति, न पाराजिकं, यस्मा चोदेत्वा, अच्छिन्दित्वा च सो “मम सन्तकं गणहामी”ति गहेतुं लभति । पठमं धुरं निक्खिपित्वा चे पच्छा थेय्यचित्तो गणहति, एस नयो । सामिकेन धुरं निक्खित्तकाले सो चे चोरो कालं करोति, अज्जो थेय्यचित्तेन गणहति, न पाराजिको । अनिक्खित्तकाले एव चे कालं करोति, तं थेय्यचित्तेन गणहन्तस्स भिक्खुनो पाराजिकं मूलभिक्खुस्स सन्तकभावे ठितत्ता । चोरभिक्खुम्हि मते “मतकपरिक्खार”न्ति सङ्घो विभजित्वा चे तं गणहति, मूलसामिको “मम सन्तकमिदं”न्ति गहेतुं लभति ।

एत्थाह — भूमट्टादिनिमित्तकम्मपरियोसाना एव अवहारभेदा, उदाहु अज्जेपि सन्तीति । किञ्चेत्थ यदि अज्जेपि सन्ति, तेषि वत्तब्बा । न हि भगवा सावसेसं पाराजिकं पज्जपेति । नो चे सन्ति, ये इमे तुलाकूटकंसकूटमानकूटउक्कोटनवज्जनिकतिसाचियोगविपरामोसआलोपसाहसाकारा च सुत्तङ्गेषु सन्दिस्समाना, ते इध आगतेसु एत्थ समोधानं गच्छन्तीति च लक्खणतो वा तेसं समोधानगतभावो वत्तब्बोति? वुच्चते — लक्खणतो सिद्धोव । कथं? “पज्जहि आकारेही”तिआदिना नयेन अङ्गवत्थुभेदेन । आपत्तिभेदो हि **पाळियं** (पारा० १२८-१३०) वुत्तो एव, **अट्टकथायज्ज** “कूटमानकूटकहापणादीहि वा वज्जेत्वा गणहति, तस्सेवं गणहतो अवहारो थेय्यावहारो”ति (पारा० अट्ट० १.१३८; कङ्का० अट्ट० दुतियपाराजिकवण्णना) आगतत्ता तुलाकूटगहणादयो थेय्यावहारे समोधानं गताति सिद्धं । विपरामोसआलोपसाहसाकारा च अट्टकथायागते पसय्हावहारे समोधानं गच्छन्ति । इमंयेव वा पसय्हावहारं दस्सेतुं “गामट्ठं अरज्जट्ठं”न्ति मातिकं निक्खिपित्वा “गामट्ठं नाम भण्डं चतूहि ठानेहि निक्खित्तं होती”तिआदिना नयेन विभागो वुत्तो । तेनेदं वुत्तं होति — गहणाकारभेदसन्दस्सनत्थं विसुं कतं । न हि भूमितलादीहि गामारज्जट्ठं यं किञ्चीति । तत्थ यं तुलाकूटं, तं रूपकूटङ्गगहणपटिच्छन्नकूटवसेन चतुब्बिधम्पि वेहासट्ठे समोधानं गच्छति । हृदयभेदसिखाभेदरज्जुभेदवसेन तिविधे मानकूटे “स्वायं हृदयभेदो मरियादं छिन्दती”ति एत्थ समोधानं गच्छति । हृदयभेदो हि सप्पितेलादिमिननकाले लब्धति । “फन्दपेति अत्तनो भाजनगतं करोती”ति एत्थ सिखाभेदोपि लब्धति । सो “तिलतण्डुलादिमिननकाले लब्धती”ति वुत्तं । खेत्तमिननकाले रज्जुभेदो समोधानं गच्छति । “धम्मं चरन्तो सामिकं पराजेती”ति एत्थ उक्कोटनं समोधानं गच्छतीति ते च तथा वज्जनिकतियोपि ।

आपत्तिभेदवण्णना निट्ठिता ।

### अनापत्तिभेदवण्णना

**१३१. न च गहिते अत्तमनो होति, तस्स सन्तकं विस्सासगाहेन गहितम्पि पुन दातब्बन्ति** इदं “तेन खो पन समयेन द्वे भिक्खू सहायका होन्ति । एको गामं पिण्डाय पाविसि...पे०... अनापत्ति, भिक्खु, विस्सासगाहे”ति (पारा० १४६) इमिना असमेत्तं विय दिस्सति । एत्थ हि “सो जानित्वा तं चोदेसि अस्समणोसि त्वं”न्ति वचनेन अनत्तमनता दीपिता । पुन “अनापत्ति, भिक्खु, विस्सासगाहे”ति वचनेन अत्तमनतायपि सति विस्सासगाहो रुहतीति दीपितन्ति चे? तं न, अज्जथा गहेतब्बत्थतो । अयज्हेत्थ अत्थो — पाराजिकापत्तिया अनापत्ति विस्साससज्जाय गाहे सति, सोपि भिक्खु सहायकत्ता न कुद्धो चोदेसि, पियो एव समानो “कच्चि अस्समणोसि त्वं, गच्छ, विनिच्छयं कत्वा सुद्धन्ते तिट्ठाही”ति चोदेसि । सचेपि सो कुद्धो एव चोदेय्य, “अनापत्ती”ति इदं केवलं पाराजिकाभावं दीपेति, न विस्सासगाहसिद्धं । यो पन परिसमज्जे लज्जाय अधिवासेति, न किञ्चि वदतीति अत्थो । “पुनवत्तुकामताधिप्पाये पन सोपि पच्चाहरापेतुं लभती”ति वुत्तं । सचे चोरो पसय्हा गहेतुकामोपि “अधिवासेथ, भन्ते, इध मे चीवरानी”ति वत्वा चीवरानि थेरेन दिन्नानि, अदिन्नानि वा सयं गहेत्वा गच्छति, थेरो पुन पक्खं लभित्वा चोदेतुं लभति, पुब्बे अधिवासना अधिवासनसङ्ख्यं न गच्छति भयेन तुण्हीभूतत्ता, “यं चीवरं इध सामिको पच्चाहरापेतुं लभती”ति वुत्तं । सामिकस्स पाकतिकं कातब्बं, “इदं किर वत्तं”न्ति वुत्तं । सचे सङ्घस्स सन्तकं केनचि भिक्खुना गहितं, तस्स तेन सङ्घस्स वा धम्मस्स वा उपकारिता अत्थि, गहितप्पमाणं अपलोकेत्वा दातब्बं । “सो तेन यथागहितं पाकतिकं कत्वा अनणो होति, गिलानादीनम्पि एसेव नयो”ति वुत्तं ।

पदभाजनीयवण्णना निड्ढिता ।

### पकिण्णककथावण्णना

**साहत्थिकाणत्तिकन्ति** एकभण्डं एव । “भारियज्झिदं त्वम्पि एकपस्सं गण्ह, अहम्पि एकपस्सं गण्हामीति संविदहित्वा उभयेसं पयोगेन ठानाचावने कते कायवाचाचित्तेहि होति । अज्जथा ‘साहत्थिकं वा आणत्तिकस्स अङ्गं न होति, आणत्तिकं वा साहत्थिकस्सा’ति इमिना विरुज्जती”ति लिखितं । **धम्मसिरित्थेरो** पन “न केवलं भारिये एव वत्थुम्हि अयं नयो लब्धति, पञ्चमासकमत्तम्पि द्वे चे जना संविदहित्वा गण्हन्ति, द्विन्नम्पि पाटेक्कं, साहत्थिकं नाम तं कम्मं, साहत्थिकपयोगत्ता एकस्मिंयेव भण्डे, तस्मा ‘साहत्थिकं आणत्तिकस्स अङ्गं न होती’ति वचनमिमं नयं न पटिबाहति । ‘साहत्थिकवत्थुअङ्गन्ति साहत्थिकस्स वत्थुस्स अङ्गं न होती’ति तत्थ वुत्तं । इध पन पयोगं सन्धाय वुत्तत्ता युज्जती”ति आह किर, तं अयुत्तं कायवचीकम्मन्ति वचनाभावा, तस्मा साहत्थिकाणत्तिकेसु पयोगेसु अज्जतरेन वायमापत्ति समुट्ठाति, तथापि तुरिततुरिता हुत्वा विलोपनादीसु गहणगाहापनवसेनेतं वुत्तं । यथा कालेन अत्तनो कालेन परस्स धम्मं आरम्भ सीधं सीधं उप्पत्तिं सन्धाय “अज्जत्तबहिद्धारम्मणा धम्मा”ति (ध० स० तिकमातिका २१) वुत्ता, एवंसम्पदमिदन्ति दट्ठब्बं ।

तत्थपि ये अनुत्तरादयो एकन्तबहिद्धारम्मणा विज्जाणञ्चायतनादयो एकन्तअज्जत्तारम्मणा, इतरे अनियतारम्मणत्ता “अज्जत्तबहिद्धारम्मणा”ति वुच्चन्ति, न एकक्खणे उभयारम्मणत्ता । अयं पन आपत्ति यथावुत्तनयेन साहत्थिका आणत्तिकापि होतियेव, तस्मा अनिदस्सनमेतन्ति अयुत्तं । “यथा अनियतारम्मणत्ता ‘अज्जत्तबहिद्धारम्मणा’ति वुत्ता, तथा अनियतपयोगत्ता अयम्पि आपत्ति ‘साहत्थिकाणत्तिका’ति वुत्ताति निदस्सनमेवेत”न्ति एकच्चे आचरिया आहु । “इमे पनाचरिया उभिन्नं एकतो आरम्मणकरणं नत्थि । अत्थि चे, ‘अज्जत्तबहिद्धारम्मणं धम्मं पटिच्च अज्जत्तबहिद्धारम्मणो धम्मो उप्पज्जति हेतुपच्चया’तिआदिना (पट्ठा० २.२१.१ अज्जत्तारम्मणत्तिक) पट्टानपाठेन भवितव्वन्ति सज्जाय आहंसु, तेसं मतेन ‘सिया अज्जत्तबहिद्धारम्मणा’ति वचनं निरत्थकं सिया, न च निरत्थकं, तस्मा अत्थेव एकतो अज्जत्तबहिद्धारम्मणो धम्मो । पुन ‘अयं सो’ति नियमेन अज्जत्तबहिद्धारम्मणा धम्मा विय निदिसितव्वाभावतो न उद्धटो सिया । तत्थ अनुद्धटत्ता एव **धम्मसङ्गहट्ठकथायं** उभिन्नम्पि अज्जत्तबहिद्धारम्मणं एकतो आरम्मणकरणधम्मवसेन ‘अज्जत्तबहिद्धारम्मणा’ति अवत्वा ‘कालेन अज्जत्तबहिद्धार पवत्तियं अज्जत्तबहिद्धारम्मण’न्ति वुत्तं, तस्मा **गण्ठपदे** वुत्तनयोव सारोति नो तक्को”ति आचरियो । तत्थ “कायवचीकम्म”न्ति अवचनं पनस्स साहत्थिकपयोगत्ता एकपयोगस्स अनेककम्मत्ताव, यदि भवेय्य, मनोकम्मम्पि वत्तव्वं भवेय्य, यथा तत्थ मनोकम्मं विज्जमानम्पि अब्बोहारिकं जातं, एवं तस्मिं साहत्थिकाणत्तिके वचीकम्मं अब्बोहारिकन्ति वेदितव्वं, तं पन केवलं कायकम्मस्स उपनिस्सयं जातं, चित्तं विय तत्थ अङ्गमेव जातं, तस्मा वुत्तं “साहत्थिकपयोगत्ता”ति, “अङ्गभावमत्तमेव हि सन्धाय ‘साहत्थिकाणत्तिक’न्ति वुत्तन्ति नो तक्को”ति च, विचारेत्वा गहेतव्वं ।

कायवाचा समुट्ठाना, यस्सा आपत्तिया सियुं ।  
तत्थ कम्मं न तं चित्तं, कम्मं नस्सति खीयति ॥

किरियाकिरियादिकं यज्ज, कम्माकम्मादिकं भवे ।  
न युत्तं तं विरुद्धत्ता, कम्ममेकंय युज्जति ॥

### विनीतवत्थुवण्णना

**१३२. अनापत्ति, भिक्खु, चित्तुप्पादेति** एत्थ केवलं चित्तं, तस्सेव उप्पादेतव्वापत्तीहि अनापत्तीति अत्थो । एत्थाह — उपनिक्खितसादियनादीसु, सब्बेसु च अकिरियसिक्खापदेसु न कायङ्गचोपनं वा वाचङ्गचोपनं वा, अपिचापत्ति, कस्मा इमस्मिंयेव सिक्खापदे अनापत्ति, न सब्बापत्तीहीति? न, कस्मा ।

कत्तब्बा साधिकं सिक्खा, विज्जति कायवाचिकं ।  
अकत्वा कायवाचाहि, अविज्जतीहि तं फुसे ॥

न लेसभावत्ता । सप्पाये आरम्भणे अट्टत्वा पटिलद्धासेवनं हुत्वा ततो परं सुट्ठु धावतीति **सन्धावति** । ततो अभिज्झाय सहगतं, ब्यापादसहगतं वा हुत्वा विसेसतो धावतीति **विधावति** ।

**१३७. वणं कत्वा गहेतुन्ति** एत्थ किञ्चापि इमिना सिक्खापदेन अनापत्ति, इत्थिरूपस्स नाम यत्थ आमसन्तस्स दुक्कटन्ति केचि । “कायपटिबद्धगहणं युत्तं, तं सन्धाय वट्टतीति वुत्तं”न्ति वदन्ति । उभयं विचारेत्वा गहेतब्बं ।

### कुससङ्कामनवत्थुकथावण्णना

**१३८. महापच्चरियादीसु** यं वुत्तं “पदुद्धारेनेव कारेतब्बो”ति, तं सुवुत्तं । किन्तु तस्स परिकप्पावहारकमत्तं न दिस्सतीति दस्सनत्थं इदं वुत्तं । उद्धारे वायं आपन्नो, तस्मा दिस्वा गच्छन्तो “पदुद्धारेनेव कारेतब्बो”ति इदं तत्थ दुवुत्तन्ति वुत्तं होति । कथं? “साटकत्थिको साटकपसिब्बकमेव गहेत्वा बहि निक्खमित्वा साटकभावं जत्वा ‘पच्छा गण्हिस्सामी’ति एवं परिकप्पेत्वा गण्हति, न उद्धारे एवापज्जति । यदा बहि ठत्वा ‘साटको अयं’न्ति दिस्वा गच्छति, तदा पदुद्धारेनेव कारेतब्बो”ति न वुत्तमेतं, किन्तु किञ्चापि परिकप्पो दिस्सति, पुब्बभागे अवहारक्खणे न दिस्सतीति न सो परिकप्पावहारो, अयमत्थो **महाअट्टकथायं** वुत्तोव, तस्मा “जायमेवा”ति वदन्ति । **कम्मन्तसाला** नाम कस्सकानं वनच्छेदकानं गेहानि । **अयं तावाति** सचे उपचारसीमन्तिआदि याव थेरवादो महाअट्टकथानयो, तत्थ **केचि पनाति**आदि न गहेतब्बं थेरवादत्ता युत्तिअभावतो, न हि साहत्थिके एवंविधा अत्थसाधकचेतना होति । आणत्तिके एव अत्थसाधकचेतना । “सेसं महापच्चरियं वुत्तेनत्थेन समेती”ति वुत्तं ।

कुससङ्कामनकरणे सचे परो “नायं मम सन्तको”ति जानाति, इतरस्स हत्थतो मुत्तमत्ते पाराजिकापत्ति खीलसङ्कामने विय । “अत्तनो सन्तकं सचे जानाति, न होती”ति वदन्ति । एवं सन्ते पच्चकानि सङ्करानि होन्तीति उपपरिक्खितब्बं ।

**१४०. परानुद्वयतायाति** एत्थ परानुद्वयताय कोटिप्पत्तेन भगवता कस्मा “अनापत्ति पेतपरिग्गहे तिरच्छानगतपरिग्गहे”ति (पारा० १३१) वुत्तन्ति चे? परानुद्वयताय एव । यस्स हि परिक्रारस्स आदाने राजानो चोरं गहेत्वा न हननादीनि करेय्युं, तस्मिम्पि नाम समणो गोतमो पाराजिकं पज्जपेत्वा भिक्खुं अभिक्खुं करोतीति महाजनो भगवति पसादज्जथत्तं आपज्जित्वा अपायुपगो होति । अपेतपरिग्गहिता रुक्खादी च दुल्लभा, न च सक्का जातुन्ति रुक्खादीहि पापभीरुको उपासकजनो पटिमाघरचेतियबोधिघरविहारादीनि अकत्वा महतो पुज्जक्खन्धतो परिहायेय्य । “रुक्खमूलसेनासनं पंसुकूलचीवरं निस्साय पब्बज्जा”ति (महाव० १२८) वुत्तनिस्सया च अनिस्सया होन्ति । परपरिग्गहितसज्जिनो हि भिक्खू रुक्खमूलपंसुकूलानि न सादियिस्सन्तीति, पब्बज्जा च न सम्भवेय्युं, सप्पदट्टकाले छारिकत्थाय रुक्खं अगगहेत्वा मरणं वा निगच्छेय्युं, अच्छिन्नचीवरादिकाले साखाभङ्गादिं अगगहेत्वा नग्गा हुत्वा तित्थियलद्धिमेव सुलद्धि विय दीपेन्ता विचरेय्युं, ततो तित्थियेस्वेव लोको पसीदित्वा दिट्ठिगगहणं पत्वा संसारखाणुको भवेय्य, तस्मा भगवा परानुद्वयताय एव “अनापत्ति पेतपरिग्गहे”तिआदिमाहाति वेदितब्बं ।

**१४१. अपरम्पि भागं देहीति** “गहितं विज्जत्तिसदिसत्ता नेव भण्डदेय्यं न पाराजिक”न्ति लिखितं, इदं पकतिजने युज्जति । “सचे पन सामिको वा तेन आणत्तो वा ‘अपरस्स सहायभिक्खुस्स भागं एस गण्हाति याचति वा’ति यं अपरभागं देति, तं भण्डदेय्य”न्ति वदन्ति ।

**१४८-९. खादन्तस्स भण्डदेय्यन्ति** चोरस्स वा सामिकस्स वा सम्पत्तस्स दिन्नं सुदिन्नमेव किर । **अविसेसेनाति** “उस्साहगतानं वा”ति अवत्वा वुत्तं, न हि कतिपयानं अनुस्साहताय सङ्घिकमसङ्घिकं होति । **महाअट्टकथायम्पि** “यदि सउस्साहाव

गच्छन्ति, थेय्यचित्तेन परिभुञ्जतो अवहारो होतीति वृत्तता तदुभयमेकं। छड्डितविहारे उपचारसीमाय पमाणं जानितुं न सक्का, अयं पन भिक्खु उपचारसीमाय बहि ठत्वा घण्टिपहरणादिं कत्वा परिभुञ्जति खादति, तेन एवं खादितं सुखादितन्ति अत्थो। “इतरविहारे तत्थ दित्तविधिनाव पटिपज्जितब्ब”न्ति वृत्तं। “सुखादितं अन्तोविहारत्ता”ति लिखितं, **आगतानागतानं सन्तकत्ता**ति “चातुदिसस्स सङ्खस्स देमी”ति दिन्नत्ता वृत्तं। एवं अवत्वा “सङ्खस्स देमी”ति दिन्नम्पि तादिसमेव। तथा हि बहि ठितो लाभं न लभति भगवतो वचनेनाति वेदितब्बं।

**१५३. “मतसूकरो”**ति वचनतो तमेव जीवन्तं भण्डदेय्यन्ति कत्वा दातुं न लभति। वज्झं वट्टतीति दीपितं होति। **मदन्तो गच्छति, भण्डदेय्यन्ति** एत्थ कित्तकं भण्डदेय्यं, न हि सक्का “एत्तका सूकरा मदित्वा गता गमिस्सन्ती”ति जानितुन्ति? यत्तके सामिकानं दिन्ने ते “दिन्नं मम भण्ड”न्ति तुस्सन्ति, तत्तकं दातब्बं। नो चे तुस्सन्ति, अतिक्कन्तसूकरमूलं दत्वा किं ओपातो खणित्वा दातब्बोति? न दातब्बो। अथ किं चोदियमानस्स उभिन्नं धुरनिक्खेपेन पाराजिकं होतीति? न होति, केवलं कप्पियपरिक्खारं दत्वा तोसेतब्बोव सामिको, एसेव नयो अज्जेसुपि एवरूपेसूति नो तक्कोति आचरियो। “तदहेव वा दुतियदिवसे वा मदन्तो गच्छती”ति वृत्तं। **गुम्बे खिपति, भण्डदेय्यमेवा**ति अवस्सं पविसनके सन्धाय वृत्तं। एत्थ एकस्मिं विहारे परचक्कादिभयं आगतं। **मूलवत्थुच्छेदन्ति** “सब्बसेनासनं एते इस्सरा”ति वचनतो इतरे अनिस्सराति दीपितं होति।

**१५६. आरामरक्खका**ति विस्सट्ठवसेन गहेतब्बं। **अधिप्पायं जत्वा**ति एत्थ यस्स दानं पटिग्गण्हन्तं भिक्खुं, भागं वा सामिका न रक्खन्ति न दण्डेन्ति, तस्स दानं अप्पटिच्छादेत्वा गहेतुं वट्टतीति इध सन्निट्ठानं। तम्पि “न वट्टति सङ्घिके”ति वृत्तं। **अयमेव भिक्खु इस्सरो**ति यत्थ सो इच्छति, तत्थ अत्तजातहेतुं लभति किर अत्थो। अपिच “दहरो”ति वदन्ति। **सवत्थुकन्ति** सह भूमियाति वृत्तं होति। “**गरुभण्डं होती**”ति वत्वा “**तिणमत्तं पन न दातब्बं**”न्ति वृत्तं, तं किन्तु गरुभण्डन्ति चे, अरक्खियअगोपियट्ठाने, विनस्सनकभावे च ठितं सन्धाय वृत्तं। **कप्पियेपि चा**ति वत्वा, अवत्वा वा गहणयुत्ते मातादिसन्तकेपि थेय्यचित्तुप्पादेन। इदं पन सिक्खापदं “राजापिमेसं अभिप्पसन्नो”ति (पारा० ८६) वचनतो लाभगमहत्तं, वेपुल्लमहत्तञ्च पत्तकाले पञ्जत्तन्ति सिद्धं।

दुतियपाराजिकवण्णना निट्ठिता।

### ३. ततियपाराजिकं

#### पठमपञ्जत्तिनिदानवण्णना

**१६२. तीहि सुद्धेना**ति एत्थ तीहीति निस्सक्कवचनं वा होति, करणवचनं वा। निस्सक्कपक्खे कायवचीमनोद्वारेहि सुद्धेन। तथा दुच्चरितमलेहि विसमेहि पपञ्चेहीतिआदिना नयेन सब्बकिलेसत्तिकेहि बोधिमण्डे एव सुद्धेनाति योजेतब्बं। करणपक्खे तीहीति कायवचीमनोद्वारेहि सुद्धेन। तथा तीहि सुचरितेहि, तीहि विमोक्खेहि, तीहि भावनाहि, तीहि सीलसमाधिपञ्चाहि सुद्धेनाति सब्बगुणत्तिकेहि योजेतब्बं। **विभावितन्ति** देसनाय वित्थारितं, विभूतं वा कतं विहितं, पञ्जत्तं वा होति। **संवण्णना**ति वत्तमानसमीपे वत्तमानवचनं।

न केवलं राजगहमेव, इदम्पि नगरं। **सपरिच्छेदन्ति** सपरियन्तन्ति अत्थो। सपरिक्खेपन्ति एके। “**हंसवट्टकच्छदनेना**ति हंसपरिक्खेपसण्ठानेना”ति लिखितं। **कायविच्छिन्दनियकथन्ति** अत्तनो अत्तभावे, परस्स वा अत्तभावे छन्दरागण्हानकरं विच्छिन्दनकरं धम्मकथं कथेति। **असुभा चेव** सुभाकारविरहितत्ता। **असुचिनो च** दोसनिस्सन्दनपभवत्ता। **पटिकूला च** जिगुच्छनीयत्ता पित्तसेम्हादीसु आसयतो। **असुभाय वण्णन्ति** असुभाकारस्स, असुभकम्मट्ठानस्स वा वित्थारं भासति। सामिअत्थे हेतं सम्पदानवचनं। **असुभन्ति** असुभनिमित्तस्स आविभावाय पच्चुपट्ठानाय वित्थारकथासङ्घातं वण्णं भासभीति अत्थो। तेसंयेव आदिमज्झपरियोसानानं दसहि लक्खणेहि सम्पन्नं किलेसचोरेहि अनभिभवनीयत्ता ज्ञानचित्तं **मज्जूसं** नाम।

तत्रिमानिति एत्थायं पिण्डत्थो — यस्मिं वारे पठमं ज्ञानं एकचित्तकखणिकं उपपज्जति, तं सकलम्पि जवनवारं अनुलोमपरिकम्मउपचारगोत्रभुअप्पनाप्पभेदं एकत्तनयेन “पठमं ज्ञानं”न्ति गहेत्वा तस्स पठमज्झानस्स अप्पनापटिपादिकाय खिप्पादिभेदाय अभिज्जाय अधिगताय किच्चनिष्फत्तिं उपादाय आगमनवसेन पटिपदाविसुद्धि आदीति वेदितब्बा । तत्रमज्झत्तुपेक्खाय किच्चनिष्फत्तिवसेन उपेक्खानुबूहना मज्झेति वेदितब्बा । परियोदापकज्जाणस्स किच्चनिष्फत्तिवसेन सम्पहंसना परियोसानन्ति वेदितब्बं । तत्थ आदिचित्ततो पट्टाय याव पठमज्झानस्स उप्पादकखणं, एतस्मिं अन्तरे पटिपदाविसुद्धीति वेदितब्बा । उप्पादठितिकखणेषु उपेक्खानुबूहना, ठितिभङ्गकखणेषु सम्पहंसनाति वेदितब्बा । लक्खीयति एतेनाति लक्खणन्ति कत्वा “विसुद्धिपटिपत्तिपक्खन्दने”तिआदिना पुब्बभागो लक्खीयति, तिविधेन अज्झुपेक्खनेन मज्झं लक्खीयति, चतुब्बिधाय सम्पहंसनाय परियोसानं लक्खीयतीति । तेन वुत्तं “दस लक्खणानी”ति ।

पारिबन्धकतोति नीवरणसङ्घातपारिबन्धकतो विसुद्धता गोत्रभुपरियोसानं पुब्बभागजवनचित्तं “चित्तविसुद्धी”ति वुच्चति । तथा विसुद्धता तं चित्तं मज्झिमं समाधिनिमित्तसङ्घातं अप्पनासमाधिं तदत्थाय उपगच्छमानं एकसन्ततिवसेन परिणामेन्तं पटिपज्जति नाम । एवं पटिपन्नस्स तस्स तत्थ समथनिमित्ते पक्खन्दनं तब्भावूपगमनं होतीति कत्वा “तत्थ चित्तपक्खन्दनं”न्ति वुच्चति । एवं ताव पठमज्झानुप्पादकखणे एव आगमनवसेन पटिपदाविसुद्धि वेदितब्बा । एवं विसुद्धस्स अप्पनाप्पत्तस्स पुन विसोधने ब्यापाराभावा अज्झुपेक्खनं होति । समथप्पटिपन्नत्ता पुन समाधाने ब्यापाराभावा च समथप्पटिपन्नस्स अज्झुपेक्खनं होति । किलेससंसर्गं पहाय एकन्तेन उपट्टितत्ता पुन एकत्तुपट्टाने ब्यापारासम्भवतो एकत्तुपट्टानस्स अज्झुपेक्खनं होति । तत्थ जातानन्ति तस्मिं चित्ते जातानं समाधिपज्ज्ञानं युगनद्धभावेन अनतिवत्तनट्टेन नानाकिलेसेहि विमुत्तत्ता । सद्धादीनं इन्द्रियानं विमुत्तिरसेनेकरसट्टेन अनतिवत्तनेकसभावानं तेसं द्विनं उपगतं तज्जं तस्सारूपं तदनुरूपं वीरियं तथा चित्तं योगी वाहेति पवत्तेतीति कत्वा तदुपगवीरियवाहनट्टेन च विसेसभागियभावत्ता आसेवनट्टेन च सम्पहंसना होतीति अत्थो वेदितब्बो । अपिचेत्थ “अनन्तरातीतं गोत्रभुचित्तं एकसन्ततिवसेन परिणामेन्तं पटिपज्जति नामा”ति लिखितं । तत्थ हि परिणामेन्तं पटिपज्जतीति एतानि वचनानि अतीतस्स न सम्भवन्ति, यच्च तदनन्तरं लिखितं “अप्पनासमाधिचित्तं उपगच्छमानं गोत्रभुचित्तं तत्थ पक्खन्दति नामा”ति । इमिनापि तं न युज्जति, “पटिपत्तिकखणे एव अतीत”न्ति वुत्तत्ता “गोत्रभुचित्तं तत्थ पक्खन्दती”ति वचनमेव विरुज्जतीति आचरियो । “एकचित्तकखणिकम्पि लोकुत्तरचित्तं आसेवति भावेति बहुलीकरोती”ति वुत्तत्ता “एकचित्तकखणिकस्सापि ज्ञानस्स एतानि दस लक्खणानी”ति वुत्तं । “ततो पट्टाय आसेवना भावना एवा”तिपि वुत्तं । “अधिट्टानसम्पन्नन्ति अधिट्टानेन सहगत”न्ति लिखितं । तस्सत्थो — यच्च “आदिमज्झपरियोसानसङ्घात”न्ति वुत्तं, तं तेसं तिण्णम्पि कल्याणकताय समन्नागतत्ता तिविधकल्याणकतज्जं । एवं तिविधचित्तं तदधिगममूलकानं गुणानं, उपरिज्ञानाधिगमस्स वा पदट्टानट्टेन अधिट्टानं होति, तस्मा चित्तस्स अधिट्टानभावेन सम्पन्नत्ता अधिट्टानसम्पन्नं नामाति ।

अद्धमासं पटिसल्लीयितुन्ति एत्थ आचरिया एवमाहु “भिक्षून् अज्जमज्जवधदस्सनसवनसम्भवे सत्थुनो सति तस्स उपदवस्स अभावे उपायाजाननतो ‘अयं असब्बज्जू’ति हेतुपतिरूपकमहेतुं वत्वा धम्मिस्सरस्सापि तथागतस्स कम्मेस्वनिस्सरियं असम्बुज्जमाना असब्बदस्सितमधिच्चमोहा बहुजना अवीचिपरायना भवेय्युं, तस्मा सो भगवा पगेव तेसं भिक्षून् अज्जमज्जं वधमानभावं जत्वा तदभावोपायाभावं पन सुविनिच्छित्तिना तत्थ पुत्थुज्जनानं सुगतिलाभहेतुमेवेकं कत्वा असुभदेसनाय वा रूपसद्वदस्सनसवनेहि निप्पयोजनेहि विरमित्वा पगेव ततो विरमणतो, सुगतिलाभहेतुकरणतो, अवस्सं पज्जापितब्बाय ततियपाराजिकपज्जत्तिया वत्थागमदस्सनतो च अत्तनो सब्बदस्सितं परिकखकानं पकासेन्तो विय तमद्धमासं वेनेय्यहितनिष्फत्तिया फलसमापत्तिया अवकासं कत्वा विहरितुकामो ‘इच्छामहं, भिक्षवे, अद्धमासं पटिसल्लीयितु’न्तिआदिमाहा”ति । आचरिया नाम बुद्धमित्तत्थेरधम्मसिरित्थेरउपतिस्सत्थेरादयो गणपामोक्खा, अट्टकथाचरियस्स च सन्तिके सुतपुब्बा । ततो अज्जे एकेति वेदितब्बा । “सकेन कायेन अट्टीयन्ति...पे०... भविस्सन्ती”ति इदं परतो “ये ते भिक्षू अवीतरागा, तेसं तस्मिं समये होति एव भयं, होति लोमहंसो, होति छम्भित्तं”न्ति इमिना न युज्जति, इदञ्च भगवतो असुभकथारम्मणप्पयोजनेन न समेतीति चे? न, तदत्थाजाननतो । सकेन कायेन अट्टीयन्तानम्पि तेसं अरियमग्गेन अप्पहीनसिनेहत्ता खीणासवानं विय मरणं पटिच्च अभयं न होति, भयञ्च पन असुभभावानानुयोगानुभावेन मन्दीभूतं अनट्टीयन्तानं विय न महन्तं हुत्वा चित्तं मोहेसि । अपायुपगे ते सत्ते नाकासीति



एवमत्थो वेदितव्वो। अथ वा इदं पुरिमस्स कारणवचनं, यस्मा तेसं तस्मिं समये होति एव भयं, छम्भितत्तं, लोमहंसो च, तस्मा “तेन खो पन समयेन भगवा असुभकथं कथेती”तिआदि वुत्तन्ति।

अथ वा सकेन कायेन अट्टीयन्तानमपि तेसं होति एव भयं, महानुभावा वीतरागाति खीणासवानं महन्तं विसेसं दस्सेति, अतिदुष्पसहेय्यमिदं मरणभयं, यतो एवंविधानमपि अवीतरागत्ता भयं होतीतिपि दस्सेति। तदञ्जे तेसं भिक्खूनं पञ्चसतानं **अञ्जतरा**। तेनेदं दीपेति “तं तथा आगतं असिहत्यं वधकं पस्सित्वा तदञ्जेसमपि होति एव भयं, पगेव तेसन्ति कत्वा भगवा पठममेव तेसं असुभकथं कथेसि, परतो तेसं नाहोसि। एवं महानिसंसा नेसं असुभकथा आसी”ति। यो पनेत्थ पच्छिमो नयो, सो “तेसु किर भिक्खूसु केनचपि कायविकारो वा वचीविकारो वा न कतो, सब्बे सता सम्पजाना दक्खिणेन पस्सेन निपज्जिंसू”ति इमिना अट्टकथावचनेन समेति।

**अपरे पनाहूति** कुलद्धिपटिसेधनत्थं वुत्तं। “अयं किर लद्धी”ति वचनं “मारधेय्यं नातिक्कमिस्सती”ति वचनेन विरुज्झतीति चे? न विरुज्झति। कथं? अयं भिक्खू अघातेन्तो मारविसयं अतिक्कमिस्सति अकुसलकरणतो च। घातेन्तो पन मारधेय्यं नातिक्कमिस्सति बलवत्ता कम्मस्साति सयं मारपक्खिकत्ता एवं चिन्तेत्वा पन “ये न मता, ते संसारतो न मुत्ता”ति अत्तनो च लद्धि, तस्मा तं तत्थ उभयेसं मग्गे नियोजेन्ती एवमाह, तेनेव “मारपक्खिका मारेन समानलद्धिका”ति अवत्वा “मारस्सा नुवत्तिका”ति वुत्ता। “इमिना किं वुत्तं होति? यस्मा मारस्स अनुवत्ति, तस्मा एवं चिन्तेत्वापि अत्तनो लद्धिवसेन एवमाहा”ति केचि लिखन्ति। मम सन्तिके एकतो उपट्टानमागच्छन्ति, अत्तनो अत्तनो आचरियुपज्झायानं सन्तिके उद्देसादिं गण्हाति।

### आनापानस्सतिसमाधिकथावण्णना

**१६५. अयमपि खो, भिक्खवेति** इमिना किं दस्सेति? येसं एवमस्स “भगवता आचिक्खितकम्मट्टानानुयोगपच्चया तेसं भिक्खूनं जीवितक्खयो आसी”ति, तेसं तं मिच्छागाहं निसेधेति। केवलं तेसं भिक्खूनं पुब्बे कतकम्मपच्चयाव जीवितक्खयो आसि, इदं पन कम्मट्टानं तेसं केसज्जि अरहत्तप्पत्तिया, केसज्जि अनागामिसकदागामिसोतापत्तिफलप्पत्तिया, केसज्जि पठमज्झानाधिगमाय, केसज्जि विक्खम्भनतदङ्गप्पहानेन अत्तसिनेहपअयादानाय उपनिस्सयो हुत्वा, केसज्जि सुगतियं उप्पत्तिया उपनिस्सयो अहोसीति सात्थिकाव मे असुभकथा, किन्तु “साधु, भन्ते भगवा, अञ्जं परियायं आचिक्खतू”ति आनन्देन याचितत्ता अञ्जं परियायं आचिक्खामि, यथा वो पुब्बे आचिक्खितअसुभकम्मट्टानानुयोगा, एवं अयमपि खो भिक्खवेति योजना वेदितव्वा। “**अस्सासवसेन उपट्टानं सती**”ति वुत्तं। सा हि तं अस्सासं, पस्सासं वा आरम्मणं कत्वा पुब्बभागे, अपरभागे पन अस्सासपस्सासपभवनिमित्तं आरम्मणं कत्वा उपट्टातीति च तथा वुत्ता।

असुभे पवत्तं असुभन्ति वा पवत्तं भावनाकम्मं असुभकम्मं, तदेव अञ्जस्स पुनप्पुनं उप्पज्जनकस्स कारणट्ठेन ठानत्ता **असुभकम्मट्टानं**, आरम्मणं वा असुभकम्मस्स पदट्टानट्ठेन ठानन्ति असुभकम्मट्टानन्ति इध असुभज्झानं, तेनेव “**ओळारिकारम्मणत्ता**”ति वुत्तं। **पटिवेधवसेना**ति वितक्कादिअङ्गपटिलाभवसेन। **आरम्मणसन्तताया**ति अनुक्कमेन सन्तकालं उपादाय वुत्तकायदरथपटिपस्सद्धिवसेन निब्बुतो। **परिकम्मं वा**ति कसिणपरिकम्मं किर निमित्तुप्पादपरियोसानं। तदा हि निरस्सादत्ता असन्तं, अप्पणिहितज्ज्यं। यथा उपचारे नीवरणविगमेन, अङ्गपातुभावेन च **सन्तता** होति, न तथा इध, इदं पन “**आदिसमन्नाहारतो**”ति वुत्तं। दुतियविकप्पे **असेचनको**ति अतित्तिकरो, तेन वुत्तं “**ओजवन्तो**”ति। चेतसिकसुखं ज्ञानक्खणेपि अत्थि, एवं सन्तेपि “उभोपि ज्ञाना वुट्ठितस्सेव गहेतव्वा”ति वुत्तं। समथेन सकसन्ताने **अविक्खम्भिते**। इतरथा पापकानं ज्ञानेन सहुप्पत्ति सिया। खन्धादीनं लोकुत्तरपादकत्ता **निब्बेधभागियं**, विसेसेन यस्स निब्बेधभागियं होति, तं सन्धाय वा। “अनिच्चानुपस्सीतिआदिचतुक्कवसेन अनुपुब्बेन अरियमग्गवुट्ठिप्पत्तो समुच्छिन्दति, सेसानमेतं नत्थी”ति लिखितं।

**तथाभावपटिसेधनो चा**ति सोळसवत्थुकस्स तिथियानं नत्थिताय वुत्तं। सब्बपठमानं पन चतुन्नं पदानं वसेन लोकियज्झानमेव तेसं अत्थि, तस्मिं लोकुत्तरपदट्टानं नत्थि एव। “**फलमुत्तमन्ति फले उत्तम**”न्ति वुत्तं। **उत्तुत्तयानुकूलन्ति** गिम्हे

अरञ्जे, हेमन्ते रुक्खमूले, वसन्तकाले सुज्जागारे गतो । सेम्हधातुकस्स अरञ्जं, पित्तधातुकस्स रुक्खमूलं, वातधातुकस्स सुज्जागारं अनुकूलं । मोहचरितस्स अरञ्जं अनुकूलं महाअरञ्जे चित्तं न सङ्कुटति, दोसचरितस्स रुक्खमूलं, रागचरितस्स सुज्जागारं । ठानचङ्कमानि उद्धच्चपक्खिकानि, सयनं लीनपक्खिकं, पल्लङ्काभुजनेन निसज्जाय दब्धभावं, उजुकायं पणिधानेन अस्सासपस्सासानं पवत्तनसुखं “परिमुखं सति”न्ति इमिना आरम्भणपरिग्गहूपायं दस्सेति । **कारी**ति करणसीलो । एतस्स विभङ्गे “अस्ससति पस्ससती”ति अवत्वा “**सतो कारी**”ति वुत्तं । तस्मा “अस्ससति पस्ससती”ति वुत्ते “पठमचतुक्कं एव लब्धति, न सेसानी”ति च “**दीघंअस्सासवसेना**ति अलोपसमासं कत्वा”इति च “एकत्थताय अविकखेप”न्ति च “असम्भोगवसेन पजानतो”ति च “तेन जाणेना”ति च “**पजानतो**ति वुत्तजाणेना”ति च “**सतोकारी**ति सतिसम्पजज्जाहिकारी”ति च “पटिनिस्सग्गानुपस्सिनो अस्सासाव पटिनिस्सग्गानुपस्सिअस्सासा”ति च लिखितं । **उप्पटिपाटिया** आगतम्पि युज्जतेव, तेन ठानेन पटिसिद्धं । **तालुं आहच्च** निब्बायनतो किर पोतको सम्पतिजातोव खिपितसद्वं करोति, छन्दपामोज्जवसेन छ पुरिमा तयोति **नव** । **एकेनाकारेना**ति अस्सासवसेन वा पस्सासवसेन वा एवं आनापानस्सतिं भावयतो काये **कायानुपस्सनासतिकम्पट्टानभावना** सम्पज्जति ।

**कायो**ति अस्सासपस्सासा । उपट्टानं सति । **दीघन्ति** सीधं गतं अस्सासपस्सासं । **अब्धानसङ्घाते**ति कालसङ्घाते विय कालकोट्टासेति अत्थो, दीघकाले वाति अत्थो । एको हि अस्सासमेवूपलक्खेति, एको पस्सासं, एको उभयं, तस्मा “विभागं अकत्वा”ति वा वुत्तं, **छन्दो**ति एवं अस्सासतो, पस्सासतो च अस्सादो उप्पज्जति, तस्स वसेन कत्तुकम्यताछन्दो उप्पज्जति । ततो **पामोज्जन्ति** । अस्सासपस्सासानं दुविज्जेय्यविसयत्ता **चित्तं विवत्तति**, गणनं पहाय फुट्टट्टानमेव मनसि करोन्तस्स केवलं **उपेक्खाव सण्ठाति** । **चत्तारो वण्णा**ति “पत्तस्स तयो वण्णा”तिआदीसु विय चत्तारो सण्ठानाति अत्थो ।

**तथाभूतस्सा**ति आनापानस्सतिं भावयतो । **संवरो**ति सतिसंवरो । अथ वा पठमेन ज्ञानेन नीवरणानं, दुतियेन वितक्कविचारानं, ततियेन पीतिया, चतुत्थेन सुखदुक्खानं, आकासानज्वायतनसमापत्तिया रूपसज्जाय, पटिघसज्जाय, नानत्तसज्जाय वा पहां । “सीलन्ति वेरमणि सीलं, चेतना सीलं, संवरो सीलं, अवीतिककमो सील”न्ति (पटि० म० १.३९ थोकं विसदिसं) वुत्तविधिनापेत्थ अत्थो दट्ठब्बो । “अत्थतो तथा तथा पवत्तधम्मा उपधारणसमाधानसङ्घातेन सीलनट्टेन सीलन्ति वुच्चन्ती”ति वुत्तं । तथा “अयं इमस्मिं अत्थे अधिपेता सिक्खा”ति एत्थापि चेतनासीलमेव, कत्थचि विरतिसीलम्पीति अत्थो दट्ठब्बो । अज्जथा पण्णत्तिवज्जेसुपि सिक्खापदेसु विरतिप्पसङ्गो अहोसि, पातिमोक्खसंवरोसंवृतो विहरतीति कत्वा तस्सापि विरतिप्पसङ्गो । **तस्मिं आरम्भणे**ति आनापानारम्भणे । **ताय सतिया**ति तत्थ उप्पन्नसतिया । “**तेन मनसिकारेना**ति आवज्जनेना”ति लिखितं । एतेन नानावज्जनप्पवत्तिदीपनतो नानाजवनवारेहिपि सिक्खति नामाति दीपितं होति, येन पन मनसिकारेन वा । **जाणुप्पादनादीसू**ति एत्थ आदिसद्वेन याव परियोसानं वेदितव्वं । “**तत्रा**ति तस्मिं आनापानारम्भणे । **एवन्ति** इदानी वत्तव्वनयेना”ति लिखितं । **तत्रा**ति तेसं अस्सासपस्सासानं वा । तज्झि “पुब्बे अपरिग्गहितकाले”ति इमिना सुट्ठु समेति । “पठमवादो दीघभाणकानं । ते हि ‘पठमज्झानं लभित्वा नानासने निसीदित्वा दुतियत्थाय वायामतो उपचारे वितक्कविचारवसेन ओळारिकचित्तप्पवत्तिकाले पवत्तअस्सासपस्सासवसेन ओळारिका”ति वदन्ति । ‘मज्झिमभाणका ज्ञानलाभिस्स समापज्जनकाले, एकासनपटिलाभे च उपरूपरि चित्तप्पवत्तिया सन्तभावतो पठमतो दुतियस्सुपचारे सुखुमतं वदन्ती””ति लिखितं ।

**विपस्सनायं पना**ति चतुधातुववत्थानमुखेन अभिनिविट्टस्स अयं कमो, अज्जस्स चाति वेदितव्वं । एत्तकं रूपं, न इतो अज्जन्ति दस्सनं सन्धाय “**सकरूपपरिग्गहे**”ति वुत्तं । **रूपारूपपरिग्गहे**ति एत्थ अनिच्चतादिलक्खणारम्भणिकभङ्गानुपस्सनतो पभुति बलवती विपस्सना । **पुब्बे वुत्तनयेना**ति सब्बेसंयेव पन मतेन अपरिग्गहितकालेतिआदिना । **सोधना** नाम विस्सज्जनं । **अस्सा**ति “पस्सम्भयं कायसङ्खार”न्ति पदस्स ।

पुरतो नमना **आनमना** । तिरियं नमना **विनमना** । सुट्ठु नमना **सन्नमना** । पच्छा नमना **पणमना** । जाणुके गहेत्वा ठानं विय **इज्जना**ति आनमनादीनं आविभावत्थमुत्तन्ति वेदितव्वं । यथारूपेहि आनमनादि वा कम्पनादि वा होति, तथारूपे पस्सम्भयन्ति

सम्बन्धो । इति किराति इति चे । एवं सन्तेति सन्तसुखमम्पि चे पस्सम्भति । पभावनाति उप्पादनं । अस्सासपस्सासानं वूपसन्तत्ता आनापानस्सतिसमाधिस्स भावना न होति । यस्मा तं नत्थि, तस्मा न समापज्जति, समापत्तिया अभावेन न वुट्ठहन्ति । इति किराति एवमेतं ताव वचनन्ति तदेतं । सद्दोव सद्दनिमित्तं, “सतो अस्ससति सतो पस्ससती”ति पदानि पतिट्ठपेत्वा द्वत्तिसपदानि चत्तारि चतुक्कानि वेदितब्बानि ।

अप्पटिपीळनन्ति तेसं किलेसानं अनुप्पादनं किञ्चापि चेतियङ्गणवत्तादीनिपि अत्थतो पातिमोक्खसंवरसीले सङ्गहं गच्छन्ति “यस्स सिया आपत्ती”ति (महाव० १३४) वचनतो । तथापि “न ताव, सारिपुत्त, सत्था सावकानं सिक्खापदं पज्जपेति उट्ठिसति पातिमोक्खं, याव न इधेक्कच्चे आसवट्ठानीया धम्मा सङ्गे पातुभवन्ती”ति एत्थ अनधिप्पेतत्ता “आभिसमाचारिक”न्ति वुत्तं । “यं पनेत्थ आपत्तिट्ठानियं न होति, तं अमिस्समेवा”ति वुत्तं ।

यथावुत्तेनाति योगानुयोगकम्मस्स पदट्ठानत्ता । सल्लहुकवुत्ति अट्ठपरिक्खारिको । पञ्चसन्धिकं कम्मट्ठानन्ति एत्थ ज्ञानम्पि निमित्तम्पि तदत्थजोतिकापि परियत्ति इध कम्मट्ठानं नाम । गमनागमनसम्पन्नतादि सेनासनं । संकिलिट्ठचीवरधोवनादयो खुद्दकपलिबोधा । “अन्तरा पतितं नु खो”ति विकम्पति ।

अज्झत्तं विक्खेपगतेनाति नियकज्झत्ते विक्खेपगतेन । सारद्धा असमाहितत्ता । उपनिबन्धनथम्भमूलं नाम नासिकगं, मुखनिमित्तं वा । तत्थेवाति नासिकग्गादिनिमित्ते । “दोलाफलकस्स एकपस्से एव उभो कोटियो मज्झञ्च पस्सती”ति वदन्ति ।

इध पनाति ककचूपमे । देसतोति फुसनकट्ठानतो । “निमित्तं पट्ठपेतब्बन्ति निमित्ते सति पट्ठपेतब्बा”ति वुत्तं । गरुहि भावेतब्बत्ता गरुकभावनं । एकच्चे आहूति एकच्चे ज्ञायिनो आहु ।

“सज्जानानताया”ति वचनतो एकच्चेहि वुत्तम्पि पमाणमेव, सङ्गीतितो पट्ठाया अट्ठकथाय अनागतत्ता तथा वुत्तं । “मय्हं तारकरूपं नु खो उपट्ठाती”तिआदिपरिकप्पे असतिपि धातुनानत्तेन एतासं धातून् उप्पत्ति विय केवलं भावयतो तथा तथा उपट्ठाति । “न निमित्त”न्ति वत्तुं न वट्ठति सम्पजानमुसावादत्ता”ति वुत्तं । कम्मट्ठानन्ति इध वुत्तपटिभागनिमित्तमेव ।

निमित्ते पटिभागे । नानाकारन्ति “चत्तारो वण्णा वत्तन्ती”ति वुत्तनानाविधतं । विभावयन्ति जानं पकासयं । अस्सासपस्सासेति ततो सम्भूते निमित्ते, अस्सासपस्सासे वा नानाकारं । निमित्ते हि चित्तं ठपेन्तोव नानाकारतज्ज विभावेति, अस्सासपस्सासे वा सकं चित्तं निबन्धतीति वुच्चति । तारकरूपादिवण्णतो । कक्खळत्तादिलक्खणतो ।

अट्ठकथासु पटिक्खित्तन्ति आसन्नभवङ्गत्ताति कारणं वत्त्वा सीहळट्ठकथासु पटिक्खित्तं । कस्मा? यस्मा छट्ठे, सत्तमे वा अप्पनाय सति मग्गवीथियं फलस्स ओकासो न होति, तस्मा । इध होतूति चे? न, लोकियप्पनापि हि अप्पनावीथिम्हि लोकुत्तरेन समानगतिकावाति पटिलद्धज्झानोपि भिक्खु दिट्ठधम्मसुखविहारत्थाय ज्ञानं समापज्जित्वा सत्ताहं निसीदितुकामो चतुत्थे, पञ्चमे वा अप्पेत्वा निसीदति, न छट्ठे, सत्तमे वा । तत्थ हि अप्पना । ततो परं अप्पनाय आधारभावं न गच्छति । आसन्नभवङ्गत्ता चतुत्थं, पञ्चमं वा गच्छति थले ठितघटो विय जवनानमन्तरे ठितत्ताति किर आचरियो ।

पुथुत्तारम्मणानि अनावज्जित्वा ज्ञानज्ञानेव आवज्जनं आवज्जनवसी नाम । ततो परं चतुन्नं, पञ्चन्नं वा पच्चवेक्खणचित्तानं उप्पज्जनं, तं पच्चवेक्खणवसी नाम । तेनेव “पच्चवेक्खणवसी पन आवज्जनवसिया एव वुत्ता”ति वुत्तं । समापज्जनवसी नाम यत्तकं कालं इच्छति तत्तकं समापज्जनं, तं पन इच्छितकालपरिच्छेदं पतिट्ठापेतुं समत्थताति । “अधिट्ठानवसिया वुट्ठानवसिनो अयं नानत्तं अधिट्ठानानुभावेन जवनं जवति, वुट्ठानानुभावेन पन अधिप्पेततो अधिकं जवती”तिपि वदन्ति । अपिच पथवीकसिणादिआरम्मणं आवज्जित्वा जवनञ्च जवित्वा पुन आवज्जित्वा ततो पञ्चमं ज्ञानं चित्तं होति, अयं किर उक्कट्ठपरिच्छेदो । भगवतो पन आवज्जनसमनन्तरमेव ज्ञानं होतीति सब्बं अनुगण्ठपदे वुत्तं ।

“वत्थुन्ति हृदयवत्थुं। द्वारन्ति चकखादि। आरम्भणन्ति रूपादी”ति लिखितं। यथापरिगृहीतरूपारम्भणं वा विज्जाणं पस्सति, अज्जथापि पस्सति। कथं? “यथापरिगृहीतरूपवत्थुद्वारारम्भणं वा”ति वुत्तं। यथापरिगृहीतरूपेषु वत्थुद्वारारम्भणानि यस्स विज्जाणस्स, तं विज्जाणं यथापरिगृहीतरूपवत्थुद्वारारम्भणं तम्पि पस्सति, एकस्स वा आरम्भणसदस्स लोपो दट्ठब्बोति च मम तक्को विचारेत्वाव गहेतब्बो।

ततो परं तीसु चतुक्केसु द्वे द्वे पदानि एकमेकं कत्वा गणेत्तब्बं। समथेन आरम्भणतो विपस्सनावसेन असम्मोहतो पीतिपटिसंवेदनमेत्थ वेदितब्बं। “दुक्खमेतं जाण”न्तिआदीसु पन “आरम्भणतो असम्मोहतो”ति यं वुत्तं, इध ततो वुत्तनयतो उप्पटिपाटिया वुत्तं। तत्थ हि येन मोहेन तं दुक्खं पटिच्छन्नं, न उपट्ठाति, तस्स विहतत्ता वा एवं पवत्ते जाणे यथारुचि पच्चवेक्खितुं इच्छित्तिच्छित्तकाले समत्थभावतो वा दुक्खादीसु तीसु असम्मोहतो जाणं वुत्तं। निरोधे आरम्भणतो तंसम्पयुत्ता पीतिपटिसंवेदना असम्मोहतो न सम्भवति मोहप्पहानाभावा, पटिसम्भिदापाळिविरोधतो च। तत्थ “दीघं अस्सासवसेना”तिआदि आरम्भणतो दस्सेतुं वुत्तं। **ताय सतिया तेन जाणेन सा पीति पटिसंविदिता होति** तदारम्भणस्स पटिसंविदितत्ताति एत्थ अधिप्पायो। “आवज्जतो”तिआदि असम्मोहतो पीतिपटिसंवेदनं दस्सेतुं वुत्तं। अनिच्चादिवसेन जानतो, पस्सतो, पच्चवेक्खतो च। तदधिमुत्ततावसेन अधिट्ठहतो, अधिमुच्चतो, तथा वीरियादिं समादहतो खणिकसमाधिना।

**अभिज्जेय्यन्ति** जातपरिज्जाय। **परिज्जेय्यन्ति** तीरणपरिज्जाय। सब्बजिह्वं दुक्खसच्चं अभिज्जेय्यं, परिज्जेय्यञ्च। तत्र चायं पीतीति लिखितं। **अभिज्जेय्यन्ति**आदि मग्गक्खणं सन्धायाहाति वुत्तं। मग्गेन असम्मोहसङ्घातविपस्सनाकिच्चनिष्फत्तितो मग्गोपि अभिज्जेय्यादिआरम्भणं करोन्तो विय वुत्तो। **विपस्सनाभूमिदस्सनत्थन्ति** समथे कायिकसुखाभावा वुत्तं। **द्वीसु चित्तसङ्घारपदेसूति** चित्तसङ्घारपटिसंवेदी...पे०... सिक्खति पस्सम्भयं चित्तसङ्घारपटिसंवेदी...पे०... सिक्खतीति एतेसु। मोदनादि सब्बं पीतिवेवचनं। अनिच्चानुपस्सनादि किलेसे, तम्मूलके खन्धाभिसङ्घारे। **एवं भावितोति** न चतुक्कपञ्चकज्झाननिब्बत्तनेन भावितो। एवं सब्बाकारपरिपुण्णं कत्वा भावितो। विपस्सनामग्गपच्चवेक्खणकालेसुपि पवत्तअस्सासमुखेनेव सब्बं दस्सितं उपायकुसलेन भगवता।

**१६८. कस्मा इदं वुच्चति** अम्हेहीति अधिप्पायो।

### पदभाजनीयवण्णना

**१७२. उस्सुक्कवचनन्ति** पाकटसद्वसज्जा किर, समानकपदन्ति वुत्तं होति। “सुत्वा भुज्जन्ती”ति एत्थ विय सज्जिच्च वीरोपेतुकामस्स सज्जिच्चपदं वीरोपनपदस्स उस्सुक्कं, सज्जेतना च जीविता वीरोपनञ्च एकस्सेवाति वुत्तं होति। न केवलं चेतसिकमत्तेनेव होति, पयोगोपि इच्छितब्बो एवाति दस्सेतुं वुत्तानीति किर **उपतिस्सत्थेरो**। “जानित्वा सज्जानित्वा चेच्च अभिवितरित्वा”ति वत्तब्बे “जानन्तो...पे०... वीतिक्कमो”ति वीरोपनम्पि दस्सितं, तस्मा ब्यज्जने आदरं अकत्वा अत्थो दस्सितो। वीतिक्कमसङ्घातत्थसिद्धिया हि पुरिमचेतना अत्थसाधिका होति। **सब्बसुखुमअत्तभावन्ति** रूपं सन्धाय वुत्तं, न अरूपं। अत्तसङ्घातानजिह्वं अरूपानं **खन्धविभङ्गे** (विभ० १ आदयो) विय इध ओळारिकसुखुमता अनधिप्पेता। **मातुकुच्छिस्मिन्ति** येभ्युवचनं, ओपपातिकमनुस्सेपि पाराजिकमेव, अरूपकाये उपक्कमाभावा तग्गहणं कस्माति चे? अरूपक्खन्धेन सिद्धिं तस्सेव रूपकायस्स जीवितिन्द्रियसम्भवतो। तेन सजीवकोव मनुस्सविग्गहोपि नाम होतीति सिद्धं। एत्थ **मातुकुच्छिस्मिन्ति** मनुस्समातुया वा तिरच्छानमातुया वा। वुत्तजिह्वं **परिवारे** (परि० ४८०) —

“इत्थिं हने च मातरं, पुरिसञ्च पितरं हने।

मातरं पितरं हन्त्वा, न तेनानन्तरं फुसे।

पज्हा मेसा कुसलेहि चिन्तिता”ति॥

**पठमन्ति** पटिसन्धिचित्तमेव । एकभवपरियापन्नाय हि चित्तसन्ततिया पटिसन्धिचित्तं पठमचित्तं नाम । चुतिचित्तं पच्छिमं नाम । अञ्जथा अनमतगगे संसारे पठमचित्तं नाम नत्थि विना अनन्तरसमनन्तरनत्थिविगतपच्चयेहि चित्तुप्पत्तिया अभावतो । भावे वा नवसत्तपातुभावदोसप्पसङ्गो । **अयं सब्बपठमो मनुस्सविग्गहो**ति किञ्चापि इमं जीविता वोरपेतुं न सक्का, तं आदिं कत्वा सन्ततिया याव मरणा उप्पज्जनकमनुस्सविग्गहेसु अपरिमाणेसु “सब्बपठमो”ति दिस्सति । यदा पन यो मनुस्सविग्गहो पुब्बापरियवसेन सन्ततिप्पत्तो होति, तदा तं जीविता वोरपेतुं सक्का । सन्ततिं विकोपेन्तो हि जीविता वोरपेति नाम । एत्थ च नानत्तनये अधिप्पेते सति “सब्बपठमो”ति वचनं युज्जति, न पन एकत्तनये सन्ततिया एकत्ता । एकत्तनयो च इधाधिप्पेतो “सन्ततिं विकोपेती”ति वचनतो, तस्मा “सब्बपठमो”ति वचनं न युज्जतीति चे? न, सन्ततिपच्चुप्पन्नबहुत्ता । यस्मा पन सन्तति नाम अनेकेसं पुब्बापरियुप्पत्ति वुच्चति, तस्मा “अयं सब्बपठमो”ति वुत्तो, एवमेत्थ द्वेपि नया सङ्गहं गच्छन्ति, अञ्जथा “सन्ततिं विकोपेती”ति इदं वचनं न सिज्जति । किञ्चापि एत्थ “सन्ततिं विकोपेती”ति वचनतो सन्ततिपच्चुप्पन्नमेव अधिप्पेतं, न अद्वापच्चुप्पन्नं विय दिस्सति, तथापि यस्मा सन्ततिपच्चुप्पन्ने विकोपिते अद्वापच्चुप्पन्नं विकोपितमेव होति, अद्वापच्चुप्पन्ने पन विकोपिते सन्ततिपच्चुप्पन्नं विकोपितं होतीति एत्थ वत्तब्बं नत्थि । तस्मा **अट्ठकथायं** “तदुभयम्पि वोरपेतुं सक्का, तस्मा तदेव सन्धाय ‘सन्ततिं विकोपेती’ति इदं वुत्तन्ति वेदितब्बं”न्ति आह । “सन्ततिं विकोपेती”ति वचनतो पकतिया आयुपरियन्तं पत्वा मरणकसत्ते वीतिक्कमे सति अनापत्ति वीतिक्कमपच्चया सन्ततिया अकोपितत्ता । वीतिक्कमपच्चया चे आयुपरियन्तं अप्पत्वा अन्तराव मरणकसत्ते वीतिक्कमपच्चया आपत्ति, कम्मबद्धो चाति नो तक्कोति आचरियो । “मरणवण्णं वा संवण्णेय्य, मरणाय वा समादपेय्य, अयम्पि पाराजिको होति असंवासो”ति वचनतो वा चेतनाक्खणे एव पाराजिकापत्ति एकन्ताकुसलत्ता, दुक्खवेदनत्ता, कायकम्मत्ता, वचीकम्मत्ता, किरियत्ता चाति वेदितब्बं ।

**सत्तट्ठुजवनवारमत्तन्ति** सभागारम्मणवसेन वुत्तं, तेनेव “**सभागसन्ततिवसेना**”तिआदि वुत्तं । अत्तनो पटिपक्खेन समन्नागतत्ता समनन्तरस्स पच्चयं होन्तं यथा पुरे विय अहुत्वा दुब्बलस्स । तन्ति जीवितिन्द्रियविकोपनं ।

**ईतिन्ति** सत्तविधविच्छिकादीनि युद्धे डंसित्वा मारणत्थं विस्सज्जेन्ति । **पज्जरकन्ति** सरीरडाहं । **सूचिकन्ति** सूलं । **विसूचिकन्ति** सुक्खमातिसारं वसयं । **पक्खन्दियन्ति** रत्तातिसारं । द्वत्तिव्यामसतप्पमाणे महाकाये निम्मिनित्वा ठितनागुद्धरणं, कुज्झित्वा ओलोकिते परेसं काये विसमरणं वा डाहुप्पादनं वा पयोगो नाम ।

**केचीति** महासङ्घिका । अयं इत्थी । **कुलुम्बस्साति** गब्भस्स । कथं सा इतरस्साति चे? तस्स दुद्धेन मनसानुपक्खिते सो च गब्भो सा च इद्धीति उभयम्पि सहेव नस्सति, घटगगीनं भेदनिब्बायनं विय एकक्खणे होति । “तेसं सुत्तन्तिकेसु ओचरियमानं न समेती”ति लिखितं, “तेसं मतं गहेत्वा ‘थावरीनम्पि अयं युज्जती’ति वुत्ते तिकवसेन पटिसेधितब्बन्ति अपरे”ति वुत्तं । साहत्थिकनिस्सगियपयोगेसु सन्निट्ठापकचेतनाय सत्तमाय सहुप्पन्नकायविज्जत्तिया साहत्थिकता वेदितब्बा । आणत्तिके पन सत्तहिपि चेतनाहि सह वचीविज्जत्तिसम्भवतो सत्तसत्त सद्दा एकतो हुत्वा एकेकक्खरभावं गन्त्वा यत्तकेहि अक्खरेहि अत्तनो अधिप्पायं विज्जापेति, तदवसानक्खरसमुट्ठापिकाय सत्तमचेतनाय सहजातवचीविज्जत्तिया आणत्तिकता वेदितब्बा । तथा विज्जामयपयोगे । कायेनाणत्तियं पन साहत्थिके वुत्तनयोव । थावरपयोगे यावता परस्स मरणं होति, तावता कम्मबद्धो, आपत्ति च । ततो परं अतिसञ्चरणे कम्मबद्धातिबहुत्तं वेदितब्बं सति परं मरणे । पाराजिकापत्ति पनेत्थ एका । अत्थसाधकचेतना यस्मा एत्थ च दुतियपाराजिके च लब्धति, न अञ्जत्थ, तस्मा द्विन्मि साधारणा इमा गाथायो —

“भूतधम्मनियामा ये, ते धम्मा नियता मता ।

भाविधम्मनियामा ये, तेव अनियता इध ॥

“भूतधम्मनियामानं, ठिताव सा पच्चयट्ठिति ।

भाविधम्मनियामानं, सापेक्खा पच्चयट्ठिति ॥

“तेनञ्जा हेतुया अत्थि, सापि धम्मनियामता ।  
तस्सा फलं अनियतं, फलापेक्खा नियामता ॥

“एवहि सब्बधम्मनं, ठिता धम्मनियामता ।  
लद्धधम्मनियामा या, सात्थसाधकचेतना ॥

“चेतनासिद्धितो पुब्बे, पच्छा तस्सात्थसिद्धितो ।  
अविसेसेन सब्बापि, छब्बिधा अत्थसाधिका ॥

“आणत्तियं यतो सक्का, विभावेतुं विभागतो ।  
तस्मा आणत्तियंयेव, वुत्ता सा अत्थसाधिका ॥

“मिच्छते वापि सम्मत्ते, नियतानियता मता ।  
अभिधम्मे न सब्बत्थि, तत्थ सा नियता सिया ॥

“या थेय्यचेतना सब्बा, सहत्थाणत्तिकापि वा ।  
अभिधम्मनयेनायं, एकन्तनियता सिया ॥

“पाणातिपातं निस्साय, सहत्थाणत्तिकादिका ।  
अभिधम्मवसेनेसा, पच्चेकं तं दुक्कं भजे ॥

“जीवितिन्द्रियुपच्छेदो, चेतना चेति तं द्वयं ।  
न साहत्थिककम्मेन, पगेवाणत्तिकासमं ॥

“जीवितिन्द्रियुपच्छेदो, चेतना चेति तं द्वयं ।  
न साहत्थिककम्मेन, पगेवाणत्तिकासमं ॥

“जीवितिन्द्रियुपच्छेदक्खणे वधकचेतना ।  
चिराठिताति को धम्मो, नियामेति आपत्तिकं ॥

“जीवितिन्द्रियुपच्छेदक्खणे चे वधको सिया ।  
मतो सुत्तो पबुद्धो वा, कुसलो वधको सिया ॥

“कुसलत्तिकभेदो च, वेदनात्तिकभेदोपि ।  
सिया तथा गतो सिद्धो, सहत्था वधकचेतना”ति ॥

यानि पन बीजउतुकम्मधम्मचित्तनियामानि पञ्च अट्ठकथाय आनेत्वा निदस्सितानि, तेसु अयमत्थसाधकचेतना योगं गच्छतीति मज्जे “अयं अत्थसाधकचेतनानियमो नत्थी”ति चेतनानं मिच्छत्तसम्मत्तनियतानमपि नत्थिभावप्पसङ्गतो । भजापियमाना येन, तेन सब्बेपि यथासम्भवं कम्मचित्तनियामे भजन्ति गच्छन्तीति वेदितव्वं । जीविते आदीनवो मरणवण्णदस्सने न विभत्तोव, इध पन सङ्कप्पपदे अत्थतो “मरणसञ्जी मरणचेतनो मरणाधिप्पायो”ति एवं अविभूतत्ता विभत्तो, अपाकटत्ता, अनोळारिकत्ता वा अविभागा कारिता वा । **नयिदं वितक्कस्स नामन्ति** न वितक्कस्सेव नामं, किन्तु सञ्जाचेतनानमपि नामन्ति गहेतव्वं ।

कङ्खावितरणियम्पि एवमेव वुत्तं ।

१७४. कायतोति वुत्तत्ता “सत्तिजसू”ति वत्तब्बे वचनसिलिद्वुत्थं “उसुसत्तिआदिना”ति वुत्तं । अनुद्देशिके कम्मस्सारम्पणं सो वा होति, अज्जो वा । उभयेहीति किञ्चापि पठमप्पहारो न सयमेव सक्कोति, दुतियं लभित्वा पन सक्कोन्तो जीवितविनासनहेतु अहोसि, तदत्थमेव हि वधकेन सो दिन्नो, दुतियो पन अज्जेन चित्तेन दिन्नो, तेन सुदु वुत्तं “पठमप्पहारेनेवा”ति, “चेतना नाम दारुणाति गरं वत्थुं आरब्भ पवत्तपुब्बभागचेतना पकतिसभाववधकचेतना, नो दारुणा होती”ति आचरियेन लिखितं । “पुब्बभागचेतना परिवारा, वधकचेतनाव दारुणा होती”ति वुत्तं । यथाधिप्पायन्ति उभोपि पटिविज्झति, साहत्थिकोपि सङ्केतत्ता न मुच्चति किर ।

किरियाविसेसो अट्टकथासु अनागतो । “एवं विज्झ, एवं पहर, एवं घाहेही”ति पाळिया समेतीति आचरियेन गहितो”ति वदन्ति । पुरतो पहरित्वातिआदि वत्थुविसङ्केतमेव किर । एतं गामे ठितन्ति पुग्गलोव नियमितो । यो पन लिङ्गवसेन “दीघं... पे०... मारेही”ति आणापेति अनियमेत्वा । यदि नियमेत्वा वदति, “एतं दीघ”न्ति वदेय्याति अपरे । आचरिया पन “दीघन्ति वुत्ते नियमितं होति, एवं अनियमेत्वा वदति, न पन आणापको दीघादीसु अज्जतरं मारेहीति अधिप्पायो”ति वदन्ति किर । “अत्थो पन चित्तेन एकं सन्धायपि अनियमेत्वा आणापेती”ति लिखितं । “इतरो अज्जं तादिसं मारेति, आणापको मुच्चती”ति वुत्तं यथाधिप्पायं न गतत्ता । “एवं दीघादिवसेनापि चित्तेन अनियमितस्सेवाति युत्तं विय दिस्सती”ति अज्जतरस्मिं गण्ठपदे लिखितं, सुदु वीमंसित्वा सब्बं गहेतब्बं, ओकासस्स नियमितत्ताति एत्थ ओकासनियमं कत्वा निद्विसन्तो तस्मिं ओकासे निसिन्नं मारेतुकामोव होति, सयं पन तदा तत्थ नत्थि । तस्मा ओकासेन सह अत्तनो जीवितिन्द्रियं आरम्पणं न होति, तेन अत्तना मारापितो परो एव मारापितो । कथं? सयं रस्सो च तनुको च हुत्वा पुब्बभागे अत्तानं सन्धाय आणत्तिक्खणे “दीघं रस्सं थूलं बलवन्तं मारेही”ति आणापेन्तस्स चित्तं अत्तनि तस्साकारस्स नत्थिताय अज्जस्स तादिसस्स जीवितिन्द्रियं आरम्पणं कत्वा पवत्तति, तेन मूलद्वस्स कम्मबद्धो । एवंसम्पदमिदन्ति दट्ठब्बं ।

दूतपरम्परानिद्देसे आणापेति, आपत्ति दुक्कटस्स । इतरस्स आरोचेति, आपत्ति दुक्कटस्साति आचरियन्तेवासीनं यथासम्भवं आरोचने, पटिग्गणहने दुक्कटं सन्धाय वुत्तं । न वधको पटिग्गणहाति, तस्स दुक्कटन्ति सिद्धं होति । तं पन ओकासाभावतो न वुत्तं । मूलद्वेन आपज्जितब्बापत्तिया हि तस्स ओकासो अपरिच्छिन्नो, तेनस्स तस्मिं ओकासे थुल्लच्चयं वुत्तं । वधको चे पटिग्गणहाति, मूलद्वो आचरियो पुब्बे आपन्नदुक्कटेन सह थुल्लच्चयम्पि आपज्जति । कस्मा? महाजनो हि तेन पापे नियोजितोति । इदं पन दुक्कटथुल्लच्चयं वधको चे तमत्थं न सावेति आपज्जति । यदि सावेति, पाराजिकमेवापज्जति । कस्मा? अत्थसाधकचेतनाय अभावा । अनुगण्ठपदे पन “पटिग्गणहाति, तं दुक्कटं होति । यदि एवं कस्मा पाठे न वुत्तन्ति चे? वधको पन ‘साधु करोमी’ति पटिग्गणित्वा तं न करोति । एवञ्च नियमे ‘मूलद्वस्स किं नाम होति, किमस्स दुक्कटापत्ती’ति सज्जातकङ्खानं तदत्थदीपनत्थं ‘मूलद्वस्स आपत्ति थुल्लच्चयस्सा’”ति वुत्तं । “वधको पटिग्गणहाति आपत्ति दुक्कटस्स, मूलद्वस्स च आपत्ति थुल्लच्चयस्सा”ति वुत्तं न सिलिस्सति, मूलद्वेन आपज्जितब्बापत्तिदस्सनाधिकारत्ता वधको पटिग्गणहाति, आपत्ति दुक्कटस्साति वुत्तं ।

विसक्कियदूतपदनिद्देसे “वत्तुकामताय च किच्छेनेत्थ वत्वा पयोजनं नत्थीति भगवता न वुत्त”न्ति वुत्तं । यं पन “मूलद्वस्सेव दुक्कट”न्ति अट्टकथायं वुत्तं । तत्रायं विचारणा — आचरियेन आणत्तेन बुद्धरक्खितेन तदत्थे सङ्गरक्खितस्सेव आरोचिते किञ्चापि यो “साधू”ति पटिग्गणहाति, अथ खो आचरियस्सेवेतं दुक्कटं विसङ्केतत्ता, न बुद्धरक्खितस्स, कस्मा? अत्थसाधकचेतनाय आपन्नत्ता । तेनेव “आणापकस्स च वधकस्स च आपत्ति पाराजिकस्सा”ति पाळियं वुत्तं, तं पन मूलद्वेन आपज्जितब्बदुक्कटं “मूलद्वस्स अनापत्ती”ति इमिना अपरिच्छिन्नोकासत्ता न वुत्तं ।

अविसङ्केते “मूलद्वस्स आपत्ति थुल्लच्चयस्सा”ति वुत्तत्ता विसङ्केते आपत्ति दुक्कटस्साति सिद्धन्ति वेदितब्बं । “वधको पटिग्गणहाति, आपत्ति दुक्कटस्सा”ति इदं पन दुक्कटं वधकस्सेव । सो हि पठमं आणापकं बुद्धरक्खितं पाराजिकापत्तिं पापेत्वा सयं

जीविता वोरोपेत्वा आपज्जिस्सतीति किञ्चापि **पाळियं** “सो तं जीविता वोरोपेति, आणापकस्स च वधकस्स च आपत्ति पाराजिकस्सा”ति न वुत्तं, तथापि तं अत्थतो वुत्तमेव, “यतो पाराजिकं पञ्चत्त”न्ति पुब्बे वुत्तनयत्ता च तं न वुत्तं । “सो तं जीविता वोरोपेति, आपत्ति सब्बेसं पाराजिकस्सा”ति हि पुब्बे वुत्तं । एत्थ पुब्बे आचरियन्तेवासिकानं वुत्तदुक्कटथुल्लच्चयापत्तियो पठममेव अनापन्ना पाराजिकापत्तिया आपन्नत्ता । तथापि वधकस्स पाराजिकापत्तिया तेसं पाराजिकभावो पाकटो जातोति कत्वा “आपत्ति सब्बेसं पाराजिकस्सा”ति एकतो वुत्तं, न तथा “आणापकस्स, वधकस्स च आपत्ति पाराजिकस्सा”ति एत्थ । कस्मा? वधकस्स दुक्कटापत्तिया आपन्नत्ता । सो हि पठमं दुक्कटापत्तिं आपज्जित्वा पच्छा पाराजिकं आपज्जति । यदि पन अन्तेवासिका केवलं आचरियस्स गरुक्ताय सासनं आरोचेन्ति सयं अमरणाधिप्पाया समाना पाराजिकेन अनापत्ति । अकप्पियसासनहरणपच्चया दुक्कटापत्ति होति एव, इमस्सत्थस्स साधनत्थं **धम्मपदवत्थूहि** मिगलुद्धकस्स भरियाय सोतापन्नाय धनुउसुसूलादिदानं निदस्सनं वदन्ति एके । तं **तित्तिरजातकेन** (जा० १.४.७३ आदयो) समेति, तस्मा सुत्तञ्च अट्ठकथञ्च अनुलोमेतीति नो तक्कोति आचरियो । इध पन दूतपरम्पराय च “इत्थन्नामस्स पावद, इत्थन्नामो इत्थन्नामं पावदतू”ति एत्थ अविसेसेत्वा वुत्तत्ता वाचाय वा आरोचेतु, हत्थमुद्दाय वा, पण्णेन वा, दूतेन वा आरोचेतु, विसङ्केतो नत्थि । सचे विसेसेत्वा मूलट्ठो, अन्तरादूतो वा वदति, तदतिक्कमे विसङ्केतोति वेदितब्बं ।

इदानीं इमस्मिंयेव अधिकारद्वये **अनुगण्ठपदे** वुत्तनयो वुच्चति — “वधको पटिग्गण्हाति, आपत्ति दुक्कटस्सा”ति वधकस्सेव आपत्ति, न आणापकस्स बुद्धरक्खितस्स । यदि पन सो वज्झमरणापरणेषु अवस्समञ्जतरं करोति, बुद्धरक्खितस्साणत्तिक्खणे एव पाराजिकदुक्कटेषु अञ्जतरं सिया । “इति चित्तमनो”ति अधिकारतो “चित्तसङ्कप्पो”ति एत्थापि इति-सद्दो विय “वधको पटिग्गण्हाति, मूलट्ठस्स आपत्ति थुल्लच्चयस्सा”ति अधिकारतो “मूलट्ठस्स आपत्ति दुक्कटस्सा”ति वुत्तमेव होति । कस्मा सरूपेन न वुत्तन्ति चे? ततो चुत्तरि नयदानत्थं । “मूलट्ठस्स आपत्ति दुक्कटस्सा”ति हि वुत्ते मूलट्ठस्सेव वसेन नियमितत्ता “पटिग्गण्हन्तस्स दुक्कटं होती”ति न जायति । “वधको पटिग्गण्हाति, आपत्ति दुक्कटस्सा”ति हि अनियमेत्वा वुत्ते सक्का उभयेसं वसेन दुक्कटे योजेतुं । तस्मा एव हि अट्ठकथाचरियेहि अधिकारं गहेत्वा “**सङ्खरक्खितेन सम्पटिच्छिते मूलट्ठस्सेव दुक्कटन्ति वेदितब्बं**”न्ति वुत्तं । पटिग्गण्हन्तस्स नेव अनुज्जातं, न पटिक्खितं, केवलन्तु बुद्धरक्खितस्स अनियमितत्ता पटिक्खितं, तस्स पन पाराजिकदुक्कटेषु अञ्जतरं भवेय्याति अयमत्थो दीपितो, तस्मा तम्पि सुवुत्तं । यस्मा उभयेसं वसेन योजेतुं सक्का, तस्मा आचरियेहि “पटिग्गण्हन्तस्सेवेतं दुक्कट”न्ति वुत्तं । तत्थ मूलट्ठो नेव अनुज्जातो “मूलट्ठस्सा”ति वचनाभावतो, न च पटिक्खितो “पटिग्गण्हन्तस्स आपत्ति दुक्कटस्सा”ति **पाळिया** अभावतो, पटिग्गण्हनपच्चया वधकस्स दुक्कटं सियाति नयं दातुं “मूलट्ठस्सा”ति **पाळियं** अवुत्तत्ता “तं पटिग्गण्हन्तस्सेवेतं दुक्कट”न्ति यं वुत्तं, तम्पि सुवुत्तं । तत्र हि बुद्धरक्खितस्स पटिक्खितं, वुत्तनयेन पन तस्स आपत्ति अनियताति । कस्मा पन **अट्ठकथायं** अनुत्तानं पटिग्गण्हनपच्चया वधकस्स दुक्कटं अवत्वा मूलट्ठस्सेव वसेन दुक्कटं वुत्तन्ति चे? अनिद्वनिवारणत्थं । “सङ्खरक्खितेन सम्पटिच्छिते पटिग्गण्हनपच्चया तस्स दुक्कट”न्ति हि वुत्ते अनन्तरनयेन सरूपेन वुत्तत्ता इधापि मूलट्ठस्स थुल्लच्चयं **अट्ठकथायं** वुत्तमेव होतीति आपज्जति । इति तं एवं आपन्नं थुल्लच्चयं उत्तानन्ति तं अवत्वा पटिग्गण्हन्तस्स दुक्कटं वुत्तं । अनुत्तानत्ता अट्ठकथायन्ति इमं अनिद्वग्गहणं निवारेतुं “मूलट्ठस्सेवेतं दुक्कट”न्ति वुत्तं । आचरियेन हि वुत्तनयेन पटिग्गण्हन्तस्स दुक्कटम्पि उत्तानमेव । उत्तानञ्च कस्मा अम्हाकं खन्तीति वुत्तन्ति चे? पटिपत्तिदीपनत्थं । “पिटकत्तयादीसु अप्पटिहतबुद्धियोपि आचरिया सरूपेन **पाळियं अट्ठकथायञ्च** अवुत्तत्ता एवरूपेसु नाम ठानेसु एवं पटिपज्जन्ति, किमङ्गं पन मादिसोति सुहदया कुलपुत्ता अनागते वुत्तनयमनतिक्कमित्वा सङ्करदोसं विवज्जेत्वा वण्णनावेलञ्च अनतिक्कम्म पटिपज्जन्ती”ति च अपरेहि वुत्तं । अयं पन **अट्ठकथाय** वा अवुत्तत्ता एवरूपेसु नाम पाठो आचरियेन पच्छा निक्खितत्ता केसुचि पोत्थकेसु न दिस्सतीति कत्वा सब्बं लिखिस्साम । एवं सन्ते पटिग्गहणे आपत्तियेव न सिया, सञ्चरित्तपटिग्गहणमरणाभिनन्दनेसुपि च आपत्ति होति, मारणपटिग्गहणे कथं न सिया, तस्मा पटिग्गण्हन्तस्सेवेतं दुक्कटं, तेनेवेत्थ “मूलट्ठस्सा”ति न वुत्तं । पुरिमनयेपि चेत्तं पटिग्गण्हन्तस्स वेदितब्बमेव, ओकासाभावेन पन न वुत्तं । तस्मा यो यो पटिग्गण्हाति, तस्स तस्स तप्पच्चया आपत्तियेवाति अयमेत्थ अम्हाकं खन्ति । यथा चेत्थ, एवं अदिन्नादानेपीति ।

**१७५. अरहो रहोसञ्जीनिहेसादीसु** किञ्चापि **पाळियं, अट्ठकथायञ्च** दुक्कटमेव वुत्तं, तथापि तत्थ परम्पराय सुत्वा मरतूति



अधिष्पायेन उल्लपन्तस्स उद्देसे सति उद्दिट्ठस्स मरणेन आपत्ति पाराजिकस्स, असति यस्स कस्सचि मरणेन आपत्ति पाराजिकस्स । “इत्थन्नामो सुत्वा मे वज्झस्स आरोचेतू”ति उद्दिष्टत्वा उल्लपन्तस्स विसङ्केतता दूतपरम्पराय वृत्तता वेदितव्वा । सचे “यो कोचि सुत्वा वदतू”ति उल्लपति, वज्झो सयमेव सुत्वा मरति, विसङ्केतता न पाराजिकं । यो कोचि सुत्वा वदति, सो चे मरति, पाराजिकं । “यो कोचि मम वचनं सुत्वा तं मारेतू”ति उल्लपति, यो कोचि सुत्वा मारेति, पाराजिकं, सयमेव सुत्वा मारेति, विसङ्केतता न पाराजिकन्ति एवं यथासम्भवो वेदितव्वो ।

**१७६. मूलं दत्त्वा मुच्चतीति** एत्थ भिन्दित्वा, भञ्जित्वा, चवित्वा, चुण्णेत्वा, अग्निमि पक्खिपित्वा वा पगेव मुच्चतीति अत्थतो वृत्तमेव होति । **येसं हत्थतो मूलं गहितन्ति** येसं जातकपरिवारितानं हत्थतो मूलं तेन भिक्खुना गहितं, पोत्थकसामिकहत्थतो पुब्बे दिन्नमूलं पुन गहेत्वा तेसज्जेव जातकादीनं दत्त्वा मुच्चति, एवं पोत्थकसामिकस्सेव सन्तकं जातं होति । **अनुगण्ठपदे** पन “सचेपि सो विष्पटिसारी हुत्वा सीधं तेसं मूलं दत्त्वा मुच्चती”ति वृत्तं, तं येन धनेन पोत्थको कीतो, तच्च धनं सन्धाय वृत्तं । कस्मा? पोत्थकसामिकहत्थतो धने गहिते पोत्थके अदिन्नेपि मुच्चनतो । सचे अज्जं धनं सन्धाय वृत्तं, न युत्तं पोत्थकस्स अत्तनियभावतो अमोचितत्ता । सचे पोत्थकं सामिकानं दत्त्वा मूलं न गणहाति, न मुच्चति अत्तनियभावतो अमोचितत्ता । सचे पोत्थकं मूलद्वेन दिव्यमानं “तवेव होतू”ति अप्पेति, मुच्चति अत्तनियभावतो मोचितत्ता । एत्थायं विचारणा — यथा चेतियं वा पटिमं पोक्खरणिं सेतुं वा किणित्वा गहितम्पि कारकस्सेवेतं पुज्जं, न किणित्वा गहितस्स, तथा पापम्पि येन पोत्थको लिखितो, तस्सेव युज्जति, न इतरस्साति चे? न, “सत्थहारकं वास्स परियेसेय्या”ति वचनतो । परेन हि कतसत्थं लभित्वा उपनिक्खिपन्तस्स पाराजिकन्ति सिद्धं । एवं परेन लिखितम्पि पोत्थकं लभित्वा यथा वज्झो तं पस्सित्वा मरति, तथा उपनिक्खिपेय्य पाराजिकन्ति सिद्धं होतीति । **चेतियादीति** एतमनिदस्सनं करणपच्चयं हि तं कम्मं इदंमरणपच्चयन्ति एवं आचरियेन विचारितं । मम पन चेतियादिनिदस्सनेनेव सोपि अत्थो साधेतव्वो विय पटिभाति ।

**तत्तका पाणातिपाताति** “एकापि चेतना किच्चवसेन ‘तत्तका’ति वृत्ता सतिपट्टानसम्मप्यधानानं चतुक्कता विया”ति लिखितं । **पमाणे ठपेत्वा**ति अत्तना अधिप्पेतप्पमाणे । “कतं मया एवरूपे आवाटे खणिते तस्मिं पतित्वा मरतू”ति अधिष्पायेन वधको आवाटप्पमाणं नियमेत्वा सचे खणि, तं सन्धाय वृत्तं “**इमस्मिं आवाटे**”ति । इदानी खणितव्वं सन्धाय एत्तकप्पमाणस्स अनियमितत्ता “**एकस्मिम्पि कुदालप्पहारे**”तिआदि वृत्तं, सुत्तन्तिकत्थेरेहि किञ्चापि उपठतं, तथापि सन्निट्ठापकचेतना उभयत्थ अत्थेवाति आचरिया । बहूनां मरणे आरम्भणनियमे कथन्ति चे? वज्झेसु एकस्स जीवितिन्द्रिये आलम्बिते सब्बेसमालम्बितमेव होति । एकस्स मरणेपि न तस्स सकलं जीवितं सक्का आलम्बितुं न उप्पज्जमानं, उप्पन्नं, निरुज्जमानं, अत्थितायपाणातिपातचेतनाव पच्चुप्पन्नारम्भणा, पुरेजातारम्भणा च होति, तस्मा तम्पि युज्जति । पच्छिमकोटिया एकचित्तक्खणे पुरेजातं हुत्वा ठितं तं जीवितमालम्बणं कत्वा सत्तमजवनपरियापन्नचेतनाय ओपक्कमे कते अत्थतो तस्स सत्तस्स सब्बं जीवितिन्द्रियमालम्बितं, वोरोपितच्च होति, इतो पनज्जथा न सक्का; एवमेव पुब्बभागे “बहूपिसत्ते मारेमी”ति चिन्तेत्वा सन्निट्ठानकाले विसपक्खिपनादीसु एकं पयोगं साधयमाना वृत्तप्पकारचेतना तेसु एकस्स वृत्तप्पकारं जीवितिन्द्रियं आलम्बणं कत्वा उप्पज्जति, एवं उप्पन्नाय पनेकाय सब्बेपि ते मारिता होन्ति ताय एव सब्बेसं मरणसिद्धितो, अज्जथा न सक्का वोरोपेतुं, आलम्बितुं वा । तत्थ एकाय चेतनाय बहूनां मरणे अकुसलरासि कथन्ति चे? विसुं विसुं मरणे पवत्तचेतनानं किच्चकरणतो । कथं? ता पन सब्बा उपपज्जवेदनीयाव होन्ति, तस्मा तासु याय कायचि दिन्नाय पटिसन्धिया इतरा सब्बापि “ततो बलवतरकुसलपटिबाहिता अहोसिकम्म”न्तिआदिकोद्भासं भजन्ति, पुनपि विपाकं जनितुं न सक्कोन्ति । अपरापरियवेदनीयापि विय तं पटिबाहित्वा कुसलचेतना पटिसन्धिं देति, तथा अयम्पि चेतना अनन्तरभवे एव पटिसन्धिदानादिवसेन तासं किच्चलेसकरणतो एकापि समाना “रासी”ति वृत्ता । ताय पन दिन्नाय पटिसन्धिया अतितितक्खो विपाको होति । अयमेत्थ विसेसोतिआदि **अनुगण्ठपदे** पपञ्चितं ।

**अमरितुकामा** वाति अधिष्पायत्ता ओपपातिकमरणेपि आपत्ति । “निब्बत्तित्वा”ति वृत्तता पतनं न दिस्सतीति चे? ओपपातिकत्तं, पतनच्च एकमेवा”ति लिखितं । अथ वा “**सब्बथापि अनुद्दिस्सेवा**”ति वचनतो एत्थ मरतूति अधिष्पायसम्भवतो “**उत्तरितुं असक्कोन्तो मरति पाराजिकमेवा**”ति सुवृत्तं । सचे “पतित्वा मरतू”ति नियमेत्वा खणितो होति, ओपपातिकमनुस्सो च

निब्वत्तित्वा ठितनियमेनेव “उत्तरितुं न सक्का”ति चिन्तेत्वा मरतीति पाराजिकच्छाया न दिस्सति, तेन वुत्तं “उत्तरितुं असक्कोन्तो”ति । सो हि उत्तरितुं असक्कोन्तो पुनप्पुनं पतित्वा मरति, तेन पातोपि तस्स सिद्धो होतीति अधिप्पायो । तत्थ सिया — यो पन “उत्तरितुं असक्कोन्तो मरती”ति वुत्तो, सो ओपातखणनक्खणे अरूपलोके जीवति । वधकचेतना च “अनियतो धम्मो मिच्छत्तनियतस्स धम्मस्स आरम्मणपच्चयेन पच्चयो, रूपजीवितिन्द्रियं मातुघातिकम्मस्स पितुघातिकम्मस्स अरहन्तघातिकम्मस्स रुहिरुपादकम्मस्स आरम्मणपच्चयेन पच्चयो”ति (पट्ठा० २.१५.३८ मिच्छत्तनियतत्तिक) वचनतो रूपजीवितिन्द्रियारम्मणं होति, न च तं अरूपावचरसत्तस्सत्थि, न च सा चेतना “अनियतो धम्मो मिच्छत्तनियतस्स धम्मस्स पुरेजातपच्चयेन पच्चयो, आरम्मणपुरेजातं वत्थुपुरेजातं आरम्मणपुरेजातं । रूपजीवितिन्द्रियं मातुघातिकम्मस्स पुरेजातपच्चयेन पच्चयो”ति (पट्ठा० २.१५.४८ मिच्छत्तनियतत्तिक) वचनतो अनागतारम्मणा होति । अज्जो इध पतित्वा मरणकसत्तो नत्थि, एवं सन्ते वधकचेतनाय किं आरम्मणन्ति चे? यस्स कस्सचि इध जीवनकसत्तस्स पच्चुप्पन्नं जीवितिन्द्रियं आरम्मणं । किञ्चापि सो न मरति, अथ खो पाणातिपातो होति एव । यथा किं “यथाक्कमेन ठिते सत्त जने एकेन कण्डेन विज्झित्वा मारेमी”ति पुब्बभागे चिन्तेत्वा सन्निट्ठानकाले तेसु एकस्स जीवितमारम्मणं कत्वा कण्डं विस्सज्जेति, कण्डो तं विरज्झित्वा इतरे छ जने मारेति, एवं सन्तेपि अयं पाणातिपाती एव होति, एवमिधापि “यो कोची”ति विकप्पेन्तस्स वधकचेतना यस्स कस्सचि जीवितारम्मणं कत्वा पवत्तति, तस्मिं अमतेपि इतरस्स वसेन पाणातिपाती । सचे अरहा हुत्वा परिनिब्बायति, अरहन्तघातकोव होति । एस नयो सब्बत्थ एवरूपेसु । अयमेव हेत्थ आचरियपरम्परागता युत्ति विनिच्छयकथाति वुत्तं ।

**पतनरूपं पमाणन्ति** एत्थ यथा मातुया पतित्वा परिवत्तलिङ्गाय मताय सो मातुघातको होति, न केवलं पुरिसघातको, तस्मा पतनस्सेव वसेन आपत्ति । कस्मा? पतनरूपमरणरूपानं एकसन्तानत्ता, तदेव हिस्स जीवितिन्द्रियं, तस्स हि परिवत्तनं नत्थि, इत्थिपुरिसिन्द्रियानेव पवत्तियं निरुज्झनुप्पज्जनकानि, इत्थिपुरिसोति च तत्थ वोहारमत्तमेव, तस्मा मातुघातकोव, न पुरिसघातकोति, यथा तस्स पतनरूपवसेनापत्ति, तथा इधापि पतनरूपवसेन थुल्लच्चयं एकसन्तानत्ताति अयं पठमथेरवादे युत्ति । दुतिये किञ्चापि पेतो पतितो, यक्खो च, अथ खो अहेतुकपटिसन्धिकत्ता अकुसलविपाकस्स “वामेन सूकरो होती”ति (दी० नि० अट्ठ० २.२९६; महानि० अट्ठ० १६६) एत्थ वुत्तयक्खानं पटिसन्धि विय सब्बरूपानं साधारणत्ता, अमनुस्सजातिकत्ता च तिरच्छानरूपेन मते मरणरूपवसेन पाचित्तियं, वत्थुवसेन लहुकापत्तिया परिवत्तना होति एव तत्थजातकरुक्खादिछेदनपाचित्तियपरिवत्तनं विय । अयमेव युत्ततरो, तस्मा पच्छा वुत्तो । पाराजिकस्स पन मनुस्सजातिको यथा तथा वा पतित्वा यथा तथा वा मरतु, पाराजिकमेव गरुकत्ता । गरुकापत्तिया हि विपरिवत्तना नत्थीति वुत्तं ।

थुल्लच्चयं तिरच्छाने, मते भेदस्स कारणं ।

सरूपमरणं तिस्सो, फुस्सो मज्जेति अज्जथा ॥

**गण्ठपदे** पन “दुतियवादे पुथुज्जनस्स पतित्वा अरहत्तं पत्वा मरन्तस्स वसेन वुत्तो”ति लिखितं । “तिरच्छाने”ति एत्थ केचि वदन्ति “देवा अधिप्पेता”ति । “सकसकरूपेनेव मरणं भवति नाज्जथा”ति च वदन्ति । **यक्खपेतरूपेन मतेपि एसेव नयोति** थुल्लच्चयन्ति अत्थो । “तिरच्छानगतमनुस्सविग्गहमरणे विया”ति लिखितं । **पहारं लद्धा**ति सत्तानं मारणत्थाय कतत्ता वुत्तं ।

**१७७. साधु सुदु मरतूति** वचीभेदं करोति । **विसभागरोगोति** सरीरट्ठो गण्डपीळकादि ।

**१७८. काळानुसारीति** एकस्सा लताय मूलं किर । महाकच्छपेन कतपुप्फं वा । **हंसपुप्फन्ति** हंसानं पक्खपत्तं । हेट्ठा वुत्तनयेन साहत्थिकाणत्तिकनयज्हेत्थ योजेत्वा कायवाचाचित्ततो समुद्धानविधि दस्सेतब्बो ।

पदभाजनीयवण्णना निट्ठिता ।

**विनीतवत्थुवण्णना**

**१८०. मरणाधिकारं हुत्वा**ति इमस्स कायस्स भेदेन सग्गपापनाधिप्पायत्ता अत्थतो मरणाधिकारं हुत्वा एवंअधिप्पायिनो मरणाधिकारं नाम होन्तीति अत्तनो मरणाधिकारं अजानन्ता आपन्ना पाराजिकं । न हि ते “अत्तनो चित्तप्पवर्ति न जानन्ती”ति वुच्चन्ति । **वोहारवसेना**ति पुब्बभागवोहारवसेन । सन्निट्ठाने पनेतं नत्थि । पासे बद्धसूकरमोचने विय न होति । **यथानुसन्धिना**ति अन्तरा अमरित्वाति अत्थो । **अप्पटिवेक्खित्वा**ति अविचारेत्वा । हेट्ठिमभागे हि किस्मिञ्चि विज्जमाने वलि पज्जायति । **दस्सिते**ति उद्धरित्वा ठपिते । **पटिबन्धन्ति** तया पटिबन्धं, परिभोगन्तरायं सङ्गस्स मा अकासीति अत्थो ।

**१८१-२.** यस्मा किरियं दातुं न सक्का, तस्मा “**पठमं लब्धं**”न्ति वुत्तं । पुब्बेपि अत्तना लब्धपिण्डपाततो पणीतपणीतं देन्तो तत्थपि अत्तकारियं अदासि । **असञ्चिच्चा**ति एत्थ अज्जं आकङ्कन्तस्स अज्जस्स पतने सब्बेन सब्बं अभिसन्धि नत्थि । **न मरणाधिप्पायस्सा**ति पटिघो च पयोगो च अत्थि, वधकचेतना नत्थि । **अजानन्तस्सा**ति एत्थ “वत्थुअजाननवसेन अजानन्तस्स दोसो नत्थि, इदं किर तेसं नानत्तं । ‘असञ्चिच्चो अहं’न्ति **पाळियं** न दिस्सति । **अट्ठकथायं** वुत्तत्ता तथारूपाय पाळिया भवितव्वं”न्ति वदन्ति । **नो चे, थुल्लच्चयन्ति** एत्थ “दुक्खवेदना चे नुप्पज्जति, दुक्कटमेवा”ति वदन्ति, वीमंसितव्वं । “**मुग्गरा** नाम खादनदण्डका । **वेमा** नाम तेसं खादनदण्डकानं हेट्ठा च उपरि च तिरियं बन्धितव्वदण्डा”ति लिखितं । हेट्ठाव दुविधापि पठन्ति । **हत्थप्पत्तो विय दिस्सति** “तस्स विक्खेपो मा होतू”ति **उपच्छिन्दति** । **विसेसाधिगमं व्याकरित्वा** तप्पभवं सक्कारं लज्जीयन्तो **आहारं उपच्छिन्दति** सभागानं व्याकतत्ता । ते हि कप्पियखेत्तं आरोचेन्ति ।

**१८६.** **अकतविज्जत्तिया**ति न विज्जत्तिया । सा हि अनुज्जातत्ता कतापि अकता वियाति अकतविज्जत्ति । “वदेय्याथ, भन्ते येनत्थो”ति एवं अकतद्वाने विज्जत्ति अकतविज्जत्ती”ति लिखितं । तित्थियभूतानं मातापितूनं सहत्था दातुं न वट्ठतीति । **पितुच्छा** नाम पितुभगिनी । **सचेपि न याचन्ति** “याचितुं दुक्ख”न्ति, सयं वा एवं वत्तुमसक्कोन्ता । “यदा तेसं अत्थो भविस्सती”ति आभोगं कत्वा वा । “**वेज्जकम्मं वा न होती**”ति वचनतो याव सत्तमो कुलपरिवट्ठो, ताव भेसज्जं कातुं वट्ठती”ति वदन्ति । **सब्बपदेसूति** महामातुयाचूळमातुयातिआदीनं ।

**वुत्तनयेन परियेसित्वा**ति “सामणरेहि वा”तिआदिना । “न अकतविज्जत्तिया”ति वदन्ति । “पच्चासीसति सचे, दुक्कट”न्ति वदन्ति । **कप्पियवसेना**ति पुप्फं आनेथातिआदिना । “**पूजं अकासी**”ति वुत्तत्ता सयं गहेतुं न वट्ठती”ति वदन्ति ।

“**भणथा**”ति वुत्ते पन कातव्वं । धम्मज्झि वत्तुं वट्ठति । **नो चे जानन्ति, न पादा अपनेतव्वा** । अवमङ्गलन्ति हि गणहन्ति ।

**चोरनागस्स** हि आमट्ठं दिन्ने कुज्झिस्सति, अनामट्ठं न वट्ठतीति अङ्गुलन्तरे थोकं भत्तं गहेत्वा पत्ते भत्तं सब्बं अदासि, सो तेन तुस्सि । **वरपोत्थकचित्तथरणन्ति** सिब्बित्वा कातव्वत्थरणविकति । **पितुराजा** दमिळस्स पराजितो **रोहणे** सोळसवस्सानि वसित्वा मित्तामच्चपरिवुतो “रज्जं गणहामी”ति आगन्त्वा अन्तरामग्गे अप्पमत्तकस्स कारणा एकं अमच्चं घातापेसि । सेसा भयेन पलायन्ता अरज्जे अन्तरामग्गे चोरेहि विलुत्ता **हम्बुगल्लकविहारं** गन्त्वा तत्थ चातुनिकायिकतस्सत्थेरो तेसं सङ्गहं कत्वा पुन आनेत्वा रज्जो दस्सेसि, तेहि सद्धि रज्जं गहेत्वा राजा **हम्बुगल्लकतस्सत्थेरस्स** अभयगिरिविहारं अकासि । सेसापि एकेकविहारं कारापेसुं किर ।

**१८७.** चोरसमीपं पेसेन्तो “**वाळयक्खविहारं पेसेती**”ति इमिना सदिसो । कस्मा? मरणाधिप्पायत्ता । तळाकादीसु मच्छादिग्गहणत्थं केवट्ठं अज्जापदेसेन “तळाकतीरं गच्छा”ति पहिणन्तस्स पाणातिपातेन भवितव्वं, “वाळयक्खविहारं पाहेसी”ति इमस्स सदिसो । कस्मा? “मरणाधिप्पायत्ता”ति वचनस्सानुलोमतो, **अट्ठकथायम्पि** “एवं वाळयक्खम्पी”ति वुत्तत्ता ।

**१८९. तं तत्रट्ठितं छिन्दन्ति** तं-सद्धो एकच्चेसु नत्थि । इतरेसु पाराजिकथुल्लच्चयं आपन्नाति अत्थो । “इमं छिन्दित्वा सीधं गन्त्वा सङ्गस्स पत्तचीवरं दस्सामी”ति कुसलचित्तेनपि छिन्दितुं न वट्ठति अननुज्जातत्ता । **अज्जस्स पन भिक्खुनो वट्ठति** अनुज्जातत्ता ।

१९०. कथं? कुटिरक्खणत्थञ्चि भगवता पटगिदानादि अनुज्जातं, कुटि नामेसा भिक्खून् अत्थाय । तस्मा “भिक्खुरक्खणत्थं अज्जस्स भिक्खुस्स वट्ठती”ति वत्तब्बमेत्थ नत्थी”ति वुत्तं । यदि एवं अच्छिन्नचीवरस्स नग्गभावप्पटिच्छादनत्थं भूतगामपातव्यता भगवता अनुज्जाता, जीवितरक्खणत्थञ्च सप्पदट्ठकाले अनुज्जातं, तस्मा “अपि जीवितं परिच्चजितब्बं, न च रुक्खो वा छिन्दितब्बो”तिआदि न वत्तब्बं सिया, तस्मा तं निदस्सणं अप्पमाणं, अट्ठकथाचरियो एवेत्थ पमाणं । एत्थ पनायं आचरियस्स तक्को — अरियपुग्गलेसुपि सत्ता नग्गियं पस्सित्वा अप्पसादं कत्वा निरयूपागा भविस्सन्ति, तथा सप्पा च डंसित्वा, तेसं पापविमोचनत्थं भूतगामपातव्यता अनुज्जाता । दानपतीनं चित्तरक्खणत्थं पटगिदानादि । अज्जथा लोकस्स पुज्जन्तरायो, सङ्घस्स च लाभन्तरायो होति । वधकस्स पन चित्तहितकरणं नत्थि, तं पन अवीतिक्कमं, जीवितपरिच्चजनं पस्सित्वा वा “अहो दुक्करं कत”न्ति पसादमेव लभेय्युन्ति अत्तनो न वट्ठति, अज्जस्स वट्ठति । अज्जथा तित्थियानं असद्धम्मसिद्धियाति । **गण्ठपदे** पन “जीवितत्थाय रुक्खं छिन्दन्तस्स अत्तसिनेहवसेन छिन्दनतो अकुसलत्ता न वट्ठति, अज्जस्स वट्ठती”ति लिखितं । अनेकेसु रुक्खेन ओत्थतेसु, ओपाते वा पतितेसु अज्जेन अज्जस्सत्थाय रुक्खछेदनादि कातुं वट्ठति, कस्मा? परपरित्ताणाधिप्पायतोति । **परित्तन्ति** रक्खणं, तं दस्सेतुं “समन्ता भूमितच्छन”न्तिआदि वुत्तं ।

१९१. तीहि मारिते पन विसङ्केतन्ति एत्थ तीसु एकेन मारितेपि “खेत्तमेव ओतिण्णत्ता पाराजिक”न्ति वुत्तत्ता तयोपि एकतो हुत्वा मारेन्ति चे, आपज्जति, तेनेव वुत्तं “परिच्छेदब्भन्तरे वा अविसङ्केत”न्ति । “परिच्छेदातिक्कमे पन सब्बत्थ विसङ्केतं होती”ति वुत्तत्ता द्विन्नं बलं गहेत्वा ततियो चे मारेति आपज्जति विय दिस्सति, वीमंसितब्बं । “द्वे मारेन्तू”ति वुत्ते एकेन वा द्वीहि वा मारिते पाराजिकन्ति “द्विन्नं पहारानं मरणे सति द्वे मारिता नाम होन्ति, असति एकोव होति, तस्मा विजानितब्ब”न्ति वदन्ति ।

ततियपाराजिकवण्णना निट्ठिता ।

#### ४. चतुत्थपाराजिकं

##### वग्गुमुदातीरियभिक्खुवत्थुवण्णना

१९३. चतुत्थे वग्गु च सा मोदयति च सत्तेति **वग्गुमुदा** । “वग्गुमुदा”तिपि पाठो, तस्स वग्गु च सा पसन्नसुद्धतरङ्गसमिद्धत्ता सुखुमा चाति अत्थो जीवितवग्गुत्थनिता जीवितत्थन्ति नीलुप्पलन्तिआदीसु विय । मदस्साति च बहुखज्जभोज्जपानादिसमिद्धा नदी छणदिवसेसूति निरुत्ति वेदितब्बा । वग्गु परिसुद्धाति लोकेन सम्मताति किर अत्थो । **भासितो** भविस्सतीति पाठसेसो ।

१९४-५. वण्णवा वण्णवन्तो वण्णवन्तानीतिपि सिज्झति किर बहुवचनेन । यस्मा इन्द्रियानं ऊनत्तं, पूरत्तं वा नत्थि, तस्मा “अभिनिविट्ठोकासस्स परिपुण्णत्ता”ति वुत्तं । छट्ठस्स अभिनिविट्ठोकासो हृदयवत्थु । चतुइरियापथचक्के **पाकतिन्द्रिये** । अत्तनो दहतीति अत्तना दहति, अत्तना पटिविद्धं कत्वा पवेदेतीति अधिप्पायो । सन्तन्ति वत्तमानं । **गोत्रभुनोति** गोत्तमतं अनुभवत्ता नाममत्तकमेवाति अत्थो ।

##### सविभङ्गसिक्खापदवण्णना

१९७. **पदभाजने** “तिस्सो विज्जा”ति वुत्तत्ता अरूपावचरज्झानानि पटिक्खित्तानीति चे? न, तत्थेव “यं जाणं, तं दस्सनं, यं दस्सनं, तं जाण”न्ति दस्सनपदेन विसेसेत्वा वुत्तत्ता, तस्मा एव **अट्ठकथायं** “विज्जासीसेन पदभाजनं वुत्त”न्ति वुत्तं । धुरं कत्वाति पुरिमं कत्वा ।

##### पदभाजनीयवण्णना

१९९. अनागते उप्पज्जनकरागादीनं कारणत्ता रागादयोव **निमित्तं** नाम । तिस्सन्नज्ज विज्जानं अज्जतरं सन्धाय “विज्जानं

लाभीम्ही'ति भणति, पाराजिकं, न वत्थुविज्जादीनं किलेसनहानमेव वुत्तं, तंखणत्ता उत्तरिमनुस्सधम्मप्पवत्ति न होतीति चे? न, मग्गकिच्चदीपनतो। तेनेव “मग्गेन विना नत्थी”तिआदि वुत्तं। चित्तन्ति चित्तस्स विगतनीवरणताति अत्थो। “यावञ्च विज्जा अनागता, ताव विपस्सनाजाणस्स लाभीम्ही”ति वदन्तो यदि लोकुत्तरं सन्धाय वदति, सोपि च तथा जानाति, पाराजिकमेव लोकुत्तरस्सपि तं नामत्ता”ति वदन्ति। “अविसेसेनापि वदतो पाराजिकं वुत्तन्ति लोकुत्तरं सन्धाय वदतो ‘पाराजिक’न्ति वत्तुं युज्जति। यथा किं ‘विज्जानं लाभीम्ही’ति भणन्तोपि पाराजिकमेवा”ति वुत्तद्धाने वत्थुविज्जादीनं सम्भवेपि तासं अनधिप्पेतत्ता पाराजिकं होति, एवमिधापि। न सक्का अज्जं पमाणं कातुन्ति अत्तनो गुणमारोचेतुकामो लोकियेन सम्मिस्सं अत्थपटिसम्भिदं वदतो पाराजिकन्ति पमाणं कातुं न सक्का, इतरथा होती”ति अपरेहि वुत्तं, “तं पुब्बापरविरुद्धं, तस्मा विज्जानिदस्सनं इध अनिदस्सनं सासने वत्थुविज्जादीनं विज्जाविधानाभावा। भगवता विभत्तखेत्तपदे वा तेसं परियायवचनानं अनामदुत्ता न सक्का अज्जं पमाणं कातु”न्ति लिखितं। “पटिसम्भिदानं लाभीम्ही”ति वुत्ते परियायेन वुत्तत्ता थुल्लच्चयं युत्त”न्ति वदन्ति, विचारेतब्बं। वीमंसित्वा गहेतब्बन्ति “यो ते विहारे वसती”तिआदीहि संसन्दनतो परियायवचनत्ता थुल्लच्चयं वुत्तं। “निरोधसमापत्तिं समापज्जामी”ति वा ‘लाभीम्हाहं तस्सा’ति वा वदतोपी”ति वुत्तवचनम्पि “सचे पनस्सेवं होती”तिआदिवचनम्पि अत्थतो एकमेव, सोपि हि अत्तनो विसेसं आरोचेतुमेव वदति। “यो ते विहारे वसती”तिआदीसु अहं-वचनाभावा परियायो युज्जति, इध पन ‘लाभीम्हाहं तस्सा’ति अत्तानं निद्विसति, तस्मा पाराजिकं आपज्जितुं युत्तं विया”ति वदन्ति। “महापच्चरियादिवचनं उत्तरिमनुस्सधम्मेषु एकोपि न होति, तस्मा परियायेन वुत्तत्ता न होती”ति वदन्ति, सुद्धु उपपरिक्खितब्बं। फलसच्छिकिरिया-पदतो पट्टाय एव पाठो गहेतब्बो, फलसच्छिकिरियायपि एकेकम्पि एकेकफलवसेन पाराजिकं वेदितब्बं।

रागस्स पहानन्तिआदित्तिके किलेसप्पहानमेव वुत्तं, तं पन यस्मा मग्गेन विना नत्थि। ततियमग्गेन हि रागदोसानं पहानं, चतुत्थेन मोहस्स, तस्मा “रागो मे पहीनो”तिआदीनि वदतोपि पाराजिकं। रागा चित्तं विनीवरणतातिआदित्तिके लोकुत्तरमेव वुत्तं, तस्मा “रागा मे चित्तं विनीवरण”न्तिआदीनि वदतो पाराजिकमेवाति। अकुप्पधम्मत्ताति केचि उत्तरविहारवासिनो। कस्मा न होतीति चे? “इति जानामि, इति पस्सामी”ति वत्तमानवचनेनेव मातिकायं वुत्तत्ता। यदि एवं पदभाजने “समापज्जिं, समापन्नो”तिआदिना वुत्तत्ता “अतीतत्तभावे सोतापन्नोम्ही”ति वदतोपि होतूति चे? न, अज्जथा अत्थसम्भवतो। कथं? अद्भापच्चुप्पन्नवसेन वत्तमानता गहेतब्बाति आपनत्थं वुत्तं, न अतीतत्तभावं। अतीतत्तभावो हि परियायेन वुत्तत्ता “थुल्लच्चय”न्ति वुत्तन्ति आचरिया।

२००. “सचेपि न होति, पाराजिकमेवा”ति अट्टानपरिकप्पवसेन वुत्तं किर। “इति वाचा तिवङ्गिका”ति वक्खति। नत्थेतन्ति पुरिमे सति पच्छिमस्साभावा समापज्जिं, समापन्नोति इमेसं किञ्चापि अत्थतो कालविसेसो नत्थि, वचनविसेसो पन अत्थि एव।

२०७. उक्खेटितोति उत्तासितो। खिट उत्रासने।

सुद्धिकवारकथावण्णना निड्डिता।

### वत्तुकामवारकथावण्णना

विज्जन्तिपथेति विजाननद्वाने, तेन “विज्जन्तिपथमतिक्कमित्वा ठितो भिक्खु दिब्बाय सोतधातुया सुत्वा जानाति, न पाराजिकन्ति दीपेती”ति वुत्तं। ज्ञानं किर समापज्जन्ति एत्थ सो चे “एस भिक्खु अत्तनो गुणदीपनाधिप्पायेन एवं वदती”ति जानाति, पाराजिकमेव। अज्जथा जानातीति चे? पाराजिकच्छाया न दिस्सतीति आचरियो।

वत्तुकामवारकथावण्णना निड्डिता।

## अनापत्तिभेदकथावण्णना

अनुल्लपनाधिप्पायोति यदि उल्लपनाधिप्पायो भवेय्य, दुक्कटमेवाति अपरे। “तं परतो ‘नावुसो, सक्का पुथुज्जनेन अधिवासेतु’न्ति वत्थुना संसन्दित्वा गहेतब्ब”न्ति वुत्तं।

पदभाजनीयवण्णना निट्ठिता।

## विनीतवत्थुवण्णना

२२५-६. दुक्कर आगार आवटकाम अभिरतिवत्थूसु “यदि उल्लपनाधिप्पायो भवेय्य, पाराजिक”न्ति वदन्ति, कारणं पन दुद्धसं, थुल्लच्चयं वुत्तं विय, वीमंसितब्बं। **यानेन वा इद्धिया वा गच्छन्तोपि पाराजिकं नापज्जतीति** पदसा गमनवसेनेव कतिकाय कताय युज्जति। “अपुब्बंअचरिमं गच्छन्तोति हत्थपासं अविजहित्वा अज्जमज्जस्स हत्थं गण्हन्तो विय गच्छन्तो”ति वुत्तं। उट्ठेय एथ गच्छामाति एवं सहगमने पुब्बापरा गच्छन्तोपि नापज्जतीति आचरियस्स तक्को। **वसन्तस्साति** तथा वसन्तो चे उपासकेन दिस्सति, पाराजिको होति। “रत्तिं वसित्वा गच्छन्तो न पाराजिको”ति वुत्तं। **नानावेरज्जकाति** नानाजनपदवासिनो। **सङ्गलाभोति** यथावुद्धं अत्तनो पापुणनकोट्टासो।

२२८. इधाति “को नु खो”तिआदिना वुत्ते पज्जाकम्मे। **धम्मधातु** सब्बज्जुतज्जाणं।

२३२. न उप्पटिपाटियाति न सीहोक्कन्तवसेन अनुस्सरि। तस्मा अन्तराभवभूता एका एव जातीति पटिविज्जतीति अत्थो।

## निगमनवण्णना

२३३. **चतुवीसतीति** एत्थ मातुघातकपितुघातकअरहन्तघातका ततियपाराजिकं आपन्ना। भिक्खुनिदूसको, लम्बिआदयो च चत्तारो पठमपाराजिकं आपन्ना एवाति कत्वा कुतो चतुवीसतीति चे? न, अधिप्पायाजाननतो। मातुघातकादयो हि चत्तारो इधानुपसम्पन्ना एव अधिप्पेता, लम्बिआदयो चत्तारो किञ्चापि पठमपाराजिकेन सङ्गहिता, यस्मा एकेन परियायेन मेथुनधम्मपटिसेविनो न होन्ति, तस्मा विसुं वुत्ता। “एककम्मं एकुद्देशो समसिक्खता”ति एवं वुत्तसंवासस्स अभब्बतामत्तं सन्धाय वुत्तं “**यथा पुरे तथा पच्छा**”ति। अज्जथा नेसं समज्जायपटिज्जायभिक्खुभावोपि नत्थीति आपज्जति।

चतुत्थपाराजिकवण्णना निट्ठिता।

पाराजिककण्डवण्णना निट्ठिता।

## २. सङ्गादिसेसकण्डो

### १. सुक्कविस्सट्ठिसिक्खापदवण्णना

२३५. “ओक्कमन्तान”न्ति पाठो। एत्थाह — “यो पन भिक्खू”ति कारको इध कस्मा न निट्ठित्थोति? **अभि**-निट्ठेसेन इमस्स सापेक्खाभावदस्सनत्थं। कथं? कण्डुवनादिअधिप्पायचेतनावसेन चेतनेत्तस्स कण्डुवनादिउपक्कमेन उपक्कमन्तस्स, मेथुनरागवसेन ऊरुआदीसु दुक्कटवत्थूसु, वणादीसु थुल्लच्चयवत्थूसु च उपक्कमन्तस्स सुक्कविस्सट्ठिया सतिपि न सङ्गादिसेसो। मोचनस्सादसङ्गाताधिप्पायापेक्खाव सुक्कविस्सट्ठि सति उपक्कमे, न अज्जथा “अनापत्ति न मोचनाधिप्पायस्सा”ति वचनतो। तस्मा तदत्थदस्सनत्थं इध कारको न निट्ठित्थो, अज्जथा “यो पन भिक्खु सज्जेतनिकं सुक्कविस्सट्ठिं आपज्जेय्या”ति कारके निट्ठित्थे “चेतेति न उपक्कमति मुच्चति, अनापत्ती”ति वुत्तवचनविरोधो। “सज्जेतनिकाय सुक्कविस्सट्ठिया अज्जत्र सुपिनन्ता”ति भुम्मे

निद्विद्वेपि सोव विरोधो आपज्जति, तस्मा तदुभयवचनकमं अवत्वा “सञ्चेतनिका सुक्कविस्सट्ठि अञ्जत्र सुपिनन्ता”ति वुत्तं । तत्थ निमित्तत्थे भुम्मवचनाभावतो हेतुत्थनियमो न कतो होति । तस्मिं अकते सञ्चेतनिका सुक्कविस्सट्ठि अञ्जत्र सुपिनन्ता सङ्गादिसेसापत्ति, उपक्कमे असति अनापत्तीति अयमत्थो दीपितोति वेदितब्बं ।

**२३६-७. सञ्चेतनिकाति** एत्थ पठमविग्गहेन उपसगगस्स सात्थकता दस्सिता, दुतियेन इकपच्चयस्स ।

वातपित्तसेम्हरुहिरादि**आसयभेदतो**ति अत्थो । **धातू**ति एत्थ “पथवीधातुआदयो चतस्सो, चक्खुधातुआदयो वा अट्टारसा”ति **गण्ठपदे** लिखितं । **वत्थिसीसन्ति** वत्थिपुटस्स सीसं । “अङ्गजातस्स मूलं अधिप्पेतं, न अगगसीस”न्ति वदन्ति । **तथेवा**ति “निमित्ते उपक्कमतो”तिआदिं गण्हाति । **ततो मुच्चित्वा**ति “न सकलकायतो, तस्मा पन ठाना चुतमत्ते होतू”ति **गण्ठपदे** लिखितं । “दकसोतं ओतिण्णमत्ते”ति इमिना न समेतीति चे? ततो दकसोतरोहणञ्चेत्थातिआदि वुच्चति । तस्सत्थो — निमित्ते उपक्कमं कत्वा सुक्कं ठाना चावेत्वा पुन विप्पटिसारवसेन दकसोतरोहणं निवारेतुं अधिवासेमीति । ततो बहि निक्खमन्ते अधिवासेतुं न सक्का, तथापि अधिवासनाधिप्पायेन अधिवासेत्वा अन्तरा दकसोततो उद्धं निवारेतुं असक्कुण्येय्यताय “अनिक्खन्ते वा”ति वुत्तं । कस्मा? ठाना चुतज्झि अवस्सं दकसोतं ओतरतीति अट्टकथाधिप्पायो गण्ठपदाधिप्पायेन समेति । **ततो मुच्चित्वा**ति सकट्टानतो । सकसरीरतो हि बहि निक्खन्तमेव होति, ततो “बहि निक्खन्ते वा अनिक्खन्ते वा”ति वचनं विरुज्जेय्य । यस्मा पन तम्हा तम्हा सरीरपदेसा चुतं अवस्सं दकसोतं ओतरति, तस्मा वुत्तं “दकसोतं ओतिण्णमत्ते”ति, इमिना च आपत्तिया पाकटकालं दस्सेति, किं वुत्तं होति? मोचनस्सादेन निमित्ते उपक्कमतो सुक्कं बहुतरम्पि सरीरपदेसा चुतं तत्थ तत्थ लग्गावसेसं यत्तकं एका खुहुकमक्खिका पिवेय्य, तत्तके दकसोतं ओतिण्णमत्ते सङ्गादिसेसापत्ति । वुत्तज्झि **कङ्गावितरणियं** (कङ्गा० अट्ट० सुक्कविस्सट्ठिसिक्खापदवण्णना) “दकसोतं अनोतिण्णेपि सङ्गादिसेसो”तिआदि । तत्तकस्स बहि निक्खमनं असल्लक्खन्तो “चेतेति उपक्कमति न मुच्चति, आपत्ति थुल्लच्चयस्सा”ति वचनतो थुल्लच्चयन्ति सञ्जाय देसेन्तोपि न मुच्चति, पस्सावम्पि वण्णतं पस्सित्वा वत्थिकोसगतस्स पिच्छिलताय वा जत्वा सङ्गादिसेसतो वुट्ठातब्बं । अयमेत्थ ततियत्थेरवादे युत्ति । सब्बाचरिया इमे एव तयो थेरा, तेसम्पि दकसोतरोहणं निमित्ते उपक्कमनन्ति अयं दुतियो विनिच्छयो साधारणतो एत्थ, एवं **उपतिस्सत्थेरो** वदति किर ।

ठाना चुतज्झि अवस्सं दकसोतं ओतरतीति कत्वा “**ठाना चावनमत्तेनेवेत्थ आपत्ति वेदितब्बा**”ति वुत्तं । दकसोतं ओतिण्णे एव आपत्ति । सुक्कस्स हि सकलं सरीरं ठानं, अनोतिण्णे ठाना चुतं नाम न होतीति वीमंसितब्बं । आभिधम्मिकत्ता थेरस्स “सुक्कविस्सट्ठि नाम रागसमुट्ठाना होती”ति (कथा० अट्ट० ३०७) **कथावत्थुदुक्कथायं** वुत्तत्ता सम्भवो चित्तसमुट्ठानो, “तं असुचिं एकदेसं मुखेन अगगहेसि, एकदेसं अङ्गजाते पक्खिपी”ति (पारा० ५०३) वचनतो उतुसमुट्ठानो च दिस्सति, सो च खो अवीतरागस्सेव “अट्ठानमेतं, भिक्खवे, अनवकासो यं अरहतो असुचि मुच्चेय्या”ति (महाव० ३५३; कथा० ३१३) वचनतो । **परूपाहारदुक्कथायं** “अत्थि तस्स आसयोति तस्स सुक्कस्स उच्चारपस्सावानं विय पतिट्ठानोकासो अत्थी”ति (कथा० अट्ट० ३०९) चनतो तस्स आसयोति सिद्धं । पाकतिकचित्तसमुट्ठानरूपं विय असंसट्ठत्ता, निक्खमनतो च “वत्थिसीसं, कटि, कायो”ति तिधा सुक्कस्स ठानं पक्कपेन्ति आचरिया । सप्पविसं विय तं दट्ठब्बं, न च विसस्स ठाननियमो, कोधवसेन फुसन्तस्स होति, एवमस्स न च ठाननियमो, रागवसेन उपक्कमन्तस्स होतीति तक्को ।

**खोभकरणपच्चयो** नाम भेसज्जसेनासनाहारादिपच्चयो । **संसगगभेदतोपी**ति एतेसु द्वीहिपि तीहिपि । **पहीनविपल्लासत्ता**ति एत्थ यं किञ्चि सुपिनन्तेन सेक्खपुथुज्जना पस्सन्ति, तं सब्बं विपल्लत्थं अभूतमेवाति आपज्जति । ततो “यं पन पुब्बनिमित्ततो पस्सति । तं एकन्तसच्चमेव होती”ति इदं विरुज्जति, तस्मा न विसयं सन्धाय वुत्तं । सो हि सच्चो वा होति, अलिको वाति कत्वा तज्जे सन्धाय वुत्तं सिया, “असेक्खा पहीनविपल्लासत्ता सच्चमेव पस्सन्ति, नासच्च”न्ति वत्तब्बं सिया । किन्तु दस्सनं सन्धाय वुत्तं । तज्झि अभूतं, अपस्सन्तोपि हि पस्सन्तो विय असुणन्तोपि सुणन्तो विय अमुनन्तोपि मुनन्तो विय होति । सच्चम्पि विपस्सतीति नो तक्कोति आचरियो । **तं रूपनिमित्तादिआरम्मणं न होति**, आगन्तुकपच्चुप्पन्नं रूपनिमित्तादिआरम्मणं सन्धाय वुत्तं । कम्मनिमित्तगतिनिमित्तभूतानि हि रूपनिमित्तादीनि भवङ्गस्स आरम्मणानि होन्ति एव । तत्थ कम्मनिमित्तमतीतमेव, गतिनिमित्तं थोकं कालं पच्चुप्पन्नं सिया ।

**ईदिसानीति** पचवक्खतो अनुभूतपुब्बपरिकप्पितागन्तुकपच्चुप्पन्नरूपनिमित्तादिआरम्मणानि, रागादिसम्पयुत्तानि चाति अत्थो । **मक्कटस्स निद्वा लहुपरिवत्ता होति** । सो हि रुक्खसाखतो पतनभया अभिक्खणं उम्मीलति च सुपति च । मनुस्सा किञ्चापि पुनप्पुनं उम्मीलन्ति सुब्बत्तरं पटिबुद्धा विय पस्सन्ति, अथ खो पटिबुद्धानं पुनप्पुनं भवङ्गोत्तरणं विय सुपिनकालेपि तेसं भवङ्गोत्तरणं होति, येन “सुपती”ति वुच्चति । “भवङ्गचित्तेन हि सुपती”ति वचनतो भवङ्गोत्तरणं करजकायस्स निरुस्साहसन्तभावूपनिस्सयत्ता “निद्वा”ति वुच्चति । सा करजकायस्स दुब्बलभावेन सुपिनदस्सनकाले भवङ्गतो उत्तरणे सतिपि निरुस्साहसन्तभावप्पत्तिया “पवत्तती”ति च वुच्चति, यतो सत्ता “पटिबुद्धा”ति न वुच्चन्ति, करजकायस्स निरुस्साहसन्तसभावप्पत्तितो च तन्निस्सितं हृदयवत्थु न सुप्पसन्नं होति, ततो तन्निस्सितापि चित्तप्पवत्ति असुप्पसन्नवट्टिनिस्सितदीपप्पभा विय । तेनेव **अट्टकथायं** “स्वायं दुब्बलवत्थुकत्ता चेतनाय पटिसन्धिं आकट्ठितुं असमत्थो”तिआदि वुत्तं ।

**गण्ठपदे** पन “दुब्बलवत्थुकत्ताति सुपिने उपट्ठितं निमित्तम्पि दुब्बल”न्ति लिखितं । तं अनेकत्थं सब्बम्पि निमित्तं होति, न च दुब्बलारम्मणवत्थुकत्ता चेतना, ताय चित्तप्पवत्ति दुब्बला अतीतानागतारम्मणाय, पञ्चत्तरम्मणाय वा अदुब्बलत्ता, अवत्थुकाय दुब्बलभावो न युज्जति चेतनाय अवत्थुकाय भावनापभावायातिरेकबलसम्भावतो । भावनाबलसम्पत्तिज्झि चित्तं अरूपम्पि समानं अतिभारियम्पि करजकायं गहेत्वा एकचित्तक्खणेनेव ब्रह्मलोकं पापेत्वा ठपेति । तप्पटिभागं अनप्पितम्पि कामावचरचित्तं करजकायं आकासे लङ्घनसमत्थं करोति, पगेवेतरं । किं पनेत्थ तं अनुमानकारणं, येन चित्तस्सेव आनुभावोति पञ्चायेय्य चित्तानुभावेन वा लङ्घासेवनादिकिरियाविसेसनिब्बत्तिदस्सनतो, तस्मा दुब्बलवत्थुकत्ताति दुब्बलहृदयवत्थुकत्ताति आचरियस्स तक्को । अत्तनो मन्दतिक्खाकारेन तन्निस्सितस्स चित्तस्स मन्दतिक्खभावनिष्पादनसमत्थज्जे, हृदयवत्थु चक्खुसोतादिवत्थु विय इन्द्रियं भवेय्य, न चेतं इन्द्रियं । यतो **धम्मसङ्गहे** उपादायरूपपाळियं उद्देसारहं न जातं । अनिन्द्रियत्ता हि तं कायिन्द्रियस्स अनन्तरं न उद्दिट्ठं, वत्थुरूपत्ता च अवत्थुरूपस्स जीवितिन्द्रियस्स अनन्तरम्पि न उद्दिट्ठं, तस्मा यं वुत्तं “तस्स असुप्पसन्नत्ता तन्निस्सिता च चित्तप्पवत्ति असुप्पसन्ना होती”ति, तं न सिद्धन्ति चे? सिद्धमेव अनिन्द्रियानम्पि सप्पायासप्पायउतुआहारादीनं पचवयानं समायोगतो, चित्तप्पवत्तिया विकारदस्सनतो, पचवक्खत्ता च । यस्मा अप्पटिबुद्धोपि पटिबुद्धं विय अत्तानं मज्जतीति । एत्तावता करजकायस्स निरुस्साहसन्तभावाकारविसेसो निद्वा नाम । सा चित्तस्स भवङ्गोत्तरणाकारविसेसेन होति, ताय समन्नागतो सत्तो भवङ्गतो उत्तिण्णो सुपिनं पस्सति, सो “कपिमिद्धपरेतो”ति वुच्चति, सो सुत्तो अप्पटिबुद्धो होतीति अयमत्थो साधितो होति ।

यस्मा भवङ्गवारनिरन्तरताय अच्चन्तसुत्तो नाम होति, तस्मा “**यदि ताव सुत्तो पस्सति, अभिधम्मविरोधो आपज्जती**”तिआदि वुत्तं । यस्मा पन निद्वाक्खणे न पटिबुद्धो नाम होति, तस्मा “**अथ पटिबुद्धो पस्सति, विनयविरोधो**”तिआदि वुत्तं, यस्मा च अखीणनिद्दो, अनोतिण्णभवङ्गो च अत्थि, तस्मा “**कपिमिद्धपरेतो पस्सती**”ति वुत्तं । अज्जथा अयं नेव सुत्तो न पटिबुद्धो, अत्तना तं निद्दं अनोक्कन्तो आपज्जेय्य । एत्तावता च अभिधम्मो, विनयो, नागसेनत्थेरवचनं युत्ति चाति सब्बं अज्जमज्जसंसन्दितं होति । तत्थ **कपिमिद्धपरेतो**ति भवङ्गतो उत्तिण्णनिद्वापरेतो । सा हि इध कपिमिद्धं नाम । “तत्थ कतमं मिद्धं? या कायस्स अकल्यता अकम्मज्जता...पे... सुपनं, इदं वुच्चति मिद्ध”न्ति (ध० स० ११६३) एवमागतं । इदज्झि अरूपं, इमस्स फलभूतो करजकायस्स अकल्यता पचलायिकासुपि निद्वाविसेसो कारणोपचारेन “कपिमिद्ध”न्ति पवुच्चति । यज्जेव “कपिमिद्धपरेतो खो, महाराज, सुपिनं पस्सती”ति (मि० प० ५.३.५ थोकं विसदिसं) वुत्तन्ति ।

**यं तं आपत्तिवुट्ठानन्ति** एत्थ येन विनयकम्मेन ततो वुट्ठानं होति, तं इध आपत्तिवुट्ठानं नाम । अवयवे समूहवोहारेन वाति एत्थ साखच्छेदको रुक्खच्छेदकोति वुच्चतीतिआदि निदस्सनं, वेदनाक्खन्धादि रुळ्हीसदस्स निदस्सनं । **न च मयाति** वीमंसनपदस्स तस्स किरियं सन्धाय, मोचने च सन्निट्ठानं सन्धाय मुच्चनपकतिया चाति वुत्तं ।

**२४०. गेहन्ति** पञ्चकामगुणा । **वनभङ्गियन्ति** पाभतिकं । सम्पयुत्तसुखवेदनामुखेन रागोव “अस्सादो”ति वुत्तो । **सुपन्तस्स** चाति इदं कपिमिद्धपरेतो विय भवङ्गसन्ततिं अविच्छिन्दित्वा सुपन्तं सन्धाय वुत्तन्ति, वीमंसितब्बं । **जगगन्तथायाति** सोधनत्थाय ।



२६६. “दारुधीतलिकलेपचित्तानं अङ्गजातपटिनिज्झानेपि दुक्कट”न्ति वदन्ति । “उप्पन्ने परिळाहे मोचनरागजो”ति लिखन्ति । वालिकाय वा “हत्थिकामं नस्सती”ति एत्थ विय “आपत्ति त्व”न्ति सब्बत्थ पाठो । “एहि मे त्वं, आवुसो सामणेरे, अङ्गजातं गण्हाही”ति आगतत्ता “वचीकम्म”न्तिपि वत्तुं युत्तं विय दिस्सति । एवं सन्ते अज्जं “एवं करोही”ति आणत्तियापि आपत्ति सियाति सङ्करं होति । तस्मा न वुत्तन्ति गहेतब्बन्ति केचि ।

२६७. “पुप्फावलियं सासवळिय”न्ति दुविधो किर ।

सुक्कविस्सट्ठिसिक्खापदवण्णना निट्ठिता ।

## २. कायसंसग्गसिक्खापदवण्णना

२७०. “ओतिण्णो”ति इमिनास्स सेवनाधिप्पायता दस्सिता । “विपरिणतेन चित्तेन मातुगामेन सद्धि”न्ति इमिनास्स वायामो दस्सितो । “सद्धि”न्ति हि पदं संयोगं दीपेति, सो च पयोगो समागमो अल्लीयनं । केन चित्तेन? विपरिणतेन चित्तेन, न पत्तपटिगहणाधिप्पायादिनाति अधिप्पायो । “कायसंसग्गं समापज्जेय्या”ति इमिनास्स वायमतो फस्सपटिविजानना दस्सिता होति । वायमित्वा फस्सं पटिविजानन्तो हि समापज्जति नाम । एवमस्स तिवङ्गसम्पत्ति दस्सिता होति । अथ वा ओतिण्णो । केन? विपरिणतेन चित्तेन यक्खादिना सत्तो विय । उपयोगत्थे वा एतं करणवचनं । ओतिण्णो विपरिणतं चित्तं कूपादिं विय सत्तो । अथ वा “रागतो उत्तिण्णो भविस्सामी”ति भिक्खुभावं उपगतो, ततो उत्तिण्णाधिप्पायतो विपरिणतेन चित्तेन हेतुभूतेन तमेव रागं ओतिण्णो । मातुगामेन अत्तनो समीपं आगतेन, अत्तना उपगतेन वा । एतेन मातुगामस्स सारत्तता वा होतु विरत्तता वा, सा इध अप्पमाणा, न भिक्खुनीनं कायसंसग्गे विय उभिन्नं सारत्तताय पयोजनं अत्थि ।

कायसंसग्गन्ति उभिन्नं कायानं सम्पयोगं । पदभाजने पन “समापज्जेय्याति अज्झाचारो वुच्चती”ति वुत्तं, तं समापज्जनं सन्धाय, न कायसंसग्गं । कायसंसग्गस्स समापज्जना हि “अज्झाचारो”ति वुच्चति । अट्ठकथायं पन “यो सो कायसंसग्गो नाम, सो अत्थतो अज्झाचारो होती”ति वुत्तं, तं परतो पाळियं “सेवनाधिप्पायो, न च कायेन वायमति, फस्सं पटिविजानाति, अनापत्ती”ति (पारा० २७९) वुत्तलक्खणेन विरुज्झतीति । फस्सपटिविजाननाय हि संसग्गो दीपितो । सो चे अज्झाचारो होति, कथं अनापत्ति होतीति । सुवुत्तमेतं, किन्तु “कायसंसग्गं समापज्जेय्या”ति पदं उद्धरित्वा “अज्झाचारो वुच्चती”ति उभिन्नमपि पदानं सामञ्जभाजनीयत्ता, समापज्जितब्बाभावे समापज्जनाभावेन “सो अत्थतो अज्झाचारो होती”ति वुत्तं सिया ।

“हत्थग्गाहं वा”ति एत्थ हत्थेन सब्बोपि उपादिन्नको कायो सङ्गहितो, न भिन्नसन्तानो तप्पटिबद्धो हत्थालङ्कारादि । वेणिग्गहणेन अनुपादिन्नको अभिन्नसन्तानो केसलोमनखदन्तादिको कम्मपच्चयउतुसमुद्धानो गहितोति वेदितब्बं । तेनेवाह अट्ठकथायं “अनुपादिन्नकेनपि केनचि केसादिना उपादिन्नकं वा अनुपादिन्नकं वा फुसन्तोपि सङ्गादिसेसं आपज्जतियेवा”ति (पारा० अट्ठ० २.२७४) । तेन अनुपादिन्नकानमपि केसलोमादीनं अङ्गभावो वेदितब्बो । एवं सन्तेपि “फस्सं पटिजानातीति तिवङ्गसम्पत्तिया सङ्गादिसेसो । फस्सस्स अप्पटिविजाननतो दुवङ्गसम्पत्तिया दुक्कट”न्ति इमिना पाळिअट्ठकथानयेन विरुज्झतीति चे? न, तदत्थजाननतो । फुट्टभावज्झि पटिविजानन्तोपि फस्सं पटिविजानाति नाम, अयमेको अत्थो, तस्मा मातुगामस्स, अत्तनो च कायपरियापन्नानं केसादीनं अज्जमज्जं फुट्टभावं फुसित्वा तं सादियनं फस्सं पटिविजानाति नाम, न कायविज्जाणुपत्तिया एव । अनेकन्तिकज्हेत्थ कायविज्जाणं । मातुगामस्स उपादिन्नकेन कायेन, अनुपादिन्नकेन वा कायेन भिक्खुनो उपादिन्नककाये फुट्टे पसन्नकायिन्द्रियो चे होति, तस्स कायविज्जाणं उप्पज्जति, तेनेव फस्सं पटिविजानाति नाम सो होति । अनुपादिन्नककायो, लोलुप्पो अप्पसन्नकायिन्द्रियो वा होति, तिमिरवातेन उपहतकायो वा तस्स कायविज्जाणं नुप्पज्जति । न च तेन फस्सं पटिविजानाति नाम, केवलं सेवनाधिप्पायेन वायमित्वा कायसंसग्गं समापज्जन्तो फस्सं पटिविजानाति नाम मनोविज्जाणेन, तेन वुत्तं “कायसंसग्गं समापज्जेय्याति इमिनास्स वायमतो फस्सपटिविजानना दस्सिता”ति । अपरोपि भिक्खु मातुगामस्स कायपटिबद्धेन वा निस्सग्गियेन वा फुट्टो कायविज्जाणं उप्पादेन्तेन फस्सं पटिविजानाति नाम, तस्मा वुत्तं “अनेकन्तिकज्हेत्थ कायविज्जाण”न्ति । अपरो वत्थं

पारुपित्वा निदायन्तं मातुगामं कायसंसगारागेन वत्थस्स उपरिभागे सणिकं फुसन्तो वत्थन्तरेन निक्खन्तलोमसम्फस्सं अप्पटिविजानन्तोपि सेवनाधिप्पायो कायेन वायमित्वा फस्सं पटिविजानाति नाम, सङ्गादिसेसं आपज्जति । “नीलं घट्टेस्सामीति कायं घट्टेति, सङ्गादिसेसो”ति हि वुत्तं । अयं दुतियो अत्थो । एवं अनेकत्थत्ता, एवं दुविज्जेय्याधिप्पायतो च **मातिकाटुकथायं** फस्सपटिविजाननं अङ्गन्त्वेव न वुत्तं । तस्मिञ्च वुत्ते ठानमेतं विज्जति, यं भिक्खु सङ्गादिसेसं आपज्जित्वापि नखेन लोमेन संसगो दिट्ठो, न च मे लोमघट्टनेन कायविज्जाणं उप्पन्नं, तिमिरवातथद्धगतो चाहं न फस्सं पटिविजानामीति अनापन्नसञ्जी सियाति न वुत्तं, अपिच “फस्सं पटिविजानाति, न च फस्सं पटिविजानाती”ति च एतेसं पदानं **अटुकथायं** वुत्तनयं दस्सेत्वा सो पञ्जापेतब्बो । एत्तावता न तदत्थजाननतोति कारणं वित्थारितं होति ।

### पदभाजनीयवण्णना

२७१. “रत्तं चित्तं इमस्मिं अत्थे अधिप्पेतं विपरिणत”न्ति किञ्चापि सामञ्जेन वुत्तं, **विनीतवत्थूसु** “मातुया मातुपेमेन आमसति...पे०... आपत्ति दुक्कटस्सा”ति वुत्तत्ता कायसंसगारागेनेव रत्तन्ति वेदितब्बं । तथा “मातुगामो नाम मनुस्सित्थी”ति किञ्चापि अविसेसेन वुत्तं, अथ खो अविनट्ठिन्द्रियाव मनुस्सित्थी इधाधिप्पेता “मत्तिथिया कायसंसगं समापज्जि...पे०... आपत्ति थुल्लच्चयस्सा”ति वुत्तत्ता । “मनुस्सित्थी”ति एत्तावता सिद्धे “न यक्खी न पेती न तिरच्छानगता”ति वचनं अविनट्ठिन्द्रियापि न सब्बा मनुस्सविग्गहा इत्थी इध मनुस्सित्थी नाम । यक्खिआदयो हि अत्तनो जातिसिद्धेन इद्धिविसेसेन इज्झन्तियो मनुस्सविग्गहापि होन्तीति दस्सनत्थं वुत्तं । तासु यक्खी थुल्लच्चयवत्थु होति विनीतवत्थूसु यक्खिया कायसंसगगेन थुल्लच्चयस्स वुत्तत्ता । तदनुलोमत्ता पेटित्थी, देवित्थी च थुल्लच्चयवत्थु । तिरच्छानगतित्थी दुक्कटवत्थु । तिरच्छानगतमनुस्सविग्गहित्थी च थुल्लच्चयवत्थुमेवाति एके । **विभङ्गे** पन “मनुस्सित्थी च होति मनुस्सित्थिसञ्जी”ति पाळिया अभावेन “इत्थी च होति यक्खिसञ्जी”तिआदिवचने सति यक्खिआदीनं अनित्थितापसङ्गतो, “इत्थी च होति इत्थिसञ्जी”तिआदिमिह यक्खिआदीनं अन्तोकरणे सति तासं सङ्गादिसेसवत्थुभावप्पसङ्गतो च यक्खिआदयो न वुत्ताति वेदितब्बा । एके पन “**विनीतवत्थुमि**” अञ्जतरो भिक्खु तिरच्छानगतित्थिया काय...पे०... दुक्कटस्सा”ति एत्थ अमनुस्सविग्गहा पाकतिकतिरच्छानगतित्थी अधिप्पेता, तस्मा दुक्कटं वुत्तं । “इत्थी च होति तिरच्छानगतसञ्जीति तिरच्छानगता च होति इत्थिसञ्जी”तिआदिवारेसुपि पाकतिकतिरच्छानगतोव अधिप्पेतो, सो च तिरच्छानगतपुरिसोव । तेनेव दुट्ठुल्लवाचाअत्तकआमपारिचरियसिक्खापदेसु मनुस्सपुरिसपटिसंयुत्तवारा विय तिरच्छानपटिसंयुत्तवारापि नागता”ति वदन्ति । तथा पण्डकोति इध मनुस्सपण्डकोव, पुरिसोति च इध मनुस्सपुरिसोव आगतो, तस्मा अमनुस्सित्थी अमनुस्सपण्डको अमनुस्सपुरिसो तिरच्छानगतित्थी तिरच्छानगतपण्डको मनुस्सामनुस्सतिरच्छानगतउभतोब्यञ्जनका चाति अट्ट जना इध नागता, तेसं वसेन वत्थुसञ्जाविमतिभेदवसेन आपत्तिभेदाभेदविनिच्छयो, अनागतवारगणना च असम्मुहन्तेन वेदितब्बा, तथा तेसं दुक्कटस्सादिवासा, आपत्तिअनापत्तिभेदविनिच्छयो च । “तत्थ अमनुस्सपण्डकअमनुस्सपुरिसतिरच्छानगतित्थितिरच्छानगतपण्डकाति चत्तारो दुक्कटवत्थुका, अमनुस्सित्थिमनुस्सउभतोब्यञ्जनका थुल्लच्चयवत्थुका, अमनुस्सउभतोब्यञ्जनका तिरच्छानगतउभतोब्यञ्जनका दुक्कटवत्थुका, **पाळियं** पन अमनुस्सित्थिया अनागतत्ता अमनुस्सपण्डका, उभतोब्यञ्जनका पुरिसा च नागता । तिरच्छानगतित्थिपण्डकउभतोब्यञ्जनका तिरच्छानगतपुरिसेन समानगतिकत्ता नागता, मनुस्सउभतोब्यञ्जनको मनुस्सपण्डकेन समानगतिकत्ता अनागतो”ति वदन्ति । **अटुकथायं** (पारा० अट्ट० २.२८१) पन “नागमाणविकायपि सुपण्णमाणविकायपि किन्नरियापि गावियापि दुक्कटमेवा”ति वुत्तत्ता तदेव पमाणतो गहेतब्बं ।

तत्रायं विचारणा — “न, भिक्खवे, तिरच्छानगतस्स निसिन्नपरिसाय पातिमोक्खं उद्दिसितब्ब”न्ति (महाव० १८३) एत्थ “तिरच्छानगतोति यस्स उपसम्पदा पटिक्खित्ता”ति (कट्ठा० अट्ट० निदानवण्णना) **अटुकथायं** वुत्तत्ता तिरच्छानगतमनुस्सविग्गहो पाकतिकतिरच्छानगततो विसिद्धो, तथा यक्खपेततिरच्छानगतमनुस्सविग्गहानं “तिरच्छानगतस्स च दुक्खुप्पत्तियं अपिच दुक्कटमेवा”ति एत्थ विसेसेत्वा वुत्तत्ता च “पतनरूपं पमाणं, न मरणरूप”न्ति एत्थ आपत्तिविसेसवचनतो च “उभतो अवस्सुते यक्खस्स वा पेतस्स वा पण्डकस्स वा तिरच्छानगतमनुस्सविग्गहस्स वा अधक्खकं उब्भजाणुमण्डलं कायेन कायं आमसति,

आपत्ति थुल्लच्चयस्सा’ति (पाचि० ६६१) सामञ्जेन वचनतो च सो विसिद्धोति सिद्धं । विसिद्धता च तिरच्छानगतमनुस्सविग्गहिथिया कायसंसगं समापज्जन्तस्साति विसेसो होति, तस्मा तत्थ आपत्तिविसेसेन भवितव्वं । यदि कायसंसगसिक्खापदे तिरच्छानगतमनुस्सविग्गहिथीपि अधिप्पेता, रूपसामञ्जेन सञ्जाविरागतासम्भवतो दुट्ठुल्लवाचाअत्तकामपारिचरियसिक्खापदेसुपि सा वत्तव्वा भवेय्य, सा चानागता । सरूपेण संखित्तवारत्ता नागताति चे? इत्थी च होति तिरच्छानगतो च उभिन्नं इत्थिसञ्जीति इध आगतत्ता पुरिसलिङ्गनिद्देशो न युज्जति, तस्मा तिरच्छानगतपुरिसो च इध आगतो, तिरच्छानगतमनुस्सविग्गहिथिया **पाळियं** अनागतायपि दुक्कटमेव **अट्ठकथायं** वुत्तत्ताति इमस्स वचनस्स कारणच्छाया परियेसितव्वाति अधिप्पायो । इदं न युज्जति । कस्मा? इत्थीनं, पुरिसानञ्च एकतो वचने पुरिसलिङ्गसम्भावतो । इध तिरच्छानगतपुरिसपण्डकित्थियो तिस्सोपि एकतो सम्पिण्डेत्वा “तिरच्छानगतो”ति वुत्तं ।

तत्थ च मनुस्सविग्गहामनुस्सविग्गहेसु इत्थिपण्डकपुरिससज्जिता यथासम्भवं वेदितव्वा । दुट्ठुल्लवाचादिसिक्खापदद्वये वारानं संखित्तत्ता पुरिसतिरच्छानगतादयो नागता । यथावुत्तेसु आपत्ति, तथा तत्थापि । अञ्जथा पुरिसं ओभासन्तस्स च अनापत्तीति पण्डकं ओभासन्तस्स च थुल्लच्चयन्ति **मातिकाट्ठकथायं** वुत्तं । तस्मा ते वारा संखित्तत्ता पञ्जायन्तीति । विसेसो च पण्डके, पुरिसे, तिरच्छानगते च इत्थिसज्जिस्स अत्थि, तथापि तत्थ दुक्कटं वुत्तं, तस्मा **अट्ठकथायं** वुत्तमेव पमाणन्ति द्विन्नमेतेसं वादानं यत्थ युत्ति वा कारणं वा अतिरेकं दिस्सति, तं विचारेत्वा गहेतव्वन्ति आरिचयो । एवरूपेसु ठानेसु सुट्ठु विचारेत्वा कथेतव्वं ।

तत्थ **पाळियं** आगतवारगणना ताव एवं सङ्केपतो वेदितव्वा — इत्थिमूलका पञ्च वारा पण्डकपुरिसतिरच्छानगतमूलका च पञ्च पञ्चाति वीसति वारा एकमूलका, तथा दुमूलका वीसति, मिस्सकमूलका वीसतीति सट्ठि वारा, तानि तीणि वीसतिकानि होन्ति । एकेकस्मिं वीसतिके एकेकमूलवारं गहेत्वा कायेन कायपटिबद्धवारा तयो वुत्ता । सेसा सत्तपञ्चास वारा संखित्तत्ता, तथा कायपटिबद्धेन कायवारा तयो वुत्ता, सेसा संखित्तत्ता, एवं कायपटिबद्धेन कायपटिबद्धवारेपि निस्सगियेन कायवारेपि निस्सगियेन कायपटिबद्धवारेपि निस्सगियेन निस्सगियवारेपि तयो तयो वारा वुत्ता, सेसा संखित्तत्ता । एवं छन्नं तिकानं वसेन अट्ठारस वारा आगताति सरूपतो वुत्ता, सेसा द्वेचत्तालीसाधिकानि तीणि वारसतानि संखित्तानि । ततो परं मातुगामस्स सारत्तपक्खे कायेन कायन्ति एकमेकं वट्ठेत्वा पुब्बे वुत्ता अट्ठारस वारा आगताति एकवीसति वारा सरूपेण आगता, नवनवुत्ताधिकानि तीणि वारसतानि संखित्तानि । ततो परं आपत्तानापत्तिदीपका चत्तारो सेवनाधिप्पायमूलका चत्तारो मोक्खाधिप्पायमूलकाति द्वे चतुक्का आगता ।

तत्थायं विसेसो — यदिदं मातिकाय परामसनपदं, तेन यस्मा आमसनादीनि छुपनपरियोसानानि द्वादसपि पदानि गहितानि, तस्मा पदुद्धारं अकत्वा “आमसना परामसनं छुपन”न्ति आह । **परामसनं** नाम आमसना । “छुपन”न्ति हि वुत्ते परामसनम्पि विसुं एकत्तं भवेय्याति वेदितव्वं । इत्थी च होति इत्थिसञ्जी चाति इमस्मिं पठमवारे एव द्वादसपि आमसनादीनि योजेत्वा दस्सितानि । ततो परं आदिमिह द्वे पदानीति चत्तारि पदानि आगतानि, इतरानि संखित्तानीति वेदितव्वानि । निस्सगियेन कायवारादीसु पन सव्वाकारेण अलाभतो आमसनमेवेकं आगतं, नेतरानि । “सञ्चोपेति हरती”ति पाठो, सञ्चोपेति च । **गण्ठपदेसु** पन “**पुरिमनयेनेवाति** रज्जुवत्थादीहि परिक्खपने”ति च पच्छा “**पुरिमनयेनेवाति** सम्मसना होती”ति च “वेणिग्गाहे आपत्तिया पञ्चत्तत्ता लोमफुसनेपि सङ्गादिसेसो”ति च “तं पकासेतुं **उपादिन्नकेन** हीतिआदि वुत्त”न्ति च लिखितं ।

**यथानिद्दिनिद्देशेति** इमस्मियेव यथानिद्दिने निद्देशे । “सदिसं अगगहेसी”ति वुत्ते तादिसं अगगहेसीति गरुक्कं तत्थ कारयेति अत्थो, कायसंसगविभङ्गे वाति अत्थो । इतरापि कायपटिबद्धछुपनको । **गहणे** चाति गहणं वा । **विरागितेति** विरद्धे । **सारत्तन्ति** कायसंसगरागेन रत्तं, अत्तना अधिप्पेतन्ति अत्थो । “मातुभगिनिआदिविरत्तं गण्हिस्सामी”ति विरत्तं जातिपेमवसेन गण्हि, एत्थ दुक्कटं युत्तं । “कायसंसगरागं वा सारत्तं गण्हिस्सामी”ति विरत्तं मातरं गण्हि, अनधिप्पेतं गण्हि । एत्थ **महासुमत्थेरवादेन** थुल्लच्चयं “कायं गण्हिस्सामी”ति कायप्पटिबद्धं गण्हाति, थुल्लच्चयन्ति लद्धिकत्ता । “इत्थी च होति इत्थिसञ्जी सारत्तो च, भिक्खु च नं इत्थिया कायेन कायं आमसति, आपत्ति सङ्गादिसेसस्सा”ति (पारा० २७३) वचनतो सङ्गादिसेसोपि खायति । “विरत्तं गण्हिस्सामी”ति सारत्तं गण्हाति, एत्थपि सङ्गादिसेसोव खायति “नीलं घट्टेस्सामी”ति कायं घट्टेति, सङ्गादिसेसो”ति वचनतो । एत्थ

पन “न पुब्बभागे कायसंसग्गरागता”ति अनुगण्ठपदे कारणं वुत्तं। केचि पन “गरुकापत्तिभयेन ‘नीलमेव घट्टेस्सामी’ति वायामन्तो कायं घट्टेति, पुब्बभागे तस्स ‘कायपटिबद्धं घट्टेस्सामी’ति पवत्तत्ता दुक्कटेन भवितव्व”न्ति वदन्ति। धम्मसिरित्थेरो “एवरूपे सङ्घादिसेसो”ति वदति किर। “इत्थिउभतोव्यञ्जनकइत्थिया पुरिसउभतोव्यञ्जनकपुरिसे वुत्तनयेन आपत्तिभेदो, इत्थिलिङ्गस्स पटिच्छन्नकालेपि इत्थिवसेनेव आपत्ती”ति वदन्ति।

### विनीतवत्थुवण्णना

२८१. तिण्णडुपकन्ति हिरिवेरादिमूलानि गहेत्वा कत्तव्वं। तालपण्णमुद्दिकन्ति तालपण्णमयं अङ्गुलिमुद्दिकं, तेन तालपण्णमयं कटं, कटिसुत्तकं, कण्णपिळन्धनादि सव्वं न वट्टतीति सिद्धं। तम्बपण्णिवासिनो इत्थिरूपं लिखितं, कटिकपटञ्च न छुपन्ति किर। आकरतो मुत्तमत्तो। रतनमिस्सोति अलङ्कारत्थं कतो कञ्चनलतादिविन्दो। सुवण्णेन सद्धिं योजेत्वा पचित्वाति सुवण्णरसं पक्खिपित्वा पचित्वा। बीजतो धातुपासाणतो पट्टाय। थेरो न कप्पतीति “तुम्हाकं पेसित”न्ति वुत्तत्ता। “चेतियस्स पूजं करोथा”ति वुत्ते वट्टति किर। बुब्बुळकं तारकं। आरकूटलोहम्पि जातरूपगतिकमेव।

वुत्तज्जेतं अन्धकट्टकथायं —

“आरकूटलोहं सुवण्णसदिसमेव, सुवण्णं अनुलोमेति, अनामास”न्ति।

“भेसज्जत्थाय पन वट्टती”ति वचनतो महाअट्टकथायं वुत्तनयेकदेसोपि अनुज्जातो होतीति तत्थ तत्थ अधिप्पायं जत्वा विभावेतव्वं।

कायसंसग्गसिक्खापदवण्णना निद्धिता।

### ३. दुट्ठुल्लवाचासिक्खापदवण्णना

२८३. ततिये तयो सङ्घादिसेसवारा तयो थुल्लच्चयवारा तयो दुक्कटवारा तयो कायपटिबद्धवाराति द्वादस वारा सरूपेन आगता। तत्थ तयो सङ्घादिसेसवारा दुतियसिक्खापदे वुत्ताति तिण्णं वीसतिकानं एकेकमूला वाराति वेदितव्वा, तस्मा इध विसेसाति पण्णास वारा संखित्ता होन्ति, अज्जथा इत्थी च होति वेमतिको सारत्तो च, भिक्खु च नं इत्थिया वच्चमगं पस्सावमगं आदिस्स वण्णम्पि भणति...पे०... आपत्ति थुल्लच्चयस्स। इत्थी च होति पण्डकपुरिससज्जी तिरच्छानगतसज्जी सारत्तो च, भिक्खु च नं इत्थिया वच्चमगं पस्सावमगं आदिस्स वण्णम्पि भणति अक्कोसतिपि, आपत्ति थुल्लच्चयस्स। पण्डको च होति पण्डकसज्जी सारत्तो च, भिक्खु च नं पण्डकस्स वच्चमगं आदिस्स वण्णम्पि भणति, आपत्ति थुल्लच्चयस्साति एवमादीनं आपत्तिद्वानानं अनापत्तिद्वानता आपज्जेय्य, न चापज्जति, पण्डके इत्थिसज्जिस्स दुक्कटन्ति दीपेतुं “इत्थी च पण्डको च उभिन्नं इत्थिसज्जी आपत्ति सङ्घादिसेसेन दुक्कटस्सा”ति वुत्तत्ता “पण्डके पण्डकसज्जिस्स थुल्लच्चय”न्ति वुत्तमेव होति, तस्मा सब्बत्थ संखित्तवारेसु थुल्लच्चयद्वाने थुल्लच्चयं, दुक्कटद्वाने दुक्कटम्पि वुत्तमेव होतीति वेदितव्वं। तथा “इत्थी च होति वेमतिको सारत्तो च, भिक्खु च नं इत्थिया वच्चमगं पस्सावमगं ठपेत्वा अधक्खकं उब्भजाणुमण्डलं आदिस्स वण्णम्पि भणति...पे०... थुल्लच्चयस्सा”तिआदिना नयेन थुल्लच्चयखेतेपि यथासम्भवं उद्धरितव्वा। तथा “इत्थी च होति वेमतिको सारत्तो च, भिक्खु च नं इत्थिया कायपटिबद्धं आदिस्स वण्णम्पि भणति...पे०... दुक्कटस्सा”तिआदिना नयेन कायपटिबद्धवारापि यथासम्भवं उद्धरितव्वा। कायपटिबद्धवारत्तिकं विय निस्सगियवारत्तिकं लब्भमानम्पि आपत्तिविसेसाभावतो न उद्धटं। कायपटिबद्धवारत्तिके पन दिन्ननयत्ता तम्पि तदनुलोमा वारा च उद्धरितव्वा। सब्बत्थ न-विज्जू तरुणदारिका, महल्लिका उम्मत्तिकादिका च अनधिप्पेता, पगेव पाकतिका तिरच्छानगतित्थीनं, तथा पण्डकादयोपीति वेदितव्वा। सेसं दुतिये वुत्तनयेनेव वेदितव्वं।

### पदभाजनीयवण्णना

**२८५. वृत्तनयमेवाति** “कायसंसर्गो इत्थिलक्खणेना”ति लिखितं । “इत्थिलक्खणेना”ति किर महाअट्टकथापाठो । **सीसं न एतीति** अक्कोसनं न होति, घटिते पन होति । तत्रायं विसेसो — इमेहि तीहि घटिते एव सङ्घादिसेसो वच्चमग्गपस्सावमग्गानं नियतवचनत्ता, अच्चोळारिकत्ता वा, न अज्जेहि अनिमित्तासीतिआदीहि अट्टहि । तत्थ अलोहितासि, धुवलोहितासि, धुवचोळासि, पग्घरणीसि, इत्थिपण्डकासि, वेपुरिसिकासीति एतानि छ मग्गानं अनियतवचनानि, अनिमित्तासि, निमित्तमत्तासीति द्वे पदानि अनच्चोळारिकानि च, यतो अट्टपदानि “सङ्घादिसेसं न जनेन्ती”ति वृत्तानि, तस्मा तानि थुल्लच्चयवत्थूनि । परिब्बाजकवत्थुमिह विय अक्कोसमत्तत्ता दुक्कटवत्थूनीति एके । इत्थिपण्डकासि, वेपुरिसिकासीति एतानेव पदानि सकलसरीरसण्ठानभेददीपकानि सुद्धानि सङ्घादिसेसं न जनेन्ति सकलसरीरसामञ्जत्ता, इतरानि जनेन्ति असामञ्जत्ता । तानि हि पस्सावमग्गमेव दीपेन्ति सिखरणी-पदं विय । **उभतोव्यञ्जनासीति** वचनं पन पुरिसनिमित्तेन असङ्घादिसेसवत्थुना मिस्सवचनं । पुरिसउभतोव्यञ्जनकस्स च इत्थिनिमित्तं पटिच्छन्नं, पुरिसनिमित्तं पाकटं होति । यदि तम्पि जनेति, कथं अनिमित्तासीतिआदिपदानि न सङ्घादिसेसं जनेन्तीति एके, तं न युत्तं । पुरिसस्सपि निमित्ताधिवचनतो, “मेथुनुपसंहिताहि सङ्घादिसेसो”ति मातिकाय लक्खणस्स वृत्तत्ता च मेथुनुपसंहिताहिपि ओभासने पटिविजानन्तिया सङ्घादिसेसो, अप्पटिविजानन्तिया थुल्लच्चयं, इतरेहि ओभासने पटिविजानन्तिया थुल्लच्चयं, अप्पटिविजानन्तिया दुक्कटन्ति एके, सब्बं सुट्ठु विचारेत्वा गहेतब्बं ।

**२८७. हसन्तीति** यं उट्ठिस्स भणति, सा चे पटिविजानाति, सङ्घादिसेसो ।

### विनीतवत्थुवण्णना

**२८९. “पटिवुत्तं नामा”**ति पाठो । **नो-**सद्धो अधिको । “अक्खरलिखनेनपि होती”ति वदन्ति, तं आवज्जनसमनन्तरविधिना समेति चे, गहेतब्बं ।

दुट्ठुल्लवाचासिक्खापदवण्णना निट्ठिता ।

### ४. अत्तकामपारिचरियसिक्खापदवण्णना

**२९०.** चतुत्थे तयो सङ्घादिसेसवारा आगता, सेसा सत्तपज्जास वारा थुल्लच्चयदुक्कटापत्तिकाय संखित्ताति वेदितब्बा, ततो अज्जतरो असम्भवतो इध न उट्ठटो । सेसयोजनक्कमो वृत्तनयेन वेदितब्बो । **नगरपरिक्खारेहीति** पाकारपरिक्खादीहि नगरपरिवारेहि । **सेतपरिक्खारोति** सेतालङ्कारो, सीलालङ्कारोति अत्थो (सं० नि० अट्ठ० ३.५.४) । **चक्कवीरियोति** वीरियचक्को । **वसलं दुग्गन्धन्ति** निमित्तं सन्धायाह, तदेव सन्धाय “किं मे पापकं, किं मे दुग्गन्ध”न्ति वृत्तं ।

**२९१. सन्तिकेति** यत्थ ठितो विज्जापेति । “पठमविग्गहे सचे पाळिवसेन योजेतीति कामहेतुपारिचरियाअत्थो । **सेसन्ति** ‘अधिप्पायो’ति पदं व्यञ्जनं अत्थाभावतो । दुतिये पाळिवसेन कामहेतु-पदानि व्यञ्जनानि तेसं तत्थ अत्थाभावतो । एवं चत्तारि पदानि द्विन्नं विग्गहानं वसेन योजितानीति अपरे वदन्ती”ति वृत्तं ।

**२९५.** एतेसु सिक्खापदेसु मेथुनरागेन वीतिक्कमे सति सङ्घादिसेसेन अनापत्ति । तस्मा “किं भन्ते अग्गदानन्ति । मेथुनधम्म”न्ति इदं केवलं मेथुनधम्मस्स वण्णभणनत्थं वृत्तं, न मेथुनधम्माधिप्पायेन तदत्थिया वृत्तन्ति वेदितब्बं, परस्स भिक्खुनो कामपारिचरियाय वण्णभणने दुक्कटं । “यो ते विहारे वसति, तस्स अग्गदानं देही”ति परियायवचनेनपि दुक्कटं । “अत्तकामपारिचरियाय वण्णं भासेय्य । या मादिसं सीलवन्त”न्ति च वृत्तत्ताति एके । पज्चसु अङ्गेषु सम्भावा सङ्घादिसेसोवाति एके । विचारेत्वा गहेतब्बं । **गण्ठपदे** पन “इमस्मिं सिक्खापदद्वये कायसंसर्गो विय यक्खिपेतीसु दुट्ठुल्लत्तकामवचने थुल्लच्चय”न्ति वदन्ति । **अट्टकथासु** पन नागत”न्ति लिखितं । “उभतोव्यञ्जनको पन पण्डकगतिकोवा”ति वदन्ति ।

अत्तकामपारिचरियसिक्खापदवण्णना निट्ठिता ।

#### ५. सञ्चरित्तसिक्खापदवण्णना

२९७. अहमि दुग्गताति अहं अमि दुग्गता । अहं ख्वय्योति एत्थ अय्योति बहुवचनं होति ।

२९८. ओयाचन्तीति नीचं कत्वा देवे याचन्ति । आयाचन्तीति उच्चं कत्वा आदरेन याचन्ति । अलङ्कारादीहि मण्डितो केससंविधानादीहि पसाधितो । “मण्डितकरणे दुक्कट”न्ति वदन्ति ।

#### पदभाजनीयवण्णना

३०३. सह परिदण्डेन वत्तमानाति अत्थो । छन्दवासिनी नाम “पिया पियं वसेती”ति पाळि, पुरिसं वासेतीति अधिप्पायो । “पियो पियं वासेती”ति अट्ठकथा ।

तं किरियं सम्पादेस्सतीति अवस्सं आरोचेन्तिया चे आरोचेतीति अत्थो । द्विन्नं मातापितूनं चे आरोचेति, सङ्गादिसेसोति विनयविनिच्छये “वत्थु ओलोकेतब्ब”न्ति वुत्तं । वत्थुमि च “उदायित्थेरो गणिकाय आरोचेसी”ति वुत्तं । तं “मातादीनम्पि वदतो विसङ्केतो नत्थी”ति अट्ठकथावचनतो निष्पयोजनं । तं पनेतन्ति आचरियस्स वचनं । मातुरक्खितं ब्रूहीति पेसितस्स गन्त्वा मातापितुरक्खितं वदतो तस्स तस्सा मातुरक्खितभावेपि सति विसङ्केतमेव, कस्मा? “पितुरक्खितादीसु अज्जरं वदन्तस्स विसङ्केत”न्ति वुत्तत्ता इतरथा आदि-सद्दो निरत्थको सिया । एकं दसकं इतरेन दसकेन योजेत्वा पुब्बे सुक्कविस्सट्ठियं वुत्तनयत्ता मातुरक्खिताय माता अत्तनो धीतुसन्तिकं पहिणतीति गहेतब्बं ।

३३८. अनभिनन्दित्वाति वचनमत्तमेव, यदिपि अभिनन्दति, याव सासनं नारोचेति, ताव “वीमंसितो”ति न वुच्चति । सासनारोचनकालेति आणापकस्स सासनवचनक्खणे । ततियपदे वुत्तनयेनाति एकङ्गसम्पत्तिया दुक्कटन्ति अत्थो । वत्थुगणनाय सङ्गादिसेसोति उभयवत्थुगणनाय किर ।

३३९. चतुत्थे अनापत्तीति एत्थ पन “पटिगण्हाति न वीमंसति न पच्चाहरति, अनापत्तीति एत्थ विय ‘गच्छन्तो न सम्पादेति, आगच्छन्तो विसंवादेती’ति अनापत्तिपाळियापि भवितब्बन्ति दस्सनत्थं वुत्त”न्ति वदन्ति, एकच्चेसु पोत्थकेसु “अत्थी”तिपि ।

#### विनीतवत्थुवण्णना

३४१. अलंवचनीयाति न वचनीया, निवारणे अलं-सद्दो । थेरपिता वदतीति जिण्णपिता वदतीति अत्थो । किञ्चापि एत्थ “इत्थी नाम मनुस्सित्थी न यक्खी न पेती न तिरच्छानगता, पुरिसो नाम मनुस्सपुरिसो न यक्खो”तिआदि नत्थि, तथापि कायसंसग्गादीसु “मनुस्सित्थी”ति इत्थीववत्थानस्स कतत्ता इधापि मनुस्सित्थी एवाति पज्जायति । मेथुनपुब्बभागत्ता मनुस्सउभतोब्यज्जनको च थुल्लच्चयवत्थुकोव होति, सेसा मनुस्सपण्डकउभतोब्यज्जनकतिरच्छानगतपुरिसादयो दुक्कटवत्थुकाव मिच्छाचारसासनङ्गसम्भवतोति वेदितब्बं । यथासम्भवं पन वारा उद्धरितब्बा । पज्जत्तिअजानने विय अलंवचनीयभावाजाननेपि अचित्तकता वेदितब्बा । दुट्ठुल्लादीसुपीति “इमस्मिम्पी”ति वुत्तमेव होति । “लेखं नेत्वा पटिलेखं आरोचितस्सापि सञ्चरित्तं नत्थि सञ्चरित्तभावमजानन्तस्सा”ति वदन्ति, वीमंसित्वा गहेतब्बं ।

सञ्चरित्तसिक्खापदवण्णना निट्ठिता ।

#### ६. कुटिकारसिक्खापदवण्णना

३४२. याचनाति “देथ देथा”ति चोदना । विज्जतीति इमिना नो अत्थोति विज्जापना । “हत्थकम्मं याचितो उपकरणं, मूलं वा

दस्सती'ति याचति, न वट्टतीति। वट्टति सेनासने ओभासपरिकथादीनं लद्धताति एके। **अनज्झावुत्थकन्ति** अस्सामिकं। **नाहटं परिभुज्जितब्बन्ति** "सूपोदनविज्जत्तिदुक्कटं होती"ति वुत्तं। "किञ्चापि गरुभण्डप्पहोनकेसूति वुत्तं, तथापि यं वत्थुवसेन अप्पं हुत्वा अग्घवसेन महा हरितालहिङ्गुलिकादि, तं याचितुं न वट्टती"ति वदन्ति।

**३४४. सो किराति** इसि। तदा अज्झगमा तदज्झगमा।

**३४८-९.** न हि सक्का याचनाय कातुं, तस्मा सयं याचितकेहि उपकरणेहीति अधिप्पायो। **व्यञ्जनं समेति**, न अत्थो। कस्मा? इध उभयेसं अधिप्पेतत्ता, तं दस्सेन्तो **"यस्मा पना"**तिआदिमाह। **इध वुत्तनयेनाति** इमस्मिं सिक्खापदविभङ्गे वुत्तनयेन। **"सज्जाचिकाया"**ति वचनतो करोन्तेनापि, **"परेहि परियोसापेती"**ति वचनतो कारापेन्तेनापि पटिपज्जितब्बं। **उभोपेते** कारककारापका। **व्यञ्जनं विलोमितं भवेय्य**, **"कारयमानेना"**ति हि व्यञ्जनं **"करोन्तेना"**ति वुत्ते विलोमितं होति अतदत्थत्ता। न हि कारापेन्तो नाम होति। **"इध वुत्तनयेनाति** देसितवत्थुकपमाणिकनयेन। एवं सन्ते **"करोन्तेना वा कारापेन्तेना वा"**ति वचनतो करोन्तेनापि परेहि विप्पकतं वत्तब्बन्ति चे, तदत्थविस्सज्जनत्थं **"यदि पनातिआदिमाहा"**ति **अनुगण्ठपदे** वुत्तं। **"सज्जाचिकाय कुटिं करोन्तो"**ति वचनवसेन वुत्तं। **"आयामतो च वित्थारतो चा"**ति अवत्वा विकप्पत्थस्स **वा-सद्वस्स** गहितत्ता एकतोभागेपि वड्डिते आपत्ति एव। पमाणयुत्तमज्जो किर नवविदत्थि। **"चतुहत्थवित्थारा"**ति वचनेन **"तिरियं तिहत्था वा"**ति वचनम्पि समेति **"यत्थ पमाणयुत्तो"**तिआदिसन्निट्ठानवचनासम्भवतो"ति वुत्तं। **पमाणतो ऊनतरम्पीति** वित्थारतो चतुपञ्चहत्थम्पि दीघतो अनतिक्रमत्वा वुत्तपमाणमेव देसितवत्थु। अदेसितवत्थुज्झि करोतो आपत्ति। पमाणातिक्रमन्ता कुटि एव पमाणातिक्रमन्तं कुटिं करेय्याति वुत्तत्ता। **"थम्भतुला"**ति पाठो। **अनुस्सावनानयेनाति** एत्थ **"दमिळभासायपि वट्टती"**ति वदन्ति।

**३५३. चारभूमि** गोचरभूमि। **न गहिताति** न वारिता। **अट्टकथायं** **"कारणाय गुत्तिबन्धनागारं, अकरणट्ठानं वा धम्मगन्धिका हत्थपादच्छिन्दनका गन्धिका"**ति लिखितं। **द्वीहि बलिबदेहीति** हेट्ठिमकोटिया किर वुत्ततो आविज्जितुं न सक्का छिन्नावटत्ता, निगमनस्सापि **अत्थप्पकासनत्थं वुत्तन्ति** वेदितब्बं। **पाचिनन्ति** वत्थु अधिट्ठानं। **तदत्थायाति** तच्छनत्थाय। **पण्णसालम्पीति** उल्लित्तावलित्तकुटिमेव पण्णच्छदनं। तेनेव **"सभित्तिच्छदन"**न्ति वुत्तं, अलित्तं किर सब्बं वट्टति। पुब्बे थोकं ठपितं पुन वट्टेत्वा। **तस्मिन्ति** द्वारबन्धने वा वातपाने वा ठपिते। **पठममेवाति** एत्थ पत्तकाले एवाति किर **धम्मसिरित्थेरो। उपतिस्सत्थेरो** ठपितकालेवाति किर। पुरिमेन लेपस्स अघटितत्ता दुतियेन वत्तसीसेन कतत्ता उभिन्नम्पि अनापत्ति। सचे आणत्तेन कतं, **"करोति वा कारापेति वा"**ति वचनतो आपत्ति उभिन्नं सति अत्तुद्देसिकताय, असति मूलट्टस्सेव। हेट्ठिमप्पमाणसम्भवे सति सब्बमत्तिकामयं कुटिं करोतो आपत्ति दुक्कटेन सङ्गादिसेसोति आचरियस्स तक्को।

**३५४.** छत्तिस चतुक्कानि नाम अदेसितवत्थुकचतुक्कं देसितवत्थुकचतुक्कं पमाणातिक्रमन्तचतुक्कं पमाणिकचतुक्कं अदेसितवत्थुकपमाणातिक्रमन्तचतुक्कं देसितवत्थुकपमाणिकचतुक्कन्ति छ चतुक्कानि, एवं समादिसतिवारादीसुपि पञ्चसूति छत्तिस। **आपत्तिभेददस्सनत्थन्ति** एत्थ यस्मा **"सारम्भे चे, भिक्खु, वत्थुस्मिं अपरिक्कमने... पे०... सङ्गादिसेसो"**ति **मातिकायं** अविसेसेन वुत्तत्ता सारम्भअपरिक्कमनेपि सङ्गादिसेसोवाति मिच्छागाहविवज्जनत्थं आपत्तिभेदो दस्सितो, तस्मा वुत्तानीति अधिप्पायो। **विभङ्गे** एवं अवत्वा किमत्थं **मातिकायं** दुक्कटवत्थु वुत्तन्ति चे? भिक्खू अभिनेतब्बा वत्थुदेसनाय, तेहि भिक्खूहि वत्थु देसेतब्बं। कीदिसं? अनारम्भं सपरिक्कमनं, नेतरं, इतरस्मिं **"सारम्भे चे भिक्खु वत्थुस्मिं अपरिक्कमने"**ति एवं आनिसंसवसेन आगतत्ता वुत्तं। यस्मा वत्थु नाम अत्थि सारम्भं, अत्थि अनारम्भं, अत्थि सपरिक्कमनं, अत्थि अपरिक्कमनं, अत्थि सारम्भं सपरिक्कमनं, अत्थि सारम्भं अपरिक्कमनं, अत्थि अनारम्भं सपरिक्कमनं, अत्थि अनारम्भं अपरिक्कमनन्ति बहुविधत्ता वत्थु देसेतब्बं अनारम्भं सपरिक्कमनं, नेतरन्ति वुत्तं होति। किमत्थिका पनेसा देसनाति चे? गरुकापत्तिपञ्जापनहेतुपरिवज्जनपायत्था। वत्थुदेसनाय हि गरुकापत्तिपञ्जापनहेतुत्ता अकतविज्जत्ति गिहीनं पीळाजननेन अत्तदुक्खपरदुक्खहेतुभूतो च सारम्भभावोति एते वत्थुदेसनापदेसेन उपायेन परिवज्जिता होन्ति। न हि भिक्खु अकप्पियकुटिकरणत्थं गिहीनं वा पीळानिमित्तं सारम्भवत्थु। कुटिकरणत्थं वा वत्थुं देसेन्तीति पठममेव साधितमेतं। **वोमिस्सकापत्तियोति** दुक्कटसङ्गादिसेसमिस्सकापत्तियो।

३५५. तत्थ “द्वीहि सङ्खादिसेसेही”ति वत्तब्बे “द्विन्नं सङ्खादिसेसेना”ति विभत्तिव्यत्तयेन, वचनव्यत्तयेन च वुत्तं । “आपत्ति द्विन्नं सङ्खादिसेसान”न्तिपि पाठो ।

३६४. न घटयति छदनलेपाभावतो, अनापत्ति, तं परतो साधियति । छदनमेव सन्धाय उल्लित्तावलित्ता वुत्ताति । “कुक्कुटच्छिकगेहं वट्टतीति वत्त्वा पुन छदनं दण्डकेहीतिआदिना नयेन तं दस्सेन्तेहि तिणपण्णच्छदनाकुटिकाव वुत्ता । तत्थ छदनं दण्डकेहि दीघतो तिरियच्च जालं विय बन्धित्वा तिणेहि वा पण्णेहि वा छादेतुं उल्लित्तादिभावो छदनमेव सन्धाय वुत्तोति युत्तमिदं । तस्मा मत्तिकामयं भित्तिं वट्टापेत्वा उपरि उल्लित्तं वा अवलित्तं वा उभयं वा भित्तिया घटितं करोन्तस्स आपत्ति एव विनापि भित्तिलेपेना”ति लिखितं । “सो च छदनमेव सन्धाया”ति पधानवसेन वुत्तं, न हेट्टाभागं पटिक्खित्त”न्ति वदन्ति, वीर्मसितब्बं । एत्थाति तिणकुटिकाय । यथासमादिट्टायाति यथावुत्तप्पकारन्ति अधिप्पायो । “आपत्ति कारुकानं तिण्णं दुक्कटानं”न्तिआदिमिह सो सुणातिछक्कम्पि लब्धति । उभयत्थ समादिट्टत्ता आणापकस्स अनापत्ति । आणत्तस्स यथा समादिट्टं आणापकेन, तथा अकरणपच्चया दुक्कटं । सचे “अहम्पेत्य वसामी”ति अत्तुद्देसम्पि करोति, सङ्खादिसेसोव । “कुटिं करोथा”ति अविसेसेन वुत्तट्टाने पन आणापकस्सापि सङ्खादिसेसो अचित्तकत्ता सिक्खापदस्स ।

अहञ्च वसिस्सामीति एत्थ परस्स यस्स कस्सचि उद्दिट्टस्स अभावा आपत्ति एव “करोन्तस्स वा”ति नियमितत्ता, अनापत्ति अविभत्तत्ता । “इध पञ्जत्तिजाननमत्तमेव चित्त”न्ति च लिखितं । अनुगण्ठपदे पन अहञ्च वसिस्सामीति एत्थ यो “मय्हं वासागारञ्च भविस्सती”ति इच्छति, तस्सापत्ति । यो पन उपोसथागारं इच्छति, तस्स अनापत्ति, तस्मा “उभयं समेती”ति वत्त्वा च “विनयविनिच्छये आगते गरुके ठातब्ब”न्ति वचनतो महापच्चरिवादतो इतरो पच्छा वत्तब्बोति चे? न, बलवत्ता । “वासागारं ठपेत्वा सब्बत्थ, अनापत्ती”ति वचनतो, भोजनसालादीनम्पि अत्थाय इमिना कतत्ता सङ्करा जाता । यथा — द्वे तयो “एकतो वसिस्सामा”ति करोन्ति, रक्खति तावाति एत्थ विय । “इदं ठानं वासागारं भविस्सति, इदं उपोसथागार”न्ति विभजित्वा कतेपि आपत्ति एव । द्वीसु महापच्चरिवादो बलवा, तस्मा “पच्छा वुत्तो”तिआदिना अतीव पपञ्चितं । किं तेन । “अत्तना विप्पकतं अत्तना च परेहि च परियोसापेती”तिआदिना नयेन अपरानिपि चतुक्कानि यथासम्भवं योजेत्वा दस्सेतब्बानि, लेणादीसु किञ्चापि सङ्खादिसेसेन अनापत्ति, अकतविज्जत्तिया सति तप्पच्चया आपत्ति एव ।

कुटिकारसिक्खापदवण्णना निट्ठिता ।

### ७. विहारकारसिक्खापदवण्णना

३६६. सत्तमे वा-सदो अवधारणत्थोति वेदितब्बो ।

विहारकारसिक्खापदवण्णना निट्ठिता ।

### ८. पठमदुट्टदोससिक्खापदवण्णना

३८०. सावकेन पत्तब्बन्ति पकतिसावकं सन्धाय वुत्तं, न अग्गसावकं । यथूपनिस्सययथापुग्गलवसेन “तिस्सो विज्जा”तिआदि वुत्तं । केनचि सावकेन तिस्सो विज्जा, केनचि चतस्सो पटिसम्भिदा, केनचि छ अभिज्जा, केनचि केवल्लो नवल्लोक्कत्तरधम्मोति एवं विसुं विसुं यथासम्भवं वुत्तन्ति वेदितब्बं ।

३८२. “ये ते भिक्खू सुत्तन्तिका”तिआदिवचनतो धरमानेपि भगवति पिटकत्तयपरिच्छेदो अत्थीति सिद्धं । धम्मकथिकाति आभिधम्मिका रतिया अच्छिस्सन्तीतिआदि आयस्मतो दब्बस्स नेसं तिरच्छानकथाय रतिनियोजनं विय दिस्सति, न तथा दट्टब्बं । सुत्तन्तिकादिसंसगतो तेसं सुत्तन्तिकादीनं फासुविहारन्तरायं, तेसम्पि तिरच्छानकथारतिया अभावेन अनभिरतिवासं, ततो नेसं सामज्जा चावनञ्च परिवज्जन्तो एवं चिन्तेसीति दट्टब्बं । “निमित्तानं धम्मताति सावकेहि निमित्तानंयेव, न बुद्धेही”ति वदन्ति ।



“साधकतमं करण”न्ति एवं वुत्ते करणत्थेयेव ततियाविभत्तीति अत्थो।

**३८३-४. यन्ति येन।** “कत्ताति कत्ता, न कत्ता”ति लिखितं। “भरियं विय मं अज्झाचरती”ति वदन्तिया बलवती चोदना। तेन हीति एत्थ यथा छुपनमत्ते विप्पटिसारीवत्थुस्मिं कायसंसगारागसम्भवा अपुच्छित्वा एव सङ्गादिसेसं पज्जापेसि, तथेव पुब्बेवस्सा दुस्सीलभावं जत्वा वुत्तन्ति वेदितब्बं। यदि ताव भूताय पटिज्जाय नासिता, थेरो कारको होति। अथ अभूताय, भगवता “नासेथा”ति न वत्तब्बं, वुत्तज्ज, तस्मा वुत्तं “यदि ताव पटिज्जाय नासिता, थेरो कारको होती”ति।

**अथ अप्पटिज्जायाति** “अय्येनम्हि दूसिता”ति इमं पटिज्जं विना एव तस्सा पकतिदुस्सीलभावं सन्धाय नासिता, थेरो अकारको होति। **अभयगिरिवासिनोपि** अत्तनो सुत्तं वत्वा “तुम्हाकं वादे थेरो कारको”ति वदन्ति, कस्मा? दुक्कटं मुसावादपच्चया लिङ्गनासनाय अनासेतब्बत्ता। पाराजिकस्सेव हि लिङ्गनासनाय नासेतब्बा। “नासेथा”ति च वुत्तत्ता पाराजिकाव जाता, सा किं सन्धाय, ततो थेरो कारको आपज्जति। “सकाय पटिज्जाय नासेथा”ति वुत्ते पन अपाराजिकापि अत्तनो वचनेन नासेतब्बा जाताति अधिप्पायो। **महाविहारवासिनोपि** अत्तनो सुत्तं वत्वा “तुम्हाकं वादे थेरो कारको”ति च वदन्ति। कस्मा? “सकाय पटिज्जाय नासेथा”ति हि वुत्ते पटिज्जाय भूतता आपज्जति “नासेथा”ति वचनतो। भूतायेव हि पटिज्जाय नासेतब्बा होति, नाभूतायाति अधिप्पायो। **पुरिमनयेति** दुक्कटवादे। पुरिमो युत्तिवसेन पवत्तो, पच्छिमो पाळिवचनवसेन पवत्तोति वेदितब्बो।

**३८५-६. पीतिसुखेहीति** एत्थ “सुखेना”ति वत्तब्बे पीतिगहणं ततियज्झानसुखं, कायिकज्ज अपनेतुं सम्पयुत्तपीतिया वुत्तं। सचे चुदितकवसेन कतं अमूलकं नाम, “अनज्झापन्नं अकत”न्ति वदेय्य, इमे करिस्सन्ति, तस्मा “तादिसं दिट्ठसज्जी हुत्वा चोदेती”ति पाठो। “एतेन नयेन सुतमुतपरिसङ्कितानिपि वित्थारतो वेदितब्बानी”ति पाठो। “चतुन्नं अज्जतरेना”ति पातिमोक्खुद्देसे एव आगते गहेत्वा वुत्तं, इतरेसं अज्जतरेनापि अनुद्धंसेन्तस्स सङ्गादिसेसोवाति नो तक्कोति आचरियो। भिक्खुभावा हि चावनसमत्थतो। “समीपे ठत्वा”ति वचनतो परम्मुखा चोदेन्तस्स, चोदापेन्तस्स वा सीसं न एति। दिट्ठज्जे सुतेन परिसङ्कितेन चोदेति चोदापेति, सुतपरिसङ्कितं वा दिट्ठादीहि चोदिते वा चोदापिते वा सीसं एति एव अमूलकेन चोदितत्ता। वुत्तज्जेतं “दिट्ठस्स होति पाराजिकं धम्मं अज्झापज्जन्तो, तज्जे चोदेति ‘सुतो मया...पे... सङ्गादिसेसस्सा’”ति (पारा० ३८७)। “असुद्धो होति पुगगलो अज्जतरं पाराजिकं धम्मं अज्झापन्नो, तज्जे असुद्धदिट्ठि समानो अनोकासं कारापेत्वा चावनाधिप्पायो वदेति, आपत्ति दुक्कटस्स। ओकासं कारापेत्वा चावनाधिप्पायो वदेति, अनापत्ती”ति (पारा० ३८९) इमिना न-समेन्तं विय खायति, कथं? दिट्ठस्स होति पाराजिकं धम्मं अज्झापज्जन्तो नाम असुद्धो पुगगलो होति, “अज्जतरस्मिं असुद्धदिट्ठि समानो तज्जे चोदेति ‘सुतो मया पाराजिकं धम्मं अज्झापन्नोसी’”ति, आपत्ति वाचाय वाचाय सङ्गादिसेसस्सा”ति वचनतो पुरिमनयेनापत्ति। “चावनाधिप्पायो वदेति, आपत्ति दुक्कटस्सा”ति वचनतो पच्छिमनयेन सङ्गादिसेसेन आपत्तीति द्वे पाळिनया अज्जमज्जं विरुद्धा विय दिस्सन्ति, न च विरुद्धं बुद्धा कथयन्ति, तस्मा एत्थ युत्ति परियेसितब्बा। अट्ठकथाचरिया तावाहु “समूलकेन वा सज्जासमूलकेन वा चोदेन्तस्स अनापत्ति, अमूलकेन वा पन सज्जाअमूलकेन वा चोदेन्तस्स आपत्ती”ति। तस्सत्थो — दस्सनसवनपरिसङ्कनमूलेन समूलकेन वा तदभावेन अमूलकेनापि सज्जासमूलकेन वा चोदेन्तस्स अनापत्ति, दस्सनादिमूलाभावेन अमूलकेन वा तब्भावेन समूलकेनापि सज्जाअमूलकेन वा चोदेन्तस्स आपत्ति, तस्मा दिट्ठस्स होति।

पाराजिकं धम्मं अज्झापज्जन्तोतिआदिम्हि दस्सनमूलेन समूलकेनापि “सुतो मया”ति वचनतो सज्जाअमूलकेन वा चोदेति, आपत्ति सङ्गादिसेसस्स। तदत्थस्स आविभावत्थं “दिट्ठे वेमतिको”तिआदि वारा वुत्ताति वेदितब्बा।

असुद्धो होति पुगगलोभिआदिम्हि पन समूलकेन, सज्जासमूलकेन वा चोदितत्ता अनापत्तीति। एवमेवं पन तदत्थदीपनत्थं ते वारा वुत्ता। तत्थ हि “अदिट्ठस्स होती”तिआदिवारा अमूलकेन चोदेन्तस्स आपत्ति होतीति दस्सनत्थं वुत्ता। “दिट्ठे वेमतिको”तिआदिना सज्जाअमूलकेन चोदेन्तस्स आपत्ति होतीति दस्सनत्थं वुत्ता। अज्जथा “दिट्ठस्स होति, दिट्ठे वेमतिको”तिआदिवारा निब्बिसेसा भवेय्युं। इदं पनेत्थ सन्निधानं-यथा असुद्धं पुगगलं अनोकासं कारापेत्वा चोदेन्तस्स दुक्कटं,

अक्कोसाधिप्पायस्स च ओमसवादेन दुक्कटस्स, तथा असुद्धदिट्ठिकोपि असुद्धं असुद्धदिट्ठि अमूलकेन चोदेति, आपत्ति । समूलकेन वा चोदेति, अनापत्तीति तं सन्निट्ठानं यथा “अनापत्ति सुद्धे असुद्धदिट्ठिस्स असुद्धे असुद्धदिट्ठिस्सा”ति इमिना संसन्दति, तथा गहेतब्बं । अज्जथा युत्ति परियेसितब्बा ।

**सीलसम्पन्नो**ति एत्थ “दुस्सीलस्स वचनं अप्पमाणं । भिक्खुनी हि भिक्खुम्हि अनिस्सरा, तस्मा उक्कट्टनये विधिं सन्धाय थेरेन वुत्तं । दुतियत्थेरेन भिक्खुनी अजानित्वापि चोदेति, सिक्खमानादयो वा चोदेन्ति, तेसं सुत्वा भिक्खू एव विचारेत्वा तस्स पटिज्जाय कारेन्ति । को एत्थ दोसोति इदं सन्धाय वुत्तं । ततियेन तित्थियानं वचनं सुत्वापि भिक्खू एव विचारेन्ति, तस्मा न कोचि न लभतीति एवं सब्बं समेतीति अपरे”ति वुत्तं । **तिसानि** तिसवन्तानि । **अनुयोगो**ति पटिवचनं । **एहिती**ति आगमिस्सति । **दिट्ठसन्तानेना**ति दिट्ठनयेन, दिट्ठविधानेनाति अधिप्पायो । **पतिट्ठाया**ति पतिट्ठं लभित्वा । **ठाने**ति लज्जिट्ठाने ।

**गाहन्ति** “अहं चोदेस्सामी”ति अत्तादानगगहणं । **चेतना**ति अत्तादानगगहणचेतना । **वोहारो**ति इतो, एत्तो च जत्वा पकासनं । **पण्णत्ती**ति नामपज्जति । या वचीघोसारम्मणस्स सोतद्वारप्पवत्तविज्जाणसन्तानस्स अनन्तरं उप्पन्नेन उपलब्धपुब्बसङ्केतेन मनोद्वारविज्जाणेन विज्जायति, यस्सा विज्जातत्ता तदत्थो परमत्थो वा अपरमत्थो वा ततियवारं उप्पन्नेन मनोविज्जाणेन विज्जायतीति नामादीहि छहि ब्यज्जनेहि पाळिया पकासिता, सा “विज्जमानपज्जति अविज्जमानपज्जती”तिआदिना छधा आचरियेहि दस्सिता । तब्भागियभावो अतब्भागियभावो च निष्फन्नधम्मस्सेव युज्जति, न पज्जत्तिया अधिकरणीयवत्थुत्ता, अधिकरणे पवत्तत्ता च अधिकरणो मज्जट्ठे मज्जोपचारो वियाति च । “**परियायेना**ति अमूलका नामपज्जति नत्थि । परियायमत्तं, सभावतो नत्थि । अभिधानमत्तमेव, अभिधेय्यं नत्थी”ति च लिखितं । **इधेवा**ति इमस्मिं एव सिक्खापदे । **न सब्बत्था**ति विवादाधिकरणादीसु । कस्मा? **न ही**तिआदि । विवादाधिकरणादीनमत्थिता विय अमूलकं अधिकरणं नत्थीति । **पुब्बे वुत्तसमथेही**ति “यं अधिकिच्च समथा वत्तन्ती”ति वुत्तसमथेहीति अधिप्पायो । अपिच **सभावतो नत्थी**ति अप्पटिलब्धसभावत्ता वुत्तं । अनुप्पन्नं विय विज्जाणादि । **न हि विवादादीनं पण्णत्ति अधिकरणट्ठो**ति पण्णत्ति अधिकिच्च समथा न पवत्तन्ति, तस्मा न तस्सा अधिकरणीयताति न विवादादीनं पण्णत्ति अधिकरणट्ठोति अधिप्पायो । होति चेत्य —

“पाराजिकापत्ति अमूलिका चे,  
पण्णत्तिमत्ता फलमगगधम्मा ।  
चतुत्थपाराजिकवत्थुभूता,  
पण्णत्तिमत्ताव सियुं तथेव ॥

“ततो द्विधा मगगफलादिधम्मा,  
सियुं तथातीतमनागतज्च ।  
पण्णत्तिछक्कं न सिया ततो वा,  
परियायतो सम्मुतिवादमाहा”ति ॥

**अनुवदन्ती**ति अक्कोसन्ति । **किच्चयता**ति करणीयता । तं कतमन्ति चे? **अपलोकनकम्मन्ति**आदि । **किच्चन्ति** विज्जत्तिसमुट्ठापकचित्तं किर अधिप्पेतं ।

**३८७. सुतादीनं अभावेन अमूलकत्तन्ति** एत्थ यो दिस्वापि “दिट्ठोसि मया”ति वत्तुं असक्कोन्तो अत्तनो दिट्ठनियामेनेव “सुतोसि मया”ति वदति । तस्स तस्मिं असुद्धदिट्ठित्ता आपत्ति, इध पन यो पुब्बे सुत्वा अनापत्ति, पच्छा तं विस्सरित्वा सुद्धदिट्ठि एव समानो वदति, तं सन्धाय वुत्तं । “एस नयो सब्बत्थाति अपरे”ति वुत्तं । जेड्ढवत्तिको काकेकप्पटिवत्ता । **यदग्गेना**ति यावता, यदा वा । **नो कप्पेती**तिआदि वेमतिकाभावदीपनत्थमेव वुत्तन्ति दस्सेति । तेन वेमतिकोव नस्सरति सम्मुट्ठो नामाति आपज्जति, तं न युत्तं तदनन्तरभावतो, तस्मा दुतियत्थेरेवादो पच्छा वुत्तो ।

**३८९. सब्बत्थाति सब्बअट्ठकथासु । ओकासकम्मन्ति ओकासकरणं । “ओकासेन कम्मं ओकासकम्म”न्ति लिखितं ।** असूरियं पस्सति कज्जाति एत्थ यथा कज्जा सूरियं न पस्सतीति भवति, एवं “अनोकासं कारेत्वा”ति वुत्ते ओकासं न कारेत्वाति होति ।

पठमदुट्ठदोससिक्खापदवण्णना निट्ठिता ।

## ९. दुतियदुट्ठदोससिक्खापदवण्णना

**३९१. वेळुवनेयेवाति** इदं तेहि वुत्तवेलं सन्धाय वुत्तं । “पुब्बे मयं आवुसो सुतेन अवोचुम्हा”ति “अम्हेहि सा उस्साहिता कुपितेहि अनत्तमनेही”तिआदिवचनं सन्धाय वुत्तं, **अज्जभागस्स** इदन्ति मनुस्सभिकखुभावतो अज्जभागस्स तिरच्छानछगलकभागस्स इदं छगलकजातं अधिकरणं । **अज्जभागो वा अस्स अत्थीति** सो तिरच्छानछगलकभावसङ्घातो अज्जभागो अस्स छगलकस्स अत्थीति स्वायं छगलको अज्जभागियं अधिकरणं नाम ।

तत्थ पटिमाय सरीरं, सिलापुत्तकस्स सरीरन्ति निदस्सनं, पठमं पनेत्थ निब्बचनं जातिपदत्थोतिवादीनं मतेन वुत्तं । सा हि सामिभावेन, निच्चभावेन च पधानत्ता सत्तिसभावे ठिता । तब्बिपरीतकत्ता व्यत्ताकति जातियो तु पदत्थो इति इमस्स सुत्तस्स वसेन दुतियं निब्बचनं वुत्तन्ति वेदितब्बं । **नामकरणसज्जाय आधारो**ति एत्थ नाममेव नामकरणं । नामं करोन्तानं सज्जा नामकरणसज्जा, तस्सा । मनुस्सजातिको छगलकजातिआधारो नाम । न हि तं नामं कच्छपलोमं विय अनाधारन्ति अधिप्पायो । तं पन छगलकस्स दब्बोति दिन्ननामं “देसो”ति वुच्चति । तस्मा थेरं अमूलकेनातिआदिना अज्जम्पि वत्थुं थेरस्स लिस्सति सिलिस्सति वोहारमत्तेनेव, न अत्थतो, ईसकं अल्लीयतीति लेसोति अधिप्पायो । यस्मा देसलेसा अत्थतो निन्नानाकरणा, तस्मा “कज्जिदेसं लेसमत्तं उपादाया”ति उद्धरित्वा “दस लेसा जातिलेसो”तिआदि वुत्तन्ति वेदितब्बं । यथा निदाने, एवं सिक्खापदपज्जितियम्पि मातिकायम्पि अयमेवत्थो । यस्मा **अज्जभागियस्स अधिकरणस्साति** छगलकस्स । **कज्जिदेसं लेसमत्तं उपादायाति** दब्बोति नामं उपादायाति अयमत्थो अट्ठुप्पत्तिवसेनेव आविभूतो, तस्मा न विभत्तो । किञ्च भिय्यो अनियमत्ता । न हि मेत्तियभूमजकानं विय सब्बेसम्पि छगलकमेव अज्जभागियं अधिकरणं होति । अज्जं गोमहिं सादिकम्पि होति, न च मेत्तियभूमजका विय सब्बेपि नामलेसमत्तमेव उपादियन्ति । अज्जम्पि जातिलेसादिं उपादियन्ति, तस्मा अनियमत्ता च यथावुत्तनयेन न विभत्तं । किञ्च भिय्यो तथा वुत्ते छगलकस्सेव अज्जभागियता सम्भवति, न अज्जस्स, येन सोव दस्सितो । लेसो च नाम लेसोव, न जातिआदि, येन सोव दस्सितोति एवं मिच्छागाहप्पसङ्गतो च तथा न विभत्तो ।

**३९३. अज्जभागियस्साति** चुदितकतो अज्जस्स । **अधिकरणस्साति** मनुस्सस्स वा अमनुस्सस्स वा तिरच्छानगतस्स वाति एवं वत्तब्बं । एवज्जि वुत्ते मनुस्सादीनयेव जातिलेसादयो वुत्ता होन्ति, अज्जथा चतुन्नं अधिकरणानं ते आपज्जन्ति “अधिकरणस्स कज्जि देसं लेसमत्तं”न्ति सामिवचनं पुब्बङ्गमं उद्धित्ताति चे? न, नामस्स विय जातिआदीनं मनुस्सादीनं आधारभावानियमसम्भवतो, अधिकरणभावानियमतोति वुत्तं होति । नियमे च सति जातिया आधारो जाति, लिङ्गस्स च लिङ्गं, आपत्तिया च आपन्नो आधारो, विरुद्धानम्पि असमादिन्नानम्पि पत्तचीवरानं सामिको आधारो, येन अधिकरणसङ्ख्यं गच्छेय्याति आपज्जतीति अधिकरणस्साति पदं अभाजेतब्बमेव भवेय्याति न उद्धरितब्बं सिया, उद्धरितब्बं । तस्मा “**अधिकरणन्ति वचनसामज्जतो**”तिआदि सब्बं वत्तब्बं । **अपाकटा** इतो अज्जत्र दस्सितट्ठानाभावतो । **जानितब्बा च विनयधरेहि** यस्मा अज्जथा **परिवारे** “विवादाधिकरणं चतुन्नं अधिकरणानं विवादाधिकरणं भजती”तिआदिना नयेन अनागतट्ठाने “कस्मा”ति वुत्ते कारणं न पज्जायेय्य, तस्मा तेसं तब्बागियता च अज्जभागियता च जानितब्बा विनयधरेहि । तासु हि विज्जातासु विवादाधिकरणं विवादाधिकरणं भजति । कस्मा? तब्बागियता । इतरं न भजति अज्जभागियताति सुखकारणतो पज्जायन्ति, तस्मा **वचनसामज्जतो लब्धं अधिकरणं निस्सायाति**आदि । तत्थ यस्मा आपत्तज्जभागियं महाविसयं, इतरेहि असदिसनिद्देसज्ज, तस्मा तं अधिकरणपरियापन्नम्पि समानं विसुं वुत्तं “आपत्तज्जभागियं वा होती”ति । अधिकरणपरियापन्नत्ता च “अधिकरणज्जभागियं वा”ति एत्थ वुत्तन्ति वेदितब्बं । तत्थापि

महाविसयत्ता, **मातिकायं** आगतत्ता च पठमं अञ्जभागियता वुत्ता, पच्छा तब्भागियताति वेदितब्बा । तत्थ यस्मा अधिकरणञ्जभागियवचनेन अत्थापत्तिनयेन सिद्धं । अधिकरणं तब्भागियं, तस्मा “अधिकरणं तब्भागियं होती”ति एवं उद्देशं अकत्वा “कथं अधिकरणं अधिकरणस्स तब्भागियं होती”ति पुच्छापुब्बङ्गमनिद्देशो कतो । तत्थापि आपत्ताधिकरणस्स अञ्जभागियता किञ्चापि पाराजिकेन अनुद्धंसिभाधिकारत्ता पाराजिकानंयेव वसेन वुत्ता, अथ खो सेसापत्तिक्खन्धवसेनापि वेदितब्बा । या च सा चोदना “असुको नाम भिक्खु सङ्घादिसेसं अज्झापज्जन्तो दिट्ठो होती”ति आदिका, तत्थ “सङ्घादिसेसे थुल्लच्चयदिट्ठि होति, दुब्भासिते सङ्घादिसेसदिट्ठि होती”ति एवमादिका विनये अपकतञ्जुताय, तंतंवत्थुसरिक्खताय वा वुत्ताति वेदितब्बा । सब्बत्थापि “पाराजिकदिट्ठि होती”ति न वुत्तं । तथासज्जिनो अनापत्तितो । “**तब्भागियविचारणाय**”न्ति तब्भागियपदनिद्देशे अञ्जभागियतायपि निद्दिट्ठत्ता वुत्तं ।

**वत्थुसभागतायाति** अनुवादवत्थुसभागतायाति अत्थो । अञ्जथा “चतस्सो विपत्तियो”ति वचनं विरुज्झेय्य । **सभावसरिक्खासरिक्खतो चाति** सभावेन सदिसासदिसतो । तत्थ ज्ञानादिवत्थुविसभागतायपि सभावसरिक्खताय उत्तरिमनुस्सधम्मपाराजिकापत्ति तस्सेव तब्भागियाव होति । तथा वत्थुवसेन अनुवादाधिकरणं, किञ्चाधिकरणञ्च पाटेक्कं चतुब्बिधमपि वुत्तञ्जभागियं न जातं, तस्मा तदञ्जभागियताय विदिताय तब्भागियता पारियेसयुत्तिया अवुत्तापि सिज्झतीति कत्वा “अञ्जभागियमेव पठमं निद्दिट्ठ”न्तिपि वत्तुं युज्जति । **एकंसेन तब्भागियं न होतीति** सरिक्खवसेन अरहत्तं आपत्ति अनापत्तीति विवादसम्भावतो अब्याकतभावेन विवादाधिकरणस्सपि अञ्जभागियं सिया, **पाळियं** आपत्ताधिकरणस्स वुत्तत्ता एवं वुत्तं, **आदितो पट्टायाति** “अञ्जभागियस्स अधिकरणस्सा”ति इतो पट्टाय । “मेथुनरागेन मनुस्सविग्गहो दोसेनातिआदिना सरिक्खतो चा”ति लिखितं । तं वत्थुविसभागताय एव सिद्धं । अयं पन वत्थुसभागतायपि सति आपत्तिसभागता सरिक्खतोति नो तक्कोति च, एकस्मिम्पि हि वत्थुस्मिं आपत्तिभेदो होतीति **आचरियो** । परतो वुत्तनयेन वेदितब्बन्ति सम्बन्धो ।

“किच्चमेव किञ्चाधिकरण”न्ति वुत्तत्ता सङ्गकम्मानमेतं अधिवचनं । **कम्मलक्खणन्ति** कम्मानं सभावं । **तं निस्सायाति** पुब्बेव हि संविधाय सङ्घो कम्मं करोति । अथ वा **पुरिमं पुरिमन्ति** परिवासउक्खेपनियादीनि सङ्गकम्मानि निस्साय अब्भानओसारणादि उप्पन्नन्ति कत्वा वुत्तं । तस्मा किञ्चापि सङ्गकम्ममेव किञ्चाधिकरणं, तथापि सेसविसेसो लब्धतीति दस्सेति ।

**३९४.** अत्थतो एकं, तस्मा देसस्स अत्थमवत्वा “लेसो”तिआदि वुत्तं किर ।

**३९५. सवत्थुकं कत्वाति** पुगलस्स उपरि आरोपेत्वा खत्तियादिभावेन एकजातिकोपि दीघरस्सकाळकोदातादीनं दिट्ठसुतपरिसङ्कितानं वसेन अञ्जभागियता, दीघं खत्तियं अज्झाचरन्तं दिस्वा रस्सादिखत्तियपञ्जत्तिया आधारभावतो जातिलेसेन चोदेति, एकं वा खत्तियं अज्झाचरन्तं दिस्वा ततो विसिट्ठञ्जभागभूतं खत्तियं जातिलेसं गहेत्वा “खत्तियो दिट्ठो त्वं खत्तियोसी”ति चोदेति दिट्ठादिअञ्जभागेन । एत्थ च “दीघादयो, दिट्ठादयो च जातिनामादीनं वत्थुभूतत्ता अधिकरण”न्ति लिखितं । तं “अधिकरणभावानियमतो”ति वुत्तदोसं नातिक्कमति, **अट्ठकथायं** “खत्तियजातिपञ्जत्तिया आधारवसेन अधिकरणता च वेदितब्बा”ति वुत्तं । तम्पि नामगोत्ततो अज्जिस्सा नामगोत्तपञ्जत्तिया नाम कस्सचि अभावतो न सब्बसाधारणं, तस्मा “अधिकरणस्सा”ति पदुद्धारणं अधिकरणचतुक्कदस्सनत्थं, तं समानवचनदस्सनत्थन्ति नो तक्कोति । तत्थ **दीघादिनो वा दिट्ठादिनो वाति** एत्थ दीघादिता, दिट्ठादिता च अञ्जभागो, यो चुदितको इतरस्स विसेसो यतो अज्जोति वुच्चति ।

**३९९. लहुकं आपत्तिन्ति** पाराजिकतो लहुकापत्ति सङ्घादिसेसादि । तेनेव अन्ते तं दस्सेन्तेन “भिक्खु सङ्घादिसेसं अज्झापज्जन्तो दिट्ठो होती”तिआदि वुत्तं । आपत्तिलेसोपि किमत्थं जातिलेसादयो विय न वित्थारितोति चे? तथा असम्भवतोति वेदितब्बं ।

**४००. साटकपत्तो सरीरट्ठपत्तो । आपत्तियाति** पाराजिकापत्तिया अञ्जभागियं सङ्घादिसेसादि, अधिकरणञ्च आपत्तिपञ्जत्तिया । “लेसो नाम आपत्तिभागो”ति वुत्तत्ता आपत्तिभावलेसो वुत्तोति वेदितब्बो, तस्मा पाराजिकापत्तितो

अञ्जभागियस्स आपत्तिपञ्जत्तिया आधारणट्ठेन “अधिकरण”न्ति सङ्ख्यं गतस्स सङ्गादिसेसादिनो आपत्तिनिकायस्स आपत्तिभावलेसं गहेत्वा चोदना आपत्तिलेसचोदनाति वेदितब्बा ।

४०८. अनापत्ति तथासञ्जी चोदेति वा चोदापेति वाति आपत्तञ्जभागियचोदनायमेव, न अञ्जत्थ । एत्तावता पठमदुट्ठदोसे वुत्तविचरणाय संसन्दितं होति, तं इध कथं पञ्जायतीति चे? **कङ्गावितरणिया** वचनतो । वुत्तञ्जि “तत्थ इध च आपत्तञ्जभागियचोदनाय तथासञ्जिनोपि अनापत्ती”ति ।

अञ्जाभागियसिक्खं यो, नेव सिक्खति युत्तितो । गच्छे विनयविज्जूहि, अञ्जभागियतञ्च

सोति ।

दुतियदुट्ठदोससिक्खापदवण्णना निट्ठिता ।

### १०. पठमसङ्गभेदसिक्खापदवण्णना

४०९. “वज्जं न फुसेय्या”ति च पाठो ।

४१०. तेसं अनुरूपाजाननतो असब्बञ्जू अस्स । “न, भिक्खवे, असेनासनिकेन वस्सं उपगन्तब्ब”न्ति (महाव० २०४) वुत्तत्ता पटिक्खित्तमेव । **तिकोटिपरिसुद्धन्ति** परस्स पापपसङ्गनिवारणत्थं वुत्तं, न पटिच्चकम्मनिवारणत्थं **कोटीहीति** आकारेहि । **परिसुद्धन्ति** विमुत्तं । दसहि लेसेहि उट्ठिस्स कतं समणा परिभुञ्जन्ति, अस्समणा इमेति सासनस्स गरहभावो आगच्छेय्य, गरहपच्चया लोको वा अपुञ्जं अरियूपवादं पसवेय्य, तेहि विमुत्तन्ति अत्थो । **वागुरन्ति** मिगजालं । **अत्तनो अत्थाय वाति** आदिना परेसं अत्थाय कते कप्पियभावं दस्सेत्वा भिक्खूनञ्च अञ्जेसञ्च अत्थाय कते तं दस्सेतुं “**मतानं पेतकिच्चत्थाया**”ति आदिमाह ।

यं यं हीति आदि तस्स कारणस्स दस्सनत्थं वुत्तं । पुन पञ्चन्नं सहधम्मिकानं अत्थाय कतं न कप्पतीति वुत्तन्ति किर **धम्मसिरित्थेरो** । **गण्ठपदे** “भिक्खूनमेव सुद्धानं अत्थाय कतं न वट्ठती”ति लिखितं । अपरेहि पन “**मतानं पेतकिच्चत्थायाति** आदिना वुत्तेपि कप्पति, **भिक्खूनंयेव अत्थायाति** इमिना ‘भिक्खूनम्मि दत्त्वा मयं भुज्जिस्सामा’ति कतम्मि वुत्तं । पुन ‘पञ्चसु एकं उट्ठिस्सकतं इतरेसं न कप्पती’ति दस्सनत्थं ‘**पञ्चसु हि सहधम्मिकेसूति** आदि वुत्त’न्ति वदन्ती”ति वुत्तं । अञ्जतरस्मिं पन **गण्ठपदे** “अम्हाकन्ति च राजयुत्तादीनन्ति च वुत्ते वट्ठतीति वत्त्वा ‘तुम्हाक’न्ति अवत्त्वा ‘पेतकिच्चत्थायाति वुत्तेपि वट्ठती’ति च दस्सेत्वा सब्बत्थ वुत्तानं, आदिसद्देन सङ्गहितानञ्च लक्खणं ठपेन्तेन ‘भिक्खूनंयेवा’ति आदि वुत्तं । तत्थ ‘भिक्खूनं उट्ठिद्वे एवाति अधिप्पायेना’ति वुत्तं । न ‘तुम्हाकं, अम्हाकञ्चाति वुत्ते अनापत्ती’ति दस्सनत्थं । कस्मा? मिस्सकवारस्स अभावा । लक्खणं नाम वुत्तानं, वुत्तसदिसानञ्च होति । ‘सचे पेतकिच्चत्थायाति वुत्तद्धाने भिक्खूनं भोजनं सन्धाय करोन्ती’ति वदन्ति महाअट्ठकथायञ्च ‘तस्मिं वारे च न तुम्हाकन्ति वुत्ते वट्ठती’ति वुत्तत्ता । तेनेव इधापि ‘पेतकिच्चत्थाय, मङ्गलादीनं वा अत्थाय कतेपि एसेव नयो’ति पुब्बे वुत्तत्थवसेन वुत्तं । ‘अवधारणत्थेन मिस्सके वट्ठती’ति चे? ‘कप्पियमंसस्स हि पटिग्गहणे आपत्ति नत्थी’ति वचनेन अकप्पियपटिग्गहणे आपत्तीति आपन्नं, ‘तञ्च गहेतब्बं सिया’ति पटिक्खित्तमेव”ति वुत्तं, तं सुन्दरं विय दिस्सति, विचारेत्वा गहेतब्बं । **यत्थ चाति** भिक्खूनं अत्थाय कतेपि । तमत्यं आवि कातुं “**सचे पना**”ति आदि वुत्तं । एत्थ पन “भिक्खुनीनं दुक्कटं, इतरेसं दण्डकम्मवत्थू”ति वदन्ति । **कप्पं निरयम्हीति** असङ्ख्येय्यकप्पं । विवट्ठट्ठायिकालेयेव सङ्गभेदो होतीति । **कप्पन्ति** आयुक्कप्पं ।

४११. कुसलन्ति खेमं । आपत्तिभया कता लज्जीहीति एत्थ आपत्तिभयेन अवस्सं आरोचेन्तीति दस्सनत्थं “लज्जी रक्खिस्सती”ति (विसुद्धि० १.४२; पारा० अट्ठ० १.४५) पोराणवचनस्सानुरूपतो “**अञ्जेहि लज्जीही**”ति वुत्तं । अलज्जिस्सपि

अनारोचेन्तस्स आपत्तियेव “ये पस्सन्ति ये सुणन्ती”ति वचनतो ।

**४१६. असमनुभासन्तस्साति** कम्मकारके कत्तुनिद्वेसो, समनुभासनकम्मं अकरियमानस्साति अत्थो । **ओदिस्स अनुज्जातो** नाम उम्मत्तकखित्तचित्तवेदनट्टादिको “अनापत्ति आदिकम्मिकस्सा”ति **अरिट्टुसिक्खापदे** आगतत्ता अत्थीति चे? **यम्पीति** आदि । **सा पनेसा** अनापत्ति । **सो वुच्चतीति** तत्थ आगतोपि सकम्मव्यावटोपि एवं वुच्चति । **एतेनुपायेनाति** असमनुभासन्तस्स च आदिकम्मिकस्स च वुत्तत्थवसेन । **ठपेत्वा अरिट्टुसिक्खापदन्ति** तत्थ आदिकम्मिकपदाभावा ।

**तिवङ्गिकन्ति** एत्थ वाचाय एव पटिनिस्सज्जन्तस्स ओट्टुचलनादिकायविज्जति होति, तस्मा दुविधम्पि विज्जति कथेन्तस्स होति । वचीभेदं कातुं असक्कोन्तस्स कायविकारं करोन्तस्स अनापत्तिया भवितव्वं । कस्मा? तिवङ्गेषु एकस्स परिहीनत्ता, तस्मा तिवङ्गभावो आपत्तिया, अङ्गहानिभावो अनापत्तियाति गहेतव्वं । एत्थ सिया — यदि अङ्गहानिभावेन अनापत्ति, एवं सन्तेपि विकारं अकत्वा चित्तेनेव विस्सज्जेन्तस्स अनापत्तिया भवितव्वन्ति? तं न, कस्मा? **अट्टुक्थायं** “कायविकारं वा वचीभेदं वा अकरोन्तस्सेव पन आपज्जनतो अकिरिय”न्ति हि वुत्तं, “चित्तं वा अनुप्पादेन्तस्स वा”ति न वुत्तं, तस्मा चित्तञ्च नाम विज्जत्तिपटिबद्धं एवाति विसुं अङ्गभावेनेव वुत्तत्ता जानितव्वन्ति चे? तं न, द्विन्नयेव अकिरियाति, तस्मा चित्तेन विस्सज्जेन्तस्सापि आपत्ति विय दिस्सति, उपपरिक्खित्वा गहेतव्वं । तत्थ “अकुसलचित्त”न्ति वुत्तन्ति चे? “चित्तबाहुल्लतो वुत्त”न्ति वदन्ति । तेपि किर बाहुल्लतो वदन्ति ।

पठमसङ्गभेदसिक्खापदवण्णना निट्ठिता ।

### ११. दुतियसङ्गभेदसिक्खापदवण्णना

**४२२. सज्जीति** सज्जिनो ।

दुतियसङ्गभेदसिक्खापदवण्णना निट्ठिता ।

### १२. दुब्बचसिक्खापदवण्णना

**४२४. पत्तं** पतितं विवरि विवट्टयि । एकतो उस्सारेति च गिळिततो ठपेति च । एकपंसुथुपकनदीसङ्घं **दीघमूलकपण्णसेवालं** सेवालं दण्डिसिपिप्परिं **पणकं** पेसिट्ठिं निस्सारेति । **तिलबीजकन्ति** सुखुममूलपण्णकं हुत्वा उदकपिट्ठे पत्थरिकं **उदकपण्णकं** निस्सारेति ।

**४२५-६.** “दुब्बच्चजातिको”तिपि पठन्ति । **अपदानेनाति** पुराणकम्मेन । “किं पुब्बेपि मयं एवरूपं करोमातिआदिना एकूनवीसती”ति **महापच्चरियं** किर वुत्तं । **महाअट्टुक्थायञ्च अनुमानसुत्तट्टुक्थायञ्च** “सोळसवत्थुका”ति वुत्तं, तं समेति ।

दुब्बचसिक्खापदवण्णना निट्ठिता ।

### १३. कुलदूसकसिक्खापदवण्णना

**४३१.** न केवलं विहारो एव कीटागिरि, सोपि गामो “**कीटागिरि**”च्चेव वुच्चति । गामज्झि सन्धाय परतो “न अस्सजिपुनब्बसुकेहि भिक्खूहि कीटागिरिस्मिं वत्थव्व”न्ति वुत्तं । एकसंवच्छरे द्विक्खत्तुं वस्सति किर, तं सन्धाय “**द्वीहि मेघेही**”ति वुत्तं । **समधिकन्ति** छ जने सन्धाय । **अकतवत्थुन्ति** नवं अट्टुप्पन्ति । “जाभिसुमनादिगच्छं अल्लानं हरितानं एवा”ति लिखितं । भूतगामबीजगामभेदतो पनेस भेदो । **वत्तत्थायाति** वतिअत्थाय । **यंकिज्जीति** सोदकं वा निरुदकं वा । **आरामादिअत्थायाति** वनराजिकादिअत्थाय । मालावच्छरोपनं कुलदूसकयेव सन्धाय, गन्थनादिसव्वं न सन्धाय वुत्तन्ति । कथं पज्जायतीति चे? तं दस्सेतुं

“बुद्धेन धम्मो”तिआदि । “आवेळं आबिळ”न्तिपि पाठो ।

गोष्पनन्ति गन्थनं । वेठिमन्ति तग्गतिकमेव । वेधिमं अज्जेन केनचि पुप्फं वेधेत्वा कतं । कण्टकम्पि बन्धितुन्ति एत्थ “सयं विज्झनत्थं न वट्टति । अज्जस्सत्थाय वट्टती”ति वदन्ति । जालमयं वितानं जालवितानं । पुप्फपटिच्छकं गवक्खं विय सच्छिदं करोन्ति । तालपण्णगुळकन्ति तालपण्णमयं पुन कतम्पि पटिछिज्जकमेव । धम्मरज्जु चेति यं वा बोधिं वा पुप्फप्पवेसनत्थं आविज्झित्वा बद्धरज्जु । “कासावेन बद्धम्पि सुत्तवाकादीहि बद्धं भण्डितसदिस”न्ति लिखितं । अंसभण्डिकं पसिब्बके पक्खित्तसदिसत्ता वेधिमं न जातं, तस्मा “सिथिलबद्धस्स अन्तरन्तरा पक्खिपितुं न वट्टती”ति वदन्ति । “अज्जमज्जं अफुसापेत्वा अनेकक्खत्तुम्पि परिक्खिपितुं वट्टती”ति वदन्ति । पूरितन्ति दीघतो पसारेत्वा पूरितं । घटिकदामओलम्बकोति “यमकदामओलम्बको”ति लिखितं । “गेण्डुखरपत्तदामानं पटिक्खित्तत्ता चेलादीहि कतदामम्पि न वट्टति अकप्पियानुलोमत्ता”ति वदन्ति ।

“रेचकं नाम तथालासियनाटनटानं नच्च”न्ति लिखितं । तं “परिवत्तन्ती”ति वुत्तं । “सारियो नाम रुतसुनखा सिङ्गालकम्मकुरुङ्गकेळिपने ठिता”ति किर पाठो । “निबुज्झन्ती”ति पाळि ।

४३२. अबलबलादि-पदानं उप्पटिपाटिया । यथा पामोक्खानं वसेन सब्बेपि “अस्सजिपुनब्बसुका”ति वुत्ता, तथा पामोक्खप्पत्तसावकस्स वसेन तदायत्तवुत्तिने सब्बेपि “सारिपुत्ता”ति । तेन वुत्तं “गच्छथ तुम्हे सारिपुत्ता”ति ।

४३३. “गामे वा न वसितब्ब”न्ति इमिनाव तस्मिं गामे अज्जत्थ न वसितब्बन्ति सिद्धं । “तस्मिं विहारे वा”ति कस्मा वुत्तन्ति चे? अत्थसम्भावतो । यस्मिं गामे कुलदूसककम्मं कतं, तस्मिं गामे, यस्मिं विहारे वसन्तेन कुलदूसनं कतं, तं विहारं ठपेत्वा अज्जस्मिं वसितुं न वट्टतीति दस्सनत्थं । तं कथन्ति चे? “गामे वा न वसितब्ब”न्ति वचनेन यस्मिं गामे कुलदूसनकम्मं कतं, तस्मिं विहारेपि वसितुं न लब्धतीति आपन्नं, तं दिस्वा “तस्मिं विहारे”ति वुत्तं, तेन तस्मिं गामे अज्जस्मिं वसितुं लब्धतीति सिद्धं । “तस्मिं विहारे वसन्तेना”ति इमिना तस्मिं गामे अज्जत्थ वसन्तेन सामन्तगामे पिण्डाय चरितुं वट्टतीति दीपितं होति । सामन्तविहारेपीति सामन्तविहारो नाम तस्मिंयेव गामे तस्स विहारस्स सामन्तविहारो च तस्स गामस्स सामन्तविहारो चाति उभयं वुच्चति, एतेन तस्मिं गामे अज्जत्थ वसन्तेन तस्मिं गामे पिण्डाय न चरितब्बं । सामन्तगामेपि पिण्डाय चरितुं वट्टति, पुन यस्मिं गामे कुलदूसनकम्मं कतं, तस्स सामन्तगामे कुलदूसकविहारस्स सामन्तवत्थुविहारे वसन्तेन तस्मिं गामेपि चरितुं वट्टति । यस्मिं सामन्तगामे कुलदूसकं न कतं, तस्मिम्पि चरितुं वट्टति, नेव विहारेति अधिप्पायो । “न नगरे चरितु”न्ति वुत्तत्ता अज्जस्मिं विहारे तस्मिं गामे वसितुं वट्टतीति दीपितं होतीति एके । गण्ठपदेसु पन विचारणा एव नत्थि, तस्मा सुट्ठु विचारेत्वा कथेतब्बं ।

४३६-७. दापेतुं न लभन्ति, पुप्फदानज्झि सिया । तस्सेव न कप्पतीति एत्थ यागुआदीनि आनेत्वा “ददन्तू”ति इच्छावसेन वदति चे, सब्बेसं न कप्पति, केवलं पन सुद्धचित्तेन अत्तानं वा परेसं वा अनुद्विसित्वा “इमे मनुस्सा दानं दत्त्वा पुज्जं पसवन्तू”ति वदन्तस्स तस्सेव न कप्पति यागुआदीनं पच्चयपटिसंयुत्तकथाय उप्पन्नत्ता । महाअट्ठकथायम्पि “पज्चन्नम्पि सहधम्मिकान”न्ति विसेसेत्वा अवुत्तत्ता अत्थतो सयमेवाति अपरे । आचरिया पन “यथा महापच्चरियं, कुरुन्दियज्ज ‘तस्सेवा’ति विसेसेत्वा वुत्तं, एवं महाअट्ठकथायं विसेसेत्वा न वुत्तं, तस्मा सब्बेसं न कप्पती”ति वदन्ति ।

कुलदूसकसिक्खापदवण्णना निद्धिता ।

तेरसककण्डवण्णना निद्धिता ।

### ३. अनियतकण्डो

#### १. पठमअनियतसिक्खापदवण्णना

**४४४-५. उदेसन्ति** उदिसनं, आसाळिहनक्खत्तं नाम वस्सूपगमपूजा । **सोतस्स** रहोति एत्थ **रहो**-वचनसामञ्जतो वुत्तं दुट्ठुल्लसामञ्जतो दुट्ठुल्लारोचनपटिच्छादनसिक्खापदेसु पाराजिकवचनं विय । तस्मा “**चक्खुस्स रहेनेव पन परिच्छेदो कातब्बो**”ति वुत्तं । कथं पञ्जायतीति चे? “मातुगामो नाम तदहुजातापि दारिका”ति वचनतो, “अलंकम्मनियेति सक्का होति मेथुनं धम्मं पटिसेवितु”न्ति वचनतो च रहो निसज्जस्सादो चेत्थ मेथुनसन्निस्सितकिलेसो, न दुतिये विय दुट्ठुल्लवाचस्सादकिलेसो, तस्मा च पञ्जायति “सोतस्स रहो नाधिपेतो”ति । केचि पन “तज्ज लब्धतीति वचनस्स दस्सनत्थं वुत्तं, तेन दुतिये वुत्ता विज्जू पटिबला गहिता होती”ति वदन्ति । **येन वा साति** एत्थ **वा**-सद्दो “तेन सो भिक्खु कारेतब्बो वा”ति योजेतब्बो, सो च विकप्पत्थो, तस्मा कारेतब्बो वा पटिजानमानो, न वा कारेतब्बो अप्पटिजानमानोति अत्थो । तेन वुत्तं **अट्ठकथायं** “पटिजानमानोव तेन सो भिक्खु कारेतब्बो...पे०... न कारेतब्बो”ति । तस्मा एव **पाळियं** तदत्थद्वयदस्सनत्थं “सा चे एवं वदेय्या”ति आदि वुत्तं । “सद्धेय्यवचसा”ति इमिना सोतापन्ना अत्थभज्जनकं न भणन्ति, सेसं भणन्तीति वादीनं वादो पटिसेधितो होति । “दिट्ठ”न्ति वुत्तत्ता “ओलोकेसी”ति सुन्दरं । **रक्खेय्यासीति** मम विसेसं कस्सचि नारोचेय्यासीति अधिप्पायो ।

**४४६.** “सा चे एवं वदेय्य ‘अय्यस्स मया सुतं निसिन्नस्स मातुगामं दुट्ठुल्लाहि वाचाहि ओभासेन्तस्सा’”ति, इदं किमत्थमेत्थ वुत्तं, न अधिपेतज्हेतं इध सोतस्स रहो नाधिपेतोति कत्वाति चे? अलंकम्मनियद्वाने दुट्ठुल्लवाचापि लब्धति, न पन नालंकम्मनियद्वाने मेथुनन्ति दस्सनत्थं वुत्तन्ति वेदितव्वन्ति । यथा एतं, तथा “सा चे एवं वदेय्य ‘अय्यस्स मया सुतं मातुगामस्स सन्तिके अत्तकामपारिचरियाय वण्णं भासन्तस्सा’”ति एतम्पि इध लब्धति, न दुतिये नालंकम्मनियद्वानत्ताति एके । **कङ्गावितरणियं** (कङ्गा० अट्ठ० दुतियानियतसिक्खापदवण्णना) इधापि दुतियानियताधिकारे पाराजिकापत्तिज्ज परिहापेत्वा दुट्ठुल्लवाचापत्तिया वुत्तत्ता पठमानियते दुट्ठुल्लवाचापत्ति न वुत्ताति चे? “सा चे”ति तस्सा पाळिया पोत्थका सोधेतब्बा । **गण्ठपदे** च “इध सिक्खापदे मेथुनकायसंसग्गरहो निसज्जानमेवागतत्ता चक्खुस्सरहोव पमाण”न्ति लिखितं, दुतियानियताधिकारे च “अनन्धो कायसंसग्गं पस्सति, अबधिरो दुट्ठुल्लं सुणाति, कायचित्ततो कायसंसग्गो, वाचाचित्ततो दुट्ठुल्लं, उभयेहि उभय”न्ति च लिखितं । **अट्ठकथायं** “समुद्धानादीनि पठमपाराजिकसदिसानेवा”ति वुत्तत्तापि दुट्ठुल्लवादो न सुन्दरो “तदहुजाता”ति वुत्तत्ताति ।

पठमअनियतसिक्खापदवण्णना निट्ठिता ।

## २. दुतियअनियतसिक्खापदवण्णना

**४५३.** दुतिये केसुचि पोत्थकेसु “न हेव खो पन पटिच्छन्नं आसनं होति आसन”न्ति लिखितं । “आसनन्ति अधिकं, उद्धरितानुरूप”न्ति लिखितं । द्वेपि रहा इध अधिपेता कायसंसग्गदुट्ठुल्लवाचारहो निसज्जगहणतो । यदि एवं “मातुगामो नाम विज्जू पटिबला”ति किमत्थं वुत्तन्ति? अयमेव हि मातुगामो द्विन्नम्पि कायसंसग्गदुट्ठुल्लवाचानं एकतो वत्थुभूतो, तस्मा वुत्तं । कायसंसग्गस्स वत्थुभूतो दस्सितो, न इतरस्साति कत्वा दुट्ठुल्लवाचमेव सन्धाय तस्सा वत्थुं दस्सेन्तो एवमाह ।

एत्थाह — यथा पठमे अनधिपेतापि दुट्ठुल्लवाचा सम्भवविसेसदस्सनत्थं वुत्ता, इधापि कायसंसग्गो, कस्मा न तस्स वसेन चक्खुस्स रहो गहेतब्बोति? आम न गहेतब्बो, न च गहितो, गहितो एव पन निसज्जवसेन, न हि अङ्गस्स निसज्जा विसेसोति । अप्पटिच्छन्ने सति कथं चक्खुस्स रहोति चे? दूरत्ता । पठमे कस्मा इत्थिसत्तम्पि अनापत्तिं न करोति, इध कस्मा एकापि करोतीति चे? नो वुच्चति सिद्धत्ता । सिद्धं होति, यदिदं अज्जतरो भिक्खु वेसालियं महावने...पे०... द्वारं विवरित्वा निपन्नो होति...पे०... सम्बहुला इत्थियो यावदत्थं कत्वा पक्कमिंसूति (पारा० ७७) । तस्मा न मेथुनस्स मातुगामो दुतियो होति । इत्थियो हि अज्जमज्जिस्सा वज्जं पटिच्छादेन्ति, तेनेव भिक्खुनीनं वज्जपटिच्छादने पाराजिकं पज्जत्तं । तथा “आयस्मा उदायी ता इत्थियो विहारं पेक्खापेत्वा तासं इत्थीनं वच्चमग्ग”न्ति (पारा० २८३) एत्थ “या पन ता इत्थियो हिरिमना, ता निक्खमित्वा भिक्खु उज्झापेन्ती”ति (पारा० २८३) वचनतो दुट्ठुल्लस्स मातुगामो दुतियो होतीति सिद्धन्ति अधिप्पायो । उभयत्थापि उम्मत्तकादिकम्मिकानं अनापत्तीति तेसं पाटेक्कं **निदाने** आगतं, आदिकम्मिकानं अनापत्तीति अत्थो । **अनुगण्ठपदे** पन “**अचेलकवग्गे** रहोपटिच्छन्नासनसिक्खापदे ‘विज्जू पुरिसो



दुतियो होतीति (पाचि० २८८) इमस्स अनुरूपतो ‘इत्थीनं सतम्पि अनापत्तिं न करोतीति वुत्त’न्ति च, “दुतियानियते ‘इत्थीपि पुरिसोपी’ति इदं **भिक्षुनीवग्गे** ओसानसिक्खापदस्स, **अचेलकवग्गे** अप्पटिच्छन्नासनसिक्खापदस्स च **अनापत्तिवारे** ‘यो कोचि विज्जू पुरिसो दुतियो’ति वुत्तं। इमेसं अनुरूपतो वुत्तन्ति वेदितब्ब’न्ति च वुत्तं।

दुतियानियतसिक्खापदवण्णना निट्ठिता।

### पकिण्णकवण्णना

अपिचेत्थ इदं पकिण्णकं, सेय्यथिदं — इदं अनियतकण्डं निष्पयोजनं अपुब्बाभावतोति चे? न, गरुकलहुकभेदभिन्नापत्तिरोपनारोपनक्कमलक्खणदीपनप्पयोजनतो। एत्थ हि “सा चे एवं वदेय्य ‘अय्यो मया दिट्ठो निसिन्नो मातुगामस्स मेथुनं धम्मं पटिसेवन्तो’ति, सो च तं पटिजानाति, आपत्तिया कारेतब्बो...पे०... निसज्जाय कारेतब्बो”तिआदिना (पारा० ४४६) आपत्तिया गरुकाय लहुकाय च रोपनक्कमलक्खणं, कारेतब्बोति इमिना अनारोपनक्कमलक्खणञ्च दस्सितं। लक्खणदीपनतो आदिमिह, अन्ते वा उद्दिसितब्बन्ति चे? न, असम्भवतो। कथं? न ताव आदिमिह सम्भवति, येसमिदं लक्खणं, तेसं सिक्खापदानं अदस्सितत्ता। न अन्ते, गरुकमिस्सकत्ता, तस्मा गरुकलहुकानं मज्झे एव उद्दिसितब्बन्ति अरहति उभयामिस्सकत्ता। या तत्थ लहुकापत्ति दस्सिता, सापि गरुकादिका। तेनेवाह “मेथुनधम्मसन्निस्सितकिलेससङ्घातेन रहस्सादेना”तिआदि, तस्मा गरुकानं एव अनन्तरं उद्दिट्ठातिपि एके। एवं सन्ते पठममेवालं तावता लक्खणदीपनसिद्धितो, किं दुतियेनाति चे? न, ओकासनियमपच्चयमिच्छागाहनिवारणप्पयोजनतो। “पटिच्छन्ने आसने अलंकम्मनिये”ति ओकासनियमतो हि तब्बिपरीते ओकासे इदं लक्खणं न विकप्पितन्ति मिच्छागाहो होति, तन्निवारणतो दुतियमि सात्थकमेवाति अधिप्पायो। कस्मा? ओकासभेदतो, रहोभेददीपनतो, रहोनिस्सज्जस्सादभेददीपनतो। ओकासनियमभावे च रहोनिस्सज्जस्सादभेदो जातो। द्विन्नं रहोनिस्सज्जसिक्खापदानं नानताजाननञ्च सिया, तथा कायसंसग्गभेददीपनतो। नालंकम्मनियेपि हि ओकासे अप्पटिच्छन्ने, पटिच्छन्नेपि वा निसिन्नाय वातपानकवाटिछिद्वादीहि निक्खन्तकेसादिग्गहणेन कायसंसग्गो लब्धतीति एवमादयोपि नया वित्थारतो वेदितब्बा। “भिक्षुपातिमोक्खे आगतनयत्ता भिक्षुनीपातिमोक्खे इदं कण्डं परिहीनन्ति वेदितब्ब’न्ति वदन्ति। अत्थुप्पत्तिया तत्थ अनुपन्नत्ताति एके। तं अनेकत्थभावदीपनतो अयुत्तं। सब्बबुद्धकाले हि भिक्षुनं पञ्चन्नं, भिक्षुनीनं चत्तारो च उद्देसा सन्ति। पातिमोक्खुद्देसपञ्चत्तिया असाधारणत्ता तत्थ निट्ठिसङ्घादिसेसपाचित्तियानन्ति एके। तासं भिक्षुनीनं उब्भजाणुमण्डलिकअट्ठवत्थुकवसेन कायसंसग्गविसेसो पाराजिकवत्थु, “हत्थग्गहणं वा सादियेय्य, कायं वा तदत्थाय उपसंहरेय्या”ति (पाचि० ६७४-६७५) वचनतो सादियनम्पि, “सन्तिट्ठेय्य वा”ति (पाचि० ६७५) वचनतो ठानम्पि, “सङ्केतं वा गच्छेय्या”ति (पाचि० ६७५) वचनतो गमनम्पि, “छन्नं वा अनुपविसेय्या”ति (पाचि० ६७५) वचनतो पटिच्छन्नट्ठानपवेसोपि, तथा “रत्तन्धकारे अप्पदीपे पटिच्छन्ने ओकासे एकेनेका सन्तिट्ठेय्य वा सल्लपेय्य वा”ति (पाचि० ८३८) वचनतो दुट्ठुल्लवाचापि पाचित्तियवत्थुकन्ति कत्वा तासं अज्जथा अनियतकण्डस्स अवत्तब्बतापत्तितोपि न वुत्तन्ति तेसं अधिप्पायो।

पकिण्णकवण्णना निट्ठिता।

अनियतकण्डं निट्ठितं।

### ४. निस्सगियकण्डो

#### १. चीवरवग्गो

#### १. पठमकथिनसिक्खापदवण्णना

४५९. समिताविनाति समिता’नेन किलेसाति समितावी, तेन समिताविना। “तीणि चीवरानी”ति वत्तब्बे “तिचीवर”न्ति

वुत्तं । सङ्ख्यापुब्बो दिग्गुणेकवचनन्ति एत्थ लक्खणं वेदितव्वं । तं पन अधिद्धितस्सपि अनधिद्धितस्सपि नामं “एकरत्तम्पि चे भिक्खु तिचीवरेन विण्णवसेय्या”तिआदीसु तिचीवराधिद्धानेन अधिद्धितस्स नामं । “अनुजानामि, भिक्खवे, तिचीवरं अधिद्धातु”न्ति (महाव० ३५८) एत्थ अनधिद्धितस्स नामं, इध तदुभयम्पि सम्भवति । “भगवता भिक्खूनं तिचीवरं अनुज्जातं होती”ति एत्थ अधिद्धितमेव । “अज्जेनेव तिचीवरेन गामं पविसन्ती”ति एत्थ अनधिद्धितमेव । एकस्मिंयेव हि चीवरे तिचीवराधिद्धानं रुहति, न इतरस्मिं पत्ताधिद्धानं विय, तस्मा इतरं अतिरेकद्धाने तिद्धति । तेन वुत्तं “कथञ्चि नाम छब्बगिया भिक्खू अतिरेकचीवरं धारेस्सन्ती”तिआदि ।

**४६०-१.** पठमपञ्जत्तिया पनेत्थ एकरत्तम्पि अतिरेकचीवरं धारेय्य, निस्सगियं वुत्तं होति, ततो परं “अनुजानामि, भिक्खवे, दसाहपरमं अतिरेकचीवरं धारेतुं । एवञ्च पन, भिक्खवे, इमं सिक्खापदं उद्दिसेय्याथ ‘दसाहपरमं अतिरेकचीवरं धारेतव्वं, तं अतिक्कामयतो निस्सगियं पाचित्तिय’”न्ति एवं भगवा परिपुण्णं सिक्खापदं पञ्जापेसि । अथ पच्छिमबोधियं अजातसत्तुकाले कथिनं अनुज्जातं, ततो पट्ठा भिक्खू इदं सिक्खापदं “निद्धितचीवरस्मिं भिक्खुना उब्भतस्मिं कथिने दसाह...पे०... पाचित्तिय”न्ति उद्दिहन्ति, एस नयो दुतियततियकथिनेसुपि । तथापि **कङ्गावितरणियं** (कङ्गा० अट्ठ० कथिनसिक्खापदवण्णना) “दसाहपरमन्ति अयमेत्थ अनुपञ्जत्ती”ति एत्तकंयेव वुत्तं, तस्मा “निद्धितचीवरस्मिं भिक्खुना उब्भतस्मिं कथिने”ति वचनं न पञ्जत्ति, न च अनुपञ्जत्तीति सिद्धं । न हि पञ्जत्तिवत्थुस्मिं, अनुपञ्जत्तिवत्थुम्हि वा कथिनाधिकारो दिस्सतीति यथावुत्तनयोव सारोति निद्धमेत्थ गन्तव्वं । अथापि सिया “कथिनस्सुप्पत्तिकालतो पट्ठा भगवतो वचनं अनुपञ्जत्तिभावेन वुत्त”न्ति । यदि एवं द्वे अनुपञ्जत्तियो सियुं, ततो **परिवारे** (परि० २४) “एका अनुपञ्जत्ती”तिवचनविरोधो । अपिच यथावुत्तनयदीपनत्थं इध तं वचनं पठमपञ्जत्तिकाले अवत्वा पच्छा वुत्तं । एत्थ साधितत्ता दुतियततियेसु पच्छा वुत्तपठमपञ्जत्तीसु एवं वुत्तं । अज्जथा तत्थपि तं वचनं पच्छा वत्तव्वं सिया । **अनुगण्ठपदे** पन “पच्छा वुत्तभावं सन्धाय निद्धितचीवरस्मिन्तिआदीसु अनुपञ्जत्ती”ति वुत्तं । सेक्खपुत्थुज्जनानं **पेमं**, अरहन्तानं **गारवो** । **दसमं वा नवमं वा**ति एत्थ भुम्मत्थे उपयोगवचनं ।

**४६२-३. निद्धितचीवरस्मिन्ति** इदं केवलं चीवरपलिबोधाभावमत्तदीपनत्थं वुत्तं, तस्मा “नट्ठं वा विनट्ठं वा दट्ठं वा चीवरासा वा उपच्छिन्ना”ति वुत्तं । यदि दसाहपरमं धारेतव्वचीवरदस्सनत्थं वुत्तं सिया, नट्ठादिकं सो धारेय्य । धारणज्जेत्थ ठपनं, परिभोगो वा । तं द्वयं कतेपि युज्जति, अकतेपि युज्जति, तस्मा “कतं वा होती”तिपि न वत्तव्वं । न हि कतमेव अतिक्कामयतो निस्सगियन्ति, तस्मा यं चीवरं उपादाय “निद्धितचीवरस्मि”न्ति वुत्तं । तम्पि उब्भतस्मिं कथिने दसाहपरमं कालं धारेतव्वन्ति अत्थो न गहेतव्वो । तज्झि चीवरं सन्तज्जे, उब्भतस्मिं कथिने एकदिवसम्पि परिहारं न लब्भति । अपिच “चीवरं नाम विकप्पनुपगं पच्छिम”न्ति वुत्तं । तत्थ च कतं नाम होति, तस्मापि न तं सन्धाय धारेतव्वन्ति वुत्तन्ति वेदितव्वं असम्भवतो ।

**अनुगण्ठपदे** पनेतं वुत्तं “तत्थ सिया — तस्स भिक्खुनो चीवरं नट्ठादीसु अज्जतरं यदि भवेय्य, कतमं चीवरं दसाहपरमं धारेय्य । यस्मा धारेतव्वचीवरं नत्थि, तस्मा अत्थुद्धारवसेन करणपलिबोधदस्सनत्थं ‘नट्ठं वा’तिआदिपदानि वुत्तानि । अयं पनत्थो ‘नट्ठं वा’तिआदिना नयेन वुत्तचीवरानं अज्जतरस्मिं चीवरे असति गहेतव्वो, सति तं दसाहपरमं अतिक्कामयतो निस्सगियं । एस नयो सब्बत्थ । ‘कतं वा होती’ति वुत्तचीवरमेवाधिपेतं । कस्मा पन कतचीवरं इमस्मिं अत्थे अधिपेतन्ति न वुत्तन्ति चे? पाकटत्ता । कथं? नट्ठविनट्ठचीवरादीनं धारणस्स अभावतो कतचीवरमेव इधाधिपेतन्ति पाकटं । यथा किं? यथा पठमानियते मेथुनकायसंसग्गरहोनिस्सज्जानमेवागतत्ता सोतस्स रहो अत्थुद्धारवसेन वुत्तोति पाकटो, तस्मा ‘चक्खुस्स रहो इतरस्मिं अत्थे अधिपेतो’ति न वुत्तो । एवंसम्पदमिदन्ति वेदितव्वं । ‘कतं वा होती’ति इदं न वत्तव्वं, कस्मा? अकतं अतिक्कामयतोपि निस्सगियत्ता, किञ्चापि निस्सगियं होति, इध पन तिचीवराधिद्धानमधिपेतं । तस्मिं तिचीवराधिद्धाने अकतं, अरजितं, अकप्पियकतज्ज ‘इमं सङ्घाटिं अधिद्धामी’तिआदिना नयेन अधिद्धातुं न वट्ठति, तदत्थदीपनत्थं ‘कतं वा होती’ति वुत्तं । इतरथा ‘निद्धितचीवरस्मिं पटिलद्धे’ति वदेय्य, एवं सन्ते तिचीवरं दसाहं अतिक्कामयतो निस्सगियन्ति कथं पञ्जायतीति चे? वचनप्पमाणतो । ‘अनुजानामि, भिक्खवे, तिचीवरं अधिद्धातुं न विकप्पेतु’न्ति वुत्तत्ता इधापि ‘अतिरेकचीवरं नाम अनधिद्धित’न्ति एत्तकमेव वत्तव्वं सिया । यस्मा ‘कतं वा होती’ति वचनेन इधाधिपेतचीवरेन सद्धिं सेसम्पि दसाहपरमतो उत्तरि धारेतुं न लब्भतीति

अनुजानन्तो ‘अतिरेकचीवरं नाम अनधिद्वितं अविकल्पितं’न्ति आह । तत्थ सिया — यथा ‘अविकल्पितं’न्ति अत्युद्धारवसेन वुत्तं, तथा ‘विकल्पनुपगं पच्छिमं’न्तिपि । कस्मा? यस्मा तिचीवरमेव दसाहपरमं धारेतब्बं ‘निद्वितचीवरस्मि’न्तिआदिअनुपज्जत्तिवसेन । इतरथा एकाहातिक्कमेपि निस्सगियं होति ‘यो पन, भिक्खु, अतिरेकचीवरं धारेय्य, निस्सगियं पाचित्तियं’न्ति वचनतो । न तिचीवरतो अज्जम्पि चीवरं दसाहपरमं धारेतब्बं, ततो परं निस्सगियं ‘अन्तोदसाहं’न्ति वुत्तत्ता । यथाह ‘अनापत्ति अन्तोदसाहं अधिद्वेति, विकप्पेती’ति, इतरथा ‘अन्तोदसाहं अधिद्वेती’ति वचनमत्तमेव भवेय्य, तस्मा **अट्टकथायं** वुत्तनयेनेव अत्थो गहेतब्बो । इदं सब्बं अपरे वदन्ती’ति । एत्थ अन्तोक्थिने उप्पन्नचीवरं कतमेव सन्तज्जे, दसाहपरमं धारेतब्बन्ति इदज्जिमस्स साधनत्थं वुत्तवचनज्ज परतो इधेव वुत्तविचारणाय यथावुत्तयुत्तिया च विरुज्झतीति न गहेतब्बं ।

इधेव वुत्तविचारणा नाम — “स्वे कथिनुद्धारो भविस्सती”ति अज्ज उप्पन्नचीवरं तदहेव अनधिद्वहन्तस्स अरुणुगमने निस्सगियं । कस्मा? “निद्वितचीवरस्मि”न्तिआदिना सिक्खापदस्स वुत्तत्ता । अन्तोक्थिने अतिरेकदसाहम्पि परिहारं लभति, कथिनतो उद्धं एकदिवसम्पि न लभति । यथा किं? यथा अत्थतकथिनो सङ्गो अत्थतदिवसतो पट्टाय याव उब्भारा एकदिवसावसेसेपि कथिनुब्भारे आनिसंसं लभति, पुनदिवसे न लभति । सचे सतिसम्मोसा भाजनीयचीवरं न भाजितं, पुनदिवसे अनत्थतकथिनानम्पि साधारणं होति । दिवसा चे सावसेसा, अत्थतकथिनस्सेव सङ्गस्स पापुणाति, एवमेव अत्थतदिवसतो पट्टाय याव उब्भारा अनधिद्वितं अविकल्पितं वट्टति अनुज्जातदिवसम्भन्तरत्ता । कथिनदिवसो गणनुपगो होति, उब्भतदिवसतो पट्टाय दसाहपरमं कालं उप्पन्नचीवरं परिहारं लभति, ततो परं न लभति । कस्मा? “अनुजानामि, भिक्खवे, दसाहपरमं अतिरेकचीवरं धारेतु”न्ति वचनतो । अन्तोक्थिनेपि एकादसे अरुणुगमने निस्सगियप्पसङ्गं “निद्वितचीवरस्मिं उब्भतस्मिं कथिने”ति अयं अनुपज्जत्ति वारेत्वा ठिता, न च ते दिवसे अदिवसे अकासीति । तथा ततियकथिने च विचारितं “निद्वितचीवरस्मिं भिक्खुना उब्भतस्मिं कथिने भिक्खुनो पनेव अकालचीवरं उप्पज्जेय्या”ति वदन्तेन भगवता यं मया हेट्ठा पठमसिक्खापदे ‘दसाहपरमं अतिरेकचीवरं धारेतब्बं’न्ति अनुज्जातं, तम्पि कथिनमासतो बहि उप्पन्नमेव, न अन्तोति दीपितं होती’ति च, “‘कालेपि आदिस्स दिन्नं एतं अकालचीवरं’न्ति (पारा० ५००) वचनतो कथिनुब्भारतो उद्धं दसाहपरिहारं न लभतीति दीपितं होति, तेहि सद्धिं पुन कथिनुब्भारतो उद्धं पज्ज दिवसानि लभतीति पसङ्गोपि ‘निद्वितचीवर...पे०... खिप्पमेव कारेतब्बं’न्ति अकालचीवरस्स उप्पत्तिकालं नियमेत्वा वुत्तत्ता वारितो होति । तदुभयेन कथिनम्भन्तरे उप्पन्नचीवरं कथिनुब्भारतो उद्धं एकदिवसम्पि परिहारं न लभतीति सिद्धं होती’ति च । तस्मा दुविधम्पेतं विचारणं सन्धाय अम्हेहि “इधेव वुत्तविचारणाय यथावुत्तयुत्तिया च विरुज्झतीति न गहेतब्बं”न्ति वुत्तन्ति वेदितब्बं ।

एत्थाह — “निद्वितचीवरस्मिं उब्भतस्मिं कथिने”ति इदं भुम्मं किं चीवरस्स उप्पत्ति नियमेति, उदाहु धारणं, उदाहु उभयन्ति, किञ्चेत्थ, यदि उप्पत्ति नियमेति, पच्छिमकत्तिकमासे एव उब्भतस्मिं कथिने उप्पन्नचीवरं ततो पट्टाय दसाहं धारेतब्बं अनिद्वितेपि तस्मिं मासेति आपज्जति । अथ धारणं नियमेति, अन्तोक्थिने उप्पन्नचीवरं उब्भतेपि दसाहपरमं धारेतब्बन्ति आपज्जति । अथ उभयं नियमेति, ततियकथिने विय विसेसेत्वा वत्तब्बन्ति? वुच्चते — कामं उभयं नियमेति, न पन विसेसने पयोजनं अत्थि । यं अन्तोक्थिने उप्पन्नचीवरं सन्धाय “निद्वितचीवरस्मि”न्ति वुत्तं, न तं सन्धाय “‘धारेतब्बं’”न्ति वुत्तं, साधितज्हेतं । “कतं वा होती”तिआदिवचनतो तदत्थसिद्धि, तेन पुन विसेसने पयोजनं नत्थि, न हि कतमेव निस्सगियं करोति, न च नट्टादिकं धारेतुं सक्काति । येन वा अधिप्पायेन भगवता इदं सिक्खापदं पज्जत्तं, सो अधिप्पायो ततियकथिने पकासितोति वेदितब्बो । कस्मा तत्थ पकासितोति चे? विसेसविधानदस्सनाधिप्पायतो । विसेसविधानज्जि “नो चस्स पारिपूरी”तिआदि । तत्थापि “चीवरं उप्पज्जेय्या”ति अवत्वा “अकालचीवरं उप्पज्जेय्या”ति विसेसनेन उब्भतेपि कथिने कालचीवरं अत्थीति दीपेति । किञ्चेतं? पच्छिमकत्तिकमासे उप्पन्नचीवरं, तेनेव तत्थ “अनत्थते कथिने एकादसमासे उप्पन्न”न्ति वुत्तं, तस्मा उप्पत्तिनियमे वुत्तदोसाभावसिद्धि । यज्ज तत्थ “कालेपि आदिस्स दिन्नं एतं अकालचीवरं नामा”ति वुत्तं, तस्स द्वे अत्थविकप्पा । आदेसवसेन “अकालचीवरं”न्ति लद्धसङ्ख्यम्पि काले उप्पन्नत्ता कालपरिहारं लभति, पगेवानादेसन्ति अयं पठमो विकप्पो उप्पत्तिनियमे वुत्तदोसाभावमेव उपत्थम्भेति । तथा आदेसवसेन अकालचीवरसङ्ख्यं गतं चीवरकाले उप्पन्नत्ता चीवरकालतो परं दसाहपरिहारं न लभति, पगेवानादेसन्ति अयं दुतियो धारणनियमे वुत्तदोसाभावमेव उपत्थम्भेति । यदि एवं आदेसवसेन अकालचीवरस्स अकालचीवरता किमत्थिकाति चे? सङ्गुद्देसिकस्स तस्स अत्थतकथिनस्सपि भिक्खुसङ्गस्स साधारणभावत्थिकाति वेदितब्बा ।

अपिच पुग्गलस्स कथिनदिवसापि दिवसाव । एवं गणनुपगत्ता अकालचीवरसङ्ख्यापटिलाभानुभावेन “उब्भतस्मिं कथिने”ति वचनापेक्खस्स अनिस्सगियत्ता तदनुलोमत्ता “कालचीवरस्सपी”ति एवं सब्बथा चतुब्बिधं एत्थ वचनन्ति वेदितब्बं । अपिच अत्थि एकच्चेन कथिनुद्वारेन उब्भते कथिने उप्पन्नं एकच्चस्स भिक्खुनो कालचीवरं होति, एकच्चस्स अकालचीवरं, तं सीमातिक्कन्तस्स, नो उब्भारगतं । तं द्विन्नं वसेन उब्भते उप्पन्नं ठपेत्वा इतरेसं अज्जतरेन उब्भते उप्पन्नन्ति वेदितब्बं । तज्झि यस्स उब्भतं, तस्स अकालचीवरं, इतरस्स कालचीवरं । तथा अत्थि एकच्चेन कथिनुद्वारेन उब्भते कथिने उप्पन्नं सब्बस्सपि अकालचीवरमेव होति । तं यथाठपितं वेदितब्बं । तथा अत्थि उब्भतस्मिं कथिने उप्पन्नं ठपेत्वा वस्सानस्स पच्छिमे मासे उप्पन्नं । तथा अत्थि उब्भतस्मिं कथिने उप्पन्नं अकालचीवरं, तं हेमन्ते, गिम्हे वा उप्पन्नन्ति वेदितब्बं । एवं पुग्गलकालभेदतो बहुविधत्ता उप्पन्नस्स “उब्भतस्मिं कथिने उप्पन्न”न्ति न वुत्तन्ति वेदितब्बं । अनेकंसिकत्ता इमम्पि अत्थविकपणं दस्सेतुं “उब्भतस्मिं कथिनेति भिक्खुनो कथिनं उब्भतं होती”ति । एतावता सिद्धेपि “अट्ठन्नं मातिकानं अज्जतराया”तिआदि वुत्तं । “धारयामी”ति भिक्खुनीविभङ्गे आगतोति वत्तब्बो । “एव”न्ति वचनेन वचनभेदो तत्थ नत्थीति वुत्तं होति ।

“विकप्पनुपगं पच्छिम”न्ति इदं सब्बसङ्गाहिकत्ता वुत्तं । “अधिद्वानुपगं पच्छिम”न्ति असब्बसङ्गाहिकं । न हि यत्तकं सङ्गाटि अधिद्वानुपगं पच्छिमं, तत्तकं अन्तरवासकादि अधिद्वानुपगं पच्छिमं होति अधिद्वानस्स बहुविधत्ता । न एवं विकप्पनाय भेदो तस्सा एकविधत्ताति वेदितब्बं । “एकादसे अरुणुगगमने निस्सगिय”न्ति अन्तिमं ठपेत्वा ततो पुरिमतरस्मिन्ति अत्थो वेदितब्बो । अन्तिमं नाम अपरकत्तिकाय पठमारुणुगगमनं । तज्झि कालत्ता निस्सगियं न करोति, तेनेवाह **अच्चेकचीवरसिक्खापदद्वुक्थायं** “छट्ठितो पट्टाय पन उप्पन्नं अनच्चेकचीवरम्पि पच्चुद्धरित्वा ठपितचीवरम्पि एतं परिहारं लभतियेवा”ति (पारा० अट्ठ० २.६४६-९) । इमंयेव नयं सन्धाय “अच्चेकचीवरस्स अनत्थते कथिने एकादसदिवसाधिको मासो, अत्थते कथिने एकादसदिवसाधिका पञ्च मासा, ततो परं एकदिवसम्पि परिहारो नत्थी”ति तत्थेवाह । इमस्मिं नये सिद्धे अनच्चेकचीवरं द्वादसाहे न लभतीति सिद्धमेव होति । ततो “अनच्चेकचीवरे अनच्चेकचीवरसज्जी, अनापत्ती”ति (पारा० ६५०) एत्थ अच्चेकचीवरसदिसे अज्जस्मिं अनधिद्वितेति सिद्धं होति । तत्थ पन “पञ्च मासा”ति उक्कट्टपरिच्छेदवचनं । वस्सिकसाटिकज्च अवस्सिकसाटिकभावं पत्वा एकादसमासे परिहारं लभतीति वेदितब्बं ।

### दसाहातिक्कन्तं निस्सगियन्ति एत्थ आपत्तिवुट्ठाने “दसाहप्पटिच्छन्नं

पक्खअतिरेकपक्खमासअतिरेकमासपटिच्छन्न”न्तिआदिवचनभेदो विय, न इध वचनभेदो, तस्मा संवच्छरातिक्कन्तम्पि दसाहातिक्कन्तमेव नाम, तथा दुतियकथिनेपि संवच्छरविप्पवुत्थम्पि रत्तिविप्पवुत्थमेव । ततिये संवच्छरातिक्कन्तम्पि मासातिक्कन्तमेव नामाति वेदितब्बं । “अनधिद्विते अधिद्वितसज्जी निस्सगियं पाचित्तिय”न्ति इदमेकस्स तिकपाचित्तियस्स आदिपददीपनं । एस नयो अविकप्पितेतिआदीसुपि, तस्मा एत्थ अट्ठसु तिकच्छेदेसु एकं वित्थारेत्वा इतरेसं एकेकमादिपदं वित्थारेत्वा द्वे द्वे भगवताव सङ्घित्तताति बहूसुपि तिकच्छेदेसु सम्भवन्तेसु एको एव वुच्चति, “अयं विनयस्स धम्मता”ति वदन्ति । दुक्कट्टवारेसु पन एकं दुक्कटं वित्थारेत्वा सेसानि सत्त तथेव सङ्घित्तानि । तथा अन्तिमन्तिमो एकेको अनापत्तिकोट्टासोति वेदितब्बं ।

अनापत्ति अन्तोदसाहन्ति अयं सङ्खेपत्थो — तं दसाहपरमं धारेतब्बं । तं अतिरेकचीवरं यथासकं अधिद्वानं अन्तोदसाहं अधिद्वेति वा विकप्पेति वा विस्सज्जेति वा अत्तनो धम्मताय नस्सति वा विनस्सति वा ड्हति वा अज्जो वा तं अच्छिन्दित्वा गण्हाति विस्सासन्तो वा गण्हाति पाचित्तियतो अनापत्ति । दुक्कट्टतो पन सिया आपत्ति सिया अनापत्ति सज्जाभेदेन । अन्तिमानं पनेत्थ द्विन्नं पदानं वसेन अनच्छिन्ने अच्छिन्नसज्जी निस्सगियं पाचित्तियं । अविस्सासगाहे विस्सासगाहसज्जी निस्सगियं पाचित्तियन्तिआदिका द्वे तिकपाचित्तिया, द्वे च दुक्कटा सङ्घित्तताति वेदितब्बा । एत्थ हि यदि अन्तोदसाहं अधिद्वेति, दसाहपरमं अरुणं अतिक्कमित्वा तस्स दिवसभागे अधिद्वहतीति वेदितब्बं । अयं ताव पाळिविनिच्छयो ।

अट्ठकथायं पन **इतो गरुकतरानी**तिआदिमिह अयं चोदनापुब्बङ्गमो विनिच्छयो — **गण्ठपदे** पनस्स इतो निस्सट्ठचीवरदानतो गरुकम्पि जत्तिदुतियकम्मं यथा अपलोकनेन करोन्ति, एवमिदं जत्तिया कत्तब्बम्पि पकतिवचनेन वट्टतीति । यदि एवं **परिवारे**

कम्मवग्गस्स अट्ठकथायं “जत्तिकम्मपि एकं जत्तिं ठपेत्वाव कातब्बं, अपलोकनकम्मादिवसेन न कातब्बं”न्ति (परि० अट्ठ० ४८२) यं वुत्तं, तेन विरुज्जेय्य। तेनेतं वुच्चति “तेसं एतं अनुलोमं”न्ति, तस्मा अनुलोमनयेनेव तं वुत्तं। नियमं पन यथा द्विन्नं पारिसुद्धिउपोसथो विना जत्तिया होति, एवं द्विन्नं निस्सट्ठचीवरदानम्पीति वदाम, तस्मा “आयस्मतो देमा”ति वत्तुं वट्ठति। कथं पनेतं जातब्बन्ति? तदनुलोमत्ताति। एकदेवेदं जत्तिकम्मं अपलोकनेनापि कातुं वट्ठतीति साधनन्ति वेदितब्बन्ति आचरियो। **अनुगण्ठपदे** पनेत्थ चोदनं कत्वा “एतं साधितं। जत्तिकम्मं एकं जत्तिं ठपेत्वाव कातब्बं”न्ति **पाळिया** आगतं सन्धाय वुत्तं, इदं पन **पाळियं** नागतं, लेसतो आहरित्वा वुत्तन्ति कत्वा एतं अपलोकनेनापि वट्ठतीति।

**४६८. एस नयोति** अज्जेसं चीवरेसु उपचिकादीहि खायितेसु ममपि खायितानीतिआदि। “अज्जेन कतं...पे०... साधक”न्ति वचनतो समानजातिकं, एकत्थजातिकञ्च ततियकथिनं पठमसमानमेवाति सिद्धं होति।

**४६९. तिचीवरं अधिद्धातुन्ति** एत्थ तिचीवरं तिचीवराधिद्धानेन अधिद्धातब्बयुत्तकं, यं वा तिचीवराधिद्धानेन अधिद्धातुं अविकप्पेतुं अनुजानामि, तस्स अधिद्धानकालपरिच्छेदाभावतो सब्बकालं इच्छन्तस्स अधिद्धातुंयेव अनुजानामि, तं कालपरिच्छेदं कत्वा विकप्पेतुं नानुजानामि। सति पन पच्चये यदा तदा वा पच्चुद्धरित्वा विकप्पेतुं वट्ठतीति “अनापत्ति अन्तोदसाहं अधिद्धेति, विकप्पेती”ति वचनतो सिद्धं होतीति वुत्तमेतं। वस्सिकसाटिकं ततो परं विकप्पेतुंयेव नाधिद्धातुं। वत्थज्झि कतपरियोसितं अन्तोचतुमासे वस्सानदिवसं आदिं कत्वा अन्तोदसाहे अधिद्धातुं अनुजानामि, चतुमासतो उद्धं अत्तनो सन्तकं कत्वा ठपितुकामेन विकप्पेतुं अनुजानामीति अत्थो। **सुगतचीवरतो ऊनकन्ति** तिण्णमपि चीवरानं उक्कट्टपरिच्छेदो। “तिचीवरं पन परिकखारचोळं अधिद्धातुं वट्ठती”ति वादे पन सति तथारूपपच्चये वट्ठति। यथा सति पच्चये विकप्पेतुं वट्ठतीति साधितमेतं, पगेव अज्जेन अधिद्धानेन अधिद्धातुं। “अन्तोदसाहं अधिद्धेति, विकप्पेती”ति अनियमतो वुत्तन्ति सङ्घाटि, उत्तरासङ्घो, अन्तरवासकन्ति अधिद्धितानधिद्धितानं समानमेव नामं। “अयं सङ्घाटी”तिआदीसु (महाव० १२६) हि अनधिद्धिता वुत्ता। “तिचीवरेन विप्पवसेय्या”ति एत्थ अधिद्धिता वुत्ता। **सामन्तविहारे वाति** गोचरगामतो विहारेति **धम्मसिरित्थेरो**। दूरतरेपि लब्भतेवाति आचरियो। **अनुगण्ठपदेपि** “सामन्तविहारे वाति देसनासीसमतं, तस्मा ठपितद्धानं सल्लक्खत्वा दूरे ठितमपि अधिद्धातब्बं”न्ति वुत्तं। **सामन्तविहारो** नाम यत्थ तदहेव गन्त्वा निवत्तितुं सक्का। रत्तिविप्पवासं रक्खन्तेन ततो दूरे ठितं अधिद्धातुं न वट्ठति, एवं किर **महाअट्ठकथायं** वुत्तन्ति। केचि “चीवरवंसे ठपितं अज्जो परिवत्तित्वा नागदन्ते ठपेति, तं अजानित्वा अधिद्धहन्तस्सपि रुहति चीवरस्स सल्लक्खितत्ता”ति वदन्ति। **अधिद्धित्वा**ति परिकखारचोळादिवसेन। **महन्तरमेवाति**आदि सब्बाधिद्धानसाधारणलक्खणं। तत्थ **पुन अधिद्धातब्बमेवाति** अधिद्धितचीवरस्स एकदेसभूतत्ता। अनधिद्धितज्जे, अधिद्धितस्स अप्पभावेन एकदेसभूतं अधिद्धितसङ्ख्यमेव गच्छति। तथा अधिद्धितज्जे, अनधिद्धितस्स एकदेसभूतं अनधिद्धितसङ्ख्यं गच्छतीति हि लक्खणं, न केवलज्जेत्थ दुतियपट्टमेव, ततियपट्टादिकम्पि। यथाह “अनुजानामि...पे०... उतुद्धटानं दुस्सानं चतुग्गुणं सङ्घाटिं... पे०... पंसुकूले यावदत्थ”न्ति (महाव० ३४८)।

**अवसेसा भिक्खू**ति वक्खमानकाले निसिन्ना भिक्खू। **तस्मा वट्ठतीति** यथा “अनुजानामि, भिक्खवे, तिचीवरं अधिद्धातुं न विकप्पेतु”न्ति वुत्तं, एवं परिकखारचोळमपि वुत्तं, न तस्स उक्कट्टपरिच्छेदो वुत्तो, न च सङ्ख्यापरिच्छेदो, तस्मा तीणिपि चीवरानि पच्चुद्धरित्वा “इमानि चीवरानि परिकखारचोळानि अधिद्धामी”ति अधिद्धित्वा परिभुज्जितुं वट्ठतीति अत्थो। “**निधानमुखमेत**”न्ति कथं पज्जायतीति चे? “तेन खो पन समयेन भिक्खूनं परिपुण्णं होति तिचीवरं, अत्थो च होति परिस्सावनेहिपि थविकाहिपी”ति एतस्मिं वत्थुस्मिं “अनुजानामि, भिक्खवे, परिकखारचोळ”न्ति (महाव० ३५८) अनुज्जातत्ता। भिक्खूनज्ज एकमेव परिस्सावनं, थविका वा वट्ठति, न द्वे वा तीणि वाति पटिक्खेपाभावतो विकप्पनुपगपच्छिमप्पमाणानि, अतिरेकप्पमाणानि वा परिस्सावनादीनि परिकखारानि कप्पन्तीति सिद्धं। यदि एवं “यंनूनाहं भिक्खूनं चीवरे सीमं बन्धेय्यं मरियादं ठपेय्य”न्ति (महाव० ३४६) वचनविरोधोति चे? न, अनुसन्धिया अजाननतो, विरोधतो च। किं वुत्तं होति? **चीवरक्खन्धके** (महाव० ३२६ आदयो) पठमं गहपतिचीवरं अनुज्जातं, ततो पावारकोसियकोजवकम्बलादि। ततो “तेन खो पन समयेन सङ्घस्स उच्चावचानि चीवरानि उप्पन्नानि होन्ति। अथ खो भिक्खूनं एतदहोसि किं नु खो भगवता चीवरं अनुज्जातं, किं अननुज्जात”न्ति एतस्मिं वत्थुस्मिं

“अनुजानामि, भिक्खवे, छ चीवरानि खोम”न्ति आदिना (महाव० ३३९) कप्पियचीवरजाति अनुज्जाता, न पन सङ्ख्यापमाणं। ततो “अहस भगवा...पे०... सम्बहुले भिक्खू चीवरेहि उब्भण्डिते सीसेपि चीवरभिसिं करित्वा खन्धेपि चीवरभिसिं करित्वा कटियापि चीवरभिसिं करित्वा आगच्छन्ते, दिस्वान भगवतो एतदहोसि...पे०... येपि खो ते कुलपुत्ता इमस्मिं धम्मविनये सीतालुका सीतभीरुका, तेपि सक्कोन्ति तिचीवरेन यापेतुं, यन्नूनाहं भिक्खूनं चीवरे सीमं बन्धेय्यं मरियादं ठपेय्यं तिचीवरं अनुजानेय्य”न्ति (महाव० ३४६) चीवरं अनुज्जातं, तच्च खो एकमेव। छब्बगिया पन मिच्छा गहेत्वा बहूनि परिहरिंसु। तानि नेसं अतिरेकद्वाने ठितानि होन्ति। ततो “अनुजानामि, भिक्खवे, दसाहपरमं अतिरेकचीवरं धारेतु”न्ति (महाव० ३४७) अनुज्जातं, तेनेतं पज्जायति। अतिरेकानि बहूनि चीवरानि ते परिहरिंसु, “तानि दसाहपरममेव धारेतुं अनुजानामि, न तमेवेक”न्ति वदन्तेन या पुब्बे तिचीवराधिष्ठानसङ्घाता चीवरे सीमाबद्धा, मरियादा च ठपिता, ताय सतिपि तिचीवरबाहुल्लपरिहरणक्कमो दस्सितो दिवसपरिच्छेदवसेन। ततो परं “अनुजानामि, भिक्खवे, अतिरेकचीवरं विकप्पेतु”न्ति (महाव० ३४७) अनुजानन्तेन विनापि दिवसपरिच्छेदेन अतिरेकचीवरपरिहरणक्कमो दस्सितोति द्वेपि तानि निधानमुखानीति सिद्धं। तथा परिक्रारचोळाधिष्ठानमपि सिया, अज्जथा इतरचीवराधिष्ठानानुजाननविरोधो सिया सीमामरियादद्वपनविरोधतो। तिचीवराधिष्ठानपञ्चत्तियेव तिचीवरमरियादा होति। तेन वुत्तं “पाटेक्कं निधानमुखमेत”न्ति। “पठमं तिचीवरं तिचीवराधिष्ठानेन अधिष्ठातब्बं, पुन परिहरितुं असक्कोन्तेन पच्चुद्धरित्वा परिक्रारचोळं अधिष्ठातब्बं, न त्वेव आदितोव इदं वुत्त”न्ति वुत्तं। “यथा तिचीवरं परिहरितुं असक्कोन्तस्स गिलानस्स विप्पवाससम्मुति अनुज्जाता, अगिलानस्सपि **सासङ्गसिक्खापदे** (पारा० ६५२) तस्स अन्तरघरे निक्खेपो च, ततोपि सति पच्चये छारत्तविप्पवासो, ततोपि असक्कोन्तस्स पच्चुद्धारो, पच्चुद्धटमपि अन्तोदसाहे अधिष्ठातुं, असक्कोन्तस्स विकप्पना च अनुज्जाता। तथेव द्विन्मपि सम्मुखापरम्मुखाविकप्पनानं परसन्तकत्ता विकप्पनपच्चये असति ‘परिक्रारचोळ’न्ति अधिष्ठित्वा परिभुज्जितुं भगवता अनुज्जातं सिया, यतो तदधिष्णायज्जू एवं वदन्ती”ति **महापच्चरियमपि** वुत्तं। **पुब्बे**ति आदि “पाटेक्कं निधानमुख”न्ति वुत्तस्स पयोगदस्सनत्थं वुत्तं। अबद्धसीमायं दुप्परिहारन्ति विकप्पनादिअत्थाय उपचारं अतिक्कमित्वापि गमनसम्भवतो।

**वस्सिकसाटिका अनतिरिक्तप्पमाणाति** तस्सा उक्कट्टपरिच्छेदस्स वुत्तत्ता वुत्तं। **पच्चत्थरणमपि अधिष्ठातब्बमेवाति** “इदं, भन्ते, अम्हाकं सेनासनस्स उपरि अत्थरितब्ब”न्ति आदिना दिन्नं नाधिष्ठातब्बं, “इदं तुम्हाक”न्ति दिन्नं सयं अधिष्पेतं व अधिष्ठातब्बन्ति अधिष्पायो। “सकिं अधिष्ठितं अधिष्ठितमेव होति, न पुन पच्चुद्धरीयति कालपरिच्छेदाभावतो”ति लिखितं। “एकवचनेनपि वट्टतीति अपरे”ति वुत्तं। **भेसज्जनवक्कममातापितुआदीनं अत्थायाति** एत्थ “इमिना भेसज्जं चेतापेस्सामि, इदं मातुया दस्सामी”ति ठपेन्तेन अधिष्ठातब्बं। “इदं भेसज्जस्स, इमं मातुया”ति विभजन्तेन अधिष्ठानकिच्चं नत्थीति अपरे”ति वुत्तं। “सकभावं मोचेत्वा ठपनं सन्धायाहा”ति लिखितं।

“**पुन अधिष्ठातब्बन्ति** अयं सङ्गीतितो पट्टाय आगतअट्टकथावादो। ततो परं आचरियानं तत्थ तत्थ युत्तिविचारणा”ति वुत्तं। **पमाणचीवरस्साति** पच्छिमप्पमाणस्स। **द्वे चीवरानीति** सह उत्तरासङ्गेन। **एस नयोति** पमाणयुत्तेसु यत्थ कत्थचीतिआदिनयोव। “तं अतिक्कामयतो छेदनक”न्ति (पाचि० ५३३) वचनतो उत्तरि पटिसिद्धं, ततो हेट्ठा अप्पटिसिद्धत्ता वट्टति। तत्थ सिया — तिचीवरस्स पच्छिमप्पमाणं विसुं सुत्ते नत्थीति, न वत्तब्बं, सिक्खाकरणीयेहि सिद्धत्ता। किं वुत्तं होति? “परिमण्डलं निवासेस्सामि, पारुपिस्सामि, सुप्पटिच्छन्नो अन्तरघरे गमिस्सामी”ति (पाचि० ५७६-५७९) वचनतो यत्तकेन पमाणेन परिमण्डलता, सुप्पटिच्छन्ता च **अट्टकथायं** वुत्तक्कमेन सम्पज्जती”ति वत्तब्बं। तेसं वसेन पच्छिमप्पमाणन्ति सिद्धं, तच्च खो मुट्ठिपञ्चकादि यथावुत्तमेव वुच्चते। तेनेवाह लेसं ठपेत्वा “विसुं सुत्ते नत्थी”ति।

**अपिचेत्थ अधिष्पेतं**, तथापि न समेतियेवाति अत्थो, तस्मा “यदी”ति आदिसम्बन्धो अट्टा वुत्तो। यस्मा परिच्छिन्नो समेति च। इतरेसु पन एकच्चस्मिं आचरियवादे नेव परिच्छेदो अत्थि। एकच्चस्मिं न पुब्बापरं समेतीति सम्बन्धो। **अधिष्ठानं अधिष्ठानमेव**, परिभोगकाले पन अरजितं न वट्टति। इदं सब्बं तिचीवरे एव। इमस्स पन सिक्खापदस्स अयं सङ्खेपविनिच्छयो — अनत्थते कथिने हेमन्तानं पठमदिवसतो पट्टाय अत्थते कथिने गिम्हानं पठमदिवसतो पट्टाय उपन्नचीवरं सन्धाय “निष्ठितचीवरस्मि”न्ति आदि वुत्तन्ति।

एत्थाह — “रजकेहि धोवापेत्वा सेतं कारापेन्तस्सापि अधिद्धानं अधिद्धानमेवा”ति वचनतो अरजितेपि अधिद्धानं रुहति, तेन सूचिकम्मं कत्वा रजित्वा कण्णबिन्दुं दत्वा अधिद्घातब्बन्ति नियमो न कातब्बोति? वुच्चते, कातब्बोव पत्तो विय अधिद्घितो। यथा पुन सेतभावं, तम्बभावं वा पत्तो अधिद्धानं न विजहति, न च पन तादिसो अधिद्धानं उपगच्छति, एवमेतं दट्ठब्बन्ति। “यतो पट्ठाय परिभोगादयो वट्ठन्ति, ततो पट्ठाय अन्तोदसाहे अधिद्घातब्ब”न्ति वदन्ति।

**अविसेसेन वुत्तवचनन्ति** अधिद्घातब्बं अधिद्घेति, विकप्पेतब्बं विकप्पेतीति एवं सविसेसं कत्वा अवचनं “न विकप्पेतु”न्ति (महाव० ३५८) इमिना **विरुद्धं विय दिस्सति**। इदानी इदं अधिद्धानविकप्पननयपटिबद्धं **खन्धकं, परिवारञ्च** मिस्सेत्वा पकिण्णकं वुच्चति — **खन्धके** ताव “अनुजानामि, भिक्खवे, तिचीवरं अधिद्घातुं न विकप्पेतुं, वस्सिकसाटिकं वस्सानं चातुमासं अधिद्घातुं, ततो परं विकप्पेतु”न्ति आदि वुत्तं। **परिवारे** “न नव चीवरानि अधिद्घातब्बानि, न नव चीवरानि विकप्पेतब्बानी”ति (परि० ३२९), “दसके दस, एकादसके एकादस चीवरानि अधिद्घातब्बानि, न विकप्पेतब्बानी”ति (परि० ३३१) च अनेकक्खत्तुं वचनेन सुट्ठु दळ्हं कत्वा “सब्बानि चीवरानि अधिद्घातब्बानि, न विकप्पेतब्बानी”ति वुत्तं, तस्मा उभोपि ते विरुद्धा विय दिस्सन्ति, **खन्धके** एव च “वस्सिकसाटिकं वस्सानं चातुमासं अधिद्घातुं ततो परं विकप्पेतु”न्ति (महाव० ३५८) वुत्तं। **तदट्ठकथायं** “वस्सिकसाटिका अनतिरिक्तप्पमाणा नामं गहेत्वा वुत्तनयेनेव चत्तारो वस्सिके मासे अधिद्घातब्बा, ततो परं पच्चुद्धरित्वा विकप्पेतब्बा”ति वुत्तं। इदञ्च विरुद्धं विय दिस्सति अञ्जमञ्जं हेमन्ते पच्चुद्धारसम्भवतो, वस्साने विकप्पनासम्भवतो च। तथा इध “अनापत्ति अन्तोदसाहं अधिद्घेति विकप्पेती”ति वचनप्पमाणतो सब्बत्थ विकप्पनाय अप्पटिसिद्धभावो वेदितब्बोति (पारा० अट्ठ० २.४६९) अट्ठकथावचनं परिवारवचनेन विरुद्धं विय दिस्सति, न हि विरुद्धं तथागता भासन्ति, तस्मा अट्ठकथानयोवेत्थ पटिसरणं, येन सब्बम्पि तं एकरसं होति। **परिवारट्ठकथायञ्च** वुत्तं “न विकप्पेतब्बानीति अधिद्घितकालतो पट्ठाय न विकप्पेतब्बानी”ति (परि० अट्ठ० ३२९)। तिचीवरानि अधिद्घितकालतो पट्ठाय, वस्सिकसाटिकादीनि च अत्तनो अत्तनो अधिद्धानखेत्ते न अकामा विकप्पेतब्बानीति अत्थो, अवसेसपाळि, अत्थो च इध **अट्ठकथायं** वुत्तो, तस्मा सब्बम्पेतं एकरसन्ति।

एत्थाह — यदि एवं “नव चीवरानि नाधिद्घातब्बानी”ति च वत्तब्बं। विकप्पितकालतो पट्ठाय हि नाधिद्घातब्बानीति? एत्थ वुच्चते — “तिचीवरं अधिद्घातुं न विकप्पेतुं... पे०... परिक्रारचोळं अधिद्घातुं न विकप्पेतु”न्ति एत्थ सब्बत्थ अधिद्धाने पटिसेधादस्सनतो, विकप्पनाय अदस्सनतो च “ततो परं”न्ति द्वीस्वेव परिच्छेददस्सनतो च “नव चीवरानि अधिद्घातब्बानि, न विकप्पेतब्बानि चेव वुत्तन्ति वेदितब्बं। अपरो नयो — अनुजानामि, भिक्खवे, तिचीवरं अधिद्घातुं अकामा। कस्मा? काले उप्पन्नं अनधिद्घहन्तस्स कालातिक्कमे आपत्तिसम्भवतो, अकाले उप्पन्नं अनधिद्घहन्तस्स दसाहातिक्कमे आपत्तिसम्भवतो च। तत्थ यं काले उप्पन्नं अप्पहोन्तेपि दसाहे कालातिक्कमे आपत्तिकरं, तं निस्सज्जनकाले “इदं मे, भन्ते, अतिरेकचीवरं धारितं निस्सगियं, इमाहं सङ्गस्सा”ति आदिना निस्सज्जितत्वं, इतरं यथापाळिमेव। तत्थ पठमनयो “यो पन, भिक्खु, अतिरेकचीवरं धारेय्य निस्सगिय”न्ति इमाय पठमपञ्जत्तिया वसेन वुत्तो, दुतियो अनुपञ्जत्तिया वसेन वुत्तो।

यथा च निस्सज्जितत्वं वत्थुमिह असति यथापाळि अवत्वा केवलं आपत्ति एव देसेतब्बा, यथा च वस्सिकसाटिकनिस्सज्जने केवलं परियिट्ठमत्ते यथापाळि अवत्वा यथासम्भवं निस्सज्जितत्वं, तथा इदम्पीति वेदितत्वं। यथा संवच्छरातिक्कन्तं अतिरेकचीवरं “दसाहातिक्कन्तं”मिच्चेव वुच्चति। संवच्छरविप्पवुत्थतिचीवरं, मासातिक्कन्तञ्च “रत्तिविप्पवुत्थ”न्ति च “छारत्तिविप्पवुत्थ”न्ति च वुच्चति, तथा इदम्पि “दसाहातिक्कन्तं”मिच्चेव वुच्चतीति एके, तस्मा सिद्धमिदं “अनुजानामि, भिक्खवे, तिचीवरं अधिद्घातुं अकामा”ति, तथा अकामा न विकप्पेतुन्ति अत्थो। इच्छाय हि सति “पच्चुद्धरित्वा विप्पवाससुखत्थं विकप्पनाय ओकासो दिन्नो होति, दसाहातिक्कमे च अनापत्ती”ति वचनतो विकप्पेतुं अनुजानामीति वुत्तं होति। तथा वस्सिकसाटिका अकामा अधिद्घातुं दसाहातिक्कमे आपत्तिसम्भवतो। कित्तकं कालन्ति चे? वस्सानं चातुमासं, इच्छाय पन सति उद्धंयेव विकप्पेतब्बं। “सब्बत्थ विकप्पनाय अप्पटिसिद्धभावो वेदितब्बो”ति हि वुत्तं। “अत्थापत्ति हेमन्ते आपज्जति, नो गिम्हे, नो वस्से”ति (परि० ३२३) च वुत्तं, तेन वुत्तं **अट्ठकथायं** “ततो परं पच्चुद्धरित्वा विकप्पेतब्बा”ति।

तत्रायं विचारणा — कदा पच्युद्धरित्वा, कदा विकपेतत्वा, किञ्चेत्थ यस्मा “ततो परं”न्ति वुत्तं । हेमन्तञ्च पत्तमत्ते सा अधिद्वानं विजहति, तस्मा “पच्युद्धरित्वा”ति न वत्तब्बं अधिद्वानस्स नत्थिताय, अथ “अन्तोचातुमासे विकपेतत्वा”ति न वत्तब्बं । “ततो परं विकपेतु”न्ति हि वुत्तन्ति? एत्थ एकच्चे वदन्ति “वत्तब्बमेत”न्ति । यथा परिवुत्थपरिवासो, चिण्णमानत्तो च सन्तो निद्धितेसुपि परिवासमानत्तदिवसेसु, तथा निद्धितेसुपि अधिद्वानदिवसेसु साधिद्वानमेतन्ति एके । **अट्ठकथाचरियानं** इदं सन्निद्वानं “कत्तिकपुण्णमदिवसे पच्युद्धरित्वा पाटिपददिवसे विकपेतत्वा”ति । वुत्तञ्हेतं **परिवारट्ठकथायं** “कत्तिकपुण्णमासिया पच्छिमे पाटिपददिवसे विकपेतत्वा ठपितं वस्सिकसाटिकं निवासेन्तो हेमन्ते आपज्जति । **कुरुन्दियं** पन ‘कत्तिकपुण्णमदिवसे अपच्युद्धरित्वा हेमन्ते आपज्जती’ति वुत्तं, तम्पि सुवुत्तं । ‘चातुमासं अधिद्वानं, ततो परं विकपेतु’न्ति हि वुत्त”न्ति (परि० अट्ठ० ३२३) । तत्थ कुरुन्दिनयो पच्छा वुत्तत्ता सारतो दट्ठब्बो, न पुरिमो । निवासेन्तो हि गिम्हेपि ओरेनद्धमासं आपज्जति एव । इध च “अत्थापत्ति हेमन्ते आपज्जति, नो गिम्हेति वुत्त”न्ति कुरुन्दिवचनस्सायमत्थो दिस्सति ।

“कत्तिकपुण्णमदिवसे अपच्युद्धरित्वा तस्मिंयेव दिवसे अविकपेन्तो पच्छिमपाटिपददिवसे अपच्युद्धारपच्चया दुक्कटं आपज्जति, न, अविकप्पनपच्चया दसाहपरिहारसम्भवतो”ति कारणमेके वदन्ति । एवं सति हेमन्ते पत्तमत्ते अधिद्वानं विजहतीति आपज्जति, तञ्च अयुत्तं । अधिद्वानञ्चि “अञ्जस्स दानेन... पे०... छिद्दभावेनाति इमेहि नवहि कारणेहि विजहती”ति (पारा० अट्ठ० २.४६९) वुत्तं, न “अधिद्वानखेत्तातिक्कमेन वा”ति । असाधारणत्ता न वुत्तन्ति चे? न, “छिद्दभावेना”ति न वत्तब्बप्पसङ्गतो, छिद्दभावेन पन तिचीवरस्सेव **सब्बट्ठकथासु** अधिद्वानविजहनस्स वुत्तत्ता । तस्मा हेमन्तस्स पठमदिवसे अपच्युद्धारपच्चया दुक्कटं आपज्जति, न पच्युद्धरित्वा अविकप्पनपच्चया । “विकपेतु”न्ति वचनतो ततो अधिद्वानं न विजहतीति पज्जायति । न हि कत्तिकपुण्णमासिया पच्छिमे पाटिपददिवसे अविकपेतत्वा हेमन्ते आपज्जतीति वुत्तन्ति अधिप्पायो, यस्मा तं अपच्युद्धारपच्चया दुक्कटं हेमन्तस्स पठमअरुणक्खणे एव आपज्जति, तस्मा “कत्तिकपुण्णमदिवसे अपच्युद्धरित्वा”ति वुत्तं । पच्युद्धटं पन हेमन्ते दसाहपरिहारं लभति । “दसाहे अप्पहोन्ते चीवरकालं नातिक्कामेतत्वा”ति (पारा० अट्ठ० २.६३०) हि वुत्तं, तञ्च खो समये उप्पन्नं चे, नासमये । तथा च साधितं अपच्युद्धटं न निस्सगियं होति, नो च तं परिदहितं, तस्मा कत्तिकपुण्णमदिवसे एव पच्युद्धरणञ्च विकप्पनञ्च कत्तब्बन्ति सिद्धं, एत्थ च यथा अतिरेकचीवरं दसमे दिवसे विकपेन्तेन दसाहपरमं धारितं होति, अन्तोदसाहे च विकप्पितं होति, तथा कत्तिकपुण्णमाय विकपेन्तेन वस्सानं चातुमासं अधिद्वितञ्च होति, ततो परं अनापत्तिखेत्ते एव विकप्पना च होतीति वेदितब्बं । एत्तावता अत्थि विकप्पनाखेत्ते अधिद्वानं, अधिद्वानखेत्ते च विकप्पनाति दीपितं होति । अञ्जथा “अत्थापत्ति अधिद्वानेन आपज्जति, अनधिद्वानेन आपज्जति । अत्थापत्ति विकप्पनाय आपज्जति, अविकप्पनाय आपज्जती”ति दुकेसु द्वे दुकानि वत्तब्बानि सियुं । तत्थ पठमदुके पठमपदं सम्भवति । विकप्पनखेत्ते हि वस्सिकसाटिकादीनं अधिद्वानेन विनयातिसारदुक्कटं आपज्जति । एतेनेव दुतियदुक्कटस्स दुतियपदं वुत्तं होति । अनधिद्वानेन आपज्जतीति नत्थि । अन्तोदसाहे अनापज्जनतो, विकप्पनादिसम्भवतो च विकप्पनाय आपज्जतीति नत्थि सब्बत्थ विकप्पनाय अप्पटिसिद्धत्ता, तस्मा तानि दुकानि “न लब्धन्ती”ति न वुत्तानि । एत्थाह — या सा “अत्थापत्ति हेमन्ते आपज्जती”ति (परि० ३२३) वचनप्पमाणतो दुक्कटापत्ति साधिता, सा सञ्चिच्च अपच्युद्धरन्तस्स युज्जति, असतिया चे, कञ्चि, अनापत्ति । कत्तिकपुण्णमाय पच्युद्धटं सञ्चिच्च अविकप्पयतो दुक्कटेन सह पुनदिवसे निस्सगियं, असतिया अविकप्पयतो निस्सगियमेव इध पठमपज्जत्तिया । यं पन वुत्तं **मातिकाट्ठकथायं** (कट्ठा० अट्ठ० कथिनसिक्खापदवण्णना) “वस्सिकसाटिका वस्सानमासातिक्कमेनापि, कण्डुपटिच्छादि आबाधवूपसमेनापि अधिद्वानं विजहति, तस्मा सा ततो परं विकपेतत्वा”ति, तेनेतं विरुज्जति, न केवलं इदमेव, “ततो परं पच्युद्धरित्वा विकपेतत्वा”ति अट्ठकथावचनञ्च विरुज्जति । ततो परं नाम हि हेमन्तं, तत्थ चे पच्युद्धारो, “वस्सिकसाटिका वस्सानमासातिक्कमेनापी”तिआदि न युत्तं अधिद्वानाभावेन पच्युद्धाराभावतो । अविरोधो च इच्छितब्बो, तस्मा “पच्युद्धरणं वत्तमत्त”न्तिवादो एत्थापि सम्भवतीति चे? न, **कुरुन्दि** वचनविरोधतो । तत्थ हि कत्तिकपुण्णमाय पच्युद्धारो वुत्तो, तस्मा वस्सानदिवसत्ता साधिद्वानावसा पच्युद्धरीयतीति न पच्युद्धारो वत्तमत्तं, तस्मा “ततो परं”न्ति याव पुण्णमा अधिपेत्ता सिया । यथा चायं विकप्पो, तथा “वस्सानमासातिक्कमेनापि आबाधवूपसमेनापी”ति इदम्पि अवस्सं पच्युद्धरितत्वाय वुत्तं सिया । एवञ्च सति इध **समन्तपासादिकाय** तदवचनेन समेति । अञ्जथा इधपि तं वत्तब्बं सियाति यथावुत्तोव विधि एत्थ सम्भवति, किञ्चापि सम्भवति, दुविज्जापयस्स पन लोकस्स



सुविज्जापनत्थं वुत्ता । यस्मा पन सा वस्सानातिक्कमेन अधिद्वानं विजहति, हेमन्तपठमारुणे च अपच्चुद्धारपच्चया दुक्कटा साधिता, तस्मा कत्तिकपुण्णमायमेव पच्चुद्धरित्वा विकप्पेतब्बा, अविकप्पिताय “निस्सगियापज्जनमेवा”ति वत्तब्बं । एत्तावतापि सन्तोसं अकत्वा विनिच्छयो परियेसितब्बो । होति चेत्थ —

“एवं अभावं विनयस्स पाळि,  
भिन्नं अभिन्नञ्च तदत्थयुत्तिं ।  
विज्जातुकामेन तदत्थविज्जू,  
परियेसितब्बा विनये विज्जाया”ति॥

“तुय्हं गण्हाही”ति वुत्ते विनापि “मय्हं गण्हामी”ति वचनेन सुदिन्नं होति । इतरो चे अधिवासेति, तेनापि सुग्गहितं होति, नो चे अधिवासेति, देन्तेन सुदिन्नं । तं पन वत्थु न कस्सचि होति । तथा “मय्हं गण्हामी”ति वदति, सामिको चे अधिवासेति, विनापि “गण्हाही”ति वचनेन सुग्गहितं । नो चे अधिवासेति, सामिकस्सेव तं, न हि तस्सेतं विनयकम्मन्ति एत्थ विनयकम्मस्सत्थाय चे गण्हाति, न वट्टति । न केवलं अत्तनो अत्थाय गहितं, पुन तस्सपि देति, वट्टतीति च । तथा अनपेक्खो हुत्वा परस्स विस्सज्जेत्वा पुन तेन दिन्नं वा तस्स विस्सासन्तो वा परिभुज्जति, वट्टति । तत्थापि विनयकम्मवसेन न वट्टतीति एके । ते एव “महन्तं वा खुद्दकं करोती”ति एत्थ “तिचीवरे दीघतो विदत्थि अनतिक्कमित्वा छिन्दित्वा करोति, एवं सेसेसुपी”ति वदन्ति । एवरूपेसु ठानेसु पोराणाचरियानं कथामगं सुट्ठु आचरियकुलसेवनाय सज्जानित्वा तेन संसन्दित्वा सतो सम्पजानो हुत्वा सोतूनञ्च चित्तं अविमोहेत्वा कथेतब्बं । एसा अम्हाकं आयाचना ।

पठमकथिनसिक्खापदवण्णना निट्ठिता ।

## २. उदोसितसिक्खापदवण्णना

४७१. सन्तरुत्तरेन जनपदचारिकं पक्कमन्ति । कस्मा? किञ्चापि “न, भिक्खवे, सन्तरुत्तरेन गामो पविसितब्बो, यो पविसेय्य, आपत्ति दुक्कटस्सा”ति (महाव० ३६२) पठमं वुत्तं । पच्छा पन “पज्जिमे, भिक्खवे, पच्चया सङ्घाटिया निक्खेपाय, उत्तरासङ्गस्स, अन्तरवासकस्स निक्खेपाय गिलानो वा होति, वस्सिकसङ्केतं वा, नदीपारं गन्तुं वा, अगगळगुत्तिविहारो वा, अत्थतकथिनं वा होती”ति वुत्तत्ता, अट्ठकथायम्पिस्स “पज्जसु पेटेसु अगगळगुत्ति एव पमाणं । गुत्ते एव हि विहारे निक्खिपित्वा बहि गन्तुं वट्टति, नागुत्ते”ति वुत्तत्ता अपज्जत्तेपि कथिने “ते भिक्खू अगगळगुत्तिविहारे ठपेथा”ति वत्त्वा सभागानं हत्थे चीवरं निक्खिपित्वा सन्तरुत्तरेन गामप्पवेसे लद्धकप्पिया जनपदचारिकं पक्कामिंसूति वेदितब्बं ।

४७३. अविप्पवाससम्मुतिन्ति अविप्पवासत्थं, विप्पवासपच्चया या आपत्ति, तदभावत्थं वा सम्मुतिं दातुन्ति अत्थो । ततो पट्टाय वट्टति । कित्तकं कालं वट्टतीति? मासं वा अतिरेकं वा याव गमने सउस्साहो, ताव वट्टति । तेन वुत्तं “धुरनिक्खेपं करोन्तेन पच्चुद्धरितब्बं”न्ति । पुन सम्मुतिदानकिच्चं नत्थीति सचे द्वादसन्नं वस्सानं अच्चयेन अज्जो रोगो होति, वट्टति, उपसम्पदकम्मं विय यावजीवं एकासम्मुति वट्टतीति च ।

“कतं वा होती”तिआदि इमस्मिं सिक्खापदे न वत्तब्बं, कस्मा? करणपलिबोधे उपच्छिन्नेपि अनधिद्वितचीवरतो विप्पवासपच्चया आपत्तिया असम्भवतो, तस्मा “निद्वितचीवरस्मिन्ति भिक्खुनो चीवरं अधिद्वितं होती”ति एतकमेव वत्तब्बन्ति चे? न, तदायत्तत्ता । अधिद्वानज्हि करणपलिबोधस्स निद्वापनायत्तं, तस्मा “कतं वातिआदि वुत्त”न्ति च वुत्तं । तत्थ कतन्ति पुब्बे वुत्तमेव ।

४७७-८. अविप्पवासलक्खणवत्थापनत्थन्ति एत्थ “अन्तोगामे चीवरं निक्खिपित्वा अन्तोगामे वत्थब्बं”न्तिआदिवचनतो

अविष्णवासलखणं ववत्थापितं, तब्बिपरीतनयेन विष्णवासलखणं वेदितव्वं । गामो एकूपचारोतिआदिमिह पन ठपेत्वा सत्थं, रुक्खमूलं, अज्झोकासञ्च सेसेसु परिकखेपापरिकखेपवसेन एकूपचारानानूपचारता वेदितव्वा । यस्मा पन सत्थं दुविधं निविट्ठं, अनिविट्ठञ्च, तेसु अनिविट्ठं एककुलस्स वा नानाकुलस्स वा अपरिक्खितमेव होति, निविट्ठं सिया परिक्खितं, सिया अपरिक्खितं, तस्मा तत्थ परिकखेपादिवसेन अदस्सेत्वा अब्भन्तरवसेन वुत्तो । तथा अब्भोकासे । रुक्खमूले छायावसेन । अज्जथा “सत्थो एकूपचारो नानूपचारो”तिआदि उद्देसविरोधो सिया विभङ्गे अदस्सितत्ता, तस्मा सत्थस्स पुरतो च पच्छतो च सत्तब्भन्तरा, पस्सतो च एकब्भन्तरन्ति अयमेकूपचारो, ततो परं नानूपचारो । तथा रुक्खमूलस्स यत्थ मज्झन्हिके काले छाया फरति, अयं एकूपचारो । इतरो नानूपचारो । कस्मा? तत्थ हि परिकखेपो अप्पमाणं । छायाव पमाणं । अज्झोकासस्स पाळियं वुत्तोव । “सत्थादीनं एककुलसन्तकवसेन एकूपचारता”ति लिखितं, तस्मा निवेसने, उदोसिते च वुत्तपरिच्छेदोव अट्टादीसूति कत्वा संखितं । ततो परं खेत्तधञ्जकरणआरामविहारेसु पन परिक्खित्तापरिक्खित्त-पदं पुन उद्धटं सत्थविभङ्गेन अधिकारस्स पच्छिन्नत्ता । “नानागम्भा”तिआदिवचनं पन असम्भवतो खेत्तधञ्जकरणआरामेसु न उद्धटं । विहारे सम्भवन्तम्पि तत्थ पच्छिन्नत्ता न उद्धटं । कुलं वुच्चति सामिको, तस्मा “एककुलस्स नानाकुलस्सा”ति इमिना गामादीनं चुदसन्नं चीवरनिकखेपट्टानानं साधारणासाधारणभावं दीपेति । अज्झोकासस्स पन असम्भवतो न वुत्तं । यस्मा पनेत्थ एककुलस्स, नानाकुलस्स च अपरिक्खित्तेसु गामादीसु परिहारविसेसो किञ्चापि नत्थि, परिक्खित्तेसु पन अत्थि, तस्मा एकनानाकुलग्गहणं, एकनानूपचारग्गहणञ्च सात्थकन्ति वेदितव्वं । तत्थपि अयं विसेसो — सत्थे, रुक्खमूले च कुलभेदतोव भेदो, नोपचारभेदतो । अज्झोकासे उपचारभेदतो च, सो पन पाळियं न दस्सितोति । “तं पमाणं अतिक्कमित्वाति वचनतो आकासेपि अट्टतेय्यरतनप्पमाणे दोसो नत्थी”ति वदन्ति ।

४७९. “सभा”ति इत्थिलिङ्गं । “सभाय”न्ति नपुंसकलिङ्गं, तेन वुत्तं “लिङ्गव्यत्तनयेना”ति । नपुंसकलिङ्गदस्सनत्थं किर “सभाय”न्ति पच्चत्तवसेन निद्विट्ठं, तस्स अनुपयोगत्ता “द्वारमूल”न्तिपि । अत्तनो निक्खित्तट्टाने अनिक्खित्तत्ता वीथिहत्थपासो न रक्खति, यस्मिं घरे चीवरं निक्खित्तं होति, तस्मिं घरे वत्थव्वं । “सभाये वा वत्थव्वं द्वारमूले वा, हत्थपासा वा न विजहितव्व”न्ति हि वुत्तं । “हत्थपासेयेव अरुणं उट्टपेतव्व”न्ति नियमितत्ता जानितुं न सक्काति चे? अन्तोघरे न सक्का, तथा तथा वुत्तत्ता, तस्मा “युत्ति पमाण”न्ति वुत्तं । अयमत्थो अट्टकथायम्पि पकासितो, पुनपि खुद्वकगामे सब्बसाधारणगामद्वारवसेन । सचे तस्स द्वारद्वयं होति, मज्जे च घरसभायं, यत्थिच्छति, तत्थ वसितव्व”न्ति ।

४८०-१. यानि निवेसनादीनि गामसङ्ख्यं न गच्छन्ति, तानि निवेसनादीनीति अधिप्पेतानि । अज्झोकासे अपरिसङ्कितम्पि चीवरं अतिरेकसत्तब्भन्तरे निक्खित्तं निस्सगियं होति, एत्थ अन्तोसीमता न रक्खति, सत्थे पन रक्खति । “नदीपरिहारो च लब्धती”ति वचनतो उदकुक्खेपसीमायं परिहारो लब्धतीति सिद्धं । सामन्तविहारो चे एकसीमो, चीवरं न निस्सगियं ।

इदानी —

“छिन्नं धुतङ्गं सासङ्क-सम्मतो सन्तरुत्तरं ।

अचीवरस्सानापत्ति, पच्चुद्धारादिसिद्धितो”ति ॥ —

इदं पकिण्णकं, तत्थायं चोदनापुब्बङ्गमो विनिच्छयो — केचि “दिगुणं सङ्घाटि”न्ति (महाव० ३४८) वचनतो “एकच्चिका सङ्घाटिपि नाधिट्ठातव्वा । सचे अधिट्ठाति न रुहती”ति वत्वा उपसम्पदापेखानम्पि दिगुणमेव सङ्घाटिं दत्वा उपसम्पादेन्ति, ते इमिना सुत्तलेसेन सज्जापेतव्वा । भगवता हि “छिन्नकं सङ्घाटिं छिन्नकं उत्तरासङ्गं छिन्नकं अन्तरवासक”न्ति पठमं अनुज्जातं । ततो “अज्जतरस्स भिक्खुनो तिचीवरे करियमाने सब्बं छिन्नकं नप्पहोति । द्वे छिन्नकानि एकं अछिन्नकं नप्पहोति । द्वे अछिन्नकानि एकं छिन्नकं नप्पहोती”ति इमस्मिं वत्थुस्मिं “अनुजानामि, भिक्खवे, अन्वाधिकम्पि आरोपेतु”न्ति (महाव० ३६०) अनुज्जातं, तस्मा एकच्चिकापि सङ्घाटि वट्टतीति सिद्धं । या छिज्जमाना नप्पहोति, तस्सा कुतो दिगुणताति । अट्टकथायम्पिस्स वुत्तं “अन्वाधिकम्पि आरोपेतुन्ति आगन्तुकपत्तम्पि दातुं । इदं पन अप्पहोनेके आरोपेतव्वं । सचे पहाति, आगन्तुकपत्तं न वट्टति, छिन्दितव्वमेवा”ति

(महाव० अट्ट० ३६०)। कथिनं पन छिन्नकमेव वट्टति आवेणिकलक्खणत्ता, “छिन्नकं दिगुणं नप्पहोती”ति वचनाभावतो चाति सन्निट्ठानमेत्थ गन्तब्बं।

धुतङ्गन्ति अनुपसम्पन्नानं तेचीवरिकधुतङ्गाभावतो तिचीवरेनेव तेचीवरिकोति। तेसं अधिट्ठानाभावतो “अधिट्ठितेनेवा”ति वत्तब्बं होतूति चे? न, धुतङ्गभेदेन विरोधप्पसङ्गतो। चतुत्थचीवरसादियनेन हि धुतङ्गभेदो, न तिचीवरविष्पवासेन, नापि अतिरेकचीवरसादियनेन, नापि अतिरेकचीवरधारणेन। यस्मा पन भिक्खूनंयेव भगवता अधिट्ठानवसेन नव चीवरानि अनुज्जातानि, जातिवसेन च वुत्तानि, न एवं अनुपसम्पन्नानं। तस्मा तेसं चीवरनियमाभावा न तं धुतङ्गं अनुज्जातं गहट्ठानं विय, तस्मा तस्स समादानविधाने अवचनतो च सन्निट्ठानमेत्थ गन्तब्बं।

**सासङ्कसम्मतोति कङ्कावितरणियं** सासङ्कसिक्खापदे विसुं अङ्गानि न वुत्तानि, “सेसमेत्थ चीवरवग्गस्स दुतियसिक्खापदे वुत्तनयेन वेदितब्ब”न्ति (कङ्का० अट्ट० सासङ्कसिक्खापदवण्णना) वुत्तं, न च पनेतं वुत्तं। तत्थ रत्तिविष्पवासो चतुत्थं अङ्गं, इध छारत्तविष्पवासो, अयमेत्थ विसेसोति, तस्मा अङ्गसामज्जतो, सम्मुतिसामज्जतो च सासङ्कसिक्खापदमेव वदन्ति। इदं निष्पदेसं, तं सप्पदेसं मासपरमत्ता। तत्थ बहिगामेपि गामसीमं ओक्कमित्वा वसित्वा पक्कमन्तस्स अनापत्ति, इध न तथा, इध अनन्तरे अनन्तरे अरुणुगमने निस्सगियं, तत्थ सत्तमेति अयं इमेसं द्विन् विसेसो। अङ्गानि पन चीवरनिक्खेपङ्गसम्पत्तितो विपरियायेन, इध वुत्तनयेन च सिद्धत्ता न वुत्तानि। तानि कामं न वुत्तानि, तथापि चतुत्थमङ्गं विसेसितब्बं, न पन विसेसितं। किंकारणा? इध वुत्तनिस्सज्जनक्कमेन निस्सज्जेत्वा आपत्तिदेसनतो, तत्थापन्नापत्तिविमोक्खदीपनत्थं। संवच्छरविष्पवुत्थम्पि रत्तिविष्पवुत्थमेव, पगेव छारत्तं विष्पवुत्थं। एवं सन्तेपि तत्थ यथावुत्तअङ्गसम्पत्तिया सति तत्थ वुत्तनयेनेव निस्सज्जितब्बं। हेमन्ते वा गिम्हे वा निस्सज्जति चे? इध वुत्तनयेनापि निस्सज्जितुं वट्टतीति आपनत्थं चतुत्थं अङ्गं न विसेसितन्ति नो तक्कोति आचरियो। मासातिक्कन्तम्पि चीवरं “दसाहातिक्कन्त”न्ति वत्वा निस्सट्ठमेव। द्वयेन ऊनमासं हुत्वा “दसाहातिक्कन्त”न्ति वत्वा मासातिक्कन्तन्ति एके। तथापि सचे पच्चासाचीवरं होति, निस्सगियं “दसाहातिक्कन्त”न्ति वत्वा, मूलचीवरं पन “मासातिक्कन्त”न्ति वत्वा निस्सज्जितब्बं।

“सन्तरुत्तर”न्ति वा “सङ्काटि”न्ति वा “चीवर”न्ति वा किं तिचीवरं, उदाहु अज्जम्पीति। किञ्चेत्थ — यदि तिचीवरमेव पटिसिद्धं, परियापन्नवसेन अच्छिन्नचीवरच्छिन्दनधोवापनविज्जत्तिआदिविरोधो। अथ अज्जम्पि, “निट्ठितचीवरस्मि”न्ति एवमादिना विरोधोति? वुच्चते — न नियमतो वेदितब्बं यथासम्भवं गहेतब्बतो। तथा हि “चीवरं निक्खिपित्वा सन्तरुत्तरेन जनपदचारिकं पक्कमन्ती”ति (पारा० ४७१) एवमादीसु तिचीवरमेव। “न, भिक्खवे, सन्तरुत्तरेन गामो पविसितब्बो, सन्तरुत्तरपरमं ततो चीवरं साधितब्ब”न्ति एवमादीसु यंकिञ्चि, तथा सगुणं कत्वा सङ्काटियो दातब्बा, निवासनं दातब्बं, सङ्काटि दातब्बा, हन्द ते, आवुसो, सङ्काटि, देहि मे पटन्तिआदीसु। वुत्तहेतं “सब्बज्झि चीवरं सङ्काटितट्ठेन ‘सङ्काटी’ति वुच्चती”ति। तथा “निट्ठितचीवरस्मि”न्ति एत्थापीति एके। अन्तोसमये हि यावदत्थं चीवरं अनुज्जातं, तं सब्बं करियमानं कदा निट्ठानं गच्छिस्सति, तस्मा तिचीवरमेवाति एके। **अचीवरस्सानापत्ति पच्चुद्धारादिसिद्धितोति** किं वुत्तं होति? उदोसितसिक्खापदस्स निष्पयोजनभावप्पसङ्गतो तिचीवरविष्पवासे तेचीवरस्स आपत्तीति एके। तत्थेतं वुच्चति न होति आपत्ति पच्चुद्धारादिसिद्धितो। “अनापत्ति अन्तोअरुणे पच्चुद्धरति, विस्सज्जेती”ति हि वुत्तं। अज्जथा पच्चुद्धरन्तस्स, अन्तोअरुणे विस्सज्जेन्तस्स च याव अज्जो नाधिट्ठाति, ताव आपत्तिं आपज्जति यथावुत्तनयेन। अज्जथा सत्तब्भन्तरेन विष्पवासस्साति विष्पवासतो यथारुतंयेव सति विष्पवासे विष्पवासतो अविष्पवासे सति अविष्पवासतोति।

उदोसितसिक्खापदवण्णना निट्ठिता।

### ३. ततियकथिनसिक्खापदवण्णना

**४९७. नप्पहोतीति** लामकपरिच्छेदं न पापुणाति, तेनेव तिचीवरस्स मुट्ठिपज्जकादिलामकपरिच्छेदोव ताव वुत्तो। चीवरे

पच्चासा **चीवरपच्चासा** । तेनेतं दीपेति — तं चीवरं पच्छा लब्धतु वा मा वा, याव सा पच्चासा छिज्जति, ताव इदं मूलचीवरं उपेतुं अनुजानामीति । “चीवरपच्चासा”ति मरियादत्थे निस्सक्कवचनं, भुम्मत्थे वा पच्चत्तवचनं कतं ।

**४९९-५००. निद्धितचीवरस्मिं ...पे०... चीवरासा वा उपच्छिन्नाति** आदिमि तीसु चीवरेसु अज्जतरं कतं होति, सेसा अत्थि, रक्खति । चीवरपलिबोधस्स उपच्छेदे, उब्भतस्मिञ्च कथिने समये वा हेमन्तस्स समये वा अकालचीवरं उपज्जेय्य, खिप्पमेव कारेतब्बं । सति पारिपूरिया पच्चासा न रक्खति, असति नत्थि चे पच्चासा, न रक्खति । “अनत्थते कथिने एकादसमासे उपपन्न”न्ति वचनतो अपरकत्तिका अत्थते वा अनत्थते वा समयोव । हेमन्तो सिया समयो अत्थते, सिया असमयो अनत्थते । ततो परं एकंसतो असमयो वाति । “**आदिस्स दिन्न**”न्ति इदं इध अलब्भमानम्पि अत्थुद्धारवसेन वुत्तं भिक्खुनीनं **दुतियनिस्सगिये** (पाचि० ७३८ आदयो) सेसं अकालचीवरं विय । तत्थ हि भिक्खुनिसङ्घस्स “सम्पत्ता भाजेन्तू”ति एवं आदिस्स दिन्नमेव “अकालचीवरं कालचीवर”न्ति अधिद्वहिवा भाजेन्तिया निस्सगियं । तथा हि तत्थ यथा “अकालचीवरं नाम अनत्थते कथिने एकादसमासे उपपन्नं, अत्थते कथिने सत्तमासे उपपन्न”न्ति इदं अत्थुद्धारवसेन वुत्तं, एवंसम्पदमिदं । यदि एवं “एकपुग्गलस्स इदं तुय्हं दम्हीति दिन्न”न्ति इदं किमत्थं वुत्तं, न हि तं भाजनीयन्ति चे? अभाजनीयसामज्जतो वुत्तं होति । यथा सङ्घस्स आदिस्स दिन्नं अत्थतकथिनेहि एव भिक्खूहि अभाजनीयत्ता अकालचीवरं नाम जातं, एवं पुग्गलिकम्पि इतरेहीति अत्थो । एवं सन्तेपि कस्सचि सिया “आदिस्स दिन्नम्पि दसाहमेव परिहारं लभती”ति । तस्सेतं पाटिकङ्कं । **पठमकथिने** “निद्धितचीवरस्मिं भिक्खुना उब्भतस्मिं कथिने”ति इदञ्चि निरत्थकन्ति । अनुब्भतस्मिम्पि हि कथिने दसाहपरममेव धारेतब्बन्ति विज्जातत्ता अनादिस्स दिन्नमेव सन्धायेतं वुत्तं सियाति चे? एवं सन्तेपि अनादिस्स दिन्नम्पि अनत्थतकथिनानं अपरकत्तिकाय दसाहमेव परिहारं लभति “निद्धितचीवरस्मिं भिक्खुना उब्भतस्मिं कथिने”ति वुत्तत्ता । आमन्ताति चे? “अनत्थते कथिने एकादसमासे उपपन्न”न्ति वचनेन विरुज्जति, तस्मा यथावुत्तनयेनेवेत्थ सन्निट्ठानं गन्तब्बं ।

**अनुगण्ठपदे** वुत्तं “पठमसिक्खापदे सब्बचीवरानं यावदत्थचीवरवसेन कथिनमासब्भन्तरे दसाहातिक्कमेपि अनापत्ति परिहारस्स दिन्नत्ता । यथा कथिनमासब्भन्तरे आदिस्स दिन्नमकालचीवरं कालचीवरपरिहारमेव लभति, तथा इतरमासेपि लभतीति वेदितब्बं । तस्मा एवं ‘निद्धितचीवरस्मिं भिक्खुना उब्भतस्मिं कथिने भिक्खुनो पनेव चीवरं उपज्जेय्या’ति आदिना सिक्खापदे सिद्धेपि अनत्थतकथिनानं पच्छिमकत्तिकमासं अनुजानन्तेन ‘अकालचीवरं उपज्जेय्या’ति वुत्तं । एवञ्चि अवुत्ते अकालचीवरं नाम ‘अनत्थते कथिने एकादसमासे उपपन्न’न्ति न सक्का वत्तुं । एवञ्चि वचनतो अनत्थतकथिनानं अत्थतकथिनानं विय सब्बचीवरानं पच्छिमकत्तिकमासे दसाहातिक्कमे निस्सगियं न होती”ति आदि ।

भिय्योपि एवं वुत्तं — यं पन मया “पठमकथिने दसाहपरमं अतिरेकचीवरं धारेतब्ब”न्ति अनुज्जातं, तम्पि कथिनमासतो बहि उपपन्नमेव, न अन्तोति अयमत्थो दीपितो होति । कथं? अतिरेकचीवरस्स दसाहपरिहारतो उद्धं आपज्जितब्बापत्तिं “निद्धितचीवरस्मिं भिक्खुना उब्भतस्मिं कथिने”ति अनुपज्जत्तिया कथिनम्भन्तरे वारेत्वा ततो उद्धं उपपन्नेसु दसाहातिक्कमे आपज्जितब्बापत्तिं इमिना सिक्खापदेन वारेतुं “अकालचीवरं उपज्जेय्या”ति आदि वुत्तं । तेन “कालेपि आदिस्स दिन्नं, एतं अकालचीवरं नामा”ति वचनतो कथिनुब्भारतो उद्धं दसाहपरिहारं न लभतीति दीपितं होति, तेहि सद्धिं पुन कथिनुब्भारतो उद्धं पञ्च दिवसानि लभतीति पसङ्गोपि “निद्धितचीवरस्मिं भिक्खुना उब्भतस्मिं कथिने भिक्खुनो पनेव अकालचीवरं उपज्जेय्य...पे०... खिप्पमेव कारेतब्ब”न्ति अकालचीवरस्स उपत्तिकालं नियमेत्वा वुत्तत्ता निवारितो होति, तदुभयेन कथिनम्भन्तरे उपपन्नचीवरं कथिनुब्भारतो उद्धं एकदिवसम्पि परिहारं न लभतीति सिद्धं होति । एवं अपरे वदन्तीति ।

पुनपि वुत्तं — आचरिया पन एवं वदेय्युं “निद्धितचीवरस्मिं भिक्खुना उब्भतस्मिं कथिने भिक्खुनो पनेव अकालचीवरं उपज्जेय्या”ति एत्थ “निद्धितचीवरस्मिं भिक्खुना उब्भतस्मिं कथिने”ति वदन्तो एवं विज्जापेति “एत्थन्तरे तिण्णन्मि अकालचीवरानं उपपत्ति अभाव”न्ति । कस्मा पन पदभाजने वित्थारितानीति? वुच्चते — इदं सिक्खापदं अधिट्ठानं सन्धाय वुत्तं, किन्तु पठमे दसाहं अनुजानित्वा तस्मिं अप्पहोन्ते सचे पच्चासा अत्थि, तमेव वट्ठेत्वा मासं अनुजानन्तो इमम्पि अत्थविसेसं दीपेति

अकालचीवरं नाम सम्मुखीभूतेन भाजेतब्बन्तिपि दीपेति । तं पन “आकङ्खमानेन भिक्खुना पटिग्गहेतब्ब”न्ति इमिना सिक्खापदेन वड्ढेत्वा वुत्तन्ति, तस्मा तीणिपि पदभाजने वित्थारितानीति ।

“खिप्पमेव कारेतब्बन्ति दसाहा कारेतब्ब”न्ति इदं पन पहोनकभावे पुरिमसिक्खापदलक्खणेनाति दीपेतुं वुत्तं, तस्मा “एवं सीघन्ति वा लहुन्ति वा”तिआदिना अवत्वा “दसाहा”ति वुत्तं । अत्थतकथिनस्स एवं होतु, अनत्थते पन कथिने कथन्ति वुत्ते अनत्थतस्स पटिक्खेपतं दस्सेतीति वुत्तो अपस्सन्तो विघातं आपज्जतीति । **एकतिंसे अरुणुगगमने निस्सगियन्ति** महन्तेनपि पच्चासाचीवरेन सह घटितम्पि तब्भावं अनुपतित्वा निस्सगियं होति सति पच्छिमप्पमाणसम्भवे, असति न होति, पुन घटिते होति, अज्जेन घटिते न होति । छिन्नं अज्जवत्थु होति । पुब्बपरिच्छेदं अतिक्कन्तं घटितं पुन अज्जपरिच्छेदं लभतीति एके, उपपरिक्खित्वा गहेतब्बं । अज्जतरस्मिं **गण्ठपदे** पन “सङ्खस्स वा इदं अकालचीवरन्ति उद्दिस्स दिन्”न्ति एत्थ सङ्खस्स दिन्ने आपत्ति नाम नत्थि, “सोतस्स रहो”तिआदीसु विय पदुद्धारेन वुत्तं, तस्स लाभं सन्धायाति चे? **सङ्गतो वा उपपज्जेय्या**ति अनेन सिद्धत्ता अधिकमेवा”ति च “सङ्गतो चीवरानि लभिस्सति गणो वा”तिआदिनापि पाठो अत्थी”ति च वुत्तं । **गण्ठपदे** कोसल्लत्थं पन मया सब्बं लिखितं, सुद्धु विचारेत्वा कथेतब्बं ।

ततियकथिनसिक्खापदवण्णना निट्ठिता ।

#### ४. पुराणचीवरसिक्खापदवण्णना

५०३-५०५. **भत्तविस्सगन्ति** भत्तकिच्चाधिद्वानं । भत्तकिच्चाधिद्वानविभागन्ति पोराणा । **तत्थ नाम त्वन्ति** तत्थ तथा कतकम्मे एवं अकत्तब्बे सति धोवापिस्ससि नाम । अथ वा सो नाम त्वन्ति अत्थो । **उभतोसङ्गे उपसम्पन्ना**ति भिक्खून् सन्तिके उपसम्पदाय पटिक्खित्ता तदनुपसङ्गभया एवं वुत्तन्ति वेदितब्बं । “पुराणचीवर”न्ति एत्थ पुराणभावदीपनत्थमेव “**सकिं निवत्थम्पि सकिं पारुतम्पी**”ति वुत्तं, तस्मा “चीवरं नाम छन्नं चीवरानं अज्जतरं चीवरं विकप्पनुपगं पच्छिम”न्ति वचनस्स ओकासो न जातोति एके । यस्मा विकप्पनुपगपच्छिमं इध नाधिप्पेतं, निवासनपारुपनुपगमेवाधिप्पेतं, तेनेव निसीदनपच्चत्थरणे दुक्कटं वुत्तं, तस्मा न वुत्तन्ति एके । जातिप्पमाणावचनतो यं किञ्चि पुराणवत्थं धोवापेन्तस्स निस्सगियमेव, तेनेव “अनापत्ति चीवरं ठपेत्वा अज्जं परिक्खारं धोवापेती”ति वुत्तं । थविकम्पि हि असुचिमक्खितं परिभुत्तं धोवापेति, निस्सगियमेव ओळारिकत्ता, अप्पतिरूपत्ता च । तेनेव **कङ्गावितरणियं** इमस्मिं ठाने चीवरपरिच्छेदो न वुत्तोति एके, विचारेत्वा युत्तरं गहेतब्बं । “**रजित्वा कप्पं कत्वा**ति कप्पियं कतमेव निवासेतुं, पारुपितुं वा वड्ढति, नेतर”न्ति वुत्तं । इमिना च मज्झिमत्थेरवादो उपत्थम्भितो होति, नोपत्थम्भितो । **रजित्वा**तिआदि पन विनयविधिदस्सनत्थं वुत्तन्ति मम तक्को । यथा अज्जातिकाय अज्जातिकसज्जीवारे तीणि चतुक्कानि, एवं वेमतिकजातिकवारेसु चाति नव चतुक्कानि होन्ति । एत्थाह — एकवारं धोवित्वा धोवनेसु धुरं निक्खिपित्वा पुन “दुद्धोत”न्ति मज्जमाना धोवति, अनापत्तिया भवितब्बं, दुतियवारं अवुत्ता धोवति नाम होतीति? वुच्चते — सचे भिक्खु “अलं एत्तावता धोतेना”ति पटिक्खिपति, पुन धोवन्ती अवुत्ता धोवति नामाति युज्जति । नो चे, वुत्ताव होतीति वेदितब्बं । भिक्खुस्स लिङ्गपरिवत्तने एकतोउपसम्पन्नाय वसेन आपत्ति साकियानीनं विय ।

५०६. **एकेन वत्थुना**ति येन केनचि पठमेन । “तिण्णं चतुक्कानं वसेना”ति पाठो । भिक्खून् सन्तिके अट्ठवाचिकाय उपसम्पन्नाय पाकटत्ता तं अवत्वा साकियानियोव वुत्ता अपाकटत्ता ।

पुराणचीवरसिक्खापदवण्णना निट्ठिता ।

#### ५. चीवरपटिग्गहणसिक्खापदवण्णना

५०८-५१०. **अपज्जत्ते सिक्खापदे**ति एत्थ “गणम्हा ओहीयनसिक्खापदे”ति लिखितं । अरज्जवासीनिसेधनसिक्खापदे

अपञ्जतेति एके, “तं न सुन्दर”न्ति वदन्ति । विहत्थतायाति आयासेन ।

**५१२. उपचारोति** द्वादसहत्यो । **महापच्चरियं, कुरुन्दियञ्च** वुत्तन्ति एत्थ रत्तिभागे धम्मकथिकस्स भिक्खुनो बहूसु चीवरेसु महाजनेन पसाददानवसेन पटिक्खित्तसु पुनदिवसे “उपासकानं पसाददानानि एतानी”ति सुद्धचित्तेन गणहन्तस्स दोसो नत्थि, “भिक्खुनीहिपि दिन्नानि इध सन्ती”ति जत्वा गणहतो दोसो । **तं अचित्तकभावेनाति** भिक्खुनीहि दिन्नभावं जत्वा बहूसु तस्सा चीवरस्स अजाननेनाति अत्थो । **पंसुकूलं अधिद्वहत्वाति** “भिक्खुनीहि नु खो दिन्नं सिया”ति अविकप्पेत्वा “पंसुकूलं गणहामी”ति गणहन्तस्स वट्ठति । **कुरुन्दि** आदीसु वुत्तोपि अत्थो अयमेव, एकं, “अचित्तकभावेना”ति वचनेन “यथा तथा गणितुं वट्ठती”ति उप्पथोव पटिसेधितोति अपरे । एवं **धम्मसिरित्थेरो** न वदति, उज्जुकमेव वदतीति पपञ्चितं । तस्सेव विसयो, तस्सायं अधिप्पायो — यथा “पंसुकूलं गणहस्सतीति ठपितं कामं भिक्खुनिसन्तकम्पि अविकप्पेत्वा पंसुकूलं अधिद्वहत्वा गहेतुं वट्ठती”ति वुत्तं, तथा धम्मकथिकस्स भिक्खुनिया दिन्नम्पि अपञ्जायमानं वट्ठतीति, तस्मा तं वुत्तं महापच्चरियं, कुरुन्दियञ्च अचित्तकभावेन न समेतीति । पटिक्खेपो पन विकप्पग्गहणे एव रुहति । अञ्जथा पुब्बापरं विरुज्झतीति । तं न युत्तं पंसुकूलेन असमानत्ता । पंसुकूलभावेन सङ्कारकूटादीसु ठपितं भिक्खुनीहि, न तं तस्सा सन्तकं हुत्वा ठितं होति । अस्सामिकज्झि पंसुकूलं सब्बसाधारणञ्च, अञ्जोपि गहेतुं लभति । इदं पुब्बेव “भिक्खुनीनं चीवर”न्ति जानित्वापि पंसुकूलिको गहेतुं लभति तदा तस्सा असन्तकत्ता । “पंसुकूलं अधिद्वहत्वा”ति सल्लेखक्कमनिदस्सनत्थं वुत्तं । मंसं ददन्तेन तथागतेन सल्लेखतो कप्पियम्पि भुत्तं निस्सग्गियं चीवरमाह यो मंसं कथन्ति सयमादिसेय्याति ।

अचित्तकत्ता कथं पंसुकूलं वट्ठतीति चे? ताय तस्स अदिन्नत्ता, भिक्खुनापि ततो भिक्खुनितो अग्गहितत्ता च । अस्सामिकम्पि हि पंसुकूलं अञ्जिस्सा हत्थतो गणहाति, न वट्ठति “अञ्जातिकाय भिक्खुनिया चीवरं पटिग्गणहेय्या”ति वुत्तलक्खणसम्भवतो । अञ्जातिकाय सन्तकं जातिकाय हत्थतो गणहाति, वट्ठतीति एके । यथा सिक्खमानसामणेरादीनं हत्थतो पटिग्गणहन्तस्स अनापत्ति, तथा **कङ्कावितरणियञ्च** “अञ्जातिकाय हत्थतो गहण”न्ति (कङ्खा० अट्ठ० चीवरप्पटिग्गहणसिक्खापदवण्णना) अङ्गं वुत्तं । तथा जातिकाय सन्तकं सिक्खमानाय, सामणेरिया, उपासकस्स, उपासिकाय, भिक्खुस्स, सामणेस्स सन्तकं अञ्जातिकाय भिक्खुनिया हत्थतो गणहन्तस्स च अनापत्ति एवं यथावुत्तलक्खणासम्भवतोति एके, तेनेव “एकतोउपसम्पन्नाय चीवरं पटिग्गणहाती”ति अवत्वा ‘हत्थतो पटिग्गणहाति अञ्जत्र पारिवत्तका, आपत्ति दुक्कटस्सा”ति (पारा० ५१३) वुत्तं, तस्मा अञ्जातिकाय सन्तकम्पि एकतोउपसम्पन्नाय हत्थतो पटिग्गणहन्तस्स दुक्कट”न्ति वदन्ति, उभोपेते न सारतो दट्ठब्बा, कारणं परियेसितब्बं ।

**५१४. को पन वादो पत्तत्थविकादीसूति** अनधिद्वहत्तब्बेसु बहूसु पटलेसु । तेनेवाह **मातिकाट्ठकथायं** “पत्तत्थविकादिमिह अनधिद्वहत्तब्बपरिक्खारे”ति । अधिद्वानुपगोसु वा तेसं परिक्खारत्ता भिसिच्छविया विय अनापत्ति । किं पटपरिस्सावनं परिक्खारं न होतीति? होति, किन्तु तं किर निवासनादिचीवरसण्ठानत्ता न वट्ठति । तस्मा इध निवासनादिचीवरसाधनं विकप्पनुपगपच्छिमं चीवरं नाम । अनन्तरातीते निवासनपारुपनुपगमेवाति सन्निट्ठानं । एवं सन्ते **कङ्कावितरणियं** (कङ्खा० अट्ठ० चीवरप्पटिग्गहणसिक्खापदवण्णना) कप्पनुपगपच्छिमता, पारिवत्तकाभावो, अञ्जातिकाय हत्थतो गहणन्ति तीणेव अङ्गानि अवत्वा अपरिक्खारताति चतुत्थमङ्गं वत्तब्बन्ति चे? न वत्तब्बं, इमस्मिं सिक्खापदे पत्तत्थविकादिपरिक्खारस्स अचीवरसङ्ख्यत्ता । पठमकथिनादीसु विकप्पनुपगता पमाणं, इध कायपरिभोगुपगताति । “अञ्जं परिक्खार”न्ति उद्धरित्वा “पत्तत्थविकादिं यंकिञ्ची”ति वुत्तत्ता विकप्पनुपगम्पि पत्तत्थविकादिं गणितुं वट्ठति, “पटपरिस्सावनम्पी”ति वुत्तद्धाने च “चीवरं नाम विकप्पनुपगपच्छिम”न्ति वचनतो पटपरिस्सावनं चीवरमेव, न परिक्खारं । “को पन वादोति निगमनवचनम्पि साधक”न्ति केचि वदन्ति, पण्णातिं अजाननतो अचित्तकं, न वत्थुं, “अञ्जातिकाय भिक्खुनिया सन्तकभावाजाननतो, चीवरभावाजाननतो च अचित्तक”न्ति **अनुगण्ठपदे** वुत्तं ।

चीवरपटिग्गहणसिक्खापदवण्णना निट्ठिता ।

## ६. अज्जातकविज्जत्तिसिक्खापदवण्णना

५१५. परिक्रारानन्ति उपयोगत्थे सामिवचनं । एकसाटकन्ति भावनपुंसकं, “अज्जातको मोघपुरिसा”ति वचनेन पवारितोपि अदातुकामो अज्जातको अप्पवारितद्धाने तिष्ठतीति दीपितं होति । अज्जथा “अनापत्ति पवारितान”न्ति इमिना विरुज्झति ।

५१७. नेव ताव विज्जापेतब्बं, न भज्जितब्बन्ति अनच्छिन्नानं चीवरानं अत्तनो सन्तकानं अत्थिताय, तत्थ पच्चासासम्भावतो च । पच्चासा कित्तकं कालं रक्खतीति? याव गामन्तरा, याव अद्धयोजनाति एके । याव दस्सनसवनूपचाराति एके । याव अज्जे न पस्सन्तीति एके । याव पच्चासा छिज्जतीति एके । याव साखापलासपरियेसनभज्जनसज्जनकालपरिच्छेदाति एके । इदं सब्बं यथासम्भवं युज्जति । कथं पज्जायतीति चे? “सचे पन एतेसं वुत्तप्पकारानं गिहिवत्थादीनं भिसिछविपरियन्तानं किञ्चि न लब्भति, तेन तिणेन वा पण्णेन वा पटिच्छादेत्वा आगन्तब्ब”न्ति अट्टकथावचनतो ।

न ताव थेरानं दातब्बानीति न ताव अत्तनो रुचिया दातब्बानि, यदा थेरा “देथावुसो”ति वदन्ति, तदा दातब्बानि । “एवं सति दहरापि अच्छिन्नचीवरद्धाने तिष्ठन्ति, साखापलासं भज्जितुं वट्टति, न अज्जथा । ‘येहि केहिचि वा अच्छिन्नं होती’ति हि वुत्त”न्ति वुत्तं । आचरियो पन एवं वदति “अत्तनो रुचियापि दातुं लभन्ती”ति । तथा हि अट्टकथायं “परिभोगजिण्णं वा”ति एत्थ च ‘अच्छिन्नचीवरानं आचरियुपज्जायादीनं अत्तना तिणपण्णेहि पटिच्छादेत्वा दिन्नचीवरम्पि सङ्गहं गच्छती’ति वत्तुं युज्जती’ति वुत्तं । अथापि सिया आचरियादीहि “आहरावुसो”ति वुत्तेयेव, नावुत्तेति, न, “केहिचि वा अच्छिन्न”न्ति एत्थ वुत्तलेसतो दुतियलेसस्स अविसेसभावप्पसङ्गतोति । अथ किमत्थं “न ताव थेरानं दातब्बानी”ति वुत्तन्ति चे? याव थेरानं अत्थाय साखापलासानि भज्जति, ताव न दातब्बानि, ततो तानि थेरुद्विस्सकानि साखापलासानि सयं परिदहित्वा विनापि थेराणत्तिया अत्तनो रुचिया दातब्बानि, भूतगामपातव्यताय पाचित्तियं न होति सत्थुनापि अनुज्जातत्ता । “तिणेन वा पण्णेन वा”ति हि वुत्तं, तं कप्पियमेव सन्धाय वुत्तन्ति चे? न, “तदलाभे न त्वेव...पे०... दुक्कटस्सा”ति वचनविरोधतो । एत्थाह — दुक्कटभया पाचित्तियवत्थु चे अतिक्कमितब्बं, तदलाभे थुल्लच्चयवत्थु सङ्गिकं, तदलाभे पाराजिकवत्थुपि अतिक्कमितब्बं सियाति? न, पाराजिकस्स लोकवज्जत्ता । अपिच न सब्बं भूतगामं पाचित्तियवत्थुमेव, ततो दुक्कटादिवत्थुपि अत्थि, अनापत्तिवत्थुपि कालोदिसकं, तस्मा इदं तदा अनापत्तिवत्थुकन्ति वेदितब्बं । कित्तावता भिक्खु अच्छिन्नचीवरो नट्टचीवरो होतीति? एत्तावता नग्गो होतीति एके । विकप्पनुपगपच्छिमभावेन, विकप्पनुपगपच्छिममादिं कत्वा विज्जापेन्तस्स आपत्तीति एके । निवासनपारुपनुपगाभावेनाति एके । तिचीवराभावेनाति एके । सन्तरुत्तरपरमाभावेनाति एके । अयं एकेवादो युत्तो “सन्तरुत्तरपरमं ततो चीवरं सादितब्ब”न्ति हि वचनतो, तस्मा सन्तरुत्तरे सति विकप्पनुपगपच्छिमं विज्जापेन्तस्स पटिलाभेन निस्सगियं । यदि एवं “विज्जापेत्वा पटिलभेय्य निस्सगिय”न्ति सिक्खापदेन भवितब्बन्ति चे? तन्न, तदत्थसिद्धितो नानत्थत्ता धातून् । किं वुत्तं होति? यथा हि “तिक्खत्तुं मेथुनं धम्मं अभिविज्जापेसी”ति (पारा० ३६) वुत्ते पवत्तेसीति अत्थो, तथा इधापि “चीवरं विज्जापेय्या”ति विज्जत्तिया पवत्तेय्य उप्पादेय्याति अत्थो ।

तेन निवत्थोति तंनिवत्थो । अज्जस्स अलाभेन तमेव परिभुज्जतो जरति, न लेसेन । अत्तनाति सयमेव वत्तुं युज्जति, तस्मा अयुत्तपरिभोगेन अपरिभुज्जित्वा युत्तपरिभोगवसेन परिभुज्जतो जिण्णं परिभोगजिण्णं नाम । तस्स सभागानं अच्छिन्नकाले दानम्पि युत्तपरिभोगे एव सङ्गहं गच्छतीति अधिप्पायो । “इमे किर द्वे लेसा अट्टकथायो, वाचेन्तानं आचरियानं मतन्ति धम्मसिरित्थेरो आहा”ति वुत्तं ।

५२१. निसीदितुं वा निपज्जितुं वा न लभतीति यथासुखं न लभतीति अधिप्पायो । “अज्जस्सत्थाया”ति एत्थापि “जातकानं पवारितान”न्ति अनुवत्तति एव । अत्थाय कस्स? तस्सेव अज्जस्स । यथा अज्जातके तिकपाचित्तियं, तथा अप्पवारितेपीति दस्सनत्थं “जातकानं पवारितान”न्ति वुत्तं । अज्जथा “जातके जातकसज्जी”ति इमिना सिद्धत्ता न निच्चं सेसं आपज्जति । अपिचेत्थ अज्जातकगहणेन अप्पवारितगगहणं होति, अप्पवारितगगहणेन अज्जातकगगहणं, अज्जातका हि अप्पवारिता होन्ति । तथा जातकगहणेन पवारितगगहणं होति, कत्थचि न होति । न पवारितगगहणेन जातकगगहणं होतीति इमस्स

अथविसेसस्स दस्सनत्थं “जातकानं पवारितान”न्ति वुत्तं । तथा हि अज्जातिकाय भिक्खुनिया अप्पवारिताय च चीवरं अज्जत्र पारिवत्तका पटिग्गण्हन्तस्स आपत्ति । जातिकाय पन पवारिताय च विस्सासं गण्हाति, अनापत्ति । तथा पुराणचीवरं जातिकाय अनापत्ति, पवारिताय पन तिकपाचित्तियमेव । जातकानञ्च एकच्चानं पुराणचीवरं नाम दातुं वट्ठति, न पवारितानं । तिकच्छेदो च मातिकापदेनेव होति, न अज्जेन । तत्थापि एकेनेव, न दुतियादीहीति अयं विनये धम्मता वेदितब्बा ।

अज्जातकविज्जत्तिसिक्खापदवण्णना निड्डिता ।

### ७. ततुत्तरिसिक्खापदवण्णना

**५२२-४. पग्गाहिकसालं वाति** दुस्सपसारं वा । हत्थेन पग्गहेत्वा ठत्वा सालायं पसारेतब्बदुस्सं पसारेन्तीति चोदना । **तिचीवरिकेनेवाति** विनयतिचीवरिकेन । सो हि अधिद्वहित्वा ठपितपरिक्खारचोळादीसु सन्तेसुपि तिचीवरे अच्छिन्ने सन्तरुत्तरपरमं विज्जापेत्वा गहेतुं लभति । **अज्जथापीति** “पमाणिकं तिचीवरं परिक्खारचोळवसेन अधिद्वहित्वा परिभुज्जतो तस्मिं नट्टे बहूनिपि गहेतुं लभति, न सन्तरुत्तरपरम”न्ति च, तस्मा तं **विभागन्ति** “तिचीवरिकस्स तं विभागन्ति अत्थो, न परिक्खारचोळिकस्सा”ति च केचि वदन्ति । आचरियो पन “**अज्जेनाति** अतिचीवरिकेन, **अज्जथाति** इतो वुत्तग्गहणपरिच्छेदतो अज्जेना”ति एतकमेव वदति । अज्जथाति पन सचे तीणिपि नट्टानि, सन्तरुत्तरपरमं गण्हितब्बं, सचे द्वे वा एकं वा नट्टं, तेन “अज्जथापी”ति दस्सनत्थं वुत्तन्ति एके । **गण्ठपदेसु** विचारणा एव नत्थि, तस्मा उपपरिक्खित्वा गहेतब्बं । **पकतिया सन्तरुत्तरेन चरति**, सासङ्कसिक्खापदवसेन वा तंसम्पुत्तिवसेन वा ततियस्स अलाभेन वा ।

**५२६. “पमाणमेव वट्ठती”**ति सल्लेखदस्सनत्थं वुत्तं । तं मिच्छा गहेत्वा जातकादिद्वाने तदुत्तरि गण्हन्तस्स आपत्तीति चे? **तं पाळिया न समेति**, “अनापत्ति जातकानं पवारितान”न्ति हि पाळि । एत्थ च पवारिता नाम अच्छिन्नकालतो पुब्बे एव पवारिता, न अच्छिन्नकाले । “अभिहट्ठं पवारेय्या”ति हि वुत्तं, तस्मा यो अच्छिन्नकालस्सत्थाय पवारेति, उभोपि अप्पवारिता एवाति वेदितब्बा । ते हि अच्छिन्नकारणा नट्टकारणाव देन्ति नाम । अपिच यथा पिड्डिसमये सतुप्पादं कत्वा जातकपवारितद्वानतो वस्सिकसाटिकं निष्फादेन्तस्स तेन सिक्खापदेन निस्सग्गियं, तथा इथापि जातकपवारितद्वानेपि अच्छिन्ननट्टकारणा न वट्ठति, तस्मा “अट्टकथासु पमाणमेव वट्ठती”ति वुत्तवचनमेव पमाण”न्ति **धम्मसिरित्थेरो** आह, तं अयुत्तं, कस्मा? यस्मा इदं सिक्खापदं तदुत्तरि विज्जापेन्तस्स पज्जत्तं, तस्मिञ्च “अज्जातको गहपति वा गहपतानी वा”ति **मातिकाय** पाळि, **विभङ्गे** च “अज्जातको नाम मातितो वा... पे०... असम्बद्धो”ति पाळि, **अनापत्तिवारे** च “जातकानं पवारितान”न्ति पाळि, तस्मा तिविधायपि पाळिया न समेतीति अयुत्तमेव, तस्मा केवलं सल्लेखमेव सन्धाय वुत्तन्ति अपरे । उपरि काणमातासिक्खापदे **अट्टकथासु** पन “तेसम्पि पाथेय्यपहेणकत्थाय पटियत्ततो पमाणमेव वट्ठती”ति वुत्तं, न पन “पाळिया न समेती”ति वुत्तं, न तत्थ च इध च नानाकरणं पज्जायति, तस्मा थेरस्स लद्धि सुन्दरा विय मम खायति, वीमंसितब्बं । यस्मा पनिदं सिक्खापदं अज्जस्सत्थाय विज्जापनवत्थुस्मियेव पज्जत्तं, तस्मा इध “अज्जस्सत्थाया”ति न वुत्तं । “सेसं उत्तानत्थमेवा”ति पाठो । “**अज्जस्सत्थाया**”ति निदानविरोधतो न वुत्तं । तथापि अनन्तरे वुत्तनयेन लब्धतीति आचरियो । एवरूपेसु गहपतिपटिसंयुत्तसिक्खापदेसु किञ्चापि “गहपति नाम यो कोचि अगारं अज्झावसती”ति वुत्तं, तथापि पज्ज सहधम्मिके ठपेत्वा अवसेसा च सिक्खापच्चक्खातको च तित्थियो च वेदितब्बो ।

ततुत्तरिसिक्खापदवण्णना निड्डिता ।

### ८. पठमउपक्खटसिक्खापदवण्णना

**५२७-८.** अपि होति चित्तन्ति अत्थो । **मेय्याति** पाठस्स मय्हन्ति अत्थो । न इमे सुकरा, “न इमेसं सुकरा”ति वा पाठो । “तस्स न इमेसं सुकरा अच्छादेतुन्ति अत्थो”ति लिखितं । “पुब्बे अप्पवारितो”ति वचनतो तस्मिं खणे पवारितोपि अप्पवारितोव होतीति ।



पठमउपकखटसिक्खापदवण्णना निड्डिता ।

## ९. दुतियउपकखटसिक्खापदवण्णना

५३२. दुतियउपकखटेन किंपयोजनन्ति? नत्थि, केवलं अट्टप्पत्तिवसेन पञ्जत्तं भिक्खुनिया रहोनिस्सज्जसिक्खापदं विय । एवं सन्ते तन्ति अनारोपेतब्बं भवेय्य विनापि तेन तदत्थसिद्धितो, अनिस्सरत्ता, अनारोपेतुं अनुज्जातत्ता च । वुत्तज्जेतं “आकङ्खमानो, आनन्द, सङ्खो...पे०... समूहनेय्या”ति (दी० नि० २.२१६) । इदं सब्बमकारणं । न हि बुद्धा अप्पयोजनं वाचं निच्छारेन्ति, पगेव सिक्खापदं, तेनेवाह अट्टकथायं “तज्झि इमस्स अनुपञ्जत्तिसदिस”न्तिआदि । अनुपञ्जत्ति च निष्पयोजना नत्थि, तंसदिसज्जेतं, न निष्पयोजनन्ति दस्सितं होति, एवं सन्ते को पनेत्थ विसेसोति? ततो आह “पठमसिक्खापदे एकस्स पीळा कता, दुतिये द्विन्नं, अयमेत्थ विसेसो”ति । इमिना अत्थविसेसेन को पनज्जो अतिरेकत्थो दस्सितोति? **पोराणगण्ठपदे** ताव वुत्तं “एकस्मिम्पि वत्थुस्मिं उभिन्नं पीळा कातुं वट्टतीति अयमतिरेकत्थो दस्सितो”ति । तेनेतं दीपेति “न केवलं पटिलद्धचीवरगणनायेव आपत्तिगणना, पीळितपुगलसङ्घातवत्थुगणनायपी”ति ।

होन्ति चेत्थ —

“वत्थुतो गणनायापि, सिया आपत्ति नेकता ।  
इति सन्दस्सनत्थञ्च, दुतियूपकखटं इध ॥

“कायसंसग्गसिक्खाय, विभङ्गे विय किन्तेतं ।  
एकित्थियापि नेकता, आपत्तीनं पयोगतो”ति ॥

अपिचेतं सिक्खापदं तंजातिकेसु सिक्खापदेसु सब्बेसुपि गहेतब्बविनिच्छयस्स नयदस्सनप्पयोजनन्ति वेदितब्बं । आह च —

“अज्जातिकाय बहुताय विमिस्सताय,  
आपत्तियापि बहुता च विमिस्सता च ।  
इच्चेवमादिविधिसम्भवदस्सनत्थं,  
सत्था उपकखटमिदं दुतियं अवोचा”ति ॥

तस्सायं सङ्खेपतो अधिप्पायपुब्बङ्गमा विचारणा — पुराणचीवरं एकमेव भिक्खु भिक्खुनीहि द्वीहि, बहूहि वा धोवापेति, भिक्खुनिगणनाय पाचिच्चियगणना, तथा द्विन्नं, बहूनं वा साधारणं एकमेव चीवरं अज्जत्र पारिवत्तका पटिगण्हाति, इधापि तथा द्विन्नं, बहूनं वा साधारणमेकं विज्जापेति, विज्जत्तपुगलगणनाय आपत्तिगणना । तथा अज्जेसुपि एवरूपेसु सिक्खापदेसु नयो नेतब्बो । अयं ताव बहुताय नयो । मिस्सताय पन जातिकाय, अज्जातिकाय च एकं धोवापेति, एकतो निट्ठापने एकं पाचिच्चियं । अथ जातिका पठमं थोकं धोवित्वा ठिता, पुन अज्जातिका सुधोतं करोति, निस्सगियं । अथ अज्जातिका पठमं धोवति, पच्चा जातिका सुधोतं करोति, अज्जातिकाय पयोगवसेन भिक्खुनो दुक्कटमेव । अज्जातिकाय च जातिकाय च अज्जातिकसज्जी, वेमतिको, जातिकसज्जी वा धोवापेति, यथावुत्तनयेन निस्सगियदुक्कटादिआपत्तिभेदगणना वेदितब्बा । तथा अज्जातिकाय च जातिकाय च सन्तकं चीवरं उभोहि एकतो दिस्समानं पटिगणहन्तस्स, अज्जातिकाय एव हत्थतो पटिगणहन्तस्स च निस्सगियमेव । अथ जातिकाय अनापत्ति । अथ उभोसु अज्जातिकादिसज्जी वुत्तनयेनेव निस्सगियदुक्कटादिआपत्तिभेदगणना वेदितब्बा । तथा अज्जातकविज्जत्तिसिक्खापदेसुपि यथासम्भवं नयो नेतब्बो । अयं मिस्सताय नयो । आदि-सद्देन पन अनेके अज्जातिका विज्जत्ताविज्जत्तपुगलगणनाय दुक्कटं । एको देति, एको न देति, निस्सगियं । अथ अविज्जत्तो देति, न निस्सगियं । अथ विज्जत्ताविज्जत्तानं साधारणं विज्जत्तो देति, निस्सगियमेव । उभो देन्ति, निस्सगियमेव । अविज्जत्तो देति, निस्सगियेन अनापत्ति ।

विज्जत्तस्स वचनेन अविज्जत्तो देति, अनापत्ति एव । तथा उपक्खटादीसुपि यथासम्भवं नयो नेतब्बो ।

दुतियउपक्खटसिक्खापदवण्णना निट्ठिता ।

## १०. राजसिक्खापदवण्णना

५३७. “न खो मयं, आवुसो, चीवरचेतापन्नं पटिग्गणहाम...पे०... कालेन कप्पिय”न्ति इतो पुब्बे एव रूपियपटिग्गणहणसिक्खापदस्स पज्जत्तत्ता वुत्तं । अज्जथा आयस्मा उपनन्दो मंसस्स चेतापन्नं एकम्पि कहापणं हत्थेन पटिग्गणहन्तो ततो महन्ततरं चीवरचेतापन्नं कथं न पटिग्गण्हिस्सति, एवं सन्तेपि चीवरपटिसंयुत्तत्ता **चीवरवग्गे** सङ्गायिंसूति ।

५३८-९. “आगतकारणं भज्जती”ति वुत्तत्ता ननु पुन चोदेतुं न लभतीति एके । आगमनस्स सात्थकं न होति, चीवरं न लभिस्सति पटिसन्धारस्स कतत्ताति एके । चोदनालक्खणं न होतीति कत्वा वुत्तन्ति एके । “ठत्वा चोदेमी”ति आगतो तं ठानं भज्जति, करोति चेकं, तीणिपि चे करोति, एकमेव, एकवचनत्ताति एके । तीणि ठानानि भज्जतीति एके । **उपतिस्सत्थेरो** “न चोदनादिं भज्जति, चोदेतुकामो अकत्तब्बं अकासि, तेन वत्तभेदे दुक्कट”न्ति वदति । **धम्मसिरित्थेरो** पन “आसने चे निसीदति, एकाय निसज्जाय द्वे ठानानि भज्जति । आमिसं चे पटिग्गणहाति, एकेन पटिग्गहेन द्वे ठानानि भज्जति । धम्मं चे भासति, धम्मदेसनसिक्खापदे वुत्तपरिच्छेदाय एकाय वाचाय द्वे ठानानि भज्जति, तं सन्धाय वुत्त”न्ति वदति । “यत्था”ति वुत्ते अत्तनो एव सन्तिकं गन्तब्बन्ति वुत्तं विय होति । तेन वुत्तं “व्यज्जनं पन न समेती”ति । उपासकेहि आणत्ता तं । **मूलं असादियन्तेनाति** मूलस्स अकप्पियभावे सति असादियन्तेन । तज्ज खो चित्तेन, न मुखेन । सचे एवं वुत्ते अकप्पियं दस्सेतीति कत्वा चित्तेन अकप्पियं इच्छन्तोव मुखेन कप्पियं निद्विसति “चीवरं मे देथा”ति, न वट्टति । पटिलाभे रूपियपटिग्गणहणसिक्खापदेन आपत्ति ।

तत्रायं विचारणा — चित्तेन सादियन्तोपि मुखेन कप्पियवोहारेन चे वोहरति “कहापणारहेन, पादारहेन वा कप्पियभण्डेन इदज्जिदज्ज आहरा”ति । किज्चापि रूपियं सन्धाय वदति, वट्टति एव । कस्मा? कज्जि सस्सुट्ठानकं भूमिपदेसं सन्धाय “सीमं देमाति वदन्ति, वट्टती”ति वचनतो, “विहारस्स देमा”ति वुत्ते “पटिक्खिपितुं न वट्टती”ति वचनतो च । **अनुगण्ठपदे** पन वुत्तं “सङ्गं सन्धाय ‘विहारस्स देमा’ति दिन्नं गरुभण्डं न होति, दक्खिणोदकं सम्पटिच्छित्तुं, ‘साधू’ति च वत्तुं, अनुमोदेतुज्ज वट्टति । कस्मा? सङ्गस्स ‘विहारो’ति नामाभावतो, खेत्तस्सेव ‘सीमा’ति नामभावतो च, चित्तेन आरम्भणं कतं अप्पमाणं, कप्पियवोहारोव पमाणं । कप्पियमेवाचिक्खितत्ता ‘न त्वेवाहं, भिक्खवे, केनचि परियायेन जातरूपरजतं सादितब्बं परियेसितब्बन्ति वदामी”ति (महाव० २९९) वचनेनपि न विरुज्झति । कप्पियवचनपच्चया दायको सयमेव कत्तब्बयुत्तकं जानिस्सतीति अधिप्पायतो दायकेन एतस्स अधिप्पायं जत्वा कप्पियकारकस्स हत्थे ठपितं भिक्खुस्स सन्तकमेव होती”ति । इदं सब्बमयुत्तं, कस्मा? सीमाविहारवचनस्स दायकवचनत्ता । इध च भिक्खुनो वचनं पमाणं । तेनेवाह “अथापि ‘मम तळाकं वा पोक्खरणिं वा सङ्गस्स दम्मी”ति वुत्ते ‘साधु, उपासक, सङ्गो पानीयं पिविस्सती’तिआदीनि वत्वा परिभुज्जितुं वट्टति एवा”ति । अज्जथा खेत्तं सन्धाय भिक्खुनो खेत्तपटिबद्धवचनानि सीमावचनेन कप्पन्तीति आपज्जति । अविहारस्स च भिक्खुस्स रूपियं दस्सेत्वा “इदं विहारस्स दम्मी”ति वुत्ते अत्तनो अत्थाय दिव्यमानं जानन्तेनापि तं अप्पटिक्खिपितब्बं । तथा कहापणारहादिनो अकप्पियभण्डभावं, कहापणादिभावमेव वा जानन्तमेव सन्धाय तथावोहरन्तस्स च अनापत्तीति आपज्जति । “न त्वेवाहं, भिक्खवे, केनचि परियायेना”ति निष्पदेसतो वुत्तत्ता न सक्का लेसं ओडुत्तुन्ति नो तक्को, विचारेत्वा पन गहेतब्बं । “नो चे इच्छति, न कथेतब्ब”न्ति वचनतो यथावुत्तसामिचिया अकरणे अनापत्ति दुक्कटस्साति दस्सेति ।

“अज्जातकअप्पवारितेसु विय पटिपज्जितब्ब”न्ति वचनतो यथावुत्तसामिचिम्पि न कत्वा चे निष्फादेति, अज्जातकविज्जत्तिसिक्खापदेन कारेतब्बोति दस्सेति । कप्पियकारका सयमेव चोदेत्वा देन्ति, वट्टति । “सयं करणमेव पटिक्खित”न्ति च वदन्ति । **पिण्डपातादीनं ...पे०... एसेव नयोति** एत्थ “दुक्कट”न्ति वदन्ति, तं न सुन्दरं, **ददन्तेसुपीति अपि-** सद्देन सङ्गहितत्ता निस्सगियपाचित्तियमेव । जातरूपरजतं “सङ्गे सादिते दुक्कट”न्ति च विकप्पेन्ति । तं विसेसेत्वा नवुत्तत्ता

पाचिचित्तियमेवाति दस्सेति । “निस्सगियमेवाति येवापनकसिक्खापदेसु सिया”ति वदन्ति, उपपरिक्खितब्बं । “यस्स कस्सचि हि अज्जस्स...पे०... **महापच्चरियं** वुत्त”न्ति वचनतो अपब्बजितानं अन्तमसो मातापितूनम्मि अत्थाय सम्पटिच्छन्तस्स दुक्कटमेवाति दस्सेति ।

सब्बत्थ सम्पटिच्छनं नाम “उग्गणहेय्य वा उग्गणहापेय्यवा उपनिक्खित्तं वा सादियेय्या”ति एवं वुत्तलक्खणमेव । एवं सन्तेपि कत्थचि पटिक्खित्तं, कत्थचि न पटिक्खित्तं, कत्थचि पटिक्खित्तं सादितुं वट्टति, एवं अप्पटिक्खित्तं किञ्चि वट्टति, इदं सब्बम्मि दस्सेतुं “**सचे पना**”ति वित्थारो आरब्धो । तत्थ “चेतियस्स...पे०... न वट्टती”ति वचनतो अप्पटिक्खित्तं विहारस्स दिन्नं सादितुं वट्टतीति सिद्धं । तथा थेरस्स “मातुया देमा”तिआदिना वुत्तेपि पटिग्गहणे आपत्ति पाचिचित्तियमेव । **सापत्तिको होतीति** एत्थ काय आपत्तिया सापत्तिको होतीति? दुक्कटापत्तियाति एके । न याय कायचि, केवलं अट्टाने चोदेतीति कत्वा “सापत्तिको”ति वुत्तं । यथा कथन्ति? “पञ्चहि, भिक्खवे, अङ्गेहि समन्नागतो सद्धिविहारिको पणामेतब्बो...पे०... पणामेन्तो अनतिसारो”ति (महाव० ६८) एत्थ न सम्मावत्तन्तयेव अपणामेन्तस्स दुक्कटं वुत्तं । यथाह — “न च, भिक्खवे, असम्मावत्तन्तो न पणामेतब्बो, यो न पणामेय्य, आपत्तिदुक्कटस्सा”ति (महाव० ६८), तस्मा अधिमत्तपेमादिअभावेपि अपणामेन्तस्स अनापत्ति दिस्सति । अपिच “सातिसारो होती”ति वुत्तं । एवंसम्पदमिदं दट्ठब्बं । **अट्ठकथाय** “सातिसारो होतीति सदोसो होति, आपत्तिं आपज्जती”ति (महाव० अट्ठ० ६८) वुत्तत्ता न युत्तन्ति चे? न, तदनन्तरमेव तंमिच्छागाहनवत्तन्तं, तस्मा “न सम्मावत्तन्तो पणामेतब्बो”ति वुत्तत्ता अनापत्तिका कताति । दुक्कटापत्ति होतीति आचरियो, वीमसितब्बं । “**कप्पियभण्डम्मि अकप्पियमेवाति** तळाकतो निप्फन्नधज्जेन परिवत्तेत्वा लद्धं गोरसम्मि न वट्टती”ति वुत्तं ।

**कप्पियवोहारेपि** विधानं वक्खाम, सेय्यथिदं — “**उदकवसेना**”तिआदि । **दुब्बिनिब्भोगं होतीति** इदं परतो “तस्सेव अकप्पियं । कस्मा? धज्जस्स विचारितत्ता”ति इमिना असदिसं, तस्मा सुवुत्तं । इदञ्चि भिक्खुस्स पयोगवसेन आदितो पट्टाय उपन्नेन मिस्सन्ति । अकतपुब्बं **नवसस्सं** नाम । **खले वा ठत्वा रक्खतीति** “इदं वा एत्तकं वा मा गणह, इदं गहेतुं लब्भती”ति वा “इतो अपनेहि, इध पुज्जं करोही”ति एवमादिना वा पयोगेन चे रक्खति, तं अकप्पियं । “सचे ‘मयिठिते रक्खितं होती’ति रक्खति, गणहन्ते वा पस्सित्वा ‘किं करोथा’ति, भणति वट्टती”ति वुत्तं, तं युत्तं । **रूपियपटिग्गहणसिक्खापदे** “द्वारं पिदहित्वा रक्खन्तेन वसितब्ब”न्ति हि वुत्तं । **तस्सेव तं अकप्पियं** । कस्मा? अपुब्बस्स अनुप्पादितत्ता । हेट्ठा “सस्सं कत्वा आहरथा”ति वत्तुं पन न वट्टतीति । पण्णेपि एसेव नयो । “पकतिया सयमेव करोन्तानं उस्साहजननतो”ति वुत्तं । कस्मा? “कहापणानं विचारितत्ता”ति वचनतो, पगेव उट्ठापितत्ताति सिद्धं होति । सचे दायका वा सङ्घस्स गामखेत्तारामादिं केणिया गहितमनुस्सा वा तत्थ कुटुम्बिनो “इमे सङ्घस्स कहापणा आहटा”ति वदन्ति, “न कप्पती”ति एत्तकमेव वत्तब्बं । कप्पियकारकाव चे वदन्ति, “सङ्घस्स कहापणा न कप्पन्ति, सप्पिआदीनि वट्टन्ती”ति वत्तब्बं, तस्मा “सङ्घस्स कप्पियकारके वा गुत्तट्टानं वा आचिक्खथा”ति वत्वा तेहि सम्पादितं केनचि अकत्तब्बताय “इमिना सप्पिं आहराही”ति विचारेति निट्ठापेत्वा इतरेसं कप्पियं परतो **पत्तचतुक्के** चतुत्थपत्तो विय । वुत्तञ्चि तत्थ “इमे कहापणे गहेत्वा इमं देही”ति कहापणे दापेत्वा गहितो, अयं पत्तो एतस्सेव भिक्खुनो न वट्टति, दुब्बिचारितत्ता, अज्जेसं पन वट्टति, मूलस्स असम्पटिच्छितत्ता”तिआदि । यदि एवं सब्बेसं अकप्पियं । कस्मा? कहापणानं विचारितत्ताति । इदं दुवुत्तन्ति चे? न, मूलस्स सम्पटिच्छितट्टानं सन्थाय इमस्स वुत्तत्ता **पत्तचतुक्के** दुतियततियपत्ता विय, तेनेव वुत्तं सयंकारिवारे “न कप्पती”ति एत्तकमेव वत्तब्ब”न्ति । ततो परं मूलं सम्पटिच्छति नाम ।

महाविसयसिक्खत्ता, राजसिक्खापदं इदं ।

रज्जो विय दुविज्जेय्यं, चित्ताधिप्पायतोपि वा ॥

राजसिक्खापदवण्णना निड्डिता ।

निड्डितो चीवरवग्गो पठमो ।

## २. कोसियवग्गो

### १. कोसियसिक्खापदवण्णना

५४२. कोसियकारकोति एत्थ कोसं करोन्तीति “कोसकारा”ति लद्धवोहारानं पाणकानं कोसतो निब्बत्तं कोसियं नाम । अत्तना कतं चे? निस्सज्जनकाले “सयं कतं निस्सगिय”न्ति वत्तब्बं । उभोहि चे कतं, यथापाठमेव वत्तब्बं । अत्तना च परेहि च विप्पकतं अत्तना परियोसापेतीति आदिचतुक्कम्पि सम्भवन्तं न दस्सितं । विनयधम्मता हेसा, यदिदं एकस्मिं तिके वा चतुक्के वा दस्सिते इतरं सम्भवन्तम्पि न वुच्चतीति ।

कोसियसिक्खापदवण्णना निट्ठिता ।

### २. सुद्धकाळकसिक्खापदवण्णना

५४७. सुद्धकाळकानन्ति एत्थ यथा पठमे “एकेनपि कोसियंसुना”ति वुत्तं, तथा इध “एकेनपि अज्जेन अमिस्सेत्वा”ति वचनाभावतो अज्जेहि मिस्सभावे सतिपि अपज्जायमानरूपकं “सुद्धकाळक”मिच्चेव वुच्चतीति वेदितब्बं ।

सुद्धकाळकसिक्खापदवण्णना निट्ठिता ।

### ३. द्वेभागसिक्खापदवण्णना

५५२. “धारयित्वा द्वे तुला आदातब्बा”ति वचनतो यथा तुलाधारणाय काळका अधिका न होन्ति, तथा काळकानं द्वे भावा गहेतब्बा उक्कट्टपरिच्छेदेन । कथं पज्जायतीति? सुद्धकाळकपटिसेधननिदानेन । ततियं ओदातानं चतुत्थं गोचरियानन्ति हेट्ठिमपरिच्छेदो । मातिकाट्टकथायं पन “एकस्सपि काळकलोमस्स अतिरेकभावे निस्सगिय”न्ति (कट्ठा० अट्ठ० द्वेभागसिक्खापदवण्णना) वुत्तं, तं तुलाधारणाय किञ्चापि न समेति, अचित्तकत्ता पन सिक्खापदस्स पुब्बे तुलाय धारयित्वा ठपितेसु एकम्पि लोमं तत्थ पतेय्य निस्सगियन्ति अधिप्पायोति नो तक्को । अज्जथा द्वे तुला नादातब्बा, ऊनकतरा आदातब्बा सियुं । न हि लोमं गणेत्वा तुलाधारणा करीयति । अथ गणेत्वाव कातब्बं । किं तुलाधारणाय पयोजनन्ति केचि । “गोचरियओदातेसु एकमेव दिगुणं कत्वा गहेतुं वट्ठती”ति वदन्ति, अट्टकथायं अविचारितत्ता वीमसितब्बं ।

द्वेभागसिक्खापदवण्णना निट्ठिता ।

### ४. छब्बस्ससिक्खापदवण्णना

५६२. नवं नाम करणं उपादायाति इदं आदिकरणतो पट्टाय वस्सगणनं दीपेति । करित्वा वाति वचनं निट्ठानदिवसतो पट्टायाति दीपेति । धारेतब्बन्ति वचनं पन परिभोगतो पट्टायाति दीपेति, यस्मा लद्धसम्मुतिकस्स गतगतट्ठाने छन्नं छन्नं वस्सानं ओरतोव कतानि बहूनिपि होन्ति, तस्मा अज्जं नवन्ति किं कततो अज्जं, उदाहु धारिततो अज्जन्ति? किञ्चेत्थ यदि कततो अज्जं, तेसु अज्जतरं दुक्कतं वा परिभोगजिण्णं वा पुन कातुं वट्ठति, तज्ज खो विनापि पुराणसन्थतस्स सुगतविदत्थिं अप्पटिसिद्धपरियापन्नत्ता । कततो हि अज्जं पटिसिद्धं, इदञ्च पुब्बकतन्ति ततो अनन्तरसिक्खापदविरोधो होति । अथ धारिततो अज्जं नाम, सम्मुति निरत्थिका आपज्जति, पठमकतं चे अपरिभुत्तं, सतियापि सम्मुतिया अज्जं नवं न वट्ठतीति अधिप्पायो? तत्रिदं सन्निट्ठाननिदस्सनं — निट्ठानदिवसतो पट्टाय छन्नं छन्नं वस्सानं परिच्छेदो वेदितब्बो । तत्थ च सत्तमे वस्से सम्पत्ते छब्बस्सानि परिपुण्णानि होन्ति । तज्ज खो मासपरिच्छेदवसेन, न वस्सपरिच्छेदवसेन । सत्तमे परिपुण्णञ्च ऊनकञ्च वस्सं नाम, तस्मा विप्पकतस्सेव सचे छब्बस्सानि पूरेन्ति, पुन निट्ठानदिवसतो पट्टाय छब्बस्सानि लभन्ति । तज्ज खो परिभुत्तं वा होतु अपरिभुत्तं वा,

धारितमेव नाम । यस्मा “नवं नाम करणं उपादाय वुच्चती”ति वुत्तं, तस्मा छन्नं वस्सानं परतो तमेव पुब्बकतं दुक्कतभावेन, परिभोगजिण्णताय वा विजटेत्वा पुन करोति, निट्ठानदिवसतो पट्ठाय छब्बस्सपरमता धारेतब्बं, अतिरेकं वा । अन्तो चे करोति, तदेव **अज्जं नवं नाम** होति करणं उपादाय, तस्मा निस्सगियं । अज्जथा “नवं नाम करणं उपादाया”ति इमिना न कोचि विसेसो अत्थि । एवं सन्ते किं होति? अट्ठप्पत्तीति । “याचनबहुला विज्जत्तिबहुला विहरन्ती”ति हि तत्थ वुत्तं, तज्ज अज्जस्स करणं दीपेति । यदि एवं तं निब्बिसेसमेव आपज्जतीति? नापज्जति । अयं पनस्स विसेसो, यस्मा “अज्जेन कतं पटिलभित्वा परिभुज्जति, अनापत्ती”ति वुत्तत्थो विसेसोति । किं वुत्तं होति? “नवं नाम करणं उपादाय वुच्चती”ति वुत्ते अतिरेकचीवरस्स उप्पत्ति विय पटिलाभेनस्स उप्पत्ति नवता आपज्जति । ततो पटिलद्धदिवसतो पट्ठाय छब्बस्सपरमता धारेतब्बं । ओरेन चे छन्नं वस्सानं... पे०... कारापेय्य, निस्सगियन्ति आपज्जति, तस्मा नवं नाम करणमेव उपादाय वुच्चति, न पटिलाभं । ओरेन छन्नं वस्सानं अत्तनो अनुप्पन्नत्ता “नव”न्ति सङ्ख्यं गतं, अप्पटिलद्धं चे कारापेय्य, यथा लाभो, तथा करेय्य वा कारापेय्य वाति च न होति । कस्मा? यस्मा अज्जेन कतं पटिलभित्वा परिभुज्जति, अनापत्तीति विसेसोति ।

छब्बस्ससिक्खापदवण्णना निट्ठिता ।

#### ५. निसीदनसन्थतसिक्खापदवण्णना

**५६५. नास्सुध कोचीति** एत्थ **अस्सुध**-इति अवधारणत्थे निपातो । तत्थ किञ्चापि “एवं भन्तेति खो ते भिक्खू”ति बहुवचनं वुत्तं, तथापि ते भिक्खू भगवतो पटिस्सुणित्वा इध तेसु भिक्खूसु कोचि भगवन्तं नास्सुध उपसङ्गमति अज्जत्र एकेनाति अत्थो गहेतब्बो । तं सुग्गाहं एकाहं भन्ते भगवन्तं वरन्तिआदीसु (महाव० ३३७) विय, **अनुजानामि...पे०... यथासुखं मं दस्सनाय उपसङ्गमन्तू**ति दस्सनत्थाय उपसङ्गमन्तु ।

**५६६-७.** “मयं आयस्मन्तं उपसेन”न्ति तस्स गणपामोक्खत्ता वुत्तं । आरज्जिकपिण्डपातिकपंसुकूलिकवसेन सब्बानि वुत्तानि । तेनेवाह **अट्ठकथायं** “सन्थते चतुत्थचीवरसज्जिताया”ति । किं सब्बेपि ते चीवरं न बुज्झन्तीति चे? यथा होतु । कतमं चीवरं नामाति? छन्नं अज्जतरं विकप्पनुपगं पच्छिमन्ति । किञ्च वायिमं अवायिमन्ति? वायिममेवाति । कतरसुत्तेनाति? अट्ठा सो सुत्तमेव न पस्सति, सिवेय्यकं दुस्सयुगं, इद्धिमयिकज्ज देवदत्तियज्ज अचीवरं करोति । यदि एवं अवायिमम्पीति वदामीति । एवं सन्ते सिद्धा सन्थते चीवरसज्जिता कम्बलसीसेन उण्णामयसामज्जतो । किं पन ते सन्थतं अधिट्ठहिंसूति? दुट्ठ अधिट्ठहिंसु अचीवरत्ता, न अधिट्ठानुपगत्ता च सन्थतस्स । अथ नाधिट्ठहिंसु, पुब्बेव तत्थ अचीवरसज्जिनो एतेति कत्वा तत्थ चीवरसज्जिताय तदुभयं न युज्जतीति । किं पनेतं अधिट्ठानुपगं नत्थीति? तत्थेवागतं, अपिचेतं अविकप्पनुपगं चे, चीवरं न होति, अज्जथा “चीवरं नाम छन्नं चीवरानं अज्जतर”न्ति एत्तावता सिद्धं “विकप्पनुपगं पच्छिम”न्ति न वत्तब्बं । अथ न विकप्पनुपगमि चीवरमेव सिद्धं, अनधिट्ठानुपगं, अविकप्पनुपगज्ज एकज्जं “चीवर”न्ति सङ्ख्यं गच्छति । तेनेवाह “तेचीवरिकस्स चतुत्थचीवरं वत्तमानं अंसकासावमेव वट्ठती”ति ।

अपिच सन्थते चीवरसज्जिता न केवलं तेसंयेव, अज्जेसम्पि अनुबन्धति एव “पुराणसन्थतं नाम सकिं निवत्थम्पि सकिं पारुत्तम्पी”ति वचनतो । अट्ठकथाचरियो पनस्स अचीवरतं सन्थायभासितत्थदीपनेन दीपेति । **निवत्थपारुत्तन्ति** एतेसं निसिन्नज्जेव निपन्नज्जाति अत्थो । अपिच एवं सन्तेपि सन्थते चीवरसज्जिता अनुबन्धति एव । **खन्धके** (महाव० ३५८) हि “निसीदनं अधिट्ठातुं न विकप्पेतु”न्ति च, **परिवारे** (परि० ३२९) “नव चीवरानि अधिट्ठातब्बानी”ति च **निसीदनसिक्खापदे** “दसा विदत्थी”ति च इध “निसीदनं नाम सदसं वुच्चती”ति च वुत्तं, **अट्ठकथायज्जस्स** “सन्थतसदिसं सन्थरित्वा एकस्मिं अन्ते सुगतविदत्थिया विदत्थिमत्तपदेसे द्वीसु ठानेसु फालेत्वा तिस्सो दसा करीयन्ति, ताहि दसाहि सदसं नाम वुच्चती”ति च “निसीदनं वुत्तनयेन अधिट्ठातब्बमेव, तज्ज खो पमाणयुत्तं एकमेव, द्वे न वट्ठन्ती”ति च वुत्तं, तस्मा निसीदनं नाम नवन्नं चीवरानं अज्जतरं चीवरं अधिट्ठातब्बं, तज्ज सन्थतसदिसं एळकलोममयसन्थतविसेसन्ति सिद्धं, तथा निसीदनमेव निसीदनसन्थतज्ज सिद्धं ।

**पोराणगण्ठपदे** च “एकमेव”ति वुत्तं । तस्मिं सिद्धे सिद्धा सन्थते चीवरसज्जिताति अत्थो । कस्मा? सन्थतसामञ्जतो ।

एत्थाह — कथं अदसमेव सन्थतं चीवरसङ्ख्यं न गच्छति । अनेकम्पि अनधिद्वितम्पि महन्तम्पि वट्टति, यतो सदसमेव सन्थतं चीवरसङ्ख्यं गच्छति, ततो अधिद्वानञ्च उपगच्छतीति । असन्थतपरियापन्नत्ता ओरेन च छन्नं वस्सानं विनापि सम्मुत्तिं, तञ्च पोराणं विस्सज्जेत्वा एव, न अविस्सज्जेत्वा “तञ्च खो पमाणयुत्तं एकमेव, द्वे न वट्टन्ती”ति (पारा० अट्ठ० २.४६९) वचनतोति । अथापि सिया सन्थतं सयनत्थमेव करीयति, निसीदनं असन्थतमेवाति । तञ्च न नियमतो “पुराणसन्थतं नाम सकिं निवत्थं सकिं पारुत्तम्पी”ति वुत्तत्ताति । एत्थ वुच्चति, न एत्थ कारणं परियेसितब्बं विनयपञ्जत्तिया अनञ्जविसयत्ता ।

सन्थतस्स पन अचीवरभावे अयं युत्ति — आदितो “तीणि सन्थतानि पन विनयकम्मं कत्वा पटिलभित्वा परिभुज्जितुं न वट्टन्ती”ति अट्ठकथावचनतो तानि अकप्पियानीति सिद्धं, भगवता च खोमादीनि छ अनुज्जातानीति कोसेय्यं कप्पियन्ति सिद्धं । एवं सन्ते सुद्धकोसेय्यम्पि चीवरं कप्पियं जातं, पगेव कोसियमिस्सकसन्थतचीवरन्ति आपज्जति । तथा कम्बलञ्च अनुज्जातं, तञ्च सुद्धिकम्पि होति जातिकाळकभावेन, पगेव ओदातगोचरियमिस्सकसन्थतचीवरन्ति आपज्जति । ततो च अञ्जमञ्जविरोधो, तस्मा न सन्थतं चीवरं नाम होति, निसीदनं पन होति तस्स पमाणसण्ठानपरिच्छेदसम्भवतो । एत्थाहु केचि आचरिया “दुविधं निसीदनं सन्थतं, असन्थतञ्च । तत्थ सन्थतं सन्थतमेव । असन्थतं खोमादिछब्बिधं, तदनुलोमं वा होति, अयमेतेसं विसेसो”ति ।

एत्थाह — कस्मा पनेत्थ “सन्थतं पन भिक्खुना”ति सिक्खापदं अपज्जापेत्वा “निसीदनसन्थत”न्ति पञ्जत्तन्ति? चीवरसज्जिताय सन्थतानं उज्झितत्ता तेसं अचीवरभावदस्सनत्थं तथा पञ्जत्तन्ति वुत्तं होति, तस्मा ते भिक्खू धुतङ्गभेदभया तानि उज्झित्वा तेरसापि धुतङ्गानि समादियिंसु, सीसदस्सनवसेन तीणेव वुत्तानि, भगवा च तेसं सन्थतं अनुजानि, ततो नेसं एवं होति “निसीदनचीवरसण्ठानम्पेतं निसीदनसन्थतं नो अनुज्जातं, चतुत्थचीवरभावेन पगेव कतसन्थतं वा”ति । ततो सन्थते नेसं चीवरसज्जिता न भविस्सतीति तदत्थं भगवता निसीदनसन्थतन्ति पञ्जत्तन्ति अधिप्पायो । “पच्छिमानि द्वे वट्टन्ती”ति कथं पज्जायतीति चे? “अनापत्ति अञ्जेन कतं पटिलभित्वा परिभुज्जती”ति वचनतोति ।

निसीदनसन्थतसिक्खापदवण्णना निट्ठिता ।

## ६. एळकलोमसिक्खापदवण्णना

**५७२-३. अट्ठानमगगण्ठपटिपन्नस्सा**ति इमिना पकतिया दीघमगगण्ठपटिपन्नस्स उप्पन्नानिपि तियोजनपरममेव हरितब्बानि, पगेव अण्णटिपन्नस्साति दस्सेति । अट्ठानमगगण्ठपटिपन्नस्स निस्सगियन्ति वा सम्बन्धो । तेनेव वासाधिप्पायस्स पटिप्पस्सद्दगमनुस्साहत्ता “अण्णटिपन्नो”ति सङ्ख्यं गतस्स अनापत्तीति सिद्धा । इमस्मिं अत्थविकप्पे हि भिक्खुनो पनेव एळकलोमानि उप्पज्जेय्युं...पे०... असन्तेपि हारके अट्ठानं मगगण्ठपटिपन्नस्स निस्सगियं पाचित्तियन्ति योजना वेदितब्बा । **आकङ्खमानेन भिक्खुना पटिगगहेतब्बानी**ति अत्तनो सन्तकानंयेव तियोजनातिक्कमे आपत्तिं दस्सेति । तेन अनाकङ्खमानेन परसन्तकानि पटिगगहितानि अतिरेकतियोजनं हरन्तस्स अनापत्तिं सिद्धा । अयमत्थो “भिक्खुनो उप्पज्जेय्यु”न्ति इमिना, “अच्छिन्नं पटिलभित्वा”ति इमिना च दीपितोव होतीति । **पोराणगण्ठपदे** च “अञ्जं भिक्खुं हरापेत्तो गच्छति चे, द्विन्नं अनापत्तीति वुत्तं, तस्मा द्वे भिक्खू तियोजनपरमं पत्वा अञ्जमञ्जस्स भण्डं परिवत्तेत्वा चे हरन्ति, अनापत्तीति सिद्धं, तेनेव **अनापत्तिवारे** “अञ्जं हरापेती”ति वुत्तं । किं हरापेति? जानन्तं अजानन्तं । किञ्चेत्थ यदि जानन्तं, “अञ्जो हरिस्सतीति ठपेति, तेन हरितोपि आपत्तियेवा”ति एकंसतो न वत्तब्बं । जानन्तोपि हि एकच्चो हरतीति । ततो अट्ठकथाय विरुज्झति । अथ अजानन्तं, “अञ्जस्स याने वा भण्डे वा अजानन्तस्स पक्खिपित्वा तियोजनं अतिक्कामेति, निस्सगियानी”ति **पाळिया** विरुज्झति, अथ उभोपि एकतो एकं भण्डं हरापेन्ति, तम्पि निस्सगियं सिया । अनिस्सगियन्ति युत्तिया विरुज्झति “तियोजनपरमं सहत्था हरितब्बानि असन्ते हारके”ति अविसेसेन च **पाळि** वुत्ता । हारकोपि सचेतनो अचेतनोति दुविधो । सचेतनोपि एळकलोमभावं वा “अहमिदं हरामी”ति वा “मं एस इदं हरापेती”ति वा जाननाजाननवसेन दुविधो होति । तत्थ अचेतनो नाम हारको नदीसोतो वा नावा वा अस्सामिकयानं वा होति ।

सचेतनो पाकटोव । तत्थ “मं एस इदं हरापेती”ति एतकं जानन्तं मनुस्सं वा तिरच्छानगतं वा अज्जं हरापेति, अनापत्तीति **अनुगण्ठपदनयो** । अयं पाळिया, अट्टकथाय च एकरसो विनिच्छयो, “असन्ते हारके”ति किञ्चापि इदं अविसेसतो वुत्तं, “अज्जस्स याने वा भण्डे वा अजानन्तस्सा”ति वचनतो पन सचेतनोव हारको तत्थ अधिप्पेतोति पज्जायति, सो च एळकलोमभावज्ज “इदं हरामी”ति च जानन्तो नाधिप्पेतो । तेन वुत्तं “अज्जो हरिस्सतीति ठपेति, तेन हरितेपि आपत्तियेवा”तिआदि । तत्थ हेतुकत्तुनो अभावतोव । **पाळियज्झि** “अज्जं हरापेती”ति हेतुकत्तुवसेन वुत्ता । इतरे द्वे जानन्ता इध सम्भवन्ति । “अजानन्तस्स पक्खिपित्वा”ति **पाळियं** “एस हरापेती”ति वा “इदं ठानं अतिक्कमापेती”ति वा जानन्तस्स याने वा भण्डे वा पक्खिपित्वा तियोजनं अतिक्कमापेति, न निस्सग्गिया होन्तीति दीपेति ।

“हरापेती”ति इदं हेतुकत्तुवचनतं साधेति, तस्मा **अट्टकथायं** “सामिकस्स अजानन्तस्सेवा”ति इदं “मं एस हरापेती”ति एवं अजानन्तं सन्धाय वुत्तं । “सारेति चोदेति अनुबन्धापेती”ति इदं “मं एस इदं ठानं अतिक्कमापेती”ति एवं जानन्तं सन्धाय वुत्तं । अजानन्तोपि सारणादीहि ठितट्ठानं नातिक्कमति, न वा अनुबन्धति । अथ सारणादीहि अनतिक्कमित्वा अत्तनो रुचिया अतिक्कमति आपत्ति एव भिक्खुनो हेतुकत्तुभावासम्भवतो ।

इदानी यथाठितट्ठानतो पट्टाय वक्खाम, “असन्तेपि हारके”ति हारकालाभपच्चयापि सयं हरणतो निस्सग्गियमेव, पगेव सति हारकेति अयमेको अत्थो । अवधारणत्थं अपि-सद्वं गहेत्वा असन्ते एव हारके निस्सग्गियं, सति पन हारके न तेन हरापेन्तस्स निस्सग्गियन्ति अयं दुतियो अत्थो । “सङ्गतो वा...पे०... अत्तनो वा धनेना”ति इमिना किञ्चापि अचित्तकमिदं सिक्खापदं, सङ्गादितो पन अत्तना आकङ्खमानेन पटिग्गहितस्सेव एळकलोमस्स तियोजनातिक्कमे आपत्ति, न अजानतो अप्पटिग्गहितस्स चीवरादीसु कुतोचि लग्गस्स अतिक्कमनेति दीपेति । **अनुगण्ठपदे** पन “कम्बलस्स उपरि निपज्जित्वा गच्छन्तस्स सचे एकम्पि लोमं चीवरे लग्गं होति, आपत्ति एव कम्बलतो विजटितत्ता”ति वुत्तं, तं कम्बलस्स पटिग्गहितत्ता अत्तनो इच्छाय पटिग्गहितमेव होतीति युत्तं । यस्मा “अनापत्ति कतभण्डे”ति वुत्तं, तस्मा तं अनेकम्पि कतभण्डट्ठानियमेव होति । तज्झि अनेन पटिग्गहितं, न लोमं । अथ लोमम्पि अग्गहितमेव होति, कतभण्डं दुप्परिहारियलोमविनिब्भोगकतभण्डो नियमो । एवं सन्ते अकतभण्डे तिकपाचित्तियं, कतभण्डे तिकदुक्कटज्ज नयतो दस्सेतब्बं भवेय्य, अज्जथा तिकस्स दस्सितत्ता । **सउस्साहन्ता**ति अप्पटिप्पस्सद्भगमनत्ता । **अचित्तकत्ता** चाति भिक्खुनो उस्साहानुरूपं लोमानं तियोजनातिक्कमनतो विनापि पयोगचित्तेन हरणचित्तेन आपज्जति एवाति अधिप्पायो । **सा अनापत्ति पाळिया न समेती**ति अन्तो पन पयोगेन तियोजनपरमं अतिक्कमितत्ता अनापत्ति । “तियोजनं हरती”ति इमिना तियोजनं पदसा नेतुकामोपि अन्तोतियोजने पदे पदे दुक्कटं नापज्जतीति दस्सेति, तं युत्तं “तियोजनं वासाधिप्पायो गन्त्वा ततो परं हरती”ति वचनस्सत्थिताया”ति वुत्तं । पुनपि वुत्तं “**अज्जं हरापेती**ति ‘इदं हरिस्सामी’ति सउस्साहमेव अज्जं हरापेतीति अत्थो । इतरथा गच्छन्तस्स सीसे ठपेसि, तस्मिं अजानन्तेपि अनापत्ति सिया”ति । सचे पन “अगच्छन्ते याने वा”तिआदिना नयेन वुत्तत्ता हरणादीहि जनिउस्साहानं हत्थिआदीनं ‘इदं करिस्सामा’ति वा ‘हरिस्सामा’ति वा आभोगे जनिते एव अनापत्ति, न अजनितेति **उपतिस्सत्थेरो** आहा”ति च वुत्तं । **परिवत्तेत्वा ठपितेति** द्विन्नम्पि बहि निक्खिपितत्ताति **उपतिस्सत्थेरो** । बहिसीमाय ठपितं भण्डिकं अन्तो अन्तोसीमायं ठपितं बहि करोतो अनापत्तीति केचि, न सुन्दरं विय ।

**५७५. पटिलभित्वा हरती**ति पठमतियोजनतो परं हरति, न दुतियादितोति अत्थो । कतभण्डे उप्पन्नोकासाभावा अनापत्ति ।

एळकलोमसिक्खापदवण्णना निट्ठिता ।

### ७. एळकलोमधोवापनसिक्खापदवण्णना

**५८१.** किञ्चापि **पुराणचीवरधोवनसिक्खापदे** चीवरं ठपेत्वा “अज्जं परिक्खारं धोवापेती”ति (पारा० ५०७) अनापत्तिवारे वुत्तं । इमस्स पन सिक्खापदस्स उप्पन्नकालतो पट्टाय एळकलोमधोवापनादिना आपत्तीति एके । सा वा अनापत्ति मूलापत्तितो एव, न इमम्हाति एके । एळकलोमानं अपरिक्खारत्ता भट्ठं अग्गहणमेवाति एके । इमस्स अन्तिमनयस्स अत्थप्पकासनत्थं इदं पज्हाकम्मं —

“धोवापेती”ति इदं रजापनविजटापनगहणेन निष्पदेसवाचिपदं, उदाहु अगहणेन सप्पदेसवाचिपदं। किञ्चेत्थ यदि निष्पदेसवाचिपदं, सब्बत्थ इदमेव वत्तब्बं, न इतरानि। अथ सप्पदेसवाचिपदं, “अवुत्ता धोवति, अपरिभुत्तं धोवापेती”ति एत्थ विरोधो। “अवुत्ता रजति विजटेति, निस्सगिय”न्ति अनिट्ठप्पसङ्गतोति? देसनाविलासमत्तं भगवतो वचनं, कत्थचि तिकपदवचनं, कत्थचि एकपदवचनं, निष्पदेसपदमेव ते वदन्तीति। सचे “कतभण्डं धोवापेती”ति एत्थ पटिविरोधो, “कतभण्डं विजटापेति, अनापत्ती”ति अनिट्ठप्पसङ्गतो अनापत्ति एवाति चे? न, अकतभण्डस्स सुद्धलोमस्स विजटापनं इतो वा दातब्बं। उदकादिधोवनवसेन पिण्डेत्वा ठितानं विजटापनं लब्धतीति चे? पुराणसन्थतस्स विजटापने अनापत्तिया भवितब्बं, न च तं युत्तं “अपरिभुत्तं धोवापेती”ति वचनतो। तेन परिभुत्तं धोवापेति रजापेति विजटापेति, निस्सगियमेवाति सिद्धं होति, तज्ज परिभुत्तं नाम कतभण्डमेव होति। न हि सक्का एळकलोमानि परिभुज्जितुं, अज्जथा “परिभुत्तं धोवापेती”ति वचनं निरत्थकं होति। न हि एत्थ “पुराणानि एळकलोमानि धोवापेय्य वा”ति वचनं अत्थि पुराणचीवरसिक्खापदे विय। तत्थ आदिन्नकप्पवसेन, इध तं लिखितं। लेखदोसोति चे? न, विसेसहेतुनो अभावा, **पुराणचीवरसिक्खापदे** अपरिभुत्तं कतभण्डं नाम, “कम्बलकोजवसन्थतादि”न्ति वचनतो च। किञ्चापि इमिना सद्देन अयमत्थो सिद्धो, “धोवापेती”ति इदं पन सिया निष्पदेसं। सिया सप्पदेसं। तज्जि “अवुत्ता धोवती”ति आदीसु निष्पदेसं। “कतभण्डं धोवापेती”ति एत्थ सप्पदेसं। “अकतभण्डं धोवापेति रजापेति, अनापत्ती”ति “विजटापेति, अनापत्ती”ति वचनप्पमाणतो अनापत्ति एवाति चे? न, वचनप्पमाणतो एव आपत्तीति आपज्जनतो। “अपरिभुत्तं धोवापेती”ति वचनमेव हि तं अपरिभुत्तं सन्थतं विजटापेन्तस्स अनापत्तीति दीपेति चे? सिद्धं परिभुत्तं विजटापेन्तस्स आपत्ति एवाति।

एळकलोमधोवापनसिक्खापदवण्णना निट्ठिता।

## ८. रूपियसिक्खापदवण्णना

**५८३-४. सब्बम्पीति** तिविधम्पि। “मुत्ता मणि वेळुरियो सङ्घो”ति आदि पन किञ्चापि **राजसिक्खापदे** ‘न वट्ठती’ति पसङ्गतो वुत्तं, सरूपतो पन आपत्तिदस्सनवसेन सकट्टानेपि वत्तुमारुद्ध”न्ति वुत्तं। कथमेतं? मुत्तादीनं सकट्टानं जातं, न हि तानि इध पाळियं दिस्सन्तीति इमस्स अट्ठकथायं वुत्तानि, राजसिक्खापदस्सपि अट्ठकथायं वुत्तानीति। न केवलं हिरज्जसुवण्णमेव, अज्जम्पि खेत्तवत्थादिकं “अकप्पियं न सम्पटिच्छित्तब्ब”न्ति सामज्जेन, न सरूपतो। **पाळियं** पन सरूपतो “चीवरचेतापन्नं नाम हिरज्जं वा सुवण्णं वा मुत्ता वा मणि वा”ति एत्तकमेव वुत्तं, तस्मा राजसिक्खापदमेवस्स सकट्टानं। मुत्तामणिगहणेन चेत्थ तज्जातियगहणं सिद्धमेवाति नागतो इमस्स पठममेव पज्जत्तता। यदि एवं इध अनागतत्ता कतरं नेसं सकट्टानन्ति? इदमेव अत्थतो, नो सरूपतो।

कथं? एतानि हि **रतनसिक्खापदे** निस्सगियवत्थूनि, दुक्कटवत्थूनि च एकतो “रतन”न्ति आगतानि, “रतनसम्मत्”न्ति कप्पियवत्थु आगतं। तेसु च दससु रतनेसु रजतजातरूपद्वयं इध निस्सगियवत्थु, अवसेसं दुक्कटवत्थूति सिद्धं। इध च सिद्धत्ता एव रतनसिक्खापदस्स अनापत्तिवारे “रतनसम्मत्तं विस्सासं गण्हाति, तावकालिकं गण्हाति, पंसुकूलसज्जिस्सा”ति वुत्तं, न रतनं वुत्तं। सत्तविधधज्जदासिदासखेत्तादि पन **ब्रह्मजालादिसुत्त**वसेन (दी० नि० १.१ आदयो) अकप्पियन्ति सिद्धं, तस्मा इध दुक्कटवत्थूति सिद्धं, तेनेव अनुयोगवत्ते “धम्मं जानाति, धम्मानुलोमं, विनयं, विनयानुलोमं जानाती”ति (परि० ४४२) वुत्तं। तथा आमकमंसम्पि दुक्कटवत्थुं आपज्जतीति? न, इध विनये अनुज्जातत्ता “अनुजानामि, भिक्खवे, अमनुस्सिकाबाधे आमकमंस”न्ति आदिना (महाव० २६४), तस्मा न आमकमंसं सुत्ते आगतम्पि दुक्कटवत्थु होति, तथापि अत्तनो परिभोगत्थाय पटिगहणे दुक्कटमेवाति नो तक्कोति आचरियो। “इध निक्खिपाही”ति वुत्ते उपनिक्खित्तसादियनमेव होती”ति वदन्ति। “अकप्पियविचारणा एव न वट्ठतीति चे? **कप्पियज्ज अकप्पियज्ज निस्साय ठितन्ति** एत्थ तं सयं अपरिभोगारहं हुत्वा तदग्घनकं कप्पियभण्डं परिभोगारहं हुत्वा ठितन्ति अत्थो”ति लिखितं, “पंसुकूलभावेन ठितत्ता, गुत्तट्टानाचिक्खनस्स कप्पियत्ता च कप्पियं निस्साय ठितं। “इदं गण्हा”ति आदिना वदन्तस्स अकप्पियत्ता अकप्पियं निस्साय ठित”न्ति च। **एवम्पि कप्पियज्ज अकप्पियज्जाति** “इमस्मिं ओकासे ठपितं, किं न पस्ससीति छेकतरे इमेव कहापणे”ति आदिवचनस्स कप्पियत्ता कप्पियं निस्साय ठितं। “इदं गण्हा”ति वुत्ते दुब्बिचारितत्ता अत्तनो अकप्पियत्ता ततो आगतं अकप्पियं निस्साय ठितमेव होति। “इदं गण्हा”ति वुत्ते तेन गहिते ‘उग्गण्हापेय्य



वा'ति वृत्तविधिं न पापुणाति, केवलं दुब्बिचारितत्ता तस्सेव तं अकप्पियं होति, मूलपटिगहणस्स सुद्धत्ता परतो पत्तचतुक्के ततियपत्तो वियाति च एवं उपतिस्सत्थेरो वदती'ति अनुगण्ठपदे वुत्तं । किं बहुना, विसुद्धागमत्ता कप्पियं । दुब्बिचारणाय सति अकप्पियं निस्साय ठितं होतीति नो तक्कोति आचरियो । “एवं सङ्खगणादीनम्पि अत्थाय परिच्चत्तेपि तेन समानगतिकत्ता ठपेत्वा आपत्तिविसेस'न्ति वुत्तं ।

न किञ्चि कप्पियभण्डं चेतापितन्ति चेतापितञ्चे, उपायाभावं दस्सेति । “उपनिक्खेपं ठपेत्वा'ति सचे सो उपासको 'अतिबहुं एतं हिरञ्जं, इदं भन्ते अज्जेव न विनासेतब्ब'न्ति वत्त्वा सयं उपनिक्खेपदेसे ठपेति, अज्जेन वा ठपापेति, एतं उपनिक्खेपं ठपेत्वा ततो लद्धं उदयं परिभुज्जन्तो सङ्खो पच्चये परिभुज्जति नामा'ति वुत्तं ।

५८५. अयं किर इत्थंलक्खणसम्पन्नो उक्कंसतो । एवं अङ्गसम्पन्नोपि अपरभागे लोभवसेन वा अज्जेन वा कारणेन सचे निमित्तं कत्वा पातेति, आपत्ति दुक्कटस्स । सेनासनम्पि परिभोगे परिभोगेति पवेसे पवेसे । सो हि कारणन्तरेन रुक्खमूलिकस्स, अब्भोकासिकस्सपि वट्टति एव, ठाननिसज्जादिवसेन निवासाधिप्पाये सति परिभोगे परिभोगे पच्चवेक्खितब्बं । भेसज्जस्स सतिपच्चयता सब्बकालम्पीति एके । असन्निहितस्स पच्छाभत्तमेव, सन्निहितस्स पुरेभत्तम्पीति नो तक्कोति आचरियो । “यामकालिकं सत्ताहकालिकं यावजीविकं आहारत्थाय...पे०... पटिगण्हाति, आपत्ति दुक्कटस्स । अज्झोहारे अज्झोहारे आपत्ति दुक्कटस्सा'ति (पाचि० २४४) हि वुत्तं । दुक्कटज्झि विकालभोजनसिक्खापदे आगतं विकाले आपज्जति, नो काले आहारकालत्ता, सन्निधिसिक्खापदे आगतं पन कालेपि सन्निधिजातत्ता, तेनेव तत्थ सत्ताहकालिकयावजीविकद्वयमेव वुत्तन्ति । “सति पच्चये'ति वचनतो नायं विसेसो लब्धतीति चे? न, अनिट्ठप्पसङ्गतो, वचनानियमतो च । सन्निधिसिक्खापदे हि “अनापत्ति यावकालिकं यावकालं निदहित्वा भुज्जति । यामकालिकं यामे निदहित्वा भुज्जती'ति (पाचि० २५६) एत्थ वचनप्पमाणतो यामकालिकं न पुरेभत्ते, न पच्छाभत्ते, न दिवसे, न रत्तियं याममेव निदहित्वा भुज्जन्तस्स अनापत्तीति अनिट्ठप्पसङ्गतो । तथा तत्थेव “यामकालिकं यामं निदहित्वा भुज्जति, सत्ताहकालिकं सत्ताहं निदहित्वा भुज्जती'ति एत्तकमेव वुत्तं, न वुत्तं “सति पच्चये'ति, तस्मा सतिपच्चय-वचनं कत्थचि होति, कत्थचि न होतीति वचनानियमतो आपत्तियापि अनियमो सिया । एवं सन्तेपि यथावुत्तदुक्कटं आपज्जति एव । न अनाहारप्पयोजनत्ता यामकालिकादीनन्ति चे? न, सप्पिआदिमिस्सभोजनस्स पणीतभोजनभावप्पत्तितो । अपिच सब्बकालिकेसु यावकालिकं ओळारिकं, तं आहारत्थाय पटिगण्हन्तस्स काले अनापत्ति, पगेव अनोळारिकं यामकालिकादिं, आहारत्थाय एव अनुज्जातत्ता । यावकालिके एव अनापत्तीति चे? न, अनाहारत्थाय गण्हन्तस्स आपत्तिसम्भवतो इतरं आहारत्थाय गण्हन्तस्स विय, तस्मा यथावुत्तमेवेत्थ सन्निट्ठानं पाळिं, युत्तिञ्च अनुलोमेतीति ।

देसनासुद्धीति एत्थ देसना नाम विनयकम्मं, तेन वुट्ठानम्पि देसना एव नाम होतीति । “पटिगण्हाती'ति अवत्त्वा “पटिसेवती'ति वुत्तत्ता पटिगहणे पन सतिं अक्त्वा परिभोगे करोन्तस्स अनापत्ति । खीणासवा कतकिच्चत्ता विभत्तदायादा विय होन्ति, तेन तेसं सामिपरिभोगा होन्ति । अज्जथा यावकालिकभावं अनतिक्कन्तत्ता विरुज्झति । इणपरिभोगो न वट्टति, भेसज्जे आपत्तितो, इतरस्मिं अयुत्तपरिभोगतो, इणं विय अननुज्जातभुत्तत्ता च । “आदितो पट्टाय हि अलज्जी नाम नत्थि, तस्मा न कोचि सङ्कितब्बो'ति लिखितं । भारभूता सद्धिविहारिकादयो । यथादानमेव गहितत्ताति एत्थ “अत्तनो हत्थेन चे देति, न वट्टती'ति वुत्तं, “अतिरेकभागं गहेत्वा पुनदिवसे अत्तनो अत्थाय उद्धटभागं तत्थेव दापेति, वट्टती'ति च । परिवत्तकं देति, धम्मियञ्चे, वट्टति । नो अधम्मियं । “तं धम्मानुगहेन उग्गण्हितुं वट्टती'ति वुत्तं । केन लेसेनाति चे? “अलब्भमानाय सामगिया अनापत्ति सम्भोगे संवासे'ति (महाव० १३०) इमिना उपसम्पदक्खन्धकवचनलेसेन ।

५८६. अस्सतिया दिन्नन्ति एत्थ “अस्सतिया दिन्नं नाम अपरिच्चत्तं होति, तस्मा दुस्सन्ते बद्धकहापणादीनि सतिं पटिलभित्वा दायका चे पुन गण्हन्ति, निस्सगियमेव देसेतब्बं । तेन अकप्पियभण्डेन ते चे दायका सप्पिआदीनि किणित्वा सङ्खस्स देन्ति, तस्सपि भिक्खुनो कप्पति दायकानंयेव सन्तकत्ता । भिक्खुना हि ‘वत्थं गण्हामी'ति वत्थसज्जाय एव गहितं, न रूपियसज्जाय । इदञ्च सिक्खापदं अत्तनो अत्थाय उग्गहणं सन्थाय वुत्तं, न च तेन तं अत्तनो अत्थाय परेसं वा अत्थाय गहितं । अथ

ते दायका नो चे आगन्त्वा गणहन्ति, दायके पुच्छित्वा अत्तनो अत्थाय चे परिच्चत्तं, सङ्गे निस्सज्जित्वा आपत्ति देसेतब्बा । नो चे, आपत्ति एव देसेतब्बा”ति वुत्तं, तं पुब्बापरविरुद्धं । आपत्तिदेसनाय हि सति रूपियं पटिग्गहितन्ति सिद्धं, तस्मिं सिद्धे “ततो उप्पन्नं तस्सपि कप्पती”ति इदं न युज्जतीति । कप्पति एवाति चे? न, वत्थुं अनिस्सज्जित्वा आपत्ति देसेतब्बाति न युज्जति । अचित्तकत्ता सिक्खापदस्स युज्जतीति चे? न, सब्बत्थ “रूपियं पटिग्गणहाती”ति वचनतो । “रूपियं पटिग्गणहाती”ति हि वुत्तं, अज्जथा सब्बत्थ “रूपिय”न्ति पदं निरत्थकं होति विनापि तेन तदत्थसिद्धितो । अनेन च वत्थं पटिग्गहितं, दायकेन च वत्थमेव दिन्नं, वत्थगतम्पि रूपियं थेय्यचित्तेन गणहन्तो पदवारेन कारेतब्बो । **अट्टकथायञ्च** “रूपिये अरूपियसज्जीति सुवण्णादीसु खरपत्तादिसज्जी”ति वुत्तं “रूपियं पटिग्गणहाती”ति वचनवसेन ।

“**अपिच पुज्जकामा**”तिआदि पन विधानन्तरदस्सनत्थं वुत्तं, तेनेव हि “इमस्मिं गेहे इदं लद्धन्ति सल्लक्खेतब्बं”न्ति वुत्तं । अज्जथा सल्लक्खणे विमतवसेन, विमतिया च सति निस्सग्गियमेव “रूपिये वेमतिको”तिआदि वचनतोति । इदं विधानं निरत्थकमेव आपज्जति, न च निरत्थकं । कस्मा? दुस्सन्ते बद्धकहापणादि अस्सतिया दिन्नं वत्थसज्जाय पटिग्गहितञ्च, ततो न रूपियं दिन्नञ्च होति पटिग्गहितञ्चाति । एत्थ आपत्तिदेसनाकिच्चं नत्थि, तं पन दायकानमेव पटिदातब्बं । ततो उप्पन्नं कप्पियभण्डञ्च सब्बेसं कप्पतीति इमस्स विधानन्तरदस्सनत्थं “अपिच पुज्जकामा”तिआदीति नो तक्कोति आचरियो ।

रूपियसिक्खापदवण्णना निट्ठिता ।

## ९. रूपियसंवोहारसिक्खापदवण्णना

५८७. “**जातरूपरजतपरिवत्तन**”न्ति उक्कट्टुपरिच्छेदेन वुत्तं, तथा “रूपियं नाम सत्थुवण्णो कहापणो”तिआदि पाळिवचनञ्च । “अरूपिये रूपियसज्जी रूपियं चेतापेती”तिआदि तिकवचनतो, “दुक्कटवत्थुना पन निस्सग्गियवत्थुं चेतापेत्तस्स...पे०... निस्सग्गियं पाचित्तियं गरुक्स्स चेतापितत्ता”ति अट्टकथावचनतो च पन अनुक्कट्टुपरिच्छेदोपेत्य लब्धतीति सिद्धं । सत्थुवण्णो च कहापणो च ततो ये चज्जे वोहारं गच्छन्तीति एवमेत्थ समुच्चयो वेदितब्बो । इमस्मिं पन सिक्खापदे “नानप्पकारकं नाम कतम्पि अकतम्पि कताकतम्पी”ति एत्थ विभत्तानं तिण्णं रूपियारूपियानञ्च द्विन्नं वसेन पञ्च तिका वुत्ता, अट्टकथाचरियोहि तदनुलोमतो एको तिको दस्सितोति सब्बे छ होन्ति ।

एत्थाह — अज्जस्मिं सिक्खापदे एकस्मिं तिकच्छेदे दस्सिते सतिपि सम्भवे इतरे न दस्सीयन्ति, इधेव कस्मा दस्सितोति? “नानप्पकारक”न्ति **मातिकायं** वुत्तत्ता इधेव नानप्पकारभावदस्सनत्थन्ति । न कयविकयसिक्खापदेपि वत्तब्बप्पसङ्गतोति चे? न, इध दस्सितनयत्ता । अथ च रूपियस्स **विभङ्गे** “ये वोहारं गच्छन्ती”ति अन्ते वुत्तत्ता सत्थुवण्णादयो वळ्ळज्जनुपगा एवाति सिद्धं । ततो अवळ्ळज्जनुपगेहि जातरूपरजतेहि वोहारेन न निस्सग्गियन्ति आपज्जति, तस्मा तं आपज्जनत्थन्ति दस्सेन्तेन “कतेन कतं चेतापेती”तिआदयो तिका वुत्ताति, एवं सन्ते **रूपियविभङ्गे** “ये च वोहारं गच्छन्ती”ति न वत्तब्बं, तस्मिं पदे अवुत्ते अवळ्ळज्जनुपगापि सङ्गहं गताव होन्तीति कतादीहि तिकत्तयस्स वत्तब्बपयोजनं न भविस्सतीति चे? न, कप्पियभण्डेन कप्पियभण्डपवत्तनस्सापि रूपियसंवोहारभावप्पसङ्गतो । “ये वोहारं गच्छन्ती”ति वचनेनपि कमुक कथल कंसभाजन साटकादिपरिवत्तनस्सपि रूपियसंवोहारभावप्पसङ्गो एवाति चे? न, कतादिवचनेन जातरूपादिकप्पियवत्थूनज्जेव अधिप्पेतभावदीपनतो, तस्मा उभयेनपि यदेतं कताकतादिभेदं पाकतिकरूपियं यज्ज कहापणमासकसङ्केपं, यज्ज कहापणादिवोहाररूपगं, उभयम्पेत इध च अनन्तरातीतसिक्खापदे च रूपियं नामाति अधिप्पेतत्थसिद्धि होति, न तण्डुलादीनि, तत्थ कतादिवोहारासम्भवतो । एत्तावता कतादितिकत्तयप्पयोजनं वुत्तं ।

इदानीं सेसत्तिकानि वुच्चति — एत्थ हि यथावुत्तप्पभेदं निस्सग्गियवत्थु रूपियं नाम, सेसं दुक्कटवत्थुपि कप्पियवत्थुपि न रूपियन्ति अरूपियं नाम होतीति कत्वा “अरूपिये अरूपियसज्जी पञ्चन्नं सहधम्मिकानं अनापत्ती”ति इदं न एकंसिकं आपज्जति दुक्कटवत्थुमिह दुक्कटापज्जनतो । इध वचनप्पमाणतो निस्सग्गियवत्थुतो अज्जं अन्तमसो मुत्तादिपि अरूपियमेव नाम । तत्थ

पञ्चन्नं सहधम्मिकानं अनापत्तीति चे? न, राजसिक्खापदविरोधतो। तत्थ हि “मुत्ता वा मणि वा”ति वुत्तं, तस्मा मुत्तादि अकप्पियं दुक्कटवत्थूति च सिद्धं निस्सगियवत्थूसु अभावा। एवं सन्ते “अरूपिये अरूपियसज्जी पञ्चन्नं सहधम्मिकानं अनापत्ती”ति सुद्धकप्पियभण्डं सन्धाय वुत्तं, न सब्बं अरूपियं। ततो अज्जत्थ पन “अरूपिये रूपियसज्जी”तिआदितिकदुक्कटे च **अट्टकथायं** दस्सिततिके च सब्बं अरूपियं नामाति वेदितब्बं, तस्मा अरूपियभावदीपनत्थं दुतियो तिको वुत्तो। तदत्थमेव **अट्टकथायं** दस्सितो एको तिको। कस्मा न **पाळियं** सो वुत्तोति चे? तत्थ चेतापितअरूपिये रूपियछड्डुनकसम्मूतिकिच्चाभावतो। तस्मिज्जि तिके वुत्ते कप्पियवत्थुनोपि अरूपियछड्डुनकसम्मूति दातब्बाति आपज्जति, तस्स वसेन रूपियछड्डुनकसम्मूति एव न वत्तब्बाति? न, रूपियस्सपि सम्मूतिकिच्चाभावप्पसङ्गतो, तस्मा रूपिये रूपियसज्जी कप्पियवत्थुं चेतापेति पत्तचतुक्के ततियपत्तं विय, तं सङ्गादीनं निस्सज्जितब्बं, निस्सट्ठं पन अज्जेसं कप्पति ततियपत्तो विय। अथ सम्पटिच्छितरूपियेन चेतापितं होति दुतियपत्तो विय, तं विनापि सम्मूतिया यो कोचि भिक्खु छट्ठेति, वट्ठति। ततो परं “सचे तत्थ आगच्छति आरामिको वा”तिआदिना वुत्तनयेनेव पटिपज्जितब्बं। तत्थ “रूपिये”ति वा “अरूपिये”ति वा सब्बत्थ भुम्मप्पत्ते अत्तनो सन्तकं, उपयोगप्पत्ते परसन्तकन्ति वेदितब्बं। एत्थाह — **उपतिस्सत्थेरो** पुरिमसिक्खापदेन रूपियपटिग्गहणं वारितं, इमिना सुद्धागमेन कप्पियकारकस्स हत्थे कप्पियं निस्साय ठितेन संवोहारो वारितोति।

**५८९. निस्सगियवत्थुना निस्सगियवत्थुं...पे०... अपरापरपरिवत्तने इमिनाति** एत्थ एकस्मिं एव वत्थुस्मिं द्विन्नं सिक्खापदानं वसेन एकतो आपत्ति वुत्ता, तं पन पच्छिमस्स वसेन निस्सज्जितब्बं। एतेन निस्सगियं आपन्नम्पि आपज्जतीति एके। परस्स रूपियग्गहणं परिवत्तनन्ति रूपिये अग्गहिते तस्स अभावतो इमिनाव आपत्ति, न पुरिमेन ओमसवादो विय। मुसावादेन मुसा वदन्तस्सापि हि ओमसवादेनेव आपत्ति। **निस्सगियवत्थुना दुक्कट...पे०... एसेव नयोति** एतस्स युत्तिं दस्सेन्तो “यो हि अय”न्ति आह।

**वड्ढि पयोजेन्तस्साति** एत्थ इदं गहेत्वा सति मासे, सति संवच्छरे “एत्तकं देही”ति चे वदति। रूपियसंवोहारो होति। विना कप्पियकारकेन “एत्तका वुड्ढि होतु, एत्तकं गण्हा”ति वदतो दुक्कटं कयविककयलक्खणाभावतो। “**मूले मूलसामिकान**”न्तिआदि कप्पियकरणूपायदस्सनत्थं वुत्तं, न केवलं निस्सट्ठं अपरिभोगं होति, पुन एवं कते परिभुज्जितुं वट्ठति। तस्सपि परिभोगे मूलस्स कप्पियकरणूपायो चे न होति, कप्पियं आचिक्खितब्बन्ति यथा पाळिया चेत्थ कप्पियकरणूपायो, सो च ततियपत्तेपि, “यथा च अत्तनो अत्थाय गहिते एवरूपुपायो, तथा सङ्गादिअत्थाय गहितेपि एसो वा”ति वुत्तं। इमे किर पठमदुतियपत्ते याव गहट्टेन परिवत्तेति, ताव न कप्पियकरणूपायो, अनेकपुरिसयुग्मि “अकप्पिया एवा”ति **अट्टकथायं** वुत्तं। **अनुगणितपदे** पन “सङ्गसन्तकं कप्पियभण्डं विक्किणित्वा आगतकहापणानिपि पटिग्गहणं मोचेत्वाव सम्पटिच्छितब्बानि, तस्मा कप्पियकारको चे इमानि तानि कहापणानीति वदति, न वट्ठतियेव, पटिक्खितपितब्बं, न विचारेतब्बं, विचारेति चे? सब्बेसं न कप्पति। पटिग्गहणं मोचेत्वा सम्पटिच्छितानि चे विचारेति, तस्सेव न वट्ठती”ति अभिक्खणं वुत्तं।

रूपियसंवोहारसिक्खापदवण्णना निट्ठिता।

## १०. कयविककयसिक्खापदवण्णना

**५९३. पटपिलोतिकानन्ति** पटपिलोतिकेहि। “अज्झाचरति, आपत्ति दुक्कटस्सा”ति इदं पुरिमसिक्खापदेपि वेदितब्बं। “कयितज्ज्य होति विक्कयितज्ज्या”ति एतेसं पदानं विपरीततो “अत्तनो भण्ड”न्तिआदि वुत्तं। कस्मा? “इमिना इम”न्ति वचनानुरूपतो। सद्धादेय्यविनिपातनं पनेत्थ अट्टानपदानं वसेन वेदितब्बं।

कयविककयसिक्खापदवण्णना निट्ठिता।

निट्ठितो कोसियवग्गो दुतियो।

### ३. पत्तवग्गो

#### १. पत्तसिक्खापदवण्णना

५१८. बहू पत्ते सन्निचयन्ति एत्थ सन्निचयन्ति भावनपुंसकं, बहू पत्ते वा गहेत्वा सन्निचयं करिस्सन्तीति अत्थो।  
“अड्डुतेरसपलमासानं गाहिका”ति लिखितं। एत्थ —

“कुडुवो चतुपलेय्यो, कुडुवानं चतुग्गुणं।  
पत्थं चतुग्गुणो मासा-ति कमाहु चतुग्गुण”न्ति॥ —

आदिं लोकवोहारं दस्सेत्वाव केचि पपञ्चेन्ति।

६०२. खादनन्ति खादनीयं सूपादि। “व्यञ्जनस्स मत्ता नाम ओदनतो चतुत्थो भागो”ति (म० नि० अट्ठ० २.३८७)  
ब्रह्मायुसुत्तट्ठकथायं वुत्तत्ता आलोपस्स चतुत्थभागं व्यञ्जनं अनुरूपन्ति गहेतब्बं। “भिक्षुनि या पत्तसन्निचयस्स वारितत्ता तदनुलोमतो भिक्षूनम्पि दुतियो वारितो”ति वुत्तं, तं न युत्तं, पाळियञ्जि “सन्निचयं करेय्याति अनधिद्धितो अविकप्पितो”ति (पाचि० ७३५) वुत्तं। सो हि कथिनक्खन्धके (महाव० ३०६ आदयो) निचयसन्निधि विय एकोपि पुनदिवसे “सन्निचयो”ति वुच्चति। अनन्तरसिक्खापदे पन “दुतियो वारितोति अधिद्धानं नियतं, तस्मा द्वे पत्ते अधिद्धानं न लभति। सचे एकतो अधिद्धानं, द्वेपि न अधिद्धानं होन्ति। विसुं विसुं अधिद्धानं, दुतियो अनधिद्धितो”ति वदन्ति। विकप्पेतुं पन बहूपि लभति। इदानीं वत्तब्बं सन्धाय “नाममत्ते विसेसो”ति वुत्तं। तत्थ नामन्ति मज्झिमो मज्झिमोमको मज्झिमुक्कट्ठोतिआदि।

६०८. “पाकस्स हि ऊनत्ता पत्तसङ्ख्यं न गच्छती”ति वचनतो अधिद्धितपत्तोपि खरपाकेन सेतत्ता अधिद्धानं विजहतीति चे? न, अधिद्धानविजहनेसु नवसु अनागतत्ता, तस्मा पठमपाकानं एव ऊनत्ता पत्तसङ्ख्यं न गच्छति, तस्मिं सति अज्जं विज्जापेतुं न वट्ठति। “ऊनपञ्चबन्धनेना”ति हि वुत्तं। छिद्रे, राजिया वा हि सति तेहि अधिद्धानं विजहतीति विजहिते नायं पटिसेधो, तस्मा पच्चुद्धरित्वा, विकप्पेत्वापि अज्जं विज्जापेतुं न लभति।

एवं पत्तकारको मूलं लभित्वाति एत्थ पचित्वा ठपितदिवसतो पट्टाय। दातुकामो हुत्वाति एत्थ दिन्नदिवसतो, सुतदिवसतो वा पट्टाय दसाहं वेदितब्बं। लिङ्गपरिवत्तेन पन दसाहातिककमे पत्तसामिकस्स भिक्षुस्स, भिक्षुनि या पत्तातिककमे निस्सगियं।

पत्तसिक्खापदवण्णना निद्धिता।

#### २. ऊनपञ्चबन्धनसिक्खापदवण्णना

६१२-३. बहू पत्ते विज्जापेन्तीति एकमेकं विज्जापेन्ता बहू भिक्षू बहू पत्ते विज्जापेन्ति, बहू वा भिक्षू पत्ते विज्जापेन्तीति अत्थो। “न, भिक्षवे, पत्तो विज्जापेतब्बो, यो विज्जापेय्य, आपत्ति दुक्कटस्सा”ति इदं सिक्खापदं ऊनपञ्चबन्धनेन समूहतं होति न होतीति? न होति तमेव गहेत्वा “विज्जापेति, पयोगे दुक्कट”न्ति वुत्तत्ताति एके। पटिलाभम्पि परियादित्वा तं दुक्कटं वुत्तं, तस्मा तं “पटिलाभेन निस्सगियो होती”ति इमिना समूहतं होति। अज्जथा सदुक्कटं निस्सगियं आपज्जति अनापत्तिवारविरोधो च। या काचि पन अकतविज्जति अननुज्जातकाले दुक्कटमेव। भिन्नेनाति इत्थम्भूतलक्खणे, भेदेनाति वा अत्थो, हेत्वत्थे करणवचनं।

ऊनपञ्चबन्धनसिक्खापदवण्णना निद्धिता।

#### ३. भेसज्जसिक्खापदवण्णना

६२०. “सा अहोसि सुवण्णमाला”ति वचनतो ठपेत्वा सहधम्मिके अज्जेसं यथासुखं रूपियं दातुं वट्टति उग्गण्हापेतुं, सब्बोहारपेभुज्जाति आचरियो, वीमसितब्बं इद्धिमस्स इद्धिविसयत्ता ।

६२२. “येसं मंसं कप्पती”ति वचनेन येसं मंसं न कप्पति, तेसं सप्पिआदि किज्जापि न कप्पति, न पन निस्सगियवत्थूति वेदितब्बं । तथा न पणीतभोजनवत्थूति । **उग्गहितकं कत्वा निक्खित्तन्ति** अज्जोहरणत्थं निक्खित्तं । इतरज्जि पटिग्गहेत्वा अज्जोहरितुं वट्टति । **उभयेसम्पी**ति पच्छाभत्तं पटिग्गहितेहि, पुरेभत्तं पटिग्गहितेहि च कतानं । “मंसस्स अकप्पियत्ता”ति कारणपतिरूपकं वत्वा । **खादिसूति** “विकाले केवलं नवनीतमेव खादितुकामेन दधितक्कगतानि अपनेतब्बानि, पचितुकामस्स सामंपाकं न होतीति थेरस्स अधिप्पायो”ति वुत्तं । “खयं गमिस्सती”ति वचनतो खीरं पक्खिपित्वा पक्कसप्पि विकाले कप्पतीति सिद्धं । **भेसज्जेही**ति यावजीविकभेसज्जेहि । **कततेलं पुरेभत्तन्ति** अपचित्वा कतं एव । **उण्होदकेना**ति तापनभावं दीपेतीति केचि, तं न सुन्दरं । **निब्बट्टितत्ता**ति पिज्जाकादितो । “तेलत्थाय पटिग्गहित...पे... दुक्कटमेवा”ति वचनतो अतेलत्थाय पटिग्गहितेहि, सत्ताहातिवकन्तेहिपि कततेलं कतदिवसतो पट्टाय सत्ताहं वट्टतीति छाया दिस्सति, **करमन्दं** रुक्खसारोति केचि ।

६२३. अवसकसटे यस्मा खीरादीनि पक्खिपित्वा तेलं पचन्ति, तस्मा कसटं न वट्टति, तेलमेव वट्टति, तेन वुत्तं “पक्कतेलकसटे विय कुक्कुच्चायती”ति । वसाय सिद्धिं पक्कत्ता न वट्टतीति चे? वदथ, भन्ते, नवनीते दधिगुळिकातिआदिसम्बन्धो । मधुमि चत्तारो कालिका यथासम्भवं योजेतब्बा, उच्छुमि च, कथं? समक्खिकं सेळकं मधु यावकालिकं । अनेलकं उदकसम्भिन्नं यामकालिकं, असम्भिन्नं सत्ताहकालिकं, मधुसिद्धं परिसुद्धं यावजीविकं । तथा उच्छु वा रसो वा सकसटो यावकालिको, निक्कसटो उदकसम्भिन्नो यामकालिको, असम्भिन्नो सत्ताहकालिको, सुक्खकसटं यावजीविकन्ति वेदितब्बं । कस्मा? उदकसम्भेदविसेसतो ।

किं वुत्तं होति? चतूसु कालिकेसु पुब्बं पुब्बं गरुकं, अपरं अपरं लहुकं । तेसु चायं उदकसम्भेदो गरुकं लहुकं करोति, लहुकञ्च गरुकं । अम्बरसादीनि हि यावकालिकत्ता गरुकानि, उदकसम्भेदो पन तानि अम्बपानादिसमञ्जं दत्वा लहुकानि यामकालिकानि करोति । “फाणितं नाम उच्छुम्हा निब्बत्तन्ति उच्छुरसं उपादाया”ति अट्ठकथावचनतो उच्छुरसो सत्ताहकालिकोति सिद्धं । तत्थ “उदकसम्भेदो तं यामकालिकं करोती”तिआदिं बहुं वत्वा योजिता ।

अपिचेत्थ उच्छुरसो “अनुजानामि, भिक्खवे, उच्छुरस”न्ति (महाव० ३००) अनुज्जातत्ता गुळोदकं विय उच्छुरससामञ्जतो उदकेन असम्भिन्नोपि अगिलानस्स वट्टति, तेनेवाह **अट्ठकथायं** “उच्छुरसो निकसटो पच्छाभत्तं वट्टती”ति (महा० अट्ठ० ३००) । अयं सब्बो नो तक्कोति आचरियो । केचि पनाहु “फाणितं नाम उच्छुम्हा निब्बत्तन्ति वचनतो, ‘उच्छुरसं उपादाया’ति अट्ठकथावचनतो च उच्छुरसो फाणितमेव, तस्मा गुळे विय पटिपज्जितब्ब”न्ति । केचि “वुत्तनयेन सत्ताहकालिकोव समानो ‘अनुजानामि, भिक्खवे, उच्छुरस’न्ति विसुं अनुज्जातत्ता असम्भिन्नोपि अगिलानस्स वट्टती”ति वदन्ति । केचि “वुत्तनयेन विसुं अनुज्जातत्ता एव सम्भिन्नो वा असम्भिन्नो वा यामकालिकोव, गुळोदकं पन सत्ताहकालिकमेवा”ति वदन्ति । केचि “गुळोदकं विय सो दुविधोपि सत्ताहकालिकोयेवा”ति वदन्ति ।

तत्थायं पठमाचरियवादे विचारणा — फाणितानुमतियायेव उच्छुरसानुमतिया सिद्धितो विसुं “उच्छुरस”न्ति उद्धरित्वा अनुमति निरत्थिकाति आपज्जति, तथा “उच्छुरसो निकसटो पच्छाभत्तं वट्टती”ति अट्ठकथापि निरत्थिका । “सत्ताहं वट्टती”ति वत्तब्बं सियाति, न च तथा सक्का वत्तुं । पच्छाभत्तं वट्टनकरसाधिकारत्ताति चे? न, तस्मिं अधिकारे सत्ताहकालिकस्स अवत्तब्बप्पसङ्गतो । कालभेदं अनपेक्खित्वा रसाधिकारे ओतिण्णत्ता वुत्तोति चे? न सक्का “निकसटो सत्ताहं वट्टती”ति वत्तुं । पच्छाभत्तं वट्टनकरसाधिकारत्ता न वत्तब्बन्ति चे? न, एवज्जि वुत्ते तदज्जरसो विय अयम्पि पच्छाभत्तमेव वट्टति, न ततो परन्ति आपज्जति । ततो परं अपरिभोगत्ता “पच्छाभत्तं वट्टती”ति वुत्तन्ति चे? न, यावकालिकभावप्पसङ्गतो । न सो पसङ्गो आभिदोसिकस्सापि उच्छुरसस्स पाकेन फाणितादिभावप्पसङ्गतो । अयमेव ततियचतुत्थाचरियवादेसु विचारणा । दुतियवादे विचारणा वुत्ता, विमद्दो

पनेत्थ भेसज्जक्खन्धके (महाव० ३००) आवि भविस्सति । **फाणितं नाम उच्छुम्हा निब्बत्तन्ति** मधुकतालनाळिकेरफाणितादितो उक्कटवत्थुतो निस्सगियवत्थुफाणितस्स विसेसवचनं, तेनेतं पज्जायति “निस्सगियवत्थुभूतं इध फाणितं नाम उच्छुम्हा निब्बत्तमेव, न मधुकादितो निब्बत्तं”न्ति । एतावता यंकिञ्च उच्छुम्हा निब्बत्तं, न तं सब्बं फाणितमेव नामाति साधितं होति । तेनेव **खन्धके** फाणितं पठमं अनुजानित्वाव पच्छा उच्छुरसो अनुज्जातो, तथा तत्थेव गुळं, गुळोदकञ्च ।

**उच्छुरसं उपादाय अपक्का वाति**आदिमिह पन येसं लद्धि “उच्छुरसो यामकालिको”ति । “ते **अपक्का वाति** सामं भिक्खुना अपक्का वा । **अवत्थुकपक्का वाति** विना वत्थुना पक्का वा”ति अत्थं वण्णयन्ति, तं न युत्तं “उच्छुरसं उपादाया”ति इमस्स वचनस्स पयोजनाभावप्पसङ्गतो, भिक्खुनो पचनाधिकाराभावा । सामपाको इधाधिप्पेतोति चे? सामं अपक्कस्स उच्छुरसस्स तेसं अत्तनोमतिया फाणितभावसिद्धितो च परतो “पुरेभत्तं पटिग्गहितेन अपरिस्सावितउच्छुरसेन कतफाणितं”न्तिआदिनयदस्सनतो च तं अयुत्तं, तत्थ “अपरिस्सावितउच्छुरसेन सयंकतं निरामिसमेव वट्टती”ति वचनं यं तत्थ कसटं सामपाकं न जनेति, सवत्थुकपटिग्गहितकतयेव तं करोतीति दीपेति, तस्मा पटिग्गहेतुं न वट्टति विकालेति पोराणा । “कोट्टितउच्छुफाणितं ‘रजनपाकं विय ओळारिकं सवत्थुकपक्कं नाम होती’ति सज्जाय पुरेभत्तमेव वट्टती”ति वुत्तं । महाअट्ठकथाचरिया “एवं फाणितग्गहणं अमधुरं, तस्मा पच्छाभत्तं न वट्टती”ति वदिंसु । किं मधुरताय, अमधुरताय वाति? अत्थमेव दस्सेतुं **महापच्चरियं** तथा वुत्तन्ति **उपतिस्सत्थेरो** आह किर । **तं युत्तन्ति** उच्छुतो निब्बत्तत्ता वुत्तं, तेनेवाह “खण्डसक्खरं पन...पे०... वट्टती”ति । “तं खीरघटे पक्खिपित्वा पचन्ती”ति लिखितं । **जल्लिका** नाम फेणादि ।

**भेसज्जोदिसं** वदन्तेन इतरे अत्थुद्धारवसेन वुत्ता । “आहारत्थं फरितुं समत्थानी”ति **खन्धके** (महाव० २६०) “यं भेसज्जञ्चेव अस्स भेसज्जसम्मत्तञ्च लोकस्स, आहारत्थञ्च फरेय्या”ति वुत्तत्ता वुत्तं । एत्थ विचारणा भेसज्जक्खन्धके आवि भविस्सति ।

**६२४. द्वारवातपानकवाटानी**ति द्वारस्स च वातपानानञ्च कवाटानि । कसावपक्खेपमत्तेन हि तानि अत्तनो सभावं परिच्चजितानि होन्ति, तस्मा “मक्खेतब्बानी”ति वुत्तं । “कसावो नाम कनकलम्बादीनिपी”ति वदन्ति । **अधिद्वेतीति** “इदानी अज्झोहरणीयं न भविस्सति, बाहिरपरिभोगो भविस्सती”ति चित्तं उप्पादेति । इध “विकप्पेती”ति पदं नत्थि । अधिद्वानम्पि मुखारुळ्हिया वुत्तं “इमं नवनीतं अधिद्वामी”ति अवत्तब्बतो ।

**६२५. परिभुज्जितुं पन न वट्टती**ति विस्सासाभावं सन्धाय वुत्तं । सचे सविस्सासो, वट्टतीति “परिभुज्ज त्व”न्ति एतावता विस्सज्जितं होति, तस्मा उभिन्नं अनापत्तीति सम्बन्धो । सचे न विस्सज्जितं, आपत्ति होतीति सिद्धं । तस्मा उभिन्नं सन्तकं चीवरं अज्जतरेन सम्मुखीभूतेन अधिद्वीतब्बं । नो चे अधिद्वीति, निस्सगियं होतीतिपि युज्जति । काकनिकमत्तञ्चे मूलं अदिन्नं, “न अधिद्वानुपगं...पे०... सकभावं न उपेती”ति इमिना एतं सदिसं न होति, आभिधम्मिकगणानं दिन्नं विय च न होति । कस्मा? आभिधम्मिका हि अनुपसम्पन्नापि होन्ति, पच्छा आभिधम्मिकभूतानम्पि तं साधारणं होतीति । एत्थ द्वेपि उपसम्पन्ना एव, द्विन्नम्पि तत्थ यथाकामकरणीयता अत्थि ममत्तञ्च, न एवं तदज्जेसं साधारणं, न च द्वे तयो भिक्खू “एकतो वस्सिस्सामा”ति करोन्ति, रक्खति ताव । “अविभत्तत्ता अनापत्ती”ति इमिना च इदं सदिसं, येन मूलेन पटिग्गहितं, तस्स सचे इतरो देति, सो वा तं इतरस्स देति, सति पटिग्गहणे सत्ताहातिक्कमे निस्सगियत्ता, तस्मा तं चीवरं द्वीसु सम्मुखीभूतेन एकेन अधिद्वीतब्बं । किञ्चापि एत्थ पयोगो न दिस्सति समानपरिक्खारानं द्विन्नं अधिद्वानपयोगाभावतो, तथापि समानसब्बभण्डकानं द्विन्नं तेलोदि येन पटिग्गहितं, तस्स कालातिक्कमे आपत्तिसम्भवतो, अनधिद्वाने दुल्लभविसेसहेतुत्ता च “अधिद्वीतब्ब”न्ति वुत्तं । तं अयुत्तं पत्तचीवरसत्ताहाकालिकानं असदिसविधानत्ता । एत्थ पत्तचीवरञ्चि अत्तनो सन्तकभावं उपगतमेव अनधिद्वहन्तस्स कालातिक्कमे आपत्ति, सत्ताहाकालिकं पन परसन्तकसाधारणम्पि पटिग्गहितं पटिग्गाहकस्स कालातिक्कमे आपत्तिकरं । पटिग्गहणञ्चेत्थ पमाणं, न तत्थ सकसन्तकता, सत्ताहाकालिकञ्च निस्सगियं, सब्बेसम्पि अनज्झोहरणीयं । पत्तचीवरं अज्जस्स परिभुज्जतो अनापत्ति । इदञ्च कालातिक्कन्तम्पि निस्सज्जित्वा पच्छा लद्धं कप्पति । पत्तचीवरं पन तं तस्स विनयकम्मन्ति कप्पतीति । अविभत्तस्सपि इमस्स दानं रुहति, न पत्तचीवरस्स । वुत्तञ्हेतं **अट्ठकथायं** “द्विन्नं सन्तकं होति...पे०... सचेपि अविभजित्वा सद्धिविहारिकादीनं देन्ति, अदिन्नमेव

होती”ति । यस्स दानमेव न रुहति, तस्स कुतो अधिद्धानं । एको चे पत्तचीवरं दसमे दिवसे इतरस्स देति । ततो पट्टाय सो दस दिवसे परिहरितुं लभति, न तथा सत्ताहकालिकन्ति सब्बथा उपपरिक्खियमानं सरिक्खं नक्खमतीति न तं सारतो दट्ठब्बन्ति आचरियस्स तक्को । “विनयकम्मवसेन पन अनिस्सज्जित्वा सहसा विरुज्झित्वा कस्सचि परिच्चत्तम्पि पुन पटिलभित्वा परिभुज्जितुं न वट्ठती”ति वुत्तं, सचे देसन्तरितं, समुद्दन्तरितं वा चीवरं निस्सगियं जातं, तं इध ठितेन भिक्खुना एकस्स वन्तेन चित्तेन चत्तं कत्वा अनपेक्खित्वा आपत्तिं देसेत्वा तस्स विस्सासेन पुन गहेत्वा अधिद्घातब्बं, “पत्तादीसु च अयमेव नयो”ति च वुत्तं, “तालनाळिकेरफाणितम्पि सत्ताहकालिकं एवा”ति च । “द्विन्नं सन्तकं एकेन पटिग्गहितं सत्ताहकालिकं सत्ताहातिक्कमे आपत्तिं न करोति, परिभुज्जितुं पन द्विन्नम्पि न वट्ठती”ति च “परसन्तकं पटिग्गहेत्वा ठपितेपि एसेव नयो”ति च केचि वदन्ति । दुक्कटवत्थुभूतं सप्पिआदि निस्सज्जितब्बं पुन परिभुज्जितुं वट्ठतीति विधानं न दिस्सतीति ।

भेसज्जसिक्खापदवण्णना निड्ढिता ।

#### ४. वस्सिकसाटिकसिक्खापदवण्णना

६२७. “एकमेव कत्वा”ति वचनेन वस्सिकसाटिकलक्खणेन जातकानम्पि सत्तुप्पादं करोन्तेन एकमेव गहेतब्बन्ति धम्मसिरित्थेरो । चतुब्बिधं खेत्तन्ति एत्थ किञ्चापि तिविधं दिस्सति, तं पन एवं गहेतब्बं, यस्मिं खेत्ते परियेसितुं लभति, तं परियेसनखेत्तं नाम, “एवं करणनिवासनाधिद्धानखेत्तानिपी”ति वुत्तं । एत्थ पच्छिमेन पुरिमग्गाहो वेदितब्बो, न पुरिमेन पच्छिमग्गाहो, यथालाभन्ति आचरियो । तस्सत्थो — अधिद्धानखेत्तेन पच्छिमेन पुरिमानं तिण्णं गाहो होति, तथा निवासनखेत्तेन द्विन्नं पुरिमानं । करणखेत्तेन पन एकस्सेव पुरिमस्स गाहो होतीति । एत्थ पन किञ्चापि करणखेत्तनिवासनखेत्तानं कालतो नानत्तं नत्थि, किरियतो पन “अट्ठिं कत्वा निवासेतब्बं”न्ति पाळिवचनतो, तस्मा द्विधा कत्वा वुत्तं अज्जतराभावेन, तदत्थसिद्धितो च, कथं पनेत्थ नानत्तं नत्थीति पज्जायतीति चे? पाळितो, “अट्ठमासो सेसो गिम्हानन्ति कत्वा निवासेतब्बं”न्ति हि पाळि, तथा मातिकाटुकथातो (कट्ठा० अट्ठ० वस्सिकसाटिकसिक्खापदवण्णना) च ।

तथाह “पच्छिमो अट्ठमासो करणनिवासनखेत्तम्पी”ति, इमिना नयेन तिविधमेव खेत्तन्तिपि सिद्धं । समन्तपासादिकायं पन कत्थचि पोत्थके “जेट्ठमूलपुण्णमासिया पच्छिमपाटिपददिवसतो पट्टाय याव काळपक्खुपोसथो, अयमेको अट्ठमासो परियेसनखेत्तञ्चेव करणखेत्तञ्च । एतस्मिज्हि अन्तरे वस्सिकसाटिकं अलद्धं परियेसितुं, लद्धं कातुञ्च वट्ठति, निवासेतुं, अधिद्घातुञ्च न वट्ठती”ति पाठो दिस्सति, सो अपाठो यथावुत्तपाळिमातिकाटुकथाविरोधतो, तस्मा तत्थ “अलद्धं परियेसितुं वट्ठति, कातुं, निवासेतुं, अधिद्घातुञ्च न वट्ठती”ति पाठो वेदितब्बो । एवं ताव पच्छिमेन पुरिमग्गाहसिद्धि वेदितब्बा, न पुरिमेन करणखेत्तादीनं गाहो सम्भवति । “मासो सेसो गिम्हानन्ति वस्सिकसाटिकचीवरं परियेसितब्बं”न्ति एत्तकमेव हि वुत्तं, न, अट्ठकथायं “अयमेको अट्ठमासो परियेसनखेत्तञ्चेव करणखेत्तञ्चा”ति वुत्तताति चे? न, तस्स लेखनदोसत्ता, तथा साधितं । करणखेत्तेन पन निवासनखेत्तग्गाहो अत्थि कालनानत्ताभावतो, तेनेव पुब्बे यथालाभग्गाहणं कतं, तथा च साधितमेव, न भेदो पनत्थि, पयोजनं वुत्तमेव । निवासनखेत्तेन अधिद्धानखेत्तग्गाहो नत्थि एव, न हि पुरिमेन पच्छिमग्गाहो वेदितब्बो । न पाळिविरोधतोति चे? न, तदत्थाजाननतो । “मासो सेसो गिम्हानन्ति अट्ठमासो सेसो गिम्हान”न्ति एत्थ इति-सदस्स हि इतो पट्टयाति अत्थो । परतो आपत्तिखेत्तदस्सनतो इतरस्स अनापत्तिखेत्तभावो दस्सितोव होति । दिन्नपुब्बतोपि जातकपवारितद्धानतो निष्पादेन्तस्स निस्सगियं पिट्टिसमयत्ता, पकतिया वस्सिकसाटिकदायका नाम सङ्घस्स वा पुग्गलस्स वा अपवारेत्वा अनुसंवच्छरं देन्ता, तत्थ सत्तुप्पादोव वट्ठति । वत्तभेदे दुक्कटन्ति तदज्जेसु ।

“सचे कत...पे०... वस्सूपनायिकदिवसे अधिद्घातब्बा...पे०... छ मासे परिहारं लभती”ति वचनतो अन्तोवस्सेपि याव वस्सानस्स पच्छिमदिवसा अकता परिहारं लभतीति दीपितं होति । कस्मा न विचारितन्ति चे? अत्थापत्तिसिद्धत्ता । “छ मासे परिहारं लभती”ति वचनेन अकता लभतीति सिद्धमेव, तं किञ्चापि सिद्धं, सरूपेन पन अनागतत्ता सरूपेन दस्सेतुं, दुस्सद्भापयत्ता उपपत्तितो दस्सेतुञ्च

इदमारब्धं आचरियेन, “यथा चेत्थ, एवं कथिनम्भन्तरे उप्पन्नचीवरम्पि हेट्ठा वुत्तनयेनेव पटिपज्जितब्ब”न्ति अनुगण्ठपदे वुत्तं, तं दुवुत्तं तत्थेव पुब्बापरविरोधतो । यज्जेत्थ अट्ठकथावचनं साधकत्तेन वुत्तं, तं तमत्थं न साधेति । “यदि नप्पहोति याव कत्तिकपुण्णमा परिहारं लभती”ति वचनं अप्पहोन्तस्स याव कत्तिकपुण्णमा ताव परिहारखेत्तं, ततो परं एकदिवसोपि न होतीति दीपेति, तस्मा अप्पहोनेकभावेन अकताव याव कत्तिकपुण्णमा परिहारं लभति, ततो परं न लभतीति सिद्धं । तथा तदेव वचनं कतपरिहारं न लभतीति दीपेति, तस्मा कत्तिकपुण्णमदिवसेयेव अधिष्ठातब्बा । “अप्पहोन्ते दसाहे अन्तोवस्से करणपरियोसानयेव पमाण”न्ति लिखितं ।

एत्थाह — “एकाहद्वीहादिवसेना”तिआदि न वत्तब्बं । कस्मा? गिम्हदिवसानं अनधिष्ठानकालत्ता, तस्मा एव “अन्तोदसाहे वा तदहेयेव वा अधिष्ठातब्बा”ति च सामञ्जतो न वत्तब्बं गिम्हदिवसानं अधिष्ठानखेत्तभावप्पसङ्गतो”ति । एत्थ वुच्चति — न, तदत्थाजाननतो । दसाहानागताय वस्सूपनायिकाय गिम्हदिवसा दसाहा होन्ति, पठमदिवसे च लद्धा निट्ठिता वस्सिकसाटिका दसाहातिक्कन्तापि वस्सूपनायिकदिवसं अधिष्ठानखेत्तं अप्पत्तत्ता न च ताव निस्सगियं होति, वुत्तज्जेत्तं “वस्सूपनायिकतो पुब्बे दसाहातिक्कमेपि अनापत्ती”ति ।

अन्तोदसाहे अधिष्ठातब्बाति इदं न अविसेसेन एतस्मिं अन्तरे गिम्हदिवसेपि अधिष्ठातब्बन्ति इममत्थं दीपेतुं वुत्तं, किन्तु गिम्हदिवसे चे उप्पन्ना, अधिष्ठानखेत्ते च अन्तोदसाहं होति, अन्तोदसाहे खेत्तेयेव अधिष्ठातब्बा, न खेत्तन्ति कत्वा दसाहं अतिक्कमितब्बन्ति दीपेतुं वुत्तं । कस्मा? गिम्हदिवसानम्पि गणनूपगत्ता, तस्मा अखेत्तदिवसेपि गणत्वा खेत्ते एव “अन्तोदसाहे अधिष्ठातब्बा”ति वुत्तं होतीति ।

वस्सिकसाटिकसिक्खापदवण्णना निट्ठिता ।

#### ५. चीवरअच्छिन्दनसिक्खापदवण्णना

६३२. सामन्ति सकसज्जितानियमनत्थं वुत्तं । सकसज्जितायेव हि अच्छिन्दापनअच्छिन्दनेसु निस्सगियं, तस्मा निस्सगियमूलङ्गनिदस्सनमेतं । “चीवर”न्ति वुत्तत्ता “अचीवरं अच्छिन्दन्तस्स न निस्सगियं”न्ति वुत्तमेव होति । “दत्त्वाति दत्त्वा वा दापेत्वा वा”ति किञ्चापि पदभाजनं युज्जति, अज्जस्स पन सन्तकं अज्जस्स भिक्खुनो दापेत्वा तं सयं वा अच्छिन्देय्य, तेनेव वा अच्छिन्दापेय्याति अनिट्ठप्पसङ्गभया न वुत्तं, अत्थतो पन अत्तनो सन्तकं अज्जेन सद्धिविहारिकादिना दापेत्वा, अज्जस्स सन्तकं वा तस्स विस्सासा दापेत्वा तं अच्छिन्देय्य वा अच्छिन्दापेय्य वा निस्सगियन्ति वेदितब्बं, तज्ज खो अनपेक्खो दत्त्वा । यदि एवं “चजित्वा दिन्नं अच्छिन्दित्वा गणहन्तो भण्डग्घेन कारेतब्बो”ति इदं किन्ति चे? सकसज्जाय अगगहेत्वा अज्जाय थेय्याय गणहन्तं सन्धाय वुत्तं, तेनेव वुत्तं “सकसज्जाय गहितत्ता पनस्स पाराजिकं नत्थी”ति, अपिच “अनापत्ति सो वा देति, तस्स वा विस्ससन्तो गणहाती”ति वचनतोपि तं सिद्धमेव । एत्तावता तावकालिकं कत्वा दिन्नं अच्छिन्दन्तस्स अनापत्ति साधिता होति । “अम्हाकं सन्तिके उपज्झं गण्हस्सती”तिआदिवचनं सामणेरस्स दानं दीपेति, तज्ज इध नाधिप्पेतं । पाळियं (पारा० ६३३-६३४) उपसम्पन्ने तिकपाचित्तियं विय अनुपसम्पन्ने तिकदुक्कटम्पि आगतन्ति चे? न, तदधिप्पायाजाननतो । अनुपसम्पन्नकाले एवं दत्त्वा अज्जस्स सन्तिके उपसम्पन्नं दिस्वा कुपितो चे अच्छिन्दति, उपसम्पन्नस्सेव वा “सिक्खं पच्चक्खाय तुम्हाकं सन्तिके उपसम्पज्जिस्सामी”ति वदन्तस्स दत्त्वा पुन अच्छिन्दति चे, निस्सगियन्ति अयमेत्थ अधिप्पायो ।

६३३. सकिं आणत्तो बहुकम्पि अच्छिन्दति, निस्सगियन्ति एकबद्धत्ता एकं पाचित्तियं, तं सन्धायेतं वुत्तं “आणत्तो बहूनि गणहाति, एकं पाचित्तियं”न्ति । मातिकाट्ठकथायं पन “वत्थुगणनाय आपत्तियो”ति वुत्तं, तं आणत्तिया बहुत्ता “सब्बानि गण्हा”ति वदन्तस्स गाहं सन्धाय वुत्तं, तेनेव तत्थ वुत्तं “एकवाचाय सम्बहुला आपत्तियो”ति । एवं सन्ते पाळिवचनं, अट्ठकथावचनद्वयज्ज अज्जमज्जं समेति, परसन्तकम्पि निस्सगियं होति पंसुकूलज्ज, तेन “दुस्सन्ते बद्धरूपियं विया”ति वुत्तं, तं तदत्थनियमदस्सनत्थं वुत्तं, यथावच्छादितं अच्छिन्दनचित्तेन सचित्तकं, वचीकम्मं पन केवलं अच्छिन्दापेन्तस्सेव “देही”ति बलक्कारेन गणहतोपि वेदितब्बं,



तं न युत्तं “अनापत्ति सो वा देती”ति वचनतो। “तुड्डो वा दुड्डो वा देति, अनापत्तियेवा”ति मातिकाटुकथावचनतो वाति चे? न, उभयत्थ अत्तनो रुचिया दानं सन्धाय वुत्तत्ता, पसय्हावहारे अनापत्तिप्पसङ्गतो च। “भिक्षुस्स सामं चीवरं दत्त्वा”ति पाळिवचनतो च **मातिकाटुकथाय** अङ्गववत्थाने ‘उपसम्पन्नता’ति वुत्तत्ता च उभयत्थ दानहरणेसु भिक्षुभावो इच्छितब्बोति दीपेती’ति वदन्ति, इदमयुत्तन्ति नो तक्कोति आचरियो। कस्मा? अनुपसम्पन्नस्स चीवरं दत्त्वा तं उपसम्पन्नकाले अच्छिन्दन्तस्स अनापत्तिप्पसङ्गतो। “अनुपसम्पन्नस्स चीवरं वा अज्जं वा परिकखारं दत्त्वा... पे०... आपत्ति दुक्कटस्सा”ति वचनतो दुक्कटं तत्थ होतीति चे? नासिद्धत्ता, दानकाले एव उपसम्पन्नता पमाणन्ति असिद्धमेतं **अटुकथाय** वा **पाळिया** वा युत्तितो वा, तस्मा तं न युत्तन्ति अत्थो। अनुपसम्पन्नस्स चीवरं दत्त्वा तस्सेव अनुपसम्पन्नकालेयेव चीवरं अच्छिन्दन्तस्स दुक्कटं, उपसम्पन्नकाले वा दत्त्वा अनुपसम्पन्नकाले अच्छिन्दन्तस्स दुक्कटन्ति तस्स वचनस्स इदं विकप्पन्तरज्ज सम्भवति, तस्मा (पारा० ६३१ आदयो) विकप्पन्तरस्स सम्भवतो च न युत्तं, यस्मा अनुपसम्पन्नकाले दत्त्वा उपसम्पन्नकाले अच्छिन्दन्तस्स विसुं दुक्कटं न पज्जत्तं, तस्मा पुराणचीवरधोवापनादिसिक्खापदेसु विय अपरभागे उपसम्पन्नता चेत्थ पमाणं, तस्मा “उपसम्पन्नता”ति अङ्गेसु वुत्तत्ता च तं न युत्तन्ति अत्थो। एत्थ “पच्चासीसन्तस्सेव दानमधिप्पेतं, न निस्सट्ठदानं”न्ति **धम्मसिरित्थेरो** वदति किर, वीमंसितब्बं।

चीवरअच्छिन्दनसिक्खापदवण्णना निट्ठिता।

#### ६. सुत्तविज्जत्तिसिक्खापदवण्णना

६३७. छट्ठे किञ्चापि “सामं सुत्तं विज्जापेत्वा”ति वुत्तं, **मातिकाटुकथायं** पन “चीवरत्थाय सामं विज्जत्तं सुत्तं”न्ति अवत्त्वा केवलं “चीवरत्थाय विज्जापितसुत्तं”न्ति अङ्गेसु वुत्तत्ता अज्जेन चीवरत्थाय विज्जत्तं सुत्तम्पि सङ्गहं गच्छतीति वेदितब्बं। **सामन्ति** चेत्थ कस्सचि नियमनं। “सामं विज्जापेत्वा”ति किञ्चापि वुत्तं, तथापि “सामं वायापेय्या”ति अत्तनो अत्थाय वायापेय्याति एवं सम्बन्धो, अत्थो च वेदितब्बो, **पाळियं** पन आसन्नपदेन योजना कता, तस्मा सामं विज्जत्तं सुत्तन्ति अज्जविज्जत्तं कप्पियं आपज्जति, हत्थकम्मयाचनवसेन लद्धतन्तवायोपि कप्पियो। विकप्पनुपगपच्छिमप्पमाणं चे, तन्ते वीतयेव सकिं अधिट्ठातब्बं, पुन अधिट्ठानकिच्चं नत्थि अधिट्ठितेन एकीभावूपगमनतो। “सचे पन परिच्छेदं दस्सेत्वाव चिनसाटकं विय, अन्तरन्तरा अधिट्ठितं होति, पुन अधिट्ठातब्बं”न्ति वुत्तं। “पटिलाभेनाति वचनेन वायापेत्वा ठपेस्सामीतिआदि एकस्मिं अन्तो गधं होती”ति वदन्ति।

सुत्तविज्जत्तिसिक्खापदवण्णना निट्ठिता।

#### ७. महापेसकारसिक्खापदवण्णना

६४२. विसिट्ठं कप्पज्ज तस्स वचनेन विसिट्ठं कतज्ज पमाणं, न आमिसदानं। केसुचि पोत्थकेसु “चीवरं”न्ति उद्धरित्वा विभागो वुत्तो, तं न समेतीति।

महापेसकारसिक्खापदवण्णना निट्ठिता।

#### ८. अच्चेकचीवरसिक्खापदवण्णना

६४६. “अनुजानामि, भिक्षवे, अच्चेकचीवरं पटिग्गहेत्वा निक्खिपितुं”न्ति, “याव पवारणा पवारिता”ति च यं वुत्तं, ते पन भिक्षू तस्स वचनस्स अत्थं मिच्छा गहेत्वा अच्चेकचीवरं निक्खिपन्ता चीवरकालसमयं अतिक्कामेसुं। किमिदं विभत्तं, उदाहु अविभत्तन्ति? विभत्तं, पुग्गलिकं वा। तेनेव परतो “अम्हाकं, आवुसो, अच्चेकचीवरानी”ति वुत्तं, अविभत्तं पन सङ्घिकत्ता न कस्सचि निस्सगियं करोति।

अपिच “अच्चेकचीवरं पटिग्गहेत्वा निक्खिपितुं”न्ति इमिना सामज्जवचनेन वस्सूपनायिकदिवसतो पट्ठाया, पिट्ठिसमयतो

पट्टाय वा याव पवारणा निक्खिपितुं वट्ठति एव सङ्घिकत्ता, पुग्गलिकम्पि “वस्संवुत्थकाले गणहथा”ति दिन्नत्ता । तादिसज्झि याव वस्संवुत्थो होति, ताव न तस्सेव, दायकस्स सन्तकं होति, तथा इतो ततियवस्से, चतुत्थवस्से वा “पवारणाय गणहथा”ति आदिना दिन्नम्पि निक्खिपित्वा यथादानमेव गहेतब्बं । अयमत्थो **अट्ठकथायं** (पारा० अट्ठ० २.६४६-९ आदयो) पाकटो । तानि चीवरकालसमयातिक्रमे न निस्सगियानीति चे? न, उट्ठिस्स दिन्नत्ता । यस्मा अयं समयो “कालेपि आदिस्स दिन्न”न्ति एत्थ “कालो”ति आगतो, **गणभोजनसिक्खापदा**दीसु “समयो”त्वेव आगतो, तस्मा इध तेसं एकत्थतादस्सनत्थं एकतो “चीवरकालसमयो”ति वुत्तन्ति वेदितब्बं । **मातिकायं** पनेत्थ तादिसं चीवरं अत्तनो सन्तकभावं उपगतं पुग्गलिकं सन्धाय वुत्तं, तेनेवाह “**भिक्षुनो पनेव अच्चेकचीवरं उप्पज्जेय्या**”ति । अत्तनो कुटिया वस्संवुत्थस्स भिक्षुनो हि दातुं अलभन्तो अन्तोवस्से एव दानकिच्चं परिनिट्ठापेत्वा गच्छति, तथा सङ्घस्स । तस्मा इदं अच्चेकचीवरं अत्थि उप्पन्नकालतो पट्टाय सङ्घस्स वा पुग्गलस्स वा सन्तकभावं उपगच्छन्तं, यं न वस्सावासिकभावेन दिन्नं, अत्थि उप्पन्नकालतो पट्टाय अनुपगन्त्वा वस्संवुत्थकालेयेव पुग्गलस्स वा सङ्घस्स वा उपगच्छन्तं, यं वस्सावासिकभावेन उप्पज्जित्वा समये दिन्नं, अत्थि समये दिन्नम्पि पुग्गलस्स सन्तकभावं अनुपगच्छन्तं, सङ्घसन्तकभावं वा दायकसन्तकभावं वा उपगच्छन्तं, ईदिसं सन्धाय “सज्जाणं कत्वा निक्खिपितब्बं”न्ति वुत्तं । इदं अतिरेकसंवच्छरम्पि निक्खिपितुं लभति अत्तनो सन्तकभावं अनुपगतत्ता, तस्मा “दसाहानागत”न्ति इतो अज्जं सन्धाय वुत्तन्ति सिद्धमेतन्ति । दसाहतो पुरेतरं लभित्वा याव पवारणा निक्खिपितुं न लभति, तस्मा सकभावूपगतमेव अधिट्ठातब्बं, तंयेव सन्धाय “दसाहानागत”न्ति वुत्तं, यतो “अन्तोसमये अधिट्ठेति, विकप्पेती”ति **अनापत्तिवारे** वुत्तं । सज्जाणं कत्वा निक्खिपितब्बकं पन परस्स दातब्बताय सकभावं अनुपगतं, न हि तं सन्धाय “अधिट्ठेति, विकप्पेती”ति सक्का वत्तुं, न च तं इमस्मिं अत्थे निस्सगियं होति सङ्घस्स निस्सगियाभावतो, **अट्ठकथायम्पि** अयमत्थो सुट्ठ पाकटोव । कतमं सज्जाणं कत्वा निक्खिपितब्बन्ति चे? परसन्तकं चीवरं सङ्घिकमेव होति, ततो “सल्लक्खेत्वा सुखं दातुं भविस्सती”ति इमिना हि परस्स सन्तकभावो दस्सितो ।

“ततो परं एकदिवसम्पि परिहारो नत्थीति दसाहपरमतो उद्धं अनुपगतत्ता”ति लिखितं, इतो समयतो उद्धमेव दसाहस्स अनुपगतत्ता समयतो परं दसाहं न लभतीति किरस्स अधिप्पायो । “**एतं परिहारं लभतियेवा**”ति एत्थ “एकादसमं अरुणं चीवरमासे उट्ठेती”ति कारणं लिखितं । **अनुगण्ठपदे** पन “अनधिट्ठित्वा एकादसदिवसे निक्खिपितुं लभती”ति वदन्तो भगवा इतरम्पि अनच्चेकचीवरादिं अनुजानाति, अच्चेकचीवरमुखेनाति अपरे”ति वुत्तं । एत्थ कतरं सुभासितं? उभयम्पीति एके । कथं? पठमं “अच्चेकचीवरस्स अनत्थते कथिने दसदिवसाधिको मासो, अत्थते कथिने दसदिवसाधिका पञ्चमासा”ति इमिना समेति, **अनुगण्ठपदलद्धिया** हि एत्थ “एकादसदिवसाधिको”ति वत्तब्बतं आपज्जति, दुतियं “दसाहानागतन्ति...पे०... दसाहेन असम्पत्ताति अत्थो”ति इमिना समेति । इमस्स नयस्स वसेन “पञ्चमितो पट्टाय उप्पन्नस्स चीवरस्स निधानकालो दस्सितो होती”ति पाठो युज्जति । तथा **गण्ठपदलद्धिया** “नवाहानागतं कत्तिकतेमासिकपुण्णम”न्ति वत्तब्बतं आपज्जति, तस्स वसेन “कामज्जेस दसाहपरमं अतिरेकचीवरं धारेतब्बन्ति इमिनाव सिद्धो, अट्ठप्पत्तिवसेन पन अपुब्बं विय अत्थं दस्सेत्वा सिक्खापदं ठपित”न्ति अयं पाठो युज्जति । को पनेत्थ सारोति? यो पच्छा वुत्तो, सोव सारो । तेनेव अट्ठकथाचरियेन “पञ्चमितो पट्टाया”ति वुत्तं । पोराणगण्ठपदेहि अट्ठकथाय च सद्धिं संसन्दनतो, “दसाहानागत”न्ति पाळिया संसन्दनतो च एत्थ **गण्ठपदलद्धिपि** पाळिया समेति ।

कथं? यस्मा पवारणादिवसे अरुणुगमने भिक्षु वस्संवुत्थो होति, तस्मा इमिना दसमेन अहेन सद्धिं छट्ठितो पट्टाय नवदिवसा दस अहानीति दसाहं, तेन **दसाहेन**, सहयोगत्थे करणवचनं । कत्तिकतेमासिकपुण्णमा चीवरसमयं असम्पत्ताति कत्वा “अनागता”ति वुच्चति । यथा अपरकत्तिकपुण्णमाय वस्सिकसाटिकं पच्चुद्धरित्वा विकप्पेन्तो “चातुमासं अधिट्ठातुं ततो परं विकप्पेतु”न्ति वुच्चति, एवंसम्पदमिदन्ति । एत्थ वुच्चतीति चे? न, इमस्स निष्पयोजनभावप्पसङ्गतो । अच्चेकचीवरपटिगगणकालं नियमितन्ति चे? न, “छट्ठितो पट्टाय उप्पन्नचीवरं अच्चेकमेव न होति । पठमकथिनेन सिद्धत्ता”ति **पोराणअट्ठकथागण्ठपदेसु** वुत्तत्ता ततो उपरि “अच्चेकचीवर”न्ति वुच्चति, पटिगगणहन्तस्स आपत्तिसङ्गहो च । न च सा आपत्ति **पाळिया, अट्ठकथाय**, युत्तितो वा सम्भवति । अट्ठप्पत्तिमत्तवसेन वुत्तन्ति चे? न, दसाहाधिच्चकारिका अट्ठप्पत्तिपायं न दिस्सति । “भिक्षू अच्चेकचीवरं पटिगगहेत्वा चीवरकालसमयं अतिक्रामेन्ती”ति एत्थ एतिका एव हि अट्ठप्पत्ति । तथा हि **परिवारे** (परि० ४७-५३) “किस्मिं वत्थुस्मि”न्ति

आरभित्वा एतकमेव वृत्तन्ति वेदितव्यं । अच्चेकचीवरं चीवरकालं नातिक्कामेतव्वं, इतरं अतिक्कामेतव्वन्ति दस्सनत्थं इदं पञ्चत्तन्ति चे? न, अच्चेकचीवरस्सेव अपराधदस्सनतो, विसेसकारणाभावा, “कामञ्चेस दसाहपरमं अतिरेकचीवरं धारेतव्वन्ति इमिनाव सिद्धो”तिआदिवचनविरोधतो च यथावृत्तवचनासम्भवतो च ।

कथं? दसाहेन सह कत्तिकपुण्णमा “अनागता”ति हि वृत्ते दसाहतो अज्जा सा पुण्णमाति आपज्जति । अनज्जा चे, सह-सदो न सम्भवति, न हि अत्तनाव अत्तनो योगो सम्भवति, **अनागत**-सदो च न सम्भवति । आगता सम्पत्ता एव हि सा पुण्णमा । चीवरसमयस्स अनन्तरत्ता एकीभावं अनागतत्ता अनागतायेवाति चे? न, तथापि **अनागत**-सदस्स सम्भवतो, आगमनसम्भवे सतियेव हि **अनागत**-सदो सम्भवति, न हि निब्बानं, पञ्चत्ति वा “अनागता”ति वुच्चति । निब्बानं विय खणत्तयं, सा च पुण्णमा न कदाचि समयभावं पापुणातीति अयुत्तमेव । “ततो परं विकप्पेतु”न्ति पन वचनं पिड्डिसमयं गहेत्वा ठितत्ता सम्भवति । अपिच पवारणायं अरुणे च उड्डिते सा पुण्णमा चीवरसमयं एकाहानागता एवापज्जति पुब्बे सहयोगपत्तता । एवं सन्ते एकीभावगतापि सा चीवरसमयं अनागता एव जाताति सब्बदा न तथाविग्गहकरणवचनत्थं कोचिदेव वचनतो दीपेतीति वेदितव्यं ।

किमत्थं पनेत्थ “दसदिवसाधिको मासो”तिआदि वृत्तन्ति? तं पारिपूरिसम्भवतो । पञ्चमियज्झि पुरे अरुणं उप्पन्नअच्चेकचीवरस्स दसदिवसाधिको मासोयेव परिपूरति कत्वा तथा वृत्तं । अपिच तस्सा पञ्चमिया दिवसभागोपि सम्पत्ताय रत्तिया “हिय्यो”ति वुच्चति, पगेव पुरे अरुणं, तेनेवाह “हिय्यो खो, आवुसो, अम्हाक”न्तिआदि । “एवं सन्ते ‘छट्ठितो पट्टाया’ति वृत्तपठमपाठस्स वसेन ‘अनच्चेकचीवरम्पि पच्चुद्धरित्वा ठपितं तिचीवरम्पि एतं परिहारं लभतियेवा’”ति च “दसदिवसाधिको मासो”तिआदि च यं लिखितं । तं न, “पञ्चमितो पट्टाया”ति पाठे सज्जितेव एतेन परियायेन यथावृत्तअत्थसम्भवतो, न तानि ठानानि पुन सज्जितानि । यथाठितवसेनेव अज्झुपेक्खितव्वानीति नो तक्कोति आचरियो । इदं सिक्खापदं पुण्णमायं अनिस्सग्गियत्थमेवाति **उपतिस्सत्थेरो** । “पवारणामासस्स जुण्हपक्खपञ्चमितो पट्टाया”ति पाठे सज्जिते एतेन परियायेन यथावृत्तो उप्पन्नस्स चीवरस्स निधानकालो दस्सितो होति, “अच्चेकचीवरन्ति अच्चायिकचीवरं वुच्चती”तिआदि पाठो । “छट्ठितो पट्टाया”ति च “कामञ्चेस दसाहपरम”न्तिआदि च यं लिखितं, तं न पाठो, तस्मा एकादसदिवसं परिहारं लभतीति कत्वा आचरियेन “पञ्चमितो पट्टाया”ति लिखापितो किर । “पवारणामासस्स जुण्हपक्खछट्ठितो पट्टाय पन उप्पन्नं अनच्चेकचीवरम्पि पच्चुद्धरित्वा ठपितं तिचीवरम्पि एतं परिहारं लभतियेवाति पाठो”ति च “अच्चेकचीवरस्स अनत्थते कथिने एकादसदिवसाधिको मासो, अत्थते कथिने एकादसदिवसाधिका पञ्चमासाति पाठो”ति च एत्थ पपञ्चेन्ति, तस्मा सुट्ठु सल्लक्खेत्वा कथेतव्वं, तुण्हीभूतेन वा भवितव्वं ।

अच्चेकचीवरसिक्खापदवण्णना निड्डिता ।

## ९. सासङ्कसिक्खापदवण्णना

**६५२. “तिण्णं चीवरानं अज्जतरं चीवरन्ति** इदं तिचीवरे एव अयं विधि, इतरस्मिं यथासुखन्ति दस्सनत्थं वृत्तं”न्ति वदन्ति । “अतिरेकछारत्तं विप्पवसन्ती”ति तस्मिंयेव सेनासने वासो न विप्पवासोति कत्वा वृत्तं । कस्मा? चीवरप्पवत्तिजाननतो । एत्थ किञ्चापि “आरज्जकं नाम सेनासनं पञ्चधनुसतिकं पच्छिम”न्ति वचनतो अतिरेकतोपि वृत्तं, आरज्जकमेव पन सेनासनं होति, धुतङ्गं रक्खति चीवरप्पवत्तिजाननपलिबोधसम्भवतो ।

**६५३. “गावुततो अतिरेकप्पमाणेन लभती”**ति यं वृत्तं, तं कथं पज्जायतीति चे? “सिया च तस्स भिक्खुनो कोचिदेव पच्चयो तेन चीवरेन विप्पवासाया”ति वचनतो । योजनप्पमाणेपि सियाति चे? न, “पुन गामसीमं ओक्कमित्वा वसित्वा पक्कमती”ति अनापत्तिवारे अनुज्जातत्ता । यदि एवं “योजनप्पमाणे न लभती”ति इदं किन्ति? इदं निबद्धावासवसेनेव वृत्तं । तत्थ धुतङ्गं भिज्जतीति? न भिज्जति, किन्तु न इध धुतङ्गाधिकारो अत्थीति । अथ कस्मा “अयं धुतङ्गचोरोति वेदितव्वो”ति वृत्तन्ति? असम्भवतो । कथं पज्जायतीति? अङ्गेसु अभावतो । धुतङ्गधरस्स पतिरूपसेनासनदीपनतो धुतङ्गधरता तस्स सिद्धा । वचनप्पमाणतोति चे? न, वचनप्पमाणतो च **पाळियेव** पमाणं । “अनापत्ति पुन गामसीमं ओक्कमित्वा वसित्वा पक्कमती”ति हि

वुत्तं । गामसीमा निक्खमित्वा कित्तकं कालं वसित्वा पक्कमितब्बन्ति चे? पुनर्दिवसेयेव, तस्मा अट्टमो अरुणो निबद्धावासे वा गन्तब्बद्धाने वा उट्ठेतब्बोति एके । अन्तोछारत्तन्ति एके । याव निबद्धावासं न कप्पेतीति एके । याव मग्गपरिस्समविनोदनाति एके । सति अन्तराये अन्तोछारत्तं वसति, अनापत्ति । निबद्धावासकप्पने सति अरुणुग्गमने आपत्ति । सचे तंसत्तमो दिवसो, तदहेव निक्खित्तचीवरं गहेतब्बं, पच्चुद्धरितब्बं वाति एके । सचे अन्तरा नवमग्गपातुभावेन वा नवगामसन्निवेसेन वा, तं सेनासनं अङ्गसम्पत्तितो परिहायति । तदहेव चीवरं गहेतब्बं वा पच्चुद्धरितब्बं वा । छारत्तं विप्पवसन्तस्स चे परिहायति, अनापत्ति अनुज्जातदिवसत्ताति एके । आपत्ति एव अनङ्गसम्पत्तितोति एके । युत्ततरं पनेत्थ विचारेत्वा गहेतब्बं । सचे धुतङ्गधरो होति, गामसीमायं अवसित्वा पच्छिमप्पमाणयुत्ते ठाने वसित्वा पक्कमितब्बं । पठमं बद्धअविप्पवाससीमो चे गामो होति, अज्जस्मिम्पि मासे अन्तोसीमाय वसतो अनापत्ति । **पोराणगण्ठपदे** “यथावुत्तसेनासने वसन्तेनापि छारत्तमेव चीवरं गामे निक्खिपितब्बन्ति अधिप्पायेन अज्जं अन्तोछारत्तम्पि अज्जम्पि वसतो आपत्तियेवा”ति वुत्तं ।

सासङ्कसिक्खापदवण्णना निट्ठिता ।

## १०. परिणतसिक्खापदवण्णना

**६५७. देथावुसो अम्हाकन्ति** एत्थ अकतविज्जत्ति होति न होतीति? होति, यदि एवं अज्जातकविज्जत्तिसिक्खापदस्स च इमस्स च किं नानाकरणन्ति? तं अज्जातकअप्पवारितेयेव विज्जापेन्तस्स, इदं जातकपवारितेपि, तं अनच्छिन्नचीवरस्सेव, इदं तस्सपि, तं चीवरंयेव विज्जापेन्तस्स, इदं अचीवरम्पि । एवं सन्ते इदं तं अन्तोक्त्वा ठितं होति, तस्मा द्विन्नम्पि अङ्गसम्पत्तिया सति केन भवितब्बन्ति? इमिना भवितब्बं इमस्स निष्पदेसतोति एके । द्वीहिपि भवितब्बं उभिन्नम्पि अङ्गसिद्धितोति एके । इमानि तस्स अङ्गानि विकप्पनुपगचीवरता, समयाभावो, अज्जातकविज्जत्ति, ताय च पटिलाभोति चत्तारि । इमस्स पन सङ्गे परिणतभावो, जत्वा अत्तनो परिणामनं, पटिलाभोति तीणि । एत्थ पठमो वादो अयुत्तो कत्वापि ओकासं **अट्टकथायं, परिवारे** च अविचारितत्ता । यदि एवं तत्थ अङ्गेसु “अनज्जपरिणतता”ति वत्तब्बन्ति चे? न वत्तब्बं, अत्थतो सिद्धत्ता । परिणतसिक्खापदद्वयसिद्धितो, परिणतसज्जितो, आपत्तिसम्भवतो च “महम्मि देथा”ति वदति, “वट्ठती”ति अनुद्धिदं, “अम्हाकम्पि अत्थी”ति वुत्तत्ता वट्ठति । “सङ्गस्स परिणतं... पे०... आपत्ति दुक्कटस्सा”ति एत्थ “पुग्गलस्सा”ति न वुत्तं, यतो सुद्धपाचित्तियवसेन आगतत्ता । “अज्जचेतियस्सा”ति न वुत्तं सङ्गस्स अचेतियत्ता, तस्मायेव “चेतियस्स परिणतं... पे०... आपत्ति दुक्कटस्सा”ति एत्थापि “अज्जसङ्गस्स अज्जपुग्गलस्सा”ति न वुत्तं । “यतो तथा इध च ‘पुग्गलस्स परिणतं... पे०... आपत्ति दुक्कटस्सा’ति एत्थ च ‘अत्तनोपी’ति किज्वापि न वुत्तं, तथापि सम्भवती”ति वदन्ति । तं पन इध अत्तनो परिणामनाधिकारत्ता इमस्स सिक्खापदस्स न वुत्तन्ति एके । ततुत्तरिसिक्खापदे “अज्जस्सत्थाया”ति (पारा० अट्ट० २.५२६) पदं वियाति एके । तं न, एत्थ पुग्गलपरिणामनसिक्खापदे अवुत्तत्ता । **धम्मसिरित्थेरो** पनाह —

“अत्तनो अज्जतो लाभं, सङ्गस्सज्जस्स वा नतं ।

परिणामेय्य निस्सग्गि, पाचित्तियम्पि दुक्कट”न्ति ॥

तस्सत्थो — सङ्गस्स परिणतं अत्तनो परिणामेय्य निस्सग्गियं । तदेव अज्जतो परिणामेय्य पाचित्तियं । अज्जस्स परिणतं अत्तनो वा परस्स वा परिणामेय्य दुक्कटन्ति, तस्मा अज्जातकविज्जत्तिआदीसु वुत्तापत्तिसम्भवतो इध परिणतद्वये “अत्तनो”ति पदं न वुत्तं । तस्मिज्जि वुत्ते दुक्कटमत्तप्पसङ्गो सिया, अवुत्ते पनेतेसु वुत्तापत्तीं यथागममज्जतरा च इध अवुत्तसिद्धि दुक्कटज्वाति द्वे आपत्तियो एकतो होन्तीति विनयधरानं अनवसेसजाणस्स ओकासो कतो होतीति ।

इति तिसककण्डं सारमण्डं,

अलमेतं विनयस्स सारमण्डे ।

इध निट्ठितसब्बसारमण्डं,

विनयवसेन पुनाति सारमण्डन्ति॥

परिणतसिक्खापदवण्णना निड्ढिता ।

निड्ढितो पत्तवग्गो ततियो ।

निस्सग्गियवण्णना निड्ढिता ।

## पाचित्तियवण्णना

### ५. पाचित्तियकण्डो

#### १. मुसावादवग्गो

#### १. मुसावादसिक्खापदवण्णना

१. वादक्खित्तोति एत्थ अविसेसेन वादजप्पवितण्डसङ्घातो तिविधोपि कथामग्गो “वादो” इच्चेव वुत्तोति वेदितब्बो । तेसु “तित्थियेहि सद्धि”न्ति वचनतो ठपेत्वा वादं “सेसा”ति वदन्ति । छलजातिनिग्गहट्टानकुसलताय कदाचि कत्थचि अवजानित्वा पटिजानाति, तथा पुब्बे किञ्चि वचनं पटिजानित्वा पच्छा अवजानाति । एवं वा अज्जथा वा अज्जेनज्जं पटिचरति । एवं पवत्तो सम्पजानमुसा भासं पटिस्सुणित्वा असच्चायन्तो सङ्केतं कत्वा विसंवादेन्तो एवं सो वादक्खित्तो समानो पाचित्तियवत्थुज्ज परिपूरेन्तो विचरतीति एवमधिप्पायो वेदितब्बो । अत्तनो वादेति एत्थ “सब्बे धम्मा अनत्ता”ति (ध० प० २७९; चूळनि० अजितमाणवपुच्छानिद्देस ७; नेत्ति० ५; महानि० २७) पठममारब्धे अत्तनो वादे । “यं दुक्खं तदनत्ता”ति (सं० नि० ३.१५) नो समयो । “सब्बे धम्मा”ति वुत्ते निब्बानम्मि सङ्गहं गच्छति । “निब्बानं परमं सुखं”न्ति (ध० प० २०३-२०४; म० नि० २.२१५) वुत्तत्ता पन तं न दुक्खं । नो ठानमेतं विज्जति । अयं परवादी “यं दुक्खं तदनत्ता”ति सुत्तं दस्सेत्वा सिद्धन्तं सम्भमेत्वा “विरोधि विरुद्धो”ति वुत्तं दोसं आरोपेस्सतीति तस्मिं पठमवादे कञ्चि दोसं सल्लक्खेन्तो आरोपिते वा दोसे अनारोपिते वा “नायं मम वादो”ति तं अवजानित्वा “निब्बानन्त्वेव सस्सत”न्ति, “अनत्ता इति निच्छया”ति च सुत्तं दिस्वा तस्स पठमवादस्स निद्दोसतं सल्लक्खेत्वा “ममेव अयं वादो”ति तमेव पच्छा पटिजानाति । एवं तत्थ यथावुत्तमानिसंसं सल्लक्खेन्तो तं पटिजानित्वा यदि अनत्ता सब्बे धम्मा, धम्मा एव न ते भवन्ति । सभावं धारेन्तीति हि “धम्मा”ति वुच्चन्ति ।

अयज्ज अत्त-सद्धो सभाववाचीति एवं आरोपिते वा दोसे अनारोपिते वा दोसोति सल्लक्खेत्वा “नायं मम वादो”ति तमेव पठमवादं पच्छा अवजानाति । अथ सो परवादी सपक्खं पटिसेधे पटिजाननत्तापनयनं । पटिजानाति पत्यास्स इति वचनतो “पटिज्जा अज्जा सो नाम ते निग्गहो”ति वुत्तो । सभाववातिरित्तं अत्थं पटिसेधाधिप्पायतो सभावतो अतिरित्तं बालपरिकप्पितमत्तानं सन्धाय “अनत्ता सब्बे धम्मा”ति मे पटिज्जातकथा, सा च तदवत्थायेवाति न मे तं पटिज्जातत्तापनयनं अत्थि, “नायं मम वादो”ति अवजाननं पन सभावसङ्घातं अत्तानं सन्धाय “अनत्ता सब्बे धम्मा”ति न वदामीति अधिप्पायेन कतन्ति इमिना अज्जेन कारणेन तं पुब्बे पटिज्जातत्तापनयनं कारणं पटिच्छादेति । “अनत्ता सब्बेव धम्मा”ति न वत्तब्बं “अत्त-सद्धस्स सभाववाचित्ता”ति इदं कारणं पटिच्च तेन पुब्बे पटिज्जातत्तापनयनं कतं । तमज्जकारणं पच्छा दस्सितेन अज्जेन कारणेन पटिच्छादेतीति अधिप्पायो ।

यस्मा न केवलं यथादस्सितनयेन सो अत्थमेव अवजानाति, पटिजानाति च, किन्तु वचनम्मि, तस्मा अट्ठकथायं (पाचि० अट्ठ० १) “जानितब्बतो”ति पठमं कारणं वत्वा परवादिना “यदि जानितब्बतो अनिच्चं, निब्बानं ते अनिच्चं सिया”ति वुत्ते “न मया ‘जानितब्बतो’ति कारणं वुत्तं, ‘जातिधम्मतो’ति मया वुत्तं, तं तया बधिरताय अज्जेन सल्लक्खित्तन्तिआदीनि वदतीति अधिप्पायो । ‘जानितब्बतो’ति वत्वा पुन ‘जातिधम्मतो’तिआदीनि वदती”ति वुत्तं । “अवजानित्वा पुन पटिजानन्तो तं अवजाननं इमिना

पटिच्छादेति नामा”ति लिखितं ।

२. जानित्वा जानन्तस्स चाति जानित्वा वा जानन्तस्स वाति अत्यद्वयं दीपेतीति ।

३. अपिच मिच्छावाचापरियापन्नाति चतुब्बिधमिच्छावाचापरियापन्ना । सीहळादिनामभेदगताति केचि, तस्मा एवं वदतो वचनं, तंसमुद्वापिका चेतनाति उभयं वुत्तन्ति मातिकायं उभिन्नं सङ्गहितत्ता । विभङ्गे तं वचनं यस्मा विना विञ्जत्तिया नत्थि, तस्मा “वाचसिका विञ्जत्ती”ति विञ्जत्ति च दस्सिता । “एवं वदतो वचन”न्ति लोकवोहारेन वत्वा परमत्थतो दस्सेन्तो “तंसमुद्वापिका वा चेतनाति वुत्त”न्ति च वदति । ओळारिकेनेवाति चेतनासमुद्धानवाचानं सुखुमत्ता विसयवसेनेव कताति ।

९. दिट्ठस्स होतीति दिट्ठो अस्स, अनेन वा उपचारज्झानवसेन न मया अब्यावटो मतो, “न मया पवन्तो पटो दिट्ठो”तिआदिं भणन्तस्स च परमत्थसुञ्जतं उपादाय एव “इत्थिं न पस्सामि, न च पुरिस”न्ति भणन्तस्स च न मुसावादो ।

११. आपत्तिं आपज्जतियेवाति एत्थ “दुब्भासितापत्ती”ति वदन्ति । कस्मा? “केळिं कुरुमानो”ति वुत्तत्ता । “वाचा गिरा... पे०... वाचसिका विञ्जत्ती”ति उजुक्कं सन्धाय, कायो न उजुको ।

मुसावादसिक्खापदवण्णना निट्ठिता ।

## २. ओमसवादसिक्खापदवण्णना

१३. “पुन अरे पत्तेति पुन तं ठानं परिवट्टेत्वा आगते अज्जस्मिं अरे”ति लिखितं । पतिट्ठितारप्पदेसन्ति भूमिं । पुन अरेति पुन तस्मिंयेव अरे भूमिं पत्तेति अत्थोति केचि, तं न सुन्दरं विय । जापितोति पराजितो, “पराजितो”ति वा पाठो । पापेसीति अभिभवसि । मनापं भासमानस्स ब्राह्मणस्स गरुं भारं । उदब्बहीति आकट्ठीति अत्थो, अनादरत्थे वा सामिवचनं । धनञ्च नं अलाभेसीति यथा सो धनं अलभि, तथा अकासीति अधिप्पायो ।

१५. पुब्बेति निदाने । अवक्कणकन्ति छिन्नकण्णकनामं । जवक्कणकन्ति वङ्ककण्णकनामं । धनिट्ठकं धनवट्ठकनामं, सिरिवट्ठकनामं कुलवट्ठकस्सेव नामं । तच्छककम्मन्ति खणनकम्मकारा कोट्टका, पासाणकम्मकाराति केचि । “मुद्दाति पब्बगणना । गणनाति महागणना”ति पोराणगण्ठपदे वुत्तं । “मधुमेहं ओमेह”न्ति लिखितं । थूलकायस्स मंसूपचयोति एके । यभ मेथुने । वीतरागतादीहि अव्कोसन्तोपि किलेसेहेव किर अव्कोसति नाम, तथा “सोतापन्नो”ति अव्कोसन्तो आपत्तिया अव्कोसति नामाति एके । लिङ्गायत्तत्ता अच्चोदातादिपि लिङ्गमेव जातं ।

१६. सब्बत्थ वदेतीति उद्देशो । भणतीति वित्थारो । वदेतीति वा इमिना परविज्जापनं दीपेति ।

२६. अज्जापदेसवारेसु पन “एवं वदेती”ति वुत्तं । कस्मा? पुब्बे दस्सितउद्देसक्कमनिदस्सनत्थं । पुब्बेपि “हीनेन हीनं, हीनेन उक्कट्ठं, उक्कट्ठेन हीनं, उक्कट्ठेन उक्कट्ठ”न्ति जात्यादीसु एकेकस्मिं चतुधा चतुधा दस्सितउद्देसक्कमस्स निदस्सनं “एवं”न्ति इमिना करोति । “हीनेन हीनं वदेती”ति वुत्तद्वानेयेव हि “एवं वदेती”ति वुत्ते सो आकारो निदस्सितो होतीति अधिप्पायो । अज्जत्था अज्जापदेसेन सो आकारो न सम्भवतीति आपज्जति । न सम्भवति एवाति चे? न, विसेसकारणाभावा, तत्थ अनापत्तिप्पसङ्गतो, अनियमनिद्देसेन अनियमत्थसम्भवतो च । “सन्ति इधेकच्चे चण्डाला”तिआदिना हि अनियमनिद्देसेन चण्डालं वा अचण्डालं वा सन्धाय भणन्तस्स आपत्तीति अनियमत्थो सम्भवतीति अधिप्पायो । यदि एवं एत्तकमेव वत्तब्बं तावता पुब्बे दस्सितउद्देसक्कमनिदस्सनसिद्धितोति? न, “वदेती”ति इमिना अयोजिते “एवं”न्ति पदे इमं नाम आकारं दस्सेतीति अनवबोधतो । अज्जापदेसनयेपि परविज्जापनेयेव दुक्कटपाचित्तियं वियाति नियमनपयोजनं वा “वदेती”ति पदन्ति वेदितब्बं । अथ वा अत्तनो समीपे ठत्वा अज्जं भिक्खुं आणापेन्तो हीनेन हीनं वदेति भणति, आपत्ति पाचित्तियस्स । सचे सयं हीनो हीनेन हीनं चण्डालं...पे०...

पुक्कुसं “पुक्कुसो”ति भणति आपत्ति वाचाय वाचाय पाचित्तियस्स, एस नयो अज्जापदेसवारेसुपीति योजना वेदितब्बा । अयमत्थो दुट्ठदोसेसु परियेसितब्बो । अज्जथा “वदेति भणती”ति एतेसं अज्जतरं उभयत्थ अनज्जापदेसवारअज्जापदेसवारेसु, विसेसेन वा अज्जापदेसवारेसु निरत्थकं आपज्जति विनायेव तेन वचनसिलिद्धतासम्भवतो । अत्ततो **पाळियं** अवुत्तता पनेत्थ “साणत्तिक”न्ति वुत्तन्ति वेदितब्बं । तत्रायं पदसन्धि **वदेतीति** वद इतीति । असम्मुखा वदन्तस्स दुक्कटं “सम्मुखा पन सत्तहिपि आपत्तिक्खन्धेहि वदन्तस्स दुक्कट”न्ति **अन्धकटुकथायं** वुत्तता । **दवकम्यता** नाम केळि, तं दस्सेतुं “**हसाधिप्पायता**”ति वुत्तं । “असम्मुखापि दवकम्यताय वदन्तस्स दुब्भासितमेवा”ति आचरिया वदन्ति । पापगरहिताय कुज्झित्वापि वदन्तस्स दुक्कटं, असम्मुखा अनापत्तीति ।

ओमसवादसिक्खापदवण्णना निट्ठिता ।

### ३. पेसुज्जसिक्खापदवण्णना

३६-७. “इमस्स सुत्वा अमुस्सा”ति पाठो । “इमेसं सुत्वा”ति न सुन्दरं । **भेदायपीति** भेदाय । तिण्णम्पि भिक्खुभावतोयेव निपज्जनतो “**भिक्खूनं पेसुज्जे**”ति बहुवचनं कतं ।

३८-९. “इत्थन्नामो आयस्मा चण्डालो...पे०... पुक्कुसोति भणती”ति वत्वा पेसुज्जं उपसंहरतीति योजना । अज्जथा “पुक्कुसोति भणती”ति वत्तब्बता आपज्जति । एत्थ अनुपसम्पन्नवारो लब्भमानोपि न उद्धटो ओमसवादे दस्सितनयत्ता, सङ्खेपतो अन्ते दस्सेतुकामताय वा । तथा हि अन्ते तीणि दुक्कटानि दस्सितानि । तानि पन दस्सेन्तो भगवा यस्मा “उपसम्पन्नस्स सुत्वा उपसम्पन्नस्स पेसुज्जं उपसंहरती”ति वुत्तानं द्विनं पदानं अज्जतरविपल्लासवसेन वा उभयविपल्लासवसेन वा पाचित्तियन्ति कत्वा द्वेपि तानि एकतो वुत्तानीति दस्सेतुकामो, तस्मा सब्बपठमंयेव “उपसम्पन्नो उपसम्पन्नस्स सुत्वा उपसम्पन्नस्स पेसुज्जं उपसंहरति, आपत्ति पाचित्तियस्सा”ति आह । “द्वीसु पनेतेसु यस्मा पाराजिकं अज्झापन्नोपि उपसम्पन्नो तादिसंयेव उपसम्पन्नं खुंसेतुकामो ओमसति, तादिसस्स सुत्वा तादिसस्स पेसुज्जं उपसंहरति, आपत्ति पाचित्तियस्स, तस्मा ‘उपसम्पन्नो’ति इदं आदिपदं सब्बत्थ वुत्त”न्ति केचि वदन्ति, तं न युत्तं, अनवसेसआपत्ति आपन्नस्स पुन आपत्तिया असम्भवतो, तस्मा केवलं **मातिकायं** भिक्खुपदाभावतोयेव “भणति उपसंहरती”ति पदानं कारकनिद्वेसाभावे असम्भवतो एव तं आदिपदं वुत्तन्ति वेदितब्बं । इदं पाळिलेसाभावतो अनाणत्तिकमेव । “न पियकम्यस्स, न भेदाधिप्पायस्सा”ति उपसंहरणापेक्खं सामिवचनं तुण्हीभूतस्स वचनप्पयोजनाभावतो, तेन वुत्तं “**पापगरहिताय भणन्तस्स अनापत्ती**”ति ।

पेसुज्जसिक्खापदवण्णना निट्ठिता ।

### ४. पदसोधम्मसिक्खापदवण्णना

४५-६. **सब्बमेतं पदसो धम्मो नामाति** एत्थ धम्मो नाम बुद्धभासितोति एवं सम्बन्धो । **अक्खरसमूहोति** असमत्तपदे । पच्चेकबुद्धभासितं बुद्धभासिते एव । अनुपासकगहट्टेहि भासितो इसिभासितादिसङ्गहं गच्छतीति वेदितब्बं । कत्थचि पोत्थके “देवताभासितो”ति पदं नत्थि, यत्थ अत्थि, सा पाळि । **गाथाबन्धेपि च एस नयोति** एकमेव अक्खरं वत्वा ठानं लब्भति एव । “एवं मे सुत”न्तिआदिसुत्तं भणापियमानो एकारं वत्वा तिद्धति चे, अन्वक्खरेन पाचित्तियं, अपरिपुण्णपदं वत्वा ठिते अनुब्यज्जनेन । पदेसु एकं पठमपदं विरुज्झति चे, अनुपदेन पाचित्तियं । **अट्ठकथानिस्सितोति** अट्ठकथानिस्सितवसेन ठितो । पुब्बे पकतिभासाय वुत्तं अट्ठकथं सन्धाय । **पाळिनिस्सितोति** पाळियं एवागतो । **मगगकथादीनिपि** पकरणानि ।

४८. **उपचारन्ति** द्वादसहत्थं । “**ओपातेतीति** एकतो भणति समागच्छती”ति लिखितं । किज्चापि अपलालदमनम्पि सीलुपदेसोपि भगवतो काले उप्पन्नो, अथ खो तेसु यं यं बुद्धवचनतो आहरित्वा वुत्तं, तं तदेव आपत्तिवत्थु होतीति विज्जापनत्थं

**महाअट्टकथायं** “वदन्ती”ति वचनेहि सिथिलं कृतं। बुद्धवचनतो आहरित्वा वुत्तस्स बहुलताय तब्बहुलनयेन तेसु आपत्ति वुत्ता, तस्मा **महापच्चरियं** तस्साधिप्पायो पकासितोति अत्थो। “सब्बेसमेव वचनन्ति अपरे”ति वुत्तं। सचे आचरियो ठितो निसिन्नानं पाठं देति, “न ठितो निसिन्नस्स धम्मं देसेस्सामी”ति वुत्तापत्तिं नापज्जतीति एके। तेसम्पि पाठदानं धम्मदेसनतो न अज्जन्ति तं न युत्तं, छत्तपाणिकादीनं पाठदानेन अनापत्तिप्पसङ्गतो, आपत्तिभावो च सिद्धो। वुत्तज्हेतं —

“उभो अत्थं न जानन्ति, उभो धम्मं न पस्सरे।

यो चायं मन्तं वाचेति, यो चाधम्मेनधीयती”ति॥ (पाचि० ६४७)।

एत्थ अधीयतीति अत्थो, तस्मा पाठदानम्पि धम्मदेसनाव। **सेखियट्टकथायं** (पाचि० अट्ट० ६३४) “धम्मपरिच्छेदो पनेत्थ पदसोधम्मे वुत्तनयेन वेदितब्बो”ति वुत्तं, तस्मा अयमेव धम्मो सब्बत्थ धम्मपटिसंयुत्तसिक्खापदेसु वेदितब्बो। यदि एवं सङ्खारभासादिवसेन चित्तधम्मं देसेन्तस्स सेखियवसेन अनापत्ति सिया, ततो छपकजातकविरोधो। तत्थ मन्तानं बाहिरगन्थत्ताति चे? न, तदधिप्पायाजाननतो। अयज्हि तत्थ अधिप्पायो “बाहिरकगन्थसङ्घातम्पि मन्तं उच्चे आसने निसिन्नस्स वाचेतुं मे भिक्खवे अमनापं, पगेव धम्मं देसेतु”न्ति। “तदापि मे, भिक्खवे, अमनापं नीचे आसने निसीदित्वा उच्चे आसने निसिन्नस्स मन्तं वाचेतुं, किमङ्गं पन एतरहि...पे०... धम्मं देसेतु”न्ति (पाचि० ६४७) हि अयं पाळि यथावुत्तमेव अधिप्पायं दीपेति, न अज्जं। तेनेव “मन्तं वाचेतुं धम्मं देसेतु”न्ति वचनभेदो कतो। अज्जथा उभयत्थ “धम्मं देसेतु”मिच्चेव वत्तब्बन्ति।

**मया सद्धि मा वदाति**आदिमिहि पन **अनुगण्ठपदे** एवं वुत्तो “सचे भिक्खु सामणेरेन सद्धि वत्तुकामो, तथा सामणरोपि भिक्खुना सद्धि वत्तुकामो सहसा ओपातेति, ‘येभ्य्येन पगुणं गन्थं भणन्तं ओपातेती’तिआदीसु विय अनापत्ति, न हि एत्तावता भिक्खु सामणेरस्स उद्दिसति नाम होति। यस्मा **महाअट्टकथायं** नत्थि, तस्मापि युत्तमेवेतं। सचे तत्थ विचारेत्वा पटिक्खित्तं सिया आपत्ति, किरियाकिरियज्च नापज्जति। कस्मा? यस्मा चित्तेन एकतो वत्तुकामो, अथ खो नं ‘एकतो मा वदा’ति पटिक्खित्वापि एकतो वदन्तो आपज्जति। अवत्तुकामस्स सहसा विरज्झित्वा एकतो वदन्तस्स अनापत्ति, तेन वुत्तं ‘मया सद्धि मा वदाति वुत्तो यदि वदति, अनापत्ती’ति। तथापि आचरियानं मतिमनुवत्तन्तेन एवरूपेसु ठानेसु यथावुत्तनयेनेव पटिपज्जितब्बं। कस्मा? यस्मा **महाअट्टकथायं** नत्थि, नत्थिभावतोयेव आपत्ति। सचे तत्थ अनापत्तिअवचनं न सम्भवति अयमट्ठानत्ता”ति।

तत्रायं विचारणा — “मया सद्धि मा वदा”ति वुत्तो यदि वदति, भिक्खुनो अनापत्तीति युत्तमेतं भिक्खुनो वत्तुकामतायाभावतो, भावेपि सज्झायकरणादीसु तीसु अनापत्तितो च। अथ सामणेरेन व्यत्तताय “मया सद्धि मा वदा”ति वुत्तो भिक्खु अब्यत्तताय वदति, आपत्ति एव वत्तुकामतासम्भावतो। सहसा चे वदति, अनापत्ति तदभावतो। सचे भिक्खु एवं “मया सद्धि मा वदा”ति वत्त्वा तेन सद्धि सयं वदति, आपत्ति एव। न हि एतं सिक्खापदं किरियाकिरियं। यदि एतं सिक्खापदं किरियाकिरियं भवेय्य, युत्तं। तत्थ अनापत्तीति अधिप्पायो। **महापच्चरियं** इमिनाव अधिप्पायेन “मया सद्धि मा वदा”ति वुत्तं सिया। न हि सामणेरस्स किरिया इध पमाणन्ति, इमस्मिं पन अधिप्पाये वुत्ते अतियुत्तंवाति अत्थो। अक्खरत्थो व्यज्जनत्थो। किञ्चापि “यज्च पदं यज्च अनुपदं यज्च अन्वक्खरं यज्च अनुव्यज्जनं, सब्बमेतं पदसोधम्मो नामा”ति वुत्तं, तथापि “पदेन वाचेति, पदे पदे आपत्ति पाचित्तियस्स, अक्खराय वाचेति, अक्खरक्खराय आपत्ति पाचित्तियस्सा”ति इदमेव द्वयं योजितं, तं कस्माति चे? पदेन अनुपदअनुव्यज्जनानं सङ्गहितत्ता। वुत्तज्हेतं “अनुपदन्ति दुतियपादो। अनुव्यज्जनन्ति पुरिमव्यज्जनेन सदिसं पच्छाव्यज्जन”न्ति (पाचि० अट्ट० ४५), तस्मा अनुपदेकदेसमत्तमेव अनुव्यज्जनन्ति सिद्धं। “अक्खरानुव्यज्जनसमूहो पद”न्ति च वुत्तत्ता पदमत्तमेव वत्तब्बं तेन अनुपदादित्तयग्गहणतोति चे? न वत्तब्बं वचनविसेसतो। पदेन वाचेन्तो हि पदे वा अनुपदे वा अनुव्यज्जने वा आपत्तिं आपज्जति। न अक्खरेन। अक्खरेन वाचेन्तो पन पदादीसु अज्जतरस्मिं आपज्जति। न हि “वरो वरज्जू वरदो वराहरो”तिआदिमिहि पठमं व-कारं वाचेन्तो दुतियादिव-कारे ओपातेति, पठमं रो-कारं वाचेन्तो दुतियरो-कारे ओपातेति, पठमं र-कारं वाचेन्तो दुतियर-कारे ओपातेति, आपत्ति पाचित्तियस्साति सम्भवति। अनुव्यज्जनानुलोमतो सम्भवति एवाति चे? न, “पदे पदे आपत्ति पाचित्तियस्सा”ति इमिना विरुद्धत्ता। इदज्हि वचनं एकस्मिं पदे एका आपत्तीति दीपेति। “रूपं अनिच्चन्ति वुच्चमानो रूति ओपातेती”ति वचनतो सकलं पादं



वाचेन्तस्स पठमअक्खरमत्ते एकतो वुत्ते आपत्तीति सिद्धन्ति चे? न, “अक्खरक्खराय आपत्ति पाचित्तियस्सा”ति इमिना विरुद्धत्ता, तस्मा रूति ओपातेतीति वत्तुं असम्भवतो रू-कारस्स यथावुत्तधम्मपरियापन्नभावसिद्धितो तं अवत्वा केवलं अक्खराय वाचेन्तस्स यथावुत्तधम्मपरियापन्नअक्खरभावदस्सनत्थं “रूपं अनिच्चन्ति वुच्चमानो”ति वुत्तं, वचनसिलिट्ठतावसेन वा अनुव्यञ्जने वेदनावचनं वियाति वेदितब्बं ।

पदसोधम्मसिक्खापदवण्णना निट्ठिता ।

#### ५. पठमसहसेय्यसिक्खापदवण्णना

५०. “न सहसेय्यं कप्पेतब्ब”न्ति भाववसेन वुत्तं, केसुचि “न सहसेय्या कप्पेतब्बा”ति पाठो, न कप्पेतब्बा भिक्खुनाति पञ्चत्तन्ति अधिप्पायो । “अपस्सेनं वाति वायिममञ्चकमेव होती”ति लिखितं । यं एतेसं न कप्पति, तं तेसम्पीति उपज्झायादीनं सन्तिकं अगन्त्वा सहसेय्यं कप्पेय्याति पाठसेसो ।

५२. “अनुपसम्पन्नो नाम भिक्खुं ठपेत्वा अवसेसो”ति वुत्तत्ता मातुगामो अनुपसम्पन्नोति चतुत्थरत्तियं मातुगामो द्वेपि सहसेय्यापत्तियो जनेतीति अपरे”ति वुत्तं, “भिक्खुं ठपेत्वा...पे०... पन्नोति पाराजिकवत्थुभूतो तिरच्छानपुरिसो अधिप्पेतो”ति च, उभयम्पि वीमंसितब्बं । **दुतियसिक्खापदे** मातुगामो नामाति मनुस्सिस्थियेव गहेत्वा यक्खी पेती तिरच्छानगता पाराजिकवत्थुभूता न गहिता तेसु दुक्कटत्ता । “सचे पन अत्तनोपि सिक्खापदे दुक्कटं भवेय्य, अथ कस्मा पठमसिक्खापदे पाचित्तिय”न्ति च वुत्तं । “अपरिक्खित्ते पमुखे अनापत्ती”ति **सीहळट्टकथावचनं**, तस्सत्थं दीपेतुं **अन्धकट्टकथायं** “भूमियं विना जगतिया पमुखं सन्धाय कथित”न्ति वुत्तं । **पुन वसतीति** चतुत्थदिवसे वसति । **भिक्खुनिपन्ने**ति भिक्खुमि निपन्ने । **सन्निपतितमण्डपं** नाम महाविहारे सन्निपातट्टानं । “तीणि च दिवसानि दुक्कटखेत्ते वसित्वा चतुत्थे दिवसे सहसेय्यापत्तिपहोनके सयति, पाचित्तियेवा”ति एकच्चे वदन्ति किर, तं न युत्तं ।

पठमसहसेय्यसिक्खापदवण्णना निट्ठिता ।

#### ६. दुतियसहसेय्यसिक्खापदवण्णना

५५. “अथ खो ते मनुस्सा”ति च “ते अद्धिका”ति च पाठो । “एकरत्त”न्तिपि अत्थि, सो न सुन्दरो । पण्डके **पाळियं** दुक्कटस्स वुत्तत्ता “उभतोव्यञ्जनेहि मूलापत्तीति दिस्सती”ति, “अनिमित्तादयो इत्थियोवा”ति च वदन्ति उभतोव्यञ्जनके वुत्तं विय । किञ्चापि मत्तिथी पाराजिकवत्थु होति, अनुपादिन्नपक्खे ठितत्ता पन इध आपत्तिं न करोति । पाराजिकापत्तिट्टानञ्चेत्थ न ओलोकेतब्बं ।

दुतियसहसेय्यसिक्खापदवण्णना निट्ठिता ।

#### ७. धम्मदेसनासिक्खापदवण्णना

६६. “विज्जू पटिबला”ति वचनतो अविज्जू इत्थियापि देसेन्तस्स अनापत्ति । इध यक्खीआदयो मनुस्सिस्थी विय अनोळारिकत्ता दुक्कटवत्थुका जाता । तिरच्छानगतमनुस्सविग्गहित्थिया पटिबलताय वुत्तत्ता इतरापि दुक्कटवत्थुयेवाति एके । “**मातुगामाया**”ति लिङ्गविपल्लासेन वुत्तं । “अट्टकथादिपाठं ठपेत्वा दमिळादिना यथारुचि कथेतुं लभति किरा”ति लिखितं, यथा यक्खीआदयो दुक्कटवत्थुका जाता, तथा पुरिसविग्गहं गहेत्वा ठितेन यक्खादिना सद्धिं ठितस्स मातुगामस्स धम्मं देसेन्तो दुक्कटं अनापज्जित्वा कस्मा पाचित्तियमापज्जतीति चे? ईसकम्पि दुतियपक्खं अभजनतो । मनुस्समातुगामोपि न दुतियो, पगेव यक्खादयोति । न दुतियानियते तस्स दुतियत्ताति चे? न तत्थ दुट्ठुल्लवाचापेक्खा दुतियता, किन्तु निसज्जापेक्खा, इध च न

निसज्जमतं, किन्तु देसना इधाधिप्पेता । सा च निपज्जनतो ओळारिका, तस्मा असमत्थनिदस्सनं ।

धम्मदेसनासिक्खापदवण्णना निट्ठिता ।

#### ८. भूतारोचनसिक्खापदवण्णना

६७. “चतुत्थपाराजिकवत्थु च इदञ्च एकमेवा”ति वुत्तं, न युत्तं । कस्मा? तत्थ “मोघपुरिसा”ति वुत्तत्ता । ते अरियमिस्सका न होन्तीति द्वेपि एकसदिसानीति मम तक्को । “अरियापि पटिजानिंसु, तेसम्पि अब्भन्तरे विज्जमानत्ता उत्तरिमनुस्सधम्मस्सा”ति लिखितं । “सब्बेपि भूतं भगवाति पृथुज्जनअरियानं उत्तरिमनुस्सधम्मस्स आरोचितत्ता ‘भूत’न्ति वुत्तं, न अत्तनो उत्तरिमनुस्सधम्मं सन्धायाति अपरे”ति वुत्तं ।

७७. पुब्बे अवुत्तेहीति चतुत्थपाराजिके अवुत्तेहीति ।

भूतारोचनसिक्खापदवण्णना निट्ठिता ।

#### ९. दुट्ठुल्लारोचनसिक्खापदवण्णना

७८-८०. “तेनेव हत्थेन उपक्कमित्वा असुचिं मोचेसी”ति पाठो सम्पतिपाठो सुन्दरो । अपलोकेत्वाव कातब्बा । नो चे, पाळियंयेव वुत्तं सिया । “ओत्तप्पेना”ति वत्तब्बे रुळ्हीवसेन परेसु “हिरौत्तप्पेना”ति वुत्तं । महाअट्ठकथायं उत्तानत्ता न वुत्तं, पाचित्तियासम्भवदस्सनेनेव हि दुक्कटन्ति सिद्धं ।

८३. तत्थ “कम्म”न्ति वुत्तअज्झाचारेपि परियापन्नत्ता तं तस्स दण्डकम्मवत्थु । “तत्थ कम्मं आपन्नो”ति पुब्बेपि लिखितं । महाअट्ठकथायं “अत्तकामं आपन्नो”ति पाठो, “अयमेव गहेतब्बो”ति वदन्ति, वीमंसितब्बं ।

दुट्ठुल्लारोचनसिक्खापदवण्णना निट्ठिता ।

#### १०. पथवीखणनसिक्खापदवण्णना

८६. कटसक्खरा सेतमत्तिका विय मुदुका सक्खरजाति । “अकतपब्भारेति अवलज्जितब्बट्ठानदस्सनत्थं वुत्त”न्ति लिखितं । “अनोवस्सकट्ठानदस्सनत्थ”न्ति वत्तब्बं । मूसिकुक्कुरन्ति मूसिकाहि उद्धटपंसु । सुद्धचित्ताति किञ्चापि “एवं पवट्ठिते पथवी भिज्जिस्सती”ति जानन्ति, नो पन चे पथवीभेदत्थिका, सुद्धचित्ता नाम होन्ति । पंसुआदयो द्वे कोट्टासा आपत्तिकरा । केचि “सब्बच्छन्नादीसु उपट्ठे दुक्कटस्स वुत्तत्ता सचे दुक्कटं, युत्त”न्ति वदन्ति । तत्थ युत्तं तादिसस्स वत्थुनो सम्भवा, इध पन जातपथवी च अजातपथवी चाति द्वेयेव वत्थूनि, तस्मा द्विन्नं एकेन भवितब्बन्ति न युत्तं । एत्थापि दुक्कटवचनं अत्थीति चे? तं पन सज्जावसेन, न वत्थुवसेनाति न युत्तमेव ।

८७. अग्गिं कातुं वट्ठतीति एत्थ एत्तावता उसुमं गण्हाति, तस्मा वट्ठतीति केचि । एवं सति पथविया अग्गिहि कते दूरतोपि भूमि उण्हा होति, तत्तकं कोपेतब्बं सिया, न च कप्पति, तस्मा यस्मिं ठाने पतति, तं सो अग्गि डहति, तस्मा वट्ठतीति एके । अडहितेपि “अदट्ठाय पथविया अग्गिं ठपेतुं न वट्ठती”ति वुत्तत्ता अत्तना पातनायेव दोसो पतिते उपदाहेति वेदितब्बं ।

पथवीखणनसिक्खापदवण्णना निट्ठिता ।

समतो वण्णनाक्कमेन मुसावादवग्गो पठमो ।

## २. भूतगामवग्गो

### १. भूतगामसिक्खापदवण्णना

८९. फरसुं निग्गहेतुं असक्कोन्तोति दस्सितभावं जानापेति । कस्मा अयं फरसुं उगिरीति चे? मनुस्सानन्तिआदि तस्स परिहारो । “आकोटेसि छिन्दीति च वचनतो रुक्खदेवतानं हत्थानि छिज्जन्ति, न चातुमहाराजिकादीनं विय अच्छेज्जानी”ति वदन्ति ।

९०-९२. भवन्ति अहुवुज्जाति द्विकालिको भूतसद्वो । यदि बीजतो निब्बत्तेन बीजं दस्सितं, तदेव सन्तकं यदिदं । सोव कुक्कुटो मंसिमक्खितोति अयमेव हि परिहारो । अट्टकथासुपि हि “बीजे बीजसज्जी”ति लिखितं । यं बीजं भूतगामो नाम होति, तस्मिं बीजे भूतगामबीजेति योजेत्वा । अमूलकत्ता किर सम्पुण्णभूतगामो न होति, “समूलपत्तो एव हि भूतगामो नामा”ति कारणं वदन्ति । “अभूतगाममूलत्ताति भूतगामतो अनुप्पन्नत्ता अभूतगाममूलं, भूतगामस्स अमूलकत्ता वा । न हि ततो अज्जो भूतगामो उप्पज्जती”ति द्विधापि लिखितं । पियङ्गु असनरुक्खो वट्टनत्तचो खज्जफलो, “पीतसालो”तिपि वुच्चति । अमूलकभूतगामे सङ्गहं गच्छतीति नाळिकेरस्सेवायं । घटपिट्टिजातत्ता, बीजगामानुलोमत्ता च दुक्कटवत्थु । न वासेतब्बं “दुरूपचिण्णत्ता”ति लिखितं, “येसं रुक्खानं साखा रुहतीति वचनतो येसं न रुहति, तेसं साखाय कप्पियकरणाकिच्चं नत्थीति सिद्ध”न्ति वुत्तं । मुद्दतिणन्ति तस्स नामं । “मुज्जतिणन्ति पाठो”ति लिखितं ।

समणकप्पेहीति समणवोहारेहि, तस्मा वत्तब्बं भिक्खुना “कप्पियं करोही”ति । तस्स आणत्तिया करोन्तेनापि सामणेरादिना “कप्पिय”न्ति वत्त्वाव अग्गिपरिजितं कातब्बन्ति सिद्धं । अग्गिपरिजितादीनि विय कप्पियत्ता अबीजनिब्बट्टबीजानिपि “पञ्चहि समणकप्पेही”ति (चूळव० २५०) एत्थ पविट्ठानि, यथालाभतो वा समणकप्पवचनं गहेतब्बं । “कप्पिय”न्ति वत्तुकामो ‘कप्प’न्ति चे वदति, ‘वट्टती’ति वदन्ती”ति वुत्तं । “कप्पिय”न्ति वचनं सकसकभासायपि वट्टती”ति वदन्ति । “कप्पियन्ति वत्त्वा”ति वुत्तत्ता भिक्खुना ‘कप्पियं’इच्चेव वत्तब्बं, “इतरेन पन याय कायचि भासाया”ति वदन्ति, वीमंसितब्बं । “उच्छुं कप्पियं करिस्सामीति दारुं विज्झती”ति वचनतो कप्पियं कातब्बं सन्धाय विरद्धेति वुत्तं होति, आचरिया पन “कप्पियं कारेतब्बं सन्धाय कप्पियन्ति सित्थादिं कारेति, वट्टती”ति वदन्ति, तस्स कारणं वदन्ता कातुं वट्टनभावेनेव विरज्झित्वा कतेपि कप्पियं जातं । यदि न वट्टेय्य, सित्थादिमिह कते न वट्टेय्याति, उपपरिक्खितम्बं । उट्ठितसेवालघटं आतपे निक्खिपितुं वट्टति, विकोपेतुकामताय सति दुक्कटं युत्तं विय । “पुप्फरज्जुभाजनगतिका, तस्मा न वट्टति । नाळे वा बद्धपुप्फकलापे नाळस्मिं कतेपि वट्टति तस्मिं पुप्फस्स अत्थिताया”ति वदन्ति । पोरणगण्ठपदे “बीजगामेन भूतगामो दस्सितो अनवसेसपरियादानत्थ”न्ति वुत्तं ।

भूतगामसिक्खापदवण्णना निट्ठिता ।

### २. अज्जवादकसिक्खापदवण्णना

९८-९. अज्जं वदतीति अज्जवादकं, “वचनं करेय्या”ति लिखितं । “तुण्हीभूतस्सेतं नाम”न्ति पाठो । उग्धातेतुकामोति समोहनितुकामो, अन्तरायं कत्तुकामोति पोरणा ।

१००. “सुदिट्ठो भन्ते, न पनेसो कहापणोतिआदीसु अनारोपिते दुक्कटेन मुसावादपाचित्तियं, अरोपिते पाचित्तियद्वयं होती”ति वदन्ति, वीमंसितम्बं ।

१०२. अधम्मेन वा वग्गेन वा न कम्मरहस्स वाति एत्थ “मयि वुत्ते मं वा अज्जं वा सङ्गो अधम्मेन वा कम्मं, वग्गेन वा कम्मं करिस्सति, न कम्मरहस्स वा मे, अज्जस्स वा कम्मं करिस्सती”ति न कथेतीति योजेतम्बं ।

अज्जवादकसिक्खापदवण्णना निट्ठिता ।

### ३. उज्झापनकसिक्खापदवण्णना

१०३. “छन्दाया”ति अक्खरक्खरायातिआदि विय लिङ्गविपल्लासेन वुत्तं, छन्दत्थन्ति वा अत्थो। येसं सेनासनानि पज्जपेति, तेसं अत्तनि छन्दत्थन्ति अधिप्पायो।

१०६. अनुपसम्पन्नन्तिआदीसु करणत्थो गहेतब्बो। अज्जं अनुपसम्पन्नन्ति अज्जेन अनुपसम्पन्नेन। तस्स वाति अनुपसम्पन्नस्स। “सम्मुतिकाले पज्जङ्गविरहादयो असम्मता नामा”ति, “उपसम्पन्नेन लद्धसम्मुति सिक्खापच्चक्खानेन विनस्सती”ति च वुत्तं। सङ्गेनाति सब्बेन सङ्गेन कम्मवाचाय अस्सावेत्वा “तवेसो भारो”ति केवलं आरोपितभारो। केवल-सद्दो हेत्थ कम्मवाचाय अस्सावितभावमत्तमेव दीपेति। सयमेवाति इतरेसं भिक्खूनं अनुमतिया। अभूतेन खीयनकस्स आदिकम्मिकस्स कथं अनापत्तीति चे? इमिना सिक्खापदेन। मुसावादे आपत्तियेव द्वे पाचित्तियो वुत्ता विय दिस्सन्ति पुब्बपयोगे रुक्खादिछिन्दनादीसु विय, विचारेतब्बं।

उज्झापनकसिक्खापदवण्णना निट्ठिता।

### ४. पठमसेनासनसिक्खापदवण्णना

११०. “एवज्जिदं भगवता भिक्खूनं सिक्खापदं पज्जत्तं होती”ति वचनतो, परिवारे “एका पज्जत्ति, एका अनुपज्जत्ती”ति (परि० २२६) वचनतो च इध अत्थि अनुपज्जत्तीति सिद्धं। किञ्चापि सिद्धं, “एवज्ज पन, भिक्खवे, इमं सिक्खापदं उद्दिसेय्याथा”तिआदिना पन पज्जत्तिट्ठानं न पज्जायति, केवलं “अनुजानामि, भिक्खवे, अट्टमासे...पे०... निक्खिपितु”न्ति एत्तकमेव वुत्तं, तं कस्माति चे? पठमपज्जत्तियं वुत्तनयेनेव वत्तब्बतो अविसेसत्ता न वुत्तं। यदि एवं का एत्थ अनुपज्जत्तीति? अज्झोकासेति। अयमनुपज्जत्ति पज्जत्तियमि अत्थीति चे? अत्थि, तं पन ओकासमत्तदीपनं, दुतियं चातुवस्सिकमाससङ्घातकालदीपनं। यस्मा उभयमि एकं कालोकासं एकतो कत्वा “अज्झोकासे”ति वुत्तन्ति दीपेन्तो भगवा “अनुजानामि, भिक्खवे...पे०... निक्खिपितु”न्ति आहाति वेदितब्बं। तेनेव मातिकाटुकथायं (कङ्का० अट्ट० पठमसेनासनसिक्खापदवण्णना) वुत्तं “यत्थ च यदा च सन्थरितुं न वट्ठति, तं सब्बमिध अज्झोकाससङ्ख्यमेव गतन्ति वेदितब्बं”न्ति। हेमन्तकालस्स अनापत्तिसमयत्ता इदं सिक्खापदं निदानानपेक्खन्ति सिद्धं, तथा हि अज्झोकासपदसामत्थियेन अयं विसेसो — वस्सानकाले ओवस्सकट्टाने अज्झोकासे, मण्डपादिमि च न वट्ठति। हेमन्तकाले पकतिअज्झोकासे न वट्ठति, सब्बमिध ओवस्सकेपि मण्डपादिमि वट्ठति, तज्ज खो यत्थ हिमवस्सेन सेनासनं न तेमेति, गिम्हकाले पकतिअज्झोकासेपि वट्ठति, तज्ज खो अकालमेघादस्सनेयेवाति अयं विसेसो “अट्ट मासे”ति च “अवस्सिकसङ्केते”ति च एतेसं द्विन्नं पदानं सामत्थियतोपि सिद्धो।

किञ्च भिय्यो — अट्टकथायं सन्दस्सितविसेसोव। चम्मादिना ओनद्धको वा नववायिमो वा न सीधं विनस्सति। कायानुगतिकत्ताति काये यत्थ, तत्थ गतत्ता। सङ्घिकमज्जादिमि कायं फुसापेत्वा विहरितुं न वट्ठतीति धम्मसिरित्थेरो। “सङ्घिकं पन ‘अज्झोकासपरिभोगेन परिभुज्जथ, भन्ते, यथासुखं’न्ति दायका देन्ति सेनासनं, एवरूपे अनापत्ती”ति अन्धकट्टकथायं वचनतो, इध च पटिक्खेपाभावतो वट्ठति। “अज्जज्ज एवरूपन्ति अपरे”ति वुत्तं। “पादट्टानाभिमुखाति निसीदन्तस्स पादपतनट्टानाभिमुखा”ति लिखितं। सम्मज्जन्तस्स पादट्टानाभिमुखन्ति आचरियस्स तक्को।

१११. “पादुद्धारेनाति बहिउपचारे ठितत्ता”ति लिखितं। गच्छन्ति, दुक्कटं धम्मकथिकस्स विय। कस्मा न पाचित्तियं? पच्छा आगतेहि वुट्ठतरेहि उट्ठापेत्वा गहेतब्बतो। धम्मकथिकस्स पन अनुट्ठपेतब्बत्ता। “अनाणत्तिया पज्जत्तियमि तस्स भारो”ति वुत्तं।

११२. परिहरणेयेवाति एत्थ गहेत्वा विचारणेति धम्मसिरित्थेरो। अत्तनो सन्तककरणेति उपत्तिस्सत्थेरो। बीजनीपत्तकं चतुरस्सबीजनी।

११३. “यो भिक्खु वा सामणोरो वा...पे०... लज्जी होती”ति वुत्तत्ता अलज्जिं आपुच्छित्वा गन्तुं न वट्टती”ति वदन्ति । पाठे “केनचि पलिबुद्धं होती”ति च **अट्टकथायं** “पलिबुद्धं”न्ति च सेनासनंयेव सन्धाय वुत्तं, तस्मा तथापि अत्थीति गहेतब्बं । “अनापुच्छं वा”ति पाठो ।

पठमसेनासनसिक्खापदवण्णना निट्ठिता ।

#### ५. दुतियसेनासनसिक्खापदवण्णना

११६-७. **एत्तमेव वुत्तमट्टकथासु**, तथापि पदद्वयादयोपि लब्धन्ति एव । **अनुगण्ठपदे** “अज्जं अत्थरणादि अकप्पियत्ता न वुत्तं”न्ति वुत्तं । “मज्जं वा पीठं वा विहारे वा विहारूपचारे वा”ति इमिनापि संसन्दनत्थं **‘किञ्चापि वुत्तो, अथ खो’**तिआदि आरब्धं”न्ति च वुत्तं । उपचारमत्तज्जेतं “रुक्खमूले”ति, तत्थ वत्तब्बं नत्थि ।

११८. **अनापुच्छित्वापि गन्तुं वट्टती**ति असतिया गच्छतोपि अनापत्ति, **आपुच्छनं पन वत्तं** सज्जिच्च अनापुच्छतो वत्तभेददुक्कटत्ता । पुग्गलिकसेनासने सङ्घिकसेय्यं, सङ्घिकसेनासने वा पुग्गलिकसेय्यं अत्थरित्वा गच्छन्तस्स दुक्कटं युत्तं विय । कस्मा? “सेय्यामत्तमेव नस्सेय्या”ति वुत्तत्ता । इध पन “पलिबुद्धं पलिबुद्धो”ति दुविधम्मि अत्थि ।

दुतियसेनासनसिक्खापदवण्णना निट्ठिता ।

#### ६. अनुपखज्जसिक्खापदवण्णना

१२१. छब्बगियेसुयेव **थेरा भिक्खू**ति केचि । **पादे धोवित्वा**तिआदिमि पविसन्तस्स वा पादधोवनपासाणतो याव मज्जपीठं पस्सावत्थाय निक्खमन्तस्स वा याव पस्सावट्ठानन्ति योजना कातब्बा । एवं सन्ते “पस्सावत्थाय निक्खमन्तस्स वा”ति न वत्तब्बं, “पस्सावट्ठानतो निक्खमन्तस्स वा”ति वत्तब्बं । **पस्सावट्ठानन्ति** कत्थचि पोत्थके । तथा हि **मातिकाट्टकथायं** (कङ्का० अट्ट० अनुपखज्जसिक्खापदवण्णना) “पविसन्तस्स पादधोवनपासाणतो याव मज्जपीठं निक्खमन्तस्स मज्जपीठतो याव पस्सावट्ठानं, ताव उपचारो”ति वुत्तं, तस्मा “पादे धोवित्वा पविसन्तस्स, पस्सावत्थाय निक्खमन्तस्स च द्वारे निक्खित्तपादधोवनपासाणतो, पस्सावट्ठानतो च मज्जपीठं”न्ति कत्थचि पोत्थके पाठो, सो अपाठो । कस्मा? मज्जपीठानं उपचारस्स वुत्तत्ता । पविसन्तस्स याव मज्जपीठानं उपचारो, निक्खमन्तस्स ततो पट्ठाय याव पस्सावट्ठानं वच्चकुटिचङ्कमट्ठानन्ति इमिना अत्थेन यथा संसन्दति, तथाविधो पाठोति आचरियो ।

१२२. **उपचारं ठपेत्वा**ति इध वुत्तउपचारं ठपेत्वा । “दस्सनसवनूपचारेपि सन्थरन्तस्सा”ति लिखितं ।

अनुपखज्जसिक्खापदवण्णना निट्ठिता ।

#### ७. निक्कट्टनसिक्खापदवण्णना

१२६-७. **छसत्तकोट्टकानि वा**ति एत्थ द्वारकोट्टकं अधिप्पेतं । “निक्खमा”ति वचनं सुत्वापि अत्तनो रुचिया निक्खमति, अनापत्ति; इध अगिसालादि एव **उपचारो**ति ।

निक्कट्टनसिक्खापदवण्णना निट्ठिता ।

#### ८. वेहासकुटिसिक्खापदवण्णना

१२९. “पमाणमज्झिमस्स गलप्पमाणे दिन्नतुलापि वेहासकुटियेवा”ति लिखितं, “न सा इध अधिप्पेता”ति वुत्तं ।

वेहासकुटिसिक्खापदवण्णना निद्धिता ।

### ९. महल्लकविहारसिक्खापदवण्णना

१३५. याव द्वारकोसाति द्वारसमीपा, याव भिक्कीति अत्थो, तं सुवुत्तं । कवाटवित्थारप्पमाणोति हत्थपासस्साधिप्पेतत्ता, समन्ता कवाटवित्थारप्पमाणउपचारस्स गहितत्ता अपरिपूरउपचारापि होति । आलोकं करोतीति आलोकं सन्धेति पिधेतीति सन्धि एव आलोकसन्धिनामका होन्ति । वातपानकवाटलेपकम्मे अप्पहरितट्टानकिच्चं नत्थि ।

१३६. इट्ठकाति छदनकपालासिलादिइट्ठका । छदनूपरीति एत्थ पठमं ताव एकवारं अपरिसेसं छादेत्वा पुन छादनदण्डके बन्धित्वा दुतियवारं तथेव छादेतब्बं । “ततियवारचतुत्थवारं सम्पत्ते द्वे मग्गे अधिद्वहित्वा ततियमग्गं आणापेत्वा पक्कमितब्ब”न्ति वुत्तं, तं “पुनप्पुनं छादापेती”ति इमिना युज्जति ।

पोराणा पन “पठमवारेयेव तयो मग्गे अधिद्वहातुं वट्ठति, चतुत्थतो पट्टाय आपत्ति पाचित्तियं, चतुत्थलेपतो पट्टाय आपत्ती”ति वदन्ति । तत्थ छदने वुत्तविधिनिदानेन समेति, लेपे वुत्तविधितिकच्छेदेन समेति । तथापि सो न युत्तोव । निदाने, अट्ठकथायज्ज सिद्धलेपत्ता सब्बसोवापि अच्छन्ने, छन्नेवापि अनेकसो परियायस्स ततियस्सेव अधिद्वानन्ति नो समेतीति आचरियो । “द्वे मग्गे”ति, “द्वे छदने”ति च “ततियवारतो पट्टाय एवं छादापेही”ति आणापेत्वा पक्कमितब्ब”न्ति च उपतिस्सत्थेरो वदति किर ।

महल्लकविहारसिक्खापदवण्णना निद्धिता ।

### १०. सप्पाणकसिक्खापदवण्णना

१४०. सप्पाणकसिक्खापदं उत्तानत्थमेव ।

समत्तो वण्णनाक्कमेन भूतगामवग्गो दुतियो ।

### ३. ओवादवग्गो

#### १. ओवादसिक्खापदवण्णना

१४४. कथानुसारेणाति यो भिक्खुनोवादकत्थिको किंसीलो किंसमाचारो कतरकुला पब्बजितोतिआदि कथानुसारेणाति अत्थो । सग्गमग्गमनेपीति अपि-सद्देन मोक्खगमनेपि । “लक्खणप्पटिवेधपटिसंयुत्तो”ति अट्ठगरुधम्मनानुसारेण वत्तब्बं धम्मकथं सन्धाय वुत्तं ।

१४५-१४७. निस्सीमन्ति विहारे बद्धसीमतो अज्जं अबद्धसीमं, गामसीमादिन्ति अत्थो । “सुपिनन्तेनपी”ति न सब्बेसन्ति इध बाहुल्लनयेन वुत्तं । छब्बगिया हि केचि वीसतिवस्सापि अत्थि अतिरेकवीसतिवस्सापीति इमिना इमं मज्झिमबोधिकाले पञ्चत्तन्ति विज्जायति । “सीलवा होती”ति वत्त्वा तस्स चतुब्बिधत्ता इध अधिप्पेतसीलमेव दस्सेतुं “पातिमोक्खसंवरसंवुत्तो”तिआदि वुत्तं । गण्ठानुगण्ठपदेसु “सतिसंवरादयो इध नाधिप्पेता, तेन विभङ्गपाठं दस्सेति अट्ठकथाचरियो”ति वुत्तं । अत्थतोति पाळिअत्थतो । कारणतोति कारणूपपत्तितो, अट्ठकथातोति अधिप्पायो । अथ वा कारणतोति धम्मतो, तेन अत्थतो धम्मतोति वुत्तं होति । अथ वा अत्थतोति फलतो । “कारणतोति हेतुतो । धम्मपदम्पि जातकेन सहा”ति लिखितं । पज्जं कथेतुन्ति “पज्जं पुट्ठो कथेती”ति एत्थ भिक्खुनिया पुट्ठेन “न जानामी”ति न सक्का कथेतुं । “न खो पन तं

भगवन्तं”न्ति पाठो। “न खो पनेत”न्ति च लिखन्ति, तं न सुन्दरं। “कासायवत्थवसनाया”ति वचनतो पाराजिकायपि न वट्टति। भिक्खुनिया कायसंसग्गमेव वुत्तं। मेथुनेन हि भिक्खुनीदूसको होति।

**१४८-९.** भिक्खून् सन्तिके उपसम्पन्ना नाम परिवत्तलिङ्गा, पञ्चसता साकियानियो वा। “धम्मदेसनापत्तिमोचनत्थं पना”ति वचनतो मातुगामगहणेन सब्बत्थ भिक्खुनीसङ्गहं गच्छतीति सिद्धं। भिक्खुनिगहणेन पन मातुगामो **तिरियं तरणसिक्खापदे** (पाचि० १८७-१९०) सङ्गहितो, न अज्जत्थ। “ओसारेतब्बा”ति पाळिपाठो, पाळि ओसारेतब्बाति अत्थो। “ओसारेतब्ब”न्ति अट्ठकथापाळि। एकस्मिं ठाने वन्दिते दोसाभावतो बहूसु एकाय वन्दिते वट्टतीति चे? भिक्खूहि कत्तब्बं नत्थि, भिक्खुनियायेव कत्तब्बं, तस्मा न वट्टति। “**यत्थ कत्थचि निसिन्नाया**ति अन्तोद्वादसहत्थे निसिन्नाया”ति वदन्ति। **न निमन्तिता हुत्वा गन्तुकामा**ति निमन्तिता हुत्वा गन्तुकामा भिक्खू इध नाधिप्पेता, वस्सं उपगन्तुकामाव अधिप्पेताति अत्थो। **यतो पना**ति भिक्खुनीविहारतो। **तत्था**ति भिक्खुनीविहारे। किञ्चापि “ओवाददायका भिक्खू”ति वचनतो ओवाददायकेहेव सभिक्खुको आवासो होति, न सब्बेहीति आपन्नो, तथापि असति भिक्खुनोवादके ओवादसंवासानं अत्थाय याचनत्थाय अवस्सं गन्तब्बत्ता अज्जेहिपि भिक्खूहि सभिक्खुकोपि सभिक्खुको एवाति वेदितब्बो। **सा रक्खितब्बा**ति वस्सच्छेदापत्ति रक्खितब्बा। कस्मा? **आपदासु** हीतिआदि। “**अयं उपोसथो चातुदसिकोति पुच्छितब्ब**”न्ति वुत्तं, तम्पि तेरसियंयेव, एतरहि पन भिक्खुनियो चातुदसियंयेव गन्त्वा “कदा अय्य उपोसथो”ति पुच्छन्ति। “जायायो वा जारियो वा”ति अधिप्पायेन वुत्तं किर। “गच्छेय्य चे, आपत्ती”ति पाठो। **द्वे तिस्सो**ति द्वीहि तीहि। एकतो आगतानं वसेन “ताही”ति बहुवचनं वुत्तन्ति अधिप्पायो। “एका भिक्खुनी वा बहू भिक्खुनी वा बहूहि भिक्खुनुपस्सयेहि ओवादत्थाय पेसिता”ति वचनस्स वित्थारो “भिक्खुनिसङ्घो च अय्य भिक्खुनियो चा”तिआदिना वुत्तो। “भिक्खुनिसङ्घो च अय्य भिक्खुनियो चा”तिआदि नानाउपस्सयेहि पेसिताय वचन”न्ति च “अपरिपुण्णसङ्घपुगलनानावासदुतियवचनवसेन पञ्चक्खत्तुं उपसङ्कमनं वुत्त”न्ति च लिखितं। यस्मिं आवासे पातिमोक्खुद्देसो न पवत्तति, तत्थापि याचनं सम्पटिच्छित्वा पुनदिवसे येन पटिग्गहितं, तेन “नत्थि कोचि भिक्खु भिक्खुनोवादको सम्मतो”तिआदि वत्तब्बं। अत्थि चे सम्मतो, निदिसितब्बो। “सयमेव चे सम्मतो, अहं”न्ति वत्तब्ब”न्ति वुत्तं। सचे सम्मतो वा ओवादपटिग्गाहको वा पातिमोक्खं उदिसति, अज्जेन आरोचापेतब्बन्ति एके, “अत्तनापि आरोचेतुं वट्टती”ति च वदन्ति। केसुचि पोत्थकेसु “अय्यानं पवारेती”ति लिखितं, एवं सति “अय्यस्स पवारेमी”ति वत्तब्बं, पोत्थके नत्थि।

ओवादसिक्खापदवण्णना निड्डिता।

## २. अत्थङ्गतसिक्खापदवण्णना

**१५३. मुनाती**ति जानाति। **अन्तरधायतिपी**ति एत्थ तदुत्तमं चे अत्थि, तं पस्सामि, यं विचित्तं वा, तदत्थज्ज। तग्घ कारणं। सह उप्पादमनन्तरा किरिया। यमा च ते मनसा कतत्र नेत्वाति। यथा पातो सिया पातो भवं पातोव उदकतो उगन्त्वा ठितं, तथा विरोचमानं अङ्गीरसं बुद्धं पस्स, न केवलं पदुमं विय, विरोचमानं तपन्तमादिच्चमिवन्तलिक्खेति सम्बन्धो। अथ वा अङ्गीरसं बुद्धं पदुमं विरोचमानं सूरियं तपन्तं पस्स बुद्धं। यथा पातो सिया फुल्लमवीतगन्धं कोकनुदसङ्घातं पदुमं पस्ससि, तथा विरोचमानं अङ्गीरसं बुद्धं पस्स। उभयेनेव हि भगवतो कन्ति दीपिताति कत्वा दीपितगुणसुभं बुद्धं सक्कत्वा तं कन्ति पूजेय्य। पूजनेय्यतोपि वीतिनामेय्य इति लक्खये। “एकतो उपसम्पन्नाया”ति पाळि।

**१५६.** “एकतो उपसम्पन्नान”न्ति अट्ठकथापाठो। “अभब्बो त्व”न्तिआदिवचनतो अनुकम्पावसेन सद्धिविहारिकादिं सङ्घिका विहारा निक्कट्टुपेन्तस्स अनापत्ति विय दिस्सति। अभब्बो हि थेरो सज्जिच्च तं कातुं, गवेसितब्बाव एत्थ युतीति केचि। थेरेन सिक्खापदपज्जिततो पुब्बे कतन्ति मम तक्को।

अत्थङ्गतसिक्खापदवण्णना निड्डिता।

### ३. भिक्खुनुपस्सयसिक्खापदवण्णना

१६२. “एकरत्तम्पि वसन्ती”ति (पाचि० १६१) वचनतो यत्थ रत्तियं न वसन्ति, तत्थ गन्त्वा ओवदितुं वट्टतीति एके। यदि एवं सङ्केतद्वानं गन्त्वा ओवदितुं वट्टतीति सिद्धं। “ततो अद्ध्ययोजनेयेव सभिक्खुको आवासो इच्छितब्बो”ति न वत्तब्बं। भिक्खुनोवादको चे अद्ध्ययोजनं गन्त्वा ओवदितुकामो होति, भिक्खुनिसङ्घो च अद्ध्ययोजनं गन्त्वा सोतुकामो, “वट्टती”ति वत्तब्बं सिया, तच्च न वुत्तं, तस्मा न वट्टति। हेट्ठिमपरिच्छेदेन पन “एकरत्तम्पी”ति वुत्तं। ततो पट्टाय उपस्सयं होति, न उपस्सयसङ्घेपेन कतमत्तेनाति वुत्तं होति। यत्थ वासूपगता भिक्खुनियो, सो उपस्सयसङ्ख्यं गच्छति, तत्थ न गन्त्वा ओवादो दातब्बो। एकावासे दिवा वट्टतीति एके, विचारेत्वा युत्ततरं गहेतब्बं।

भिक्खुनुपस्सयसिक्खापदवण्णना निट्ठिता।

### ४. आमिससिक्खापदवण्णना

१६४. “उपसम्पन्नं सङ्गेन असम्मत”न्ति पाळिवचनतो, “सम्मतेन वा सङ्गेन वा भारं कत्वा ठपितो”ति अट्ठकथावचनतो च अट्ठहङ्गेहि समन्नागतो सम्मतेन वा विष्णवसितुकामेन “यावाहं आगमिस्सामि, ताव ते भारो होतू”ति याचित्वा ठपितो, तस्साभावतो सङ्गेन वा तथेव भारं कत्वा ठपितो अट्ठहि गरुधम्मोहि ओवदितुं लभति, पगेव अज्जेन धम्मेनाति सिद्धं। “यो पन भिक्खु असम्मतो भिक्खुनियो ओवदेय्य, पाचित्तिय”न्ति पगेव भारं कत्वा अट्ठपितं सन्धाय वुत्तन्ति वेदितब्बं। अभयगिरिवासीनम्पि इदमेव मतं, **अनुगण्ठपदे** पन इमं नयं पटिक्खपित्वा “नत्थि कोची”तिआदिना “एतरहि ओवादको असम्मतो भिक्खुनोवादको नामा”ति वत्त्वा “यं पन **अन्धकट्टकथायं** वुत्तं ‘उपसम्पन्नं सङ्गेन कम्मवाचाय असम्मतं, भिक्खुसङ्गेन पन भिक्खुनिसङ्घस्स अनुगहं करोथ, भिक्खुनियो ओवदथ, भिक्खुसङ्घस्स च करोथ फासुविहारन्ति एवं याचित्वा ठपितो भिक्खुसङ्घं आपुच्छित्वा, ततो सो थेरो भिक्खुनियो ओवदति, एवरूपं भिक्खुसङ्गेन असम्मतन्ति, तत्र वुत्तनयेनेव अत्थो गहेतब्बो”ति वुत्तं। **पोराणगण्ठपदे** पन “असम्मतो गामं ओवादत्थाय आगतानं भिक्खुनीनं वचनं सुत्वा पटिवचनं देन्तो सङ्गानुमतिया, न जत्तिचतुत्थेना”ति वुत्तं, तं **अनुगण्ठपदमतेन** समेति, **अन्धकट्टकथायं** वुत्तवचनं तेन समेति, तच्च पाळिवचनं, न हि ओवादपटिग्गाहको, पातिमोक्खुद्देसको वा “पासादिकेन सम्पादेतू”ति वचनमत्तेन भिक्खुनोवादको नाम होति। होतीति चे, अनुपसम्पन्नोपि तत्तकेन वचनेन “भिक्खुनोवादको होतू”ति वत्तब्बो। होतीति चे, यं वुत्तं **गण्ठानुगण्ठपदेसु** “असम्मतो नाम असम्मतभावेन ‘बहुस्सुतो त्वं ओवदाही”ति सङ्गेन भारं कत्वा ठपितो”ति। एत्थ बाहुसच्चेन किं पयोजनं। **अनुगण्ठपदेयेव** “अभयगिरिवासी वदतीति सुत्वा सम्मतेन वा आणत्तो ओवदितुं लभतीति **धम्मसिरित्थेरो** पच्छा अनुजानाती”ति वुत्तं। किं बहुकाय। “पासादिकेन सम्पादेतू”ति एत्तकमत्तेन भिक्खुनोवादको होति। **अट्ठकथायं** “भारं कत्वा”ति इमिना किं पयोजनं, तत्तकम्पि वत्तुं अज्जो न लभति, तेन च “अनुजानामि, भिक्खवे, ठपेत्वा बालं गिलानं गमिकं अवसेसेहि ओवादं गहेतु”न्ति (चूळव० ४१४) अयं पाळि विरुज्जेय्य। कथं? तस्स हि “न, भिक्खवे, ओवादो न पच्चाहरितब्बो”ति (चूळव० ४१५) चनतो सम्मतासम्मतभावेन नत्थि कोचीति “पासादिकेन सम्पादेतू”ति वत्तब्बं सिया, वदन्तो च इध पठमेन आपत्तिया कारेतब्बो होतीति। होतु असम्मतत्ता, अकतभारत्ता च। इमस्स च भिक्खुनोवादकत्ते इमस्स खीयनेन दुक्कटं सिया, सब्बमेतं अनिट्ठं, तस्मा अट्ठकथायं “अयमेत्थ भिक्खुनोवादको नामा”ति अवुत्तत्ता तथा भारं कत्वा ठपितो ओवदितुं लभतियेव, नाज्जोति आचरियो।

आमिससिक्खापदवण्णना निट्ठिता।

### ५. चीवरदानसिक्खापदवण्णना

१६९. सादियिस्ससीति पुच्छा।



चीवरदानसिक्खापदवण्णना निट्ठिता ।

#### ६. चीवरसिब्बनसिक्खापदवण्णना

१७६. वज्जेत्वाति “तव जातिकाया”ति अवत्वा “एकिस्सा भिक्खुनिया”ति एत्तकमेव वत्वा, ते हि “एकिस्सा”ति वचनं सुत्वा अज्जातिकाय सन्तकसज्जिनो सिब्बेसुं । इमस्मिं सिक्खापदे “चीवरं नाम छन्नं चीवरानं अज्जतरं चीवर”न्ति एत्तकमेव पाळि, तेन वुत्तं “चीवरन्ति यं निवासेतुं वा पारुपितुं वा”तिआदि । “विकप्पनुपगं पच्छिम”न्ति च लिखितं, सो पमादलेखो ।

चीवरसिब्बनसिक्खापदवण्णना निट्ठिता ।

#### ७. संविधानसिक्खापदवण्णना

१८१. ता भिक्खुनियो दूसयिंसूति विपरिणामो कातब्बो ।

१८२-४. सम्पदन्तीति पदसा गच्छन्ति । वुत्तनयेनेवाति “सम्पतन्ति एत्थाति सम्पातो”तिआदिना । पदगते उपचारो न लब्धति, अच्चासन्नत्ता मिस्सं विय होतीति । कुक्कुटवस्सितपरिच्छिन्नो महाअट्ठकथायं । “तम्पि वोहारेना”ति लिखितं । “येभ्य्येन तथा सन्निवेसो होतीति कत्वा अट्ठकथायं वुत्तं, तस्मा न पमादलेखो”ति च, “उक्कट्टपरिच्छेदेन वुत्तं अट्ठकथायं, ततो उद्धं अद्धयोजनलक्खणसम्पत्तं नाम होतीति गहेतब्ब”न्ति च वुत्तं । “कप्पियभूमि किरायं...पे०... न वदन्ती”ति वुत्तं । दुद्दसज्जेत्थ कारणं । कतरं पन तन्ति? “गच्छामाति संविदहति, आपत्ति दुक्कटस्सा”ति वुत्तं । तत्थ “गच्छामा”ति वत्तमानवचनन्तज्ज, अमग्गे भिक्खुनुपस्सयादिमिह न सम्भवतियेव मनुस्सानं अन्तरघरादिमिह मग्गसङ्खेपगमनतो, उच्चासयनादिउप्पत्तिट्ठानत्ता च । न तित्थियसेय्याय वा पब्बजितावासत्ता । द्वारेति समीपत्थे भुम्मं, तस्मा तं दस्सेतुं पुन “रथिकाया”ति आह । सेसअट्ठकथायं “एत्थन्तरे संविदहितेपि भिक्खुनो दुक्कट”न्ति आगतत्ता न समेति । “गामन्तरे”ति वचनतो अज्जगामस्स उपचारोक्कमने एव आपत्ति । “अद्धयोजने”ति वचनतो अतिक्कमनेयेव युत्तं ।

१८५. रट्ठभेदेति विलोपे । पोरणगण्ठपदे “तयोपि सङ्केता कालदिवसमग्गवसेन, तत्थ पच्छिमेनेव आपत्ती”ति वुत्तं । “इमिना मग्गेना”ति विस्सज्जेत्वा अज्जेन गच्छन्ति चे, आपत्तियेवाति अत्थो ।

संविधानसिक्खापदवण्णना निट्ठिता ।

#### ८. नावाभिरुहनसिक्खापदवण्णना

१८९. नदिया कुतो गामन्तरन्ति चे? “यस्सा नदिया”तिआदिमाह । गामन्तरगणनायाति यस्मिं गामतित्थे आरुळ्हो, तं ठपेत्वा अज्जगामगणनाय । “मातुगामोपि इध सङ्गहं गच्छती”ति आचरियस्स तक्को, तेनेव “उभयत्थ एकतो उपसम्पन्नाय दुक्कटं, सिक्खमानाय सामणेरिया अनापत्ती”ति च न वुत्तं । एसेव नयो अज्जेसुपि एवरूपेसु ।

१९१. “लोकस्सादमित्तसन्थववसेन केळिपुरेक्खारा संविदहित्वा”ति वुत्तत्ता अकुसलचित्तं लोकवज्जन्ति वत्तब्बन्ति? न वत्तब्बं, “केळिपुरेक्खारा”ति वचनं येभ्य्यताय वुत्तं । पोरणगण्ठपदे च “तीणि चित्तानि तिस्सो वेदना”ति वुत्तं, संविदहनकाले वा केळिपुरेक्खारो भिक्खु संविदहति, आपत्ति भिक्खुनो गामन्तरोक्कमने, अद्धयोजनातिकममे वा । कुसलचित्तो वा होति पच्चवेक्खन्तो, चेतियादीनि वा पस्सन्तो, अब्याकतचित्तो वा होति किलमथवसेन निद्दायन्तोति तिचित्तानि गहितानीति वेदितब्बा ।

नावाभिरुहनसिक्खापदवण्णना निट्ठिता ।

## ९. परिपाचितसिक्खापदवण्णना

१९२. चेटकेति दारके । तरुणपोतकेति पोराणा । “पापभिक्षूनं पक्खुपच्छेदाय इदं पञ्जत्तं, तस्मा पञ्च भोजनेयेवापत्ति वुत्ता”ति लिखितं ।

१९४-७. निष्कादितन्ति विज्जत्तिया न होति, किन्तु परिकथादीहि, तस्मा इमिना सिक्खापदेन अनापत्ति, तं सन्धाय “सब्बत्थ अनापत्ती”ति वुत्तं । “कथानुसारेण तत्थ पसीदित्वा देन्ति, इदं परिपाचितं न होति, वट्टन्ती”ति पठमसिक्खापदे वुत्तत्ताति धम्मसिरित्थेरो, उपतिस्सत्थेरो पन “इतरम्पि वट्टतियेवा”ति आह । पोराणगण्ठपदे पन “यस्मा देवदत्तो पकतिया तत्थ भिक्षुनिपरिपाचितं भुज्जति, तस्मा इमं अट्ठप्पत्तिं निदानं कत्वा इदं सिक्खापदं पञ्जत्त”न्ति वुत्तं ।

परिपाचितसिक्खापदवण्णना निट्ठिता ।

## १०. रहोनिस्सज्जसिक्खापदवण्णना

१९८. “उपनन्दस्स चतुत्थसिक्खापदेन चा”ति पाठो ।

रहोनिस्सज्जसिक्खापदवण्णना निट्ठिता ।

समत्तो वण्णनाक्कमेण ओवादवग्गो ततियो ।

## ४. भोजनवग्गो

### १. आवसथपिण्डसिक्खापदवण्णना

२०३-४. पूगस्साति पूगेण । कुक्कुच्चायन्तोति निस्सरणेनेत्थ भवितब्बं, तं मयं न जानामाति सन्निट्ठानस्स करणवसेन “कुक्कुच्चायन्तो”ति वुच्चति । यथा हि आयस्मा उपालि नयग्गाहेन “अनापत्ति आवुसो सुपिनन्तेना”ति (पारा० ७८) आह, तथा थेरोपि “अनापत्ति गिलानस्सा”ति कस्मा न परिच्छिन्दतीति? अनत्ताधिकारत्ता विनयपञ्जत्तिया, “नायं अत्तनो ओकासो”ति पटिक्खित्ता, सिक्खापदस्स अपरिपुण्णत्ता । पठमपाराजिकसिक्खापदे परिपुण्णं कत्वा पञ्जत्तेयेव हि सो थेरो “अनापत्ति सुपिनन्तेना”ति आह “अज्जत्र सुपिनन्ता”ति वुत्तपदानुसारेणाति । यस्मा ओदिस्स अयावदत्थेव दायकानं पीळा नत्थि, तस्मा “अनोदिस्स यावदत्थो”ति वुत्तं ।

२०८. “अन्तरामग्गे एकदिवस”न्ति एकंयेव सन्धाय वुत्त”न्ति च “एसेव नयोति वुत्तनयमेव दस्सेतुं गन्त्वा पच्चागच्छन्तो हीतिआदिमाहा”ति च “सुद्धचित्तो हुत्वा पकतिगमनेव भुज्जितुं लभती”ति च “अगिलानस्स गिलानसज्जिनो कायेन समुट्ठाती”ति च लिखितं ।

आवसथपिण्डसिक्खापदवण्णना निट्ठिता ।

### २. गणभोजनसिक्खापदवण्णना

२०९-२१८. गुळहपटिच्छन्तोति अपाकटोव । एको पुत्तेनाति एकस्सेकं भत्तं “अहं अज्जेन निमन्तितो”ति न वुच्चति । “सचे एकतो गणहन्ति, गणभोजनं होती”ति (पाचि० अट्ठ० २१७-२१८) वुत्तत्ता चत्तारो उपासका चत्तारो भिक्षू विसुं विसुं निमन्तेत्वा हत्थपासे ठितानं चे देन्ति, गणभोजनं होति एवाति एके, तं न युत्तं विय । “विज्जत्तितो पसवने गणस्स एकतो गहणे इमिना

सिक्खापदेन आपत्ति, विसुं गहणे पणीतभोजनसूपोदनविज्जतीही”ति लिखितं। “विज्जत्तितो पसवनं अट्टुप्पत्तिवसेन **अट्टुकथायं** अनुज्जातं। सूपोदनादिवसेन तत्थ आपत्ति एवा”ति वुत्तं, तं न युत्तं। कस्मा? **परिवारे** (परि० १६८) एव द्विन्नं आकारानं आगतत्ता, तस्मा **अट्टुकथायं** “अनुज्जात”न्ति दुवुत्तं। अट्टुप्पत्तियंयेव पाकटन्ति “पदभाजने न वुत्त”न्ति वत्तब्बं। **एकतो गणहन्ती**ति गहितभत्तापि अज्जे याव गणहन्ति, ताव चे तिट्ठन्ति, एकतो गणहन्तियेव नाम। “गच्छति चे, अनापत्ती”ति वदन्ति।

एत्थाह — “पटिग्गहणमेव हेत्थ पमाण”न्ति वुत्तं, अथ कस्मा **पाळियं** “गणभोजनं नाम यत्थ चत्तारो...पे०... भुज्जन्ति, एतं गणभोजनं नामा”ति (पाचि० २१८) वुत्तन्ति? वुच्चति — **यत्था**ति उपयोगत्थे भुम्मवचनं। **चत्तारो**ति गणस्स हेट्ठिमपरिच्छेदनिदस्सनं। **पज्जन्नं भोजनान**न्ति आपत्तिप्पहोनेकभोजननिदस्सनं। **अज्जतरेन भोजनेन निमन्तिता**ति अकप्पियनिमन्तननिदस्सनं। निमन्तनवसेनेव पन गणभोजनस्स वुत्तत्ता “निमन्तिता भुज्जन्तीति वुत्त”न्ति वुत्तं। “अज्जतरं भोजनं विज्जापेत्वा भुज्जन्ती”ति पन न वुत्तं अट्टुप्पत्तियंयेव पाकटत्ता। यं भुज्जन्तीति एवं सम्बन्धो वेदितब्बो। तत्थ **भुज्जन्ती**ति पटिग्गाहकनियमवचनं। न हि अप्पटिग्गहितकं भिक्खू भुज्जन्ति। इदं वुत्तं होति “गणस्स यतो पटिग्गहिताहारभोजनहेतु पाचित्तियं”न्ति। आगन्तुकपट्टं मोघसुत्तेन सिब्बित्वा ठपेन्ति, तत्थ अनुवाते यथा एकतलं होति, तथा हत्थेहि घट्टेति। **वलेती**ति आवट्टेति। **परिवत्तन**न्ति सुत्तं गणहन्तानं सुखगहणत्थं सुत्तपरिवत्तनं करोति, पट्टं सिब्बन्तानं सुखसिब्बन्तत्थं पट्टपरिवत्तनञ्च। नवचीवरकारको इधाधिपेतो, न इतरोति। “बिम्बिसारं आपुच्छित्वा सम्भारे कथिरमानेयेव काला अतिक्कन्ता, पच्छा गणभोजनसिक्खापदे पज्जत्ते भगवन्तं उपसङ्गमित्वा पुच्छी”ति वदन्ति, अज्जथा अट्टुकथाय विरुज्जनतो।

२२०. “द्वे तयो एकतोति येपि अकप्पियनिमन्तनं सादियित्वा”ति आदिवचनेन अकप्पियनिमन्तनपच्चया एव अनापत्ति, विज्जत्तितो आपत्तियेवाति दीपेति। अनिमन्तितो चतुत्थो यस्स तदेतं **अनिमन्तितचतुत्थं**। एस नयो सब्बत्थ। **पवेसेत्वा**ति निसीदापेत्वा। चीवरदानसमयलद्धकचतुक्कं चीवरकारसमयलद्धकचतुक्कन्ति एवमादीनि। **तानि चा**ति येहि भोजनेहि विसङ्केतो नत्थि, तानि। **महाथेरे**ति उपसम्पन्ने। **अट्टुत्वा**ति ठितेन निमित्तं दस्सितं होति। **तत्थ तत्थ गन्त्वा**ति रथिकादीसु भिक्खुसमीपे गन्त्वा। इमस्मिं पन सिक्खापदे कत्थचि पोत्थके “अनुजानामि, भिक्खवे, चीवरदानसमये गणभोजनं भुज्जितुं। एवञ्चिदं भगवता भिक्खून”न्ति पाठो दिस्सति। कत्थचि “भुज्जितु”न्ति वत्त्वा “एवञ्च पन, भिक्खवे, इमं सिक्खापदं उद्दिसेय्याथा”ति पाठो, अयं सोभनो।

गणभोजनसिक्खापदवण्णना निट्ठिता।

### ३. परम्परभोजनसिक्खापदवण्णना

२२१. **अधिट्ठिता**ति निच्चप्पवत्ता। बदरचुण्णसक्करादीहि योजितं **बदरसाळवं**। **किरकम्मकारेना**ति किरस्स कम्मकारेन।

२२६. “**विकप्पेत्वा गणहाही**”ति एत्थाहु **पोराणत्थेरा** “भगवतो सम्मुखा अविकप्पेत्वा गेहतो निक्खमित्वा रथिकाय अज्जतरस्स भिक्खुनो सन्तिके विकप्पेसि, विकप्पेन्तेन पन ‘मय्हं भत्तपच्चासं इत्थन्नामस्स दम्मी’ति वत्तब्बं, इतरेन वत्तब्बं ‘तस्स सन्तकं परिभुज्ज वा यथापच्चयं वा करोही’”ति। **पज्जसुसहधम्मिकेसू**ति सम्मुखा ठितस्स सहधम्मिकस्स यस्स विकप्पेतुकामो, तं सहधम्मिकं अदिस्वा गहट्टस्स वा सन्तिके, सयमेव वा “पज्जसु सहधम्मिकेसु इत्थन्नामस्स विकप्पेमी”ति वत्त्वा भुज्जितब्बन्ति एके, एवं सति थेरो तस्मियेव निसिन्नोव तथा वाचं निच्छारेत्वा पटिग्गणहातीति तक्को दिस्सति। **महापच्चरिया**दीसु पन परम्मुखा विकप्पनाव वुत्ता, सा “तेन हानन्द, विकप्पेत्वा गणहाही”ति इमिना समेति, तथापि **मातिकाट्टुकथायं** (कङ्क० अट्ट० परम्परभोजनसिक्खापदवण्णना) “तस्मा यो भिक्खु पज्जसु सहधम्मिकेसु अज्जतरस्स ‘मय्हं भत्तपच्चासं तुय्हं दम्मी’ति वा ‘विकप्पेमी’ति वा एवं सम्मुखा वा ‘इत्थन्नामस्स दम्मी’ति वा ‘विकप्पेमी’ति वा एवं परम्मुखा वा”ति वचनतो सहधम्मिकस्स सन्तिके एव वत्तब्बं, न सयमेवाति दिस्सति। यस्मा अयं पच्छिमनयो **पोराणगण्ठपदे**नपि समेति, तस्मा इध मातिकाट्टुकथानुसारेन अत्थो वेदितब्बो। एत्थ किञ्चापि “ते मनुस्सा...पे०... भोजनमदंसू”ति वचनतो अकप्पियनिमन्तनं पज्जायति, तथापि थेरस्स

कुक्कुच्युत्तिकारणेन भत्तेन सो निमन्तितोति वेदितब्बो। अञ्जथा परतो “द्वे तयो निमन्तने एकतो भुञ्जती”ति वचनेन, अनापत्तिवारेन च विरुज्झति।

**२२९.** एत्थायं विचारणा — “अञ्जो मनुस्सो पत्तं गण्हाति, न दातब्ब”न्ति वचनतो अपरभागे अकप्पियनिमन्तनेन नत्थि पयोजनं, पुब्बभागेयेव अकप्पियनिमन्तनेन पयोजनन्ति **स्वेपि भन्ते आगच्छेय्याथा**ति एत्थ कतरं अकप्पियनिमन्तनं, तस्मा अधिप्पायो चेत्थ पमाणन्ति। न, “पिण्डाय चरित्वा लद्धभत्तं भुञ्जति, आपत्ती”ति वचनतोति। तत्थ “स्वेपि भन्ते”ति एत्थ यथा वचनमत्तं अगगहेत्वा अकप्पियनिमन्तनक्कमेन अत्थो गहितो, तथा “पिण्डाय चरित्वा”ति एत्थापि अन्तरा अकप्पियनिमन्तनेन लद्धभत्तं सन्धाय वुत्तन्ति अत्थो गहेतब्बो। पिण्डाय हि चरन्तं दिस्वा “एत्थ, भन्ते, भत्तं गण्हाथा”ति दिन्नम्पि अकप्पियनिमन्तनेन लद्धं नाम होति। वोहारेन पन “पिण्डाय चरित्वा लद्धभत्त”न्ति वुच्चति, एवंसम्पदमिदं दट्ठब्बं। अञ्जथा **मातिकाडुकथायं** “गणभोजने वुत्तनयेनेव पञ्चहि भोजनेहि निमन्तितस्स...पे०... परस्स परस्स भोजने”ति वुत्तवचनविरोधो। इदञ्चि वचनं येन पठमं निमन्तितो, ततो पठमनिमन्तितं आदाय गतो परस्स परस्स निमन्तनकदायकस्स भोजनेति अत्थपरिदीपनतो निमन्तनतो लद्धभत्तस्स भोजनेयेव आपत्तीति दीपेति। “द्वे तयो निमन्तने एकतो”ति वचनेनपि समेति, अञ्जथा “येन निमन्तितो, तस्स भोजनतो परस्स भोजने”ति एत्तकं वत्तब्बं सिया, **पाळियं** वा “निमन्तनेन एकतोभुञ्जती”ति एत्तकं वत्तब्बं सिया। दुतियनिमन्तनस्स पठमभोजने आपत्तिप्पसङ्गनिवारणत्थं “**येन येना**”तिआदि वुत्तं। निमन्तनपटिपाटिया भुञ्जतीति पाळीति चे? न, “अनापत्ति निच्चभत्ते”तिआदिपाळिविरोधतो।

**गण्ठपदे** पन “पिण्डाय चरित्वा लद्धभत्तं कस्मा भुञ्जितुं न लभतीति चे? ‘परम्परभोजनं नाम पञ्चन्नं भोजनानं अञ्जतरेन भोजनेन निमन्तितो, तं ठपेत्वा पञ्चन्नं भोजनानं अञ्जतरं भोजनं भुञ्जति, एतं परम्परभोजनं नामा’ति वुत्तता”ति लिखितं। यदि एवं निच्चभत्तादिकम्पि न वट्ठतीति आपज्जतीति निच्चभत्तादि ओदिस्सकन्ति चे? तं न, तदञ्जस्स अत्तनो धनेन निष्फन्नस्स, सङ्घतो लद्धस्स वा पातो पचनकयागु चे घना होति, तस्सापि, एककुटिकं गामं उपनिस्साय विहरतो भिक्खाचरियवसेन लभितब्बनिच्चभत्तस्स च अकप्पियभावप्पसङ्गतो। तत्थ भिक्खाचरियवसेन लद्धं न कप्पति निमन्तनकानं अप्पसादावहनतोति चे? न, “पञ्च भोजनानि ठपेत्वा सब्बत्थ अनापत्ती”ति वचनविरोधतो। खादनीयम्पि हि परस्स खादित्वा भुत्तता निमन्तनभोजनं अभुञ्जन्तो अप्पसादं करोति एव, तस्मा अप्पसादावहं अप्पमाणं, तस्मा निच्चभत्तादि ओदिस्सकं न सम्भवति। अपिच हेट्ठा वुत्तनयेन सङ्घि इध वुत्तनयेन संसन्दित्वा यं यं खमति, तं तं गहेतब्बन्ति सब्बोपि केसञ्चि आचरियानं विनिच्छयो। आचरियस्स पन विनिच्छयो अन्ते आवि भविस्सति। “खीरं वा रसं वा पिवतो अमिस्सम्पीति अधिप्पायो”ति वुत्तं। **गण्ठपदे** “हेट्ठा ओदनेनामिस्सेत्वा उपरि तिट्ठती”ति लिखितं।

**महाउपासको**ति गेहसामिको। **महाअडुकथायं** “आपत्ती”ति वचनेन **कुरुन्दियं** “वट्ठती”ति वचनं विरुद्धं विय दिस्सति। “द्विन्नम्पि अधिप्पायो **महापच्चरियं** विचारितो”ति लिखितं। “**चारित्ततो**ति ‘सन्तं भिक्खुं अनापुच्छा’ति परतो वत्तब्बतो”ति वुत्तं। वचीकम्मं **अविकप्पनं**। एत्थ “महाउपासको भिक्खू निमन्तेति...पे०... पच्छा लद्धं भत्तं भुञ्जन्तस्स आपत्ति। पिण्डाय चरित्वा लद्धभत्तं भुञ्जति, आपत्ती”ति **अडुकथायं** वचनतो, “कालस्सेव पिण्डाय चरित्वा भुञ्जिम्हा”ति पाळितो, **खन्धके** “न च, भिक्खवे, अञ्जत्र निमन्तने अञ्जस्स भोज्जयागु परिभुञ्जितब्बा, यो परिभुञ्जेय्य, यथाधम्मो कारेतब्बो”ति (महाव० २८३) वचनतो च निमन्तेत्वा वा पवेदेतु अनिमन्तेत्वा वा, पठमगहितनिमन्तनस्स भिक्खुनो पठमनिमन्तनभोजनतो अञ्जं यं किञ्चि परसन्तकं भोजनं परम्परभोजनापत्तिं करोति। अत्तनो सन्तकं, सङ्गगणतो लद्धं वा अगहट्ठसन्तकं वट्ठति, निमन्तनतो पठमं निबद्धत्ता पन निच्चभत्तादि परसन्तकम्पि वट्ठति। **खन्धके** “न च, भिक्खवे...पे०... यथाधम्मो कारेतब्बो”ति (महाव० २८३) वचनं परसन्तकभोजनवुत्तनियमनं। ततो हत्थकोव नो तक्कोति आचरियो।

परम्परभोजनसिक्खापदवण्णना निट्ठिता।

#### ४. काणमातासिक्खापदवण्णना

३१-३. पटियालोकन्ति पच्छिमं देसं। पूवगणनायाति अतिरित्तपूवगणनायाति अत्थो। सचे “अपाथेय्यादिअत्थाय सज्जित”न्ति सज्जाय गणहाति, अचित्तकत्ता सिक्खापदस्स आपत्ति एव। अथ उग्गहितं गणहाति, न मुच्चतियेव। असंविभागे पन अनापत्ति अकप्पियत्ता। अचित्तकत्ता पज्जत्तिजाननाभावेनेव, न वत्थुजाननाभावेनाति एके। न, **मातिकाडुकथायं** “पाथेय्यादिअत्थाय सज्जितभावजानन”न्ति अङ्गेसु अवुत्तत्ता। **पोराणगण्ठपदे** पनेवं वुत्तं “एकेन वा अनेकेहि वा द्वत्तिपत्तपूरेसु गहितेसु तेसं अनारोचनेन वा सयं वा जानित्वा यो अज्जं गणहाति, तस्स दुक्कटं। एकतो तीसु, चतूसु वा पविट्ठेसु एकेन चे द्वेपत्तपूरा गहिता, दुतिये द्वे गणहन्ते पठमो चे न निवारेलि, पठमस्स पाचित्तियं। निवारेलि चे, अनापत्ति, दुतियस्सेव दुक्कट”न्ति। सचे सज्जिच्च न वदति, **पोराणगण्ठपदे** वुत्तनयेन पाचित्तियं, **मातिकाडुकथावसेन** (कङ्का० अट्ठ० काणमातासिक्खापदवण्णना) दुक्कटं। “अतिरेकपटिग्गहण”न्ति तत्थ पज्जमं अङ्गं वुत्तं, तस्मा अप्पटिग्गहितत्ता न पाचित्तियं, कत्तब्बाकरणतो पन दुक्कटं। अज्जथा किरियाकिरियं इदं आपज्जति, अनिवारणं, अनारोचनं वा छट्ठङ्गं वत्तब्बं सिया। **एकनिकायिकानं वाति** एत्थ “आसन्नविहारभिक्षू, आसन्नआसनसालागता वा सचे विसभागेहि आनीतं न पटिग्गहन्ति, ‘आरामिकादीनंयेव वा दापेन्ती’ति जानाति, यत्थ परिभोगं गच्छति, तत्थ दातुं वट्ठती”ति वुत्तं। “द्वत्तिपत्तपूरा”ति वचनतो पच्छिआदीसु अधिकम्पि गणहतो अनापत्ती”ति केचि विनयधरमानिनो वदन्ति, तं तेसंयेव निसीदतु, आचरिया पन “पच्छिआदीसुपि उक्कट्टपत्तस्स पमाणवसेन द्वत्तिपत्तपूरा गहेतब्बा। उक्कट्टपरिच्छेदकथा हेसा”ति वदन्ति।

काणमातासिक्खापदवण्णना निड्ढिता।

#### ५. पठमपवारणसिक्खापदवण्णना

२३६. यावदत्थपवारणाय पवारिता किज्जापि “पवारिता”इच्चेव अधिप्पेता अट्ठप्पत्तियाव, अथ खो पच्छिमाव इधाधिप्पेता।

२३७. “अलमेतं सब्ब”न्ति वुत्तत्ता अतिरित्तं नाम होति। भिक्षुस्स इदम्पि ते अधिकं, इतो अज्जं न लच्छतीति किर अत्थो।

२३८-९. “असनं पज्जायती”ति एतेनेव “भुत्तावी”ति एतस्स सिद्धत्ता विसुं अत्थसिद्धि नत्थि। यदि अत्थि, अङ्गानं छक्कत्तदस्सनन्ति। **वुत्तम्पि** चेतन्तिआदि पवारणङ्गानं पज्जकत्तदस्सनं। **वरको**ति यो कोचि वरको। “**पवारणं पन जनेतियेवाति** विसुं सित्थं वोदकं करोन्ति, पवारणं न जनेति। यागुं वा पिवन्तो पठमं उदकं पिवति, वट्ठति। अवसिट्ठं हेट्ठसित्थं पवारणं न जनेती”ति लिखितं। **उपतिस्सत्थेरो** “जनेतियेवा”ति वदति, तं न इच्छन्ति आचरिया। **भज्जितपिडुन्ति** तण्डुलचुण्णमेव। भज्जितसत्तुयो पिण्डेत्वा कतमोदको **सत्तुमोदको**।

“यागुसित्थमत्तानेव द्वे...पे०... पटिक्खिपति, न पवारेती”ति वुत्तत्ता परचङ्कमच्छादयो पक्खिपित्वा पक्कयागुं पिवन्तो सचे अज्जं तादिसंयेव पटिक्खिपति, पवारणा न होतीति किर **धम्मसिरित्थेरो**। सचे अज्जं पटिक्खिपति, न पवारेति। कस्मा? असनसङ्घातस्स विष्णकतभोजनस्साभावतो। भोजनसालायं भुज्जन्तो चे, अत्तनो अपापुणनकोट्टासं अभिहटं पटिक्खिपति, न पवारेति। कामं पटिक्खिपति, पत्ते पन आरामिको आकिरति, ततो भुज्जितुं न वट्ठति। इदज्झि बुद्धप्पटिकुट्टअनेसनाय उप्पन्नेयेव सङ्गहं गच्छति। यथा हि सङ्घतो उद्धटपिण्डं दुस्सीलो देति, तं पटिक्खिपति, न पवारेति, एवंसम्पदमिदं। “विसभागो लज्जी चे देति, तं तेन सम्भोगं अकत्तुकामताय पटिक्खिपति, पवारेतीति अपरे”ति वुत्तं। **परिवेसनायाति** भत्तगगे। “मंसेन रसं, मंसज्ज रसज्ज मंसरसन्ति आपज्जनतो ‘मंसरस’न्ति वुत्ते पटिक्खेपतो होति, मंसस्स रसं मंसरसन्ति विग्गहो नाधिप्पेतो”ति वुत्तं। **मंसकरम्बको नाम...पे०... वट्ठतीति** सुद्धयागु एव होति। अप्पवारणमिस्सककरम्बकोयेव होति, तस्मा न पवारेति, तेन वुत्तं परतो “इदज्ज करम्बकेन न समानेतब्ब”न्तिआदि, तस्मा “तं अभिहरित्वा कज्जियं गणहथा”ति वदन्तं पटिक्खिपति, पवारणा न होती”ति च “मिस्सकयागुं गणहथा”ति अवुत्तत्ता ‘सम्मिस्सितं विसुं कत्वा देती’ति वुत्तत्ता”ति च वुत्तं, यस्मा **यागुमिस्सकन्ति** एत्थ पदद्वये

पवारणारहस्स नामगहणं नत्थि, तस्मा तत्र चे यागु बहुतरा वा होति समसमा वा, न पवारेति। कस्मा? तत्थ अभिहारकपटिक्खेपकानं यागुसञ्जत्ता। यागु चे मन्दा, भत्तं बहुतरं, पवारेति। कस्मा? तेसं उभिन्नम्पि तत्थ भिन्नसञ्जत्ताति तक्को आचरियस्स। **भत्तमिस्सके** पवारणारहस्स नामस्स सब्भावतो सब्बदा पवारेति एव। मिस्सके पन वुत्तनयेन कारणं वत्तब्बं। **विसुं कत्वा देतीति** यथा भत्तसिद्धं न पतति, तथा गाळ्हं हत्थेन पीळेत्वा परिस्सावेत्वा देति।

**अकप्पियकतन्ति** एत्थ “कप्पियं अकारापितेहि कदलिप्फलादीहि सिद्धं अतिरित्तं कप्पियं कारापेत्वापि तं कदलिप्फलादिं ठपेत्वा अवसेसं भुञ्जितुं वट्टति। अमिस्सकरसत्ता पुन तानि कप्पियं कारापेत्वा अञ्जस्मिं भाजने ठपेत्वा अतिरित्तं कारेत्वा भुञ्जितुं वट्टति। कस्मा? पुब्बे तेसु विनयकम्मस्स अनारुहत्ता”ति वदन्ति। “भुत्ताविना च पवारितेन आसना वुट्ठितेन कतं”न्ति वचनतो भुत्ताविना अप्पवारितेन आसना वुट्ठितेन कत्तब्बन्ति सिद्धं, तस्मा “पातोव अद्धानं गच्छन्तेसु द्वीसु एको पवारितो अवुट्ठितो तत्थ निसीदति, सो इतरेन पिण्डाय चरित्वा लद्धं भिक्खं अत्तना अभुत्वापि ‘अलमेतं सब्ब’न्ति कातुं लभति एवा”ति वुत्तं, तं सुक्कपक्खे “भुत्ताविना कतं होती”ति इमिनाव सिद्धं, तस्मिं पक्खे अत्तनो सत्तङ्गानि न पूरेन्ति, कण्हपक्खे पटिभागेन सत्त वुत्तानीति वेदितब्बं। भुत्ताविना अप्पवारितेन आसना वुट्ठितेन, अवुट्ठितेन वा कतं होति, वट्टति। “पवारितेन आसना अवुट्ठितेनेवा”ति इमं पन अत्थविकप्पं दीपेतुं “सत्तङ्गानि वुत्तानी”तिपि वत्तुं वट्टति। सो पुन कातुं न लभति पठमं कतस्स पुन तेनेव कत्तब्बप्पसङ्गतो। यच्च अकतं, तं कत्तब्बन्ति हि वुत्तं। अथ सोव पठमो पुन कत्तुकामो होति, अञ्जस्मिं भाजने पुब्बे अकतं कातुं लभति। दुतियो पठमभाजनेपि कातुं लभति। “येन अकतं, तेन कातब्ब”न्ति हि वुत्तं। इममेवत्थं सन्धाय “येन यं पठमं कप्पियं कतं, तमेव सो पुन कातुं न लभति, अञ्जेन कातब्ब”न्ति लिखितं। तत्थ तन्ति तं पठमं कतन्ति अत्थो। **पेसेत्वा कारेतब्बन्ति** एत्थ अनुपसम्पन्नो चे गतो, तत्रट्टेन एकेन भिक्खुना पटिग्गाहेत्वा अपरेन कारेतब्बन्ति तत्थ एकोव एवमेव कातुं न लभतीति। “यं किञ्चि गिलानं उट्ठिस्सा”तिआदिवचनतो विहारादीसु गिलानस्स पापुणनकोट्टासम्पि गिलानातिरित्तं नाम, तस्मा वट्टती”ति वदन्ति। **आहारत्थायाति** विकाले एवाति एके।

२४१. कायकम्मं अञ्जोहरणतो। वचीकम्मं वाचाय “अतिरित्तं करोथ भन्ते”ति अकारापनेनाति वेदितब्बं।

पठमपवारणसिक्खापदवण्णना निट्ठिता।

#### ६. दुतियपवारणसिक्खापदवण्णना

२४३. साधारणमेवाति सब्बपवारणानं साधारणं “यावत्तकं इच्छसी”ति इदं।

दुतियपवारणसिक्खापदवण्णना निट्ठिता।

#### ७. विकालभोजनसिक्खापदवण्णना

२४७-९. नटानं नाटकानि **नटनाटकानि**, सीताहरणादीनि। मूलञ्च तं खादनीयञ्चाति **मूलखादनीयं**। एस नयो सब्बत्थ। पिट्ठन्ति चुण्णं। **खारकमूलन्ति** यूपसमूलं। **चच्चुमूलं** नेळियमूलं। **तम्बकं** वचं। **तण्डुलेय्यकं** चूळकुहु। **वत्थुलेय्यकं** महाकुहु। **वजकलि** निकोट्टं। **जङ्गरी** हिरतो।

कोट्टं **जरट्टं** वुच्चति। **गण्ठि** मुहुकुलमुदु विचयत्थ वजमुजु वदुळवि।

वज्जयेतिमे किंसुकं, हलिद्धि। **कसेरुको**, कटिबलवन्ति तस्स नामं। **अम्बाटकं** अमूलकं पिढल कक्कुल। **मसालु** किनळ। **आलुव** कळि तट्ठिअळि अलस कटिस्सल नमेदति मेर। **सिग्गु** सीरि कोळ कालकं नेकळवि। **खीरवल्लिकन्दो** तुमूरोरियो होति। सङ्घतो धोवनमेव। अयं “परिसङ्घारो”ति लिखितं। **खीरकाकोली** किरिकवेळि। **जीविकं** जीविहि। **उसभक** उम्मसुवियि।

**हिन्तालं** कितिलि । **कुन्ताल** तोहो तिलिसता पदिकळिरो पटसेवलकळि । करमन्दकं करम्ब दण्डोकिर उदकजोति कण्डको । “सिद्धतकोतिपि वुच्चती”ति लिखितं । **फग्गव** हकिळि । **नत्तमालन्ति** करञ्जि ।

**सेल्लु** लोहोलियं । **कासमदक** कुदुववलि अनसिकिन । **उम्मादिय** मेलेलिदिय । **चीनमुग्गो** वेनमुत्ति हुरमुग्ग । **राजमासो** माहविलि । **अग्गिमन्तो** मुञ्चि । सुनिपण्णको तिपिलवनिनाळिका तिलक । **भूमियं जातलोणी**ति एत्थ लोणीनामस्स साधारणत्ता “भूमिय”न्ति विसेसेत्वा वुत्तं । **ब्रह्मीपत्तं** देमेतेये पणसा । “**दीपवासिनो वदन्ती**”ति सिथिलं कत्वा कस्मा वुत्तन्ति चे? “खादनीयत्थं फरतीति लक्खणेन असमानत्ता”ति वुत्तं । पदेलिविनितेकि । **सुलसिपण्णन्ति** तसापलिकं ।

**अगन्धिकपुप्फं** करिस्सयेति चेकवादिदपुप्फं चलेपतिमलं । **जीवन्तीपुप्फं** जीवितन्दिगमल । **बकुल** मुथुवल । **कुय्यक** पुनपुन्नामपुन्नरा, जातिसुमन । **नवमालिका** चेहेमल ।

**तिन्तिणिक** कचिनी विलेयि । **मातुलुङ्ग** लवनो । **पुस्सफल** सुपुलि । **तिम्बरूस्सक** तिगिब्बेरेहिंति सुसतुधुत । **तिपुसवातिङ्गण** धुततिकेण पटियि । **चोच** वरियियेलि । **मोच** अतिरेलि । **गोडुफलं** पूवफलन्ति एके । कोडुसे किर **अच्छिव** ।

असमुस्सि **बिम्ब** इति केचि । **कास्मरीति** सेपण्णि । अतितेमेति करियमेतिस्स । **जातिफलं** कतंमेति । **कटुकफलं** तिरिरक ।

**तरुणफलं** किरिउपुलु । **पोक्खरट्टि** किञ्चक्खट्टि । **सिद्धत्थकं** सासपं सेतवण्णं । **राजिकं** रत्तं होति ।

**हिङ्गुं हिङ्गुजतुन्ति** सब्बापि हिङ्गुविकतियो । एत्थ हिङ्गुजतु नाम पत्तसाखा पचित्वा कातब्बा । साखा पचित्वा कता सिपाटिका । अञ्जेहि मिस्सेत्वा कताति केचि । **तकं** कट्टुजन्ति अगिकेळिनि । निकितिस्साकालेसयो । तिमेर, **तकपत्ति** पसाखापत्ते पचित्वा कातब्बा । “**तकपण्णि** सावति एव कातब्बा”ति लिखितं ।

विकालभोजनसिक्खापदवण्णना निट्ठिता ।

#### ८. सन्निधिकारकसिक्खापदवण्णना

२५३. अपरज्जु सन्निधि नाम होतीति अत्थो । **अज्ज पटिग्गहितन्ति** न केवलं पटिग्गहितमेव, अथ खो उग्गहितकम्पि, तेनेव **अट्टकथायं** “पटिग्गण्हाति, आपत्ति दुक्कटस्साति एवं सन्निधिकतं यं किञ्चि यावकालिकं वा यामकालिकं वा अज्झोहरितुकामताय गण्हन्तस्स पटिग्गहणे ताव आपत्ति दुक्कटस्सा”ति वुत्तं । यदि तं पठममेव पटिग्गहितं, “पटिग्गहणे तावा”ति न वत्तब्बं, तस्मा वेदितव्वमेतं “अत्तनो काले गहितं अज्ज पटिग्गहित”न्ति वुत्त”न्ति ।

एत्थाह — यथा पञ्च भेसज्जानि उग्गहितकानि अनधिप्पेतानि । सत्ताहातिक्कमे अनापत्ति अनज्झोहरणीयत्ता, तथा इधापि उग्गहितकं नाधिप्पेतन्ति? एत्थ वुच्चति — **भेसज्जसिक्खापदे** (पारा० ६१८ आदयो) उग्गहितकं नाधिप्पेतन्ति युत्तं अत्तनो कालातिक्कमनमत्तेन तत्थ आपत्तिप्पसङ्गतो । एत्थ न युत्तं अत्तनो कालातिक्कमनमत्तेन आपत्तिप्पसङ्गाभावतो । अज्झोहरणेनेव हि एत्थ आपत्तीति अधिप्पायो, तस्मा अनुगण्ठिपदमत्तेन अज्ज उग्गहेत्वा पुनदिवसे भुञ्जन्तो द्वे आपत्तियो आपज्जति ।

तत्रायं विचारणा — अत्तना भुञ्जितुकामो अज्ज उग्गहेत्वा पुनदिवसे भुञ्जति, द्वे आपत्तियो आपज्जति । सामणेरादीनयेव अत्थाय उग्गहेत्वा गहितं पुनदिवसे पटिग्गहेत्वा भुञ्जन्तो आपत्तिया न कारेतव्वोति । **पटिग्गण्हाति, आपत्ति दुक्कटस्साति** एत्थायमधिप्पायो — सचे बेलट्टसीसो विय दुतियततियादिदिवसत्थाय अज्ज पटिग्गहेत्वा सामणेरादीनं गोपनत्थाय देति, तस्स पुनदिवसे अज्झोहरणत्थं पटिग्गहणे आपत्ति दुक्कटस्साति सम्भवति । सयमेव सचे तं गोपेत्वा ठपेति, पुनदिवसे पतितं कचवरं दिस्वा विमतिवसेन वा पटिग्गण्हतो पटिग्गण्हतोव आपत्ति दुक्कटस्साति सम्भवति । नो चे पटिग्गण्हाति, तं दुक्कटं नत्थि । “इदञ्चि

‘एकं पादं अतिक्कामेति, आपत्तिं थुल्लच्चयस्सा’तिआदि विया’ति वुत्तं। यो पन एकप्पहारेनेव द्वेपि पादे अतिक्कामेति, तस्स तं थुल्लच्चयं नत्थि, एवंसम्पदमिदन्ति वेदितब्बं। एत्थ पटिग्गहितभावं अविजहन्तमेव सन्निधिं जनेतीति **धम्मसिरित्थेरो**, तं “पटिग्गण्हाति, आपत्तिं दुक्कटस्सा”ति **पाळिया** विरुज्झति। कपालेन पीतो पन स्नेहो अब्बोहारिको। किञ्चापि उण्हे ओतापेन्तस्स पग्घरति, तथापि “भेसज्जसिक्खापदे विया”ति वुत्तं। इतरथा कपालेन पीता सप्पिआदयोपि सत्ताहातिक्कमे आपत्तिं जनेय्युन्ति। **सयं पटिग्गहेत्वा**ति इधापि पुब्बे वुत्तविधियेव। दुद्धोतपत्तकथापि एतेन समेति विय। **आहारत्थाया**ति कालेपि लब्धति। **पकतिआमिसे**ति कप्पियामिसे। **सामिसेन मुखेन अज्झोहरतो** द्वेति “हिय्यो पटिग्गहितयामकालिकं अज्ज पुरेभत्तं सामिसेन मुखेन अज्झोहरतो द्वे पाचित्तियानी”ति लिखितं। अज्ज पटिग्गहितं यावकालिकमपि हि यामातिक्कन्तपानकेन संसट्ठं सन्निधिं करोति। अकप्पियमंसेसु मनुस्समंसे थुल्लच्चयं, सेसमंसे दुक्कटञ्च वड्ढति।

**२५५. सत्ताहकालिकं यावजीविकं आहारत्थाया**ति कालेपि दुक्कटमेव सन्निधिं अनापज्जनतोति केचि। तदहु पटिग्गहितं तदहु पुरेभत्तं वट्ठतीति चे? न, पाळियमपि अट्ठकथायमपि विसेसस्स नत्थिताय। भेसज्जसिक्खापदे पुरेभत्तं यथासुखं परिभुज्जनं वुत्तन्ति चे? आहारे सप्पिआदि सङ्गहं याति, तेन तग्गतिकवसेन वुत्तं, न भेसज्जवसेन वुत्तन्ति **उपतिस्सो**।

सन्निधिकारकसिक्खापदवण्णना निट्ठिता।

## ९. पणीतभोजनसिक्खापदवण्णना

**२५९. अकप्पियसप्पिना**ति येसं मंसं न कप्पति, तेसं सप्पिना। “वसातेलज्झि ठपेत्वा अकप्पियसप्पि नाम नत्थी”ति लिखितं। **विसङ्केतन्ति** एत्थ “सूपोदनविज्जत्तिपि न होती”ति वुत्तं। **कायिकानी**ति कायेन आपज्जितब्बानि।

**२६१. महानामसिक्खापदेन कारेतब्बो**ति सङ्गवसेन पवारिते भेसज्जत्थाय सप्पिआदिपज्जकं विज्जापेति चे, तत्थ “न भेसज्जेन करणीयेन भेसज्ज”न्ति एत्थ सङ्गहं गच्छति, तस्मा “तेन पाचित्तिय”न्ति वुत्तं। पाळिमुत्तकेसु “भिक्खुनीनमपि दुक्कट”न्ति लिखितं।

पणीतभोजनसिक्खापदवण्णना निट्ठिता।

## १०. दन्तपोनसिक्खापदवण्णना

**२६४-५. मुखद्वारन्ति कण्ठनाळि**। **उच्चारणमत्तन्ति** उक्खिपितब्बमत्तकं। **कसटं छट्टेत्वा**ति समुदाचारवसेन, अछट्ठितेपि “वट्ठती”ति वुत्तं। **हत्थपासातिक्कमन्ति** दायकस्स। **भिक्खुस्स देतीति** अज्जस्स भिक्खुस्स। **कज्जिकन्ति** यं किञ्चि द्रवं। **पत्तो पटिग्गहेतब्बो**ति भूमियं ठपिते अभिहाराभावतो। “यथा पठमतरं पतितथेवे दोसो नत्थि, तथा आकिरित्वा अपनेन्तानं पतितथेवेपि अभिहट्ठा नेवत्थि दोसो”ति लिखितं। **चरुकेना**ति खुद्दकपिण्डेन। **जागरन्तस्सपी**ति “अपि-सदेन सुत्तस्सपी”ति लिखितं। **केची**ति अभयगिरिवासिनो। तेहि कायसंसग्गे कायपटिबद्धेनापि तप्पटिबद्धेनापि थुल्लच्चयापत्तिं दस्सिता एवाति अत्थो। **कायपटिबद्धपटिबद्धेना**ति वचनमत्तमेवेत्तं। “**सत्थकेना**ति पटिग्गहितकेना”ति लिखितं, तं दुल्लिखितं सतिपि मले पुन पटिग्गहेतब्बकिच्चाभावतो। **केसज्जि अत्थाया**ति अनुपसम्पन्नानं अत्थाय। “सामणेरस्स हत्थं फुट्टमत्तमेव तं परिच्चत्त”न्ति लिखितं।

**पटिग्गहणुपगभारं** नाम मज्झिमपुरिसेन उक्खिपितब्बकं। **मूलपटिग्गहणमेव वट्ठती**ति एत्थ “मच्छिकवारणत्थन्ति वुत्तत्ता ‘अभुज्जनत्थायापि पटिग्गहेत्वा गहिते वट्ठती’”ति ये वदन्ति, ते वत्तब्बा “सीसमक्खनतेलं पटिग्गहेत्वा ‘इदं सीसमक्खन’न्ति अनाभोगेनेव सत्ताहं अतिक्कामेन्तस्स किं निस्सग्गियं भवेय्या”तिआदि, सुत्ताधिप्पायो पन एवं गहेतब्बो “मच्छिकवारणत्थं बीजन्तस्स तस्मिं लग्गरजादिमिह पत्ते पतिते सुखं परिभुज्जितुं सक्का”ति सज्जाय पुब्बे पटिग्गहितब्ब”न्ति वुत्तं। **परिवत्तनकथायं**



“अम्हाकं तण्डुलेसु खीणेषु एतेहि अम्हाकं हत्थगतेहि सामणेरसन्तकेहिपि सक्का पतिट्ठपेतुंन्ति भिक्खूनं चित्तुप्पादो चे सम्भवति, ‘परिवत्तनं सात्थक’न्ति **उपतिस्सत्थेरो**”ति वुत्तं। यदि एवं सुद्धचित्तानं निरत्थकन्ति आपन्नमेव, तथा “पण्डितो एस सामणो पत्तपरिवत्तनं कत्वा दस्सति, मयमेव च इमस्स विस्सासेन वा याचित्वा वा भुज्जिस्सामा”ति चित्ते सति भुज्जितुं न वट्ठति कतेपि परिवत्तनेति च आपन्नं, किं बहुना। निरपेक्खेहेव गण्हितब्बं, न सापेक्खेहीति दस्सनत्थं वुत्तन्ति आचरियो। अयमेवत्थो “सचे पन सक्कोति वितक्कं सोधेतुं, ततो लद्धं खादितुम्पि वट्ठती”ति वचनेन सिद्धोव। **आधारके पत्तो ठपितो होति** यथापटिग्गहितभावे निरालयो। **समुद्दोदकेन** अप्पटिग्गहितकेन। मेण्डकस्स खीरं खीरत्ताव वट्ठति। “अत्तनो पन खीरं मुखेनेव पिवन्तस्स अनापत्तीति दस्सेतुं वुत्त”न्ति वुत्तं। “सरीरनिस्सितमहाभूतानि हि इधाधिप्पेतानी”ति लिखितं, तदुभयम्पि “कप्पियमंसखीरं वा”तिआदिना नयेन विरुज्झति।

अपिच “अप्पटिग्गहितभाजने अज्जभिक्खुसन्तके अत्तनो पिण्डपातं पक्खिपति, ‘तं थोक’न्ति वा अज्जेन वा कारणेन वदति, तं सब्बेसं न कप्पति। कस्मा? विनयदुक्कटत्ता। अत्तना पटिग्गहेत्वा पक्खिपितब्बं विनयविधिं अकत्वा दुक्कटन्ति अधिप्पायो। एवं तादिसं किमत्थं न भुज्जतीति? **अट्ठकथायं** ‘उग्गहितको होती’ति वुत्तत्ता। एवञ्च तत्थ वुत्तं भूमियं वा भाजने वा फलं वा यं किञ्चि आमिसं वा यावजीविकम्पि अप्पटिग्गहितकं अजानन्तो आमसति, न वट्ठति, उग्गहितकं होती”ति **अनुगण्ठपदे** वुत्तं, तस्मा इमस्स मतेन भिक्खु भिक्खुस्स सचे पत्ते अप्पटिग्गहिते पिण्डं ठपेति, तं अकप्पियं उग्गहितकन्ति सिद्धं। अयमेवत्थो “सचे अत्तनो वा भिक्खूनं वा यागुपचनकभाजने...पे०... निरामिसं कत्वा परिभुज्जितब्ब”न्ति वचनेन संसन्दित्वा कथेतब्बो। “**कप्पियमंसखीरं वा**”ति पसङ्गवसेन वुत्तं। दधि चे पटिलद्धं, तज्ज अधिप्पेतन्ति केचि।

दन्तपोनसिक्खापदवण्णना निट्ठिता।

समत्तो वण्णनावकमेन भोजनवग्गो चतुत्थो।

#### ५. अचेलकवग्गो

##### १. अचेलकसिक्खापदवण्णना

२६९. विद्यासादानं अन्तरा पूवलाभेन अज्जतरा परिब्बाजिका पविसित्वा ठिता। **दापेतीति** अनुपसम्पन्नेन।

अचेलकसिक्खापदवण्णना निट्ठिता।

##### २. उय्योजनसिक्खापदवण्णना

२७६. **विजहन्तस्साति** अनादरत्थे सामिवचनं। उय्योजकस्स विजहन्तस्स सतो आपत्ति दुक्कटस्सातिपि अत्थो। इध **अनुपसम्पन्नो** नाम सामणोरोवाधिप्पेतो।

उय्योजनसिक्खापदवण्णना निट्ठिता।

##### ३. सभोजनसिक्खापदवण्णना

२८०. **सभोजनेति** एत्थ पठमविकप्पो “इत्थी च पुरिसो चा”ति इमिना ततियपदेन युज्जति, दुतियविकप्पो पठमेहि द्वीहि। **कुलेति** घरे। अनुपविसित्वा निसीदनचित्तेन **सचित्तकं**।

सभोजनसिक्खापदवण्णना निट्ठिता।

#### ४. रहोपटिच्छन्नसिक्खापदवण्णना

२८४. इध पञ्चमं उपनन्दस्स चतुत्थं होति, तस्मा भिक्खुनिवग्गस्स दसमट्ठकथायं उपरि उपनन्दस्स “ततियसिक्खापदेना”ति न पाठो, “चतुत्थेना”ति पाठोति वेदितब्बो ।

रहोपटिच्छन्नसिक्खापदवण्णना निट्ठिता ।

#### ५. रहोनिसज्जसिक्खापदवण्णना

२८९. रहोनिसज्जसिक्खापदं उत्तानत्थमेव ।

#### ६. चारित्तसिक्खापदवण्णना

२९४. सभत्तोति निमन्तनभत्तोति पोराणा ।

पुरेभत्तञ्च पिण्डाय, चरित्वा यदि भुञ्जति ।  
सिया परम्परापत्ति, पच्छाभत्तं न सा सिया ॥

पच्छाभत्तञ्च गमिको, पुब्बगेहं यदि गच्छे ।  
एके आपत्तियेवाति, अनापत्तीति एकच्चे ॥

कुलन्तरस्सोक्कमने, आपत्तिमतयो हि ते ।  
समानभत्तपच्चासा, इति आहु इधापरे ॥

मता गणिकभत्तेन, समेन्ति नं निमन्तने ।  
विस्सज्जनं समानन्ति, एके सम्मुखतापरे ॥

सन्निट्ठानत्थिकेहेव, विचारेतब्बभेदतो ।  
विञ्जू चारित्तमिच्चेव, सिक्खापदमिदं विदूति ॥

चारित्तसिक्खापदवण्णना निट्ठिता ।

#### ७. महानामसिक्खापदवण्णना

३१०. कालन्ति सो । यस्मा सङ्खपवारणायमेवायं विधि, तस्मा “जातकानं पवारितान”न्ति वुत्तं । “इमिना हि तया पवारितम्ह, अम्हाकञ्च इमिना च इमिना च अत्थो”ति यथाभूतं आचिक्खित्वा विज्जापेतुं गिलानोव लभति । यं पन वुत्तं पणीतभोजनसिक्खापदे “महानामसिक्खापदेन कारेतब्बो”ति, तं सङ्खवसेन पवारितं, भेसज्जत्थाय सप्पिआदिभेसज्जपञ्चकं विज्जापेति चे, “न भेसज्जेन करणीयेन भेसज्जं विज्जापेती”ति वचनेन पाचित्तियन्ति अत्थो”ति (पाचि० ३०९) लिखितं ।

महानामसिक्खापदवण्णना निट्ठिता ।

#### ८. उय्युत्तसेनासिक्खापदवण्णना

३११-५. मं दिट्ठेनाति मया दिट्ठेन, मम दस्सनेन वा । एकम्पि सरहत्थं पुरिसन्ति अङ्गपरियापन्नं ।

उय्युत्तसेनासिक्खापदवण्णना निट्ठिता ।

### ९. सेनावाससिक्खापदवण्णना

३१९. नवमे सेनापरिक्खेपेन वा परिक्खेपारहट्टानेन वा सञ्चरणट्टानपरियन्तेन वा परिच्छिन्दितब्बा ।

सेनावाससिक्खापदवण्णना निट्ठिता ।

### १०. उय्योधिकसिक्खापदवण्णना

३२४. दसमे एकमेकं दस्सनाय गच्छति, आपत्ति दुक्कटस्स । यत्थ ठितो पस्सति, आपत्ति पाचित्तियस्सातिआदि । अट्ठमे पन एकमेकं दस्सनाय गच्छति, आपत्ति दुक्कटस्स । यत्थ ठितो पस्सति, आपत्ति दुक्कटस्साति पाळि । कस्मा? अङ्गप्पमाणाभेदेपि अनीकविसेसतो । दसमे पन अट्ठमङ्गस्स दस्सनेन दुक्कटं सियाति ।

उय्योधिकसिक्खापदवण्णना निट्ठिता ।

समत्तो वण्णनाक्कमेन अचेलकवग्गो पञ्चमो ।

### ६. सुरापानवग्गो

#### १. सुरापानसिक्खापदवण्णना

आयस्मतो यं मुनि सागतस्स,  
महिद्धिकत्तस्स निदस्सनेन ।  
पानस्स दोसो तस्स दस्सनत्थं,  
पुब्बेव सो भद्वतिं पयातो ॥

तस्मा पस्सं नागमपोथयित्वा,  
विनिस्सटं सागतं इद्धिया च ।  
नतो सुरापाननिसेधनत्थं,  
कोसम्बिमेवज्झगमाति जेय्यं ॥

३२६-८. पसुपालकाति अजपालका । येन मज्जति, तस्स बीजतो पट्टाय । केचि “सचित्तकपक्खे चित्तं अकुसलमेवाति (कङ्का० अट्ठ० पठमपाराजिकवण्णना) वुत्तत्ता वत्थुं जानित्वा पिवतो अकुसल”न्ति वदन्ति । एवं सति “अकुसलेनेव पातब्बतायाति न वत्तब्ब”न्ति वुत्ते “सचित्तकपक्खमेव सन्धाया”ति वदन्ति । एवं सति “कुसलाकुसलाब्बाकतचित्तन्ति वत्तब्ब”न्ति वुत्ते तम्पि “तब्बहुलनयेन वुत्त”न्ति वदन्ति । कङ्कावितरणियम्पि अविसेसेत्वा “अकुसलचित्त”न्ति (कङ्का० अट्ठ० सुरापानसिक्खापदवण्णना) वुत्तं, तस्मा “तं अकुसलेनेव पिवती”ति वदन्तीति ।

सुरापानसिक्खापदवण्णना निट्ठिता ।

## २. अङ्गुलिपतोदकसिक्खापदवण्णना

३३०. अङ्गुलिपतोदकसिक्खापदं उत्तानत्थमेव ।

## ३. हसधम्मसिक्खापदवण्णना

३३६. ततिये कथं ति वेदनं? हसाधिप्पायेनेव “परस्स दुक्खं उप्पादेस्सामी”ति उदकं खिपन्तस्स दुक्खवेदनं । सेसं उत्तानं ।

इदं सज्जाविमोक्खञ्चे, तिकपाचित्तियं कथं ।  
कीळितं व अकीळाति, मिच्छागाहेन तं सिया ॥

एत्तावता कथं कीळा, इति कीळायं एवायं ।  
अकीळासज्जी होतेत्थ, विनयत्थं समादये ॥

एकन्ताकुसलो यस्मा, कीळायाभिरतमनो ।  
तस्मा अकुसलं चित्तं, एकमेवेत्थ लब्धतीति ॥

हसधम्मसिक्खापदवण्णना निट्ठिता ।

## ४. अनादरियसिक्खापदवण्णना

३४४. “लोकवज्जं अतिककमित्वा ‘इदं अम्हाकं आचरियुग्गहो’ति वदन्तस्स न वट्ठती”ति लिखितं । यं संकिलिङ्गेनेव चित्तेन आपज्जति, यं वा अरियपुग्गलो अपज्जत्ते सिक्खापदे अज्झाचरति, इदं लोकवज्जन्ति सब्बत्थिकवादीआदीनि आचरियकुलानि । तत्थ दुतियततियविकप्पो इध न अधिप्पेतो सेखियानं लोकवज्जत्ता ।

गारख्हो आचरियुग्गहोति एत्थ “यस्मा उच्छुरसो सत्ताहकालिको, तस्स कसटो यावजीविको, द्विन्नयेव समवायो उच्छुरयट्ठि, तस्मा विकाले उच्छुरयट्ठिं खादितुं वट्ठति गुळहरीटकं विया”ति एवमादिको सम्पति निब्बत्तो गारखाचरियवादो न गहेतब्बो”ति च, पण्णत्तिवज्जे पन वट्ठतीति “न पत्तहत्थेन कवाटो पणामेतब्बो”ति इमस्स “येन हत्थेन पत्तो गहितो, तेन हत्थेन न पणामेतब्बो, इतरेण पणामेतब्बो”ति अत्थं गहेत्वा तथा आचरन्तो न आपत्तिया कारेतब्बो । ‘तथा बुद्धबोधिचेतियानं पुप्फं गणितुं वट्ठतीति तथा आचरन्तो’ति च । तथा आचरति अभयगिरिवासिको । महाविहारवासिनो चे एवं वदन्ति, “मा एवं वदा”ति अपसादेतब्बो । तेन वुत्तं “सुत्तं सुत्तानुलोमञ्च उग्गाहितकानंयेवा”तिआदि । “इदं सब्बं उपतिस्सत्थेरो आहा”ति च वुत्तं । “सुत्तानुलोमं अट्ठकथा”ति लिखितं ।

अनादरियसिक्खापदवण्णना निट्ठिता ।

## ५. भिंसापनसिक्खापदवण्णना

३४५. भिंसापनसिक्खापदं उत्तानत्थमेव ।

## ६. जोतिसिक्खापदवण्णना

३५४. “विसिब्बनापेक्खो”ति वचनतो यस्स अपेक्खा नत्थि, तस्स अनापत्ति ।

जोतिसिक्खापदवण्णना निट्ठिता ।

## ७. नहानसिक्खापदवण्णना

३६४. नहानसिक्खापदं उत्तानत्थमेव ।

## ८. दुब्बण्णकरणसिक्खापदवण्णना

३६८. अलभीति लभो । यथा “पचतीति पचो, पथतीति पथो”ति वुच्चति, एवं “लभतीति लभो”ति कस्मा न वुत्तं? परिनिट्ठितलाभस्सेव इधाधिप्पेतत्ता । मग्गेति सिब्बिनिमग्गे । कप्पकतेन सद्धिं अकप्पकतं सिब्बेति । यावता अधिट्ठानं न विजहति, तावता पुब्बं कप्पमेव । कप्पं न विजहति चे, पुन कप्पं दातब्बन्ति आचरियस्स तक्को ।

दुब्बण्णकरणसिक्खापदवण्णना निट्ठिता ।

## ९. विकप्पनसिक्खापदवण्णना

३७४. परिभोगो एत्थ कायकम्मं । अपच्चुद्धारणं वचीकम्मं ।

विकप्पनसिक्खापदवण्णना निट्ठिता ।

## १०. चीवरापनिधानसिक्खापदवण्णना

३७९. दसमे यस्मा निसीदनसन्थतं चीवरनिसीदनम्पीति उभयम्पि सदसमेव, तस्मा तं उभयम्पि एकतो कत्वा “निसीदनं नाम सदसं वुच्चती”ति आह । तत्थापि चीवरगगहणेन चीवरनिसीदनं गहितमेवाति अत्थतो सन्थतनिसीदनमेव वुत्तं होति । यदि एवं “निसीदनसन्थतं नाम सदसं वुच्चती”ति वत्तब्बन्ति? न, इतरस्स अनिसीदनअदसभावप्पसङ्गतो । एत्थ निसीदनसन्थतस्स पाचित्तियवत्थुत्ता इतरम्पि पाचित्तियवत्थुमेवाति वेदितब्बं तज्जातिकत्ता । सस्सामिके सूचिघरे सूचिगणनाय आपत्तियोति पोराणा ।

चीवरापनिधानसिक्खापदवण्णना निट्ठिता ।

समत्तो वण्णनाक्कमेन सुरापानवग्गो छट्ठो ।

## ७. सप्पाणकवग्गो

### १. सज्जिच्चपाणसिक्खापदवण्णना

३८२. सज्जिच्चपाणसिक्खापदं उत्तानत्थमेव ।

### २. सप्पाणकसिक्खापदवण्णना

३८७. “पाणो अत्थी”ति जानन्तोपि “मरिस्सन्ती”ति अविचारेत्वा पिवतिचे, अनापत्ति ।

जले पक्खिपनं पुप्फं, जलप्पवेसनं इदं ।

एवं उभिन्नं नानत्तं, जेय्यं आणवता सदाति ॥

सप्पाणकसिक्खापदवण्णना निट्ठिता ।

### ३. उक्कोटनसिक्खापदवण्णना

३९२. ततिये द्वादस उक्कोटा वेदितब्बा । तत्थ अकतं कम्मं, दुक्कटं कम्मं, पुन कातब्बं कम्मन्ति अनुवादाधिकरणे लब्भन्ति । अनिहटं, दुन्निहटं, न पुन हरितब्बन्ति विवादाधिकरणे लब्भन्ति, अविनिच्छितं, दुविनिच्छितं, पुन विनिच्छितब्बन्ति आपत्ताधिकरणे लब्भन्ति । अवूपसन्तं, दुवूपसन्तं, पुन वूपसमेतब्बन्ति किच्चाधिकरणे लब्भन्तीति अट्ठकथानयो, पाळियं पनेत्थ मुखमत्तमेव दस्सितं ।

उक्कोटनसिक्खापदवण्णना निट्ठिता ।

### ४. दुट्ठुल्लसिक्खापदवण्णना

३९९. “पाराजिकानीति अत्थुद्धारवसेन दस्सितानी”ति कथं विज्जायतीति चे? परिवारपाळितो । वुत्तज्झि तत्थ “आपत्ताधिकरणपच्चया कति आपत्तियो आपज्जति । आपत्ताधिकरणपच्चया चतस्सो आपत्तियो आपज्जति । भिक्खुनी जानं पाराजिकं धम्मं पटिच्छादेति, आपत्ति पाराजिकस्स । वेमतिका पटिच्छादेति, आपत्ति थुल्लच्चयस्स । भिक्खु सङ्घादिसेसं पटिच्छादेति, आपत्ति पाचित्तियस्स । आचारविपत्तिं पटिच्छादेति, आपत्ति दुक्कटस्सा”ति (परि० २९०) । पाराजिकं पटिच्छादेन्तो भिक्खु अनापत्ति, नो आपत्तिं आपज्जति अवुत्तत्ताति चे? न, संकिलिट्ठेन चित्तेन पटिच्छादने विना आपत्तिया असम्भवतो । दुक्कटवारे वत्तब्बापि पाराजिकापत्तियो पठमं अत्थुद्धारवसेन सङ्घादिसेसेहि सह वुत्तत्ता न सक्का पुन वत्तुन्ति न वुत्ताति वेदितब्बा ।

याव कोटि न छिज्जतीति चेत्थ यो अन्तमसो पटिच्छादनत्थं अज्जस्स आरोचेतु वा, मा वा, पटिच्छादनचित्तेनेव आपत्तिं आपन्नो । तस्स पुन अज्जस्स पटिच्छादनत्थं अनारोचनेनेव न कोटि छिन्ना होति, किं पुन पटिनिवत्तित्वा वचनेन पयोजनन्ति न अन्तिमस्स अनारोचनेन छिन्ना होति, अप्पटिच्छादनेन एव छिन्ना होति, ततो अप्पटिच्छादनत्थं अपुब्बस्स आरोचेतब्बं, ततो पट्टाय कोटि छिन्ना होति, तदभावो पटिनिवत्तित्वा अप्पटिच्छादनत्थं आरोचेतब्बं, एवम्पि कोटि छिन्ना होतीति एवं नो पटिभातीति आचरियो । ततियेन दुतियस्साति एत्थ “दुतियो नाम पठमो”ति वदन्तानं “वत्थु पुगलो न वत्तब्बो”ति वारितत्ता न सुन्दरं । अज्जस्स चतुत्थस्स आरोचनेपि न सुन्दरं । कस्मा? पुब्बेव सुत्वा अज्जस्स अनारोचितत्ता । “सुतेन अज्जस्स आरोचेतब्बं सिया”ति वदन्ति ।

दुट्ठुल्लसिक्खापदवण्णना निट्ठिता ।

### ५. ऊनवीसतिवस्ससिक्खापदवण्णना

४०४. पुनप्पुनं उप्पज्जनतो बहुधा । हायनवड्ढन्ति मातुकुच्छिस्मिं चे द्वादसन्नं मासानं ऊनताय हायनं कतं । पसूतस्स वड्ढनं कातब्बं । मातुकुच्छिस्मिं चे वड्ढनं कतं । पसूतस्स हायनं कातब्बं । निक्खमनीयपुण्णमासी नाम सावणमासस्स पुण्णमासी । “पाटिपददिवसेति दुतिये उपगच्छति दिवसे”ति लिखितं । सो हि पसूतदिवसतो पट्टाय परिपुण्णवीसतिवस्सो होति । अवसेसानं द्विन्नं वस्सानं अधिकदिवसानि होन्तेव, तस्मा निक्कट्ठा हुत्वा उपसम्पादेति । तं सन्धायाति गम्भवस्सञ्च पवारेत्वा लद्धवस्सञ्च अगणेत्वा जातदिवसतो पट्टाय गणेत्वा एकूनवीसतिवस्सं । एकूनवीसतिवस्सोति “गम्भवस्सं एव पहाया”ति लिखितं, तं दुल्लिखितं ।

४०६. अज्जं उपसम्पादेतीति उपज्झायो वा आचरियो वा हुत्वा उपसम्पादेति । “ओपपातिकस्स सोळसवस्सुदेसिकभावतो पुन चत्तारो वस्से अतिक्कमित्वा उपसम्पदा कातब्बा”ति आचरिया वदन्तीति केचि ।

ऊनवीसतिवस्ससिक्खापदवण्णना निट्ठिता ।

#### ६. थेय्यसत्थसिक्खापदवण्णना

४०९. थेय्यसत्थो चे सुद्धमातुगामो द्वे आपत्तियो । अथ भिक्खुनियो, समयो रक्खति । थेय्यसत्थभावस्स ठानं कत्वा रक्खणीयत्ता सहधम्मिकानं रक्खतियेवाति एके । थेय्यभावे न सहधम्मिकता, तस्मा न रक्खति एवाति एके । अपाराजिकथेय्यभावे सति सहधम्मिकभावोति चे? इतरस्मिं इतरन्ति समयो अनिस्सटो आपज्जति । भिक्खु थेय्यसत्थो चे, यथावत्थुकमेव । थेय्यसत्थे थेय्यसत्थसज्जी सद्धिं संविधायाति च । “सद्धि”न्ति पदं केसुचि नत्थि, तं अननुरूपं । तथा दुतियेपि ।

थेय्यसत्थसिक्खापदवण्णना निट्ठिता ।

#### ७. संविधानसिक्खापदवण्णना

४१२. “तेन खो पन समयेन अज्जतरा इत्थी”ति च पाठो अत्थि, केसुचि नत्थि । नत्थिभावो सुन्दरो “तेन खो समयेना”ति अधिकारत्ताति केचि । इध एकतोउपसम्पन्ना, सिक्खमाना, सामणेरीति इमापि तिस्सो सङ्गहं गच्छन्ति । इमासं पन समयो रक्खति, अयमिमासं, मातुगामस्स च विसेसो ।

४१४. अपिचेत्थ “विज्जू पटिबला”ति वचनतो अप्पटिबला अनापत्तिवत्थुकाति एके, तं न युत्तं दुक्कटवत्थुकत्ता । “भिक्खु संविदहति, मातुगामो न संविदहति, आपत्ति दुक्कटस्सा”ति हि वुत्तं । तथा हि उपपरिक्खितब्बं ।

संविधानसिक्खापदवण्णना निट्ठिता ।

#### ८. अरिडुसिक्खापदवण्णना

४१७. गहट्टस्सापि भिक्खुनीदूसककम्मं मोक्खन्तरायिकमेव, तस्मा तस्स पब्बज्जापि पटिक्खित्ता । विपाकन्तरायिका अहेतुकत्ता । पुब्बे सज्जिच्च आपन्ना सम्मुट्ठा सुद्धसज्जिनो अन्तरायिका एव । **सेसाति** जातिका । **रसेनाति** भावेन । **अधिकुट्टनट्टेनाति** अधिकरणं कत्वा कुट्टनट्टेन छिन्दनट्टेन । **असिसूनूपमा** कुसलधम्मच्छेदनट्टेन । **सत्तिसूलूपमा** चित्तवितुदनट्टेनाति पोराणा । अनापत्तिपाळियं “आदिकम्मिकस्सा”ति मुखारुहवसेन लिखितं ।

अरिडुसिक्खापदवण्णना निट्ठिता ।

#### ९. उक्खित्तसम्भोगसिक्खापदवण्णना

४२५. “तं दिट्ठिं अप्पटिनिस्सट्टेनाति इमिना लद्धिनानासंवासकतं दीपेती”ति वुत्तं । **तिचित्तन्ति** एत्थ विपाकाव्याकतचित्तेन सहवासेय्यं कप्पेय्याति एवमत्थो दट्ठब्बो । अज्जथा सचित्तकत्ता सिक्खापदस्स किरियाव्याकतं सन्धाय न युज्जति ।

उक्खित्तसम्भोगसिक्खापदवण्णना निट्ठिता ।

#### १०. कण्टकसिक्खापदवण्णना

४२८. यत्थ ते न पस्सामाति तेति तं । अथ वा तव रूपादिं न पस्साम । अयं समणुद्देशो पाराजिको होति । “सचे तं दिट्ठिं पटिनिस्सज्जति, सङ्गस्स आरोचेत्वा सङ्गानुमतिया पब्बाजेतब्बो”ति **पोराणगण्ठपदे** वुत्तं, तं न युत्तं, दण्डकम्मनासना हि

इथाधिप्पेता । यदि सो पाराजिको, लिङ्गनासना नाम सिया । ते पटिसेवतो नालं अन्तरायायाति च दिट्ठि सत्थरि असत्थादिदिट्ठि न होति । सचे सा यस्स उप्पज्जति, सो पाराजिको होति, तस्मिं एवमेव पटिपज्जितब्बं संवरे अतिट्ठन्तो लिङ्गनासनायेव नासेतब्बोति आचरियस्स तक्को ।

कण्टकसिक्खापदवण्णना निट्ठिता ।

समतो वण्णनाक्कमेन सप्पाणकवग्गो सत्तमो ।

## ८. सहधम्मिकवग्गो

### १. सहधम्मिकसिक्खापदवण्णना

४३४. सहधम्मिकसिक्खापदं उत्तानत्थमेव ।

### २. विलेखनसिक्खापदवण्णना

४३८. आपत्तिञ्च सतिसम्मोसायाति एत्थ च-सद्धो कत्तब्बञ्च न करोतीति दीपेति, न चत्तारि एवाति वुत्तं होति । रट्टेकदेसो जनपदो । बुद्धकाले अरिड्ढकण्टका सासनपच्चत्थिका । “नालं अन्तरायाया”ति वचनेन हि ते भगवतो असब्बञ्जुतं दीपेन्ति । परिनिब्बुते भगवति दसवत्थुदीपका वज्जिपुत्तका । ते हि विनयसासनपच्चत्थिका । परूपहारादिवादा पन सुत्तन्ताभिधम्मपच्चत्थिका । के पन ते? एकच्चे महासङ्घिकादयो, न सब्बेति दीपनत्थं “परूपहारा...पे... वादा”ति विसेसनवचनमाह । तत्थ ये कुहका पापिच्छका अभूतं उल्लपित्वा पटिलद्धवरभोजनानि भुज्जित्वा मुट्ठस्सती निदं ओक्कमित्वा सुक्कविस्सट्ठिं पत्ता, अज्जेहि तं दिस्वा “अत्थि अरहतो सुक्कविस्सट्ठि”ति वुत्ते “मारकायिका उपसंहरन्ती”ति वत्वा जनं वज्जेन्ति । ये च सम्मापटिपन्ना अकुहका, तेपि तं वचनं सुत्वा केचि तंदिट्ठिका होन्ति अधिमानिनो च । अत्तनो सुक्कविस्सट्ठिं पस्सित्वापि नाधिमुच्चन्ति, अनधिगते अधिकतसज्जनोव होन्ति । तथा अत्थि अरहतो अज्जाणकङ्कावितरणा नामगोत्तादीसु विय सच्चेसु परवितरणा परेहि पज्जत्ता नामानीति अधिप्पायो यथासम्भवं योजेतब्बो । तत्थ विनयधरो “अट्टानमेतं, भिक्खवे, अनवकासो, यं अरहतो असुचि मुच्चेय्य (कथा० ३१३; महाव० ३५३) । दिट्ठधम्मा...पे... अपरप्पच्चया सत्थुसासने”ति आदीनि (महाव० ३०) सुत्तपदानि दस्सेत्वा ते सासनपच्चत्थिकेसु निग्गहितं निग्गण्हातीति अधिप्पायो । इतरे “परियत्ति मूल”न्ति वादिनो । “पातिमोक्खे उट्ठिस्समाने”ति निदानवसेन वुत्तं । तथागतस्स विभङ्गपदानि सिद्धानि । सिद्धेयेव किं इमस्स अङ्गानि? गरहितुकामता उपसम्पन्नस्स सन्तिके सिक्खापदविवण्णनञ्चाति ।

विलेखनसिक्खापदवण्णना निट्ठिता ।

### ३. मोहनसिक्खापदवण्णना

४४४. मोहनसिक्खापदं उत्तानत्थमेव ।

### ४. पहारसिक्खापदवण्णना

४५२. रत्तचित्तोति कायसंसग्गरागेन । विहेठेतुकामं पन दिस्वा “सचे अहं इमं मारेमि, नत्थि मे मोक्खो”ति चिन्तेत्वा कुपितो सत्तसज्जं पुरेक्खत्वा पहारं देति, तस्स यथावत्थुकिमेव ।

पहारसिक्खापदवण्णना निट्ठिता ।



## ५. तलसत्तिकसिक्खापदवण्णना

४५६. “कायं वा कायपटिबद्धं वा”ति (पाचि० ४५६) वचनतो कायादीसु यं उच्चारति, तं तलं नाम । तलमेव तलसत्तिकं । पोथनसमत्थद्वेन सत्तिकन्ति एके । तं “उप्पलपत्तम्पी”ति इमिना नियमेति । एवं कुपिता हि कोपवसेन पोथनासमत्थतं अविचारेत्वा यं किञ्चि हत्थगतं पटिक्खिपन्ति, सुखसम्पस्सम्पि होतु, पाचित्तियमेव । यस्मा पहरितुकामताय पढे पुरिमेन पाचित्तियं । केवलं उच्चारेतुकामताय उगिरणमत्ते कते इमिना पाचित्तियं । इमिना पन विरज्झित्वा पहारो दिन्नो, तस्मा न पहरितुकामताय दिन्नत्ता दुक्कटं । किमिदं दुक्कटं पहारपच्चया, उदाहु उगिरणपच्चयाति? पहारपच्चया एव दुक्कटं । पुरिमं उगिरणपच्चया पाचित्तियन्ति सदुक्कटं पाचित्तियं युज्जति । पुरिमज्झि उगिरणं, पच्छा पहारो । न च पच्छिमपहारं निस्साय पुरिमं उगिरणं अनापत्तिवत्थुकं भवितुमरहतीति नो तक्कोति आचरियो । “तेन पहारेन हत्थादीसु यं किञ्चि भिज्जति, दुक्कटमेवा”ति इमिनापि पहारपच्चया दुक्कटं । उगिरणं यथावत्थुकमेवाति सिद्धं, सुट्ठु वीमंसितब्बं । “तिरच्छानादीनं असुचिकरणादीनि दिस्वा कुज्झित्वापि उगिरन्तस्स मोक्खाधिप्पायो एवा”ति वदन्ति ।

तलसत्तिकसिक्खापदवण्णना निट्ठिता ।

## ६. अमूलकसिक्खापदवण्णना

४६२. उपसम्पन्ने अनुपसम्पन्नसज्जी अमूलकेन सङ्गादिसेसेनाति सुक्कविस्सट्ठिकायसंसग्गादिना सङ्गादिसेसापत्तिया वत्थुनाति वेदितब्बं । न हि अनुपसम्पन्नस्स सङ्गादिसेसापत्ति नाम अत्थि ।

अमूलकसिक्खापदवण्णना निट्ठिता ।

## ७. सज्जिच्चसिक्खापदवण्णना

४६८. ऊनवीसतिवस्सो मज्जेति एत्थ सयं सज्जाय तथा अमज्जन्तो कुक्कुच्चुप्पादनत्थं “मज्जे”ति वदन्तो किं मुसावादेन कारेतब्बोति? न सिया अङ्गसम्पत्तिया, न च केवलं “मज्जे”ति इमिना नियमतो अङ्गसम्पत्ति होति । परमत्थविहितं कत्थचि होति । “उदकं मज्जे आदित्तं”न्तिआदिमिह परो कुक्कुच्चं उप्पादेतु वा, मा वा, तं अप्पमाणन्ति मातिकाटुकथायं (कट्ठा० अट्ठ० सज्जिच्चसिक्खापदवण्णना) “कुक्कुच्चुप्पादन”न्ति तस्स अधिप्पायवसेन वुत्तन्ति ।

सज्जिच्चसिक्खापदवण्णना निट्ठिता ।

## ८. उपस्सुतिसिक्खापदवण्णना

४७३. इमेसं सुत्वाति एत्थ “वचन”न्ति पाठसेसो । एकपरिच्छेदानीति सिया किरिया सिया अकिरियाति इमिना नयेन एकपरिच्छेदानी । एत्थ किञ्चापि अज्जवादकपच्चयापत्ति किरिया च विहेसकपच्चयापत्ति अकिरिया च, तदुभयं पन एकसिक्खापदन्ति कत्वा तं अज्जवादकसङ्गातं सिक्खापदं सिया किरिया पठमस्स वसेन, सिया अकिरिया दुतियस्स वसेनाति एवमत्थो दट्ठब्बो ।

उपस्सुतिसिक्खापदवण्णना निट्ठिता ।

## ९. कम्मपटिबाहनसिक्खापदवण्णना

४७४. “धम्मिकानं कम्मानं”न्ति (पाचि० ४७५) वचनतो एकच्चे भिक्खू धम्मिकानं कम्मानं “छन्दं दम्मी”ति छन्दं देन्ति, तं

तेसं मतिमत्तमेव, न पटिपत्ति । अधम्मं निस्साय खिय्यति, तं वा उक्कोटेति, अनापत्ति नेव होतीति? न, तथा छन्ददानकाले अकत्वा पच्छा अधम्मकम्मखिय्यनादिपच्चया अनापत्तिवारे वुत्तत्ता । अधम्मेन वा वग्गेन वा न कम्मरहस्स वा कम्मकरणपच्चया आपत्तिमोक्खकरणतो अविसेसमेव तथावचनन्ति चे? न, छन्ददानकाले अधम्मकम्मकरणानुमतिया अभावतो, कारकस्सेव वज्जप्पसङ्गतो च । गणस्स दुक्कटन्ति चे? पारिसुद्धिछन्ददायकाव ते, न गणो अकम्मप्पत्तत्ता, **परिवारेपि** (परि० ४८२ आदयो) कम्मवग्गे कम्मप्पत्तछन्ददायका विसुं वुत्ता । तथापि अधम्मकम्मस्स छन्दो न दातब्बो देन्ते अकप्पियानुमतिदुक्कटतो । तत्थ हि योजनदुक्कटतो न मुच्चन्तीति नो तक्कोति आचरियो ।

कम्मपटिबाहनसिक्खापदवण्णना निट्ठिता ।

## १०. छन्दंअदत्वागमनसिक्खापदवण्णना

४८१. सन्निपातं अनागन्त्वा चे छन्दं न देति, अनापत्तीति एके । दुक्कटन्ति एके धम्मकम्मन्तरायकरणाधिप्पायत्ता । सङ्गमज्जे छन्दं दातुं लभतीति केचि । दिन्नछन्दे सङ्गमज्जं पविसित्वा पुन गतेपि छन्दो न पटिप्पस्सम्भेय्याति चे? पटिप्पस्सम्भति । कस्मा? “अहत्यपासो छन्दारहो”तिआदीहि विरुज्जनतो । **पाळियं** पन दातुकामताय हत्थपासं अतिक्कमन्तं सन्धाय वुत्तन्ति केचि ।

छन्दंअदत्वागमनसिक्खापदवण्णना निट्ठिता ।

## ११. दुब्बलसिक्खापदवण्णना

४८४-५. अदासीति अपलोकेत्वा अदासि । **भिक्षू**ति एत्थ ते छब्बगिया अत्तानं परिवज्जयित्वा “सङ्घो”ति अवत्वा “भिक्षू”ति आहंसु । **परिणामेन्तीति** नेन्ति । तत्थ **लाभो**ति पदुद्धारकरणं इध अनधिप्पेतस्सपि यस्स कस्सचि अत्थुद्धारवसेन लाभदीपनत्थं । चीवरमेव हि इधाधिप्पेतं, तेनेव “अज्जं परिक्खारं दिन्नं खीयति, आपत्ति दुक्कटस्सा”ति वुत्तं । **दिन्नन्ति** च **परिक्खारन्ति** च भुम्मत्थे उपयोगवचनं ।

दुब्बलसिक्खापदवण्णना निट्ठिता ।

## १२. परिणामनसिक्खापदवण्णना

४९१. जातकम्पि परस्स दातुकामं अज्जस्स दापेति, आपत्ति एव । सब्बत्थ आपुच्छित्वा दातुकामं यथासुखं विचारेतुं लभति ।

परिणामनसिक्खापदवण्णना निट्ठिता ।

समत्तो वण्णनाक्कमेन सहधम्मिकवग्गो अट्ठमो ।

## ९. रतनवग्गो

### १. अन्तेपुरसिक्खापदवण्णना

४९४-७. यथा भगवन्तं पयिरुपासति, एवमाकारेन नारहतायं पुरिसो पापो होतुं, न होति पापोति अत्थो, कारणत्थं वा । तन्ति निपातमत्तं, यतोति वा अत्थो । **हत्थिसम्मदन्ति** सङ्घाटसम्मदो, अक्कमनं चुण्णताति अत्थो ।

४९८. **रतनं** नाम अग्गमहेसी, तथापि इध अज्जापि देविगोत्ता न रक्खति, अनापत्तिवारे “न महेसी होती”ति वचनाभावतो ।

सचे खत्तियोव होति, नाभिसित्तो । अभिसित्तोयेव होति, न खत्तियो रक्खतीति आचरियो । अनापत्तिवारे **मातिकाट्टकथायं** अङ्गभावेन च वृत्तता अभिसित्तभावोवपमाणं । सेसं उक्कट्टपरिच्छेदोति एके ।

**५००-५०१.** “न सयनिघरे सयनिघरसज्जी”ति तिकच्छेदोपि एत्थ लब्धति । **न सयनिघरं** नाम अपरिक्खितरुक्खमूलादि ।

अन्तेपुरसिक्खापदवण्णना निट्ठिता ।

## २. रतनसिक्खापदवण्णना

**५०४.** “अधिवासेन्तु गहपतिनो भत्त”न्ति च “मे गहपतिनो”ति च अत्थि ।

**५०६. कुरुन्दि**वचनेन घरेपि यदि भिक्खू आसङ्कन्ति, तत्थ ठत्वा आचिक्खितब्बन्ति वुत्तं होति । **पतिरूपा**ति “रतनसम्मते पंसुकूलग्गहणं वा रतने निरुस्सुक्कगमनं वा”ति लिखितं । “तावकालिकवसेनपि अनामासं पटिग्गण्हितुं न लभती”ति वदन्ति । **समादपेत्वा**ति याचित्वा “उद्दिस्स अरिया तिट्ठन्ति, एसा अरियान याचना”ति (जा० १.७.५९) वृत्तनयेन ।

रतनसिक्खापदवण्णना निट्ठिता ।

## ३. विकालगामप्पविसनसिक्खापदवण्णना

**५११-२.** अहिना डट्ठवत्थुम्हि सो भिक्खु सन्तं भिक्खुं अनापुच्छा गतो, तस्स कुक्कुच्चं उदपादि । **अदिन्नादाने वृत्तनयेना**ति गामो गामूपचारोति इदं सन्धाय वृत्तं ।

विकालगामप्पविसनसिक्खापदवण्णना निट्ठिता ।

## ४. सूचिघरसिक्खापदवण्णना

**५१७.** तन्ति भेदनकं । **अस्सा**ति पाचित्तियस्स पठमं भेदनकं कत्वा पच्छा देसेतब्बत्ता । एस नयो इतरेसुपि ।

**५२०.** **वासिजटे**ति वासिदण्डके ।

सूचिघरसिक्खापदवण्णना निट्ठिता ।

## ५. मज्जसिक्खापदवण्णना

**५२१-२.** “उच्चे मज्जे”ति च “उच्चा मज्जे”ति च कत्थचि । **आयतो**ति वित्थतो । **अट्ठङ्गुलपादक**न्ति भावनपुंसकं, अट्ठङ्गुलप्पमाणं पादकं वा ।

मज्जसिक्खापदवण्णना निट्ठिता ।

## ६. तूलोनद्धसिक्खापदवण्णना

**५२८.** **पोटकितूल**न्ति यं किञ्चि तिणतूलं । **पटिलाभेन उद्दालेत्वा पाचित्तियं देसेतब्बन्ति** एत्थ किञ्चापि पटिलाभमत्तेनेव पाचित्तियन्ति विय दिस्सति, परिभोगेयेव पन आपत्ति दट्ठब्बा, “अज्जेन कतं पटिलभित्वा परिभुज्जति, आपत्ति दुक्कटस्सा”ति

वचनं एत्थ साधकं ।

तूलोनद्धसिक्खापदवण्णना निट्ठिता ।

### ७. निसीदनसिक्खापदवण्णना

५३१. किञ्चापि निसीदनस्स जाति न दिस्सति एत्थ, तथापि **चीवरक्खन्धके** अनुज्जातत्ता, “नव चीवरानि अधिद्वातब्बानी”ति एत्थ च परियापन्नत्ता चीवरजातियेवस्स जातीति वेदितब्बा । “सन्थतसदिसं सन्थरित्वाति सदस”न्ति पुब्बे वुत्तनिसीदनसन्थतत्ता उपमेति । लाभे सदसं, अलाभे अदसम्पि वट्ठतीति एके, तं न युत्तं । “निसीदनं नाम सदसं वुच्चती”ति तस्स सण्ठाननियमनतो ।

निसीदनसिक्खापदवण्णना निट्ठिता ।

### ८. कण्डुपटिच्छादिसिक्खापदवण्णना

५३९. यदि **कण्डुपटिच्छादि** नाम अधोनाभि उब्भजाणुमण्डला उप्पन्नकण्डुपीळकादिपटिच्छादिका अधिप्पेता, तस्स सुगतस्स सुगतविदत्थिया दीघसो चतस्सो विदत्थियो तिरियं द्वेति इदम्पि अतिमहन्तं पमाणं दिस्सति । सब्बो हि पुरिसो अत्तनो अत्तनो विदत्थिया सत्तविदत्थिको होति, सुगतस्स च एकाविदत्थि मज्झिमस्स पुरिसस्स तस्सो विदत्थियो होन्ति, तस्मा कण्डुपटिच्छादि पकतिपुरिसस्स पमाणं आपज्जति तिरियं, दीघसो पन दिगुणं आपज्जतीति । आपज्जतु, उक्कट्टपरिच्छेदो तस्सा, चे इच्छति, सब्बम्पि सरीरं पटिच्छादेस्सति, सब्बसरीरगतसङ्घाटि विय बहुगुणं कत्वा निवासेतुकामो निवासेस्सतीति अयं भगवतो अधिप्पायो सिया ।

कण्डुपटिच्छादिसिक्खापदवण्णना निट्ठिता ।

### ९. वस्सिकसाटिकसिक्खापदवण्णना

५४२. **वस्सिकसाटिका**पि उक्कट्टपटिच्छेदवसेन अनुज्जाता । वस्सकाले केचि सङ्घाटिपरिभोगेनेव परिभुज्जिस्सन्तीति अयं भगवतो अधिप्पायो सिया । किञ्चापि इमिना तक्केन अनुज्जाता, “अप्पमाणिकायो कण्डुपटिच्छादियो धारेन्ति, वस्सिकसाटिकायो धारेन्ती”ति इमस्मिं वत्थुस्मिं पज्जत्तत्ता पन अज्जथा पुण्णपरिच्छेदतो अधिकप्पमाणायो ते भिक्खू धारेसुन्ति कत्वा एतपरमता तासं अनुज्जाताति वेदितब्बा । एसेव नयो दसमेपि ।

वस्सिकसाटिकसिक्खापदवण्णना निट्ठिता ।

### १०. नन्दत्थेरसिक्खापदवण्णना

५५१. तत्थ **भिसिं वा बिब्बोहनं वा करोतीति** दीघसो बहूनं भिक्खूनं साधारणत्थं करोतीति युज्जति ।

नन्दत्थेरसिक्खापदवण्णना निट्ठिता ।

समत्तो वण्णनाक्कमेन रत्तनवग्गो नवमो ।

पाचित्तियकण्डवण्णना निट्ठिता ।

## ६. पाटिदेसनीयकण्डो

### १. पठमपाटिदेसनीयसिक्खापदवण्णना

५५३-५. “पटिदेसेतब्बाकारदस्सन”न्ति अट्ठकथायं वुत्तत्ता पाळियं आगतवसेनेव आपत्ति देसेतब्बा, न अज्जथा । “अन्तरघरे अन्तरघरसज्जी”तिआदिना च “खादनीयभोजनीये अखादनीयअभोजनीयसज्जी”तिआदिना च “भिक्षुनियया अभिक्षुनिसज्जी”तिआदिना च नयेन अपरेपि तयो तिकच्छेदा योजेत्वा दस्सेतब्बा ।

पठमपाटिदेसनीयसिक्खापदवण्णना निट्ठिता ।

### २. दुतियपाटिदेसनीयसिक्खापदवण्णना

५५९. “निमन्तिता भुज्जन्तीति पज्जनं भोजनानं अज्जतरेन भोजनेन निमन्तिता भुज्जन्ती”ति किञ्चापि वुत्तं, अथ खो अकप्पियनिमन्तनेन निमन्तितता एत्थ न अङ्गं, मातिकाट्ठकथायं वा इध वा अनापत्तिवारे लेसाभावतो, तस्मा “निमन्तिता”ति पदस्स अत्थो पुब्बे आचिण्णवसेनेव वुत्तो । अपरेपि तयो तिकच्छेदा योजेत्वा दस्सेतब्बा पदभाजने वुत्तत्ताति वेदितब्बं । यथा तथा हि भुज्जन्तानं तादिसं भिक्षुनिं अवारेन्तानं पाटिदेसनीयमेव । “एसा वोसासति नाम, वोसासन्ती”ति च दुविधो पाठो । “अज्झोहारे अज्झोहारे”ति वचनेन पुन “गारहं आवुसो धम्म”न्ति एकवचनं विरुद्धन्ति । पठमं अज्झोहारेयेव आपन्नं सन्धाय वुत्तं, तथा अज्जत्रापि आगच्छति “आपज्जिम्हा”ति वचनतो । एकेन बहूनम्पि वट्ठतीति केचि, तं न सुन्दरं । “तेहि भिक्षूही”तिआदिना पाठे वुत्तत्ताति मम तक्को । एकेन सहेव “अहं आपज्जि”न्तिपि वत्तब्बन्ति एकेन द्वीहि तीहि देसेतब्बतो, सब्बेहि एवं वत्तुं वट्ठति । “आपज्जिम्हाति सहेवा”ति वदन्ति । एकेन चे अवारितो, “अहं, आवुसो, गारहं धम्मं आपज्जि”न्तिपि वत्तब्बं ।

दुतियपाटिदेसनीयसिक्खापदवण्णना निट्ठिता ।

५६२-५७०. ततियचतुत्थसिक्खापदानि उत्तानत्थानियेव ।

पाटिदेसनीयकण्डवण्णना निट्ठिता ।

## ७. सेखियकण्डो

### १. परिमण्डलवग्गवण्णना

५७६. “सिक्खितसिक्खेनाति चतूहि मग्गेही”ति वुत्तं । यस्मा अट्ठङ्गुलमत्तं ओतारेत्वा निवत्थमेव निसिन्नस्स चतुरङ्गुलमत्तं होति, तस्मा उभोपेते अट्ठकथावादा एकपरिच्छेदा, “अट्ठतेय्यहत्थ”न्ति सुखुमं, एकपत्तं वा सन्धाय वुत्तं । तज्जि यथाठानेन तिट्ठति । दुपट्ठं सन्धाय “द्विहत्थप्पमाणम्पी”ति वुत्तन्ति उपतिस्सत्थेरो । एकपट्ठं, द्विपट्ठं वा हेट्ठिमपरिच्छेदेन “द्विहत्थप्पमाण”न्ति वुत्तन्ति वेदितब्बं । वुत्तज्जि निस्सगियअट्ठकथायं “तिरियं द्विहत्थोपि वट्ठती”ति, तज्ज खो अलाभे एव “अलाभे तिरियं द्विहत्थप्पमाणम्पि वट्ठती”ति वुत्तत्ता । इदं सब्बं अधिष्ठानुपगं सन्धाय वुत्तं । विरुद्धं दिस्वा सज्जेतब्बं । नो चे सज्जेति, दुक्कटं । सचित्तकं पण्णत्तिविजाननचित्तेनेव “अनादरियं पटिच्चा”ति वुत्तत्ता, न वत्थुविजाननचित्तेन “इदमेवं कत”न्ति जानतोपि आपत्तिया अभावतो । फुस्सदेवत्थेरवादोपि एकेन परियायेन युज्जति । तथा उपतिस्सत्थेरवादोपि । पज्जत्तेपि सिक्खापदे अपज्जत्तेपि यं पकतिया वज्जं, तं लोकवज्जं । इदं पन पज्जत्तेयेव वज्जं, नापज्जत्ते, तस्मा इतरलोकवज्जेन असदिसत्ता न लोकवज्जं । पण्णत्तितो पट्ठाय वज्जतो पण्णत्तिवज्जं । अनादरियचित्तेनेव आपज्जितब्बत्ता सचित्तकं, तस्स चित्तस्स तिवेदनत्ता तिवेदनं । यस्मा अनादरियचित्तता नाम केवलं अकुसलमेव, तज्ज पकतिया वज्जं, तस्मा इदं लोकवज्जं । सज्जिच्च वीतिक्कमनं नाम दोमनस्सिकस्सेव होतीति

**दुक्खवेदनं । गण्ठपदे** पन “पाणातिपातादि विय निवासनादिदोसो लोकगरहितो न होतीति पण्णत्तिवज्जन्ति फुस्सदेवत्थेरो”ति लिखितं ।

**५७७. विहारेपीति** बुद्धपट्टानादिकाले, तस्मा “**पारुपितब्ब**”न्ति उत्तरासङ्गकिच्चवसेन वुत्तं । पठमदुतियसिक्खापदेसु परिळाहादिपच्चया कप्पति, न अन्तरघरपटिसंयुत्तेसु ।

**५८२. “एकस्मिं पन ठाने ठत्वा”**ति एत्थ “गच्छन्तोपि परिस्सयाभावं ओलोकेतुं लभतियेव । तथा गामे पूज”न्ति लिखितं, तं पन “एकस्मिं ठाने ठत्वा”ति वुत्तत्ता तादिसं अन्तरायं सन्धाय वुत्तन्ति वेदितब्बं ।

परिमण्डलवग्गवण्णना निड्डिता ।

## २. उज्जग्घिकवग्गवण्णना

**५८६. हसनीयस्मिन्ति** हेत्वत्थे भुम्मं, हसितब्बवत्थुकारणाति अत्थो । अन्तरघरे उच्चासद्देन अनुमोदनादिं करोन्तस्स अनापत्ति किर । तथा हि **महिन्दत्थेरोपि** हत्थिसालादीसु महाजनस्स कथेसि ।

**५९१.** केचि भिक्खू “परिक्खारट्टपनमत्तेन वासूपगतो होती”ति वदन्ति, तं तेसं मतिमत्तमेव । भिक्खुनियो चे वासूपगा होन्ति, भिक्खुनुपस्सयोव कप्पियभूमि । “यत्थ भिक्खुनियो एकरत्तम्पि वसन्ति, अयं भिक्खुनुपस्सयो”ति (पाचि० १६१) वचनतो तासं समीपं वा ताहि गहितवासागारं वा “गच्छामी”ति गच्छतो यथासुखं गन्तुं वट्टति । न हि तावता तं घरं अन्तरघरसङ्ख्यं गच्छतीति नो तक्कोति आचरियो ।

उज्जग्घिकवग्गवण्णना निड्डिता ।

## ३. खम्भकतवग्गवण्णना

**६०४.** सूपो पत्तप्पमाणवण्णनायं वुत्ताकारो । **ओलोणी** वुच्चति कुधितं, गोरसतो पूरा थूपितोति अत्थो ।

**६०५. हेट्ठा ओरोहतीति** एत्थ “ओरोहनप्पमाणे सति एकदेसे थूपीकतेपि अनापत्ती”ति वदन्ति । “पत्तस्स पन हेट्ठा च उपरि च पदुमिनिपण्णादीहि पटिच्छादेत्वा ओदहन्तिया लद्धं नाम वट्टती”ति च वदन्ति । एत्थ “यस्मा ‘समतित्तिको पिण्डपातो पटिग्गहेतब्बो’ति वचनं पिण्डपातो समपुण्णो पटिग्गहेतब्बोति दीपेति, तस्मा अत्तनो हत्थगते पत्ते पिण्डपातो दिव्यमानो थूपीकतोपि चे होति, वट्टतीति दीपेति । ‘थूपीकतं पिण्डपातं पटिग्गण्हाति, आपत्ति दुक्कटस्सा’ति हि वचनं पठमं थूपीकतं पिण्डपातं पच्छा पटिग्गण्हतो, आपत्तीति दीपेति । पत्तेन पटिग्गण्हतो चेपि थूपीकतं होति, वट्टति अथूपीकतस्स पटिग्गहितत्ता । पयोगो पन नत्थि अज्जत्र पुब्बदेसा”ति च “समतित्तिकन्ति वा भावनपुंसक”न्ति च वदन्ति, तस्मा विचारेत्वा गहेतब्बं ।

खम्भकतवग्गवण्णना निड्डिता ।

## ४. सक्कच्चवग्गवण्णना

**६०९. सूपोदनविज्जत्तिसिक्खापदे** “सूपो नाम द्वे सूपा”ति न वुत्तं सूपग्गहणेन पणीतभोजनेहि अवसेसानं सब्बभोजनानं सङ्गहनत्थं । **अनापत्तिवारे** चस्स “जातकानं पवारितानं अज्जस्सत्थाय अत्तनो धनेना”ति इदं अधिकं । कत्थचि पोत्थके “अनापत्ति असज्जिच्च असतिया अजानन्तस्स गिलानस्स आपदासू”ति एत्तकमेव वुत्तं, तं न, “समसूपकं पिण्डपातं भुज्जिस्सामी”ति इमस्स **अनापत्तिवारे** “अज्जस्सत्थाया”ति कत्थचि लिखितं, तज्ज्य पमादवसेन लिखितं । “मुखे पक्खिपित्वा पुन

विष्पटिसारी हुत्वा ओगिलितुकामस्सपि सहसा चे पविसति, एत्थ ‘असञ्चिच्चा’ति वुच्चति । विञ्जत्तम्पि अविञ्जत्तम्पि एकस्मिं ठाने ठितं सहसा अनुपधारेत्वा गहेत्वा भुञ्जन्तो ‘असत्ति’ति वुच्चती’ति लिखितं, **अनापत्तिवारे** एकच्चेसु पोत्थकेसु “रसरसेति लिखितं, तं गहेतब्ब”न्ति वुत्तं ।

सक्कच्चवग्गवण्णना निट्ठिता ।

#### ५. कबळवग्गवण्णना

६१८. “सब्बं हत्थ”न्ति वचनतो एकदेसं मुखे पक्खिपन्तस्स अनापत्तीति एकच्चे । “सब्बन्ति वचनतो एकदेसम्पि न वट्ठती”ति वदन्ति, तं युत्तं अनापत्तिवारे अविसेसितत्ता ।

६२४. **सित्थावकारके** “कचवरं छडुन्तं सित्थं छडिय्यती”ति च “कचवरं छडुन्तो”ति च पाठो ।

कबळवग्गवण्णना निट्ठिता ।

#### ६. सुरुसुरुवग्गवण्णना

६२७. “सुरुसुरु”न्ति च “सुरोसुरो”ति च पाठो । **सीतीकतो**ति सीतङ्को । “सिलकबुद्धोति अरियानं परिहासवचनमेवेत”न्ति लिखितं ।

६३१. **पटिकूलवसेना**ति एत्थ यदि पटिकूलवसेन पटिक्खित्तं, “सेय्यथापि कामभोगिनो”ति न वत्तब्बं । न हि ते पटिकूलं करोन्तीति चे? न, इस्सरियलिङ्गवसेन गहणसम्भवतो । ते हि अनादरा होन्ति । **पत्तधोवनन्ति** पत्तधोवनोदकं भोजनपटिसंयुत्तं ।

६३४. “छत्तपादुकाय”न्ति च “छत्तपादे”ति च पाठो ।

६३७. **चापो**ति सत्तखादनवधो । “सेसा सब्बा धनुविकति कोदण्डे पविट्ठा”ति च लिखितं, **पटिमुक्कन्ति** पवेसितं, लग्गितं होतीति अत्थो ।

सुरुसुरुवग्गवण्णना निट्ठिता ।

#### ७. पादुकवग्गवण्णना

६४०. सयं यानगतो हुत्वा, यथा यानगतस्स वे ।

अलं वत्तुं तथा नालं, सछत्तो छत्तपाणिनो ॥

यथा एत्थ, एवं अञ्जत्रापि ।

६४७. **छपकवत्थुस्मिं** “सचाहं न लभिस्सामी”ति पाठो, “दस चे न लभिस्सामी”ति च अत्थि, “वत्थुस्मिं अगिलानस्सा”ति च आगच्छति, तं न सुन्दरं, सिक्खापदेयेव सुन्दरं । **थोमितो**ति अहम्पि जानामीति सम्बन्धो । या धनयसलाभसङ्घाता **वुत्ति विनिपातेन** होति सम्पराये अपायेसु विनिपातहेतु हुत्वा पवत्तति । अथ वा **विनिपातेना**ति हेत्वत्थे करणवचनं, विनिपातनाय पवत्ततीति अधिप्पायो । **अधम्मचरणेन** अधम्मचरणाय । “अस्मा कुम्भिमिवा”ति च पठन्ति ।

पादुकवग्गवण्णना निट्ठिता ।

### पकिण्णकवण्णना

कायवाचाचित्ततो समुद्दहन्तीति कत्वा “समनुभासनसमुद्धानानी”ति वुत्तानि । समनुभासनं किरियं । इमानि किरियानि ।  
धम्मदेसनसमुद्धानानि वाचाचित्ततोति एत्थ कायवचीविज्जतिभावतो उज्जग्घिकउच्चासद्दादीसु विय “कायवाचाचित्ततो”ति  
वत्तब्बानीति चे? न वत्तब्बानि । निसीदनगमनाहारपक्खिपनादिकायविज्जत्तिया सब्भावा तत्थ युत्तं, न धम्मदेसने तादिसस्साभावा ।

पकिण्णकवण्णना निट्ठिता ।

सेखियकण्डवण्णना निट्ठिता ।

### ८. सत्ताधिकरणसमथवण्णना

“येभुय्यसिका कातब्बा...पे०... तिणवत्थारको कातब्बो, सो पुग्गलो”ति च लिखितं ।

सत्ताधिकरणसमथवण्णना निट्ठिता ।

भिक्षुविभङ्गो निट्ठितो ।

॥ नमो तस्स भगवतो अरहतो सम्मासम्बुद्धस्स ॥

## भिक्षुनीविभङ्गवण्णना

### १. पाराजिककण्डवण्णना

#### गन्थारम्भवण्णना

विभङ्गे विय भिक्षुनं, वित्थारमभिसङ्खतं ।

अकत्वा भिक्षुनीनम्पि, वक्खे गण्ठिपदक्कमं ॥

यो भिक्षुनीनं विभङ्गो अस्स, तस्स संवण्णनाक्कमो पत्तोति अत्थो ।

गन्थारम्भवण्णना निट्ठिता ।

### १. पठमपाराजिकसिक्खापदवण्णना

६५६-७. तत्थ तत्थ ठानुप्पत्तिकपज्जा वीमंसा । पदपटिपाटिया एवाति मातिकापदपटिपाटिया एव । “वुत्तन्ति सङ्गीतिकानं  
उपसङ्गप्पनानं विभाजनं वुत्त”न्ति लिखितं ।

६५८. “एहिभिक्षुनीति भिक्षुनी, तीहि सरणगमनेहि उपसम्पन्नाति भिक्षुनी”ति इदं पन देसनाविलासवसेन वुत्तन्ति एके ।  
अज्जबुद्धकाले अत्थीति एके, तं न युत्तं विय दिस्सति अम्हाकम्पि बुद्धकाले सम्भवप्पसङ्गतो, एहिभिक्षुनिय  
पटिसेधछायादिस्सनतो च । यथाह धम्मपदे विसाखावत्थुसिं (ध० प० अट्ठ० १. विसाखावत्थु) “तस्स चीवरदानस्स निस्सन्देन इमं



महालतापसाधनं लभि । इत्थीनज्झि चीवरदानं महालतापसाधनभण्डेन मत्थकं पप्पोति, पुरिसानं इद्धिमयपत्तचीवरेना”ति । तीहि सरणगमनेहि उपसम्पन्नाय पन भिक्खुनिया सम्भवो अज्जबुद्धकाले कदाचि सिया, नत्थेव अम्हाकं बुद्धकाले । देसनाविलासेन पन भिक्खुदेसनावकमेनेव भिक्खुनिनिद्देसो वुत्तो, तेनेव भिक्खुसङ्घवसेन एकतोउपसम्पन्ना भिक्खुनियो विज्जमानापि तत्थ न वुत्ता । तासं अत्थिता इमाय **परिवारकथाय** वेदितब्बा —

“उभो एकतो उपसम्पन्ना,  
उभिन्नं हत्थतो चीवरं पटिग्गणहेय्य ।  
सिया आपत्तियो नाना,  
पज्हा मेसा कुसलेहि चिन्तिता”ति ॥ (परि० ४७९) ।

अथ वा पुथुज्जनकाले एहिभिक्खुसरणगमनेन उपसम्पन्नोव इत्थिलिङ्गपातुभावेन भिक्खुनिभावे ठिता पुरिसूपसम्पन्नं उपादाय “एहिभिक्खुनी”ति, “तीहि सरणगमनेहि उपसम्पन्ना भिक्खुनी”ति च सङ्ख्यं गच्छति । नो चे, तं वचनं विरुज्जेय्याति एके, विचारेत्वा गहेतब्बं । “विज्जू पटिबलो”ति द्विन्नं अवस्सवभावस्स इज्जनतो वुत्तं । एत्थ यस्मा यं किञ्चि आमिसं पटिग्गणहन्तीनं अगगहत्था पुरिसानं हत्थेहि कदाचि मिस्सीभावं गच्छन्ति, वन्दन्तानं वा पुरिसानं सिरानि अगगपादेहि मिस्सितानि कदाचि होन्ति, केसच्छेदनकाले वा सिरं पुरिसानं हत्थेहि मिस्सितं होति, चित्तं नामेतं अतिरुद्धगवेसि, दुरक्खियं वा, तस्मा “मा अतिलहुं पाराजिकापत्ति भिक्खुनीनं होतू”ति बुद्धा भगवन्तो कारुज्जेन पाराजिककखेत्तपरिच्छेदं, थुल्लच्चयकखेत्तपरिच्छेदञ्च विसुं विसुं देसेसुन्ति वेदितब्बं ।

**६५९. तब्बहुलनयेन सा वुत्ताति** एत्थ अयमनुगण्ठपदक्कमो — येभ्य्येन किरियसमुद्धानत्ता “किरियसमुद्धान”न्ति वुत्तं । “कायसंसगं समापज्जेय्या”ति अवत्वा पन “सादियेय्या”ति वुत्तत्ता अकिरियतोपि समुद्घातीति वेदितब्बं । यथा चेत्थ, एवं हेट्ठा “मनुस्सिस्थिया तयो मग्गे मेथुनं धम्मं पटिसेवन्तस्स आपत्ति पाराजिकस्सा”तिआदिना नयेन किरियसमुद्धानतं वत्वा तदनन्तरं “भिक्खुपच्चत्थिका...पे०... सो चे पवेसनं सादियति, आपत्ति पाराजिकस्सा”तिआदिना (पारा० ५६) नयेन अकिरियसमुद्धानतायपि वुत्तत्ता पठमपाराजिकस्सापि तब्बहुलनयेनेव किरियसमुद्धानता वेदितब्बा । न हि पवेसनसादियनादिमिह किरियसमुद्धानता दिस्सति । अङ्गजातचलनञ्चेत्थ न सारतो दट्ठब्बं “सो चे पवेसनं न सादियति, पविट्ठं न सादियति, ठितं न सादियति, उद्धरणं सादियति, आपत्ति पाराजिकस्सा”ति (पारा० ५८) एत्थ ठितं न सादियने पकितियापि परिपुण्णचलनत्ता । सादियनपच्चया हि सेवनचलनञ्चेत्थ न दिस्सतेवाति तब्बहुलनयेनेव किरियसमुद्धानता गहेतब्बा । तत्थ तत्थ अट्ठकथासु कस्मा तब्बहुलनयो अवुत्तोति चे? “यो पन भिक्खु मेथुनं धम्मं पटिसेवेय्या”ति (पारा० ३९, ४२) **मातिकायं** किरियसमुद्धानस्स सरूपेन वुत्तत्ता तदनुरूपवसेन विभङ्गनयमनोलोकेत्वा “किरियसमुद्धान”मिच्चेव वुत्तं । यथा चेतेसु तब्बहुलनयेन किरियसमुद्धानता वुत्ता, तथा सुरादीनं अकुसलेनेव पातब्बता, न इतरथा “यं अकुसलेनेव आपज्जति, अयं लोकवज्जा, सेसा पण्णत्तिवज्जा”ति (कङ्का० अट्ठ० पठमपाराजिकवण्णना) वुत्ते लोकवज्जपण्णत्तिवज्जानं नियमनलक्खणसिद्धि होति, तथा तं अवत्वा “यस्सा सचित्तकपक्खे चित्तं अकुसलमेव होति, अयं लोकवज्जा । सेसा पण्णत्तिवज्जा”ति वुत्ते लोकवज्जवचनं निरत्थकं सिया वत्थुअजाननपक्खेपि अकुसलेनेव पातब्बता । यस्मा तत्थ सुरापानवीतिक्कमस्स अकुसलचित्तुप्पादो नत्थि, तस्मा **खन्धकट्टकथायं** (महाव० अट्ठ० १०८) “मज्जपाने पन भिक्खुनो अजानित्वापि बीजतो पट्ठाय मज्जं पिवन्तस्स पाचित्तियं, सामणेरो जानित्वा पिवन्तो सीलभेदं आपज्जति, न अजानित्वा”ति वुत्तं, न वुत्तं “वत्थुअजाननपक्खे पाणातिपातादीनं सिद्धिकरअकुसलचित्तुप्पादसदिसे चित्तुप्पादे सतिपि सामणेरो सीलभेदं नापज्जती”ति । अभिनिवेसवचनं पाणातिपातादीहि समानजातिकत्ता सामणेरां सुरापानस्स । “सुरादयो पनिमे”ति वत्थुं जानित्वा पातब्बतादिवसेन वीतिक्कमन्तस्स अकुसलस्स असम्भवो नत्थि । तेन वुत्तं “यस्स सचित्तकपक्खे”तिआदि ।

किञ्चेत्थ युत्तिवचनेन अरहन्तानं अप्पविसनतो सचित्तकाचित्तकपक्खेसु अकुसलनियमोति चे? न, धम्मतावसेन सेक्खानम्पि अप्पविसनतो । अचित्तकपक्खे अकुसलनियमाभावदस्सनत्थं सुपन्तस्स मुखे पक्खित्तजलबिन्दुमिव सुराबिन्दुआदयो

उदाहरितव्वाति । तब्बहुलनयेन हि अत्थे गहिंते पुब्बेनापरं **अट्ठकथाय** समेति । “सद्धिं **पाळिया** अविसेसत्थो परतो आवि भविस्सतीति अपरे”ति वुत्तं । इदमेत्थ विचारेतब्बं । यदि वत्थुजाननपक्खे विना अकुसलेन मज्जपानं सिया, कस्मा नाळिमज्झं नातिक्कमति अरियानं पानकादिसज्जीनन्ति? सीलभेदवत्थुवीतिक्कमो विनापि चित्तेन अरियानं धम्मतावसेनेव न सम्भवतीति चे, न, **चक्खुपालत्थेरवत्थु** (ध० प० अट्ठ० १.१) आदिविरोधतोति । अपिच भिक्खुनोपि सामणेस्स विय सुरापानं सचित्तकमेव कस्मा न जातन्ति? अप्पतिरूपत्ताति चे, सामणेरानम्पि अप्पतिरूपमेव । सहधम्मिका एव हि ते । महासावज्जत्ताति चे? सामणेरानम्पि तादिसमेव । सामणेरानं सचित्तकमेव पाराजिकं, इतरं दण्डकम्मवत्थूति चे? भिक्खुनम्पि मज्जपाने नत्थि । एत्थ तिकपाचित्तियेन न भवितब्बं । मज्जे अमज्जसज्जिस्स दुक्कटापत्ति पञ्जापेतब्बा सिया । भिक्खुस्स पाचित्तियवत्थु सामणेरानं पाराजिकं होति तिरच्छानगतसामणेरानं वियाति चे? अचित्तकम्पि मज्जपानादीनं सामणेरानं पाराजिकं पञ्जापेतब्बं सिया । नाचित्तकं पाराजिकं सम्भवतीति चे? न, पण्णत्तिवज्जम्पि पाराजिकं सम्भवतीति । निकायन्तरपक्खे अयमेव दोसो । अम्हाकज्झि लोकवज्जमेव मज्जपानन्ति । कस्मा पनेत्थ सुरापानमेव धम्मतावसेन अरिया न करोन्तीति? न केवलं सुरापानमेव धम्मतावसेन अरिया न करोन्ति, पाणेसुपि कोधवसेन पाणसज्जिताय सीसच्छेदनादीनि न करोन्ति, सदारसज्जाय परदारं न वीतिक्कमन्ति, अनत्थभज्जकसज्जाय अत्थभज्जकमुसा न वदन्ति, सम्मादिट्ठिसज्जाय मिच्छादिट्ठिं न पटिपज्जन्तीति वेदितब्बा । आचरियापि सुरापाने अकुसलनियमाभावमेव वदन्ति, तस्मा एव मातिकाट्ठकथाय **गण्ठपदे** लोकवज्जपण्णत्तिवज्जाधिकारे “सचित्तकपक्खेअकुसलन्ति सुरापानादिसङ्गहत्थं, इतरथा यस्स अकुसलमेवाति वदेय्या”ति लिखितं । किरियसमुद्धानता पनस्स तब्बहुलनयमेव, न पठमपाराजिके । कथं? कायसंसग्गसिक्खापदं पठमपाराजिकसमुद्धानं । एत्थ भिक्खुस्स च भिक्खुनिया च कायसंसग्गभावे सति भिक्खुनी कायङ्गमचोपयमानापि चित्तेनेव अधिवासेन्ती आपज्जति, न एवं भिक्खु । भिक्खु पन चोपयमानोव आपज्जति, एवमेव पठमपाराजिकेपि चोपने सति एव आपज्जति, नासति । पवेसनं सादियतीति एत्थ पवेसनसादियनं नाम सेवनचित्तस्सुप्पादनन्ति, एवं सन्तेपि “वीमंसित्वा गहेतब्ब”न्ति वुत्तं ।

पठमपाराजिकसिक्खापदवण्णना निट्ठिता ।

## २. दुतियपाराजिकसिक्खापदवण्णना

“किस्स पन त्वं अय्ये जानं पाराजिकं धम्मं अज्झापन्न”न्ति वचनतो, “अट्ठन्नं पाराजिकानं अज्जतरं पाराजिकं अज्झापन्न”न्ति (पाचि० ६६६) वचनतो, अन्ते “उट्ठिद्धा खो अय्यायो अट्ठ पाराजिका धम्मा”तिआदिवचनतो (पाचि० ६७७), **परिवारे** “साधारणपज्जत्ति उभतोपज्जत्ती”ति (परि० २०१) वचनतो च भिक्खुनिविभङ्गं पत्वा भगवा साधारणानि सिक्खापदानि भिक्खूनं उप्पन्नवत्थुस्मिंयेव “या पन भिक्खुनी छन्दसो मेथुनं धम्मं पटिसेवेय्य अन्तमसो तिरच्छानगतेनपि पाराजिका होति असंवासा”तिआदिना नयेन सविसेसम्पि अविसेसम्पि मातिकं निक्खिपित्वा अनुक्कमेन पदभाजनं, आपत्तिभेदं, तिकच्छेदं, अनापत्तिवारज्च अनवसेसं वत्वा वित्थारेसि । सङ्गीतिकारकेहि पन असाधारणपज्जत्तियोयेव इध वित्थारिताति वेदितब्बा ।

**६६६.** तत्थ “अट्ठन्नं पाराजिकान”न्ति इदं केवलं सङ्गीतिकारकानयेव नयतो निक्खित्तवचनं इतो पुब्बे छट्ठसत्तमट्ठमानं पाराजिकानं अपज्जत्तत्ता । भगवता पन इदं पञ्जापितमादिसिक्खापदम्पि उपादाय “छन्नं पाराजिकान”न्ति वुत्तं सिया । इतो उट्ठं पज्जत्तानिपि उपादाय “अट्ठन्नं पाराजिकान”न्ति वचनं अपरभागे उप्पन्नन्ति एकच्चे आचरिया । **अट्ठकथायं** पन “इदञ्च पाराजिकं पच्छा पज्जत्तं, तस्मा ‘अट्ठन्न’न्ति विभङ्गे वुत्त”न्तिआदि वुत्तं, तस्मा अट्ठकथाचरियानं मतेन सिद्धमेतं यथापज्जतानुक्कमवसेनेव सङ्गीतानीति । “अज्जासि”न्ति पाठो । अज्जासीति न गहेतब्बो । “दुट्ठुल्लसिक्खापदे वुत्तनयेनेवा”ति वचनतो वज्जपटिच्छादिकं या पटिच्छादेति, सापि वज्जपटिच्छादिकआयेवाति सिद्धं । किञ्चापि वज्जपटिच्छादनं पेमवसेन होति, तथापि सिक्खापदवीतिक्कमचित्तं दोमनस्सिकमेव होतीति कत्वा “**दुक्खवेदन**”न्ति वुत्तं ।

दुतियपाराजिकसिक्खापदवण्णना निट्ठिता ।

### ३. ततियपाराजिकसिक्खापदवण्णना

६६९. इमं अधिप्पायमत्तन्ति “चोदेत्वा सारेत्वा”ति एतं । एत्थायं विचारणा — यो भिक्खु उक्खित्तकभिक्खुना समानदिट्ठिको लद्धिनानासंवासको होति, सो अवन्दनीयो, कम्माकम्मे उक्खित्तको विय न गणपूरणो, सहसेय्यम्पि न लभति, न तथा भिक्खुनी । सा हि याव न समनुभट्ठा, ताव गणपूरका च होति, संवासञ्च लभति । लद्धिनानासंवासिकानुवत्तिकापि उक्खित्तानुवत्तिकाव होति । उक्खित्तो चे कालङ्कतो, तदनुवत्तको भिक्खु लद्धिनानासंवासको होतियेव । तथा विब्भन्तेपि तस्मिं तित्थियपक्कन्तकेपि सिक्खं पच्चक्खाय सामणेरभूमियं ठितेपीति एके । तेसं मतेन उक्खित्तके तथाभूतेपि भिक्खुनी तदनुवत्तिका समनुभासितब्बावाति आपज्जति । समनुभासनकम्मं सङ्गायत्तं, सङ्गेन सञ्चिच्च पुरिमकापत्तिं अपनेतुं न युत्तं विय खायति । उक्खेपनीयकम्मञ्च आपत्तिअदस्सनमत्ते, अप्पटिकम्ममत्ते, कुदिट्ठिअप्पटिनस्सज्जनमत्ते च करियति, तस्स अनुवत्तनमत्तेन समनुभासित्वा सासनतो चावेतब्बानीति न युत्तन्ति चे? न वत्तब्बमेव, इदं अपाराजिकवत्थूसुपि तप्पसङ्गतो, अनञ्जविसयत्ता च विनयस्स ।

ततियपाराजिकसिक्खापदवण्णना निट्ठिता ।

### ४. चतुत्थपाराजिकसिक्खापदवण्णना

६७५. “लोकस्सादसङ्घातस्स मित्तसन्थवस्स वसेन तं दस्सेतुं कायसंसग्गरागेनाति वुत्त”न्ति लिखितं । तिसिस्सित्थियोति तीसु इत्थीसु, तिसो वा इत्थियो । तं न सेवेति तासु न सेवति । अनरियाति उभतोव्यञ्जना । व्यञ्जनस्मिन्ति अत्तनो व्यञ्जने । न सेवेति न सेवति । न चाचरेति नाचरति । वण्णावण्णोति द्वीहिपि सुक्कविस्सट्ठि । गमनुप्पादनन्ति सञ्चरित्तं ।

६७६. “निवत्थं वा पारुत्तं वा”ति एत्थ निवत्थस्स वा पारुत्तस्स वा वत्थस्स गहणं सादियतीति अत्थो ।

चतुत्थपाराजिकसिक्खापदवण्णना निट्ठिता ।

पाराजिककण्डवण्णना निट्ठिता ।

### २. सङ्गादिसेसकण्डवण्णना

#### १. पठमसङ्गादिसेससिक्खापदवण्णना

६८१. आहतकोति आनीतो, नियतकोति अधिप्पायो । अकप्पियअट्ठो नाम सङ्घस्स वा आरामिकपुग्गलस्स वा वत्थुस्स कारणा सङ्घस्स वारिकभावेन सयमेव वा अधिकरणट्ठानं गन्त्वा “अम्हाकं एसो दासो, दासी, वापी, खेत्तं, आरामो, आरामवत्थु, गावो, गावी, महिंसी, अजा, कुक्कुटा”तिआदिना वोहरति, अकप्पियं । “अयं अम्हाकं आरामिको आरामिका, अयं वापी इत्थन्नामेन सङ्घस्स हत्थे दोहनत्थाय दिन्ना । इतो खेत्ततो आरामतो उप्पज्जनकचतुपच्चया इतो गावितो महिंसितो अजातो उप्पज्जनकगोरसा इत्थन्नामेन सङ्घस्स दिन्ना”ति पुच्छिते वा अपुच्छिते वा वत्तुं वट्ठति । “कत”न्ति अवत्वा “करोन्ती”ति वचनेन किर अनेनकतं आरम्भ आचिक्खिता नाम होति । गीवाति केवलं गीवा एव होति, न पाराजिकं । कारापेत्वा दातब्बाति एत्थ सचे आवुधभण्डं होति, तस्स धारा न कारेतब्बा, अञ्जेन पन आकारेन सञ्जापेतब्बं । “तिचित्तं तिवेदन”न्ति वुत्तत्ता “मानुस्सयवसेन कोधुस्सयवसेना”ति तब्बहुलनयेन वुत्तन्ति वेदितब्बं ।

पठमसङ्गादिसेससिक्खापदवण्णना निट्ठिता ।

#### २. दुतियसङ्गादिसेससिक्खापदवण्णना

६८३. भट्टिपुत्तकानं कुमारभट्टिकानं गणा भट्टिपुत्तगणा । कप्पन्ति कप्पियं । कप्पगतिकन्ति कप्पियसभावं । पक्कन्तासुपीति अत्तनो परिसं ठपेत्वा इतरासु पक्कन्तासु । पण्णत्तिं अजानन्ता अरियापि वुट्ठापेन्तीति कत्वा वा कम्मवाचापरियोसाने आपत्तिक्खणे विपाकाब्याकतसमङ्गितावसेन वा “तिचित्त”न्ति वुत्तन्ति वेदितब्बं । “पब्बाजने न दुक्कट”न्ति पोराणगण्ठपदे वुत्तं ।

दुतियसङ्गादिसेससिक्खापदवण्णना निड्डिता ।

### ३. ततियसङ्गादिसेससिक्खापदवण्णना

६८७. भद्दाकापिलानी महाकस्सपस्स पुराणदुतिया किर । जातीनं कुलं यस्मिं गामके, तदेतं गामकं जातिकुलं, कुलसन्निहितं गामकं अगमासीति अत्थो । “अजं गामं नेती”तिआदीसु विय वा द्विकम्मिकं कत्वा गामकं अगमासि जातिकुलं अगमासीतिपि युज्जति ।

६९२. “अपरिक्खित्तस्स गामस्स उपचारं अतिक्कामेन्तिया”ति वचनेनपि एवं वेदितब्बं — विकालगामप्पवेसने द्विन्नं लेड्डुपातानंयेव वसेन उपचारो परिच्छिन्दितब्बो, इतरथा यथा एत्थ परिक्खेपारहट्टानं परिक्खेपं विय कत्वा “अतिक्कामेन्तिया”ति वुत्तं, एवं तत्थापि “अपरिक्खित्तस्स गामस्स उपचारं अतिक्कमन्तस्सा”ति वदेय्य । यस्मा पन तत्थ परिक्खेपारहट्टानतो उत्तरि एको लेड्डुपातो उपचारोति अधिप्पेतो, तस्मा तदत्थदीपनत्थं “अपरिक्खित्तस्स गामस्स उपचारं ओक्कमन्तस्सा”ति वुत्तं । यं पन अन्धकट्टकथायं “परिक्खेपारहट्टानंयेव ‘उपचार’न्ति सल्लक्खेत्वा परिक्खेपपरिक्खेपारहट्टानानं निन्नानाकारणदीपनत्थं ‘उपचारं ओक्कमन्तस्सा’ति वुत्तं पाळिविसेसमसल्लक्खेत्वाव अपरिक्खित्तस्स गामस्स उपचारं अतिक्कमन्तस्स इध उपचारो परिक्खेपो यथा भवेय्य, तं उपचारं पठमं पादं अतिक्कमन्तस्स आपत्ति दुक्कटस्स । दुतियं पादं अतिक्कमन्तस्स आपत्ति पाचित्तियस्सा”ति वुत्तं, तं न गहेतब्बमेव पाळिया विसेससम्भावतोति । “अपरिक्खित्तस्स गामस्स उपचारं ओक्कमन्तियातिपि एकच्चेसु दिस्सति, तं न गहेतब्बन्ति अपरे”ति वुत्तं । तत्थ “पाळिविसेसमसल्लक्खेत्वा”ति दुवुत्तं, कस्मा? विकालगामप्पवेसनसिक्खापदेपि कत्थचि “उपचारं अतिक्कमन्तस्सा”ति पाठो दिस्सतीति, सो अन्धकट्टकथापाठतो गहितोति आचरियो । अपरिक्खित्तस्स उपचारोक्कमनमेव पाठो युज्जति, न अतिक्कमनं । कस्मा? बहूसु ठानेसु पाळिया अट्टकथाहि विरुज्जनतो, इमस्मिं वापि सिक्खापदे विरुज्जति । कथं? गणम्हा ओहीयमानाय अरज्जे आपत्ति होति, न गामे । अथ च पन निदस्सनम्पि “सिक्खापदा बुद्धवरेना”ति (परि० ४७९) गाथा दिस्सिता, तस्मा उपचारोक्कमनपरियापन्नदिं अतिक्कामेन्तिया होति । किञ्च भिय्यो “गच्छन्तस्स चतस्सो आपत्तियो, ठितस्स चापि तत्तकातिआदीनं (परि० ४७५) परिवारगाथानं अट्टकथाहि उपचारोक्कमनमेव पाठोति निट्ठं गन्तब्ब”न्ति च वुत्तं, सुट्ठु सल्लक्खेत्वा कथेतब्बं ।

“पदसा गमनमेव हि इधाधिप्पेतं, तेनेव पठमं पादं अतिक्कामेन्तियातिआदिमाहा”ति एत्थ विकालगामप्पवेसनसिक्खापदादीसु तदभावा यानेन वा इद्धिया वा पविसतो, अद्धानं गच्छतो च आपत्तीति दीपेति । तत्थ असारुप्पत्ता आपत्तिमोक्खो नत्थीति एके, विचारेत्वा गहेतब्बं । भिक्खुनीविहारभूमि “गामन्तर”न्ति न वुच्चति गामन्तरपरियापन्नायपि कप्पियभूमित्ता । “परतो ‘सचे भिक्खुनीसु महाबोधियङ्गणं पविसन्तीसु एका बहि तिट्ठति, तस्सा आपत्ती’तिआदिवचनतो भिक्खुविहारो न कप्पियभूमितीति सिद्धं, तस्मा कज्जिनगरे खन्धधम्मविहारो विय, कावीरपट्टने सारीधम्मविहारो विय च अज्जोपि सो विहारो, तस्मा सीमबद्धसुखत्थं गामन्तरभावे निरन्तरा अधिट्टानत्थं पविसन्तिया, निक्खमन्तियापि गामन्तरापत्ति होतीति अपरे”ति वुत्तं । चतुगामसाधारणत्ताति एत्थ एवंविधे विहारे सीमं बन्धन्तेहि चत्तारोपि ते गामा सोधेतब्बाति वेदितब्बा । संविदहित्वा भिक्खुनिया वा मातुगामेन वा थैय्यसत्थेन वा सिद्धिं तं विहारं ओक्कमन्तिया चतस्सो आपत्तियो एकतोव होन्ति । “गामन्तरे गामन्तरे आपत्ति पाचित्तियस्सा”ति वुत्ताति एके ।

दुतियपादुद्धारे सङ्गादिसेसोति एत्थ सचे दुतियो पादुद्धारो कप्पियभूमियं होति, न सङ्गादिसेसो, अकप्पियभूमियं एव सङ्गादिसेसो । “उभयतीरेसु विचरन्ति, वट्ठतीति दस्सनूपचारस्सेत्थ सम्भवा”ति लिखितं, तं युत्तं । सवनूपचारो हेत्थ नदीपारे,

गामन्तरे वा अप्पमाणन्ति । **अन्धकट्टकथायं** पन “परतीरतो नदिं ओतरित्वा दस्सनूपचारतो दारूनि, पण्णानिवा मग्गित्वा आनेति, अनापत्ति । तिचीवरानि परतीरे ओतापेति, अनापत्ती”ति वुत्तं । “**ओरिमतीरमेव आगच्छति, आपत्ती**”ति अतिक्कमितुकामताय पविट्ठत्ता वुत्तं । “न्हायनादिकिच्चेन पविट्ठानं कथेवालयसम्भवा वट्ठती”ति वुत्तं । गामन्तरे पमाणन्ति **अट्टकथायं** परतीरतो नदिं ओतरित्वा दस्सनूपचारतो दारूनि पण्णानि सकगामतो थोकम्पि तरणवारेन न वट्ठति किर निक्खमित्वा पविसितुं ।

**अगामके अरज्जे**ति अगामलक्खणे अरज्जेति अत्थो । इमिना आपत्तिखेत्तं दस्सितं । यस्मा इदं आपत्तिखेत्तं, तस्मा या भिक्खुनुपस्सयतो गामस्स इन्द्रखीलं अतिक्कमति, सा असन्ते गामे गणम्हा ओहीयनापत्तिं आपज्जति । दस्सनसवनूपचाराभावोपि पगेव गामे इन्द्रखीलातिक्कमनक्खणेयेव आपज्जति । सचे तत्थ एका भिक्खुनी अत्थि, तस्सा दस्सनसवनूपचारातिक्कमनक्खणे आपज्जति, अरज्जमग्गगमनकाले एवायं विधीति न गहेतब्बं । गामतो पन निक्खमन्ती इतो पट्ठाय आपज्जतीति दस्सनत्थं “अगामकं अरज्ज”न्ति वुत्तं । वुत्तज्हेतं “आराधिका च होन्ति सङ्गाहिका लज्जिनियो, ता कोपेत्वा अज्जत्थ न गन्तब्बं । गच्छति चे, गामन्तरनदीपाररत्तिविष्णवासगणम्हा ओहीयनापत्तीहि न मुच्चती”तिआदि । तत्थ “गणम्हा ओहीयनापत्तिं सकिंयेवापज्जति । इतरा गामे गामे पारे पारे अरुणे अरुणे चाति वेदितब्ब”न्ति वुत्तं । तत्थ “वुत्तज्हेत”न्तिआदीनि असाधकानि यथासम्भवं गहेतब्बत्ता । “**महाबोधियङ्गण**न्तिआदि एवं गामस्स आसन्नद्वानेपि इमं आपत्तिं आपज्जतीति दस्सनत्थं वुत्त”न्ति लिखितं ।

ततियसङ्गादिसेससिक्खापदवण्णना निट्ठिता ।

#### ४. चतुत्थसङ्गादिसेससिक्खापदवण्णना

**६९४. पटिवत्ता**ति पटिवचनं देन्ति । **कम्मदोसन्ति** “अनज्जाय गणस्स छन्दन्ति एवमादी”ति लिखितं । कत्तब्बद्वानदोसन्ति पोराणा । **कारकगणस्सा**ति कारकसङ्घस्स । “भिक्खुनिसङ्घं सन्निपातेत्वा”ति वुत्तत्ता कारकसङ्घोपि अयमेवाति चे? पठममेव कारकसङ्घं न आमन्तेत्वा बलक्कारेनायं थुल्लनन्दा तं भिक्खुनिं ओसारेसी”ति **पोराणगण्ठपदे** वुत्तं, तस्मा कारकभिक्खून् सम्मुखापि तेसं अनुमतिं पठमं अग्गहेत्वा तं कम्मं न पटिप्पस्सम्भेतब्बन्ति सिद्धं होति, पटिप्पस्सद्धं बलक्कारेन न कातब्बमेवाति अधिप्पायो । “भिक्खुनीपि दिट्ठाविकम्मं कातुं लभती”ति च तत्थ वुत्तं ।

**६९८. असन्ते कम्मकारकसङ्घे ओसारेति, अनापत्ती**ति एत्थ कित्तावता असन्तो नाम होतीति? इदं सब्बत्थ न विचारितं । कारकानं कालकिरियायाति एके । एकस्सपि अभावेनाति एके । एकस्मिं रज्जेति एके । एकरट्ठेति एके । एकगामेति एके । एकस्मिं आवासेति एके । यत्थ सक्का अपलोकेतुन्ति एके । अन्तोअद्धयोजनेति एके । तत्थ तस्मिं आवासे असन्ते कारकसङ्घे ओसारेति, अनापत्तीति इदं पसंसन्ति आचरिया । यत्थ सक्का अपलोकेतुन्ति सामीचि ।

चतुत्थसङ्गादिसेससिक्खापदवण्णना निट्ठिता ।

#### ५. पञ्चमसङ्गादिसेससिक्खापदवण्णना

**७०१. एतं न वुत्तन्ति** भिक्खुनिया अवस्सुतभावो दट्ठब्बोति एतं नियमनं न वुत्तं । तं अवचनं पाळिया समेति । कतरपाळियाति? “अनवस्सुतोति जानन्ती पटिग्गणहाती”ति इमाय । यदि हि पुगलस्स अवस्सुतभावो न पमाणं, किं इमाय पाळिया पयोजनं, “अनापत्ति उभो अनवस्सुता होन्ति, अनवस्सुता पटिग्गणहाती”ति एत्तकमेव वत्तब्बं सिया । अत्तनो हि अनवस्सुतभावोयेव पमाणन्ति । इमस्स पन अनापत्तिवारस्स अयमत्थो — उभो चे अनवस्सुता, सब्बथापि अनापत्ति । अथ भिक्खुनी अनवस्सुता समाना अवस्सुतम्पि “अनवस्सुतो”ति सज्जाय तस्स हत्थतो पटिग्गणहाति, एवम्पि अनापत्तीति । अथ सा अनवस्सुतापि अज्जं अनवस्सुतं वा अवस्सुतं वा “अवस्सुतो”ति जानाति, दुक्कटमेव । वुत्तज्हेतं **अनन्तरसिक्खापदे** “किस्स त्वं अय्ये न पटिग्गणहासीति ।

अवस्सुतो अय्येति...पे०... नाहं अवस्सुता'ति ।

पञ्चमसङ्गादिसेससिक्खापदवण्णना निट्ठिता ।

#### ६. छट्ठसङ्गादिसेससिक्खापदवण्णना

७०५. तेनाति तस्मा । यस्मा उय्योजिका न देति न पटिग्गहाति, तस्मा पटिग्गहो न विज्जतीति अत्थो । इतरिस्सा परिभोगपच्चया । “अकुसलचित्त”न्ति बाहुल्लेन वुत्तं । “वट्ठतीति सज्जाय वदन्तियापि आपत्ती”ति वदन्ति ।

छट्ठसङ्गादिसेससिक्खापदवण्णना निट्ठिता ।

#### ७. सत्तमसङ्गादिसेससिक्खापदवण्णना

७१२-४. कम्मवाचतो पुब्बे आपन्नापत्तियो न पटिप्पस्सम्भन्ति । जत्तिया दुक्कटथुल्लच्चया पटिप्पस्सम्भन्ति सङ्गादिसेसे पत्तेति पोराणा । तं “अज्झापज्जन्तिया”ति पाळिया समेति । “सुत्वा न वदन्ती”ति एत्थ सचे जीवितब्रह्मचरियन्तरायभया न वदन्ति, अनापत्ति । “अधम्मकम्मे अधम्मकम्मसज्जा आपत्ति दुक्कटस्सा”ति वुत्तत्ता “अनापत्ति असमनुभासन्तिया”ति सङ्गादिसेसं सन्धाय वुत्तं ।

सत्तमसङ्गादिसेससिक्खापदवण्णना निट्ठिता ।

#### ८. अट्ठमसङ्गादिसेससिक्खापदवण्णना

७१५. पच्चाकताति पराजिता । कुलदूसकसिक्खापदस्स, इमस्स च निदानमत्तमेव नानाकरणं । वुत्तज्झि तत्थ “तस्स वचनस्स पटिनिस्सग्गाय एव वचनीयो, न कुलदूसननिवारणत्थाया”ति । एवं सन्ते उभोपेता आपत्तियो अज्जमज्जं सभागत्था, तस्मा इदं तस्स अनुपज्जत्तिसदिसं आपज्जति, ततो इदं निरत्थकमेव आपज्जतीति? न एवं दट्ठब्बं । वत्थुविसेसतो, कम्मवाचाविसेसतो च उभिन्नं नानाकरणं ।

अट्ठमसङ्गादिसेससिक्खापदवण्णना निट्ठिता ।

#### ९. नवमसङ्गादिसेससिक्खापदवण्णना

७२३. “कायिकवाचसिकेन संसग्गेना”ति पाठसेसो ।

नवमसङ्गादिसेससिक्खापदवण्णना निट्ठिता ।

सङ्गादिसेसकण्डवण्णना निट्ठिता ।

#### ३. निस्सगियकण्डवण्णना

#### १. पठमनिस्सगियपाचित्तियसिक्खापदवण्णना

७३३. पठमनिस्सगियपाचित्तियसिक्खापदं उत्तानमेव ।

## २. दुतियनिस्सगियपाचित्तियसिक्खापदवण्णना

७४०. वत्थुसम्पत्तता वा न तस्सा अनापन्नकामताय वा अनाणत्तिकताय वा अकालचीवरमदंसु । यथादाने एव उपनेतब्बं, न भाजेतब्बं पुग्गलिकत्ताति अधिप्पायो । अत्थतो हि इतरम्पि यथादाने एव उपनेतब्बमेव । गण्ठपदे पन “अय्याय दम्मीति एवं पटिलद्धन्ति निस्सट्ठपटिलद्धं । यथादानेति दायकेहि परिच्चत्तविधानेन । उपनेतब्बन्ति अकालचीवरभावेन भाजेतब्बन्ति अधिप्पायो । इध भाजापिताय लद्धचीवरमेव निस्सगियं होति, तं विनयकम्मं कत्वापि अत्तना न लभती”ति लिखितं । यदि निस्सट्ठपटिलद्धं सन्धाय इदं वुत्तं सिया, “निस्सज्जितब्बं सङ्गस्स वा गणस्स वा पुग्गलस्स वा ददेय्य, ददेय्युं, अय्याय दम्मी”ति वुत्तता तीणिपेतानि पदानि वत्तब्बानि सियुं, तस्मा न केवलं निस्सट्ठपटिलद्धमेव यथादाने उपनेतब्बं, अज्जाहि भिक्खुनीहि लद्धकोट्टासम्पि यथादानेयेव उपनेतब्बं ।

७४१. “अकालचीवरे कालचीवरसज्जाय अनापत्ती”ति पन भाजनपच्चया आपज्जितब्बापत्तिं नापज्जतीति एत्तकमेव दीपेति, न पटिलद्धं, न यथादाने दातब्बन्ति इममत्थं दीपेति । लेसेन पन गण्हाति चे, भण्डग्घेन कारेतब्बा ।

दुतियनिस्सगियपाचित्तियसिक्खापदवण्णना निट्ठिता ।

## ३. ततियनिस्सगियपाचित्तियसिक्खापदवण्णना

७४४. सकसज्जाय गहितत्ता पाचित्तियं, दुक्कटञ्च वुत्तं । इतरथा भण्डग्घेन कारेतब्बं ।

ततियनिस्सगियपाचित्तियसिक्खापदवण्णना निट्ठिता ।

## ४. चतुत्थनिस्सगियपाचित्तियसिक्खापदवण्णना

७५२. लेसेन गहेतुकामता, अज्जस्स विज्जुस्स विज्जापनं, पटिलाभोति तीणि अङ्गानि, तस्मा पठमं विज्जत्तं अलभित्वा अज्जं ततो ऊनतरम्पि लभेय्य, निस्सगियमेव अङ्गसम्पत्तितो । एस नयो अज्जत्थापि ।

चतुत्थनिस्सगियपाचित्तियसिक्खापदवण्णना निट्ठिता ।

## ५. पञ्चमनिस्सगियपाचित्तियसिक्खापदवण्णना

७५३. “तेलं गोपेत्वा सप्पिमि मे अत्तनो कुलघरा”ति किर पाठो ।

पञ्चमनिस्सगियपाचित्तियसिक्खापदवण्णना निट्ठिता ।

## ६. छट्ठनिस्सगियपाचित्तियसिक्खापदवण्णना

७५८-७६२. पावारिकस्साति दुस्सवाणिजकस्स । याय चेतापितं, तस्सा निस्सगियं, निस्सट्ठपटिलाभो च । “इतरासं पन जानित्वा वस्सग्गेन पत्तकोट्टासं सादियन्तीनम्पि न निस्सगियं, केवलं यथादाने एव ताहिपि उपनेतब्बं”न्ति वदन्ति । “निस्सट्ठं पटिलभित्वापि यथादाने उपनेतब्बं”न्ति वुत्तता सेसाहि गहितं सुग्गहितं”न्ति वदन्ति । एत्थ गिलानायपि न मोक्खो ।

छट्ठनिस्सगियपाचित्तियसिक्खापदवण्णना निट्ठिता ।

## ७. सत्तमनिस्सगियपाचित्तियसिक्खापदवण्णना

७६४. सत्तमे “सयं याचितकेना”ति किञ्चापि अविसेसेन वुत्तं । तथापि अञ्जदत्थिकेन अत्तुद्देसिकेन सञ्जाचिकेनाति अत्थो वेदितब्बो । अयमत्थो “भिक्षुनियो तेन च परिक्खारेन सयम्पि याचित्वा भेसज्जं चेतापेत्वा परिभुज्जिंसू”ति इमिस्सा पाळिया अत्थेन संसन्दित्वा वेदितब्बो । तस्सायमत्थो — तेन परिक्खारेन भेसज्जं चेतापेत्वा च-सद्देन सञ्जाचिकेन च भेसज्जं चेतापेत्वाति इममत्थं दीपेन्तो “सयम्पि याचित्वा भेसज्जं चेतापेत्वा”ति आह । अञ्जथा “तेन परिक्खारेन भेसज्जं चेतापेत्वा सयम्पि याचित्वा परिभुज्जिंसू”ति इमिना अनुक्कमेन पाळि वत्तब्बा सिया ।

**पदभाजने** पन “संयाचिकेनाति सयं याचित्वा”ति तस्सेव पदस्स अधिप्पायमत्तं वुत्तं । सा हि पदभाजनधम्मता । “सङ्घिकं लाभं परिणत”न्तिआदिपदानं भाजने पन सा पाकटा । अञ्जथा संयाचिकपदेन को अञ्जो अतिरेकत्थो सङ्गहितो सिया, सो न दिस्सतीति तदेव पदं निष्पयोजनं, इदञ्च सिक्खापदं पुरिमेन निन्नानाकरणं सिया । अत्तनो हि सन्तकं यथाकामं करणीयन्ति । एत्थ च सङ्घस्स याचनाय वसेन एकतो हुत्वा याचनाय लब्धं संयाचिकन्ति वेदितब्बं । अञ्जथा इतो परेन संयाचिक-सद्देन इदं निब्बिसेसं आपज्जतीति “पुग्गलिकेन संयाचिकेना”ति इदञ्च सिक्खापदं विसुं न वत्तब्बं सिया इधेव तेन आपज्जितब्बापत्तिया सङ्गहितत्ता, न च सङ्गहिता आपत्तिद्वयभावतो । मिस्सेत्वा चेतापितत्ता हि एकमेव आपत्तीति चे? न, संयाचिकपदस्स निष्पयोजनभावप्पसङ्गतो, एवं सङ्घिकमहाजनिकपुग्गलिकानि मिस्सित्वा चेतापने एकापत्तिभावप्पसङ्गतो च ।

सत्तमनिस्सगियपाचित्तियसिक्खापदवण्णना निट्ठिता ।

#### ८. अट्टमनिस्सगियपाचित्तियसिक्खापदवण्णना

७६९. गणस्साति आभिधम्मिकादिगणस्स, ऊनचतुवग्गस्स च ।

अट्टमनिस्सगियपाचित्तियसिक्खापदवण्णना निट्ठिता ।

#### ९. नवमनिस्सगियपाचित्तियसिक्खापदवण्णना

७७४. सञ्जाचिकेनाति गणयाचनाय लब्धेनेव, न अञ्जेन ।

नवमनिस्सगियपाचित्तियसिक्खापदवण्णना निट्ठिता ।

#### १०. दसमनिस्सगियपाचित्तियसिक्खापदवण्णना

७७९. दसमे पन “या पन भिक्षुनी अञ्जदत्थिकेन परिक्खारेन अञ्जुद्दिसिकेन पुग्गलिकेन अञ्जं चेतापेय्य, निस्सगियं पाचित्तिय”न्ति एवंविधेन भवितब्बं, “पुग्गलिकेन संयाचिकेना”ति इमिना एकादसमेन भवितब्बं सिया यथाक्कमेन सम्भवतो । काममेव चेतं अट्टप्पत्तिया अभावतो न वुत्तं, अत्थतो पन गहेतब्बमेव । एत्थ पन सङ्घगणपुग्गलानं पवारितट्ठाने, पुग्गलस्सेव जातकट्ठाने च अनापत्तिछाया दिस्सति, इदं सब्बं अम्हाकं तक्कानुसारवसेनेव वुत्तन्ति कत्वा न सारतो दट्ठब्बं । विचारेत्वा यथा निच्चलकारणं दिस्वा यं वा विनयक्कमकोविदा अनुजानन्ति, तं तदेव गहेतब्बं । **पोराणगण्ठपदे** पन “आपदासुपि अञ्जं गरुभण्डमेव चेतापेतब्बं, इतरं न वट्ठति, भिक्षुस्स पन वट्ठती”ति वुत्तं ।

दसमनिस्सगियपाचित्तियसिक्खापदवण्णना निट्ठिता ।

#### ११. एकादसमनिस्सगियपाचित्तियसिक्खापदवण्णना

७८४. “दुत्तियवग्गस्स पठमे”ति अवत्वा “एकादसमे”ति इध वुत्तं । कस्मा? भिक्षुनिविभङ्गे तिसककण्डं पत्वा



वग्गक्कमस्स अवुत्तत्ता । यस्मा पवारितट्ठाने विज्जत्ति नाम न पटिसेधेतब्बा, तस्मा भगवा अज्जातिकअप्पवारितट्ठाने धम्मनिमन्तनवसेन वदेय्य “येनत्थो”ति वुत्ताय “चतुक्कंसपरमं विज्जापेतब्ब”न्ति परिच्छेदं दस्सेतीति वेदितब्बं । अज्जथा “निदानेन सिक्खापदं न समेति, सिक्खापदेन च अनापत्तिवारो”ति च “अकतविज्जत्तिया चतुक्कंसपरमं विज्जापेतब्ब”न्ति च अनिट्ठं आपज्जति, तस्मा **मातिकाट्ठकथायं** चेतापेतब्बन्ति ठपेत्वा सहधम्मिके च जातकपवारिते च अज्जेन किस्मिञ्चिदेव गुणेन, परितुट्ठेन च वदेय्य “येनत्थो”ति वुत्तस्स “विज्जापेतब्ब”न्ति वुत्तनयेन अत्थो दट्ठब्बो । **पोराणगण्ठपदे** पन “इदं परिच्छिन्नपवारणं सन्धाय वुत्तं । अनापत्ति जातकानं पवारितानन्ति पन सब्बप्पकारेन पवत्तं निच्चपवारणं सन्धाय वुत्तं । निच्चपवारणा नाम यदा येनत्थो, तदा तं वदेय्याथाति एवं पवत्ता । ‘हन्द सीतपावुरण’न्ति देन्तानं पन अतिरेकचतुक्कंसम्पि गहेतुं वट्ठती”ति वुत्तं । अयमेव नयो दसमेपीति ।

एकादसमनिस्सगियपाचित्तियसिक्खापदवण्णना निट्ठिता ।

भिकखुनीविभङ्गे तिसकवण्णना निट्ठिता ।

निस्सगियकण्डवण्णना निट्ठिता ।

#### ४. पाचित्तियकण्डवण्णना

##### १. लसुणवग्गो

##### १. पठमलसुणसिक्खापदवण्णना

**७९३-७. अहं लसुणेनाति** एत्थ “पवारेमी”ति पाठसेसो । **बदरसाळवं** किर बदरफलानि सुक्खापेत्वा चुण्णेत्वा कत्तब्बा खादनीयविकति ।

पठमलसुणसिक्खापदवण्णना निट्ठिता ।

##### २. दुतियसिक्खापदवण्णना

**८००. संहारापेय्याति** “संहरति वा संहारापेति वा”ति पदभाजनं वेदितब्बं । किज्वापि एत्थ आपत्तिभेदो न दस्सितो, तथापि खुरसण्डासकत्तरिआदिपरियेसनघंसनादीसु पुब्बपयोगेसु दुक्कटं युज्जति, यथा चेत्थ, एवं तलघातकादिम्हि च आपत्तिभेदो पाळियं न वुत्तो । यथासम्भवं पन पुब्बपयोगेसु दुक्कटं सम्भवति । एवं भिकखुस्स एत्थ च लसुणे च दुक्कटं । इदं किरियाकिरियन्ति पोराणा । तत्थ “किरियाकिरिय”न्ति न वुत्तं ।

दुतियसिक्खापदवण्णना निट्ठिता ।

**८०२-६. ततियचतुत्थसिक्खापदं** उत्तानत्थमेव ।

##### ५. पच्चमसिक्खापदवण्णना

**८१२. पच्चमे** उदकसुद्धिपच्चये सतिपि फस्ससादियने यथावुत्तपरिच्छेदे अनापत्ति । तत्थ **द्विन्नं पब्बानन्ति** “द्विन्नं अङ्गुलानं सहपवेसने एकेकअङ्गुलस्स एकेकं पब्बं कत्वा द्वे पब्बा, एकङ्गुलप्पवेसने द्विन्नं पब्बानं उपरि न वट्ठतीति वेदितब्बं । **महापच्चरियम्पि** अयमेव नयो दस्सितो”ति लिखितं ।

पञ्चमसिक्खापदवण्णना निड्ढिता ।

८१५. छट्ठसिक्खापदं उत्तानत्थमेव ।

### ७. सत्तमसिक्खापदवण्णना

८२०-८२२. “नगरं अतिहरन्ती”ति पाठो । “नगरद्वारे अतिहरन्ती”ति कत्थचि, तत्थ द्वारेनाति अत्थो । अयमेव वा पाठो । तं पुब्बापरविरुद्धन्ति “पुनपि वुत्त”न्ति वुत्तं वादं सन्धाय, न ततो पुब्बे तत्थ वुत्तं वादं । एत्थ “मातरम्पि विज्जापेत्वाति वचनेन विरुज्जती”ति लिखितं, तं दुल्लिखितं, न हि तेन विरोधं सन्धाय इदं वुत्तन्ति । करणे चे पाचित्तियं, कारापनेपि पाचित्तियेनेव भवितव्वं । अथ कारापने दुक्कटं, करणेपि दुक्कटेनेव भवितव्वं । न हि करणे वा कारापने वा विसेसो अत्थि आपज्जने सतीति अधिप्पायो ।

८२३. सम्पटिच्छित्तुं वट्ठतीति अप्पटिक्खपित्वा “साधू”ति वत्तुं वट्ठतीति अधिप्पायो । न हि पटिग्गहेतुं वट्ठति । अनामासत्ता “आमकधज्जं पन जातकपवारितट्ठानेपि न वट्ठती”ति वुत्तं । अनुगण्ठपदे पन “कप्पियेन लद्धं धज्जं भज्जित्वा भुज्जन्तिया दुक्कटं । अपरण्णेपि एसेव नयो”ति च “अनापत्ति आबाधपच्चयाति वचनतो सत्त धज्जानिपि अनामासानीति सिद्धं, तेनेव हेट्ठा अट्ठकथायं दुक्कटवत्थुम्हि सत्त धज्जानिपि गहितानि अनामासानी”ति च वुत्तानि । आमासानि कप्पियवत्थूनि च यदि भवेय्युं, यथा जातकपवारिते सन्धाय “अपरण्णं विज्जापेती”ति अविसेसेन वुत्तं, एवं “अनापत्ति जातकानं पवारितानं अज्जस्स अत्थाय विज्जापेति, उम्मत्तिकाय आदिकम्मिकाया”ति वत्तव्वं । यस्मा दुक्कटवत्थुत्ता च अनामासत्ता च मातरम्पि सत्तविधं धज्जं विज्जापेतुं न वट्ठति, तस्मा तदत्थदीपनत्थं सत्तविधं धज्जं सन्धाय “अनापत्ति आबाधपच्चया”ति वुत्तं, यथा भिक्खुनिया आबाधपच्चया वट्ठति, तथा भिक्खुस्सापीति च । यथा वा पन भिक्खुनिया भज्जनादीनि कारापेतुं न वट्ठति, एवं भिक्खुस्सापि । वुत्तम्पि चेतं अन्धकट्ठकथायं “अज्जतरो बालभिक्खु कप्पियं अजानन्तो एतदवोच ‘आमकधज्जं सम्पटिच्छित्तुं भिक्खूनं न वट्ठति । एतं धज्जं भज्जित्वा कोट्टेत्वा पचित्वा यागुखज्जकं भत्तञ्च देथा”ति, आणापकस्सेव भिक्खुस्स आपत्ति, सब्बेसं अनापत्ती”ति । तस्मा “सङ्गवारिकानं धज्जं कोट्टेथा”ति आरामिकानं वत्तुञ्च न वट्ठति । “दिवसं परिब्बयं गणहथ, तण्डुले सम्पादेथ, त्वं एत्तके गणह, त्वं एत्तके”ति एवमादीनि पन वत्तुं वट्ठतीति च । यं पन “अविज्जत्तिया लब्भमानं पन नवकम्मत्थाय सम्पटिच्छित्तुं वट्ठती”ति वुत्तं, तम्पि हेट्ठा “इमं तळाकं खेत्तं वत्थुं विहारस्स देमा”ति वुत्ते ‘सम्पटिच्छित्तुं वट्ठती”ति वुत्तं नयं सन्धाय वुत्तत्ता सुवुत्तमेव । “नवकम्मत्थाय धज्जं देमा”ति वुत्ते “साधू”ति वत्तव्वं । यं पन हेट्ठा “तत्थ निस्सगियवत्थुं अत्तनो वा सङ्गगणपुग्गलचेतियानं वा अत्थाय सम्पटिच्छित्तुं न वट्ठति... पे०... दुक्कटवत्थुं सब्बेसम्पि अत्थाय सम्पटिच्छतो दुक्कटमेवा”ति वुत्तं, तम्पि सुवुत्तमेव । कस्मा? “चेतियस्स अत्थाय धज्जं दातुकामोम्हि, तुम्हे भन्ते तदत्थाय सम्पटिच्छथा”ति वुत्ते पटिग्गहेतुं अकप्पियत्ता । “इदं पन तादिसं न होती”ति च वुत्तं । सब्बोपायं उपतिस्सत्थेरवादो किर । धम्मसिरित्थेरो पनेवमाह “पुब्बेपि नवकम्मत्थाय पटिग्गहो न वारितो, सङ्गस्सत्थाय पटिग्गहितम्पि पटिग्गाहकस्सेव अकप्पिय”न्ति ।

सत्तमसिक्खापदवण्णना निड्ढिता ।

### ८. अट्ठमसिक्खापदवण्णना

८२४. पोराणा “निब्बिड्ढराजभटो”ति पठन्ति । तस्सत्थो वारितभत्तवेतनो राजभटोति । “तज्जेव भटपथन्ति तंयेव भत्तवेतन”न्ति अत्थं वदन्ति । उम्मुकन्ति अलातं ।

८२६. एत्थ छट्ठित्तिं किरिया । अनोलोकनं अकिरिया ।

अट्ठमसिक्खापदवण्णना निड्ढिता ।

## ९. नवमसिक्खापदवण्णना

८३२. “सामिके अपलोकेत्वा छट्ठेती”ति कत्थचि पोत्थके नत्थि, कत्थचि अत्थि, अत्थिभावोव सेय्यो किरियाकिरियत्ता सिक्खापदस्स । इध खेतपालका, आरामादिगोपका च सामिका एव । “सङ्खस्स खेत्ते, आरामे च तत्थ कचवरं न छट्ठेत्तब्बन्ति कतिका चे नत्थि, भिक्खुस्स छट्ठेत्तुं वट्ठति सङ्खपरियापन्नता, न भिक्खुनीनं । तासम्पि भिक्खुनिसङ्खसन्तके वुत्तनयेन वट्ठति, न तत्थ भिक्खुस्स, एवं सन्तेपि सारुप्पवसेनेव कातब्ब”न्ति वुत्तं ।

नवमसिक्खापदवण्णना निट्ठिता ।

## १०. दसमसिक्खापदवण्णना

८३३. साधुकीळितगीतं वाति एत्थ पाचिण्णगीतम्पि सोत्तुं न वट्ठति । “गीतुपसज्झितं पन धम्मं सोत्तुं वट्ठतीति दीघनिकायट्ठकथायं वुत्त”न्ति वुत्तं । पोराणगण्ठपदे पन “धम्मगीतम्पि न वट्ठती”ति वत्त्वा “बुद्धस्स गायाम वादेमाति वुत्ते सम्पटिच्छित्तुं न वट्ठति, दुक्कटं होती”ति वुत्तं, “पूजं करोम, जातकं वा वत्थुं वा देसेमाति वुत्ते ‘साधू’ति सम्पटिच्छित्तुं वट्ठती”ति च वुत्तं ।

८३६. एकपयोगो नाम एकदिवसावलोकनं । तेसंयेवाति येसं नच्चं पस्सति । “भिक्खुनी सयम्पि नच्चित्तुं वा गायित्तुं वा वादित्तुं वा न लभती”तिआदि इध सिक्खापदे नत्थि । कस्मा? एळकलोमसमुद्धानत्ता । यदि एवं कस्मा वुत्तन्ति चे? सुत्तानुलोममहापदेसतो । यदि नच्चादीनि पस्सित्तुं वा सोत्तुं वा न लभति, पगेव अत्तना कातुन्ति नयतो लब्भमानत्ता वुत्तं । इतरथा महापदेसा निरत्थका सियुं । एवमज्जत्थापि नयो नेतब्बो । “समुद्धानम्पि इध वुत्तमेव अगगहेत्वा छसमुद्धानवसेन गहेतब्ब”न्ति लिखितं । तं “अज्जे नच्च, गाय, वादेही”ति वत्तुं न लब्भतीतिआदिवचीकम्मं सन्धाय लिखितज्जे, तं सुलिखितं एळकलोमसमुद्धाने वाचाय अभावतो । “सयम्पि नच्चित्तु”न्तिआदिकायकम्मज्जे सन्धाय लिखितं, दुल्लिखितं । एळकलोमसमुद्धानज्हि एकन्ततो कायकम्मं होति, तस्मा उद्धटं अगगहेत्वा आदिसद्देन सङ्गहितमेव इध गहेतब्बन्ति । एतं एळकलोमसमुद्धानत्ताति एत्थ कारणवचने सुत्तानुलोममहापदेसतोति एत्थ पन उद्धटं गहेतब्बं, एवं यथालाभवसेन तं लिखितन्ति वेदितब्बं । “आहच्चभासितसिक्खापदवसेन एळकलोमसमुद्धान”न्ति वुत्तन्ति उपतिस्सत्थेरो । “एळकलोमसमुद्धानज्जे इदं सिक्खापदं, आणापको मुच्चेय्य, न च मुच्चती”ति वुत्तं । तं “कस्मा”ति वुत्ते “सब्बअट्ठकथासु वुत्त”न्ति अट्ठकथाचरियो आहाति धम्मसिरित्थेरो ।

८३७. आरामे ठत्वाति न केवलं ठत्वा, ततो गन्त्वा पन सब्बिरियापथेहिपि लभति । “आरामे ठिताति पन आरामपरियापन्नाति अत्थो, इतरथा निसिन्नापि न लभेय्या”ति लिखितं, तं सुलिखितमेव ।

दसमसिक्खापदवण्णना निट्ठिता ।

लसुणवग्गवण्णना निट्ठिता ।

## २. अन्धकारवग्गवण्णना

### १. पठमसिक्खापदवण्णना

८३९. “दिवापि अन्धकारं अत्थि, तप्पटिसेधनत्थं ‘रत्तन्धकारे’ति वुत्त”न्ति वदन्ति पोराणा । सन्तिट्ठेय्याति एत्थ ठानापदेसेन चतुब्बिधोपि इरियापथो सङ्गहितो, तस्मा पुरिसस्स हत्थपासे तेन सद्धिं चङ्क्रमनादिं करोन्तिया पाचित्तियमेव । “सल्लपेय्य वा”ति केवलं निदानवसेन वुत्तं विसेसाभावतो । “सल्लपेय्यवाति पुरिसस्स हत्थपासे ठिता सल्लपति, आपत्ति पाचित्तियस्सा”ति हि वुत्तं, तं

न युत्तन्ति एके । कस्मा? यस्मा तस्स पुरिसस्स हत्थपासे ठितेनेव एकं पाचित्तियं । सल्लपनेनपि अपरम्पि एकं आपज्जतीति नापज्जति, कथं पज्जायतीति? अङ्गवसेन । इमस्स हि रत्तन्धकारता, पुरिसस्स हत्थपासे ठानं वा सल्लपनं वा, सहायाभावो, रहोपेक्खताति इमानि चत्तारि अङ्गानि वुत्तानि । तत्थ यदि ठानपच्चया एका आपत्ति विसुं सिया, तस्सा चत्तारि अङ्गानि सियुं । यदि सल्लपनपच्चया एका, तस्सापि पञ्च अङ्गानि सियुं । तस्मा **मातिकाट्टकथायं** “चत्तारि वा पञ्च वा अङ्गानी”ति वत्तब्बं सिया, न च वुत्तं, तस्मा सल्लपनपच्चया विसुं नत्थीति । अत्थियेव, मातिकाट्टकथावचनञ्च तदत्थमेवाति एके । कथं? सहुप्पत्तितो द्विन्नं आपत्तीनं । किं वुत्तं होति? सल्लपने सति ठानपच्चया आपज्जितब्बं चतुरङ्गिकं, सल्लपनपच्चया आपज्जितब्बं चतुरङ्गिकन्ति द्वे पाचित्तियानि सहुप्पन्नानि एकतो आपज्जन्तीति । इदं अयुत्तं पाळिविरोधतो । **पाळियज्झि** “सल्लपेय्य वाति पुरिसस्स हत्थपासे ठिता सल्लपति, आपत्ति पाचित्तियस्सा”ति वुत्तं । यदि द्वे सियुं, “आपत्ति द्विन्नं पाचित्तियान”न्ति न वत्तब्बता सियाति । अयं नयो दुत्तियादीसुपि यथायोगं वेदितब्बो । एत्थ दुत्तियेनापि सङ्घि यदि भिक्खुनिया रहोपेक्खता अत्थि, सो चे पुरिसो, न दुत्तियो, पुरिसगणनाय आपत्तियो । अथ दुत्तिया भिक्खुनी होति, तस्सा च तेन पुरिसेन सङ्घि रहोपेक्खता अत्थि, सा च भिक्खुनी न दुत्तिया होति । उभिन्नम्पि आपज्जतीति एके, विचारेत्वा पन गहेतब्बं । **पोराणगण्ठपदे** पन वुत्तं “हत्थपासे ठानेन दुक्कट”न्ति, तं **पाळिया** विरुज्झति । “पुरिसस्स हत्थपासे तिड्ढति, आपत्ति पाचित्तियस्सा”ति हि पाळि, किं बहुना । चतुत्थसिक्खापदे **मातिकाट्टकथायं** (कङ्का० अट्ठ० दुत्तियिकउय्योजनसिक्खापदवण्णना) “सन्तिट्ठनादीसु तीणि पाचित्तियानी”तिआदिवचनतो वत्थुगणनाय आपत्ति वेदितब्बा । “अङ्गानि चेत्थ चत्तारि पञ्च वा”ति वत्तब्बन्ति सन्निट्ठानं ।

पठमसिक्खापदवण्णना निट्ठिता ।

## २-३-४. दुत्तियततियचतुत्थसिक्खापदवण्णना

८४२-६. दुत्तियततियचतुत्थानि उत्तानानि । सब्बत्थ “सल्लपतीति यं किञ्चि तिरच्छानकथं कथेती”ति **पोराणगण्ठपदे** वुत्तं ।

८५२. चतुत्थे पनायं विसेसो — “एकेनेका”ति पठमं वुत्तत्ता दुत्तियिकं वा भिक्खुनीनं उय्योजेय्य, पाचित्तियं न सम्भवतीति चे? सम्भवति । कस्मा? सन्तिट्ठनादित्तियमत्तापेक्खत्ता, तस्स वचनस्सापि वा अज्जायपि रहोपेक्खनस्सादसम्भवे सति उभिन्नं एकत्थसम्भवतो च साधितमेतं । “हत्थपासं विजहित्वा सन्तिट्ठति वा सल्लपति वा”ति एत्तकमेव वुत्तं । कस्मा “निकण्णिकं वा जप्पेती”ति न वुत्तं? हत्थपासातिक्कमे असम्भवतो । तस्स ततियस्स पदस्स पच्छिन्नत्ता सम्भवन्तम्पि “दुत्तियिकं वा उय्योजेती”ति न वुत्तं, तस्मा अत्थतो हत्थपासं विजहित्वा सन्तिट्ठति वा सल्लपति वा दुत्तियिकं वा उय्योजेति, आपत्ति दुक्कटस्साति वुत्तं होति । एस नयो **यक्खेन वाति**आदीसुपि । तत्थ “हत्थपासे”ति वा “हत्थपासं विजहित्वा”ति वा न वुत्तं उभयत्थ दुक्कटत्ता । अनापत्तिवारेपि असम्भवतो “निकण्णिकं वा जप्पेती”ति न वुत्तन्ति चे? सम्भवति सति करणीये निकण्णिकं वा जप्पेतीति सम्भवतो । अथ कस्मा एवं न वुत्तन्ति चे? अनवज्जकथायं निकण्णिकजप्पने पयोजनाभावा, धम्मकथायम्पि उदायिं आरब्ध पटिसिद्धत्ता च ।

दुत्तियततियचतुत्थसिक्खापदवण्णना निट्ठिता ।

## ५. पञ्चमसिक्खापदवण्णना

८५६. “कुलं नाम चत्तारि कुलानी”ति वुत्तत्ता तित्थियारामे कप्पति तस्स कुलवोहाराभावतोति एके । तित्थियानं खत्तियादिपरियापन्नत्ता न कप्पतीति एके । तस्स कप्पियभूमित्ता न युत्तन्ति चे? न, यथावुत्तखत्तियादीनं सम्भवतो । तथापि गोचरकुलं इधाधिपेतं । “उपचारो द्वादसहत्थो”ति लिखितं ।

पञ्चमसिक्खापदवण्णना निट्ठिता ।

#### ६. छट्ठसिक्खापदवण्णना

८६०. “निसीदन्तिया एका, निपज्जन्तिया एका”ति अवत्त्वा “निसीदित्वा गच्छन्तिया”तिआदि न वत्तब्बं । न हि गमनपच्चया एसा आपत्तीति? न, परियोसानाधिप्पायवसेन वुत्तत्ता । “निसीदित्वा निपज्जन्तिया द्वे”ति वचनेनपि गमनं इध नाधिप्पेतन्ति दस्सितं होति, तथा “निपज्जित्वा निसीदन्तिया द्वे”तिपि वत्तब्बं । यदि एवं “तस्मिं अभिनिपज्जति, आपत्ति द्विन्नं पाचित्तियान”न्ति कस्मा न वुत्तन्ति चे? अनिसीदित्वापि निपज्जनसम्भवतो । निपज्जनत्थाय निसीदित्वा निपज्जन्तिया निपज्जनकपयोगत्ता एका आपत्तीति केचि ।

छट्ठसिक्खापदवण्णना निट्ठिता ।

#### ७. सत्तमसिक्खापदवण्णना

८६७. अनापत्तिवारे “धुवपज्जत्ते”ति न वुत्तं “सन्थरित्वा वा सन्थरापेत्वा वा”ति वुत्तत्ता । इध छट्ठे वुत्तनयेन पकतिया पज्जत्ते अभिनिसीदति वा अभिनिपज्जति वा, पाचित्तियमेव । अज्जत्थ धुवपज्जत्तं । इध वुत्तनयेन सन्थरित्वा वा सन्थरापेत्वा वा अभिनिसीदति वा अभिनिपज्जति वा, पाचित्तियमेव । उभयत्थापि पञ्चमे वुत्तनयेन अनापुच्छा पक्कमेय्य, पाचित्तियमेव, अनापत्तिवारे मातिकायं वुत्तकालतो अज्जकालस्स अपरामट्ठत्ताति नो तक्कोति आचरियो । अपिच अत्थापत्तिकाले आपज्जति, नो विकालेतिआदित्तिके, अत्थापत्ति रत्तिं आपज्जति, नो दिवातिआदित्तिके च **अट्ठकथायं** इध पञ्चमछट्ठसत्तमसिक्खापदेहि सङ्गहितापत्तीनं अपरामट्ठत्ता यथासम्भवं तिविधकाले तिविधमेतं योजेत्वा दस्सेतुं वट्ठति एव महापदेसनयानुलोमतो ।

सत्तमसिक्खापदवण्णना निट्ठिता ।

#### ८. अट्ठमसिक्खापदवण्णना

८६९. अट्ठमे भिक्खुस्स दुक्कटं सम्भवति ।

अट्ठमसिक्खापदवण्णना निट्ठिता ।

#### ९. नवमसिक्खापदवण्णना

८७५-७. दुग्गाहवसेन वा सुग्गाहवसेन वा यथावुत्तनयेन सपथकरणे आपत्तीति वेदितब्बं । यस्मा **मातिकायं** “अत्तानं वा परं वा”ति वुत्तं, तस्मा या अत्तानमेव आरब्भ सपथं करेय्य, तस्सा एका । परमेवारब्भ तस्सा एका । उभोपि आरब्भ तस्सा द्वे आपत्तियो सम्भवन्ति । तिकच्छेदो पनेत्थ परमेवारब्भ सपथकरणं सन्धाय पवत्तो ।

नवमसिक्खापदवण्णना निट्ठिता ।

#### १०. दसमसिक्खापदवण्णना

८८२. दसमे अनापत्तिवारो रोदनस्सेव, न वधस्स, तस्मा जातिव्यसनादीहि फुट्ठापि अत्तानं वधति एव, न रोदति, दुक्कटमेव ।

दसमसिक्खापदवण्णना निट्ठिता ।

अन्धकारवग्गवण्णना निट्ठिता ।

### ३. नग्गवग्गवण्णना

#### १-२. पठमदुतियसिक्खापदवण्णना

८८३. नग्गवग्गस्स पठमदुतियानि उत्तानानि । पठमे अयं विसेसो — भिक्खुस्स तथा न्हायन्तस्स दुक्कटं अञ्जत्र जन्ताघरउदकपटिच्छादीहि । न च विगरहि तत्थ भगवा अत्तनाव अननुञ्जातत्ता उदकसाटिकायाति पोराणा । “एकमेव निवासेत्वा, पारुपित्वा च नहायितुं न वट्ठती”ति पोराणगण्ठपदे वुत्तं ।

पठमदुतियसिक्खापदवण्णना निट्ठिता ।

### ३. ततियसिक्खापदवण्णना

८९४. ततिये अन्तोचतूहपञ्चाहं धुरं निक्खिपन्तियापि आपत्ति एव । लिङ्गपरिवत्ते धुरं निक्खिपन्तिया दुक्कटं तिकदुक्कटत्ता । “सम्बहुलाहि भिक्खुनीहि सद्धिन्ति एत्थ चतस्सोपि सम्बहुला”ति पोराणगण्ठपदे वुत्तं ।

ततियसिक्खापदवण्णना निट्ठिता ।

### ४. चतुत्थसिक्खापदवण्णना

८९८. चतुत्थे सङ्घाटिचारन्ति एत्थ सङ्घाटिआदिवसेन अधिद्धितानयेवायं विधि, नेतरासं किर । तत्थ तिचीवरे एव विप्पवासपच्चया निस्सगियं । अन्तोचीवरकालेपि पञ्चाहिकं सङ्घाटिचारं अतिककामेन्तिया आपत्तियेव । “विना एतेहि चीवरेहि उपसम्पदं कातुं न वट्ठती”ति पोराणगण्ठपदे वुत्तं ।

चतुत्थसिक्खापदवण्णना निट्ठिता ।

### ५. पञ्चमसिक्खापदवण्णना

९०६. पञ्चमस्स अनापत्तिवारे ताय वा अविप्पवासायाति अत्थतो लब्धति ।

पञ्चमसिक्खापदवण्णना निट्ठिता ।

९०७-९११. छट्ठसत्तमानि उत्तानानि ।

### ८. अट्ठमसिक्खापदवण्णना

९१६. सोकज्झायिका नाम किर मायाकारा । विलुम्पका भण्डकाति च पोराणा ।

अट्ठमसिक्खापदवण्णना निट्ठिता ।

### ९. नवमसिक्खापदवण्णना

९२०. “कथञ्चि नाम अतिककामेस्सती”ति वुत्तत्ता थुल्लनन्दा चीवरकालसमयं आगमेथाति अतिककामपेसीति सिद्धं होति ।

नवमसिक्खापदवण्णना निट्ठिता ।

## १०. दसमसिक्खापदवण्णना

१२७. दसमे एककुलं एतदवोचुन्ति एत्थ कुलं नाम तस्मिं मनुस्सा, तस्मा बहुवचनं ।

दसमसिक्खापदवण्णना निट्ठिता ।

नग्गवग्गवण्णना निट्ठिता ।

## ४. तुवट्ठवग्गवण्णना

### १. पठमसिक्खापदवण्णना

१३४-५. एकाय निपन्नाय अपरा निपज्जति, आपत्ति पाचित्तियस्साति “उभिन्नम्पि पठमनिपन्नाय अनुट्ठापना”ति वत्त्वा एत्थ किरियाकिरियन्ति एके, तं अट्ठकथाय विरुज्झति । “किरिय”न्ति हि अट्ठकथायं वुत्तं । अथ कस्सा आपत्तीति? उभिन्नम्पि निपज्जनकिरियं पटिच्च । इमस्स अनापत्तिवारे “ववत्थानं दस्सेत्वा”ति नत्थि, तस्मा ववत्थानं कत्वा निपज्जितुं न वट्ठतीति एके । विपुलतरे वट्ठतीति एके । “अन्तरं कत्वा निपज्जितुं वट्ठती”ति पोराणगण्ठपदे लिखितं ।

पठमसिक्खापदवण्णना निट्ठिता ।

### २. दुतियसिक्खापदवण्णना

१४०. ववत्थानं दस्सेत्वाति एत्थ उपरि पारुपनम्पि मज्झे ओभोगं कत्वा उभिन्नं अन्तरे ओतारेति, वट्ठतीति एके । ववत्थानञ्च यथा ठाने न तिट्ठति, तथा अतिक्कमित्वा तुवट्ठेन्तिया आपत्तियेवाति । “किरियाकिरिय”न्ति च पोराणगण्ठपदे वुत्तं ।

दुतियसिक्खापदवण्णना निट्ठिता ।

### ३. ततियसिक्खापदवण्णना

१४१. अत्तनो सज्झायनट्ठाने चे वुट्ठतरा आगच्छति, वन्दनकाले वा, आपुच्छनकिच्चं नत्थि । एकस्मिं ओवरके आपुच्छितब्बं । “अथ ओवरके महाथेरी वसति, सम्मुखे इतरा, आपुच्छितब्बा तस्सा उपचारत्ता”ति पोराणगण्ठपदे वुत्तं ।

ततियसिक्खापदवण्णना निट्ठिता ।

१४६-१५०. चतुत्थपञ्चमसिक्खापदं उत्तानत्थमेव ।

### ६. छट्ठसिक्खापदवण्णना

१५६. गहपति नाम ठपेत्वा सहधम्मिके वेदितब्बो, तस्मा भिक्खुना वा सामणेरेन वा अननुलोमिकेन संसग्गेन संसट्ठापि न समनुभासितब्बाति सम्भवति एव ।

छट्ठसिक्खापदवण्णना निट्ठिता ।

१६१-५. सत्तमअट्टम सिक्खापदं उत्तानत्थमेव ।

## ९. नवमसिक्खापदवण्णना

१६१. एकिन्द्रियन्ति कायिन्द्रियेनेव एकिन्द्रियं, निगण्ठानं अचेलकानं मतं । कापिला पन “पञ्चिन्द्रिया”ति मज्जन्ता एवं वदन्ति “सचक्खुकत्ता अलाबुमालुवादयो यत्थ आलम्बनं, तत्थ गच्छन्ति । ससोतकत्ता कदलियो मेघगज्जितं सुत्वा गम्भं गणहन्ति । सघानकत्ता पनसादयो कुणपगन्धेन फलन्ति । सजिह्वकत्ता उदकं पिवन्ति येन, सब्बेपि ‘पादपा’ति वुच्चन्ति । सकायपसादत्ता इत्थिसम्फस्सेन असोकुरुक्खा पुप्फन्ती”ति । सङ्घातन्ति विनासं ।

१७०. इध च वस्सच्छेदेन दुक्कटं । पठमं आवसित्वा पच्छा चारिका चरणपच्चया पाचित्तियं आपज्जतीति वेदितब्बं । अथ वस्सं अवसित्वा चरति, अवस्सुपगमनपच्चया दुक्कटं आपज्जति । पोराणगण्ठपदे पन “अन्तोसत्ताहे अन्तोवस्से चारिकं चरन्तिया पाचित्तियं । सत्ताहकरणीयेन पन वट्ठति, भिक्खुनो दुक्कटं होती”ति वुत्तं ।

१७१. केनचि उब्बाळहाति वस्सच्छेदकारणेनाति नो तक्कोति आचरियो । कित्तावता चारिका होतीति? इदं न सब्बत्थ विचारितं । अनन्तरसिक्खापदे “अन्तमसो छप्पज्जयोजनानिपी”ति वुत्तत्ता सो च मज्जे हेट्ठिमपरिच्छेदोति ।

नवमसिक्खापदवण्णना निट्ठिता ।

## १०. दसमसिक्खापदवण्णना

१७३. दसमे “आहुन्दरिका”ति पठन्ति किर ।

दसमसिक्खापदवण्णना निट्ठिता ।

तुवट्ठवग्गवण्णना निट्ठिता ।

## ५. चित्तागारवग्गवण्णना

### १. पठमसिक्खापदवण्णना

१७८. कीळनउपवनं नाम कज्जिनगरस्स नगरुपवनं विय दट्ठब्बं । उय्यानं नाम तत्थेव नन्दवनउय्यानं विय दट्ठब्बं । “तत्थेव ठत्त्वा तं तं दिसाभागं विलोकेत्वा पस्सन्तिया पन पाटेक्का आपत्तियो”ति पाठो । एवं वुत्ते यं पुब्बे वुत्तं पदं “अनुद्धरमाना”ति, तं एकस्मिंयेव दिसाभागेति सिद्धन्ति एके । उपचारो द्वे लेड्डुपातोति च ।

पठमसिक्खापदवण्णना निट्ठिता ।

### २. दुतियसिक्खापदवण्णना

१८४. “आहरिमेहि वाळेही”ति “असंहारिमेना”ति च दुविधो पाठो । “विसुं कत्वा पच्छा सद्धिं तेहि वाळेही”ति लिखितं । यथा तथा वाळरूपे उड्डपेत्वा कतपादं “पल्लङ्क”न्ति वुच्चति अनापत्तिवारे “असंहारिमेहि वाळेहि कतं परिभुज्जती”ति वचनाभावतो ।

दुतियसिक्खापदवण्णना निट्ठिता ।



### ३. ततियसिक्खापदवण्णना

१८८. “उज्जवुज्जवेति हत्थप्पसारणे”ति लिखितं, तं न युतं “यत्तकं हत्थेन अञ्छितं होति, तस्मिं तक्कम्हि वेठिते एकापत्ती”ति वचनतो ।

ततियसिक्खापदवण्णना निट्ठिता ।

### ४. चतुत्थसिक्खापदवण्णना

१९३. “यागुपानेति यागुदाने”ति लिखितं । पोराणगण्ठपदे “मातापितूनं दातुं वट्ठती”ति वुत्तं ।

चतुत्थसिक्खापदवण्णना निट्ठिता ।

१९४. पञ्चमसिक्खापदं उत्तानत्थमेव ।

### ६. छट्ठसिक्खापदवण्णना

१००१. छट्ठे भिक्खुविभङ्गे अचेलकसिक्खापदेन एकपरिच्छेदं । इध अगारिको विसेसो, तस्मा “असाधारण”न्ति वदन्ति ।

छट्ठसिक्खापदवण्णना निट्ठिता ।

१००३-८. सत्तमट्ठमेसु वत्तब्बं नत्थि ।

### ९. नवमसिक्खापदवण्णना

१०१५. “खीलनमन्तं दारुसारखीलं मन्तेत्वा पथवियं पवेसेत्वा मारणमन्तं । नागमण्डलं नाम नागरोधमन्तं, पिट्ठादीहि वा परिक्खेपं कत्वा तत्थ मनुस्से पवेसेन्ति गुत्तथाया”ति लिखितं ।

नवमसिक्खापदवण्णना निट्ठिता ।

१०१७. दसमसिक्खापदं उत्तानत्थमेव ।

चित्तागारवग्गवण्णना निट्ठिता ।

### ६. आरामवग्गवण्णना

१०२१. पठमसिक्खापदं उत्तानत्थमेव ।

### २. दुतियसिक्खापदवण्णना

१०३०. भिक्खुनी चे भिक्खुं अक्कोसति, इमिना सिक्खापदेन पाचित्तियं । भिक्खुनिं चे अक्कोसति, ओमसवादेन आपज्जति । ओमसवादे सम्मुखाव रुहति, इध पन परम्मुखापि ।

तत्रायं विचारणा — भिक्खुविभङ्गे ओमसवादसिक्खापदे भिक्खुनी अनुपसम्पन्नद्वाने तिट्ठतीति कत्वा भिक्खुनिविभङ्गेपि

ओमसवादसिक्खापदे भिक्खु भिक्खुनिया अनुपसम्पन्नद्वाने तिष्ठतीति सिद्धं । इध च अनुपसम्पन्नस्स अक्कोसने दुक्कटं वुत्तं, भिक्खुस्स उपसम्पन्नस्स अक्कोसने पाचित्तियं वुत्तं, तस्मा इमानि द्वे सिक्खापदानि भिक्खुम्हि संसन्दियमानानि अज्जमज्जं न समेन्ति । यथा समेन्ति, तथा जानितब्बं । तत्थ **पोराणगण्ठपदे** वुत्तनयेन भिक्खुनीनं ओमसवादसिक्खापदे अनुपसम्पन्नोति न गहेतब्बो, इदमेत्थ वुत्तं । **परिभासेय्या**ति अज्जत्र अक्कोसवत्थूहि । तेसु हि अज्जतरस्मिं सति ओमसवादपाचित्तियमेवाति एके, तं न वुत्तं । ओमसवादे पाळिमुत्तकअक्कोसे हि दुक्कटं होतीति । दुक्कटोकासे इदं पाचित्तियं तेहि निद्धिद्वं होति, तस्मा “बाला एता”ति **पाळियं** इध आगतपदानयेव वसेन परिभासनं वेदितब्बं ।

दुतियसिक्खापदवण्णना निद्धिता ।

१०३३. ततियसिक्खापदं उत्तानत्थमेव ।

#### ४. चतुत्थसिक्खापदवण्णना

१०३८. **निमन्तिता वा पवारिता वा**ति एत्थ **पोराणगण्ठपदे** ताव एवं वुत्तं “पवारितापि यागुं पातुं लभति, भोज्जयागुं न लभति । यागु पनेत्थ खादनीयभोजनीयसङ्ख्यं न गच्छति । निमन्तिता भिक्खुनी पिण्डाय चरित्वा भुज्जितुकामा सामिके अपलोकेत्वाव भुज्जितुं लभति । परम्परभोजनापत्ति भिक्खुनीनं नत्थि । निमन्तिता तं भत्तं भुज्जित्वा वा अभुज्जित्वा वा पवारिता कप्पियं कारापेत्वा भुज्जितुं न लभति, अकप्पियनिमन्तनेन निमन्तियमाना द्वे निमन्तनानि सम्पटिच्छित्तुज्ज न लभती”ति । तत्थ “पवारितापि यागुं पातुं लभती”ति वुत्तं पाळियं, अट्ठकथायज्ज अनुज्जातत्ता । “निमन्तिता अप्पवारिता यागुं पिवती”ति हि **पाळियं** वुत्तं । तत्रिदं सिक्खापदवण्णनापुब्बङ्गमसन्निधानं — निमन्तिता वा पवारिता वाति एत्थ वासद्धेन अकप्पियनिमन्तनेन निमन्तिता अप्पवारिता ठपेत्वा यागुं अज्जं खादनीयं वा भोजनीयं वा खादेय्य वा भुज्जेय्य वा, पाचित्तियं अज्जत्र सामिकानं अपलोकना । परम्परभोजनाभावेन भिक्खुनीनं को गुणो जातोति? न एतासं गुणलाभो, केवलं पाकटतरं जातं । भिक्खूपि विकप्पेत्वा मिस्सेत्वाव भुज्जितुं लभन्ति । समये यथासुखं लभन्ति । इमिना अपलोकेनेन किन्ति? पवारिता वा अनिमन्तिता वा न किञ्चि कप्पियं कारापेत्वा गिलानातिरित्तमि लभन्ति, निमन्तिता च पवारिता च यागुम्पि न लभन्ति, अपलोकेत्वापि न लभन्तीति ।

चतुत्थसिक्खापदवण्णना निद्धिता ।

आरामवग्गवण्णना निद्धिता ।

#### ७. गब्भिनिवग्गवण्णना

##### १. पठमादिसिक्खापदवण्णना

१०६७. “**गब्भिनि**”न्ति दस्सनादीहिपि गब्भसम्भवतो वुत्तं । **पदभाजने**पि पवारितभावो न दिस्सति ।

१०७४. **धाति वा**ति एत्थ दारकं सामिकानं दत्त्वा आहटे वड्ढेति, तथा मातापीति केचि ।

१०८०. “**सिक्खमान**”न्ति पाठं दीपवासिनो रोचेन्ति किरियाकिरियत्ता, जम्बुदीपवासिनो “**सिक्खमाना**”ति । तस्सत्थो सिक्खाधम्ममाननतो सिक्खमानाति । इध किरिया न होति, सज्जाव अधिप्पेता । न एतासु असिक्खिता उपसम्पादेतब्बा उपज्झायिनीआदीनं आपत्तिभावा । “तस्सा उपसम्पदा होति एवा”ति वदन्ति ।

१०८२. **धम्मकम्मे**ति उपसम्पदकम्मं अधिप्पेतं ।

१११२. वुट्ठापितन्ति सामणेरीभूमितो याय थेरिया उपसम्पदापेक्खा वुट्ठापिता, सा थेरी वुट्ठापिता नाम, तेनेव पुन विसेसनत्थं “पवत्तिनि”न्ति आह ।

पठमादिसिक्खापदवण्णना निट्ठिता ।

गब्भिनिवग्गवण्णना निट्ठिता ।

## ८. कुमारिभूतवग्गवण्णना

### २. दुतियादिसिक्खापदवण्णना

११२४. “अनुजानामि, भिक्खवे, अट्टारसवस्साय कुमारिभूताय...पे०... सिक्खासम्मुतिं दातु”न्ति इध वुत्तं विय “अनुजानामि, भिक्खवे, दसवस्साय गिहिगताय...पे०... सिक्खासम्मुतिं दातु”न्ति न वुत्तं, तस्मा “परिपुण्णद्वादसवस्साय एव गिहिगताय सिक्खासम्मुतिं दातब्बा”ति वुत्तं । गिहिगताय सिक्खासम्मुतिं दातब्बाति एकेति कत्वा दसवस्सायपि वट्ठति । कस्मा? “अनापत्तिं परिपुण्णद्वादसवस्सं परिपुण्णसज्जा वुट्ठापेती”ति (पाचि० १०९३-१०९५) च “अनापत्तिं परिपुण्णद्वादसवस्सं गिहिगतं...पे०... सिक्खितसिक्खं वुट्ठापेती”ति (पाचि० १०९७-११०१) च वुत्तत्ता”ति **पोराणगण्ठपदे** वुत्तं । किं इमिना परिहारेण । “दसवस्साय गिहिगताय सिक्खासम्मुतिं दातब्बा”ति हि वुत्तं । “गिहिगतातिपि वत्तुं न वट्ठती”ति सचे वदन्ति, कम्मं कुप्पती”ति लिखितं ।

११४६. अहमेव नून...पे०... अलज्जिनी, या सङ्घोति एत्थ या अहमेव नून बालाति अत्थो । “यं सङ्घो”तिपि अत्थि, तत्थ यं यस्मा देति, तस्मा अहमेव नून बालाति अत्थो ।

११५९. पुरिससंसद्धा कुमारकसंसद्धा चण्डी सोकावासावकथं सिक्खमानाति वुच्चति, **पदभाजने** एव चायं सिक्खमाना “छसु धम्मेषु सिक्खितसिक्खा”ति कस्मा वुत्तन्ति? पुब्बे गहितसिक्खत्ता, पुब्बे परिपुण्णसिक्खत्ता च एवं वुच्चतीति वेदितव्वं ।

११६६-७. **पहूतं खादनीयं भोजनीयं पस्सित्वा**ति एत्थ “सिक्खमानाय जातका किर सम्पादयिंसु, तं पस्सित्वा थेरे भिक्खू उय्योजेसि । उय्योजेत्वा तेसं छन्दं गहेत्वा पुब्बे छन्ददायके गणं कत्वा सेसानं छन्दं छन्दमेव कत्वा कम्मं कारापेसी”ति **पोराणगण्ठपदे** वुत्तं । **छन्दं विस्सज्जेत्वा**ति एत्थ **अनुगण्ठपदे** एवं वुत्तं “इदं कम्मं अज्ज न कत्तव्वं । ‘यथासुखं’न्ति वत्वा विस्सज्जितं होति, तस्मा यो कोचि मुखरो, बालो वा किञ्चापि ‘यथासुखं’न्ति वदति, थेरायत्तत्ता पन थेरस्स अनुमतिया सति या विस्सज्जितो होति, असति या न होति, तथापि पुन छन्दं गहेत्वाव कम्मं करोन्ति, अयं पयोगो । गहणे पयोजनं पन नत्थि । सङ्घत्थेरो चे विस्सज्जेति, छन्दं गहेत्वाव कातव्वं । **छन्दं विस्सज्जेत्वा कायेन वुट्ठितायाति** एत्थ इध सम्बाधो, ‘अमुकम्हि ठाने करिस्सामा’ति हत्थपासं विजहित्वापि गच्छन्ति चे, नत्थि दोसो । किञ्चापि नत्थि, ता पन हत्थपासं अविजहित्वाव गच्छन्ति, अयं पयोगो”ति । “रत्तिपारिवासिये उपोसथपवारणाव न वट्ठति, अज्जकम्मं पन वट्ठति । उपोसथपवारणापि अनुपोसथपवारणदिवसे न वट्ठन्ति, इतरं सब्बकालं वट्ठति । परिसपारिवासिये हत्थपासं अविजहित्वा चतूसु गतेसु चतुवग्गकरणीये अज्जस्मिं पच्चसु दससु वीसतीसु गतेसु सेसेहि विसुं तहिं तहिं गन्त्वापि पुन सन्निपातद्धानं आगन्त्वा कातुं वट्ठति । अज्झासयपारिवासिये हत्थपासं अविजहित्वा यथानिस्सिन्नाव निसिन्ना चे, पुन कातुं वट्ठति हत्थपासस्स अविजहितत्ता”ति **पोराणगण्ठपदे** वुत्तं । तेसं पोराणानं मतेन छन्दपारिवासियमेवेकं न वट्ठतीति आपन्नङ्गञ्च दस्सितं, इधापि तं विसुं न दस्सितं असम्भवतोति एके । छन्ददायके परिसं पत्वा गते तस्स पुब्बछन्ददानं छन्दपारिवासियन्ति नो तक्कोति आचरियो ।

तत्रिदं सन्निधानं — परिसपारिवासिये **अट्ठकथायं** “अज्जत्र गच्छामाति छन्दं अविस्सज्जेत्वाव उट्ठहन्ति...पे०... कम्मं कातुं वट्ठती”ति वुत्तवचने हत्थपासा विजहनं न पज्जायति । एत्थ पन कम्मप्पत्तानं हत्थपासस्स अविजहनमेव इच्छितव्वन्ति कत्वा **पोराणगण्ठपदे** वुत्तं । किञ्चापि न पज्जायति, अप्पटिक्खितत्ता पन वट्ठतीति चे? न, पटिक्खितत्ता । कथं? छन्दो नाम कम्मप्पत्तेसु

भिक्षूसु एकसीमाय सन्निपतितेसु आगच्छति, नासन्निपतितेसु। इध हि “छन्दं अविस्सज्जेत्वा”ति च “छन्दस्स पन अविस्सट्ठत्ता”ति च वुत्तं। “अज्झासयं अविस्सज्जेत्वा”ति च “अज्झासयस्स अविस्सट्ठत्ता”ति च न वुत्तं, तस्मा छन्दस्स अविस्सज्जनं कम्मप्पत्तानं हत्थपासाविजहनेनेव होति, न विजहनेति सिद्धं।

होति चेत्थ —

“यतो आगमनं यस्स, तदभावस्स निग्गहे।  
तस्मा सन्निपतितेसु, भिक्षूसु तस्स भेदतो”ति॥

रत्तिपारिवासियछन्दो विय रत्तिपारिवासियपारिसुद्धिपीति तदनुलोमेन वट्ठति स्वातनाय छन्दो वा पारिसुद्धि वा पवारणा वा, ताय कम्मं कातुं वट्ठति। उपोसथपवारणा पन अनुपोसथदिवसे न वट्ठति, इतरं वट्ठति। पन्नरसिउपोसथं चातुदसियं कातुं वट्ठति खेत्तत्ता। न चातुदसिउपोसथं पन्नरसियं अखेत्तत्ता अनुपोसथदिवसत्ता पाटिपददिवसत्ताति एकच्चे आचरिया, तस्मा तेसं मतेन चातुदसिउपोसथं ततियं, सत्तमं वा पन्नरसियं कातुं न वट्ठति। यं पनेत्थ वुत्तं **अट्ठकथायं** “सचे चातुदसिकं उपोसथं करिस्सामाति निसिन्ना, पन्नरसोति कातुं वट्ठती”ति। ततो “पन्नरसियमेव ‘चातुदसिकं उपोसथं करिस्सामा’ति निसिन्ना पुनदिवसे अत्तनो तं उपोसथं ‘पन्नरसो’ति कातुं वट्ठतीति अत्थो”ति एवं परिहरन्ति, तं तेसं मतं “तथारूपपच्चये सति अज्जस्मिम्पि चातुदसे उपोसथं कातुं वट्ठती”ति (कङ्का० अट्ठ० निदानवण्णना) इमिना **मातिकाट्ठकथा**वचनेन न समेति। न हि तत्थ “अज्जस्मिम्पि पन्नरसे चातुदसिकं कातुं वट्ठती”ति वुत्तं। एवं सन्तेपि “सकिं पक्खस्स चातुदसे वा पन्नरसे वा”ति अनुज्जातदिवसे परियापन्नत्ता छन्नं चातुदसिकानं पच्छिमा पन्नरसी अनुपोसथदिवसो न होतीति सिद्धं होति। किञ्चापि सिद्धं, इमिना पन “आवासिकानं पन्नरसो, आगन्तुकानं चातुदसो, आगन्तुकेहि आवासिकानं समसमेहि वा अप्पतरेहि वा अनुवत्तितब्ब”न्ति वचनमेत्थ निरत्थकं होतीति वेदितब्बं।

दुतियादिसिक्खापदवण्णना निट्ठिता।

कुमारिभूतवग्गवण्णना निट्ठिता।

## ९. छत्तुपाहनवग्गवण्णना

### ११. एकादसमादिसिक्खापदवण्णना

१२१४. उपचारं सन्थाय कथितन्ति “द्वादसहत्थं उपचारो”ति लिखितं।

१२२१. सुत्तन्ते ओकासं कारापेत्वा विनयं वा अभिधम्मं वा पुच्छतीति एत्थ च तीणि पिटकानि अत्तनो अत्तनो नामेन वुत्तानीति कत्वा अभिधम्मो बुद्धेन भासितो एवाति दीपितं होति।

१२२४-५. थनो च उदरो च **थनुदरा**। “संकच्चिकाय पमाणं तिरियं दियड्ढहत्था”ति **पोराणगण्ठपदे** वुत्तं। “अपरिक्खितस्स गामस्स उपचारं ओक्कमन्तिया”ति बहूसु पोत्थकेसु, सङ्गादिसेसकण्डे विय “उपचारं अतिक्कमन्तिया”ति पाठो अप्पकेसु, सोव पाठो। **अट्ठकथायं** “परिक्खेपं अतिक्कमन्तियाति एकेन पादेन अतिक्कन्ते दुक्कटं, दुतियेन पाचिच्चियं। उपचारोपि एसेव नयो”ति वचनम्पि “उपचारं अतिक्कमन्तिया”ति पाठोति दीपेतीति नो तक्कोति आचरियो।

एकादसमादिसिक्खापदवण्णना निट्ठिता।

छत्तुपाहनवग्गवण्णना निट्ठिता।

## निगमनवण्णना

गिरग्गसमज्जादीनि “अचित्तकानि लोकवज्जानी”ति वुत्तत्ता “नच्च”न्ति वा “गन्धो”ति वा अजानित्वापि दस्सनेन, विलिम्पनेन वा आपज्जनतो वत्थुअजाननचित्तेन **अचित्तकानि**। “नच्च”न्ति वा “गन्धो”ति वा जानित्वा पस्सन्तिया, विलिम्पन्तिया च अकुसलत्ता एव **लोकवज्जानि**। चोरिवुट्ठापनादीनि “चोरी”तिआदिना वत्थुं जानित्वा करणे एव आपत्तिसम्भावतो **सचित्तकानि**। उपसम्पदादीनं एकन्तेन अकुसलचित्तेनेव अकत्तब्बत्ता **पण्णत्तिवज्जानि**। “इध सचित्तकाचित्तकता पण्णत्तिजाननाजाननताय अग्गहेत्वा वत्थुजाननाजाननताय गहेत्तब्बा”ति लिखितं। **अनुगण्ठपदे** पन “गिरग्गसमज्जादीनि ‘अचित्तकानि लोकवज्जानी’ति वुत्तत्ता ‘नच्च’न्ति वा ‘सङ्घाणी’ति वा ‘गन्धो’ति वा तस्स नामवसेन अजानित्वा मायाकारस्स मायानि सीसट्ठिआदीनि पटिसङ्घाय पस्सन्तिया, अक्खमालादिअत्थाय सङ्घाणि कटिया बन्धन्तिया, ‘सेदगन्धं अपनेत्वा बुद्धपूजं करिस्सामी’ति उप्पन्नेन चित्तेन गन्धं विलिम्पेत्वा नहायन्तिया च आपत्तिसम्भावतो नामेन सद्धिं नामवसेन वा वत्थुस्स अजाननचित्तेन **अचित्तकानि** नाम। न अन्धकारे ‘कटिसुत्तमिदं’न्ति सज्जाय सङ्घाणि गहेत्वा कटियं धारणकाले, मत्तिकासज्जाय च गन्धं गहेत्वा विलिम्पनकाले आपत्तिसम्भावतो ‘अचित्तकानी’ति वत्तब्बानि। तस्मिं काले अनापत्ति, तेनेव सङ्घाणिया असङ्घाणिसज्जावारेपि ‘आपत्ति पाचित्तियस्सा’ति पाळि न वुत्ता। यथा ‘खेतआबाधपच्चया, कटिसुत्तकं धारेती’ति वचनतो विनापि अकुसलेन सङ्घाणिआदीनि सक्का धारेतुन्ति सिद्धं, एवं आबाधपच्चया विनापि अकुसलेन न सक्का सुरं पातुन्ति सिद्धं ‘अनापत्ति आबाधपच्चया मज्जं पिवती’ति पाळिया अभावतो। अकुसलेन विना मधुपुण्णमुट्ठियं पक्खित्तमज्जस्स अज्झोहरणकालादीसु सुरापानापत्तिं आपज्जतीति च सिद्धं ‘मज्जे अमज्जसज्जी पिवति, आपत्ति पाचित्तियस्सा’ति (पाचि० ३२८) वुत्तत्ता। किं बहुना, कामभोगसज्जाय सद्धिं ‘सङ्घाणी’ति च ‘गन्धो’ति च जानित्वा विना अनापत्तिकारणेन धारेन्तिया एकन्ताकुसलत्ता **लोकवज्जानि** नाम वुच्चन्ति। इमिना उपायेन सेसेसुपि नयो नेतब्बो। एत्थ सुरापानाधिकारे उपतिस्सत्थेरवादो”ति वुत्तं। असंकच्चिकसिक्खापदे “अपरिक्खित्तस्स गामस्स उपचारं ओक्कमन्तियाति पाठो”ति च “पणीतभोजनविज्जत्ति, अचेलकसिक्खापदं, निमन्तितस्स चारित्तापज्जनं, दुट्ठुल्लप्पटिच्छादनं, ऊनवीसतिवस्सुपसम्पदं, मातुगामेन सद्धिं संविधाय अद्धानगमनं, राजन्तेपुरप्पवेसनं, सन्तं भिक्खुं अनापुच्छा विकाले गामप्पवेसनं, निसीदनं, वस्सिकसाटिकन्ति पाठो”ति च वुत्तं।

निगमनवण्णना निट्ठिता।

पाचित्तियकण्डवण्णना निट्ठिता।

उभतोविभङ्गट्टकथावण्णना निट्ठिता।

॥ नमो तस्स भगवतो अरहतो सम्मासम्बुद्धस्स ॥

## महावग्गवण्णना

### १. महाखन्धकवण्णना

#### बोधिकथावण्णना

यं खन्धके लीनपदादिभेद-पकासनं दानि सुपत्तकालं।

तस्मा अपुब्बं विनयत्थमेव, वक्खामि सङ्खेपगहणत्थं ॥

तत्थ केनट्ठेनायं खन्धकोति? खन्धानं समूहत्ता विभङ्गो विय। ते पन कथन्ति? खन्धानं पकासनतो दीपनतो। **खन्धाति** चेत्य पब्बज्जादिविनयकम्मसङ्घाता, चारित्तवारित्तिसिक्खापदसङ्घाता च पज्जत्तियो अधिप्पेता। पब्बज्जादीनि हि भगवता पज्जत्तत्ता

“पञ्जत्तियो”ति वुच्चन्ति । पञ्जत्तियञ्च **खन्ध**-सद्वो दिस्सति “दारुक्खन्धो अग्गिक्खन्धो उदकक्खन्धो”ति आदीसु विय । तेसं पञ्जत्तिसङ्घातानं खन्धानं पकासनतो वण्णनतो पब्बज्जक्खन्धकादयो वीसति “खन्धका”ति वुत्ता, अवसाने द्वे तंसदिसत्ता वेलाय सदिसत्ता सीलस्स वेलाति वचनं विय । अपिच भागरासत्थतापेत्थ युज्जते तेसं पञ्जत्तीनं भागतो च रासितो च विभत्तत्ता । किं पनेतेसं खन्धकानं अनुपुब्बकारणन्ति? नायं पुच्छा सम्भवति, अञ्जथा वुत्तेसुपि तप्पसङ्गानतिककमनतो । अथ वा पब्बज्जुपसम्पदापुब्बङ्गमत्ता सासनप्पवेसनस्स तदत्थसङ्गहको **महाखन्धको** पठमं वुत्तो । केनाति चे? धम्मसङ्गाहकत्थेरेहि । भगवता पन तत्थ तत्थ उप्पन्नवत्थुं पटिच्च तथा तथा वुत्तानि, न इमिना अनुक्कमेन । थेरा पन तं तं पयोजनं पटिच्च समानजातिके एकज्झं कत्वा अनुक्कमेन सज्झायिंसु । सेसानं पयोजनं तत्थ तत्थेव आवि भविस्सति ।

**खन्धकोविदा**ति पञ्जत्तिभागरासट्ठेन नेसं खन्धत्थकोविदा, निरुत्तिपटिसम्भिदापारप्पत्ताति अत्थो । तेसं अनुत्तानत्थानं पदानं संवण्णना । कस्मा पनेवं विसेसितन्ति? ततो सेसभागा युत्ता । मातिकाट्ठुप्पत्तिग्गहणम्पेत्थ पदभाजनियग्गहणेनेव वेदितब्बं । येहि अत्था येसं पदविसेसानं अट्ठकथायं पकासिता, तेसं ते पदविसेसे पुन इध वदेय्याम, वण्णनाय परियोसानं कदा भवे ते ते अत्थेति वुत्तं, तं तस्स निद्वेसेन युज्जति । उत्ताना चेव या पाळि, तस्सा संवण्णनाय किन्ति वत्तब्बं? न हि अत्था उत्तानाति सम्भवति । अधिप्पायानुसन्धीहीति आदिवचनेहिपि तं वचनं सम्भवतीति चे? न, अत्थग्गहणेन चेत्थ पदविसेसानं गहितत्ता । ते हि अत्थतो अनपेतत्थेन, अभिधानत्थेन वा अत्थोपचारेन वा अत्थाति वेदितब्बा । **संवण्णनानयो**ति संवण्णना नाम अवुत्तेसु उहापोहक्कमनिदस्सनतो “नयो”ति वुत्तो ।

**१. उरुवेला**ति यथावुत्तवालिकरासिवसेन लद्धनामको गामो, तस्मा समीपत्थे एतं भुम्मं । तथाभावदस्सनत्थं “**नज्जा नेरज्जराय तीरे**”ति आदि वुत्तं । अञ्जथा तस्मिं वालिकरासिम्हि विहरतीति आपज्जति, “उरुवेलं पिण्डाय पाविसीति येन उरुवेलसेनानिगमो”ति आदिवचनविरोधो च । **अट्ठकथायं** पन मूलकारणमेव दस्सितं । तत्थ तं **सन्धाय वुत्तं... पे०... दट्ठब्बो**ति निगमनवचनं । तं किमत्थन्ति चे? गामं सन्धाय यथावुत्तपदत्थसम्भवदस्सनत्थं । “सो पन गामो तदुपचारेन एवं नामं लभती”ति वचनं पन अवुत्तसिद्धन्ति कत्वा न वुत्तन्ति वेदितब्बं, अथ वा यस्स “उरुवेला”ति यथावुत्तवालिकरासिस्स, तस्स समीपगामस्सपि नामं । तत्थ आयस्मा **उपालित्थेरो** न इध गामं सन्धाय “उरुवेलायं विहरती”ति आह गोचरगामपयोजनाभावतो । न हि भगवा तं गामं गोचरं कत्वा तदा तत्थ विहासि, तस्मा एत्थ वालिकरासिस्स समीपे बोधिरुक्खमूले विहारं सन्धाय सो एवमाहाति दस्सेतुकामो अट्ठकथाचरियो एवमाहाति वेदितब्बं, तस्मा भगवतो गामतो दूरतरे अरज्जे अभिसम्बोधिदीपनेन दितियुप्पत्तिट्ठाननियमं तीहि पदेहि अकासि थेरोति वेदितब्बं, अञ्जथा पदत्तयवचनपयोजनाभावतो । तत्थ नदन्ता गच्छतीति नदी । नेलज्जलायाति वत्तब्बे **ल**-कारस्स **र**-कारं कत्वा “**नेरज्जराया**”ति वुत्तं, कदमसेवालविरहितत्ता निद्वोसजलायाति अत्थो, नीलजलायाति तस्सा नाममेव वा एतं ।

**बोधिरुक्खमूले**ति एत्थ च बोधि वुच्चति अभिसम्बोधो । सो च अत्थतो भगवतो चतुत्थमग्गजाणं होति “विमोक्खन्तिकमेतं नाम”न्ति (पटि० म० १.१६२) पटिसम्भिदावचनतो । किञ्चापि तं नामकरणभूतं चतुत्थफलजाणम्पि वत्तुं सम्भवति, कत्तब्बकिच्चानं पन करणतो तं चतुत्थमग्गजाणमेव एत्थ बोधीति वेदितब्बं । तेनेव **पाळियं** “ततियविज्जाय आसवानं खयजाणाया”ति तदेव दस्सितं । **अट्ठकथायं** पन “बोज्झङ्गा”ति, “बोधिपक्खिया धम्मा”ति च । तत्थ यस्मा चतूसु मग्गेसु जाणं “बोधी”ति वुच्चति, तस्मा सामञ्जतो वत्तुकामताधिप्पायवसेन “बोधि वुच्चति चतूसु मग्गेसु जाण”न्ति (चूळनि० खग्गविसाणसुत्तनिद्वेस १२१) वुत्तं इधाधिप्पेतजाणस्सपि तदन्तो गधत्ता । अथ वा **पाळियं** भगवतो आदिमग्गत्तयवचनस्स वुत्तट्ठानाभावा चतुत्थमग्गजाणमेव भगवतो उप्पन्नं, न भगवा सोतापन्नादिभावं पत्वा बुद्धो जातोति समयन्तरप्पसङ्गनिवारणत्थं “चतूसू”ति वुत्तं आदित्तयस्स चतुत्थउपनिस्सयसम्भवेन बोधिपरियायसिद्धितो । “पुग्गलोपि सेनासनम्पि उपनिस्सयपच्चयेन पच्चयो”ति (पट्ठा० १.१.९ पच्चयनिद्वेस) वचनतो फलहेतुको फलजनको रुक्खो फलरुक्खोति विय बोधिहेतुरुक्खो बोधिरुक्खोति वेदितब्बो । एत्थ “यस्मा केवलं बोधीति रुक्खस्सपि नामं, तस्मा बोधी”ति परतो वुत्तं । निग्रोधादिरुक्खतो अस्स विसेसनवचनं पन तदञ्जबोधिमूलप्पसङ्गनिवारणत्थं । मग्गजाणहि कुसलमूलत्ता बोधि च तं मूलञ्चाति सङ्ख्यं लभेय्य । पठमाभिसम्बुद्धो निसीदतीति सम्बन्धो । तेन अभिसम्बुद्धदिवसेन सद्धिं अट्ठाहं एकपल्लङ्केन निसिन्नभावं दस्सेति । एत्थ **एक**-सद्वो तस्स

निसज्जासङ्घातस्स पब्बज्जानुयोगानुरूपस्स पल्लङ्कस्स अज्जेन इरियापथेन अनन्तरियभावं अथस्स अकोपितभावं दस्सेति ।  
**विमुत्तिसुखन्ति** एत्थ विमुत्तियं वा सुखन्ति न सम्भवति । पच्चमज्झानिकत्ता भगवतो फलसमापत्तिसङ्घाता विमुत्ति एव अनुजङ्घनहेन  
 निब्बानसुखन्ति विमुत्तिसुखं, तं समापज्जनेन पटिसंवेदी अनुभवन्तो निसीदि । वेनेय्यकालानतिककमनतो तं अपेक्खमानो निसीदि,  
 न विमुत्तिसुखसङ्गेन ।

**अथ खोति** अधिकारन्तरारम्भे निपातद्वयं । तेन विमुत्तिसुखं पटिसंवेदयमानो न पटिच्चसमुप्पादं मनसाकासि, किन्तु ततो  
 वुट्ठायाति दस्सेति । पटिवेधवसेनेव सुमनसिकतस्स पटिच्चसमुप्पादस्स पुनप्पुनं मनसिकरणं गम्भीरत्ता अस्सादजननतो, न  
 अपुब्बनयदस्सनाधिप्पायतो । पच्चक्खभूतसब्बधम्मत्ता भगवतो असम्मोहतो, पटिविद्धस्स विसयतो वा मनसिकरणं पन  
 विजितदेसपच्चवेक्खणं विय रज्जो अपुब्बं पीतिं जनेति । वुत्तज्झि “अमानुसी रती होति, सम्मा धम्मं विपस्सतो”ति (ध० प० ३७३) ।  
**रत्तिया पठमं यामन्ति** अच्चन्तसंयोगवसेन उपयोगवचनं, तेन तस्स विकप्पनानत्ततं दस्सेति । किञ्चापि “अनुलोमपटिलोमं  
 मनसाकासी”ति एकतोव वुत्तं, तथापि इमिना अनुक्कमेनाति दस्सनत्थं “**अविज्जापच्चया**”तिआदि । तत्थ च किञ्चापि  
 पवत्तिमत्तपच्चवेक्खणा अधिप्पेता कथं पज्जायतीति? पठमभावाय, पटिलोममनसिकरणं पन अनुलोमे पच्चयानं, पच्चयुप्पन्नानञ्च  
 तथाभावसाधनत्थं । यस्मा अविज्जाय एव निरोधा सङ्खारनिरोधो, न अज्जथा, तस्मा सङ्खारानं अविज्जा पच्चयो, तस्सा च सङ्खारा  
 फलन्ति दीपनतो । तथा निब्बानपच्चवेक्खणाय अनुलोममनसिकरणं कारणनिरोधा फलनिरोधसाधनत्थं । एत्थ च अनुभावतो  
 निब्बानं दस्सितं । न हि तं अविज्जादिनिरोधमत्तन्ति । तत्थ “यतो खयं पच्चयानं अवेदी”ति वचनेन अनुलोमो नाधिप्पेतीति सिद्धं ।  
 मग्गपच्चवेक्खणाय वत्तब्बं नत्थि, उभयत्थपि किच्चतो, आरम्भणतो च तस्स मग्गस्स विसयतो च तत्थ मग्गो दस्सितो ।

तत्थाह — “पटिच्चसमुप्पादं पटिलोमं मनसाकासी”ति न युज्जति, न हि पटिलोमापदेसेन निद्विद्धं निब्बानं पटिच्चसमुप्पादो  
 भवितुमरहतीति? वुच्चते — न, तदत्थजाननतो । अनुलोमपटिलोमन्ति हि भावनपुंसकं । अनुलोमतो, पटिलोमतो च तं  
 पटिच्चसमुप्पादं मनसाकासीति हि तत्थ अत्थो । अज्जथा निरोधस्स पटिलोमप्पसङ्गापत्तियेवापज्जति । पटिलोमे च पनेतस्मिं  
 अनुक्कमनियमो अनुलोमे अनुक्कमनियमतो सिद्धोति वेदितब्बं । एवं सति पटिच्चसमुप्पादस्स पटिलोमो नाम अपटिच्चसमुप्पादोति  
 सिद्धं होति । तेन वुत्तं **अट्ठकथायं “निरोधो होतीति अनुप्पादो होती”**तिआदि । एवं सन्ते पुब्बापरविरोधो होति । कथं? **पटिच्चाति**  
 हि इमिना फलस्स पच्चयपरिग्गहेन, पच्चयानञ्च पच्चयायत्तुपगमनेन तस्स उप्पादाभिमुखभावदीपनतो असमुप्पादो न सम्भवति,  
 तस्मा अपटिच्चसमुप्पादोति एवं उभयपटिक्खेपेन पनस्स पटिलोमता वेदितब्बाति एके । तं अयुत्तं तस्स अनुलोमभावनियमनतो,  
 अत्थातिसयाभावतो, तस्मा अपटिच्चसमुप्पादो तस्स पटिलोमोति वेदितब्बं । तेनेव भगवता **पाळियं** पच्चयपच्चयुप्पन्ननिरोधो  
 वुत्तो । तत्थ हि “अविज्जाय त्वेव असेसविरागनिरोधा”ति एवं पच्चयस्स समुच्छिन्नपच्चयभाववसेन पच्चयनिरोधं, फलस्स  
 पच्चयपटिग्गहाभाववसेन पच्चयुप्पन्ननिरोधञ्च दीपेति । दुविधो **पाळियं** निरोधो अत्थतो अनुप्पादो नाम होतीति कत्वा **अट्ठकथायं**  
 “निरोधो होतीति अनुप्पादो होती”ति वुत्तं । एवं सन्ते निब्बानं पच्चयपच्चयुप्पन्नानं निरोधमत्तन्ति आपज्जतीति चे? न,  
 तस्सानुभावदीपनाधिप्पायतो । **विदितवेलायन्ति** मनसिकतवेलायन्ति अत्थो, अज्जथा ततो पुब्बे अविदितप्पसङ्गतो ।

**झायतोति** एत्थ कामं लक्खणूपनिज्झानेन झायतो बोधिपक्खियधम्मा पातुभवन्ति, चतुअरियसच्चधम्मा वा पकासन्ति, तथापि  
 पुब्बभागे समथादियानिकविभागदस्सनत्थं आरम्भणूपनिज्झानग्गहणं । चतुसच्चधम्मग्गहणं कामं  
 अनुलोमपटिच्चसमुप्पाददस्सनाधिकारेन विरुज्जति, तथापि “यो दुक्खं परिजानाति, सो समुदयं पजहती”ति लद्धिवसेन कतन्ति  
 वेदितब्बं ।

**२. “पच्चयक्खयस्सा”**ति किच्चपरियायवसेन वुत्तं । तेन पच्चयनिब्बानं, तदुपनिस्सयनिब्बानञ्चाति दुविधं निब्बानं दस्सितं  
 होतीति । कामञ्च तं न केवलं पच्चयक्खयमत्तं करोति, अथ खो पच्चयुप्पन्नक्खयम्पि करोति । यतो उभिन्नम्पि निरोधो दस्सितो,  
 तथापि हेतुनिरोधा फलनिरोधोति कत्वा “पच्चयक्खयस्सा”ति वुत्तं । **वुत्तप्पकारा धम्माति** एत्थ चतुसच्चग्गहणं पठमगाथायं  
 वुत्तनयविपल्लासेन कतन्ति वेदितब्बं ।

३. समुदयनिरोधसङ्घातो अत्थोति एत्थ समुदयो किच्चवसेन, निरोधो आरम्भणकिरियाय । एतेन द्विप्पकारा निरोधा दस्सिता होन्ति तस्स अनुभावस्स वसेनाति अत्थो । यस्मा पल्लङ्काभुजितट्ठानञ्च “पल्लङ्को”ति वुच्चति, तस्मा फलाधिगमट्ठानं “पल्लङ्को”ति वुत्तं ।

#### अजपालकथावण्णना

४. सम्मोदीति हितकामताय भगवा तेन ब्राह्मणेन सद्धि सम्मोदि । वेदेहि अन्तन्ति एत्थ निब्बानं अन्तो नाम । वेदानं वा अन्तं गतत्ताति एत्थ अरहत्तं । तत्थ पठमेन वेदन्तगू यस्मा, तस्मा एव वुसितब्रह्मचरियो । दुतियेन वेदन्तगू यस्मा, तस्मा वुसितब्रह्मचरियोति एवं योजना कातब्बा । किञ्चापि ब्राह्मणस्स चतुसच्चयुत्तं अत्थतो वुत्तं, उदानगाथायं वुत्तपटिवेधाभावं सन्धाय “धम्मचक्कप्पवत्तन”न्ति वुच्चतीति परिहारो ।

अजपालकथावण्णना निट्ठिता ।

#### मुचलिन्दकथावण्णना

५. मुचलिन्दवत्थुम्हि एतमत्थन्ति इदानीं वत्तब्बमत्थं सन्धाय वुत्तं । तं विवेकन्ति उपधिविवेकं । “अब्यापज्जं सुखं लोके”ति इमिना पठममगं दस्सेति तेन सत्तेसु मारणवसेन उप्पज्जनकब्यापादप्पहानसिद्धितो । “पाणभूतेसु संयमो”ति इमिना दुतियमगं दस्सेति । मग्गी हि पुग्गलो अवसिद्धब्यापादतनुत्तवसेन पाणभूतेसु संयतो होति विहिंसाधिप्पायाभावतो । एवं चत्तारो हि मग्गा अनुक्कमेनापि गहिता होन्ति ।

मुचलिन्दकथावण्णना निट्ठिता ।

#### राजायतनकथावण्णना

६. राजायतनं पातलि । “चतुदिसा आगन्त्वा”ति पाठसेसो । मुखवट्ठियं किरस्स दिन्नानं चतुन्नम्पि लेखापरिच्छेदो अत्थि, ते वाणिजा देवताय गारवदस्सनेन भगवतो रूपकायदस्सनेन पसन्नता सरणं अग्गहेसुं । देवताय “भगवा राजायतनमूले पठमाभिसम्बुद्धो”ति वचनं सुत्वा सावकसङ्घाभावं, अभिसम्बुद्धधम्मसम्भावञ्च जानिंसूति वेदितब्बं । जानन्तीति बुद्धाति सम्बन्धो ।

राजायतनकथावण्णना निट्ठिता ।

#### ब्रह्मयाचनकथावण्णना

७. अधिगतो खो म्यायन्तिआदिम्हि धम्मोति चतुसच्चधम्मो, गम्भीरत्ता दुदसो । दुदसत्ता दुरनुबोधो । सन्तोति निब्बुतो । पणीतोति अतप्पको । इदं द्वयं लोकुत्तरमेव सन्धाय वुत्तं । अतक्कावचरोति तक्केन आकारपरिवितक्केन ओगाहितब्बो न होति, जाणेनेव अवचरितब्बोति अत्थो । पण्डितवेदनीयोति सम्मापटिपदं पटिपन्नेहि पण्डितेहि वेदनीयो । सब्बसङ्खारसमथोतिआदि सब्बं निब्बानमेव । तज्जि फलूपचारेन एकम्पि समानं तथा तथा वुच्चति । रामाति पजा । अनु अनु अच्छरिया अनच्छरिया । तेसं भगवतो पुब्बभागपटिपदं सुतपुब्बानं, धम्मस्स वा गम्भीरभावं अधिगतपुब्बानं । किञ्चापि भगवतो चत्तारोपि मग्गा सुखप्पटिपदा, तथापि बोधिसत्तपटिपदं सन्धाय “किच्छेन मे”ति वुत्तं । “पकासितं पकासितु”न्ति उभयथापि पाठो । परेतेहि युत्तेहि । रागरत्ताति कामरागदिट्ठिरागेहि रत्ता । अत्तनिच्चादिगाहका न दक्खन्ति न पस्सिस्सन्ति ।

८. सहंपति किर “नस्सति वत भो लोको”ति इमं सद्दं तथा निच्छारेति, यथा दससहस्सिलोकधातुब्रह्मानो सुत्वा सन्निपत्तिसु ।



पञ्चामये अक्खिम्हि सन्तानानुसयितवसेन अप्पं परित्तं रागादिरजं एतेसं, एवंसभावाति **अप्परजक्खजातिका** । अस्सवनताति अस्सवनताय ।

**समलेहि** सत्थारेहि । **अपापुरे**तन्ति विवर एतं । **अमतस्स** द्वारन्ति अरियमग्गं, चतुसच्चधम्मं वा । विज्जत्तयचतुमग्गजाणेहि पुनप्पुनं **बुद्धं** पटिविद्धं । **सेले**ति सिलामये । विगतजत्ता सुखदस्सनयोगे इतो च एत्तो च आगन्त्वा यथा ठितो चक्खुमा पुरिसो समन्ततो जनतं पस्सेय्य । त्वम्पि **सुमेध** सुन्दरपञ्च सब्बज्जुतज्जाणाधिगमाय **समन्तचक्खु** । सब्बकिलेससङ्गामानं विजितत्ता **विजितसङ्गाम** । जातिकन्तारादिनित्थरणत्थं वेनेय्यजनसत्थवाहनसमत्थताय **सत्थवाह** । कामच्छन्दइणस्स अभावतो **अणण** ।

**९. बुद्धचक्खुना** इन्द्रियपरोपरियत्तजाणेन च आसयानुसयजाणेन च । इमेसज्हि द्विन्नं जाणानं “बुद्धचक्खू”ति नामं । **उप्पलिनियन्ति** उप्पलवने । एवं सेसेसुपि । **अन्तो निमुग्गपोसीनी**ति यानि अन्तो निमुग्गानेव पोसियन्ति, तत्थ यानि **उदकं अच्युग्गम्म ठितानि**, तानि सूरियरंसिसम्फस्सं आगमयमानानि ठितानि अज्ज पुप्फनकानि । यानि **समोदकं ठितानि**, तानि स्वे पुप्फनकानि । यानि उदकानुगगतानि, तानि ततियदिवसे पुप्फनकानि । उदका पन अनुगगतानि अज्जानिपि सरोगउप्पलादीनि नाम होन्ति । यानि नेव पुप्फिस्सन्ति मच्छकच्छपभक्खानेव भविस्सन्ति, तानि पाळिनारुळ्हानि, आहरित्वा पन दीपेतब्बानि । एतेहि उग्घटितज्जू विपज्चितज्जू नेय्यो पदपरमोति चत्तारो पुग्गला योजेतब्बा । **पच्चभासी**ति पति अभासि ।

**अपारुता**ति विवटा । पच्छिमस्स पदद्वयस्स अयमत्थो । अहज्हि अत्तनो पगुणं सुप्पवत्तम्पि इमं पणीतं उत्तमं धम्मं कायवाचाकिलमथसज्जी हुत्वा नाभासि ।

ब्रह्मयाचनकथावण्णना निद्धिता ।

### पच्चवगियकथावण्णना

**१०.** इदानी पन सब्बो जनो सद्धाभाजनं उपनेतु, पूरेस्सामि नेसं सङ्कप्पन्ति । **अप्परजक्खजातिको**ति समापत्तिया विक्खम्भितकिलेसत्ता निक्किलेसजातिको । **आजानिस्सती**ति चे न निट्ठानमकंसु धम्मसङ्गाहका ते विनयक्कमज्जा, अहं देसेय्यं पटिविज्झिस्सतीति अधिप्पायो, “मुद्धापि तस्स विपतेय्या”ति (अ० नि० ८.११; पारा० २) एत्थ विय अभूतपरिकप्पो किरेशो । लोके तस्स अधिमुत्तभावदीपनत्थज्हि इदं वचनं अत्तनो तदुपदेसेन अविदितभावदीपनत्थं । तस्स अनन्तेवासिकभावदीपनत्थन्ति एवमादीनि पनेत्थ पयोजनानि । **भगवतोपि खो जाणन्ति** सब्बज्जुतज्जाणं तस्स मरणारम्मणं उप्पज्जि । तेन ततो पुब्बे तस्स सति धम्मदेसनाय खिप्पं जाननभावारम्मणन्ति दीपेति । परोपदेसतो अजानित्वा पच्चक्खतो मरणसच्छिकिरियम्पि दस्सेति । बुद्धानम्पि अनेकजाणसमोधानाभावतो सुवुत्तमेतं । चित्तपुब्बिका हि चित्तप्पवत्ति, अज्जथा नवसत्तपातुभावप्पसङ्गो । सब्बधम्मानं एकतो गहणे विरुद्धकालानं एकतो जाननप्पसङ्गो । ततो एकजाणस्स वितथभावप्पत्तिदोसो, तस्मा सब्बस्स विनानेकजाणसमोधानं आपज्जितधम्मेसु अप्पटिहतजाणवन्तत्ता पन सब्बज्जू एव भगवाति वेदितब्बं, न सब्बकालं एकतो । आळारादीनं मरणाजाननतोति चे? न, तस्स जाननेन पुथुज्जनस्सापि सब्बज्जुतापत्तिप्पसङ्गतो । यदाभावेन यदाभावो तब्भावेन तस्साभावप्पसङ्गो लोके सिद्धोति । “भगवतोपि खो जाणं उदपादी”ति वचनतो तस्स मरणजाननं सिद्धन्ति कत्वा भवं मतेनेव भगवा सब्बज्जूति सिद्धं न देवतारोचनतो पुब्बे अजाननतोति चे? न, विसेसं परिग्गहेत्वा अन्तरा पजाननतो, देवताय सब्बज्जुभावप्पत्तिदोसतो च । न हि सो कस्सचि वचनेन अज्जासीति ।

अपिच किमिदं तत्थ जाननं नाम तदारम्मणजाणुप्पत्तीति चे? न, लोके सब्बज्जुनो अच्चन्ताभावप्पसङ्गतो । साधिका हि मया एकजाणक्खणे सब्बं जाणं, तदज्जेसज्ज तदज्जाणानुप्पत्ति । अपिच सब्बज्जुनो सब्बधम्मविसये जाणपच्चुपट्टानसिद्धि तस्स जाणस्स अत्तनाव अत्तनो अविसयोति चे? न, हेतुनिदस्सनानुप्पत्तितो । अपिच “भगवतोपि खो जाणं उदपादी”ति एत्थ विसेसवचनं अत्थि । येन देवतारोचनुत्तरकालमेव भगवतो जाणं उदपादीति पज्जायति । न हि वचनपुब्बापरियभावमत्तेन तदत्थपुब्बापरियता होति, तस्मा

अयुत्तमेतं। **अभिदोसकालंकतो**ति पठमयामे कालंकतो। “मज्झिमयामे”तिपि वदन्ति। उभयत्यपि महाजानियो। सत्तदिवसब्भन्तरे, एकदिवसब्भन्तरे च पत्तब्भमग्गफलतो परिहीनत्ता महती जानि अस्साति **महाजानि**। तेसु हि द्वीसु आळारो आकिञ्चज्जायतनभवे निब्बत्तो, उदको भवग्गो, तस्मा नेसं धम्मदेसनाय अक्खणे निब्बत्तभावं सन्धाय भगवा एवं चिन्तेसि, न इतो मनुस्सलोकतो चुतिभावं सन्धायाति वेदितब्बं। अबुद्धवेनेय्यतञ्च सन्धायाति नो तक्को, अञ्जथा अनिट्ठप्पसङ्गोति आचरियो।

बोधिसत्तस्स जातकाले सुपिनपटिग्गाहका चेव लक्खणपरिग्गाहका च अट्ठ ब्राह्मणा। तेसु तयो द्विधा व्याकरिंसु “इमेहि लक्खणेहि समन्नागतो अगारं अज्झावसन्तो राजा होति चक्कवत्ति, पब्बजन्तो बुद्धो”ति। पञ्च ब्राह्मणा “अगारे न तिड्ढति, बुद्धोव होती”ति एकंसव्याकरणाव अहेसुं। तेसु पुरिमा तयो यथामन्तपारं गता। इमे पन मन्तपारं अतिक्कमन्ता अत्तना लद्धं पुञ्जमहत्तं विस्सज्जेत्वा बोधिसत्तं उट्ठिस्स पुरेतरमेव पब्बजिंसु। इमे सन्धाय वुत्तं “**पञ्चवगिया**”ति। “तेसं पुत्ता”तिपि वदन्ति, तं **अट्ठकथायं** पटिक्खत्तं। कस्मा पनेत्थ भगवा “बहूपकारा खो मे”ति चिन्तेसि। किं उपकारकानं एव एस धम्मं देसेति, इतरेसं न देसेतीति? नो न देसेति। उपकारानुस्सरणमत्तकेनेव वुत्तन्ति अट्ठकथानयो। अत्तनो कतञ्चुकतवेदिभावप्पकासनत्थं, कतञ्जुतादिपसंसनत्थं, परेसञ्च कतञ्जुभावादिनियोजनत्थं, खिप्पजाननप्पसङ्गनिवारणत्थं।

**११. अन्तरा च गयं अन्तरा च बोधि**न्ति गयय च बोधिया च मज्झे तिगावुत्तरे ठाने। बोधिमण्डतो हि गया तीणि गावुतानि। बाराणसिनगरं अट्ठारस योजनानि। उपको पन बोधिमण्डस्स च गयय च अन्तरे भगवन्तं अट्ठस। **अन्तरा**-सद्धेन पन युत्तत्ता उपयोगवचनं कत्तं। ईदिसेसु च ठानेसु अक्खरचिन्तका एकमेव अन्तरासद्धं पयुज्जन्ति, सो दुतियपदेपि योजेतब्बो। अयोजियमाने पन उपयोगवचनं न पापुणाति। इध पन योजेत्वाव वुत्तोति।

**सब्बाभिभूति** सब्बं तेभूमकधम्मं अभिभवित्वा ठितो। **तण्हक्खये**ति निब्बाने। **विमुत्तो**ति आरम्मणतो विमुत्तो। **नत्थि मे पटिपुगगलो**ति मय्हं पटिपुगगलो नाम नत्थि, असदिसोति अत्थो, मम सब्बञ्जुभावे दोसं दस्सेत्वा लोके ठातुं असमत्थताय मम पच्चत्थिकपुगगलो वा नत्थीति अत्थो। **आहज्जं अमतदुन्दुभिन्ति** धम्मचक्खुपटिलाभाय अमतभेरिं पहरिस्सामीति गच्छामि।

अरहसि अनन्तजिनो भवितुं युत्तो त्वन्ति अत्थो। इदम्पि अत्तनो सत्थुनामं। **हुपेय्यासी**ति आवुसो एवम्पि नाम भवेय्य। **पक्कामी**ति **वड्ढहारजनपदं** नाम अगमासि। भगवापि “तत्थ तस्स मिगलुद्धकस्स धीतुया चापाय उक्कण्ठित्वा पुन आगन्त्वा अनागामी अयं भविस्सती”ति उपनिस्सयसम्पत्तिं दिस्वा तेन सद्धिं आलपि। सो च तथेवागन्त्वा पब्बजित्वा अनागामी हुत्वा अनुक्कमेन कालं कत्वा अविहेसु उप्पज्जित्वा अरहत्तं पापुणि।

**१२. सण्ठपेसु**न्ति कतिकं अकंसु। **पधानविब्भन्तो**ति पधानतो भट्ठो परिहीनो। “अभिजानाथ नु भासितमेतं”न्ति, “वाचं भासितमेव”न्ति च एवरूपं कञ्चि वचनभेदं अकासीति अधिष्पायो। **भगवन्तं सुस्सूसिंसू**ति भगवतो वचनं सोतुकामा अहेसुं। **अज्जा**ति अज्जाय, जानितुन्ति अत्थो।

**१३.** अथ किमत्थं आमन्तेसीति? ततोपि सुट्ठतरं पटिजाननत्थं, धम्मस्स अभिभारियदुल्लभभावदीपनत्थं, अक्खरविक्खेपनिवारणत्थञ्च। तत्थ **द्वेमे**ति अन्तद्वयवचनं अज्जेसम्पि तदन्तो गधभावतो। अपिच योजनावसेन। तण्हा अविज्जाति हि संसारप्पवत्तिया सीसभूता द्वे किलेसा। ते च समथविपस्सनानं पटिपक्खभूतत्ता **अन्ता** नाम। तेसु तण्हावसेन कामसुखल्लिकानुयोगं भजन्तो समथं परिहापेति बालो, तथा अविज्जावसेन अत्तकिलमथानुयोगं भजन्तो गच्छन्तो विपस्सनन्ति न सक्का उभो द्वे अन्ते अप्पहाय अमतं अधिगन्तुन्ति एवं वुत्ता। अपिच लीनुद्धच्चपहानदस्सनमेतं। लीनो हि निक्खित्तवीरियारम्भो कामसुखञ्च भजति, इतरो अच्चारद्धवीरियो अत्तकिलमथं। उभोपि ते वीरियसमताय पटिपक्खत्ता अन्ता नाम। अपिच तिस्सो सासने पटिपदा वुत्ता आगाळ्हा, निज्झामा, मज्झिमा च। तत्थ **आगाळ्हा** “पाणातिपाती होति, नत्थि कामेसु दोसो”ति एवमादिका। **निज्झामा** “अचेलको होति, मुत्ताचारो”ति एवमादिका, **मज्झिमा** “अयमेव अरियो अट्ठङ्गिको मग्गो”ति एवमादिका। तत्थ कामसुखल्लिकानुयोगो आगाळ्हा नाम पटिपदा होति सब्बाकुसलमूलत्ता। अत्तकिलमथानुयोगो निज्झामा नाम अत्तज्झापनतो।

उभोपेते मज्झिमाय पटिपदाय पटिपक्खभूतत्ता अन्ता नाम, तस्मा इमेव सन्धाय द्वेमेति । किमत्थं भगवा “पब्बजितेन न सेवितब्बा”ति पब्बजिते एव अधिकरोति, न गहट्ठेति? पब्बजितानं तदधिमुत्तत्ता, सुखपरिवज्जनसमत्थताय, तदधिकतत्ता च पब्बजिता एत्थ अधिकता, न गहट्ठा । यदि एवं किमत्थं कामसुखल्लिकानुयोगमाह, ननु ते पकतियापि कामपरिच्चागं कत्वा तं निस्सरणत्थं पब्बजिताति? न, तेसं अन्तद्वयनिस्सितत्ता । ते हि इध लोके कामेन विसुद्धिमिच्छन्ति अत्तकिलमथानुयोगमनुयुत्ता तस्सेव तपस्स फलेन पेच्च दिब्बे कामे आसीसमाना दब्बहतरं कामसुखल्लिकानुयोगमनुयुत्ताति वेदितब्बा । अन्तत्थो पन इध कुच्छित्ठेन वेदितब्बो “अन्तमिदं, भिक्खवे, जीविकानं, यदिदं पिण्डोल्य”न्तिआदीसु (इतिवु० ११; सं० नि० ३.८०) विय ।

**यो चायं कामेसु कामसुखल्लिकानुयोगोति** एत्थ **कामेसूति** वत्थुकामो अधिप्पेतो, दुतियो किलेसकामो । तंसम्पयुत्तसुखमेत्थ कामसुखं नाम । तेन विपाकसुखस्स निरवज्जभावं दीपेतीति । **अल्लीयनं** नाम तदभिनन्दना । **अनुयोगो** नाम भवन्तरे तदनुयोगपत्थना । हानभागियकरत्ता कुसलपक्खस्स, हीनपुग्गलभावितत्ता, हीनधातुपभवत्ता च लामकट्ठेन **हीनो** । गामनिवासिसत्तधम्मत्ता **गम्मो** । पुथुज्जनसाधारणत्ता **पोथुज्जनि**को । **अनरियोति** अरियानं अनधिप्पेतत्ता, अरियधम्मपटिपक्खत्ता, अनरियकरत्ता, अनरियधम्मत्ता, अनरियाचिण्णत्ता च वेदितब्बो । अनत्थसङ्घातसंसारभयावहत्ता, अनत्थफलनिब्बत्तकत्ता च **अनत्थसंहितो** । अत्तनो केवलं खेदूपगमो अत्तकिलमथो नाम । सो दिट्ठिगतपुब्बकत्ततपानुक्कमकिरियाविसेसं निस्साय पवत्तति, तस्स दिट्ठिवसेन अनुयोगो **अत्तकिलमथानुयोगो** नाम । अत्तवियोगवित्तापरिस्समत्ता, अनुपायपवत्तत्ता सम्पज्जमानो मिगयोनिगोयोनिक्कुरयोनिस्सूकरयोनीसु पातायति । विपच्चमानो नरकं नेतीति अनत्थसंहितो । **एते त्वाति** एते तु । **तथागतेनाति** अत्तानं अवितथागमनं आवि करोति, तेनेतं दस्सेति “न मया परिवितक्कितमत्तेन वितक्किता, किन्तु मया तथागतेनेव सता अभिसम्बोधिजाणेन अभिसम्बुद्धो”ति । **चक्खुकरणीति** आदीहि पन तमेव पटिपदं थोमेति । भेसज्जं आतुरस्स विय “चक्खुकरणी”ति इमिना जाणचक्खुविसोधनं वुत्तं । **जाणकरणीति** इमिना अन्धकारविधमनं वुत्तं । **उपसमायाति** किलेसपरिच्छाहपटिप्पस्सद्धि वुत्ता । **अभिज्जायाति** सच्चपटिवेधनं वुत्तं । **सम्बोधायाति** सच्चपटिविज्जनं वुत्तं । **निब्बानायाति** सोपादिसेसनिब्बानधातुया अनुपादिसेसनिब्बानधातुयाति एवं यथासम्भवं योजेत्वा कथेतब्बं ।

१४. कस्मा पनेत्थ भगवा अज्जत्थ विय अनुपुब्बिं कथं अकथेत्वा पठममेव असेवितब्बमन्तद्वयं वत्वा मज्झिमपटिपदं देसेसीति? अत्तादिमिच्छाभिमाननिवारणत्थं, कुम्मग्गपटिपत्तिनिवारणत्थञ्च अन्तद्वयवज्जनं वत्वा अत्तनो विसेसाधिगमदीपननयेन अबाहुल्लिकादिभावदस्सनत्थं, तेसञ्च मज्झिमपटिपदादीपनेन तत्थ अनुयोजनत्थं पच्छा सम्मापटिपदं देसेसि, ततो तस्स मज्झिमपटिपदासङ्घातस्स अरियमग्गस्स विसयदस्सनत्थं चतुसच्चधम्मं सङ्खेपवित्थारवसेन देसेतुकामो “**इदं खो पन, भिक्खवे, दुक्खं**”न्तिआदिमाह, अयमेत्थ अनुसन्धि । “इदं दुक्खं अरियसच्चन्ति मे, भिक्खवे”तिआदि सुत्तानुसन्धिपकआसनत्थं अयमनुक्कमो वेदितब्बो । यथावुत्तं पटिपदं सुत्वा किर कोण्डञ्जो आह “कथं भगवता वुत्तपटिपदाय उप्पत्ति सिया । अयज्हि पटिपदा किलेसानं अनुप्पत्तिया सति सम्भवति, न अज्जत्था । किलेसानञ्च यदि लोभतो उप्पत्ति खुप्पिपासानं विय, तदासेवनाय अनुप्पत्ति सिया, तदवत्थुस्स वा तेसं उप्पत्ति । तदवत्थुविपरीतकायकिलमथासेवनाय अनुप्पत्ति सिया । उभोपेता भगवता ‘अन्ता’ति वुत्ता, तस्मा कथं पनेतिस्साय सम्मापटिपदाय उप्पत्ति सम्भवेय्या”ति । भगवा आह अनुपायासेवनतो । कथन्ति चे? —

“संसारमूलतो जाणं, तज्ज जाणा पहिय्यति ।  
जीविते सति तं होति, तज्ज जीवितसाधने ॥

“तस्मा जाणाय मेधावी, रक्खे जीवितमत्तनो ।  
जाणसाधनभूतज्ज, सीलज्ज परिपालये ॥

“जीवितज्ज यथा लोके, भिन्ने काये न विज्जति ।  
तथेव भिन्नसीलस्स, नत्थि जाणस्स सम्भवो ॥

“तस्मा आयुञ्च सीलञ्च, जाणत्थं रक्खता सता ।  
सेवितब्बा न कामापि, नापि कायविनासना ॥

“कामेसु गेधमुपगम्म हिनो गम्मञ्च,  
अच्चुद्धनो किलमथं गमुपेति मूळ्हो ।  
यो मज्झिमं पटिपदं परमं उपेति,  
सो खिप्पमेव लभते परमं विमोक्ख”न्ति ॥

सुत्वा तदेतं सुगतस्स वाक्यं,  
पज्जं मुनी सो सुतजं लभित्वा ।  
चिन्तामयं जाण पवेसमानो,  
उच्छिन्दयं पज्जमिमं अपुच्छि ॥

“निब्बेधपदद्वानं पहाय घोरं,  
तपं कथमिवाति सो त्वं ।  
ब्रूहि तदेव होति भिक्खु चर,  
विरागमुपयाति च दुक्खसच्चस्स ।  
दस्सनेनेव दुक्खानुभवना,  
तम्मि दोसस्स पच्चयो”ति ॥

सुत्वाव कोण्डञ्जो मुनिवचनं,  
वुट्ठाय हट्ठो सहसा अवोच ।  
“उदाहर त्वं भगवा ममेतं,  
भिक्खु यथा पस्सति दुक्खसच्च”न्ति ॥

चिन्तामयिस्स पज्जापरिपुण्णा भावनामयिपज्जासम्पत्ति जानितब्बा इमेहि इति भगवा सुत्तमिदमाहाति किर । कस्मा भगवा कोण्डञ्जस्स पुरिममेव सच्चदेसनं अवट्ठेत्वा अत्तनो अधिगतक्कममाहाति? नाहं कस्सचि आगमं देसेमि, अपिच खो सयमेव एवमधिगतोमहीति दस्सनत्थं । तत्थ “पुब्बे अननुस्सुतेसु धम्मेषू”ति इमिना इदं अत्थद्वयं दस्सेति, न मया आळारतो, उदकतो वा अयं धम्मो सुतो, किन्तु पुब्बे अननुस्सुतेस्वेव जाणं मे उदपादीति मज्झिमाय पटिपदाय आनुभावं पकासेति । अपिच यस्मा एवं पटिपन्नो विनापि परोपदेसेन अरियसच्चानि पस्सति, तस्मा कथं तुम्हेव ममापदेसेन न पस्सथाति ।

**१५. चक्खुन्ति** आदीनि पञ्च पदानि जाणवेवचनानेव । जाणज्हि सच्चानं आलोचनतो चक्खुभूतत्थजाननतो **जाणं** । पकारेहि जाननतो **पज्जा** । किलेसविदारणतो, विज्जनतो च **विज्जा** । सच्चच्छादकतमविनासनतो, तेसं गतिकोटिपकासनतो **आलोको**ति वेदितब्बं । तत्थ पठमेन परिवट्ठेन सच्चानं अज्जमज्जं असङ्करतो ठपनपज्जं दस्सेति, दुतियेन तेसं कत्तब्बाकारपरिच्छिन्दनपज्जं, ततियेन सच्चेसु जाणकिच्चसन्निट्ठानं दस्सेति ।

**१६. यावकीवज्जा**ति द्वीहि पदेहि यावइच्चेव वुत्तं होति “इति चित्तमनो”ति आदि विय । रागादीहि अकुप्पताय **अकुप्पा विमुत्ति** । **वेय्याकरण**न्ति धम्मदेसना । सा हि धम्मानं ब्याकरणतो पकासनतो “वेय्याकरण”न्ति वुच्चति । **विरजं वीतमल**न्ति एत्थ विरजं विसमहेतुवादविगमतो । वीतमलं अहेतुकवादविगमतो । विरजं सस्सतदिट्ठिप्पहानतो । वीतमलं उच्छेददिट्ठिप्पहानतो । विरजं परियुट्ठानप्पहानतो । वीतमलं अनुसयप्पहानतो । **धम्मचक्खुन्ति** धम्ममत्तदस्सनं, न तत्थ सत्तो वा जीवो वा कारको वा वेदको वाति,

तेनेवाह “यं किञ्चि समुदयधम्मं, सब्बन्तं निरोधधम्मं”न्ति । इदञ्चि तस्स धम्मचक्खुस्स उप्पत्तिआकारदस्सनत्थं वुत्तं । तञ्चि निरोधं आरम्भणं कत्वा किच्चवसेन एव सङ्खुत्तं पटिविज्झन्तं उप्पज्जति ।

**१७. धम्मचक्कन्ति** एत्थ देसनाजाणं अधिप्पेतं, पटिवेधजाणञ्च लब्धतेव । एत्थ किमत्थं देवा सद्धमनुस्सावेसुन्ति? नानादिट्ठिगतन्धकारविधमनतो लद्धालोकता, अपायभयसमतिकमनतो अस्सासं पत्तत्ता, देवकायविमानदस्सनतो पीतिपामोज्जचलितत्ता चाति एवमादीनेत्थ कारणानि वदन्ति । पथविकम्पनमहासद्धपातुभावो च धम्मतावसेनेव होतीति एके । देवतानं कीळितुकामताय पथविकम्पो । बहूनो देवसङ्घस्स सन्निपाततो, भगवतो सरीरप्पभाजालविसज्जनतो चाति एकच्चे ।

**१८.** पब्बज्जुपसम्पदाविसेसन्ति अत्थो । तत्थ इति-सद्धो तस्स एहिभिक्षूपसम्पदापटिलाभनिमित्तवचनपरियोसानदस्सनो । तदवसानो हि तस्स भिक्षुभावो । **स्वाक्खातो**तिआदि “एही”ति आमन्तनाय पयोजनदस्सनवचनं । “एहिभिक्षू”ति भगवा अवोच “स्वाक्खातो धम्मो चर...पे... किरियाया”ति च अवोचाति पदसम्बन्धो । तत्थ **चर ब्रह्मचरियन्ति** अवसिट्ठं मग्गत्तयब्रह्मचरियं समधिगच्छ । किमत्थं? सम्मादुक्खस्सन्तिकिरियायाति अत्थो । “एहिभिक्षू”ति इमिना भगवतो वचनेन निष्फन्नत्ता कारणूपचारेण “**एहिभिक्षूपसम्पदा**”ति वुत्ता । साव तस्सायस्मतो यावजीवं उपसम्पदा अहोसीति अत्थो । तेन तस्सा उपसम्पदाय सिक्खापच्चक्खातादिना विच्छेदा वा तदञ्जाय उपसम्पदाय किच्चं वा नत्थीति इदमत्थद्वयं **अट्टकथायं** दस्सेति । अट्टन्मि उपसम्पदानं एहिभिक्षुओवादपटिगहणपञ्चव्याकरणगरुधम्मपटिगहणूपसम्पदानं चतुन्नं अञ्जतराय उपसम्पन्नस्स अन्तरा विच्छेदो वा तदञ्जूपसम्पदाय किच्चं वा नत्थि, इतरस्सत्थीति । निकायन्तरिका पनाहु “बुद्धपच्चेकबुद्धानं नियामोक्कन्तिसङ्घाताय उपसम्पदाय जत्तिचतुत्थकम्पुपसम्पदञ्च दसवग्गपञ्चवग्गकरणीयवसेन द्विधा भिन्दित्वा दसविधोपसम्पदा”ति । का पनेत्थ अत्थतो उपसम्पदा नामाति? तदधिगतकिरियावसेन निब्बत्तिया असेक्खा तदधिवासनचेतनाय परिभावितपञ्चक्खन्धिका अज्झत्तसन्तति । का पनेत्थ परिभावना नाम? तब्बिपक्खधम्मज्झाचारविरुद्धभावो, तस्स पत्तिया ताय परिभावनाय वसेन कत्थचि “**समन्नागतो**”ति वुच्चति । यथाह “लोभेन समन्नागतो, भिक्षवे, अभब्बो चत्तारि सतिपट्टानानि भावेतु”न्तिआदि । एत्थाहु निकायन्तरिका “यथावुत्ताय उपसम्पदाय पत्तिसङ्घातो चित्तविप्पयुत्तो सङ्खारक्खन्धपरियापन्नो धम्मो अत्थि, तस्स सन्ततिवसेन पुब्बापरियं उप्पज्जमानस्स याव अविच्छेदो, ताव उपसम्पन्नोति, अञ्जथा ततो धम्मन्तरुप्पत्तिकखणे तस्स उपसम्पन्नस्स अनुपसम्पन्नभावप्पसङ्गो आपज्जती”ति । ते वत्तब्बा “सुत्तं आहरथा”ति । ते चे वदेय्युं “यो तेसं दस्सनं असेक्खानं धम्मानं उपादाय पटिलाभसमन्नागमो अरियो होति विप्पहीनोति एवमादीनि नो सुत्तानी”ति । एवं सति असन्तधम्मोहि, परसत्तेहि च समन्नागमदोसप्पसङ्गो नेसं पापुणाति । किंकारणं? सुत्तसम्भवतो । यथाह — “राजा, भिक्षवे, चक्कवत्ती सत्तहि रतनेहि समन्नागतो होती”ति (दी० नि० ३.१९९-२०० अत्थतो समानं) वित्थारो । वसिभावो तत्थ समन्नागतसद्देन वुत्तो । तस्सहितेसु रतनेसु वसिभावो कामचारो अत्थीति चे? एत्थ वसिभावो समन्नागमसद्देन वुत्तो, अञ्जत्थ पत्तिसङ्घातो, तं धम्मन्तरन्ति । किमेत्थ विसेसकारणं? नत्थि च, तस्मा यथावुत्तलक्खणाव उपसम्पदा । अयमेव नयो पब्बज्जादीसुपि नेतब्बो ।

**१९.** किञ्चापि वप्पत्थेरस्स पाटिपददिवसे...पे... अस्सजित्थेरस्स चतुत्थियन्ति एवं नानादिवसेसु पाटेक्कं धम्मचक्खुं उदपादि, तथापि ओवादसामञ्जेन वप्पभद्वियानं, महानामअस्सजीनञ्चेत्थ एकतो वुत्तन्ति वेदितब्बं ।

**२०.** “रूपं, भिक्षवे, अनत्ता”ति किमत्थं आदितोव अनत्तलक्खणं दीपेतीति? तेसं पुथुज्जनकालेपि इतरलक्खणद्वयस्स पाकटत्ता । ते हि मनापानं कामानं अनिच्चतादस्सनेन संविग्गा पब्बजिसूति अनिच्चलक्खणं ताव नेसं एकदेसेन पाकटं, पब्बजितानञ्च अत्तकिलमथानुयोगतो कायिकदुक्खं, तञ्च मानसस्स पच्चयोति मानसिकदुक्खञ्च पाकटं, तस्मा तदुभयं वज्जित्वा अनत्तलक्खणमेव दीपेतुं आरभि । तञ्च दीपेन्तो दुक्खलक्खणेनेव दीपेतुं “**रूपञ्च हिदं, भिक्षवे, अत्ता अभविस्सा**”तिआदिमाह । किमत्थन्ति? अनिच्चलक्खणतोपि तेसं दुक्खलक्खणस्स सुट्ठतरं पाकटत्ता । तेसञ्चि अत्तकिलमथानुयोगमनुयुत्तत्ता, तप्परायणभावतो च दुक्खलक्खणं सुट्ठ पाकटं, तस्मा तेन ताव सुट्ठ पाकटेन अनत्तलक्खणं दीपेत्वा पुन तदेव तदुभयेनापि दीपेतुं “तं किं मज्जथ, भिक्षवे, रूपं निच्चं वा अनिच्चं वा”ति वक्खति । **कल्लं** नूति युत्तं नु । **एतं ममाति**

तण्हाग्गाहो । **एसोहमस्मी**ति मानग्गाहो । **एसो मे अत्ता**ति दिट्ठिग्गाहो । तण्हाग्गाहो चेत्थ अट्ठसततण्हाविचरितवसेन, मानग्गाहो नवविधमानवसेन, दिट्ठिग्गाहो द्वासट्ठिदिट्ठिवसेन वेदितब्बो ।

पञ्चवगियकथावण्णना निट्ठिता ।

### पब्बज्जाकथावण्णना

२५. येन समयेन भगवा पञ्चवगिये पञ्चमियं अरहत्ते पतिट्ठापेत्वा सत्तमियं **नाळकत्थेरस्स** नाळकपटिपदं आचिक्खित्वा भद्दपदपुण्णमायं यसस्स इन्द्रियानं परिपक्कभावं जत्वा तं उदिकखन्तो बाराणसियं विहासि, तेन समयेन यसो नामाति सम्बन्धो । तस्स किर उपत्तितो पट्ठाय तस्स कुलस्स कित्तिसदसङ्घातो, परिजनसङ्घातो वा यसो विसेसतो पवड्ढति । तेन तस्स मातापितरो एवं नाममकंसु । **“सुखुमालो”**तिआदि किमत्थं आयस्मता **उपालित्थेरेन** वुत्तन्ति? पच्छिमजनस्स नेक्खम्मे समुस्साहनजननत्थं । एवं उत्तमभोगसमप्पितानम्पि उत्तमेसु भोगेसु अप्पमत्तकेनापि असुभनिमित्तेन वितज्जेत्वा कालाकालं अगणेत्वा विवेकाभिरतिया महन्तं भोगक्खन्तं तिणं विय पहाय गेहतो निक्खमना अहोसि, कस्स पनञ्जस्स न सियाति अधिप्पायो । **समङ्गीभूतस्सा**ति तेहि एकत्तं उपगतस्स, अविवित्तस्साति अत्थो । **निद्धा ओक्कमी**ति मनापेसुपि विसयेसु पवत्तिं निवारेत्वा तस्स चित्तं अतिक्कमित्वा अभिभवित्वा अत्तनो वसं उपनेसीति अत्थो । **सब्बरत्तियो चा**ति तयोपि यामे । तेन परिजनस्स विकारदस्सने कारणं दस्सेति । रत्ति-सद्धो पनेत्थ काले सूरियाभावे, यामे च पवत्ततीति विज्जेय्यो । यामेविध विज्जेय्यो तिचीवरविप्पवासे च । **कच्छे**ति कच्छपस्से । **कण्ठे**ति कण्ठस्स हेट्ठा । मुदिङ्गस्स हि उपरि कण्ठं ठपेत्वा सयन्तिया कण्ठे मुदिङ्गं अदस्साति अत्थो । **आळम्बरन्ति** पणवं । उभतोमुखस्स तनुका दीघा । वित्थिन्नसमतलस्स वादितस्स एतं अधिवचनं । **विप्पलपन्तियो**ति सुपिनदस्सनादिवसेन असम्बन्धपलापं विप्पलपन्तियो । **सुसानं मज्जे**ति सुसानं विय अद्वस सकं परिजनन्ति सम्बन्धो । **आदीनवो**ति असुभभावो । **निब्बिदाय चित्तं सण्ठाती**ति विमुच्चितुकामतासङ्घाताय उक्कण्ठाय चित्तं नमीति अत्थो । **उदानं उदानेसी**ति “इतो पट्ठाय इमाहि इत्थीहि सह नाहं भविस्सामी”ति अत्तमनवाचं निच्छारेसि । द्वे किर आकारा तस्स पमादसुत्तपरिजनदस्सने पाकटा जाता किलेसानं बलवभावो, असुभाकारस्स अतिओळारिकभावो च । एवं सति ओळारिकतरे च असुभाकारे किलेसवसेनायं सब्बोपि लोको एत्थ पीळितो मुच्छितो । अहो किलेसा बलवतराति हि पस्सतो पस्सतो तस्स द्वेपि ते आकारा पाकटा जाता, येनेवमवोचाति ।

“सुवण्णपादुकायो आरोहित्वा”ति एतेनस्स निस्सङ्गताय विस्सट्ठगमनं दीपेति । सो हि बलवसंवेगाभितुन्नहदयत्ता परिजनस्स पबोधे सतिपि अत्तनो गमननिवारणसमत्थभावं असहमानो अत्तानं तक्केन्तो विस्सट्ठो अगमासि । **अमनुस्सा**ति देवता । ता हि मनुस्सेहि सुगतिपटिवेधजाणसण्ठानादिगुणसामज्जेन “अमनुस्सा”ति वुच्चन्ति । न हि असमानजातिका तिरच्छानादयो “अब्राह्मणा”ति वा “अवसला”ति वा वुच्चन्ति, किन्तु जातिसभागताय एव वसलादयो “अब्राह्मणा”ति वुच्चन्ति, एवं मनुस्सेहि केनचि आकारेन सभागताय देवता “अमनुस्सा”ति वुत्ता । अज्जथा मनुस्सा न होन्तीति तिरच्छानगतापि “अमनुस्सा”ति वत्तब्बा भवेय्युं ।

२६. वनगहनं दिस्वा “सुमुत्तोहं नगरतो”ति पमुदितत्ता भगवतो अविदूरे उदानेसि । **इदं खो यसा**ति भगवा निब्बानं सन्धायाह । तज्झि तण्हादिकिलेसेहि अनुपट्ठुतं, अनुपसट्ठतज्ज्य दस्सनमत्तेनापि अस्सादजननतो । **धम्मं देसेस्सामी**ति येन तं निब्बानं इध निसिन्नमत्तोव त्वं अधिगमिस्ससीति अधिप्पायो । **किरा**ति अस्सद्वेय्यअव्यत्तिपरिहासेसु निपातो, इध अव्यत्तियं । **सुवण्णपादुकायो आरोहित्वा**ति च सुवण्णपादुकाहि ओतरित्वा । निस्सक्कत्थे हि इदं पच्चत्तवचनं । तस्स निसिन्नमत्तस्सेव अज्जं सम्मोदनीयं कथं अकत्वा अनामन्तेत्वा अनुपुब्बिं कथं कथेसि । सुपरिपक्किन्द्रियत्ता, पटिवेधक्खणानतिक्कमनत्थं अनुपट्ठुतानुपसट्ठतानं पापकधम्मदेसनाभिमुखचित्तत्ता, सेट्ठिस्स गहपतिनो अचिरागमनदस्सनतो च । किमत्थं भगवा तस्स सुट्ठतरं संविग्गहदयस्स भवतो मुच्चितुकामस्स भवाभवूपायानिसंसकथं पठममेव कथेसीति? सब्बभवादीनवदस्सनत्थं । सो हि मनुस्सलोकस्सेव उपट्ठुतउपसट्ठुभावं अद्वस, न सग्गानन्ति कदाचि सग्गलोकं सुखतो मज्जेय्य । तत्थ सुखसज्जेन निब्बानाभिमुखं चित्तं पेसेय्याति सग्गानम्पि आदीनवं

दस्सेतुकामताय अनुपुब्बिं कथं आरम्भि । एत्थ दानं, दानानिसंसं, सीलानिसंसञ्च कथेन्तो दानसीलकथं कथेति नाम । सग्गवण्णं कथेन्तो सग्गकथं कथेति नाम । तत्थ वत्थुकामकिलेसकामानं अनिच्चतं, अपसादतं, महादीनवतञ्च कथेन्तो कामानं आदीनवं, ओकारं, संकिलेसञ्च पकासेति । नेक्खम्मे तदभावतो च तंनिस्सरणतो च तब्बिपरीतं आनिसंसं कथेन्तो नेक्खम्मे आनिसंसं पकासेति नाम । तत्थ ओकारन्ति अवकारं लामकभावं । **संकिलेसन्ति** संकिलिस्सनं बाधनं उपतापनं वाति अत्थो । **कल्लचित्तं** पञ्चिन्द्रियस्स आनुभावेन, दिट्ठियोगविचिकिच्छायोगानं पञ्चिन्द्रियेन विहतत्ता । **मुदुचित्तं** सतिन्द्रियसमायोगेन, विहिंसासारम्भादिकिलेसपवेसं निवारेत्वा चित्तमुदुतादिकुसलधम्मपवेसनं करोन्तं सहजातं चित्तं मुदुं करोति । समाधिन्द्रियस्स आनुभावेन **विनीवरणचित्तं** । तज्झि विसेसतो नीवरणविपक्खभूतन्ति । वीरियिन्द्रियवसेन **उदग्गचित्तं** । तज्झि थिनमिद्धसङ्घातलीनभावविपक्खन्ति । सद्धिन्द्रियस्स आनुभावेन **पसन्नचित्तं** तस्स पसादलक्खणत्ता । **सामुक्कंसिकाति** एतं विसयवसेन देसनं **उपालित्थेरो** पकासेति । सच्चानि हि सामुक्कंसिकदेसनाय विसयानि । अञ्जथा दुक्खादीनि सामुक्कंसिका धम्मदेसनाति आपज्जति तस्स विभावने सच्चानं निद्विट्ठत्ता ।

**२७. चतुदिसाति** चतसु दिसासु । **अभिसङ्खरेसीति** अभिसङ्खरि । किमत्थन्ति चे? उभिन्नं पटिलभितब्बविसेसन्तरायनिसेधनत्थं । यदि सो पुत्तं पस्सेय्य, पुत्तस्सपि धम्मचक्खुपटिलाभो अरहत्तुप्पत्ति, सेट्ठिस्सपि धम्मचक्खुपटिलाभो न सिया । दिट्ठसच्चोपि “देहि ते मातुया जीवितं”न्ति वदन्तो किमञ्जं न करेय्य । यसोपि तं वचनं सुत्वा अरहापि समानो सयं अप्पटिक्खिपित्वा भगवन्तं उल्लोकेन्तो किमञ्जाय सण्ठहेय्य ।

**२८.** उभोहिपि पत्तब्बविसेसकोटिया पत्तत्ता भगवा पुन तं पटिप्पस्सम्भेसि । **पुब्बे अगारिकभूतो**ति तस्स सोतापन्नकालं सन्धायाह । सोतापन्नो हि अगारमज्जे वसनारहत्ता अगारियभूतो नाम होति अपब्बजितो । सम्पति पब्बजितो समानो अगारमज्जवसनस्स अभब्बत्ता “अगारिको”ति न वुच्चति, तस्मा एवमाह । यस्स दिट्ठोति सम्बन्धो, येन दिट्ठोति वुत्तं होति । “सेय्यथापि पुब्बे अगारिकभूतो”ति वचनेन लद्धनयत्ता पच्छा गहपति गिहिवेसधारिमेव यसं सन्धायाह “यसेन कुलपुत्तेन पच्छासमणेना”ति । तत्थ **चर ब्रह्मचरियन्ति** आभिसमाचारिकसीलं ब्रह्मचरियं चर परिपूरेहि ताव, याव सम्मादुक्खस्सन्तकिरिया, याव चुत्तिचित्ताति अधिप्पायो । लिङ्गब्रह्मचरियं सन्धायाति पोराणा, तञ्च युत्तं । लिङ्गमत्तज्झि सन्धाय सो आयस्मा “लभेय्याहं, भन्ते, पब्बज्जं उपसम्पद”न्ति आह ।

किमत्थं भगवा यसस्स मातु, पजापतिया च भत्तकिच्चं अकत्वाव धम्मं देसेसीति? यसस्स पब्बज्जाय सोकसल्लसमप्पितत्ता दानञ्च सोमनस्सिकचित्तेन न ददेय्युं, सत्थरि च दोमनस्सप्पत्ता हुत्वा मग्गपटिवेधम्पि न लभेय्युन्ति भगवा पठमं ताव ता विगतसोकसल्लहदयायो कत्वा पुन भत्तकिच्चं अकासि ।

**३०. सेट्ठानुसेट्ठीनन्ति** अनुक्कमसेट्ठीनन्ति पोराणा । “सेट्ठिनो चानुसेट्ठिनो च यानि कुलानि, तानि सेट्ठानुसेट्ठानि कुलानि, तेसं सेट्ठानुसेट्ठीनं कुलान”न्ति लिखितं । **धम्मविनयो**ति सासनब्रह्मचरियं पावचनन्ति इध अत्थतो एकं । अथ वा धम्मेन विनयो, न दण्डसत्थेहीति धम्मविनयो, धम्माय विनयो, न हिंसत्थन्ति वा धम्मतो विनयो, नाधम्मतोति वा धम्मो विनयो, नाधम्मोति वा धम्मानं विनयो, न अञ्जेसन्ति वा धम्मकायत्ता, धम्मसामित्ता वा धम्मो भगवा, तस्स धम्मस्स विनयो, न तक्किकानन्ति वा धम्मविनयो । समानाधिकरणवसेन वा धम्मविनयो नीलुप्पलं विय, धम्मो च विनयो चाति धम्मविनयो फलाफलं विय नपुंसकमिति पुल्लिङ्गापदेसतो अस्स लिङ्गभावो सिद्धो, यस्स वा धम्मो विनयो, सो धम्मविनयो सेतपटो पुरिसो विय, धम्मेन युत्तो वा विनयो धम्मविनयो अस्सरथो वियाति एवमादिना नयेन योजना वेदितब्बा ।

**३४. “खण्डसीमं नेत्वा”**ति भण्डुकम्मरोचनपटिहरणत्थं वुत्तं । तेन “सभिकखुके विहारे अञ्जम्पि एतस्स केसे छिन्दा”ति वत्तुं न वट्ठतीति । **पब्बाजेत्वा**ति इमस्स अधिप्पायपकासनत्थं “**कासायानि अच्छादेत्वा एही**”ति वुत्तं । उपज्झायो चे केसमस्सुओरोपनादीनि अकत्वा पब्बजत्थं सरणानि देति, न रुहति पब्बज्जा । कम्मवाचं सावेत्वा उपसम्पादेति, रुहति उपसम्पदा ।

अप्यत्तचीवरानं उपसम्पदासिद्धिदस्सनतो, कम्मविपत्तिया अभावतो चेतं युज्जतेवाति एके । होति चेत्थ —

“सलिङ्गस्सेव पब्बज्जा, विलिङ्गस्सापि चेतरा ।  
अपेतपुब्बवेसस्स, तं द्वयं इति चापरे”ति ॥

भिक्षुना हि सहत्थेन वा आणत्तिया वा दिन्नमेव कासावं वट्टति, अदिन्नं न वट्टतीति पन सन्तेस्वेव कासावेसु, नासन्तेसु असम्भवतोति तेसं अधिप्पायो । एवञ्च पन, भिक्षवे, पब्बाजेतब्बो उपसम्पादेतब्बो । पठमं...पे०...अनुजानामि, भिक्षवे, इमेहि तीहि सरणगमनेहि पब्बज्जं उपसम्पदन्ति एत्थ इमिना अनुक्कमेन दिन्नेहि तीहि सरणगमनेहि पब्बज्जं उपसम्पदं अनुजानामि केवलेहीति अधिप्पायदस्सनतो —

आदिन्नपुब्बलिङ्गस्स, नग्गस्सापि द्वयं भवे ।  
नेतरस्साति नो खन्ति, सब्बपाठानुलोमतोति ॥ —

आचरियो । आचरियेन अदिन्नं न वट्टतीति एत्थ “पब्बज्जा न रुहतीति वदन्ती”ति लिखितं । पोरणगण्ठपदेपि तथेव लिखितं । उरादीनि ठानानि नाम । संवुतादीनि करणानि नाम । “अनुनासिकन्तं कत्वा एकसम्बन्धं कत्वा दानकाले अन्तरा अट्टत्वा वत्तब्बं । विच्छिन्दित्वा दानेपि यथावुत्तद्धाने एव विच्छेदो, अज्जत्र न वट्टती”ति लिखितं । अनुनासिकन्ते दिव्यमाने खलित्वा “बुद्धं सरणं गच्छामी”ति मकारेण मिस्सीभूते खेत्ते ओतिण्णत्ता वट्टतीति उपतिस्सत्थेरो । मिस्सं कत्वा वत्तुं वट्टति, वचनकाले पन अनुनासिकद्वाने विच्छेदं अकत्वा वत्तब्बन्ति धम्मसिरित्थेरो । “एवं कम्मवाचायम्पी”ति वुत्तं । उभतोसुद्धियाव वट्टतीति एत्थ महात्थेरो पतितदन्तादिकारणताय अचतुरस्सं कत्वा वदति, ब्यत्तसामणेरो समीपे ठितो पब्बज्जापेक्खं ब्यत्तं वदापेति । महात्थेरेन अवुत्तं वदापेतीति न वट्टति । कम्मवाचाय इतरो भिक्षु चे वदति, वट्टतीति । सङ्को हि कम्मं करोति, न पुग्गलोति । न नानासीमपवत्तकम्मवाचासामज्जनयेन पटिक्खिपितब्बत्ता । अथ थेरेन चतुरस्सं वुत्तं पब्बज्जापेक्खं वत्तुं असक्कोन्तं सामणेरो सयं वत्वा वदापेति, उभतोसुद्धि एव होति थेरेन वुत्तस्सेव वुत्तत्ता । बुद्धं सरणं गच्छन्तो असाधारणे बुद्धगुणे, धम्मं सरणं गच्छन्तो निब्बानं, सङ्गं सरणं गच्छन्तो सेक्खधम्मं, असेक्खधम्मञ्च सरणं गच्छतीति अगगहितगहणवसेन योजना कातब्बा । अज्जथा सरणत्तयसङ्करदोसो । सब्बमस्स कप्पियाकप्पियन्ति दससिक्खापदविनिमुत्तं परामासापरामासादि । “आभिसमाचारिकेसु विनेतब्बो”ति वचनतो सेखियउपज्झायवत्तादिआभिसमाचारिकसीलमनेन पूरेतब्बं । तत्थ चारित्तस्स अकरणे वारित्तस्स करणे दण्डकम्मरहो होतीति दीपेति ।

पब्बज्जाकथावण्णना निड्डिता ।

### दुतियमारकथावण्णना

३५. “तेन हेतुना”ति वचनतो पाळियं “योनिमोमनसिकारासम्मप्यधाना”ति हेत्वत्थे निस्सक्कवचनन्ति वेदितब्बं ।

दुतियमारकथावण्णना निड्डिता ।

### उरुवेलपाटिहारियकथावण्णना

३७-८. वसेय्यामाति “त्वञ्च अहञ्च वसेय्यामा”ति पियवचनेन तस्स सङ्गण्हनत्थं वुत्तं किर । तेजसा तेजन्ति आनुभावेन आनुभावं । तेजोधातुया वा तेजोधातुं । उभिन्नं सजोतिभूतानन्ति अनादरत्थे सामिवचनं, भावसत्तमीअत्थे वा । अग्यागारमेव आदित्तं, न तत्थ वसनको सत्तजातिको । अचिन्तेय्यो हि इद्धिविसयो । कस्मा पन भगवा अग्यागारम्पि अनादित्तं नाधिद्वासीति? अत्तनो दुक्खुप्पादाभावस्स अनतिविम्हादिभावप्पसङ्गतो । किमत्थं परसन्तकं महासम्भारपवत्तं तं विनासेतीति? पुन यथापोराणं



इन्द्रानुभावेन कतुकामताधिष्णायतो। **परियादिन्नो**ति खयं नीतो। **तेजसा तेजन्ति** आनुभावेन आनुभावं। अग्यागारस्स परित्तत्ता इतरो अत्थो न सम्भवति। अयमत्थो “मक्खं असहमानो”ति इमिना अतिविय समेति। इन्द्रानुभावमक्खनज्झि तत्थ **मक्खो** नाम। **पत्तेना**ति पदुमपत्तेनातिपि पोराणा। पदुमिनिसण्डे ठितो हि भगवा तत्थ अहोसीति तेसं मति।

**३९. दिन्नन्ति** अनुमतिन्ति अत्थो। **अभीतो** निब्भयो। कस्मा? यतो सो मग्गेन भयमतीतो। “**सुमनमनसो**ति सुन्दरचित्तसङ्घातमनो। सुमनो एव वा”ति लिखितं। **तेजोवा**ति अग्नि विय। **धातुकुसलो**ति तेजोधातुमि कुसलो। “व्यवहिता चे”ति सद्वलक्षणत्ता च उपसगो। तेजोधातुसमापत्तीसु कुसलो इच्चेवत्थो। **उदिच्छरे**ति उल्लोकेसुं। “संपरिवारेसु”न्ति च लिखितं। इति एवं भणन्तीति अत्थो। **हता**ति समाति अत्थो, काळकाव होन्तीति किरेत्य अधिष्णायो। ईसकम्पि व्यापारं अकत्वा उपसमानुरूपं तिष्ठन्ति। ये च अनेकवण्णा अच्चियो होन्तीति तं दस्सेतुं “**नीला अथ लोहितिका**”तिआदिमाह।

**४०. चतुदिसा**ति चतूसु दिसासु।

**४४. पंसुकूलं उप्पन्ति** परियेसमानस्स पटिलाभवसेन उप्पन्नं होति। चित्तविचित्तपाटिहीरदस्सनत्थाय च सा परियेसना। सा अयं **सायं**। ता इमा **तयिमा**। द्वे एकतो गहेत्वा वदति। आयामि अहं **आयमहं**। एतन्ति एतस्स। **यथा मयन्ति** यस्मा मयं।

**५०-५१. उदकवाहको**ति उदकोघो। उदकसोतोति पोराणा। “**याय त्व**”न्ति पुब्बभागविपस्सनापटिपदं सन्धाय वुत्तं। **चिरपटिका**ति चिरपभुति, नागदमनतो पट्टाय चिरपटिका। “चिरपटिसङ्घा”तिपि वदन्ति। **केसमिस्सन्ति**आदिमिह अब्बोकिण्णं विसुं विसुं बन्धित्वा पक्खित्तत्ता केसादयोव केसमिस्साति पोराणा। **खारिकाजमिस्सन्ति** एत्थ खारी वुच्चति तापसपरिक्खारो। **जटिले पाहेसी**ति द्वे तयो तापसे पाहेसि। “सोळसातिरेकअड्डुड्डानि पाटिहारियसहस्सानी”ति वुत्तं।

**५४.** अग्निहुत्ते कतपरिचयत्ता भगवा तेसं **आदित्तपरियाय-**मभासि (सं० नि० ४.२८)। तत्थ एकच्चं आरम्मणवसेन आदित्तं चक्खादि रागग्गिना, एकच्चं सम्पयोगवसेन चक्खुसम्पस्सपच्चया वेदयितादिकेनेव, एकच्चं अभिभूतत्थेन चक्खादि एव जातिआदिना, एकच्चं पच्चयत्थेन, तदेव सोकादिनाति यथासम्भवमेत्थ आदित्तता वेदितब्बा। एत्थ किञ्चापि दुक्खलक्खणमेवेकं पाकटं, तदनुसारेण पन इतरं लक्खणद्वयम्पि तेहि दिट्ठन्ति वेदितब्बं दुक्खाकारस्स इतराकारदीपनतो। सन्तसुखतण्हाभिनिविट्ठत्ता पनेसं दुक्खलक्खणपुब्बङ्गमा देसना कताति वेदितब्बा।

उरुवेलपाटिहारियकथावण्णना निट्ठिता।

### बिम्बिसारसमागमकथावण्णना

**५५-७.** वत्थुकामभूता इत्थियो **कामित्थियो**। दुतियादयो **अस्सासका**। यस्मा अनुप्पन्ने एव भगवति बुद्धकोलाहलं लोके पठममेव वस्ससहस्सं उप्पज्जति। ब्रह्मानो च ब्राह्मणवण्णं अभिनिम्मिनित्वा वेदेसु सहस्सत्तयमत्तं बुद्धपटिसंयुत्तं परियत्तिं पक्खिपित्वा वाचेन्ति, भगवतो जातितो पट्टाय च बुद्धकथा लक्खणञ्जूहि ब्राह्मणेहि उप्पादिता, पत्थटा लोके, तस्मा युज्जन्ति, न अज्जथा। “तमदस बिम्बिसारो, पासादस्मिं पतिट्ठितो”तिआदिगाथाहि बोधिसत्तकाले एव अभिसित्तता बिम्बिसारस्स सिद्धा।

**५८.** इधावुसो खीणासवो भिक्खु पञ्चङ्गविप्पहीनो होति छळङ्गसमन्नागतो एकारक्खो चतुरापस्सेनो पणुन्नपच्चेकसच्चो समवयसट्ठेसनो अनाविलसङ्कप्पो पस्सद्धकायसङ्घारो सुविमुत्तचित्तो सुविमुत्तपज्जोति (दी० नि० ३.३४८, ३६०; अ० नि० १०.१९) दस अरियवासा नाम। रूपारूपसमापत्तियो अट्ठ निरोधसमापत्ति महाकरुणासमापत्तीतिपि पोराणा। तत्थ नीवरणा **पञ्चङ्गा** च। छळङ्गपेक्खा **छळङ्गा**। सतारक्खेन **एकारक्खा**। सङ्घाय एकं पटिसेवति, अधिवासेति, परिवज्जेति, सङ्घाय एकं विनोदेतीति अयं **चतुरापस्सेनो**। पुथुसमणब्राह्मणानं पुथुपच्चेकसच्चानि चत्तारि पहीनानि, एवं **पणुन्नपच्चेकसच्चो**। कामेसना भवेसना पहीना

होति, ब्रह्मचरियेसना पटिप्पस्सद्धा, एवं **समवयसट्टेसनो** । कामब्बापादविहिंसासङ्कप्पो पहीनो होति, एवं **अनाविलसङ्कप्पो**, सुखस्स च पहाना...पे०... चतुत्थं ज्ञानं उपसम्पज्ज विहरति एवं **सुविमुत्तचित्तो** होति । रागो पहीनो उच्छिन्नमूलो...पे०... अनुप्पादधम्मोति पजानाति, दोसो, मोहो अनुप्पादधम्मोति पजानाति, एवं **सुविमुत्तपज्जोति** ।

“ठानाठानं विपाकञ्च, जाणं सब्बत्थगामिनिं ।  
अनेकधातुयो लोकं, अधिमुत्तिञ्च पाणिनं ॥

“जानाति इन्द्रियानञ्च, परोपरियतं मुनि ।  
ज्ञानादिसंकिलेसादि-जाणं विज्जत्तयं तथा”ति ॥ —

इमानि **दस बलानि** । **असेक्खङ्गानि** नाम असेक्खा सम्मादिट्ठि...पे०... असेक्खविमुत्ति असेक्खविमुत्तिजाणदस्सनन्ति । तत्थ दसमं असेक्खं । एतेहि दसहि चुपेतो पारमीहीति पोराणा ।

बिम्बिसारसमागमकथावण्णना निट्ठिता ।

### सारिपुत्तमोग्गल्लानपब्बज्जाकथावण्णना

**६०. किं काहसीति** किं काहति । “किं करोति, किं करोसी”ति वा ब्यञ्जनं बहुं वत्वाति अत्थो । **पटिपादेन्तोति** निगमेन्तो । “पच्चब्यथा, पच्चब्यथ”न्तिपि पठन्ति । **कप्पनहुतेहीति** एत्थ दसकानं सतं सहस्सं, सहस्सानं सतं सतसहस्सं, सतसहस्सानं सतं कोटि, कोटिसतसहस्सानं सतं पकोटि, पकोटिसतसहस्सानं सतं कोटिपकोटि, कोटिपकोटिसतसहस्सानं सतं नहुतन्ति वेदितब्बं । **कप्पनहुतेहीति** एवमनुसारतो अब्भतीतं नामाति खन्धकभाणकानं पाठोति ।

**६३.** “कुलच्छेदाया”ति पाठो, कुलुपच्छेदायाति अत्थो । मनुस्सा “धम्मेन किर समणा सक्कपुत्तिया नयन्ति, नाधम्मेना”ति न पुन चोदेसुन्ति एवं पाठसेसेन सम्बन्धो कातब्बो ।

एत्तावता थेरो निदानं निट्ठपेसीति वेदितब्बं । होन्ति चेत्थ —

“यं धम्मसेनापति एत्थ मूल-  
गन्थस्स सिद्धिक्कमदस्सनेन ।  
निदाननिट्ठानमकंसु धम्म-  
सङ्गाहका ते विनयक्कमञ्जू ॥

“निदानलीनत्थपदानमेव,  
निदानिट्ठानमिदं विदित्वा ।  
इतो परं चे विनयत्थयुत्त-  
पदानि वीमंसनमेव जेय्य”न्ति ॥

सारिपुत्तमोग्गल्लानपब्बज्जाकथावण्णना निट्ठिता ।

### उपज्झायवत्तकथावण्णना

**६४.** बुद्धुपज्झायकानं इतरेसं एहिभिकखूनं निवासनपारुपनकप्पतो नेसं विसुं विसुं सदिसत्ता “**दुन्निवत्था दुप्पारुता**

**अनाकप्पसम्पन्ना**’ति वुत्ता । न केवलञ्च इत्थम्भूता पिण्डाय चरन्ति, अपिच मनुस्सानं भुञ्जमानानं उपरीतिआदि । मनुस्सा उपज्झायन्ति पिपासासहनतो, इतरेसं आकप्पसम्पत्तिया पसन्नत्ता च ।

**६५.** केन को उपज्झायो गहेतब्बोति? “तदा सो यस्स सन्तिके पब्बाजितो, एतरहि यस्स सन्तिके उपसम्पदापेक्खो होति । उपज्झायेन च साधूति सम्पटिच्छनं सन्धाया’ति केहिचि लिखितं । तं ते एवं जानन्ति “उपज्झायेन ‘साहू’तिआदिना सम्पटिच्छिते सद्धिविहारिकस्स ‘साधु सुट्ठु सम्पटिच्छामी’ति वचनं केवलं भिक्खूहि आचिण्णमेव, न कत्थचि दिस्सति, तस्मा विनापि तेन उपज्झायो गहितोव होती’ति । तत्थ **साहू**ति साधूति वुत्तं होति । **लहू**ति लहु, त्वं मम न भारियोसीति वुत्तं होति । **ओपायिकन्ति** उपायपटिसंयुत्तं, इमिना उपायेन त्वं मे इतो पट्टाय भारो जातोसीति अत्थो । **पतिरूपन्ति** अनुरूपं ते उपज्झायग्गहणन्ति अत्थो ।

**६६. तादिसमेव** मुखधोवनोदकं उतुम्हि एकसभागेति । **इतो पट्टाया**ति “न उपज्झायस्स भणमानस्सा”ति एत्थ वुत्तन-कारतो पट्टाय । तेन “नातिदूरे गन्तब्बं, नाच्चासन्ने गन्तब्ब”न्ति एत्थ वुत्तन-कारेन अनापत्तीति दीपेतीति एके । सचित्तका अयं आपत्ति, उदाहु अचित्तकाति? अनादरियपच्चयत्ता सचित्तका । अनादरियपच्चयत्ता कथं पज्जायतीति चे? अनादरियपच्चयेहि सङ्गहितन्ति । पातिमोक्खुद्देसे सेखियानं गणपरिच्छेदाकरणञ्चि खन्धकपरियापन्नापत्तिया सङ्गहनत्थं । इदं पन लक्खणं चारित्तयेव वेदितब्बं, न वारित्ते अकप्पियमंसखादनादिआपत्तीनं अचित्तकत्ता । खन्धकवारित्तानं तेहि सङ्गहो, सेखियवारित्तयेव अचित्तकेहि सूपोदनविज्जत्तिपच्चयादीहीति आचरियो । यत्थ यत्थ न-कारेन पटिसेधो करीयति, किं सब्बत्थ दुक्कटापत्तीति? आम । यत्थ अट्ठकथाय नयो न दस्सितो, तत्थ सब्बत्थ । परतो हि **अट्ठकथायं** “सचे पन काळवण्णकता वा सुधाबद्धा वा होति निरजमत्तिका, तथारूपाय भूमिया ठपेतुं वट्टती”तिआदिना नयेन नयो दस्सितो ।

एत्थाह — यस्मा **पाळियंयेव** “सचे उपज्झायस्स अनभिरति उप्पन्ना होति, दिट्ठिगतं उप्पन्नं होती”ति (महाव० ६६) भगवतो वचनवसेन अट्ठकथायं वुत्तनयो युतोति दस्सेतुं “नातिदूरे नाच्चासन्ने”ति एत्थ को भगवतो वचनलेसोति? वुच्चते — “पठमतरं आगन्त्वा आसनं पज्जापेतब्ब”न्तिआदीनि वदन्ति देसनियमनतो । उपज्झायेन अनुमतंयेव पठमगमनन्ति चे? न, असिद्धत्ता, सिद्धेपि यथावुत्तनयसिद्धितो च । न हि वारित्तस्स अनुमति अनापत्तिकरा होति, एवं सन्तेपि विचारेत्वा गहेतब्बं । **कोट्टकन्ति** द्वारकोट्टकं । न निस्सज्जितब्बं, न निदहितब्बं वा ।

उपज्झायवत्तकथावण्णना निट्ठिता ।

### नसम्मावत्तनादिकथावण्णना

**६८. अधिमत्तं गेहस्सितपेमं न होतीति** एत्थ गेहस्सितपेमं न अकुसलमिच्चेव दट्ठब्बं खीणासवानम्पि साधारणत्ता इमस्स लक्खणस्स । न खीणासवानं असम्मावत्तनाभावतोति चे? न, तेसं न पणामेतब्बं तंसमन्नागमनसिद्धितो, तस्मा “ममेस भारो”ति ममत्तकरणं तत्थ पेमन्ति वेदितब्बं । “एको वत्तसम्पन्नो...पे०... तेसं अनापत्ती”ति एत्थ विय सचे एको वत्तसम्पन्नो भिक्खु ‘भन्ते, तुम्हे अप्पोस्सुक्का होथ, अहं तुम्हाकं सद्धिविहारिकं, अन्तेवासिकं वा गिलानं वा उपट्ठहिस्सामि, ओवदितब्बं ओवदिस्सामि, इति करणीयेसु उस्सुक्कं आपज्जिस्सामी’ति वदति, ते एवासद्धिविहारिकादयो ‘भन्ते, तुम्हेव केवलं अप्पोस्सुक्का होथा’ति वदन्ति, वत्तं वा न सादियन्ति, ततो पट्टाय आचरियुपज्झायानं अनापत्ती’ति वुत्तं ।

नसम्मावत्तनादिकथावण्णना निट्ठिता ।

### राधब्राह्मणवत्थुकथावण्णना

**७३. “पूतिमुत्तन्ति** मुत्तं पूतिकायो विया”ति वत्त्वापि “पूतिभावेन मुत्तं पटिनिस्सट्ठं भेसज्जं पूतिमुत्तभेसज्ज”न्ति लिखितं । सब्बत्थ इत्थन्नामोति एकोव न-कारो होति ।

राधब्राह्मणवत्थुकथावण्णना निड्ढिता ।

### आचरियवत्तकथावण्णना

७६. “आयस्मतो निस्साय वच्छामी”ति वुत्तं । “आयस्मतो ओवादं निस्साय वसामी”ति पाठसेसवसेन वेदितब्बा । निस्सायाति वा निस्सया, निस्सयेनाति वुत्तं होति । आयस्मतोति वा उपयोगत्थे सामिवचनं ।

आचरियवत्तकथावण्णना निड्ढिता ।

### निस्सयपटिप्पस्सद्धिकथावण्णना

८३. दिसं गतोति तत्थ धुरनिक्खित्तवासो हुत्वा तिरोगामं गतो । यत्थ निस्सयो लब्धति, तत्थ गन्तब्बन्ति एत्थापि उपज्झायो वुत्तनयेनेव “कतिपाहेन गमिस्सामी”ति गमने चेस उस्साहो रक्खति । मा इध पटिक्कमीति मा इध गच्छ । सभागा नाम उपज्झायस्स सिस्सा । तत्थ निस्सयं गहेत्वा । यदि एवं को विसेसोति चे? तेन इदं वुच्चति “अप्पेव नाम खमेय्या”ति । वसितुं वट्टतीति उपज्झायेन परिच्चत्तत्ता उपज्झायसमोधानं निरत्थकन्ति अत्थो । सचे उपज्झायो चिरेन अनुगहेतुकामो होति, ततो पट्टाय उपज्झायोव निस्सयो । उपज्झायो चे अलज्जी होति, सद्धिविहारिकेन अनेककखत्तुं वारेत्वा अविरमन्तं उपज्झायं पहाय विनापि निस्सयपणामनेन अज्जस्स सन्तिके निस्सयं गहेत्वा वसितब्बं । उपज्झायस्स चे लिङ्गं परिवत्तति, एकदिवसम्पि न रक्खति । पक्खपण्डको चे होति, निस्सयजातिको चे “उपज्झायस्स सुक्कपक्खं आगमेही”ति वदति, सयमेव वा आगमेति, वट्टति । उपज्झायो चे उक्खेपनियकम्मकतो होति, नानासंवासकभूमियं ठितत्ता निस्सयो पटिप्पस्सम्भति । सम्मावत्तन्तं पन पस्सित्वा कम्मपटिप्पस्सद्धिं आगमेतुं लभति । मानत्ताचारी चे होति, अब्भानं आगमेतब्बं । दीघं चे परिवासं चरति, अज्जस्स सन्तिके निस्सयो गहेतब्बो, उपज्झायसमोधानं अप्पमाणं । परिवासमानत्तचारिना हि न निस्सयो दातब्बो । यं पन पारिवासिकक्खन्धकट्टकथायं वुत्तं “सद्धिविहारिकानम्पि सादियन्तस्स दुक्कटमेवा”तिआदि (चूळव० अट्ठ० ७५), तं यथावुत्तमत्थं सार्धेति एव । यं पन वुत्तं “सचे सद्धापब्बजिता कुलपुत्ता ‘तुम्हे, भन्ते, विनयकम्ममत्तं करोथा’ति वत्ता वत्तं करोन्तियेव, गामप्पवेसनं आपुच्छन्तियेव, तं वारितकालतो पट्टाय अनापत्ती”ति । तं वत्तसादियनपच्चया दुक्कटाभावमत्तदीपनत्थं, सद्धिविहारिकानं सापेक्खत्तं वा सन्धाय वुत्तन्ति वेदितब्बं । तस्मा ते चे उपज्झायेन वारितानुरूपमेव पटिपज्जन्ति, निस्सयो तेसं पटिप्पस्सद्धोति सिद्धं होति ।

द्वे लेड्डुपाते अतिक्कमित्वा निवत्ततीति “एत्तावता दिसापक्कन्तो नाम होति, तस्मा अन्तेवासिके अनिक्खित्तधुरेपि निस्सयो पटिप्पस्सम्भति । आचरियुपज्झाया द्वे लेड्डुपाते अनतिक्कम्म लेड्डुपातद्वयब्भन्तरे तिरोविहारेपि परिक्खित्ते, अपरिक्खित्ते वा वसितुं वट्टती”ति लिखितं । अपरिक्खित्तेयेवाति नो तक्कोति आचरियो, एत्थ पन अपरिक्खित्तस्स परिक्खेपारहट्टानतो विमुत्ते अज्जस्मिं विहारे वसन्तीति अधिप्पायो । विहारोति चेत्थ “तादिसस्स विहारस्स अन्ते ठिता एका कुटिका अधिप्पेताति उपतिस्सत्थेरो”ति वुत्तं । तत्थ “सचे उभोपि आचरियन्तेवासिका केनचि...पे... निस्सयो न पटिप्पस्सम्भती”ति इमिना सामज्जतो वुत्तेन अट्टकथावचनेन धम्मसिरित्थेरवादो समेति । अपरिक्खित्ते वाति द्विन्नं लेड्डुपातानं अन्तो परिक्खित्तो वा होति अपरिक्खित्तो वा । “बहिसीम”न्ति च वुत्तत्ता अन्तोविहारसीमायं द्वे लेड्डुपाते अतिक्कमित्वापि वसितुं वट्टतीति सिद्धत्ता पन उपतिस्सत्थेरवादो न समेति । एकावासे हि परिक्खित्ते वा अपरिक्खित्ते वा अन्तमसो अन्तोतियोजनेपि वसतो निस्सयो न पटिप्पस्सम्भति । सो च उपचारसीमाय परिच्छिन्नो, सा च उपचारसीमा परिक्खित्तस्स विहारस्स परिक्खेपेन अपरिक्खित्तस्स परिक्खेपारहट्टानेन परिच्छिन्नो एकावासो ।

उपोसथक्खन्धके एकावासविमतियं सीमाय अनुज्जातत्ताति चे? न, चीवरक्खन्धकट्टकथाय विचारितत्ता । यथाह “सीमट्टकसङ्घो भाजेत्वा गण्हातू”ति (महाव० अट्ठ० ३७९) । कतरसीमाय भाजेतब्बं? महासिवत्थेरो किराह “अविप्पवाससीमाया”ति । ततो नं आहंसु “अविप्पवाससीमा नाम तियोजनापि होति, एवं सन्ते तियोजने ठिता लाभं गण्हिस्सन्ति,

तियोजने ठत्वा आगन्तुकवत्तं पूरेत्वा आरामं पविसितब्बं भविस्सति, गमिको तियोजनं गन्त्वा सेनासनं आपुच्छिस्सति, निस्सयपटिप्पन्नस्स तियोजनातिक्कमे निस्सयो पटिप्पस्सम्भिस्सति, परिवारसिकेन तियोजनं अतिक्कमित्वा अरुणं उट्ठापेतब्बं भविस्सति, भिक्खुनिया तियोजने ठत्वा आरामप्पवेसना आपुच्छितब्बा भविस्सति, सब्बमेतं उपचारसीमापरिच्छेदवसेन कातुं वट्ठतीति । तस्मा अन्तोउपचारसीमाय लेड्डुपातद्वयं अतिक्कमित्वापि वसतो निस्सयो तियोजनातिक्कमे निस्सयो न पटिप्पस्सम्भतीति सिद्धं । कामञ्चेत्थ उपचारसीमाय तियोजनप्पमाणाय, अतिरेकाय वा यथावुत्तदोसप्पसङ्गो सियाति । सा हि आवासेसु वट्ठन्तेसु वट्ठति, परिहायन्तेसु परिहायतीति वुत्तता, तस्मा तादिसस्स विहारस्स अन्ते ठिता एका कुटि विहारोति इधाधिप्पेता । सापि तस्सेव विहारस्स कुटिकाव होतीति कत्वा सो आवासो होति । नानावासो एव चे अधिप्पेतो, “अन्ते ठिता कुटिका”ति न वत्तब्बं । द्विन्नं लेड्डुपातानं अब्भन्तरे पन अपरिक्खित्ते नानावासे निस्सयो न पटिप्पस्सम्भतीति ख्यायं “नो तक्को”ति वुत्तो, सो तादिसे नानावासे सेनासनग्गाहस्स अप्पटिप्पस्सद्दिनयेन वुत्तो । सेनासनग्गाहो हि “गहणेन गहणं आलयो पटिप्पस्सम्भती”ति लक्खणत्ता इतरत्थ पटिप्पस्सम्भति । तत्रायं **पाळि** “तेन खो पन समयेन आयस्मा उपनन्दो सक्क्यपुत्तो एको द्वीसु आवासेसु वस्सं वसि...पे... देथ, भिक्खवे, मोघपुरिसस्स एकाधिप्पाय”न्ति (महाव० ३६४) । **अट्ठकथाय**ञ्चस्स एवं वुत्तं “इदञ्च नानालाभेहि नानूपचारेहि एकसीमविहारेहि कथितं, नानासीमविहारे पन सेनासनग्गाहो पटिप्पस्सम्भती”ति (महाव० अट्ठ० ३६४) । अपरिक्खित्ता नानावासा एकूपचारसङ्ख्यं गच्छन्ति । परिक्खित्तञ्च एकूपचारं अपरिक्खित्तसङ्ख्यं गच्छति । एतावता लेड्डुपातद्वयव्भन्तरे अपरिक्खित्ते अञ्जस्मिं विहारे वसतो निस्सयो पन न पटिप्पस्सम्भति, परिक्खित्ते पटिप्पस्सम्भति एवाति अयमत्थो साधितोति । एत्थाह — द्वे लेड्डुपाते अतिक्कमित्वाव सतोपि निस्सयो न पटिप्पस्सम्भति । वुत्तञ्चि **निस्सगियट्ठकथायं** “सचे गच्छन्तानयेव असम्पत्तेसु दहरेसु अरुणं उगच्छति, चीवरं निस्सगियं होति, निस्सयो पन न पटिप्पस्सम्भती”ति (पारा० अट्ठ० २.४९५)? वुच्चते — तं उपज्झायेन समागमे सउस्साहताय वुत्तं । इध धुववासं सन्धाय, तस्मा अञ्जमञ्जं न विलोमेन्ति । केचि पन “द्वे लेड्डुपातं अतिक्कम्माति इदं देवसिकं आरोचेत्वा वसनवसेन वुत्त”न्ति वदन्ति, तं तेसं मतिमत्तमेवाति मम तक्को । देवसिकं आरोचेत्वा वत्थब्बन्ति हि नेव पाळियं न अट्ठकथायं दिस्सति, तञ्च पन अपकतञ्जूहि आचिण्णन्ति वेदितब्बं ।

निस्सयपटिप्पस्सद्विकथावण्णना निड्डिता ।

### उपसम्पादेतब्बपञ्चककथावण्णना

**८४. न असेक्खेन सीलक्खन्धेना**तिआदि “अत्तानमेव पठमं, पतिरूपे निवेसये”ति (ध० प० १५८) वचनवसेन वुत्तं, न आपत्तिअङ्गवसेन । नीलसमायोगतो नीलं विय वुत्तं “**असेक्खेन विमुत्तिजाणदस्सनक्खन्धेना**”ति । अधिसीले सीलविपन्नो नाम आपज्जित्वा अवुड्डितो ।

उपसम्पादेतब्बपञ्चककथावण्णना निड्डिता ।

### अञ्जतित्थियपुब्बवत्थुकथावण्णना

**८६. यो सो अञ्जतित्थियपुब्बो**ति एत्थ द्वे अत्थविकप्पा — तस्स पसूरस्स भिक्खुभावं सन्धाय अञ्जतित्थियपुब्बो, सो भिक्खु तंयेव तित्थायतनं सङ्कमीति अयमेको अत्थो । एवं तित्थियपक्कन्तको पुन गिहिवेसेन आगतो अञ्जतित्थियपुब्बो, सो आगतो न उपसम्पादेतब्बोति अयमेको अत्थो । तं अञ्जतित्थियपक्कन्तकं ठपेत्वा “यो सो, भिक्खवे, अञ्जतित्थियपुब्बो”ति एत्थ न गिहिवेसधारणोव पुब्बसद्देन वुत्तो, किन्तु तस्मिं अत्तनो यथासमादिन्नतित्थियवेसे ठितोपि । दिट्ठिवसेन अतित्थियभूतत्ता अतित्थियपुब्बो, सो पनागतो विब्भन्तो आगच्छति, तस्स परिवासदानकिच्चं नत्थि । किं इमस्स अञ्जतित्थियपुब्बस्स भिक्खुवेसं गहेत्वा सरणगमनेन सामणेरपब्बज्जा जाता, न जाताति? किञ्चेत्थ यदि जाता, “यो सो, भिक्खवे, अञ्जोपि अञ्जतित्थियपुब्बो इमस्मिं धम्मविनये आकङ्कति पब्बज्जं, आकङ्कति उपसम्पदं, तस्स चत्तारो मासे परिवासो दातब्बो”ति (महाव० ८६) वचनं विरुज्झति । अथ न जाता, परिवासकम्मवाचाय पब्बज्जाय अपरामसनं विरुज्झतीति । तत्थ **महाविहारवासिनो** “सामणेरस्सेव सतो

परिवासो दातब्बो'ति वदन्ति । इतरे तथा न वदन्ति । ते हि “एवं आराधको खो भिक्खवे अज्जतिथियपुब्बो आगतो उपसम्मादेतब्बो'ति (महाव० ८७) सुत्तपदं परिहरितब्बं, पुरे च पच्छा च ‘अज्जतिथियपुब्बो'ति वचनसामञ्जतो न सामणरो जातोति चे, यदि एवं अपब्बाजेत्वाव उपसम्मादेतब्बोति आपज्जति । ततो च सब्बपठमं वुत्तसुत्तं विरुज्झति । ‘तित्थायतनं सङ्कन्तो'ति पाठोपि न सुन्दरं । पाणातिपातादीसु अज्जतरं सचे भिन्दति, चत्तारो मासे परिपुण्णेपि पुन परिपूरेतब्बं विय दिस्सति । वुत्तम्पि तस्स संवरं भिक्खुकरणत्थाय अनुज्जातत्ता सीले वत्तब्बं नत्थी'ति वदन्ति, विचारेत्वा गहेतब्बं । सरणानि सचे भिज्जन्ति सामणेरस्सेव ।

अज्जतिथियपुब्बवत्थुकथावण्णना निट्ठिता ।

### पञ्चाबाधवत्थुकथावण्णना

८८. नखपिट्ठीति चूळङ्गुलिनखपिट्ठि अधिप्पेता । “पटिच्छन्ने नखपिट्ठितो महन्तम्पि वट्ठति, एवं सेसेसुपी'ति केचि वदन्ति, तं अट्ठकथाय न समेति विय । पदुमकणिकापि आरुळ्हे रत्तपदुमवण्णचित्रं ।

पञ्चाबाधवत्थुकथावण्णना निट्ठिता ।

### चोरवत्थुकथावण्णना

९१-२. धम्मसामीति यस्मा सयं धम्मसामी, तस्मा भिक्खूहि अपब्बाजेतब्बकम्पि चोरं अङ्गुलिमालं पब्बाजेत्वा आर्यातिं एवमाहाति अत्थो । पाळिपोत्थकेसु “खरभेदको'तिपि लिखितं । सन्निसिन्नासूति वूपसन्तासु ।

चोरवत्थुकथावण्णना निट्ठिता ।

### इणायिकदासवत्थुकथावण्णना

९६. पस्स मे पत्तचीवरमत्तं, अहं इदं दस्सामीति सामीचि, यतो नत्थि आपत्ति । उपडुपडुन्ति थोकं थोकं ।

९७. देसचारित्तन्ति सावनपण्णारोपनादि तं तं देसचारित्तं । “देवदासिपुत्ते वट्ठती'ति लिखितं । “आरामिकं चे पब्बाजेतुकामो, अज्जमेकं दत्त्वा पब्बाजेतब्ब'न्ति वुत्तं । महापच्चरिवादस्स अयमिध अधिप्पायो । “भिक्खुसङ्घस्स आरामिके देमा'ति दिन्नत्ता न ते तेसं दासा । “आरामिको च नेव दासो न भुजिस्सोति वत्तब्बतो न दासो'ति लिखितं । तक्कासिञ्चनं सीहळदीपे चारित्तं । ते च पब्बाजेतब्बा सङ्घस्सारामिकत्ता । निस्सामिकं दासं अत्तनापि भुजिस्सं कातुं लभति । “दासस्स पब्बजित्वा अत्तनो सामिके दिस्वा पलायन्तस्स आपत्ति नत्थीति वदन्ती'ति च लिखितं । अत्तनो वा दासो अस्स भिक्खुनोति अत्थो । निस्सामिकस्स दासस्स राजा सामि, तस्मा राजानं वा तस्मिं गामे मनुस्से वा आपुच्छित्वा पब्बाजेतब्बोति एके । “भुजिस्सं कत्वा'ति लिखितं । तस्स परिहारं भणन्ति “यथा भुजिस्सो होति, तथा कत्तब्बो'ति । एवं सङ्कप्पेन वत्त्वा “पयोजनं नत्थी'ति केहिचि लिखितं । भुजिस्सं कातुमेव वट्ठतीति “सचे पस्सन्ति, अनुबन्धिस्सन्ती'ति वुत्तं । आपत्ति नत्थि । “असुद्धा किर मेतिपि तं सन्थायेव वुत्त'न्ति वदन्ति ।

इणायिकदासवत्थुकथावण्णना निट्ठिता ।

### कम्मरभण्डवत्थादिकथावण्णना

९८. कम्मरभण्डूति एत्थ दारको चूळामत्तं ठपेत्वा आगच्छति, तस्मा आपुच्छितुं लभति । तज्जे सो वा अज्जो वा अवहरति, दोसो नत्थि । “केसमस्सु ओरोहनं अकत्वा असतिया सरणानि दत्त्वा पब्बाजेति, रुहतेवा'ति वदन्ति ।

१०१-३. एत्थ कुले । “उभयानि खो पनस्स...पे०... अनुव्यञ्जनसोति सब्बोपायं पभेदो मातिकाट्टकथायं जातो होती”ति च “आपत्तिं जानातीति पाठे अवत्तमानेपि इदं नाम कत्वा इदं आपज्जतीति जानाति चे, वट्ठती”ति च लिखितं । “तच्च खो ततो पुब्बे पाठे पगुणे कतेति गहेतब्बं, आचरियुपज्झायानम्पि एसेव नयो”ति वुत्तं ।

कम्मरभण्डुवत्थादिकथावण्णना निट्ठिता ।

### राहुलवत्थुकथावण्णना

१०५. “अङ्गारिनो दानि दुमा भदन्ते”तिआदीहि (थेरगा० ५२७) सट्ठिमत्ताहि । दस्सेहि इति मं आणापेसि । एत्थ इति-सद्वो आहरितब्बो । पोक्खरवस्सन्ति पोक्खरपत्तवण्णं उदकं, तम्हि वस्सन्ते तेमितुकामाव तेमेन्ति । उण्हीसतो पट्ठायाति मुद्धतो पट्ठाया ।

“सिनिद्धनीलमुदुकुञ्चितकेसो,  
सूरियनिम्मलतलाभिनलाटो ।  
युत्ततुङ्गमुदुकायतनासो,  
रंसिजालविततो नरसीहो”ति ॥ (अप० अट्ठ० १.सन्तिकेनिदानकथा; जा० अट्ठ० १.सन्तिकेनिदानकथा) —

आदिगाथाहि । अथ वा —

“चक्कवरङ्कितरत्तसुपादो,  
लक्खणमण्डितआयतपण्हि ।  
चामरच्छत्तविभूसितपादो,  
एस हि तुय्हा पिता नरसीहो ॥

“सक्यकुमारवरो सुखुमालो,  
लक्खणचित्तिकपुण्णसरीरो ।  
लोकहिताय गतो नरवीरो,  
एस हि तुय्हा पिता नरसीहो ॥

“पुण्णससङ्गनिभो मुखवण्णो,  
देवनरान पियो नरनागो ।  
मत्तगजिन्दविलासितगामी,  
एस हि तुय्हा पिता नरसीहो ॥

“खत्तियसम्भवअग्गकुलीनो,  
देवमनुस्सनमस्सितपादो ।  
सीलसमाधिपतिट्ठितचित्तो,  
एस हि तुय्हा पिता नरसीहो ॥

“आयतयुत्तसुसण्ठितनासो,  
गोपखुमो अभिनीलसुनेत्तो ।  
इन्दधनू अभिनीलभमूको,

एस हि तुह पिता नरसीहो ॥

“वट्टसुवट्टसुसण्ठितगीवो,  
सीहहनू मिगराजसरीरो ।  
कञ्चनसुच्छविउत्तमवण्णो,  
एस हि तुह पिता नरसीहो ॥

“सुद्धसुगम्भीरमञ्जुसघोसो,  
हिङ्गुलबद्धसुरत्तसुजिह्वो ।  
वीसति वीसति सेतसुदन्तो,  
एस हि तुह पिता नरसीहो ॥

“अञ्जनवण्णसुनीलसुकेसो,  
कञ्चनपट्टविसुद्धनलाटो ।  
ओसधिपण्डरसुद्धसुउण्णो,  
एस हि तुह पिता नरसीहो ॥

“गच्छतिनीलपथे विय चन्दो,  
तारगणापरिवेठितरूपो ।  
सावकमज्झगतो समणिन्दो,  
एस हि तुह पिता नरसीहो”ति ॥ (जा० अट्ठ० १.सन्तिकेनिदानकथा) —

इमाहि ।

उद्दिष्टेति एवं चरितव्वन्ति अत्तनो, “उत्तिष्ठे”ति धम्मपदपाठो । धम्मन्ति सपदानचारिकवत्तं । अनेसनं वज्जेत्वा सुचरितं चरे ।

केसविस्सज्जनन्ति पञ्चसिखाकारं वज्जेत्वा एकसिखाकारं । पट्टबन्धोति एत्थ पट्टोति तस्मिं कुले आचिण्णो अलङ्कारविसेसो । धरमङ्गलन्ति धरमहो । छत्तमङ्गलन्ति युवराजछत्तपट्टि । वट्टानुगतन्ति किलेसवट्टानुगतं । विघातपच्चयत्ता सविघातकं । थेरो राधं ब्राह्मणं पुब्बे पब्बजित्वा कस्मा इदानी “कथाहं, भन्ते, राहुलं पब्बाजेमी”ति आहाति चे? तत्थ उपसम्पदापटिक्खेपो अधिप्पेतो, तस्मा “भगवा उपसम्पदमेव पटिक्खिपि, इदानी अनागते संसयापनयनाधिप्पायो भगवा”ति जत्वा आह । चित्तसमुद्धानरूपवसेन “अट्ठिमिज्जं आहच्चा”ति वुत्तं किर । बुद्धानं, चक्कवत्तीनञ्च व्यत्तादिवसेन नानत्तं वेदितव्वं, अञ्जथा नन्दादयोपि पब्बजित्वा बुद्धा सियुं “सचे पब्बजति, बुद्धो होती”ति वचनतो ।

पेसेत्वा दस्सेतुं वट्टति, आपुच्छिस्सामाति पब्बाजेतुं वट्टतीति च इदं यस्मा विदेसप्पत्तो नाम लोकसङ्केतेनापि मातापितुवासतो मुत्तो सेरिविहारीति वुच्चति, तस्मास्स ते असन्तपक्खे ठिता विय होन्तीति कत्वा “न तस्स पब्बज्जाचरिये वा अप्पसादं करोन्ती”ति एवं वुत्तं नट्टमेव । पब्बजिता समगतिकाति लोकवोहारो । तेनेव चेत्थ दुक्खप्पत्तादिना देसन्तरगमनञ्च समगतिकं कतं । विदेसं गन्त्वाति चेत्थ विदेसो नाम मातापितुवासतो अञ्जो देसो, न उप्पत्तिदेसतो । ब्यञ्जनत्थो एव चे पमाणं, न युत्ति । मतमातापितिकोपि न पब्बाजेतव्वोति आपज्जति, तस्मा अनुप्पत्तव्वट्टाने ठितेहियेव मातापितूहि अननुज्जातो पुत्तो न पब्बाजेतव्वोति एवमिधाधिप्पायो वेदितव्वो, अञ्जथा पाळिया विरुज्जेय्य, आपत्तिट्टानस्स च सिथिलकरणं अट्ठकथाय न युज्जति । इदं ताव एवं होतु, “विहारं वा ज्ञापेमी”ति आदिनयो कथं न विरुज्जतीति चे? अत्तपरूपद्ववप्पसङ्गभयेन अवसेन पब्बजितत्ता,



पुत्तरक्खणत्थं पब्बजितत्ता च । एवञ्चि सति सयमेव सो अत्तना पब्बजितो होति, न केनचि उपलापेत्वा पब्बजितो । “पुत्तपेमं वा पुत्तरक्खे पियो होती”ति निदानानुलोमतो न विरुज्झति ।

राहुलवत्थुकथावण्णना निद्धिता ।

### सिक्खापददण्डकम्मवत्थुकथावण्णना

१०७. अत्तनो परिवेणज्वाति पुग्गलिकं । मुखद्वारिकन्ति मुखद्वारेन भुज्जितब्बं । तत्थ नियोजितब्बकं, तस्स आवरणं निवारणं करोन्ति । अथ वा “अनुजानामि, भिक्खवे, आवरणं कातु”न्ति यं आवरणं अनुज्जातं, तं आवरणं मुखद्वारिकं आहारं करोन्तीति अधिप्पायो ।

सिक्खापददण्डकम्मवत्थुकथावण्णना निद्धिता ।

### अनापुच्छावरणवत्थुआदिकथावण्णना

१०८. परस्स दुस्सीलभिक्खुस्सपीति अत्थो । केचि “दुस्सीलभिक्खूपी”ति लिखन्ति, तं न सुन्दरं । पोराणा पन “यावततियं वुच्चमानो चे न ओरमति, सङ्गं अपलोकेत्वा नासेतब्बो, पुन पब्बज्जं याचमानोपि अपलोकेत्वा पब्बाजेतब्बो”ति वदन्ति । **भिक्खूनं उपसम्पदकम्मवाचासदिसन्ति** एत्थ “यथा उपसम्पन्नो सिक्खं पच्चक्खाय यथानिवत्थपारुतोव हुत्वा पच्छा उपसम्पन्नो पुब्बे अत्तनो नवकतरस्स समानवस्सिकस्स पुन वन्दनादीनि करोति, एवं सामणेरपि पुन गहितसरणो ततो पुब्बे अत्तनो नवकतरस्स समानवस्सिकस्स सामणेरस्स पुन वन्दनादीनि करोति । लिङ्गं पनेत्थ वुट्ठतरभावं न साधेतीति वुत्तं होती”ति वुत्तं । विकालभोजनं सामणेरानं वीतिक्कमेवाति एके । “अच्चयो मं, भन्ते, अच्छागमा”तिआदिना नयेन अच्छयं देसापेतब्बो । “दिट्ठिया अनिस्सज्जनेन ‘त्वं, सामणेर, गच्छा’ति वुत्तेयेव पाराजिको होती”ति वुत्तं, “यावततियन्ति वुत्तत्ता बुद्धादीनं अवण्णभासितमत्तेन च दिट्ठिगहितमत्तेन च सरणानि न भिज्जन्तीति वुत्तं होती”ति वदन्ति । एवं सन्ते पाणातिपातादिं करोन्तस्सापि तं सम्भोतीति मम तक्को । “निस्सीलस्स पुन नासना वुत्ता”ति च केचि वदन्ति, तं युत्तं विय । न हि भगवा सीलवन्तस्स लिङ्गनासनं अनुजानातीति विचारेतब्बं, भिक्खुनिदूसकापदेसेन भब्बाभब्बे सङ्गहातीति पोराणा । “**पब्बज्जमि न लभतीति** यथा चेत्थ अयमत्थो दस्सितो, तथा ‘पण्डको, भिक्खवे, अनुपसम्पन्नो न उपसम्पादेतब्बो, उपसम्पन्नो नासेतब्बो’ति (महाव० १०९) आदिना नयेन वुत्तानमि पब्बज्जं नत्थीति दीपितं होति । न हि इदं ठानं ठपेत्वा तेसं पब्बज्जाय वारितट्ठानं अत्थि । ‘भिक्खुनिदूसको, भिक्खवे, अनुपसम्पन्नो न उपसम्पादेतब्बो, उपसम्पन्नो नासेतब्बो’ति (महाव० ११४) वुत्तेनपि समानत्ता तस्स पब्बज्जा विय तेसमि पब्बज्जा वारिताव होतीतिपि दस्सेतुं पुन भिक्खुनिदूसकोति गहितन्ति अपरे”ति वुत्तं । किं इमिना? ननु **अट्ठकथायं** वुत्तं “यस्स चेत्थ पब्बज्जा वारिता, तं सन्धाय इदं वुत्तं अनुपसम्पन्नो न उपसम्पादेतब्बो, उपसम्पन्नो नासेतब्बो”ति ।

अनापुच्छावरणवत्थुआदिकथावण्णना निद्धिता ।

### पण्डकवत्थुकथावण्णना

१०९. ओपक्कमिकपण्डकस्स हीनङ्गत्ता अपब्बजितस्स पब्बज्जा वारिता, पब्बजितस्स उपसम्पदा न कातब्बा । पुब्बे उपसम्पन्नस्स चे उपचरणं अत्थि, न नासना कातब्बाति नो तक्कोति आचरियो । छिन्नङ्गजातो न पण्डको । पञ्चसु नपुंसकपण्डकोव अभावको । इतरे चत्तारो सभावकाति वेदितब्बा । भावो पन तेसं पण्डको होति । एते चत्तारोपि किर पुरिसावाति एके । इत्थीपि पक्खपण्डकी होतीति एके । उपक्कमे कते पण्डकभावो अवस्सं होति, तस्मा पब्बज्जं न लभति । “यदि पन कस्सचि न होति, पब्बज्जा न वारिताति विनिच्छयं वदन्ती”ति वुत्तं ।

“**पब्बज्जा वारिता**ति अपण्डकपक्खे पब्बाजेत्वा पण्डकपक्खे नासेतब्बोति अधिप्पायो”ति लिखितं । **पोराणगण्ठपदे** पन मासपण्डकलेखपण्डकेहि सह सत्त पण्डका वुत्ता । तत्थ **लेखपण्डको** नाम किर मन्तवसेन उपहतबीजो । तत्थ “ओपक्कमिकलेखपण्डका पब्बजिता न नासेतब्बा । यो पब्बाजेति, तस्स दुक्कट”न्ति च वुत्तं ।

पण्डकवत्थुकथावण्णना निड्ढिता ।

### थेय्यसंवासकवत्थुकथावण्णना

**११०. थेय्यसंवासको**ति एत्थ किञ्चापि ब्यञ्जनत्थवसेन संवासत्थेनकोव थेय्यसंवासकोति पज्जायति, अथ खो तयो थेय्यसंवासका । **संवासो**ति चेत्थ न एककम्मादिको संवासो, किन्तु भिक्खुवस्सगणनादिको किरियभेदो इध संवासो नाम । इमज्झि सक्का थेय्याय कातुं, नेतरन्ति अट्ठकथाय अधिप्पायो । विदेसं गन्त्वा पब्बजितेहि पुच्छिते “दसवस्सो”तिआदिं भणन्तस्स दोसो । गिहीनं वुत्ते दोसो नत्थीति केचि । राजभयादीहि गहितलिङ्गानं “गिही मं समणोति जानातू”ति वज्जनचित्ते सतिपि भिक्खून् वज्जेतुकामताय, तेहि संवसितुकामताय च अभावा दोसो न जातो । “**सब्बपासण्डियभत्तानी**ति विहारं आगन्त्वा सङ्घिकं गण्हन्तस्स संवासं परिहरितुं दुक्करं, तस्मा वुत्त”न्ति च लिखितं । “सूपसम्पन्नो”ति वुत्तत्ता गहट्ठम्पि सचे उपसम्पादेन्ति, सूपसम्पन्नोति आपन्नं, “अनुपसम्पन्नकालेयेवा”ति इमिना सचे उपसम्पन्नकाले सुणाति, सूपसम्पन्नो एव अनारोचेन्तोपीति दस्सेति । **अन्धकट्टकथायं, पोराणगण्ठपदेसु** च दुस्सीलभिक्खु “थेय्यसंवासको”ति वुत्तो “थेय्याय वो, भिक्खवे, रट्ठपिण्डो भुत्तो”ति (पारा० १९५) इमिना किर परियायेनाति वेदितब्बं । तेनेवाह “**तं न गहेतब्ब**”न्ति । “महापेळादीसू”ति एतेन गिहिसन्तकं दस्सितं ।

सयं सामणेरोव कूटवस्सानि गणेत्वा गण्हन्तो पाराजिको होति, थेय्यसंवासको पन न होति, तथा भिक्खुपि, सो पन भण्डगघेन कारेतब्बोति इमिना अधिप्पायेन “**सयं सामणेरोवा**”तिआदि वुत्तं । अयं पन थेय्यसंवासको नाम यस्मा पब्बजितोव होति, नापब्बजितो, तस्मा “थेय्यसंवासको, भिक्खवे, अपब्बजितो न पब्बाजेतब्बो, पब्बजितो नासेतब्बो”ति वत्तुं न सक्काति कत्वा इमस्स वसेन पण्डकतो पट्ठाय “अनुपसम्पन्नो न उपसम्पादेतब्बो”तिआदिना पाळि ठपिता, न उपसम्पादामत्तस्सेव अभब्बत्ता एकादसन्नम्पि नेसं पब्बज्जारहभावप्पसङ्गतो । अपिच अनिट्ठदोसप्पसङ्गतो तथा एव पाळि ठपिता । यस्मा तित्थियपक्कमनं, सङ्घभेदनञ्च उपसम्पन्नस्सेव होति, नानुपसम्पन्नस्स, सो दुविधोपि पब्बजितोव होति, नापब्बजितो, तस्मा “तित्थियपक्कन्तको, भिक्खवे, अपब्बजितो न पब्बाजेतब्बो”तिआदिपाळिया सति ते उभोपि अपब्बाजेतब्बा होन्तीति अनिट्ठप्पसङ्गो आपज्जतीति । तीसु पन थेय्यसंवासकेसु सामणेरालयं करोन्तो लिङ्गत्येनको, उपसम्पन्नालयं करोन्तो संवासत्थेनको, उभयत्थेनको च । न हि सामणेरसंवासो इध संवासो नाम, तेनेव **अट्ठकथायं** “भिक्खुवस्सगणनादिको हि सब्बोपि किरियभेदो इमस्मिं अत्थे संवासो”ति वुत्तन्ति एके । यथावुड्ढं वन्दनसादियनासनपटिबाहनानं सामणेरसंवाससामञ्जतो नेवाति आचरियो ।

थेय्यसंवासकवत्थुकथावण्णना निड्ढिता ।

### तित्थियपक्कन्तककथावण्णना

**तित्थियपक्कन्तको, भिक्खवे**तिआदि अत्तनो निदानभूते **पसूरवत्थुस्मिं** एव वत्तब्बं समानम्पि तत्थ वारितअधिकाराभावा अभब्बा । इधेव थेय्यसंवासकेन विना सम्भवतो वुत्तो । तत्थ “अथ खो न पब्बाजेतब्बोपी”ति इधेव वचनं पसूरस्स उपसम्पादाय एव याचनिच्छाय दस्सनेन, “सो आगतो न उपसम्पादेतब्बो”ति भगवतो उपसम्पादामत्तपटिसेधनेन च पब्बज्जानुमतिदोसप्पसङ्गभयाति वेदितब्बं । तेसं लिङ्गे आदिन्नमत्ते लद्धिया गहितायपि अगगहितायपि तित्थियपक्कन्तको होति, अवन्दनीयस्सेव नगगलिङ्गस्स सेट्ठभावं वा उपगच्छति, न मुच्चति, एत्थ “पदवारे दुक्कटं, आजीवको भविस्सन्ति विसमचित्तवसेन गतत्ता नगगो हुत्वा न गमनेना”ति वदन्ति । उभिन्नम्पि वसेन युत्तन्ति मम तक्को । **ताव नं लद्धि रक्खति** असम्पटिच्छितत्ता । **उपसम्पन्नभिक्खुना**

**कथितोति** कथं पञ्जायति? अट्टकथावचनप्पमाणतोवाति एके । निदानवसेनाति एके । पसूरस्स उपसम्पन्नत्ता उपसम्पन्नानं एव तिथियपक्कन्ततावचनतोति एके । यथाह “उपज्झायो पक्कन्तोवा होति, विब्भन्तो वा, कालंकतो वा, पक्खसङ्कन्तो वा”ति आचरियो । **पक्खसङ्कन्तो वाति** सामणेरनासनावत्थूसु अभावतोति एके । अज्जतिथियपुब्बस्स उपसम्पन्नस्स सतो पक्खसङ्कन्तभया अनुपसम्पन्नकाले उपसम्पदत्थं परिवासपञ्जापनेनाति एके । पब्बज्जत्थम्पीति चे? न, पुब्बे विचारितत्ता, अपब्बजितस्स अधिसीलाभावतो च । पातिमोक्खसीलज्हि अधिसीलं नाम, तज्च अपब्बजितस्स नत्थि । इमस्स च परिवासवत्ते अधिसीलं वुत्तं । यथाह “पुन चपरं, भिक्खवे, अज्जतिथियपुब्बो तिब्बच्छन्दो होति उद्देसे परिपुच्छाय अधिसीले”ति (महाव० ८७) । अपिच “सचे, भिक्खवे, जातिया साकियो अज्जतिथियपुब्बो आगच्छति, सो आगतो उपसम्पादेतब्बो”ति (महाव० ८७) एत्थ उपसम्पदामत्तपरिदीपनतो । उपसम्पदामत्तपरिदीपनज्हेत्थ तस्सेव परिवासदानसिद्धितो । परिवासदानत्तनिदस्सनत्थे हेसा पाळि ।

तिथियपक्कन्तकथावण्णना निट्ठिता ।

### तिरच्छानगतवत्थुकथावण्णना

**१११. नागयोनि**याति नागयोनिनो, अत्तनो नागजातिहेतूति अधिप्पायो । किंकारणा? अभिक्खणं सकजातिया मेथुनपटिसेवने, विस्सट्ठनिद्वोक्कमने च सब्बेसम्पि ।

तिरच्छानगतवत्थुकथावण्णना निट्ठिता ।

### मातुघातकादिवत्थुकथावण्णना

**११२-५. अपवाहनन्ति** पक्खलनं, कासायवत्थनिवासनं इच्छमानन्ति अत्थो । दुट्ठचित्तेन । कीदसेन? वधकचित्तेनाति अधिप्पायो । लोहितुप्पादनवसेन दुट्ठचित्तन्ति केचि, तं न सुन्दरं ।

मातुघातकादिवत्थुकथावण्णना निट्ठिता ।

### उभतोव्यञ्जनकवत्थुकथावण्णना

**११६.** “यदि पटिसन्धियं उप्पन्नलिङ्गेन एतं नामं लभन्तीति अधिप्पायो”ति लिखितं ।

उभतोव्यञ्जनकवत्थुकथावण्णना निट्ठिता ।

### अनुपज्झायकादिवत्थुकथावण्णना

**११७.** “केचि ‘कुप्पती’ति वदन्ति, तं ‘न गहेतब्ब’न्ति यं वुत्तं, तं “पञ्चवग्गकरणीयज्जे, भिक्खवे, कम्मं भिक्खुनिपञ्चमो कम्मं करेय्य, अकम्मं न च करणीय”न्तिआदिना (महाव० ३९०) नयेन वुत्तत्ता पण्डकादीनं गणपूरणभावे एव कम्मं कुप्पति, न सब्बन्ति कत्वा सुवुत्तं, इतरथा “पण्डकुपज्झायेन कम्मं करेय्य, अकम्मं न च करणीय”न्तिआदिकाय **पाळिया** भवितब्बं सिया । यथा अपरिपुण्णपत्तचीवरस्स उपसम्पादनकाले कम्मवाचायं “परिपुण्णस्स पत्तचीवर”न्ति असन्तं वत्थुं कित्तेत्वा उपसम्पदाय कताय तस्मिं असन्तेपि उपसम्पदा रुहति, एवं “अयं बुद्धरक्खितो आयस्मतो धम्मरक्खितस्स उपसम्पदापेक्खो”ति अवत्थुं पण्डकुपज्झायादिं, असन्तं वा, वत्थुं कित्तेत्वा कतायपि गणपूरकानमत्थिताय उपसम्पदा रुहेतेव । “न, भिक्खवे, पण्डकुपज्झायेन उपसम्पादेतब्बो, यो उपसम्पादेय्य, आपत्ति दुक्कटस्स, सो च पुगलो अनुपसम्पन्नो”तिआदिवचनस्साभावा अयमत्थो सिद्धोव होति । न हि बुद्धा वत्तब्बयुत्तं न वदन्ति, तेन वुत्तं “यो पन, भिक्खु, जानं ऊनवीसतिवस्सं...पे०... सो च पुगलो

अनुपसम्पन्नो'तिआदि (पाचि० ४०३) । तथा “ब्यत्तेन भिक्खुना पटिबलेन सङ्घो जापेतब्बो'ति (महाव० ७१) वचनतो थेय्यसंवासकादिआचरियेहि अनुस्सावनाय कताय उपसम्पदा न रुहति तेसं अभिक्खुत्ता'ति वचनम्पि न गहेतब्बं । किञ्च भिय्यो “इमानि चत्तारि कम्मनि पञ्चहाकारेहि विपज्जन्ती'तिआदिना (परि० ४८२) नयेन कम्मनं सम्पत्तिविपत्तिया कथियमानाय “सत्तहि आकारेहि कम्मनि विपज्जन्ति वत्थुतो वा जत्तितो वा अनुस्सावनतो वा सीमतो वा परिसतो वा उपज्झायतो वा आचरियतो वा'ति अकथितत्ता न गहेतब्बं । “परिसतो वा'ति वचनेन आचरियउपज्झायानं वा सङ्गहो कतोति चे? न, “द्वादसहाकारेहि परिसतो कम्मनि विपज्जन्ती'ति एतस्स विभङ्गे तेसमनामट्ठत्ता । अयमत्थो “यस्मा तत्थ तत्थ सरूपेन वुत्तपाळिवसेनेव सक्का जानितुं, तस्मा नयमुखं दस्सेत्वा संखित्तोति अयमस्स युत्तिगवेसना'ति वुत्तं । तत्रिदं विचारेतब्बं — अनुपज्झायकं उपसम्पादेन्ता ते भिक्खू यथावुत्तनयेन अभूतं तं वत्थुं कित्थिसु, उदाहु मुसावादभया तानेव पदानि न सावेसुन्ति । किञ्चेत्थ यदि ताव उपज्झायाभावत न सावेसुं, “पुगलं न परामसती'ति वुत्तविपत्तिप्पसङ्गो होति, अथ सावेसुं, मुसावादो नेसं भवतीति? वुच्चते — सावेसुंयेव यथावुत्तविपत्तिप्पसङ्गभया, “कम्मं पन न कुप्पती'ति अट्ठकथाय वुत्तत्ता च, न मुसावादस्स असम्भवतो, मुसावादेनापि कम्मसम्भवतो च । न हि सक्का मुसावादेन कम्मविपत्तिसम्पत्तिं कातुन्ति । तस्मा “अनुपज्झायकं उपसम्पादेन्ती'ति वचनस्स उभयदोसविनिमुत्तो अत्थो परियेसितब्बो ।

अयञ्चेत्थ युत्ति — “यथा पुब्बे पब्बज्जुपसम्पदुपज्झायेसु विज्जमानेसुपि उपज्झायग्गहणक्कमेन अग्गहितत्ता 'तेन खो पन समयेन भिक्खू अनुपज्झायक'न्तिआदि वुत्तं, तथा इधापि उपज्झायस्स विज्जमानस्सेव सतो अग्गहितत्ता 'अनुपज्झायकं उपसम्पादेन्ती'ति वुत्तं । कम्मवाचाचरियेन पन गहितो तेन उपज्झायोति सञ्जाय उपज्झायं कित्तेत्वा कम्मवाचं सावेतब्बं, केनचि वा कारणेन कायसामग्गिं अदेन्तस्स उपज्झायस्स छन्दं गहेत्वा कम्मवाचं सावेति, उपज्झायो वा उपसम्पदापेक्खस्स उपज्झं दत्वा पच्छा उपसम्पन्ने तस्मिं तादिसे वत्थुस्मिं समनुयुज्जियमानो वा असमनुयुज्जियमानो वा उपज्झायदानतो पुब्बे एव सामणोरो पटिजानाति, सिक्खापच्चक्खातको वा अन्तिमवत्थुअज्झापन्नको वा पटिजानाति, छन्दहारकादयो विय उपज्झायो वा अज्जसीमागतो होति, 'कम्मवाचा रुहती'ति वत्वा 'अनुजानामि, भिक्खवे, पच्चन्तिमेसु जनपदेसु विनयधरपञ्चमेन गणेन उपसम्पद'न्ति (महाव० २५९) वुत्तत्ता केचि 'विनयधरपञ्चमेन उपज्झायेन सन्निहितेनेव भवितब्ब'न्ति वदन्ती'ति पोराणगण्ठिपदे वुत्तं । सो चे पाठो पमाणो मज्झिमेसु जनपदेसु तस्स वचनस्साभावतो । असन्निहितेपि उपज्झाये कम्मवाचा रुहतीति आपज्जतीति चे? न, कस्मा? कम्मसम्पत्तियं “पुगलं परामसती'ति वुत्तपाठोव नो पमाणं । न हि तत्थ असन्निहितो उपज्झायसङ्घातो पुगलो परामसनं अरहति, तस्मा तत्थ सङ्घपरामसनं विय पुगलपरामसनं वेदितब्बं । सङ्घेन गणेन उपज्झायेन उपसम्पादेन्ति तेसं अत्थतो पुगलत्ता । पण्डकादिउपज्झायेन उपसम्पादेन्ति उपसम्पादनकाले अविदितत्ताति पोराणा ।

### अपत्तकादिवत्थुकथावण्णना

**११८. अपत्तचीवरं उपसम्पादेन्तीति** कम्मवाचाचरियो “परिपुण्णस्स पत्तचीवर'न्ति सञ्जाय, केवलं अत्थसम्पत्तिं अनपेक्खित्वा सन्तपदनिहारेन वा “परिपुण्णस्स पत्तचीवर'न्ति कम्मवाचं सावेति । यथा एतरहि मतविप्पवुत्थमातापितिकोपि “अनुज्जातोसि मातापितूही'ति पुट्ठो “आम भन्ते'ति वदति । किं बहुना, अयं पनेत्थ सारो — “तस्मिं समये चत्तारि कम्मनि पञ्चहाकारेहि विपज्जन्ती'ति लक्खणस्स न ताव पञ्चत्तत्ता अनुपज्झायकादिं उपसम्पादेन्ति, वज्जनीयपुगलानं अवुत्तत्ता पण्डकुपज्झायादिं उपसम्पादेन्ति । तेरसन्तरायपुच्छाय अदस्सनत्ता अपत्तचीवरकं उपसम्पादेन्ति । “अनुजानामि, भिक्खवे, जत्तिचतुत्थेन कम्मेन उपसम्पादेतु'न्ति (महाव० ६९) एवं सब्बपठमं अनुज्जातकम्मवाचाय “परिपुण्णस्स पत्तचीवर'न्ति अवचनमेत्थ साधकन्ति वेदितब्बं । तज्हि वचनं अनुक्कमेनानुज्जातन्ति ।

### हत्थच्छिन्नादिवत्थुकथावण्णना

**११९. इदं ताव सब्बथा** होतु, “मूगं पब्बाजेन्ति, बधिंरं पब्बाजेन्ती'ति इदं कथं सम्भवितुमरहति आदितो पट्ठाय “अनुजानामि, भिक्खवे, इमेहि तीहि सरणगमनेहि पब्बज्ज'न्तिआदिना (महाव० ३४) अनुज्जातत्ताति? वुच्चते — “एवञ्च पन, भिक्खवे,

पब्बाजेतब्बोति । एवं वदेहीति वत्तब्बो...पे०... ततियम्पि सङ्गं सरणं गच्छामी”ति एत्थ “एवं वदेहीति वत्तब्बो”ति इमस्स वचनस्स मिच्छा अत्थं गहेत्वा मूगं पब्बाजेसुं । “एवं वदेही”ति तं पब्बज्जापेक्खं आणापेत्वा सयं उपज्झायेन वत्तब्बो “ततियं सङ्गं सरणं गच्छामी”ति, सो पब्बज्जापेक्खो तथा आणत्तो उपज्झायवचनस्स अनु अनु वदतु वा, मा वा, तत्थ तत्थ भगवा “कायेन विज्जापेति, वाचाय विज्जापेति, कायेन वाचाय विज्जापेति, गहितो होति उपज्झायो । दिन्नो होति छन्दो । दिन्ना होति पारिसुद्धि । दिन्ना होति पवारणा”ति वदति । तदनुमानेन वा कायेन तेन पब्बज्जापेक्खेन विज्जत्तं होति सरणगमनन्ति वा लोकेपि कायेन विज्जापेन्तो “एवं वदती”ति वुच्चति, तं परियायं गहेत्वा मूगं पब्बाजेन्तीति वेदितब्बं । **पोराणगण्ठपदे** “मूगं कथं पब्बाजेन्ती”ति पुच्छं कत्वा तस्स कायप्पसादसम्भवतो कायेन पहारं दत्वा हत्थमुद्वाय विज्जापेत्वा पब्बाजेसु”न्ति वुत्तं । किं बहुना, अयं पनेत्थ सारो — यथा पुब्बे पब्बज्जाधिकारे वत्तमाने पब्बज्जाभिलापं उपच्छिन्दित्वा “पण्डको, भिक्खवे, अनुपसम्पन्नो न उपसम्पादेतब्बो”ति आदिना नयेन उपसम्पदवसेनेव अभिलापो कतो । थेय्यसंवासकपदे असम्भवतो किञ्चापि सो न कतो पब्बज्जाव तत्थ कता, सब्बत्थ पन उपसम्पदाभिलापेन अधिप्पेता तदनुभावतो । उपसम्पदाय पब्बज्जाय वारिताय उपसम्पदा वारिता होतीति कत्वा । तथा इध उपसम्पदाधिकारे वत्तमाने उपसम्पदाभिलापं उपच्छिन्दित्वा उपसम्पदमेव सन्धाय पब्बज्जाभिलापो कतोति वेदितब्बो । कामं सो न कत्तब्बो, मूगपदे असम्भवतो तस्स वसेन आदितो पट्टाय उपसम्पदाभिलापोव कत्तब्बो विय दिस्सति, तथापि तस्सेव मूगपदस्स वसेन आदितो पट्टाय पब्बज्जाभिलापोव कतो मिच्छागहणनिवारणत्थं । कथं? “मूगो, भिक्खवे, अप्पत्तो ओसारणं, तज्जे सङ्गो ओसारेति, सोसारितो”ति (महाव० ३९६) वचनतो मूगो उपसम्पन्नो होतीति सिद्धं । सो “केवलं उपसम्पन्नोव होति, न पन पब्बजितो तस्स पब्बज्जाय असम्भवतो”ति मिच्छागाहो होति । तं परिच्चजापेत्वा यो उपसम्पन्नो, सो पब्बजितोव होति । पब्बजितो पन अत्थि कोचि उपसम्पन्नो, अत्थि कोचि अनुपसम्पन्नो । इमं सम्मागाहं उप्पादेति भगवाति वेदितब्बं ।

अपिच तेसं हत्थच्छिन्नादीनं पब्बजितानं सुपब्बजितभावदीपनत्थं, पब्बज्जाभावासङ्कानिवारणत्थञ्चेत्थ पब्बज्जाभिलापो कतो । कथं? “न, भिक्खवे, हत्थच्छिन्नो पब्बाजेतब्बो”ति आदिना पटिक्खेपेन, “पब्बजिता सुपब्बजिता”ति वुत्तट्ठानाभावेन च तेसं पब्बज्जाभावप्पसङ्का भवेय्य । यथा पसङ्काभवे, तथा पसङ्कं ठपेय्य । **खन्धके** उपसम्पदं सन्धाय “हत्थच्छिन्नो, भिक्खवे, अप्पत्तो ओसारणं, तज्जे सङ्गो ओसारेति, सोसारितो”ति आदिना नयेन भगवा निवारति । तेनेव पन नयेन पब्बजिता ते सब्बेपि सुपब्बजिता एवाति दीपेति, अज्जथा सब्बेपेते उपसम्पन्नाव होन्ति, न पब्बजिताति अयमनिद्वुप्पसङ्गो आपज्जति । कथं? “हत्थच्छिन्नो, भिक्खवे, न पब्बाजेतब्बो, पब्बजितो नासेतब्बो”ति वा “न, भिक्खवे, हत्थच्छिन्नो पब्बाजेतब्बो, यो पब्बाजेय्य, आपत्ति दुक्कटस्स, सो च अपब्बजितो”ति वा तन्ति या ठपिताय चम्पेय्यक्खन्धके “सोसारितो”ति वुत्तत्ता केवलं “इमे हत्थच्छिन्नादयो उपसम्पन्नाव होन्ति, न पब्बजिता”ति वा “उपसम्पन्नापि चे पब्बजिता, नासेतब्बा”ति वा अनिद्वुकोट्टासो आपज्जतीति अधिप्पायो ।

इदं पनेत्थ विचारेतब्बं — “सो च अपब्बजितो”ति वचनाभावतो मूगस्स पब्बज्जसिद्धिप्पसङ्गतो पब्बज्जापि एकतोसुद्धिया होतीति अयमनिद्वुकोट्टासो कथं नापज्जतीति? पब्बज्जाभिलापेन उपसम्पदा इधाधिप्पेताति सम्मागाहेन नापज्जति, अज्जथा यथाव्यज्जनं अत्थे गहिते यथापज्जत्तदुक्कटाभावसङ्गातो अपरोपि अनिद्वुकोट्टासो आपज्जति । कथं? “न, भिक्खवे, मूगो पब्बाजेतब्बो, यो पब्बाजेय्य, आपत्ति दुक्कटस्सा”ति वुत्तदुक्कटं पब्बज्जपरियोसाने होति, न तस्साविप्पकताय । पुब्बपयोगदुक्कटमेव हि पठमं आपज्जति, तस्मा मूगस्स पब्बज्जपरियोसानस्सेव अभावतो इमस्स दुक्कटस्स ओकासो च सब्बकालं न सम्भवेय्य । उपसम्पदावसेन पन अत्थे गहिते सम्भवति कम्मनिप्फत्तितो । तेनेव **पाल्लियं** “न, भिक्खवे, पण्डको उपसम्पादेतब्बो, यो उपसम्पादेय्य, आपत्ति दुक्कटस्सा”ति दुक्कटं न पज्जत्तं । अपज्जत्तत्ता पुब्बपयोगदुक्कटमेव चेत्थ सम्भवति, नेतरं, एत्तावता सिद्धमेतं “पब्बज्जाभिलापेन उपसम्पदा च तत्थ अधिप्पेता, न पब्बज्जा”ति ।

एत्थाह — सामणेरपब्बज्जा न कायपयोगतो होतीति कथं पज्जायतीति? वुच्चते — कायेन विज्जापेतीति आदित्ति कादस्सनतो । होति चेत्थ —

“अप्पेव ससको कोचि, पतिट्ठेय्य महण्णवे ।

न त्वेव चतुग्भीरे, दुग्गाहो विनयणवे'ति॥

ब्रह्मजुगत्तोति एत्थ “निदोसत्थे, सेट्ठत्थे च ब्रह्म-सदं गहेत्वा निदोसं हुत्वा उजु गतं यस्स सो ब्रह्मजुगत्तो”ति लिखितं। अथ वा कामभोगित्ता देविन्दादयो उपमावसेन अगगहेत्वा ब्रह्मा विय उजुगत्तो ब्रह्मजुगत्तो। महाकुच्छितो घटो महाकुच्छिघटो। तेन समानो वुच्चति “महाकुच्छिघटसदिसो”ति। गलगण्डीति देसनामत्तमेवेतन्ति कथं पज्जायतीति? “न, भिक्खवे, पज्जहि आबाधेहि फुट्ठो पब्बाजेतब्बो”ति वचनतो। किलासोपि इधाधिप्पेतोति न केवलं सो एवेको, किन्तु पज्जहि आबाधेहि फुट्ठो, पाळियं आगता राजभटादयो दासपरियोसाना, राहुलवत्थुम्हि आगता अननुज्जातमातापितरो चाति दसपि जना इधाधिप्पेता। तदत्थदीपनत्थमेव लिखितककसाहतलक्खणाहते पुब्बे वुत्तेपि आनेत्वा उपालित्थेरो इध हत्थच्छिन्नपाळियं आह। तेनेव चम्पेय्यक्खन्धके “अत्थि, भिक्खवे, पुग्गलो अप्पत्तो ओसारणं, तज्जे सङ्गो ओसारेति, एकच्चो सोसारितो, एकच्चो दोसारितो”ति (महाव० ३९६) इमस्स विभङ्गे “पज्जहि आबाधेहि फुट्ठा, राजभटा, चोरकारभेदकइणायिकदासा, अननुज्जातमातापितरो चा”ति सत्त जना न गहिता, न च लब्धन्ति, अज्जथा इमेपि तस्स विभङ्गे वत्तब्बा सियुं। न वत्तब्बा तत्थ अभब्बत्ताति चे? एवं सन्ते “सङ्गो ओसारेति, एकच्चो दोसारितो”ति इमस्स विभङ्गे वत्तब्बा पण्डकादयो विय, न च वुत्ता। उभयत्थ अवुत्तत्ता न चिमे अनुभया भवितुमरहन्ति, तस्मा अवुत्तानमेव दसन्नं यथावुत्तानं सङ्गण्हनत्थं पुन लिखितकादयो वुत्ताति। अथ किमत्थं ते इध उप्पटिपाटिया वुत्ताति? इणायिकदासानं सोसारितभावेपि इणायिकदासा सामिकानं दातब्बाति तदधीनभावदस्सनत्थं। तेनेव तत्थ वुत्तं “पलातोपि आनेत्वा दातब्बो”तिआदि। यो पनेत्थ चोरो कतकम्मो पब्बजति, राजभटो वा सचे कतदोसो, इणायिकगगहणेनेव गहिताति वेदितब्बो। अथ वा यथावुत्तलक्खणो सब्बोपि इणायिकदासानं “सोसारितो”ति वत्तब्बारहो न होतीति कत्वा तेसं परिवज्जनत्थं उप्पटिपाटिया देसना उपरि आरोहति, न हेट्ठाति दीपनतो। लिखितको “सोसारितो”ति वुत्तत्ता देसन्तरं नेतब्बो। तथाकारभेदकादयोपीति वेदितब्बं।

एत्तावता भगवता अत्तनो देसनाकुसलताय पुब्बे गहितग्गहणेन यथावुत्तानं दसन्नम्पि पब्बज्जुपसम्पदाकम्मनिप्फत्ति, उप्पटिपाटिवचनेन पुग्गलवेमत्ततज्ज देसनाय कोविदानं दीपितं होतीति वेदितब्बं। होति चेत्थ —

“वत्तब्बयुत्तं वचनेन वत्त्वा, अयुत्तमिदं नयदेसनाय।  
सन्दीपयन्तं सुगतस्स वाक्यं, चित्तं विचित्तं करोतिपी”ति॥

एत्थाह — चम्पेय्यक्खन्धके ऊनवीसतिवस्सो उभयत्थ अवुत्तत्ता अनुभयो सियाति? न सिया अवुत्तत्ता एव। यदि हि ततियाय कोटिया भवितब्बं, सा अवस्सं भगवता वत्तब्बाव होति, न च वुत्ता, तस्मा न सो अनुभयो होति। अथ कतरं पक्खं भजतीति? दोसारितपक्खं भजति। अथ कस्मा न वुत्तोति? सिकखापदेन पटिसिद्धत्ता। उपनाहं बन्धित्वाति पुन बन्धनं कत्वा। “नानाविधेहि ओसधेहि पादं बन्धित्वा आवाटके पवेसेत्वा कत्तब्बविधानस्सेतं अधिवचन”न्ति लिखितं। कप्पसीसो वा हत्थी विय। गोभत्तनाळिका नाम गुन्नं भत्तपानत्थं कतनाळिका। उपक्कमुखो नाम कुधितमुखो वुच्चति, वातण्डिको नाम अण्डकेसु वुट्ठिरोगेन समन्नागतो। विकटो नाम तिरियं गमनकपादेहि समन्नागतो। “गुणि कुणी”ति दुविधो किर पाठो। येसज्ज पब्बज्जा पटिक्खित्ता, उपसम्पदापि तेसं पटिक्खित्तावातिआदि यस्मा हत्थच्छिन्नादयो उपसम्पदावसेनेव वुत्ता, तस्मा ते एव हत्थच्छिन्नादयो सन्धायाह।

हत्थच्छिन्नादिवत्थुकथावण्णना निट्ठिता।

### अलज्जीनिस्सयवत्थुकथावण्णना

१२०. “न, भिक्खवे, अलज्जीनं निस्सयो दातब्बो”ति इमिना अलज्जीहि भिक्खूहि, सामणरेहि वा सद्धिं द्वेपि धम्मामिसपरिभोगा पटिक्खित्ता होन्ति निस्सयभावे भावतो तेसं। यथाह “आचरियेन, भिक्खवे, अन्तेवासिको सङ्गहेतब्बो अनुगहेतब्बो उद्वेसेन परिपुच्छाय ओवादेन अनुसासनिया”तिआदि (महाव० ७९) उपज्झायस्सपि निस्सयप्पणामनसम्भवतो, सोपि सद्धिविहारिकस्स निस्सयोति वेदितब्बं, तस्मा उपज्झायो चे अलज्जी होति, न तं निस्साय वसितब्बन्ति सिद्धं होति। भिक्खून्

सम्मापटिपत्तिया समानभागो भिक्खु सभागो । तस्सभावो भिक्खुसभागता । तं **भिक्खुसभागतं** । याव जानामीति अधिष्णायेन वसितुं वट्टति । भिक्खूहि सभागतं । किं तं? लज्जिभावं । “**सत्ताहं...पे०... गहेतब्बो**”ति एत्थ “सत्ताहमत्तं वसिस्सामि, किं भिक्खुसभागताजाननेनाति जानने धुरं निक्खिपित्वा वसितुं न लभतीति अत्थो”ति लिखितं । “भिक्खुसभागतं पन जानन्तो स्वेव गमिस्सामि, किं मे निस्सयारोचनेना”ति अरुणं उट्टपेतुं न लभति । “पुरे अरुणं उट्टहित्वा गमिस्सामी”ति आभोगेन सयन्तस्स चे अरुणो उग्गच्छति, वट्टति ।

### गमिकादिनिस्सयवत्थुकथावण्णना

**१२१. “अद्धानमगगप्पटिपन्नेन भिक्खुना निस्सयं अलभमानेन अनिस्सितेन वत्थुन्ति** अवस्सकालेयेव वस्सकाले अद्धानगमनस्स **पाळियं**येव पटिक्खित्ता”ति वुत्तं, तं अप्पमाणं सत्ताहं वस्सच्छेदादिवसेन अद्धानगमनसम्भवतो, गच्छन्तस्सेव वस्सकालगमनसम्भवतो च । **अन्तरामग्गे...पे०... अनापत्ती**ति निस्सयदायकाभावेयेव । “**तस्स निस्साया**”ति पाठानुरूपं वुत्तं, तं निस्सायाति अत्थो । “यदा पतिरूपो निस्सयदायको आगच्छिस्सती”ति वचनेन अयं विधि अवस्सकाले एवाति सिद्धं । “अन्तोवस्से पन कस्सचि आगमनाभावा”ति वुत्तं । सचे सो जलपट्टने वा थलपट्टने वा वसन्तो वस्सूपनायिकाय आसन्नाय गन्तुकामो सुणाति “असुको महाथेरो आगमिस्सती”ति, तं चे आगमेति, वट्टति । आगमेन्तस्सेव चे वस्सूपनायिकदिवसो होति, होतु, गन्तब्बं तत्थ, यत्थ निस्सयदायकं लभतीति । पातिमोक्खुद्देसकाभावेन चे गन्तुं वट्टति, पगेव निस्सयदायकाभावेन । सचे सो गच्छन्तो जीवितन्तरायं, ब्रह्मचरियन्तरायं वा पस्सति, तत्थेव वसितव्वन्ति एके ।

**१२२. “नाहं उस्सहामि थेरस्स नामं गहेतुं”**न्ति इत्थन्नामो इत्थन्नामस्स आयस्मतोति लक्खणतो आह । “गोत्तेनापी”ति वचनतो येन वोहारेन वोहरियन्ति, तेन वट्टतीति सिद्धं, तस्मा ‘को नामो ते उपज्झायो’ति पुट्टेनापि गोत्तमेव नामं कत्वा वत्तव्वन्ति सिद्धं होति, तस्मा चतुब्बिधेसु नामेसु येन केनचि नामेन अनुस्सावना कातब्बा”ति वदन्ति । एकस्स बहूनि नामानि होन्ति, तत्थ एकं नामं जत्तिया, एकं अनुस्सावनाय कातुं न वट्टति, अत्थतो, ब्यञ्जनतो च अभिन्नाहि अनुस्सावनाहि भवितव्वन्ति । कत्थचि “आयस्मतो बुद्धरक्खितत्थेरस्सा”ति वत्वा कत्थचि केवलं “बुद्धरक्खितस्सा”ति सावेति, “सावनं हापेती”ति न वुच्चति नामस्स अहापितत्ताति एके । सचे कत्थचि “आयस्मतो बुद्धरक्खितस्सा”ति वत्वा कत्थचि “बुद्धरक्खितस्सायस्मतो”ति सावेति, पाठानुरूपत्ता खेतमेव ओतिण्णन्तिपि एके । ब्यञ्जनभेदप्पसङ्गतो अनुस्सावने तं न वट्टतीति एके । सचे पन सब्बट्टानेपि तथेव वदति, वट्टति भगवता दिन्नलक्खणानुरूपत्ता । लक्खणविरोधतो अज्जथा न वट्टतीति चे? न, पयोगानुरूपत्ता । तत्थ तथा, इध अज्जथा पयोगोति चे? न, विपत्तिलक्खणानं विरोधतो । न सब्बेन सब्बं, सावनाहापना एव हि **पाळियं** तदत्थविभावने आगताति अज्जपदेसु सावनेसु परिहारो न सम्भवति आचिण्णकप्पविरोधतो । सोपि किंपमाणन्ति चे? पमाणं आचरियुगहस्स पमाणत्ता ।

**१२३. द्वे एकानुस्सावने**ति एत्थ **गण्ठपदे** ताव एवं लिखितं “एकतो पवत्तअनुस्सावने” । **इदं सन्धाया**ति नानुपज्झायं एकाचरियं अनुस्सावनकिरियं सन्धाय, तज्ज अनुस्सावनकिरियं एकेनुपज्झायेन नानाचरियेहि अनुजानामीति अत्थो । नानुपज्झायेहि एकेनाचरियेन न त्वेव अनुजानामीति अत्थोति । **पोराणगण्ठपदे**पि तथेव वत्वा “तिण्णं उट्ठं न केनचि आकारेन एकतो वट्टती”ति वुत्तं, तं युत्तं, न हि सङ्घो सङ्घस्स कम्मं करोतीति आचरियो । इदं पनेत्थ चिन्तेतव्वं । कथं? चत्तारो वा अतिरेका वा उपसम्पदापेक्खा सङ्घवोहारं न लभन्ति भिक्खुभावं अप्पत्तता । केवलं भगवता परिच्छिन्दित्वा “तयो”ति वुत्तत्ता ततो उट्ठं न वट्टतीति नो तक्कोति आचरियो । **अनुगण्ठपदे**पि अयमेवत्थो बहुधा विचारेत्वा वुत्तो । तथा **अन्धकटुकथायम्पि** । न सब्बत्थ इमस्मिं अत्थविकप्पे मतिभेदो अत्थि । या पनेसा उभो परिपुण्णवीसतिवस्सा, उभिन्नेमेकुपज्झायो, एकाचरियो, एका कम्मवाचा, एको उपसम्पन्नो, एको अनुपसम्पन्नोति परिवारकथा, तं दस्सेत्वा एको चे आचरियो द्विन्नं, तिण्णं वा उपसम्पदापेक्खानं एकं कम्मवाचं एकेनुपज्झायेन सावेति, वट्टतीति एके । तं अयुत्तं, न हि सक्का सिथिलधनितादिव्यञ्जनलक्खणसम्पन्नं तस्मिं खणे कम्मवाचं दस्सेतुं विमुत्तदोसादीसु पतनतो । विसुं विसुं करणं सन्धाय इदं वुत्तन्ति दीपनत्थं “तयो परिपुण्णवीसतिवस्सा, तिण्णमेकुपज्झायो, एकाचरियो, एका कम्मवाचा, द्वे उपसम्पन्ना, एको अनुपसम्पन्नो”ति न वुत्तो । एवज्जि वुत्ते सक्का तीसु आकासट्टमपनेत्वा सीमट्टानं

द्विन्मनुरूपं कम्मवाचं दस्सेतुं, तमनिट्ठप्पसङ्गं निवारेतुं “उभो”ति वुत्तं । “तत्थ परिपुण्णवीसतिवस्सवचनेन वत्थुसम्पत्ति, परिसाय पधानत्ता, आचरियुपज्झायवचनेन परिससम्पत्ति, कम्मवाचाय अनुस्सावनसम्पत्ति दस्सिता, सीमसम्पत्ति एवेका न दस्सिता । ततो विपत्ति जाता कम्मवाचानं नानाक्खणिकता । एकक्खणभावे सति उभिन्नं सम्पत्ति वा सिया विपत्ति वा, न एकस्सेव सम्पत्ति एकस्स विपत्तीति सम्भवति विमुत्तादिब्यञ्जनदोसप्पसङ्गतो”ति वुत्तं, तं वचनं उभोपि चेते सीमगताव होन्ति, उभिन्नं एकतो कम्मसम्पत्तिदीपनतो द्विन्नं एकतो अनुस्सावनं एकेन उपज्झायेन एकेनाचरियेन वट्ठतीति सार्धेति । द्विन्नं, तिण्णञ्च एकतो ससमनुभासना च पाळियंयेव दस्सिता, तञ्च अनुलोमेति । **अट्ठकथाचरियेहि** नानुज्जातं, न पटिक्खितं, विचारेत्वा गहेतब्बन्ति आचरियो, तं धम्मताय विरुज्झति ।

अयज्झि बुद्धानं धम्मता — यदिदं यत्थ यत्थ वचननान्तमत्थि, तत्थ तत्थ गरुकेसु ठानेसु वत्तब्बयुत्तं वदन्ति । दूतेन उपसम्पदादयो चेत्थ निदस्सनं । यस्मा चेत्थ पुब्बे अनुज्जातकम्मवाचाय नानत्तं नत्थि, तस्मा “अनुजानामि, भिक्खवे, द्वे तयो एकानुस्सावने कातु”न्ति वत्वा “एवञ्च पन, भिक्खवे, कातब्बो”ति न वुत्तं । नानत्ते सतिपि तत्थ तत्थ द्विन्नं, बहूनां वा वसेन वुत्तकम्मवाचानुसारेण गहेतब्बतो अवुत्तन्ति चे? न हि लहुकेसु ठानेसु वत्वा गरुकेसु अवचनं धम्मताति आचरियो । अञ्जतरस्मिं पन **गण्ठपदे** एवं पपञ्चितं द्वे **एकानुस्सावने**ति द्वे एकतो अनुस्सावने । “एकेन” इति पाठो, एकेन आचरियेनाति अत्थो । **पुरिमनयेनेवा**ति “एकेन वा द्वीहि वा आचरियेही”ति वुत्तनयेन एव, तस्मा एकेनाचरियेन द्वे वा तयो वा अनुस्सावेतब्बा । “द्वीहि वा तीहि वा”ति पाठो । **नानाचरिया नानुपज्झाया**ति एत्थ “तञ्च खो एकेन उपज्झायेन, न त्वेव नानुपज्झायेना”ति वुत्तत्ता न वट्ठतीति चे? वट्ठति । कथं? एकेन अनुस्सावने एकानुस्सावनेति विग्गहस्स पाकटत्ता लीनमेव दस्सेतुं “एकतो अनुस्सावने”ति विग्गहोव वुत्तो, तस्मा उज्जुक्तमेव सन्धाय तञ्च खो एकेन अनुस्सावनं एकानुस्सावनं, एकेन उपज्झायेन अनुजानामि, न त्वेव नानुपज्झायेनाति अत्थो । इदं सन्धाय हि द्विधा विग्गहो, तस्मा “नानाचरियेहि नानुपज्झाया न वट्ठन्तीति सिद्धमेवा”ति अञ्जथापि वदन्ति । तञ्च खो एकेन उपज्झायेन एकस्स उपज्झायस्स वा वत्तब्बं अनुस्सावनं, न त्वेव नानुपज्झायेन अनुजानामीति अत्थो । किं वुत्तं होति? “एको आचरियो, द्वे वा तयो वा उपसम्पदापेक्खा द्विन्नं तिण्णं वा उपज्झायानं न त्वेव अनुजानामी”ति किर वुत्तन्ति । अपरस्मिं पन **गण्ठपदे** “एकेन अनुस्सावनेति विग्गहस्स पाकटत्ता तं पकासेतुं ‘एकेना’ति वुत्तं । एवं वुत्ते अवस्सं पण्डिता जानन्ति । तंपाकटत्ता चे जानन्ति, एकेनाति इमिना किन्ति चे? किञ्चापि जानन्ति, विवादो पन होति अलद्धलेसत्ता, जानितुञ्च न सक्का, ‘एकेना’ति वुत्ते पन तं सब्बं न होतीति वुत्त”न्ति लिखितं । एवं एत्थ अनेके आचरिया च तक्किक्का च अनेकधा पपञ्चेन्ति, तं सब्बं सुट्ठु उपपरिक्खित्वा गरुकुलं पयिरुपासित्वा वंसानुगतोव अत्थो गहेतब्बो । “न सब्बत्थ इमस्मिं अत्थविकप्पे मतिभेदो अत्थी”ति वुत्तमेव ।

### उपसम्पदाविधिकथावण्णना

**१२५. कुट्टं गण्डो**ति एत्थ कुट्टादिग्गहणेन हत्थच्छिन्नादयोपि गहिताव होन्तीति पोराना, तस्मा “मनुस्सोसि पुरिसोसी”ति एतेहि भब्बाभब्बपुग्गलपरिवज्जनं करोति । “भुजिस्सोसि अणणोसी”तिआदीहि पुब्बे हत्थच्छिन्नाधिकारे वुत्तअत्थविकप्पेसु दुतियं विकप्पं उपथम्भेति । तत्थ “अणणोसि भुजिस्सोसी”ति अनुक्कमेन अवत्वा उप्पटिपाटिया वचनेन भुजिस्सो होति, न च रज्जो भत्तवेतनवसेन भटो । राजाधीनत्ता पन सो राजभटपक्खं भजतीति तब्बिपक्खभावपुच्छनत्थं “**नसि राजभटो**”ति वुत्तं । अञ्जथा पञ्चहि आबाधेहि फुट्टानं गहणेनेव सब्बेसं गहणे सिद्धे इतरे न वत्तब्बा । अथ वत्तब्बा, सब्बेपि वत्तब्बा सियुं ।

### चत्तारोनिस्सयादिकथावण्णना

**१२८-९. “तावदेव छाया मेतब्बा”**तिआदि “भिक्खूनां पादे वन्दापेत्वा”ति वचनतो थेराथेरभावजाननत्थं वुत्तं । “चिरेन अगमासी”ति किर पोरानपाठो, चिरं अकासीति चत्थि ।

**१३०. अनापत्ति सम्भोगे संवासे**ति उक्खित्तकेन सद्धिं सम्भोगसंवासपच्चया पाचित्तियापत्ति पञ्जत्ता, ततो अनापत्तीति



अथो। कथं पञ्जायतीति? संवासगहणे। अलज्जिना सद्धिं सम्भोगपच्चया आपज्जितब्बं दुक्कटं पन आपज्जति एव, न संवासपच्चया। न हि अलज्जिना सद्धिं संवासो पटिक्खितो। संवासो पनेत्थ सहसेय्यप्पहोनेके आवासे सहवासो, न “पाराजिको होति असंवासो”ति एत्थ वुत्तसंवासो। अयं संवासो उक्खित्तकेन सद्धिं न वट्टति। अलज्जिना सद्धिं एकच्चो वट्टति। धम्मसम्भोगविनिमुत्तोवेतरो। इदं पन “उक्खित्तको विब्भमी”तिआदिसुत्तं इमस्मिं उपसम्पादेतब्बानुपसम्पादेतब्बदीपनसामञ्जतो वुत्तं। किञ्च भिय्यो पटिपत्तिक्कमतोव आपत्तितो सुद्धिं होति, न विब्भमेन, तस्मा उपसम्पन्नो भिक्खु अन्तमसो दुब्भासितम्पि आपज्जित्वा अपरभागे विब्भमित्वा आगतो उपसम्पज्जति, तं आपत्तिं देसेत्वाव सुज्झति, न अज्जथाति उपसम्पन्नस्स सुद्धिक्कमदस्सनत्थं। असाधारणापत्तिया अदस्सनपच्चया उक्खित्तकस्स लिङ्गपरिवत्तनेन आपत्तितो वुट्ठितस्स पुन चे पकतिलिङ्गमेवुप्पज्जति, नानासंवासकताव, विब्भमित्वा आगतेपि यथावुत्तनयेनेव उपसम्पादेत्वा न वुट्ठितत्ताति चे? न लिङ्गन्तरपातुभावा। न विब्भमेन कम्मासुज्जनतो। न कम्मासुज्जने पुन उपसम्पादाकम्मविपत्तिप्पसङ्गतो। न च कम्मविपत्ति, न च कम्मपटिप्पस्सद्धिं। विब्भमेन च अनुपसम्पन्नो नानासंवासकभावेन कम्मं कोपेति धम्मिस्सरेन आहच्च भासितत्ता। तेनेव “पस्सिस्ससी”ति अनागतवचनं कतं। तादिसो पन गहट्ठो निक्खित्तवत्तपारिवासिको विय पकतत्तभूमियं विब्भमादिना अनुपसम्पन्नपकतियंयेव तिट्ठतीति इमस्स सब्बस्सपि अत्थविकप्पस्स दस्सनत्थमिदं वुत्तन्ति वेदितब्बं। पुब्बे वुत्तप्पकारो पन परिवत्तितलिङ्गे हुत्वा पुन पकतिलिङ्गे ठितउक्खित्तको पुन पुच्छितब्बो “पस्ससी”ति। “आम पस्सामी”ति वदन्तो ओसारेतब्बो। “देसेही”ति न वत्तब्बो लिङ्गपरिवत्तनेन वुट्ठितत्ता। तप्पटिकम्मो उक्खित्तको पुच्छितब्बो “पटिकम्मं किं ते कत”न्ति, “आम कत”न्ति वदन्तो ओसारेतब्बो। “कत्तब्बं मे पटिकम्मं न होती”ति वदन्तो न ओसारेतब्बोति एके। असाधारणापत्तिमिह इदं विधानं, न साधारणाय। तत्थ उक्खित्तको लिङ्गपरिवत्तनेनेव पटिप्पस्सद्धकम्मोति एके। विचारेत्वा युत्ततरं गहेतब्बन्ति आचरियो।

**अनुगण्ठपदे** पन “अलज्जिपरिभोगो सहत्थदानादिवसेन परिच्छिन्दितब्बो, ‘सारणीयधम्मपूरकादयो दस्सेत्वा अलज्जिस्स सहत्था दातुं वट्टती’ति वदन्तानं वादो पटिसेधेतब्बो। कथं? उक्खित्तकस्स सहत्था दातुं न वट्टतीति विनिच्छयानुसारेन। दापेतुं पन वट्टतेवाति च। किञ्चापि अलज्जिपरिभोगवसेन दुक्कटं, अथ खो अयं अलज्जी न होति, तस्मा सब्बाकारेन निरापत्तितं सन्धाय ‘अनापत्ति सम्भोगे संवासे’ति वुत्तं। कथं पञ्जायतीति? विज्जेय्यो अत्थतो उच्छुरसकसटानं सत्ताहकालिकयावजीविकत्ता ‘वट्टति विकाले उच्छुं खादितु’न्ति सज्जं उप्पादेत्वा तं खादित्वा तप्पच्चया पाचित्तियं न पस्सति, वट्टतीति तथासज्जिताय। यो वा पन आपत्तिं आपन्नभावं पटिजानित्वा ‘न पटिकरोमी’ति अभिनिविसति, इमे द्वे —

‘सज्जिच्च आपत्तिं आपज्जति, आपत्तिं परिगूहति।

अगतिगमनञ्च गच्छति, एदिसो वुच्चति अलज्जीपुग्गलो’ति॥ (परि० ३५९) —

वुत्तलक्खणे अपतनतो अलज्जिनो न होन्ति, तस्मा ‘यो आपत्तिदेसनपटिकम्मामि न करोति, तेन सद्धिं सम्भोगादिकरणे अनापत्ती’ति विसेसेत्वा वुत्तवचनेन, इतरेनपि सद्धिं किञ्चापि रूपियसंवोहारो न होति, अथ खो कयविककयेन आपत्तिं होतियेवाति नयो दिन्नो होति, पञ्चहि सद्धिं सब्बथापि अनापत्तीति नयो च। एवं सापत्तिद्वानेसु विसेसेत्वा च वचनतो इध तथा अवुत्तत्ता तेन सह अलज्जिपरिभोगो नत्थि। भजापियमानो पन अलज्जिपक्खं भजतीति इमिनापि उपायेन सब्बत्थ तं तं संसन्दित्वा अत्थो परियेसितब्बोति अपरे। आचरिया पन एवं न वदन्ती’ति वुत्तं। “सचाहं न पस्सिस्सामीति वदति, न पब्बाजेतब्बो”ति वुत्तत्ता पुब्बे आपन्नापत्तियो उप्पब्बजितस्सापि न पटिप्पस्सम्भन्तीति सिद्धं, तेनेव आचरिया आपत्तिं देसापेत्वाव सिक्खापच्चक्खानं कारापेन्तीति च अनापत्ति सम्भोगे संवासेति इदं पुब्बे आपन्नं सन्ति एव आपत्तिं न पस्सतीति आसङ्कितब्बो। सा पटिप्पस्सद्धाति जापनत्थं वुत्तन्ति च एके। “**पस्सिस्ससी**”ति गहट्टत्ता देसेतुं न वट्टतीति अनागतवसेन वुत्तं। “**उपसम्पादेत्वा पस्सिस्ससी**”ति परिवासादिना कत्तब्बस्स अत्थिभावेन “पस्ससी”ति अवत्वा अनागतवसेन वुत्तं, **ओसारेत्वा**ति अब्भानवसेन। तत्थ पुन कातब्बस्स अभावा “पस्ससी”ति वुत्तं। इदं सब्बं सब्बत्थ पटिजाननं सन्धाय वुत्तं। एकत्रापि पुन न पटिजानाति, एतेन सह तस्सा आपत्तिया अनुरूपेन संवासो न कातब्बो, अलज्जिभावेनाति वुत्तं होति। **दिट्ठिया**तिआदीसु ओसारणं नाम समानकम्मादिना करणन्ति अत्थो। **अनापत्ति सम्भोगे**ति उक्खित्तकेन सम्भोगे अनापत्ति। कस्मा? उक्खित्तककम्मस्स गहट्टभावेन पटिप्पस्सद्धत्ता, तेनेव “अलब्भमानाय सामगिया”ति वुत्तं। इदानीं भिक्खुभावे कत्तब्बतोति केचि। द्वीसुपि वारेसु कम्मपटिप्पस्सद्धिविधानं तेयेव जानन्ति, तस्मा

सब्बवारेसु युत्तमयुत्तञ्च सुट्ठु सल्लक्खत्वा कथेतब्बं ।

यो खन्धकं पब्बज्जनामधेय्यं,  
नानानयं सासनमूलभूतं ।  
अत्वा पकासेति परस्स सम्मा,  
तस्साधिपच्चं मुनिसासनस्मिन्ति ॥

महाखन्धकवण्णना निट्ठिता ।

## २. उपोसथखन्धकवण्णना

### सन्निपातानुजाननादिकथावण्णना

१३२-३. तेन समयेनाति अत्तनो ओवादापातिमोक्खुद्देसे धुरं निक्खिपित्वा भिक्खूनयेव विसुं उपोसथकरणं अनुजानित्वा ठितसमयेन । को पन सोति? मज्झिमबोधियं पातिमोक्खुद्देसप्पहोनकसिक्खापदानं परिनिट्ठानकालो । तेनेवाह “तानि नेसं पातिमोक्खुद्देसं अनुजानेय्य”न्ति । “एवञ्च पन, भिक्खवे, उद्दिसितब्ब”न्ति निदानुद्देसं पञ्जापेतुकामताय च सिक्खापदानं उद्देसपरिच्छेदनिदस्सनत्थञ्च वुत्तं । अञ्जथा “एवञ्च पन, भिक्खवे, इमं सिक्खापदं उद्दिसेय्यथा”ति सब्बसिक्खापदानं उद्दिसितब्बकमस्स दस्सितत्ता इदानि “एवञ्च पन, भिक्खवे, उद्दिसितब्ब”न्ति इदं निरत्थकं आपज्जति, इदञ्च सब्बसङ्खुपोसथं सन्धाय वुत्तं ।

१३४. “यंनून अय्यापि...पे०... सन्निपतेय्यु”न्ति बहूनां अधिकारप्पवत्ति । तत्रापि विनयं आगम्म वुत्तो भिक्खु सामि, न केवलं सङ्गत्थेरोति दस्सनत्थं, सङ्गस्स गारवयुत्तवचनारहतादस्सनत्थञ्च “सुणातु मे, भन्ते”ति आह । तत्थ सयं चे थेरो, भिक्खुं सन्धाय “आवुसो”ति वत्तुं युज्जति । कथं पञ्जायति? बुद्धकाले सङ्गत्थेरो अब्यत्तो नाम दुल्लभो । सब्बकम्मवाचाय पयोगनिदस्सने च “सुणातु मे, भन्ते, सङ्गो” इच्चेव भगवा दस्सेतीति चे? एवमेतं तथा दस्सनतो । सङ्गं उपादाय सङ्गत्थेरेनापि “सुणातु मे, भन्ते, सङ्गो”ति वत्तब्बं, भिक्खुं उपादाय “आवुसो”ति महाकस्सपस्स कम्मवाचाय पयोगदस्सनतो, पारिसुद्धिउपोसथे च थेरेन भिक्खुना “परिसुद्धो अहं, आवुसो”ति पयोगदस्सनतो च । “यदि सङ्गस्स पत्तकल्ल”न्ति परतो पञ्जापेतब्बे उपोसथकरणन्तराये सन्धायाह । उपोसथस्स बहुविधत्ता सरूपतो वत्तुं “पातिमोक्खं उद्दिसेय्या”ति आह । एत्तावता अत्तिं निट्ठपेसि । अत्तिदुतियकम्मतो एव हि उपोसथकम्मं । न, तत्तियानुस्सावनसम्भवतोति चे? न, अञ्जेहि अत्तिचतुत्थकम्मोहि असदिसत्ता । न हि एत्थ चतुक्खत्तुं “सुणातु मे”ति आरभीयतीति । अञ्जेहि अत्तिदुतियेहि असदिसत्ता अत्तिदुतियम्पि माहोतूति चे? न, अत्तिदुतियकम्मस्स अञ्जथापि कत्तब्बतो । तथा हि अत्तिदुतियकम्मं एकच्चं अपलोकनवसेनपि कातुं वट्ठति, न अञ्जं अञ्जथा कातुं वट्ठति । कथं पञ्जायतीति? इदमेव उपोसथकम्मं आपकं ।

“किं सङ्गस्स पुब्बकिच्च”न्ति इदं न अत्ति निट्ठपेत्वा वत्तब्बं, तज्जि अत्तितो पुरेतरमेव करीयतीति । तस्मा “सुणातु मे, भन्ते, सङ्गो, किं सङ्गस्स पुब्बकिच्चं, यदि सङ्गस्सा”ति वत्तब्बं सियाति? तथापि न वत्तब्बं, न हि तं अत्तिया अन्तोकरीयतीति । यदि एवं सब्बत्थ न वत्तब्बं पयोजनाभावाति चे? न, यथागतद्वानेयेव वत्तब्बतो, परपदापेक्खतायाति वुत्तं होति । इदं पुब्बकिच्चं अकत्वा उपोसथं करोन्तो सङ्गो, पुग्गलो वा ठपनक्खेत्तातिक्कमे आपज्जति । न हि तस्मिं खेत्ते अतिक्कन्ते सम्मज्जनासनोदकपदीपकरणे आपत्तिमोक्खो होति । उपोसथकम्मतो पुब्बे कत्तब्बकिच्चाकरणपच्चयत्ता तस्सा आपत्तिया, न सा कम्मपरियोसानापेक्खा एत्थागतसम्पजानमुसावादापत्ति विय, तस्मा पातिमोक्खुद्देसको भिक्खु “पारिसुद्धि आयस्मन्तो आरोचेथा”ति वत्तुकामो पठमंयेव परिसुद्धापारिसुद्धपच्चयं पुब्बकिच्चं सरापेति । तज्जि कतं परिसुद्धपच्चयो होति, अकतं अपरिसुद्धपच्चयो, तेनेव उभयापेक्खाधिप्पायेन “कतं न कत”न्ति अवत्वा “किं सङ्गस्स पुब्बकिच्च” मिच्चेवाह । तत्थ अकतपक्खे ताव

पारिसुद्धिआरोचनक्कमनिदस्सनत्थं परतो “यस्स सिया आपत्ति, सो आवि करेय्या”ति च, कतपक्खे “असन्तिया आपत्तिया तुण्ही भवितब्ब”न्ति च वक्खति ।

**पारिसुद्धि आयस्मन्तो आरोचेथ** । किंकारणा? यस्मा पातिमोक्खं उद्दिसिस्सामि । एत्थ च “उद्दिसामी”ति वत्तमानकालं अपरामसित्वा “उद्दिसिस्सामी”ति अनागतकालपरामसनेन य्वायं “दानि नेसं पातिमोक्खुद्देसं अनुजानेय्य”न्ति (महाव० १५०) एत्थ वुत्तपातिमोक्खुद्देसो, तं सन्धाय “पातिमोक्खं उद्दिसिस्सामी”ति वुत्तन्ति एके । यस्मा “पञ्चिमे, भिक्खवे, पातिमोक्खुद्देसा”ति वुत्तं, तस्मा वत्तमानस्स निदानुद्देससङ्घातस्स पातिमोक्खस्स यदेतं अन्ते “कच्चित्थ परिसुद्धा”तिआदिकं यावततियानुस्सावनं, तस्सेव आपत्तिखेत्तत्ता, अवयवेपि अवयवीवोहारसम्भवतो च इध आपत्तिखेत्तमेव सन्धाय “**पातिमोक्खं उद्दिसिस्सामी**”ति वुत्तं । एवञ्चि वुत्ते यस्मा परतो आपत्तिखेत्तं आगमिस्सति, तस्मा आपत्तिभीरुका तुम्हे सब्बेव पठममेव पारिसुद्धि आरोचेथाति अयमत्थो सम्भवति । वत्तमानकालवसेन वुत्ते “पारिसुद्धि आयस्मन्तो आरोचेथा”ति वचनमेव न सम्भवति तदारोचनस्स पठमं इच्छितब्बत्ता, पगेव तस्स करणाभावेन “पातिमोक्खं उद्दिसिस्सामी”ति वचनं । अयं नयो सन्तिया आपत्तिया आरोचने युज्जति, न तुण्हीभावे, अकम्मपरियोसाना तुण्हीभावप्पत्तितो, एवं सन्तेपि तस्मिं युज्जतेव । पातिमोक्खुद्देसको हि अज्जमज्जं आपत्तिआविकरणं अकत्वा तुण्हीभूते भिक्खू पस्सित्वा तेनेव तुण्हीभावेन आरोचितपारिसुद्धिको हुत्वा “सुणातु मे, भन्ते”ति पातिमोक्खुद्देसं आरभि ।

एत्थाह — पठमं “सङ्गो उपोसथं करेय्य, पातिमोक्खं उद्दिसेय्या”ति वुत्तत्ता इधापि “सङ्गो उपोसथं करिस्सति, पातिमोक्खं उद्दिसिस्सती”ति वत्तब्बं, अथ “पुग्गलस्स उद्देसा”ति लक्खणत्ता यथारुतमेव वत्तब्बं, तथापि “उपोसथं करिस्सामि, पातिमोक्खं उद्दिसिस्सामी”ति वत्तब्बन्ति? न वत्तब्बं लक्खणविरोधतो, अनिट्ठप्पसङ्गतो च । पुग्गलस्स उद्देसा एव हि सङ्गस्स उपोसथो कतो होति, न पुग्गलस्स उपोसथकरणेन । तच्च सोव करिस्सति, न सङ्गोति अनिट्ठप्पसङ्गोव आपज्जति । “सुणाथा”ति वुत्ते अचित्तसामग्गिप्पसङ्गभया “**सुणोमा**”ति वुत्तं । “सुणिस्सामा”ति वत्तब्बं “उद्दिसिस्सामी”ति वुत्तत्ताति चे? न वत्तब्बं, आपत्तिखेत्तदस्सनाधिप्पायनिरपेक्खताय “सुणोम” इच्चेव वत्तब्बं । एकपदेनेव हिस्स तदधिप्पायो अतिक्कन्तोति । यदि एवं किमत्थं तं सब्बहेव आरब्धन्ति चे? “उद्दिसिस्सामी”ति इमिना असाधारणवचनेन आपन्नस्स अचित्तसामग्गिप्पसङ्गनिवारणत्थं ।

**सरमानेनाति** इमिना चस्स सम्पजानमुसावादस्स सचित्तकतं दस्सेति । **अन्तरायिको धम्मो वुत्तो भगवताति** एवं अकिरियसमुद्धानस्सापि एवं परित्तकस्स इमस्स मुसावादस्स महादीनवतं दस्सेति । **विसुद्धापेक्खेनाति** सावसेसं आपत्तिं उपादाय अनापत्तिभावसङ्घातं अनवसेसच्च उपादाय गिहिभावसङ्घातं विसुद्धिं इच्छन्तेन कस्मा आवि कातब्बा? अन्तरायभावानुपगमनेन फासुविहारपच्चयत्ता । इध “अज्जुपोसथो पन्नरसो”ति न वुत्तं परतो दिवसनियमस्स कत्तुकामताधिप्पायेन अवुत्तत्ता । एवं पन ते भिक्खू सब्बदिवसेसु उद्दिसिंसु ।

**१३५. “आदिमेत”**न्ति सीलपातिमोक्खमेव वुत्तं, किञ्चापि गन्थपातिमोक्खो अधिप्पेतो । “**पञ्चन्नं वा**”ति मातिकायं वुत्तानं वसेन वुत्तं । **अनज्झापन्नो वाति** पुग्गलाधिद्धानदेसना । **पोराणगणितपदे** पन “उपोसथं करेय्या”ति एतावता जत्ति होति । यावततियानुस्सावना नाम ‘यस्स सिया आपत्ती’तिआदिवचनत्तयं, अन्ते ‘दुतियम्पि ततियम्पि पुच्छामी’ति इदञ्चाति दुविधं । तत्थ पठमं आपत्तिं सरित्वा निसिन्नस्स, दुतियं असरन्तस्स सारणत्थ”न्ति वुत्तं । “**वचीद्वारे**”ति पाकटवसेन उज्जुकेमेव वुत्तं । किञ्चापि कायविज्जत्तियापि करीयति, कायकम्माभावा पन वचीविज्जत्तियायेव आवि कातब्बा । “सङ्गमज्जे वा”तिआदि लक्खणवचनं किर । सङ्गुपोसथकरणत्थं सङ्गमज्जे चे निसिन्नो, तस्मिं सङ्गमज्जे । गणुपोसथकरणत्थञ्चे गणमज्जे निसिन्नो, तस्मिं गणमज्जे । एकस्सेव सन्तिके चे पारिसुद्धिउपोसथं कत्तुकामो, तस्मिं एकपुग्गले आवि कातब्बाति, “एतेन न केवलं सङ्गमज्जे एवायं मुसावादो सम्भवति, अथ खो एत्थ वुत्तलक्खणेन असतिपि ‘पारिसुद्धि आयस्मन्तो आरोचेथा’तिआदिविधाने गणुपोसथेपि सापत्तिको हुत्वा उपोसथं कत्तुकामो अनारोचेत्वा तुण्हीभूतोव करोति चे, सम्पजानमुसावादापत्तिं आपज्जतीति इमस्सत्थस्स आविकरणतो लक्खणवचनं किरेत”न्ति वदन्ति तक्किका । अज्जथा “गणमज्जेवा”ति न वुत्तन्ति तेसं अधिप्पायो । आरोचनाधिप्पायवसेन वुत्तन्ति नो तक्कोति आचरियो । आरोचेन्तो हि सङ्गस्स आरोचेमीति अधिप्पायेन आवि करोन्तो सङ्गमज्जे आवि करोति नाम । अत्तनो उभतोपस्से निसिन्नानं आरोचेन्तो गणमज्जे । एकस्सेवारोचेस्सामि सभागस्साति अधिप्पायेन आरोचेन्तो एकपुग्गले आरोचेति

नाम । पुब्बे विभत्तपदस्स पुन विभजनं अत्थविसेसाभावदीपनत्थन्ति वेदितब्बं ।

**१३६-७. “न, भिक्खवे, देवसिकं...पे०... दुक्कटस्सा”**ति वत्त्वा **“अनुजानामि, भिक्खवे, उपोसथे पातिमोक्खं उद्दिसितु”**न्ति इदं अनुपोसथे एव तं दुक्कटं, उपोसथे पन देवसिकम्पि वट्टतीति दीपेति, तस्मा ते भिक्खू चातुद्दिसियं उद्दिसित्वापि पन्नरसियं उद्दिसिंसु, तेनाह **“सकिं पक्खस्सा”**ति । तत्थ पुरिमेन सामग्गीदिवसो उपोसथदिवसो एवाति दीपेति । उभयेन अट्ठमिं पटिक्खिपित्वा देवसिकं पटिक्खेपस्स अतिप्पसङ्गं निवारेलि । किं वुत्तं होति? भिन्नो चे सङ्खो पाटिपददिवसे समग्गो होति, तस्मिं दिवसे सामग्गीउपोसथं करोन्तो उभयम्पि दुक्कटं आपज्जन्तो उभयेन एकीभूतेन निवारितो होतीति वुत्तं होति । अज्जथा सामग्गीउपोसथो न देवसिको । चे, अहोरत्तं कातब्बो । तस्मिञ्च पक्खे पकतिउपोसथो न देवसिको । चे, अहोरत्तं कातब्बो । तस्मिञ्च पक्खे पकतिउपोसथो अनुद्दिट्ठो । चे होति, सामग्गीउपोसथो कातब्बोति आपज्जति । न अपवादनयेन गहेतब्बत्ताति चे? न, अनिट्ठप्पसङ्गतो । किं वुत्तं होति? सामग्गीदिवसे सामग्गीउपोसथं कत्वा पुन तस्मिं पक्खे पकतिउपोसथदिवसे सम्पत्ते पकतिउपोसथो न कातब्बोति । अपवादोति । अपवादितब्बट्ठानतो अज्जत्थ उस्सग्गविधानं निवारेलि ।

**कितावता नु खो सामग्गी**ति एत्थायमधिप्पायो — सामग्गी नामेसा सभागानं सन्निपातो । सभागा च नाम यत्तका सहधम्मिका, ते सब्बेपि होन्ति, उदाहु आवाससभागताय सभागा नाम होन्तीति । तत्थ यदि सहधम्मिकानं सामग्गी सामग्गी नाम, सब्बेसं पुथुविभत्तानं सामग्गी इच्छितब्बा । अथावसथवसेन, एकावाससभागानन्ति वुत्तं होति । अज्जथा एकावासे सामग्गीति आपज्जति । **मा नो अगमासी**ति अगतो मा होति ।

### सीमानुजाननकथावण्णना

**१३८. एकावासगतानं वसेन सामग्गिं पटिक्खिपित्वा एकसीमगतानं वसेन अनुजानितुकामो भगवा “अनुजानामि, भिक्खवे, सीमं सम्मन्नितु”**न्ति आह । अथ आवासपरिच्छेदं वत्तुकामो भवेय्य । एतावता एकावासो यावता एकासीमा । “अनुजानामि, भिक्खवे, सीमं सम्मन्नितु”न्ति वदेय्य । तस्मा न इध अनुज्जातबद्धसीमावसेन एकावासपरिच्छेदो होति, उपचारसीमावसेनेव होतीति वेदितब्बं । कथं जानितब्बन्ति चे? पाळितोव, यथाह “तेन खो पन समयेन आयस्मा उपनन्दो सक्कपुत्तो एको द्वीसु आवासेसु वस्सं वसि...पे०... एकाधिप्पाय”न्ति (महाव० ३६४) । अज्जथा वस्सच्छेदोति अनिट्ठप्पसङ्गोव, कथं? एकावासवसेनेव चे सामग्गी, बहुआवासअनावासेसु न सम्भवेय्य । ततो सो तं आवासं गच्छन्तो बहिद्धा उपोसथं करोति । “न, भिक्खवे, तदहुपोसथे सभिक्खुको अनावासो गन्तब्बो”तिआदि (महाव० १८१)-पाळिविरोधो सतिपि सङ्गे अनावासे उपोसथस्स अकत्तब्बतो । अनावासेपि चे सामग्गी लब्धति, “एतावता सामग्गी, यावता एकावासो”ति न वत्तब्बं, तस्मा सब्बथा पुरिमनयो पच्छिमेनेव पटिक्खित्तोति कत्वा नानावासवसेनेपि सामग्गीति वेदितब्बं । “तं कम्मं करोमाति वत्त्वा न अकंसू”तिआदीसु विय अनागतम्पि अपेक्खति, तस्मा ‘करोमा’ति वुत्ते न वट्टती”ति वदन्ति । “सीमं असोधेत्वापि निमित्तं किच्चेतुं वट्टती”ति लिखितं । हेट्ठिमकोटिया अट्ठमरतनुब्बेधो **हत्थिप्पमाणो । सचे एको बद्धो होति, न कातब्बो**ति एत्थ “चतूसु दिसासु चतुन्नं पब्बतकूटानं हेट्ठा पिट्ठिपासाणसदिसे पासाणे ठितत्ता एकाबद्धभावे सतिपि पथवितो उद्धं तेसं सम्बन्धे असति हेट्ठा पथविगतसम्बन्धमत्ते अब्बोहारिकं कत्वा किच्चेतुं वट्टति । तेनेव ‘पिट्ठिपासाणो अतिमहन्तोपि पासाणसङ्ख्यमेव गच्छती”ति वुत्तं । पथवितो हेट्ठा तस्स महन्तभावे गह्ममाने पब्बतमेव होती”ति **अनुगण्ठपदे** वुत्तं । “चिन्तित्वा कतपंसुपुज्जे तिणगुम्बरुक्खा चे जायन्ति, पब्बतो होतीति **धम्मसिरित्थेरो** । नेवाति **उपतिस्सत्थेरो**”ति वुत्तं ।

**पासाणो**ति “सुधामयपासाणोपि वट्टती”ति वदन्ति । वीमंसितब्बं इट्ठकाय पटिक्खित्तत्ता । **द्वत्तिसपलगुळपिण्डप्पमाणो** तुलताय, न तुलगणनाय । **सोपी**ति खाणुको विय उट्ठितपासाणो ।

**चतुपञ्चरुक्खनिमित्तमत्तम्पी**ति एकच्चेसु निमित्तसद्वो नत्थि । एत्थ तयो चे साररुक्खा होन्ति, द्वे असाररुक्खा, साररुक्खानं बहुत्तं इच्छितब्बं । “सुसानम्पि इध ‘वनमेवा’ति सङ्ख्यं गच्छति सयंजातत्ता”ति वुत्तं । केचि पन “चतूसु द्वे अन्तोसारा चे, वट्टति ।

अन्तोसारा अधिका, समा वा, वट्टति । तस्मा बहूसुपि द्वे चे अन्तोसारा अत्थि, वट्टती'ति वदन्ति ।

**परभागेति** एत्थ “एतेहि बद्धद्वानतो गतत्ता वट्टति । तथा दीघमग्गेपि गहितद्वानतो गतद्वानस्स अज्जत्ता’ति वदन्ति ।

**अन्वद्धमासन्ति** एत्थ “अनुबद्धो अद्धमासो, अद्धमासस्स वा अनु’ति लिखितं । “अन्तरवासको तेमियती’ति वुत्तत्ता तत्तकप्पमाणउदकेयेव कातुं वट्टतीति केचि । **तेमियतीति** इमिना हेट्टिमकोटिया नदिलक्खणं वुत्तं । एवरूपाय नदिया यस्मिं ठाने चत्तारो मासे अप्पं वा बहुं वा उदकं अज्झोत्थरित्वा पवत्तति, तस्मिं ठाने अप्पोदकेपि ठत्वा कातुं वट्टतीति एके । “पवत्तनद्वाने नदिनिमित्त’न्ति वुत्तत्ता सेतुतो परतो तत्तकं उदकं यदि पवत्तति, नदी एवा’ति वदन्ति ।

जातस्सरादीसु ठितोदकं जातस्सरादिपदेसेन अनन्तरिकम्पि निमित्तं कातुं वट्टति नदिपारसीमाय निमित्तं विय । सचे सो पदेसो कालन्तरेन गामखेत्तभावं पापुणाति, तत्थ अज्जं सीमं सम्मन्नितुं वट्टति । **उक्खेपिमन्ति** उद्धरित्वा गहेतब्बकं ।

**अबद्धसीमविहारानं सीमाय उपचारं ठपेत्वा**ति “आयतिं सम्मन्नितब्बाय ओकासं ठपेत्वा’ति लिखितं ।

**अन्तोनिमित्तगतेहि पनाति** “एकस्स उपडुं अन्तोक्कत्तुकामताय सति सब्बेसं आगमने पयोजनं नत्थीति कत्वा ‘अन्तोनिमित्तगतेही’ति वुत्तं, तज्ज सामीचिवसेना’ति वदन्ति । **अनागमनम्पि वट्टतीति** “सीमाय अबद्धत्ता वग्गं नाम न होती’ति लिखितं । “अज्जस्मिं गामखेत्ते ठत्वा निमित्तकित्तनकाले, समानसंवासकसीमाय सम्मन्ननकाले च आगमनपयोजनं नत्थी’ति वुत्तं । **भेरिसज्जं वाति** “सम्मन्ननपरियोसानं करोमाति वत्वा’ति लिखितं, तेन तादिसे काले तं कप्पतीति सिद्धं होति । किं इमिना? **सुखकरणत्थन्ति** महाजनसन्निपातनपरिस्समं अकत्वा अप्पतरेहि सुखकरणत्थं । यदि महासीमाबन्धनकाले अन्तरायो होति, तत्तकेनपि सुखविहारोति दस्सनत्थं “**पठम**’न्ति वुत्तन्ति एके । **ततो ओरं न वट्टतीति** कथं पज्जायतीति? वीसतिवग्गकरणीयपरमत्ता सङ्गकम्मस्स । कम्मरहेन सद्धिं एकवीसति भिक्खू चे गण्हाति, वट्टति । तत्तकप्पमाणं सुखनिसज्जवसेन वेदितब्बं । तमेव निमित्तं अज्जेपि कित्तेत्वा सचे बन्धन्ति, वट्टतीति एके ।

“**एवं बद्धासु पन...पे... सीमन्तरिका हि गामखेत्तं भजती**’ति न आवासवसेन सामग्गीपरिच्छेदो, किन्तु सीमावसेनेवाति दस्सनत्थं वुत्तं । “**निमित्तपगपासाणे ठपेत्वा**’ति सज्चारिमनिमित्तस्स तप्परतो वुत्तं । इतो पट्टाय गण्ठिपदक्कमो होति — **न सक्खिस्सन्तीति** ते अविप्पवासं असल्लक्खेत्वा “समानसंवासकमेव समूहनस्सामा’ति वायामन्ता समूहनितुं न सक्खिस्सन्ति । “**एकरतनप्पमाणा**’ति सुविज्जेय्यन्तरा होतीति कत्वा वुत्तं । एकङ्गुलमत्तम्पि वट्टतेव । खण्डसीमतो पट्टाय बन्धनं आचिण्णं । आचिण्णकरणेन विगतसम्मोहो होतीति । **कुटिगेहेति** कुटिघरे भूमिघरे । **उदुक्खलंवाति** भूमिउदुक्खलं विय खुद्दकावाटं । “**पमुखे**’ति भूमिकुटिं सन्धाय वुत्तन्ति एके । **हेट्टा न ओतरतीति** भित्तितो ओरं निमित्तानि ठपेत्वा कित्तितत्ता हेट्टा आकासे न ओतरति, उपरि कते पासादेति अत्थो । **भित्तिलगोति** भित्तिनिस्सितके । इमे किर भित्तिलग्गापि “एकाबद्धा’ति न वुच्चन्ति । **सब्बो पासादो सीमट्ठो होतीति** एकाबद्धो वा होतु, मा वा । **तालमूलकपब्बतो** नाम अनुपुब्बेन तनुको । **आकासपब्भारन्ति** अपरिक्खेपपब्भारं । **सुसिरपासाणो** नाम लेणं होति । **अन्तोलेणन्ति** पब्बतस्स अन्तोलेणं । द्वारं पन सन्धाय परतो “ओरतो’ति वुत्तं, सब्बथापि सीमतो बहिलेणेन ओतरतीति अधिप्पायो ।

**महासीमं सोधेत्वा**ति सीमट्ठं दूरगतम्पि सीमगतं सीमसम्बन्धं, तस्मा तं अनामसित्वा ठातब्बन्ति अधिप्पायो । यदि एवं “तन्निस्सितकं अपनेत्वा कम्मं कातुं वट्टती’ति वत्तब्बं । **महाअट्ठकथायम्पि** “सीमं सोधेत्वा कातब्ब’न्ति एत्तकमेव वुत्तं । महाथेरापि “सोधेतब्ब’मिच्चेव वदन्तीति एके । “महासीमं सोधेत्वा वा कम्मं कातब्ब’न्ति च पाठो अत्थि । “वुत्तनयेनेवा’ति च परतो वक्खति, तस्मा साधारणपाठोव सुन्दरोति एके । **पुरिमनयेपीति** खण्डसीमाय उट्ठित्वा महासीमाय ओनतेपीति अत्थो । **उक्खिपापेत्वा कातुं न वट्टति** । कस्मा? अन्तो ठितत्ता । रुक्खस्स हेट्टा पथविगतं मूलं खण्डसीमाव होति, अब्बोहारिकं वाति अपरे । “मज्झे पन छिन्ने महासीमाय ठितमूलं महासीममेव भजति, खण्डसीमाय ठितं खण्डसीममेव भजति तदायत्तपथविरसादीहि अनुगहितत्ता’ति वुत्तं । “सीमाय पच्छा उट्ठितरुक्खे निसीदित्वा कम्मं कातुं वट्टति पच्छासीमायं कतगेहे विया’ति वत्वा

“बन्धनकाले ठितरुक्खे निसीदित्वा कातुं न वट्टति उपरिसीमाय अगमनतो”ति कारणं वदन्ति । एवं सति बन्धनकाले पुन आरोहणं नाम नत्थि, बन्धितकाले एव आरुहतीति आपज्जति । पच्छा उट्ठितरुक्खो पन तप्पटिबद्धत्ता सीमसङ्ख्यमेव गतो, एवं पुब्बे उट्ठितरुक्खोपीति गहेतब्बं । “यं किञ्चिपी”ति वचनतो तिणादिपि सङ्गहितं । महाथेरापि तिणं सोधेत्ताव करोन्तीति ।

१४०. यस्मा मज्झतो कोणं होति, तस्मा “कोणतो कोण”न्ति वुत्तं । “आपत्तिञ्च आपज्जति अचित्तकत्ता”ति वदन्ति । पारयतीति अज्झोत्थरति । का सा? सीमा । “या सब्बन्तिमेन...पे०... वहती”ति ततो हेट्ठिमा नावासङ्ख्यं न गच्छतीति कत्वा वुत्तन्ति एके, तं न युत्तं दुतियपाराजिके नावट्ठभण्डाधिकारे तस्सापि अधिप्पेतत्ता । मज्झिमपुरिसस्स भारप्पमाणेन वुत्तन्ति एके । भिक्खुनीनम्पि नदीपारसीमासम्भवतो तासं “एका वा नदीपारं गच्छेय्या”ति वुत्तदोसपरिहरणत्थन्ति आचरियस्स तक्को । उभयत्थापि ध्रुव-सद्वो गहितो । तेन उपोसथन्तराय परिहरणत्थं उपोसथदिवसो नियमतोव वुत्तो । एत्थ च नावा नाम पमाणयुत्ता सब्बसाधारणा थम्भनावा अधिप्पेता, न कुल्लनावाति नो तक्कोति आचरियो । रुक्खं छिन्दित्वा कतोति अत्थो । सचे एकं गामखेत्तं, सब्बनिमित्तानं अन्तो ठिते भिक्खू हत्थपासगते कत्वा सम्मन्नितब्बा । नानागामखेत्तं चे, अनागमनम्पि वट्टति । उभयतीरे निमित्तकित्तनमत्तेन दीपको सङ्गहितो न होति, तस्मा दीपके निमित्तानि कित्तेतब्बानेव । “नदिया हेट्ठा निसिन्नभिक्खु कम्मं कोपेति । उपरियेव हि नदी होती”ति वदन्ति ।

सीमानुजाननकथावण्णना निट्ठिता ।

### उपोसथागारादिकथावण्णना

१४१. “यं सङ्घो आकङ्कति विहारं वा...पे०... गुहं वा”ति वचनतो न केवलं पथवियंयेव, विहारादीनं उपरिपि सीमा अनुज्जाता होति उपोसथकम्मपधानत्ताति सिद्धं । तप्पधाना सीमाति कथं पज्जायतीति चे? तदधिकारानुज्जातत्ता, सम्मुतियं “समानसंवासा”ति एत्तावता सिद्धे विसुं “एकूपोसथा”ति वचनतो च । “उपोसथं ठपेत्ता सेसकम्मनि समानसंवासा नामा”ति लिखितं । “एकं समूहनित्वा”ति पाळिपाठो ।

१४२. कतोवस्साति एकसीमाय समग्गे सन्धाय वुत्तं । अज्जथा नानासीमायं ठितानं सवनं पमाणं, एकसीमायपि हत्थपासं मुञ्चित्वा ठितानं वा सवनमेव पमाणन्ति अनिट्ठं आपज्जति । तत्थ सम्मताय वा असम्मताय वाति उपोसथागारसम्मुतिया, न सीमासम्मुतिया । कथं पज्जायतीति? अधिकारतो, परतो छन्ददानपज्जत्तितो, पारिसुद्धिदानपज्जत्तितो च । तत्थ पुरिमं कारणं पुरिमं अनिट्ठं निवारेति, पच्छिमं पच्छिमन्ति वेदितब्बं । उपोसथमुखन्ति उपोसथद्वानं । “उपोसथमुखस्साति उपोसथागारद्वानस्सा”ति लिखितं । यानि कानिचि निमित्तानि कित्तेतुं वट्टतीति इदं कथं पज्जायतीति? “पठमं निमित्ता कित्तेतब्बा निमित्ते कित्तेत्वा”ति एत्तकमेव वुत्तत्ता । पठमं वुत्तत्ता न वुच्चन्तीति चे? तं पन अकारणं, न हि बुद्धानं देसनाय आलसियं अत्थि । सीमासमूहननकाले उपोसथागारं समूहनित्वाव सीमासमूहननं इज्झतीति एके । तं अयुत्तं अबद्धाय सीमाय उपोसथागारसम्मुतिसिद्धितोति नो तक्कोति आचरियो । उपोसथमुखन्ति उपोसथागारस्स मुखन्ति आचरिया । उपोसथमुखस्स निमित्तकित्तना सीमाय वुत्तनयेन कातब्बा । एकेनापि कित्तेतुं वट्टतीति एके । “पासादो वा होतु, मण्डपादीसु वा अज्जतरो । कम्मवाचाय पन ‘उपोसथमुख’मिच्चेव वत्तब्ब”न्ति वदन्ति । “पोराणको आवासो नाम मूलावासो”ति लिखितं । वदति घटमत्ता इति हि लक्खणं ।

### अविप्पवाससीमानुजाननकथावण्णना

१४३-४. “मनम्हि वूळ्हो”ति वा पाठो । तत्थ मनम्हि वूळ्होति मनं वूळ्हो अम्हीति अत्थो । ठपेत्ता गामञ्च गामूपचारञ्चाति अन्तरघरसङ्घातं गामञ्च गामूपचारञ्च ठपेत्ता । केचि “परिक्खित्तं गामं सन्धाय ‘गाम’न्ति वुत्तं, अपरिक्खित्तं सन्धाय ‘गामूपचार’न्ति वदन्ति, तं पन अट्ठकथाय विरुज्झति । तस्मा निवेसनरच्छादयो सन्धाय गामं, परिक्खेपारहट्टानानि सन्धाय ‘गामूपचार’न्ति च वुत्तं । एत्थ पन अनेकधा पठन्ति । किं तेन, पाळिञ्च अट्ठकथञ्च सुट्ठो उपपरिक्खित्वा यथा समेन्ति, तथा

गहेतब्बं । **भिक्षून् पुरिमकम्मवाचा न वट्टतीति** गामगामूपचारे अन्तोक्त्वा समानसंवासकसीमाय सम्मताय उपरि अविष्पवाससीमासम्मुतियं युज्जति । यत्थ पन केवलं अरञ्जयेव सम्मतं, तत्थ कथं न वट्टतीति । तत्थ “ठपेत्वा गामञ्च गामूपचारञ्च”ति वचनं न सात्थकन्ति चे? वुच्चते — एवमेतं, किन्तु अनुस्सावनहानिप्पसङ्गतो तं वचनं वत्तब्बमेवाति इमिनाव अधिप्पायेन “पुरिमकम्मवाचा न वट्टती”ति वुत्तं सिया । एकस्मिं वा अत्थे कम्मवाचाद्वयआभावतोति वुत्तं । “न हि ते अञ्जमञ्जस्स कम्मे गणपूरका होन्ती”ति वुत्तता उभिन्नं नानासंवासकसङ्गानमि अयमेव विधि आपज्जेय्याति चे? नापज्जति पटिग्गहसन्निधीनं अनुज्जातत्ता, ओमसनादिपच्चया अविसेसतो, कम्मपटिप्पस्सद्धिमत्तापेक्खताय च । **तस्साति भिक्षुनिसङ्गस्स । न कम्मवाचं वगं करोन्तीति** कम्मं न कोपेन्तीति अत्थो । **एत्थाति** ठपेत्वा गामन्ति एत्थ । “यदि भिक्षून् अविष्पवाससीमा गामञ्च गामूपचारञ्च न ओतरति, अथ कस्मा गामे सीमाबन्धनकाले अविष्पवासं सम्मन्न्तीति चे? आचिण्णकप्पेन, न ततो अञ्जं कञ्चि अत्थं अपेक्खित्वा”ति लिखितं । “अत्थतो हि सा बहिद्वापि अबद्धा एव होती”ति वुत्तं । अन्तरगामे बद्धा समानसंवाससीमा यस्मा गामसङ्ख्यं न गच्छति, तस्माति एके । **सोपि सीमासङ्ख्यमेव गच्छतीति** अविष्पवाससीमासङ्ख्यं गच्छतीति अत्थो । इदं पनेत्थ विचारेतब्बं — गामं अन्तोक्त्वा बद्धाय सीमाय पुन अविष्पवाससम्मुतियं अरञ्जपदेसे ठत्वा अविष्पवासकम्मवाचा कातब्बा, उदाहु गामे ठत्वाति? गामे ठत्वा कतायपि कप्पियभूमिया फरतीति । बहिसीमे ठितसम्मतदोसानुलोमत्ता अकप्पियभूमियं ठत्वा न कातब्बाति नो तक्को, एस नयो समूहननेपीति आचरियो । **खण्डसीमायं ठत्वा अविष्पवाससीमाति** आदीसु महासीमा किर “अविष्पवाससीमा”ति वुत्ता ।

**१४६.** “यस्सायस्मतो खमति एतिस्सा सीमाय समानसंवासाय एकूपोसथाय समुग्धातो, सो तुण्हस्सा”ति **अन्धकपोत्थके**, **सीहळपोत्थके**सु च केसुचि पाठो अत्थि । केसुचि “समुग्धातो एतिस्सा सीमाया”ति पठमं लिखन्ति, केसुचि “एतिस्सा सीमाय समुग्धातो”ति च ।

### गामसीमादिकथावण्णना

**१४७. सा चाति** सा परिच्छिन्दित्वा दिन्नगामसीमा च इतरा च । सा कतमाति चे? “**पकतिगामा**”ति आदिमाह । **बद्धसीमासदिसायेव होन्तीति** सा च होति इतरा च होतीति अधिप्पायो, तस्मायेव “तिचीवरविष्पवासपरिहारं लभती”ति एकवचनं कतं, तं न युत्तं उभिन्नमि गामत्ताति एके । “होन्ति, न लभन्ती”ति च बहुवचनमि करोन्तीति । “सा च इतरा चा”ति वुत्ता “मज्झे भिन्दित्वा दिन्नगामसीमा पकतिगामादयो अभिन्ना”ति च वदन्ति । “भिक्षुवसती”ति पाठो, “वसन्ती”ति च लिखितं । “अथस्स ठितोकासतो”ति वुत्तता एकवचनमेव युत्तं । **सब्बा, भिक्षवे, नदी असीमाति** कतरं सीमं पटिक्खपति? बद्धसीमं, एकादसविपत्तिसीमञ्जतरप्पसङ्गतीति आचरिया । सचे पठमं सीमाय बद्धाय पच्छा नदिआदयो होन्ति, पटिक्खेपोति पसङ्गो आपज्जति, तस्मा अबद्धसीममेव पटिक्खपति । यथा सब्बो गामो गामसीमा, तथा सब्बा नदी असीमा । किन्तु तस्स तस्स भिक्षुनो उदकुक्खेपसीमाति सीमानानतं दस्सेतीति नो तक्कोति आचरियो । **यं मज्झिमस्स पुरिसस्स समन्ता उदकुक्खेपाति** पन एकस्सा नदिया चतुवग्गादीनं सङ्गानं विसुं चतुवग्गकरणीयादिकम्मकरणकाले सीमापरिच्छेददस्सनत्थं वुत्तं । तिचीवरेन विष्पवासाविष्पवासपरिच्छेददस्सनत्थमि सत्तब्भन्तरसीमाय परिच्छेददस्सनं वियाति आचरिया, तस्मा उदकुक्खेपपरिच्छेदाभावेपि अन्तोनदियं कम्मं कातुं वट्टतीति सिद्धं ।

अयं पन विसेसो — तत्थ नावागतो चे, नावायं वुत्तनयेन । सत्थगतो चे, सत्थे वुत्तनयेन । सो चे अतिरेकचातुमासनिविट्ठो, गामे वुत्तनयेन तिचीवराविष्पवासो वेदितब्बो । तत्थापि अयं विसेसो — सचे सत्थो उदकुक्खेपस्स अन्तो होति, उदकुक्खेपसीमापमाणन्ति एके । सत्थोव पमाणन्ति आचरिया । **सचे पनेत्थ बहू भिक्षूति** आदिमि केचि अधिद्वानुपोसथं, केचि गणुपोसथं, केचि सङ्गुपोसथन्ति वत्तुकामताय “बहू सङ्गा”ति अवत्वा “भिक्षू”ति वुत्तं । **ऊनकं पन न वट्टतीति** एत्थ सीमासम्भेदसम्भवतोति **उपतिस्सत्थेरो** । ठपेन्ते हि ऊनकं न ठपेतब्बं । “अठपेतुमि वट्टति एवा”ति वुत्तं । **गच्छन्तिया पनाति** एत्थ “उदकुक्खेपमनतिक्कमित्वा परिवत्तमानाय कातुं वट्टती”ति लिखितं । **अज्जिस्सा सीमाय जत्तीति** आदि किं सीमतो

कम्मविपत्तिभया वुत्तं, उदाहु परिसतोति? एककम्मस्स नानासीमाय असम्भवतो सीमतोति । एककम्मस्स नानासीमद्वसङ्गेन असम्भवतो परिसतोतिपि एके । “सवनं हापेती”ति वुत्तदोसप्पसङ्गतोति नो तक्को । एकस्सा हि सीमाय एकं कम्मं अनिट्ठपेत्तो हापेतीति आचरियो ।

**बहिनदितीरे जातरुक्खस्स अन्तोनेदियं पविट्ठसाखाय वाति** एत्थ च **नदितीरे खाणुकं कोट्टेत्वा**ति एत्थ च **सचे पन सेतु वा सेतुपादा वा बहितीरे पतिट्ठिता**ति एत्थ च सीमासोधनं नाम गामसीमद्वे हत्थपासानयनं । खण्डसीमाय उट्ठितरुक्खतो वियोजेत्वा कातुं वट्ठति । कस्मा? तीरद्वे रुक्खे बद्धनावाय गामो आधारोति । “उभतोभागेन गामसीमं फुसित्वा ठितसेतु खण्डसीमामहासीमायो फुसित्वा ठितरुक्खेन उपमेतब्बो”ति च लिखितं । तत्थ पुरिमनये ताव इदं विचारेतब्बं — तादिसे ठाने कतकम्मं किं नदियं कतसङ्ख्यं गच्छति, उदाहु गामसीमायं, अथ उभयत्थाति? किञ्चेत्थ तं चे नदियं कतसङ्ख्यं गच्छति, उदकुक्खेपसीमाव सोधेतब्बा, न इतरा । अथ गामसीमायं कतसङ्ख्यं गच्छति, उदकुक्खेपसीमा न सोधेतब्बा । यदि उभयत्थ कतसङ्ख्यं गच्छति, द्वीसु सीमासु एककम्मं कातुं वट्ठतीति अनिट्ठप्पसङ्गो आपज्जति । ततो “अज्जिस्सा सीमाय जत्ति, अज्जिस्सा अनुस्सावना होती”ति इदञ्च “खण्डसीमामहासीमद्वानं कायसामगिया कम्मं कातुं वट्ठती”ति इदञ्चानिट्ठं आपज्जतीति? एत्थ वुच्चते — यथावुत्तं कम्मं उभयत्थ कतसङ्ख्यं गच्छति, न च यथावुत्तं अनिट्ठं आपज्जति । कस्मा? “जत्तिअनुस्सावनानं एकेकसीमायं पवत्तत्ता, कारकभिकखून् वा एकेकसीमायं ठितत्ता”ति वदन्ति । उभयत्थापि ठातुं सक्कुण्येयताय पन तं अकारणं । एकीभावं उपगतसीमद्वाने कतत्ताति इदं अचलकारणं । एकीभावं उपगतासु हि द्वीसु नदीगामसीमासु कम्मं कातुं वट्ठतीति च । सत्तब्भन्तरसीमायं चे नदी होति, समुदो वा, जातस्सरो वा । तेसु ठितभिकखु सत्तब्भन्तरसीमायं ठितसङ्ख्यं न गच्छति । तत्थ चे नदिआदिलक्खणं अप्पत्तो दीपको, पासाणो, रुक्खो वा होति, सत्तब्भन्तरसङ्ख्यं गच्छति । मनुस्सेहि वळ्ळज्जनद्वानं चे तं होति, गामखेत्तसङ्ख्यं गच्छति । कतरगामखेत्तं? यतो मनुस्सा सञ्चरन्ति, सब्बे चे सञ्चरन्ति, विसुं गामखेत्तसङ्ख्यं गच्छतीति च आचरिया ।

पच्छिमनये सचे सेतु नदीलक्खणद्वानं अफुसित्वा ठितो, गामसीमासङ्ख्यं गच्छति । तत्थ एको चे गामो, तं सोधेत्वा, द्वीसु तीरेसु सचे द्वे, द्वेपि गामे सोधेत्वा कम्मं कातब्बं । एवञ्चि कतं उभयत्र कतं होति । इमिना नयेन द्वीसु नदीसु, जातस्सरेसु च एककम्मपसिद्धि वेदितब्बा । अयं पन नयो खण्डसीमामहासीमानप्पि लब्भतेव । सचे सेतु नदीलक्खणद्वानं फुसित्वा ठितो, उदकुक्खेपसीमापि सोधेतब्बा ।

सीमानमेव चेकत्तं, वेहासद्वं विना गतो ।  
विदित्वा एककम्मस्स, सीमतो इदमादिसे ॥

एकसीमं द्विसीमं वा, तिसीमं चतुसीमकं ।  
एककम्मं सिया तस्स, कोपो परिसतो सियाति ॥

अयं पनेत्थ विसेसो — नदियं करोन्तानं उदकुक्खेपतो बहि रुक्खादिसम्बन्धो अप्पमाणं । गामे करोन्तानं नदियं सम्बन्धरुक्खस्स उदकुक्खेपतो बहि ठितभिकखु अप्पमाणं, ततो ओरं पमाणं । बद्धसीमाय सम्बन्धरुक्खस्स बद्धसीमाय ठितभिकखु पमाणन्ति वेदितब्बं, तेनेव वुत्तं “सीमं सोधेत्वा कम्मं कातब्बं”न्ति । “सचे पन सेतु वा सेतुपादा वा बहितीरे पतिट्ठिता कम्मं कातुं न वट्ठती”ति वचनप्पि पारोहादीसु विय सकलसीमासोधनमेव कातब्बन्ति साधेति, वीमंसितब्बं । **अतिवुट्ठिकाले पनाति** एत्थ अतिवुट्ठि नाम यथा चातुमासिकायाति वेदितब्बा, तस्मा चतुमासं अतिवुट्ठियेव सचे होति, सब्बोपि ओघेन ओत्थटोकासो नदी एव । अथ एकस्सापि अतिवुट्ठिया ओघो चतुमासं तिट्ठति, सन्दति वा, बहितीरे पतिट्ठितओघेन ओत्थटोकासो सब्बोपि नदी एव । **नदिं ओत्थरित्वा सन्दनद्वानतो पट्टायाति** तमेव वा नदिं अज्जं वा अपुब्बं वा पदेसं अत्तनो पवत्तवसेन नदिलक्खणप्पत्तं ओत्थरित्वा सन्दनद्वानतो पट्टाय वट्ठति । **गामनिगमसीमं ओत्थरित्वा**ति चतुमासप्पवत्तिं सन्धाय वुत्तं । “अगमनपथेति तदहु गतपच्चागतं कातुं



असक्कुणेय्यके”ति लिखितं । यं पन **अन्धकट्टकथायं** वुत्तं, तं न गहेतब्बं । कस्मा? नदियम्पि तंदोसप्पसङ्गतो । **तिपुसकादीति** एत्थ **आदि-**सद्देन कमलुप्पलादीनिपि सङ्गहं गच्छन्ति । **सब्बोपि अजातस्सरो होति, गामसीमासङ्ख्यमेव गच्छतीति** येहि कतं, तेसं गामसीमासङ्ख्यं वा, समन्ततो तीरट्टगामेहि चे कतं, सब्बगामसङ्ख्यं वा, अज्जेहि गामखेत्तेहि असम्बन्धट्टानं चे, विसुंगामसीमासङ्ख्यं वा गच्छतीति अत्थो ।

**१४८. संसट्टविटपाति** इमिना आसन्नत्तं दीपेति, तेन पदेससम्भिन्दना इध सम्भेदोति दीपेति । **सो पन वड्डन्तो सीमासङ्करं करोतीति** बद्धसीमट्टानप्पवेसनवसेन “एकदेसबद्धसीमा”ति वत्तब्बतो सङ्करदोसो होति । **न, भिक्खवे, सीमाय सीमा सम्भिन्दितब्बाति** एत्थ “पठमं बद्धसीमाय पच्छा अत्तना बन्धितब्बसीमा न सम्भिन्दितब्बा”ति एके अधिप्पायं संवण्णयन्ति । पठमं सम्मतसीमायं सम्भेदाभावतो स्वाधिप्पायो अज्झोत्थरणेन युज्जति, तस्मा पच्छा बन्धितब्बसीमाय पठमं बद्धसीमा न सम्भिन्दितब्बा । सकलं वा एकदेसतो वा निमित्तानं अन्तोकरणेन पठमं बद्धसीमाय सीमन्तरिके अकित्तेत्वा सम्मन्नतो हि सम्भिन्दति नाम, परेसं बद्धसीमं सकलं वा एकदेसतो वा निमित्तानं अन्तोकरणेन अज्झोत्थरति नाम, तेनेवाह “सीमं सम्मन्नन्तेन सीमन्तरिकं ठपेत्वा”तिआदि । तस्सत्थो — पठमं बद्धसीमाय सीमन्तरिकं पच्छा बन्धितब्बसीमाय निमित्तभूतं ठपेत्वा पच्छा सीमं सम्मन्नितुन्ति । इमा द्वेपि विपत्तियो भिक्खुभिक्खुनीसीमानं अज्जमज्जं न सम्भवन्ति । **सो पन वड्डन्तो सीमासङ्करं करोतीति** एत्थ केवलं सीमासङ्करमेव करोति । तस्मिं कतकम्मानि न कुप्पन्तीति केचि, तं नयुत्तं साखापारोहछेदनसीमासोधनानं वुत्तत्ता । इदं सब्बं सुट्ठु विचारेत्वा गरुकुले पयिरुपासित्वा गहेतब्बयुत्तकं गहेतब्बं, इतरं छट्ठेत्तब्बं ।

### उपोसथभेदादिकथावण्णना

**१४९.** “द्वेमे, भिक्खवे, उपोसथा”ति तदा सामग्गीउपोसथस्स अननुज्जातत्ता वुत्तं । सामग्गीउपोसथस्स पुब्बकिच्चे “अज्जुपोसथो सामग्गी”ति वत्तब्बं, न च कम्मवाचाय भगवता पयोगो दस्सितो, पाळिनयतो अट्टकथाचरियेहि उद्दिसितब्बक्कमो दस्सितो । तथा पज्चन्नं पातिमोक्खुद्देसानं उद्देसक्कमो सिद्धोति वेदितब्बं । **तयो वा द्वे वा पातिमोक्खं उद्दिसन्ति, अधम्मेन समग्गं नाम होतीति** एत्थ कामं सङ्गस्स सामग्गी नाम होति वग्गकथाय यथाकम्मं सामग्गीववत्थानतो । तथापि वग्गपटिपक्खभावेन समग्गं, समग्गपटिपक्खभावेन च वग्गं नाम कतं । आवेणिकतो वा गणकम्मादिसम्भवतो, तस्स च समग्गवग्गभावसम्भवतो वुत्तन्ति वेदितब्बं । **धम्मेन वग्गन्ति** एत्थ पारिसुद्धिकरणं धम्मिकं, सङ्गस्सेव छन्दागमनं, न गणस्साति कत्वा वग्गं नाम होति । “एकवारं कतं सुकतं, आपत्तिं पन आपज्जति, पुन कातुं न लभन्ती”ति वदन्ति । “पज्चसु एकस्स छन्दं आहरित्वा चतूहि पातिमोक्खं उद्दिसितुं वट्टती”ति वदन्ति, तं युत्तं, छन्दहारके भिक्खूनं सन्तिकं पत्ते तेन सङ्गो पहीति, तस्मा छन्दो सङ्गप्पत्तो होतीति कत्वा वुत्तं ।

### पातिमोक्खुद्देसकथावण्णना

**१५०. मातिकाट्टकथायं** (कट्ठा० अट्ठ० निदानवण्णना) “सुणातु मे, भन्ते, सङ्गो...पे०... आविकता हिस्स फासु होति, तत्थायस्मन्ते पुच्छामि...पे०... तस्मा तुण्ही । एवमेतं धारयामी”ति वत्त्वा “उद्दिट्ठं खो आयस्मन्तो निदान”न्तिआदिना नयेन अवसेसे सुतेन साविते उद्दिट्ठो होती”ति वुत्तत्ता “एवमेतं धारयामीति सुता खो पनायस्मन्तेही”ति एत्थ “धारयामी”ति वत्त्वा “उद्दिट्ठं खो आयस्मन्तो निदान”न्ति वचनं संखित्तन्ति गहेतब्बं, तेनेव खुद्दकपेय्यालवसेन लिखितं । एवं **मातिकाट्टकथायम्पि** “आविकता हिस्स फासु होति, तत्थायस्मन्ते”ति एत्थापि “उद्दिट्ठं खो आयस्मन्तो निदान”न्ति वचनं संखित्तन्ति गहेतब्बन्ति एके । केचि “अविवदमानेहि सिक्खितब्ब”न्ति वुत्ते निदानुद्देसो निट्ठितो नाम होति, तस्मा अनाविकरोन्तो आपत्तिं आपज्जती”ति वदन्ति, तं न युत्तं । कस्मा? “निदानं उद्दिसित्वा”ति निदानवचनेन हि निदानस्स निट्ठितभावो वुत्तो, निदानावसाने च आपत्ति वुत्ताति । “**सरभज्जं** नाम सरेन भणन”न्ति लिखितं । **सज्झायं अधिट्ठित्वा** “सज्झायं करोमी”ति चित्तं उप्पादेत्वा । “आपुच्छामीति वुत्तमत्तेन कथेतुं वट्टती”ति वदन्ति । तं तुण्हीभावे युज्जति । “अथापि लाभादिना अभिभूतो वारेति, तं न पमाण”न्ति वदन्ति । **एसेव नयोति** कथेन्तो यदि विच्छिन्दति, पुन आपुच्छितब्बन्ति ।

### अधम्मकम्मपटिकोसनादिकथावण्णना

१५४. “तेसं अनुपद्ववत्थाया”ति सङ्घो सङ्घस्स कम्मं न करोति, अज्जोपि उपद्ववो बहून् होति, तस्मा वुत्तं ।

### पातिमोक्खुद्देसकअज्जेसनादिकथावण्णना

१५५. “थेराधिकं पातिमोक्ख”न्ति वत्तापि पच्छा अविसेसेन “यो तत्थ ब्यत्तो पटिबलो, तस्साधेय्य”न्ति वुत्तत्ता “भन्ते”ति वचनं थेरस्सापि अत्थीति सिद्धं होति । “गच्छावुसो संखित्तेन वा वित्थारेन वा”ति वचनतो असतिपि अन्तराये थामं पमाणन्ति सिद्धं होति ।

### दिसंगमिकादिवत्थुकथावण्णना

१६३. “सचस्स सद्धिचरा भिक्खुउपट्ठाका अत्थी”ति पाठो । “उतुवस्सेति उतुसंवच्छरे हेमन्तगिम्हेसू”ति लिखितं ।

### पारिसुद्धिदानकथावण्णना

१६४. पारिसुद्धि दम्मीति “सापत्तिको थेरानं देति, सम्पजानमुसावादे दुक्कटं सम्भवती”ति आचरियेन लिखितं । किं नु खो कारणं? सम्पजानमुसावादेन दुक्कटापत्ति नाम केवलं भगवता वुत्तत्ता अकिरियसमुद्धाना होतीति । “पारिसुद्धि दम्मी”ति एत्थ पन किरिया पज्जायति, तस्मा सम्पजानमुसावादे पाचित्तियं विय दिस्सति, सुद्धु उपपरिखितब्बं । महन्ता हि ते आचरिया नाम । तत्थ “दम्मी”ति अत्तनो उपोसथकम्मनिब्बत्तिनिमित्तं वुत्तं । “हरा”ति च “आरोचेही”ति च हारकस्स अनारोचनपच्चया दुक्कटमोचनत्थं वुत्तं । एसेव नयो छन्ददानेपि । तत्थ “दम्मी”ति अत्तनो चित्तसामग्गिदीपनवचनं, सेसं वुत्तनयमेव, एवं उपतिस्सत्थेरो वण्णेति । अथ वा पठमं समग्गभावं सन्धाय, दुत्तियं पच्छा विधातब्बभावं, तत्तियं छन्दहारकस्स दुक्कटमोचनत्थं वुत्तं । उभयत्थापि “सङ्घप्पत्तो पक्कमती”तिआदिवचनतो सङ्घे समग्गे एव छन्दपारिसुद्धिदानं रुहति, नासमग्गेति सिद्धं । “सङ्घप्पत्तो उक्खित्तको पटिजानाति, आहटा होति पारिसुद्धी”तिआदिवचनतो उक्खित्तकादीनम्पि छन्दपारिसुद्धिदानं रुहतीति सिद्धं, तज्ज खो पकत्तत्तसज्जाय, नो अज्जथाति तक्को । जानित्वा सामणेरस्स दिन्ने न याति, आपत्ति च, अजानित्वा दिन्ने याति च, अनापत्तीति एके ।

बिळालसङ्गलिका नाम पारिसुद्धीति एत्थ सङ्गलिका नाम अनन्तरेन सम्बज्झति, अज्जेन च सङ्गलिकेनाति केवलं सङ्गलिका पारिसुद्धि नाम होतीति उपतिस्सत्थेरो । एवं सन्ते विसेसनं निरत्थकं होति । बिळालसङ्गलिका बद्धाव होति अन्तोगेहे एव सम्पयोजनत्ता । यथा सा न कत्थचि गच्छति, तथा सापि न कत्थचि गच्छतीति किर अधिप्पायो ।

### छन्ददानादिकथावण्णना

१६५-७. “छन्दं दत्त्वा खण्डसीमं वा सीमन्तरिकं वा बहिसीमं वा गन्त्वा आगतो भिक्खु कम्मं न कोपेति, तस्मा गमिकभिक्खूनं छन्दं गण्हित्वा खण्डसीमं बन्धित्वा पुन विहारसीमं बन्धितुं तेसं छन्दं न गण्हन्ती”ति वदन्ति । “मुहुत्तं एकमन्तं होथा”तिआदिवचनतो यं किञ्चि भिक्खुकम्मं गहट्ठादीसु हत्थपासगतेसु न वट्ठीतीति सिद्धं । निस्सीमन्ति बहिसीमं । तस्स सम्मुत्तिदानकिच्चं नत्थीति तस्मिं सतिपि वट्ठीतीति अत्थो । आसनेन सह उदकन्ति अत्थो । पन्नरसोपीति अपि-सदो चातुद्दसिं सम्पिण्डेति, तेन वुत्तं महाअट्ठकथायं “यदि नो एत”न्ति । “अज्ज मे उपोसथो पन्नरसो”ति अधिद्धानं सदा न किञ्चि, न अज्जथाति एके ।

### आपत्तिपटिकम्मविधिकथादिवण्णना

१६९-१७०. पटिदेसेमीति याय कायचि भासाय वुत्ते देसना च पटिग्गहो च होतियेव दिट्ठाविकम्मेन विसुद्धिया वुत्तत्ताति

केचि। वेमतिकेन “अहं, भन्ते, एकस्सा थुल्लच्चयापत्तिया वेमतिको, यदा निब्बेमतिको भविस्सामि, तदा तं आपत्तिं पटिकरिस्सामी”ति वत्तब्बं। एवं कते याव निब्बेमतिको न होति, ताव सभागापत्तिं पटिग्गहेतुं न लभति, अज्जेसज्ज कम्मनं परिसुद्धो नाम होति। पुन निब्बेमतिको हुत्वा देसेतब्बं। न चाति नेव पाळियं न अट्ठकथायं अत्थि, देसिते पन दोसो नत्थीति। तथा **इतो वुट्ठित्वा तं आपत्तिं पटिकरिस्सामी**ति एत्थ च सकलसङ्घे सभागापत्तिं आपन्ने, वेमतिके च। तथा च “सब्बो सङ्घो सभागापत्तिं आपज्जित्वा यदा सुद्धं पस्सिस्सती”ति, “तदा तस्स सन्तिके तं आपत्तिं पटिकरिस्सती”ति वत्त्वा ‘उपोसथं कातुं लभती’ति च लिखितं।

### अनापत्तिपन्नरसकादिकथावण्णना

**१७२-३.** “अत्थज्जे”ति पुब्बवारे, “अत्थज्जे”ति पच्छावारे पाठो। सीमं ओक्कन्ते वा ओक्कमन्ते वा पस्सन्ति। धम्मसज्जिनो पन अज्जाणेन होन्ति। “वेमतिकपन्नरसकं उत्तानमेवा”ति पाठो।

### सीमोक्कन्तिकपेय्यालकथावण्णना

**१७८.** “न अकामा दातब्बा”तिवचनतो इच्छाय सति दातब्बाति सिद्धं।

### लिङ्गादिदस्सनकथावण्णना

**१८०. नाभिवितरन्ती**ति एत्थ लद्धिनानासंवासका किर ते। कम्मनानासंवासकज्हि दिट्ठिं पटिनिस्सज्जापेत्वा तस्स ओसारणकम्मं कातब्बं। एवज्जि कते तेन सद्धिं उपोसथं कातुं वट्ठति। इतरेन लद्धिनिस्सज्जनमत्तेन कातुन्ति वुत्तं। आपत्तिया अदस्सने अप्पटिकम्मे उक्खित्तकज्ज दिट्ठिया अप्पटिनिस्सग्गे उक्खित्तकज्ज जानित्वा तेन सद्धिं करोन्तस्स पाचित्तियं, तस्मा इमे उक्खित्तानुवत्तकाति वेदितब्बाति एके।

### नगन्तब्बगन्तब्बवारकथावण्णना

**१८१. न गन्तब्बो**ति किं सन्धाय? “अज्जत्र सङ्घेना”ति वचनतो यस्मिं विहारे सतं भिक्खू विहरन्ति, ते सब्बे केनचिदेव करणीयेन दस दस हुत्वा विसुं विसुं नानाउदकुक्खेपसीमादीसु ठत्वा उपोसथं कातुं लभन्ति। नवकम्मसालादिका नानासीमाकोटि उपोसथाधिट्ठानत्थं सीमापि नदीपि न गन्तब्बा। गरुकं पातिमोक्खुद्देसं विस्सज्जित्वा लहुकस्स अकत्तब्बत्ता “अज्जत्र सङ्घेना”ति वचनं साधेति। तत्थ “यस्मिं आवासे उपोसथकारका ...पे०... अकत्वा न गन्तब्बो”ति वचनतो विस्सट्ठउपोसथापि आवासा गन्तुं वट्ठतीति सिद्धं। “ततो पारिसुद्धिउपोसथकरणत्थं विस्सट्ठउपोसथा गन्तुं वट्ठति, खण्डसीमं वा पविसितुन्ति अपरे वदन्ती”ति वुत्तं। **इमिना नेव उपोसथन्तरायो**ति “अत्तनो उपोसथन्तरायो”ति लिखितं।

### वज्जनीयपुग्गलसन्दस्सनकथावण्णना

**१८३.** “अन्तिमवत्थुं अज्झापन्नस्स निसिन्नपरिसाय कलहादिभयेन नाहं करिस्सामी”ति चित्तं उप्पादेत्वा निसीदितुं वट्ठति। अज्जकम्मे तस्स निसिन्नपरिसाय आपत्ति नत्थीति एके। “न च, भिक्खवे, अनुपोसथे उपोसथो कातब्बो अज्जत्र सङ्घसामगिया”ति (महाव० १८३) वचनतो सामग्गीदिवसो अनुपोसथदिवसोति अत्थतो वुत्तं विय दिस्सति। “द्वेमे, भिक्खवे, उपोसथा”ति वुत्तवचनवसेनेतं वुत्तं, अज्जथा **परिवारपाळिया** विरुज्झतीति आचरिया। चातुद्दिसियं, पन्नरसियं वा चे सङ्घो समग्गो होति, “अज्जुपोसथो सामग्गी”ति अवत्त्वा पकतिनीहारेनेव कत्तब्बन्ति दस्सनत्थं यथादेसना कताति नो तक्को। अज्जथा यथावुत्तद्वये चे सामग्गी होति, तत्थ उपोसथं अकत्वा अनुपोसथदिवसे एव सामग्गीउपोसथो कातब्बोति आपज्जति। अज्जथा पुब्बे पटिसिद्धत्ता इदानि पटिसेधनकिच्चं नत्थि। “न, भिक्खवे, देवसिकं पातिमोक्खं उद्दिसितब्ब”न्ति (महाव० १३६) पुब्बे हि वुत्तं। अथ

वा “अनुजानामि, भिक्खवे, उपोसथे पातिमोक्खं उद्दिसितु”न्ति पुब्बे वुत्तता “सकिं पक्खस्स चातुदसे वा पन्नरसे वा”ति च “द्वेमे, भिक्खवे, उपोसथा”ति (महाव० १४९) च पच्छा वुत्तता ततो अज्जस्मिं दिवसे उपोसथो न कातब्बोति अत्थतो आपन्नं अनिट्ठं, सति सङ्गसामगगिया अज्जो दिवसो पकतिवसेन अनुपोसथोपि उपोसथदिवसो नाम होतीति दस्सनवसेन निवारेतुम्पि एवंदेसना कताति वेदितब्बा ।

उपोसथक्खन्धकवण्णना निट्ठिता ।

### ३. वस्सूपनायिकक्खन्धकवण्णना

#### वस्सूपनायिकानुजाननकथावण्णना

१८४. महाअट्ठकथायम्पि “सङ्कासयिस्सन्ती”ति पाठो, दीपवासिनो “सङ्कापयिस्सन्ती”ति पठन्ति किर । “कति नु खो वस्सूपनायिका”ति चिन्तायं “किं निमित्त”न्ति वुत्ते “अनुजानामि, भिक्खवे, वस्सं उपगन्तु”न्ति यं वस्सूपगमनं वुत्तं, तं “इमं तेमासं वस्सं उपेमी”ति वत्वा उपगन्तब्बं । वस्सानमासा च चत्तारो । तत्थ पठमं तेमासं, पच्छिमं तेमासन्ति दुविधं तेमासं । तेनायं तेसं भिक्खूनं चिन्ता अहोसि ।

#### वस्सानेचारिकापटिक्खेपादिकथावण्णना

१८५. अनपेक्खगमनेन वा अज्जत्थ अरुणं उट्ठापनेन वा आपत्ति वेदितब्बाति एत्थ पठमं ताव सो सत्ताहं अनागताय पवारणाय सकरणीयो पक्कमति । “आगच्छेय्य वा सो, भिक्खवे, भिक्खु तं आवासं न वा आगच्छेय्य, तस्स, भिक्खवे, भिक्खुनो पुरिमिका च पज्जायति, पटिस्सवे च अनापत्ती”ति वचनतो ओरं सन्धाय वुत्तन्ति वेदितब्बं । तथा हि “सो तदहेव अकरणीयो पक्कमति, सकरणीयो पक्कमति, तस्स, भिक्खवे, भिक्खुनो पुरिमिका च न पज्जायति, पटिस्सवे च आपत्ति दुक्कटस्सा”ति (महाव० २०७) वुत्तं ।

#### सत्ताहकरणीयानुजाननकथावण्णना

१८७-८. दुतियं पन “सो तं सत्ताहं बहिद्धा वीतिनामेति, तस्स, भिक्खवे, भिक्खुनो पुरिमिका च न पज्जायति, पटिस्सवे च आपत्ति दुक्कटस्सा”ति वचनतो सत्ताहतो परं वेदितब्बं । तथा हि “सो तं सत्ताहं अन्तो सन्निवत्तं करोति, तस्स, भिक्खवे, भिक्खुनो पुरिमिका च पज्जायति, पटिस्सवे च अनापत्ती”ति (महाव० २०७) वुत्तं । सतिपि कारणद्वये वस्सच्छेदकारणाभावे आपत्ति वेदितब्बा, तस्मा तीणिपि एतानि वचनानि यथासम्भवं योजितानि विग्गहानि होन्ति । तीणि परिहीनानीति तासं नत्थिताय ।

#### पहितेयेवअनुजाननकथावण्णना

१९९. “अनुजानामि भिक्खवे, सङ्गकरणीयेन गन्तुं, सत्ताहं सन्निवत्तो कातब्बो”ति वचनतो अन्तोवस्से संहारिकभावेन गन्तुं वट्ठति । तत्थ धम्मछन्दवसेनपि आगते सङ्गस्स आयमुखं विनस्सति । ततो “सेनासनानि कत्वा”ति च वुत्तं । आगतन्ति आगमनं । भावेत्थ तपच्चयोयं । सङ्गकरणीयेन गन्तुन्ति एत्थ “सेनासनपटिसंयुत्तेसु एव सङ्गकरणीयेसु, न अज्जेसू”ति धम्मसिरित्थेरो वदति किर । अट्ठकथायम्पि तं पदं उद्धरित्वा “यं किञ्चि उपोसथागारादीसु सेनासनेसू”तिआदिना सेनासनमेव दस्सितं, तस्मा उपपरिक्खितब्बं ।

अनिमन्तितेन गन्तुं न वट्ठतीति तस्स रत्तिच्छेदो च दुक्कटापत्ति च होति, तं “वस्सच्छेदो”ति च वदन्ति । निमन्तितोयेव नाम होतीति एत्थ उपासकेहि “इमस्मिं नाम दिवसे दानादीनि करोम, सब्बे सन्निपतन्तू”ति कतायपि कतिकाय गन्तुं वट्ठति ।

पवारणाय नवमितो पट्टाय पंसुकूलिकचीवरं परियेसितुं कावीरपट्टने विय सब्बेसं गन्तुं वट्टति अनुसंवच्छरं नियमतो उपासकेहि सज्जित्वा ठपनतो। वुत्तम्पि चेत्तं **अन्धकट्टकथायं** “भिक्षुसङ्घेन वा कतिका कता ‘समन्ता भिक्षू गच्छन्तू’ति, घोसनं वा कतं उपासकेहि, तत्थ गच्छन्तस्स रत्तिच्छेदो नत्थीति तथा ‘अनुसंवच्छरं आगच्छन्तू’ति सकिं निमन्तितेपि वट्टती”ति च “चीवरकालतो पट्टाय नियमं कत्वा समन्ततो आगतानं सज्जेत्वा दानतो कावीरपट्टने घोसेत्वा करणाकारो पज्जायतीति अपरे”ति च। आचरिया पन एवं न वदन्ति।

### अन्तरायेअनापत्तिवस्सच्छेदकथावण्णना

२०१. “सचे दूरं गतो होति, सत्ताहवारेन अरुणो उट्ठापेतब्बो”ति वचनतो ‘यस्मिं अन्तराये सति वस्सच्छेदं कातुं वट्टति, तस्मिं अन्तरायेव वस्सच्छेदमकत्वा सत्ताहकरणीयेन वीतिनामेतुं वट्टतीति दीपितन्ति अपरे”ति वुत्तं। विनयधरा पन न इच्छन्ति, तस्मा “सत्ताहवारेन अरुणो उट्ठापेतब्बो”ति इदं तत्तुप्पादादिनिमित्तं वुत्तन्ति वेदितब्बं। तं सन्धाय “आचरिया पन एवं न वदन्ती”ति वुत्तं। **गावुं वाति** बलिबद्धं वा। **बहिसीमाय ठितानन्ति** तेहि खण्डसीमाय ठितेहिपीति **उपतिस्सत्थेरो**। वस्सच्छेदे अस्स **वस्सच्छेदस्स**। विहारा अज्जत्थ वुट्ठापेन्तेहि तत्थेव सन्निपतित्वा “इमिना च इमिना च कारणेन इमस्मिं नाम पदेसे इमं विहारं नेत्वा वुट्ठापेमा”ति अनुस्सावेत्ताव कातब्बन्ति।

### वजादीसुवस्सूपगमनकथावण्णना

२०३. **वजेन सद्धिं गतस्स वस्सच्छेदे अनापत्तीति** वस्सच्छेदो न होतीति किर अधिप्पायो। सत्थस्स अविहारत्ता “इमस्मिं विहारे”ति अवत्वा “इध वस्सं उपेमी”ति एत्तकं वत्तब्बं। “**सत्थे पन वस्सं उपगन्तुं न वट्टतीति** ‘इमस्मिं विहारे इमं तेमास’न्ति वा ‘इध वस्सं उपेमी’ति वा न वट्टति, आलयकरणमत्तेनेव वट्टतीति अधिप्पायो”ति लिखितं। तं पन अट्टकथाय विरुज्झति। “इध वस्सं उपेमीति तिक्खत्तुं वत्तब्ब”न्ति हि वुत्तं। अट्टकथावचनम्पि पुब्बापरं विरुज्झतीति चे? न, अधिप्पायाजाननतो। सत्थो दुविधो ठितो, सज्चारोति। तत्थ ठिते कुटिकाय “इध वस्सं उपेमी”ति वत्वा वसितब्बं। इदञ्चि सन्धाय “अनुजानामि, भिक्षवे, सत्थे वस्सं उपगन्तु”न्ति वुत्तं, सज्चारिम्हि पन सत्थे कुटिकाय अभावतो वस्सं उपगन्तुं न वट्टति। सति सिविकाय वा सकटकुटिकाय वा वट्टति, तथा वजेपि। तीसु ठानेसु भिक्षुनो नत्थि वस्सच्छेदे आपत्ति।

**पवारेतुञ्च लभतीति** एत्थायं विचारणा — “अनुजानामि, भिक्षवे, येन वजो, तेन गन्तु”न्ति इदं किं वस्सरक्खणत्थं वुत्तं, उदाहु वस्सच्छेदापत्तिरक्खणत्थन्ति? किञ्चेत्थ यदि वस्सरक्खणत्थं, “न, भिक्षवे, असेनासनिकेन वस्सं उपगन्तब्ब”न्ति इदं विरुज्झति। अथ वस्सच्छेदापत्तिरक्खणत्थं वुत्तन्ति सिद्धं न सो पवारेतुं लभतीति, का पनेत्थ युत्ति? यतो अयमेव तिविधो पवारेतुं लभति, नेतरो। वाळेहि उब्बाळ्हादिको हि उपगतट्ठानापरिच्चागा लभति। परिच्चागा न लभतीति अयमेत्थ युत्ति। येन गामो, तत्थ गतोपि पवारेतुं लभतीति एकेनाति आचरियो। यो हि पुब्बे “इध वस्सं उपेमी”ति न उपगतो, “इमस्मिं विहारे”ति उपगतो, सो च परिच्चत्तो। अज्जथा विना विहारेन केवलं गामं सन्धाय “इध वस्सं उपेमी”ति उपगन्तुं वट्टतीति। आपज्जतूति चे? न, “अनुजानामि, भिक्षवे, वजे सत्थे नावाय वस्सं उपगन्तु”न्ति वचनं विय “गामे उपगन्तु”न्ति वचनाभावतो। यस्मा “तीसु ठानेसु भिक्षुनो नत्थि वस्सच्छेदे आपत्ती”ति वचनं तत्थ वस्सूपगमनं अत्थीति दीपेति तदभावे छेदाभावा, तस्मा “सत्थे पन वस्सं उपगन्तुं न वट्टती”ति कुटिया अभावकालं सन्धाय वुत्तन्ति सिद्धं। **तीसु ठानेसु भिक्षुनो नत्थि वस्सच्छेदे आपत्तीति** “तेहि सद्धिं गच्छन्तस्सेव नत्थि, विरुज्झित्वा गमने आपत्ति च, पवारेतुञ्च न लभती”ति लिखितं, तस्मा यं वुत्तं **अट्टकथायं** “अथ सत्थो अन्तोवस्सेयेव भिक्षुना पत्थितट्ठानं पत्वा अतिक्कमति...पे०... अन्तरा एकस्मिं गामे तिड्ढति वा विप्पकिरति वा”तिआदि, तं एत्तावता विरुज्झित्वा गतानम्पि विरुज्झित्वा गमनं न होति, तस्मा पवारेतब्बन्ति दस्सनत्थन्ति वेदितब्बं।

तत्थ “पदरच्छदनं कुटिं कत्वा उपगन्तब्ब”न्ति वचनतो सेनासनत्थाय रुक्खं आरुहितुं वट्टतीति सिद्धं होति, न पाळिविरोधतोति चे? न, तप्पटिक्खेपेनेव सिद्धत्ता, इमस्स इध पुनपि पटिक्खेपनतो। “न, भिक्षवे, असेनासनिकेन वस्सं

उपगन्तव्य'न्ति इमिना पटिक्खेपेन सिद्धे “न, भिक्खवे, अज्झोकासे वस्सं उपगन्तव्य'न्ति पटिक्खेपो विय सियाति चे? न, अज्झोकासस्स असेनासनभावानुमतिप्पसङ्गतो। अज्झोकासो हि “अज्झोकासे पलालपुज्जे”ति वचनतो सेनासनन्ति सिद्धं। चतुसालअज्झोकासे वसन्तोपि “चतुसालाय वसती”ति वुच्चति, तस्मा तत्थ वट्ठतीति आपज्जति, तस्मा इध असेनासनिको नाम अत्तना वा परेन वा अत्तनो निबद्धवासत्थं अपापितसेनासनिकोति वेदितव्वं। अज्जथा द्विन्नं पटिक्खेपानं अज्जतरातिरेकता च रुक्खमूलेपि निब्वकोसेपि वस्सं उपगन्तुं वट्ठतीति च, अपापितसेनासनिकेनापि गब्भे वसितुं वट्ठतीति च आपज्जति, सद्धारबन्धमेव सेनासनं इध अधिप्पेतन्ति कथं पज्जायतीति चे? निदानतो। अयज्झि असेनासनिकवस्सूपगमनापत्ति “तेन खो पन समयेन भिक्खू असेनासनिका वस्सं उपगच्छन्ति, सीतेनपि उण्हेनपि किलमन्ती”ति इमस्मिं निदाने पज्जता, तस्मा सीतादिपटिक्खेपमेव इध सेनासनन्ति अधिप्पेतव्वन्ति सिद्धं। एवं सन्ते सिद्धं पुब्बपक्खनिदस्सनन्ति चे? न, पुब्बे अपरत्थपवत्तिसूचनतो। **दुतियज्झाननिद्देसे** “वितक्कविचारानं वूपसमा अवितक्कं अविचार”न्ति (दी० नि० १.२२८; म० नि० १.२७१) वचनानि निदस्सनं। अज्झोकासपटिक्खेपनिदानेन बहिअज्झोकासोव पटिक्खित्तो, न चतुसालादिमज्झगतो अज्झोकासोति आपज्जति, तस्मा न निदानं पमाणन्ति चे? न, नियमतो। किञ्चि हि सिक्खापदं निदानापेक्खं होतीति साधितमेतं। इदं सापेक्खं, इदं अनपेक्खन्ति कथं पज्जायति, न हि एत्थ **उभतोविभङ्गे** विय सिक्खापदानं पदभाजनं, अनापत्तिवारो वा अत्थीति? इधापि देसनाविधानतो पज्जायति। “देवे वस्सन्ते रुक्खमूलमि निब्वकोसमि उपधावन्ती”ति हि इमेहि द्वीहि निदानवचनेहि बहि वा अन्तो वा सब्बं ओवस्सकट्टानं इध अज्झोकासो नाम। अनोवस्सकट्टानमि अनिब्वकोसमेव इध इच्छितव्वन्ति सिद्धं होति। तेन **न उपगन्तव्यन्ति** न आलयकरणपटिक्खेपो, “इध वस्सं उपेमी”ति वचनपटिक्खेपो। छवसरीरं दहित्वा छारिकाय, अट्टिकानज्ज अत्थाय कुटिका करीयतीति **अन्धकट्टकथा**वचनं। “**टङ्कितमज्जो**ति कसिकुटिकापासाणघर”न्ति लिखितं। “अकवाटबद्धसेनासने अत्तनो पापिते सभागट्टाने सकवाटबद्धे वसति चे, वट्ठती”ति वुत्तं। पयोगोपि अत्थि, “असेनासनिकेन वस्सं न उपगन्तव्य'न्ति **पाळि** च **अट्टकथा** च, तस्मा उपपरिक्खितव्वं।

### अधम्मिककतिकादिकथावण्णना

**२०५. महाविभङ्गे** वुत्तन्ति एत्थ अयं **अन्धकट्टकथा**वचनं ऊनपन्नरसवस्सेन सामणोरेन इध विहारे न **वत्थब्बा**, न पंसुकूलं आहिण्डितव्वं, न चोळभिक्खा गहेतब्बा, न अज्जविहारे भुज्जितव्वं, न अज्जस्स भिक्खुस्स वा भिक्खुनिया वा सन्तकं भुज्जितव्वं, अज्जमज्जं नेव आलपेय्याम न सल्लपेय्याम, न सज्झायितव्वं, मत्तिकापत्तेन वट्ठति, न अपरिपुण्णपरिक्खारस्स वासोति।

**२०६. मुसावादो**ति विसंवादो अधिप्पेतो। केचि “विसंवादनवसेन पटिस्सुणित्वाति वुत्त'न्ति च, “रज्जो वुत्तवचनानुरूपतो मुसावादोति गहट्टा गणहन्तीति वुत्त'न्ति च वदन्ति।

**२०७. “पुरिमिका च न पज्जायति**। कस्मा? ‘दुतिये वसामी’ति चित्ते उप्पन्ने पठमसेनासनग्गाहो पटिप्पस्सम्भति। पुन ‘पठमे एव वसामी’ति चित्ते उप्पन्ने दुतियो पटिप्पस्सम्भति। उभयावासे विधानं नत्थी”ति लिखितं। **पोराणगण्ठपदे** पन “पठमं गहितट्टाने अवसित्वा अज्जस्मिं विहारे सेनासनं गहेत्वा द्वीहतीहं वसति, ततो पठमग्गाहो पटिप्पस्सम्भतीति पुरिमिका च न पज्जायति। पच्छिमग्गाहो न पटिप्पस्सम्भति। इदज्झि दिवसवसेन पटिप्पस्सम्भनं नाम होति। अथ पच्छिमं तेमासं अज्जस्मिं वसति, पुरिमिका च न पज्जायति, इदं सेनासनग्गाहानं वसेन पटिप्पस्सम्भनं नामा”ति वुत्तं। उभोपेते अत्थविकप्पा इध नाधिप्पेता। यत्थायं पटिस्सुतो, तत्थ पुरिमिका च न पज्जायति, पटिस्सवे च आपत्ति दुक्कटस्स। कत्थ पन पुरिमिका पज्जायतीति? अन्तरामग्गे द्वीसु आवासेसु यत्थ तदहेव पच्छिमग्गाहो, तत्थ पठमं गहितट्टाने सत्ताहकरणीयेन गच्छतो न वस्सच्छेदो, **सो तदहेव अकरणीयो पक्कमतीति** आदिमिह “**करणीयं** नाम सत्ताहकरणीय”न्ति लिखितं।

पाळिमुत्तरकत्तिच्छेदविनिच्छये “धम्मस्सवनादी”ति वुत्तं। आदिमिह चतूसु वारेसु निरपेक्खपक्कमनस्साधिप्पेतत्ता “सत्ताहकरणीयेना”ति न वुत्तं तस्मिं सति निरपेक्खगमनाभावतो। तत्थ पुरिमा द्वे वारा वस्सं अनुपगतस्स वसेन वुत्ता, तस्मा

उपगतस्स तदहेव सत्ताहकरणीयेन गन्त्वा अन्तोसत्ताहं आगच्छतो न वस्सच्छेदोति सिद्धं । पच्छिमा द्वे वारा उपगतस्स निरपेक्खगमनवसेन वुत्ता, “सत्ताहं अनागताय पवारणाय सकरणीयो पक्कमती”ति ततो बहिद्वा सत्ताहं वीतिनामेन्तस्स वस्सच्छेदोति दस्सनत्थं वुत्तं । तत्थ “अकरणीयो पक्कमती”ति वचनाभावा विना रत्तिच्छेदकारणेन गन्तुं न वट्टतीति सिद्धं । पवारेत्वा पन गन्तुं वट्टति पवारणाय तंदिवससन्निस्सितत्ता । तत्थ **न वा आगच्छेय्याति** अन्तरायेन । आचरियो पन “न पुन इधागच्छामी”ति निरपेक्खोपि सकरणीयोव गन्तुं लभतीति दस्सनत्थं अकरणीयो”ति न वुत्त”न्ति वदति । “सीहळदीपे किर चूळपवारणा नाम अत्थि, तं पवारणं कत्वा यथासुखं सकरणीया गच्छन्ति, पयोगञ्च दस्सेन्ती”ति वुत्तं । “तत्थ छ अरुणा अन्तोवस्से होन्ति, एको बहि, तस्मा सो तेमासं वुत्थो होतीति अपरे”ति च, “आचरियो एवं न वदती”ति च वुत्तं । सब्बत्थ **विहारं उपेतीति** अत्तनो वस्सग्गेन पत्तगब्भं उपेतीति **पोराणा । असतिया पन वस्सं न उपेतीति** एत्थ “इमस्मिं विहारे इमं तेमासं”न्ति अवचनेन । “**अट्टकथायं** वुत्तरत्तिच्छेदकारणं विना तिरोविहारे वसित्वा आगच्छिस्सामीति गच्छतोपि वस्सच्छेदं”न्ति लिखितं ।

**२०८. पटिस्सुतो होति पच्छिमिकायाति** अन्तरा पब्बजितभिक्षुना, छिन्नवस्सेन वा पटिस्सुतो, अज्जेन पन पुरिमं अनुपगन्त्वा पच्छिमिकायं पटिस्सवो न कातब्बो । रत्तिच्छेदे सब्बत्थ वस्सच्छेदोति सन्निट्ठानं कत्वा वदन्ति । केचि पन न इच्छन्ति । तं साधेतुं अनेकधा पपज्जेन्ति । किं तेन ।

वस्सूपनायिकक्खन्धकवण्णना निट्ठिता ।

#### ४. पवारणाक्खन्धकवण्णना

##### अफासुकविहारकथावण्णना

**२१०.** “सङ्घं आवुसो पवारेमी”ति वुत्तत्ता पच्छापि “वदतु मं सङ्घो”ति वत्तब्बं विय दिस्सति । अयं पनेत्थ अधिप्पायो — यस्मा अहं सङ्घं पवारेमि, तस्मा तत्थ परियापन्ना थेरा, मज्झिमा, नवा वा अविसेसेनायस्मन्तो सब्बेपि मं वदन्तूति ।

##### पवारणाभेदवण्णना

**२१२. द्वेमा, भिक्खवे, पवारणाति** एत्थ तादिसे किच्चे सति यत्थ कत्थचि पवारेतुं वट्टति । तेनेव **महाविहारे** भिक्खू चातुद्दसियं पवारेत्वा पन्नरसियं कायसामग्गिं इदानिपि देन्ति । **चेतियगिरि** महादस्सनत्थम्पि अट्टमियं गच्छन्ति, तम्पि चातुद्दसियं पवारेतुकामानंयेव होति । “सत्ताहं अनागताय पवारणाय सकरणीयो पक्कमति, अनापत्तीति वचनतो इदं आचिण्ण”न्ति लिखितं । “नो चे अधिट्ठहेय्य, आपत्ति दुक्कटस्सा”ति एकस्स वुत्तदुक्कटं, तस्सेव वुत्तं पुब्बकिच्चज्ज सङ्गगणानम्पि नेतब्बं ।

##### पवारणादानानुजाननकथावण्णना

**२१३. तेन च भिक्खुनाति** पवारणादायकेन ।

##### अनापत्तिपन्नरसकादिकथावण्णना

“तस्सा च पवारणाय आरोचिताय सङ्घेन च पवारिते सब्बेसं सुप्पवारितं होतीति वचनतो केवलं पवारणाय पवारणादायकोपि पवारितोव होती”ति वदन्तीति ।

**२२२. अवुट्ठिताय परिसायाति** पवारेत्वा पच्छा अज्जमज्जं कथेन्तिया । **एकच्चाय वुट्ठितायाति** एकच्चेसु यथानिस्सिन्नेसु एकच्चेसु सकसकट्ठानं गतेसु । **पुन पवारेतब्बन्ति** पुनपि सब्बेहि समागन्त्वा पवारेतब्बं । **आगच्छन्ति समसमा, तेसं सन्तिके पवारेतब्बन्ति** “गते अनानेत्वा निसिन्नानंयेव सन्तिके पवारेतब्बं, **उपोसथक्खन्धकेपि** एसेव नयो”ति लिखितं । **सब्बाय वुट्ठिताय**

**परिसाय आगच्छन्ति समसमा, तेसं सन्तिके पवारेतब्बन्ति** “यदि सब्बे वुट्ठित्वा गता, सन्निपातेतुज्ज न सक्का, एकच्चे सन्निपातापेत्वा पवारेतुं वट्ठती”ति वदन्ति । कस्मा? जत्तिं ठपेत्वा कत्तब्बसङ्गकम्माभावा वगं न होति किर । एत्थ पन एकच्चेसु गतेसुपि सब्बेसु गतेसुपि सब्बे सन्निपातापेत्वा जत्तिं अट्ठपेत्वा केवलं पवारेतब्बं । एकच्चे सन्निपातापेत्वा पवारेतुं न वट्ठति “सङ्गं, भन्ते, पवारेमी”ति वचनतो । सब्बेपि हि सन्निपतिता पच्छा दिट्ठं वा सुतं वा परिसङ्कितं वा वत्तारो होन्ति । अनागतानं अत्थिभावं जत्वापि एकच्चानं सन्तिके पवारणावचनं विय होति । सम्मुखीभूते चत्तारो सन्निपातापेत्वा निस्सगियं आपन्नचीवरादिनिस्सज्जनं विय पवारणा न होति सब्बायत्तत्ता । “समगगानं पवारणा पञ्जत्ता”ति वचनञ्चेत्थ साधकं । “इतो अज्जथा न वट्ठति **अट्ठकथायं** अननुज्जातत्ता”ति **उपतिस्सत्थेरो** वदति । “थोकतरेहि तेसं सन्तिके पवारेतब्बं जत्तिं अट्ठपेत्वावा”ति वुत्तं । **आगन्तुका** नाम नवमितो पट्टायागता वा वजसत्थनावासु वुत्थवस्सा वा होन्ति ।

**२३७.** “दसवत्थुका मिच्छादिट्ठि होति तथागतोतिआदी”ति लिखितं । “नत्थि दिन्नन्तिआदी”ति वुत्तं ।

**२३९.** “उपपरिक्खित्वा जानिस्सामाति तेन सह पवारेतब्ब”न्ति लिखितं ।

पवारणाक्खन्धकवण्णना निट्ठिता ।

#### ५. चम्मक्खन्धकवण्णना

#### सोणकोळिविसवत्थुकथावण्णना

**२४२. असीतिया ...पे०... कारेतीति** “असीति गामिकसहस्सानि सन्निपातापेत्वा”ति इमस्स कारणवचनं । तत्थ “गामानं असीतिया सहस्सेसू”ति वत्तब्बे “असीतिया गामसहस्सेसू”ति वुत्तं । गामप्पमुखा **गामिका**, तेसं सहस्सानि । “**कम्मचिक्कीकतानी**”ति उपचारेण वुत्तं । कम्मपच्चयउतुसमुट्ठाने हि तेसं अज्जनवण्णभावो । “केनचिदेव करणीयेना”ति वत्तब्बे “केनचिदेवा”ति वुत्तं । एत्थ एवं-सद्धो ओपम्मे पवत्तति । एवमुपमानोपदेसपुच्छावधारणपटिज्जातओपम्मे । **पुरतो पेक्खमानानन्ति** अनादरत्थे सामिवचनं । ततो पन भगवतो गन्धकुटिया कवाटं सुबद्धं पस्सित्वा इच्छिताकारकुसलताय इद्धिया गन्त्वा कुटिं पविसित्वा आरोचेसि । **विहारपच्छायायन्ति** विहारस्स वट्ठमानच्छायायं । “**अहो नूनाति** अहो महन्तो”ति लिखितं । भगवतो सम्बहुलेहि सद्धिं आहिण्डनं आयस्मतो सोणस्स वीरियारम्भनिदस्सनेन अनारद्धवीरियानं उत्तेजनत्थं, एवं सुखुमालानं पादरक्खणत्थं उपाहना अनुज्जाताति दस्सनत्थञ्च ।

#### सोणस्सपब्बज्जाकथावण्णना

**२४३. तत्थ च निमित्तं गण्हाहीति** तेसं इन्द्रियानं आकारं उपलक्खेहि ।

**२४४. अधिमुत्तो होतीति** पटिविज्झित्वा पच्चक्खं कत्वा ठितो होति । **नेक्खम्माधिमुत्तो**तिआदीहि निब्बानं, अरहत्तञ्च वुत्तं । “तज्झि सब्बकिलेसेहि निक्खन्तत्ता ‘नेक्खम्म’न्ति च गेहतो पविवित्तत्ता ‘पविवेको’ति च ब्यापज्जाभावतो ‘अब्यापज्ज’न्ति च अरहत्तं उपादानस्स खयन्ते उप्पन्नत्ता ‘उपादानक्खयो’ति च तण्हाय खयन्ते उप्पन्नत्ता ‘तण्हक्खयो’ति च सम्मोहाभावतो ‘असम्मोहो’ति च वुच्चती”ति वुत्तं । सब्बेहि अरहत्तं वुत्तन्ति केचि । **सिया खो एवमस्साति** कदाचि एवमस्स, अस्स वा आयस्मतो एवं सिया । **पच्छागच्छन्तो** जानन्तो । **करणीयमत्तानन्ति** अत्तनो । सो एव वा पाठो । **नेक्खम्माधिमुत्तो**ति इमस्मिंयेव अरहत्तं कथितं । सेसेसु निब्बानन्ति केचि । **असम्मोहाधिमुत्तो**ति एत्थेव निब्बानं । सेसेसु अरहत्तन्ति केचि । “सब्बेस्वेवेतेसु उभयम्पी”ति वदन्ति । **पविवेकञ्च चेतसो, अधिमुत्तस्स, उपादानक्खयस्स चाति** उपयोगत्थे सामिवचनं । आयतनानं उप्पादञ्च वयञ्च दिस्वा ।



### सब्बनीलिकादिपटिक्खेपकथावण्णना

२४६. “रञ्जनचोळकेन पुञ्छित्वा”ति पाठो। “खल्लकादीनि अपनेत्वा”ति वुत्तत्ता द्वे तीणि छिद्धानि कत्वा वळज्जेतुं वट्टती”ति वदन्तानं वादो न गहेतब्बो।

### यानादिपटिक्खेपकथावण्णना

२५४. “चतुरङ्गुलाधिकानी”ति वुत्तत्ता चतुरङ्गुलतो हेट्ठा वट्टतीति एके। उभतोलोहितकूपधानन्ति एत्थ “कासावं पन वट्टति, कुसुम्भादिरत्तमेव न वट्टती”ति लिखितं।

### सब्बचम्मपटिक्खेपादिकथावण्णना

२५५. किस्स त्यायन्ति किस्स ते अयं।

२५६. गिहिविकतन्ति गिहीनं अत्थाय कतं। “यत्थ कत्थचि निसीदितुं अनुजानामीति अत्थो”ति लिखितं। किञ्चापि दीघनिकायट्ठकथायं “ठपेत्वा तूलिकं सब्बानेव गोणकादीनि रतनपरिसिब्बितानि वट्टन्ती”ति वुत्तं, अथ खो विनयपरियायं पत्वा गरुके ठातब्बतो इध वुत्तनयेनेवेत्थ अत्थो गहेतब्बो। “तत्थ पन सुत्तन्तिकदेसनाय गहट्ठादीनम्पि वसेन वुत्तत्ता तेसं सङ्गण्हनत्थं ठपेत्वा ‘तूलिकं...पे०... वट्टन्ती’ति वुत्तं विय खायतीति अपरे”ति वुत्तं।

२५९. मिगमातुकोति तस्स नामं। वातमिगोति च तस्स नामं। “काळसीहो काळमुखो कपी”ति लिखितं। चम्मं न वट्टतीति येन परियायेन चम्मं वट्टिस्सति, सो परतो आवि भविस्सति। “अत्तनो पुग्गलिकवसेन परिहारो पटिक्खित्तो”ति वुत्तं। “न, भिक्खवे, किञ्चि चम्मं धारेतब्ब”न्ति एत्तावता सिद्धे “न, भिक्खवे, गोचम्म”न्ति इदं परतो “अनुजानामि, भिक्खवे, सब्बपच्चन्तिमेसु जनपदेसु चम्मनि अत्थरणानी”ति एत्थ अनुमतिप्पसङ्गभया वुत्तन्ति वेदितब्बं।

चम्मक्खन्धकवण्णना निट्ठिता।

### ६. भेसज्जक्खन्धकवण्णना

### पञ्चभेसज्जादिकथावण्णना

२६०. “यं भेसज्जञ्चेव अस्सा”ति परतो “तदुभयेन भिय्योसो मत्ताय किस्सा होन्ती”ति आदिना विरोधदस्सनतो निदानानपेक्खं यथालाभवसेन वुत्तन्ति वेदितब्बं। यथानिदानं कस्मा न वुत्तन्ति चे? तदज्जापेक्खाधिप्पायतो। सब्बबुद्धकालेपि हि सप्पिआदीनं सत्ताहकालिकभावापेक्खाति तथा वचनेन भगवतो अधिप्पायो, तेनेव “आहारत्थञ्च फरेय्य, न च ओळारिको आहारो पञ्जायेय्या”ति वुत्तं। तथा हि काले पटिग्गहेत्वा काले परिभुज्जितुन्ति एत्थ च कालपरिच्छेदो न कतो। कुतोयेव पन लब्भा तदज्जापेक्खाधिप्पायो भगवतो मूलभेसज्जादीनि तानि पटिग्गहेत्वा यावजीवन्ति कालपरिच्छेदो। यं पन “अनुजानामि, भिक्खवे, तानि पञ्च भेसज्जानि काले पटिग्गहेत्वा काले परिभुज्जितु”न्ति वचनं, तं “सन्निधिं कत्वा अपरापरस्मिं दिवसे काले एव परिभुज्जितुं अनुजानामी”ति अधिप्पायतो वुत्तन्ति वेदितब्बं। अज्जथा अतिसयत्ताभावतो “यं भेसज्जञ्चेव अस्सा”ति आदि वितक्कुप्पादो न सम्भवति। पणीतभोजनानुमतिया पसिद्धत्ता आबाधानुरूपसप्पायापेक्खाय वुत्तानीति चे? तज्च न, भिय्योसो मत्ताय किसानिभावापत्तिदस्सनतो। यथा “उच्छुरसं उपादाय फाणित”न्ति वुत्तं, तथा “नवनीतं उपादाय सप्पि”न्ति वत्तब्बतो नवनीतं विसुं न वत्तब्बन्ति चे? न, विसेसदस्सनाधिप्पायतो। यथा फाणितग्गहणेन सिद्धेपि परतो उच्छुरसो विसुं अनुज्जातो उच्छुरसामज्जतो गुळोदकट्टाने ठपनाधिप्पायतो। तथा नवनीते विसेसविधिदस्सनाधिप्पायतो नवनीतं विसुं अनुज्जातन्ति वेदितब्बं। विसेसविधि

पनस्स भेसज्जसिक्खापदद्वकथावसेन वेदितब्बं । वुत्तञ्जि तत्थ “पचित्वा सप्पिं कत्वा परिभुज्जितुकामेन अधोतम्पि पचितुं वट्ठती”ति (पारा० अट्ठ० २.६२२) । तत्थ सप्पि पक्काव होति, नापक्का । तथा फाणितम्पि । नवनीतं अपक्कमेव ।

एत्थाह — नवनीतं विय उच्छुरसोपि सत्ताहकालिकपाळियं एव वत्तब्बोति? न वत्तब्बो । कस्मा? सत्ताहकालिकपाळियं वुत्ते उच्छुरसो गुळापदेसेन यथा अगिलानस्स फाणितं पटिसिद्धं, तथा उच्छुरसोपीति आपज्जति, अवुत्ते पन गुळं विय सो फाणितसङ्ख्यं न गच्छति । इध अवत्वा पच्छा वचनेन गुळोदकद्वानेव ठपितो होति । तदत्थमेव पच्छाभत्तं वट्टनकपानकाधिकारे वुत्तो, तस्मा एव यामकालिकोति चे? न, अट्ठकथाविरोधतो । न उपादायत्थस्स निस्सयत्थत्ताति चे? किं वुत्तं होति — “उच्छुरसं उपादाय उच्छुविकति फाणितन्ति वेदितब्बा”ति (पारा० अट्ठ० २.६२३) यदेतं निस्सगियद्वकथावचनं, तत्थ “उपादाया”ति इमस्स निस्साय पच्चयं कत्वाति अत्थोति । न, परतो अपरकिरियाय अदस्सनतो । यथा “चक्खुञ्च पटिच्च रूपे चा”तिआदीसु (म० नि० १.२०४, ४००; ३.४२१, ४२५; सं० नि० २.४३) “पटिच्चा”ति इमस्स उस्सुक्कवचनस्स “उप्पज्जती”ति अपरकिरिया दिस्सति, न तथा “उच्छुरसं उपादाया”ति एत्थ अपरकिरिया दिस्सतीति । अयुत्तमेतं तत्थ तदभावेपि सिद्धत्ता । यथा “चत्तारो च महाभूता चतुन्नञ्च महाभूतानं उपादाय रूपं”न्ति (ध० सं० ५८४) एत्थ अपरकिरियाय अभावेपि उस्सुक्कवचनं सिद्धं, तथा एत्थापि सियाति? न, तत्थ पाठसेसापेक्खत्ता । यथा चत्तारो महाभूता उपादाय वुत्तं, पवत्तकं वा रूपन्ति इमं पाठसेसं सा पाळि अपेक्खति, न तथा इदं अट्ठकथावचनं कञ्चि पाठं अपेक्खति । परिपुण्णवादिनो हि अट्ठकथाचरिया । सञ्जाकरणमत्तं वा तस्स रूपस्स । “अत्थि रूपं उपादाया”तिआदीसु (ध० सं० ५८४) हि सञ्जाकरणमत्तं, एवमिधापीति वेदितब्बं । इध पन “उच्छुरसं उपादाया”ति उच्छुरसं आदिं कत्वा, ततो पट्टायाति अत्थो, तस्मा “उच्छुरसेन संसट्ठं भत्तं अगिलानो भिक्खु विज्जापेत्वा भुज्जन्तो पणीतभोजनसिक्खापदेन कारेतब्बो, भिक्खुनी पाटिदेसनियेना”ति वुत्तं, तं अयुत्तन्ति एके । ते विससेहेतुनो अभावं दस्सेत्वा पज्जापेतब्बा ।

एत्तावता “उच्छुरसं उपादायाति उच्छुरसं आदिं कत्वा”तिआदीनं पदानं अत्थं मिच्छा गहेत्वा यदि “उच्छुरसं उपादाया”ति वचनेन उच्छुरसो फाणितं सिया, “अपक्का वा”ति वचनं निरत्थकं अपक्कवचनेन उच्छुरसस्स गहितत्ता । अथ “पक्का वा”ति वचनेन उच्छुरसो फाणितन्ति सिद्धं, “उच्छुरसं उपादाया”ति वचनं निरत्थकन्ति उत्तरं वुत्तं, तं अनुत्तरन्ति साधितं होति । **सो चेतेहि अपक्का वा**ति सामं भिक्खुना अपक्का वा । **अवत्थुकपक्का वा**ति भिक्खुनाव सामं विना वत्थुना पक्का वाति अत्थो । तस्मा अज्जथा “सवत्थुकपक्का वा”ति च वत्तब्बन्ति अत्थो दस्सितो, सो दुट्ठ दस्सितो । कस्मा? **महाअट्ठकथायं** “झामउच्छुफाणितं वा कोट्टितउच्छुफाणितं वा पुरेभत्तमेव वट्ठती”ति वुत्तत्ता, “सवत्थुकपक्का वा”ति वचनस्स च लद्धिविरोधतो अवुत्तत्ता । “**महापच्चरियं** पन ‘एतं सवत्थुकपक्कं वट्ठति नो वट्ठती’ति पुच्छं कत्वा ‘उच्छुफाणितं पच्छाभत्तं नो वट्टनकं नाम नत्थी’ति वुत्तं, तं युत्त”न्ति (पारा० अट्ठ० २.६२३) वुत्तत्ता च सवत्थुकपक्का वाति अत्थो च वुत्तोयेव होति, तस्मा दुट्ठस्सितोति सिद्धं । **आहारत्थन्ति** आहारपयोजनं । आहारकिच्चं यापनन्ति अत्थोति च ।

**२६२. तेलपरिभोगेनाति सत्ताहकालिकपरिभोगेन ।**

**२६३. सति पच्चयेति** एत्थ सतिपच्चयता गिलानागिलानवसेन द्विधा वेदितब्बा । विकालभोजनसिक्खापदस्स हि अनापत्तिवारे यामकालिकादीनं तिण्णम्पि अविसेसेन सतिपच्चयता वुत्ता । इमस्मिं **खन्धके** “अनुजानामि, भिक्खवे, गिलानस्स गुळं, अगिलानस्स गुळोदकं, अनुजानामि, भिक्खवे, गिलानस्स लोणसोवीरकं, अगिलानस्स उदकसम्भिन्न”न्ति वुत्तं । तस्मा सिद्धं सतिपच्चयता गिलानागिलानवसेन दुविधाति । अज्जथा असति पच्चये गुळोदकादीसु आपज्जति । ततो च पाळिविरोधो ।

**पिट्टेहीति** पिसिततेलेहि । **कोट्टफलन्ति** कोट्टरुक्खस्स फलं । “मदनफलं वा”ति च लिखितं । **हिङ्गुजतु** नाम हिङ्गुरुक्खस्स दण्डपल्लवपवाळपाकनिष्फन्ना । **हिङ्गुसिपाटिका** नाम तस्स मूलसाखपाकनिष्फन्ना । **तकं** नाम तस्स रुक्खस्स तचपाकोदकं । **तकपत्तीति** तस्स पत्तपाकोदकं । **तकपण्णीति** तस्स फलपाकोदकं । अथ वा “**तकं** नाम लाखा । **तकपत्तीति** कित्तिमलोमलाखा । **तकपण्णीति** पक्कलाखा”ति लिखितं । **उब्भिदं** नाम ऊसपंसुमयं ।

२६४. छकणं गोमयं। पाकतिकचुण्णं नाम अपक्ककसावचुण्णं, तेन “ठपेत्वा गन्धचुण्णं सब्बं वट्टती”ति वदन्ति। चालितेहीति परिस्सावितेहि।

२६५. नानासम्भारेहि कतन्ति नानोसधेहि।

### गुळादिअनुजाननकथावण्णना

२७४. सामं पक्कं समपक्कन्ति दुविधं विय दीपेति, तस्मा खीरादीसु उण्हमत्तमेव पाको। तेन उत्तण्डुलादिसमाना होन्ति।

२७६-८. “बुद्धप्पमुखं”न्ति आगतद्धाने ‘भिक्षुसङ्घो’ति अवत्वा ‘सङ्घो’ति वुच्चति भगवन्तम्पि सङ्गहेतु”न्ति वदन्ति। नागोति हत्थी।

२७९. सम्बाधेति वच्चमग्गे भिक्षुस्स भिक्षुनिया च पस्सावमग्गेपि अनुलोमतो। दहनं पटिक्खेपाभावा वट्टति। सत्थवत्तिकम्मानुलोमतो न वट्टतीति चे? न, पटिक्खित्तपटिक्खेपा, पटिक्खित्तपटिक्खेपा तप्परमतादीपनतो, किं वुत्तं होति? पुब्बे पटिक्खित्तम्पि सत्थकम्मं सम्पिण्डेत्वा पच्छा “न, भिक्षवे...पे०... थुल्लच्चयस्सा”ति द्विक्खत्तुं सत्थकम्मस्स पटिक्खेपो कतो। तेन सम्बाधस्स सामन्ता द्वङ्गुलं पटिक्खित्तपटिक्खं नाम। सत्थवत्तिकम्मतो उद्धं नत्थीति दीपेति। किञ्च भिय्यो पुब्बे सम्बाधेयेव सत्थकम्मं पटिक्खित्तं, पच्छा सम्बाधस्स सामन्ता द्वङ्गुलम्पि पटिक्खित्तं, तस्मा तस्सेव पटिक्खेपो, नेतरस्साति सिद्धं। एत्थ “सत्थं नाम सत्थहारकं वास्स परियेसेय्या”ति आदीसु विय येन छिन्दति, तं सब्बं। तेन वुत्तं “कण्टकेन वा”ति आदि। खारदानं पनेत्थ भिक्षुनिविभङ्गे पसाखे लेपमुखेन अनुज्जातन्ति वेदितब्बं। एके पन “सत्थकम्मं वा”ति पाठं विकप्पेत्वा वत्थिकम्मं करोन्ति। “वत्थी”ति किर अघिका वुच्चति। तां छिन्दनं वत्थिकम्मं नामाति च अत्थं वण्णयन्ति, ते “सत्थहारकं वास्स परियेसेय्या”ति इमस्स पदभाजनीयं दस्सेत्वा पटिक्खित्तपटिक्खं। अण्डवुट्ठीति वातण्डको। आदानवत्तीति आनहवत्ति।

### मनुस्समंसपटिक्खेपकथावण्णना

२८०. “न, भिक्षवे, मनुस्समंसं...पे०... थुल्लच्चयस्सा”ति वुत्तत्ता, “न च, भिक्षवे, अप्पटि...पे०... दुक्कटस्सा”ति च वुत्तत्ता अप्पटिक्खेपदुक्कटञ्च थुल्लच्चयञ्चाति द्वे आपज्जति, तस्मा कप्पियमंसंसेपि अप्पटिक्खेपपच्चया दुक्कटमेव। केचि “मंसभावं जानन्तोव आपज्जति। पूवादीसु अजानन्तस्स का पच्चवेक्खणा”ति वदन्ति। अजानन्तोपि आपज्जति सामञ्जेन वुत्तत्ताति केचि।

### हत्थिमंसादिपटिक्खेपकथावण्णना

२८१. इमेसं ...पे०... सब्बं न वट्टतीति इदं दसन्नम्पि मनुस्समंसादीनं अकप्पियभावमत्तपरिदीपनवचनं, नापत्तिविभागदस्सनवचनं। यं किञ्चि जत्वा वा अजत्वा वा खादन्तस्स आपत्तियेवाति इदम्पि अनियमितवचनमेव “अयं नाम आपत्ती”ति अवुत्तत्ता। तदुभयम्पि हेट्ठा मनुस्सादीनं मंसादीसु थुल्लच्चयदुक्कटापत्तियो होन्तीति गहितनयेहि अधिप्पायो जानितुं सक्काति एवं वुत्तं। तत्रायं अधिप्पायो — यस्मा एतेसं मनुस्सादीनं मंसादीनि अकप्पियानि, तस्मा मनुस्सानं मंसादीसु थुल्लच्चयापत्ति। सेसानं सब्बत्थ दुक्कटापत्तीति। पाठेयेव हि लोहितादि मंसगतिकं कत्वा “न, भिक्षवे, मनुस्समंसं...पे०... थुल्लच्चयस्सा”ति वुत्तं। तत्थेव हत्थादीनं मंसादीसुपि दुक्कटापत्ति पज्जत्ता। तेन वुत्तं सीहळदुक्कथायं “मनुस्समंसं वा केसे वा नखे वा अट्ठिम्हि वा लोहिते वा थुल्लच्चयमेवा”ति वुत्तं। इमिना एव —

“अट्ठिप्पि लोहितं चम्मं, लोममेसं न कप्पती”ति॥ —

खुहसिक्खागाथापदस्स अत्थो च अधिप्पायो च सुविज्जेय्योति। पटिग्गहणेति एत्थ अनादरियदुक्कटं वुत्तं। “उदकमनुस्सादिमंसम्पि

न वट्टती”ति वदन्ति । नागराजेन वृत्तादीनवे सतिपि उज्झायनाधिकारमेव गहेत्वा “पटिकूलताया”ति वृत्तं ।

### यागुमधुगोळकादिकथावण्णना

**२८३. यथाधम्मो कारेतब्बो**ति इदं सङ्गीतिकारकवचनं । न हि भगवा तमेव सिक्खापदं द्विक्खत्तुं पञ्चपेसि, एवं एवरूपेसूति एके । पठमपञ्चत्तमेव सन्धाय वृत्तं, तथापि न च ते भिक्खू सापत्तिका जाता । कथं? **परम्परभोजनसिक्खापदस्स** अट्टुप्पत्तिया । “अपिच मयं कालस्सेव पिण्डाय चरित्वा भुज्जिम्हा”ति वृत्तं । **मातिकाविभङ्गे** (पाचि० २२७) च “परम्परभोजनं नाम पञ्चन्नं भोजनानं अञ्जतरेन भोजनेन निमन्तितो, तं ठपेत्वा अञ्जं पञ्चन्नं भोजनानं अञ्जतरं भोजनं भुज्जति, एतं परम्परभोजनं नामा”ति वृत्तं, तस्मा अञ्जं भोजनं नाम निमन्तनतो लद्धं यं किञ्चीति सिद्धं । यस्मा न भोज्जयागुनिमन्तनतो लद्धभोजनं, तस्मा “एत्थ अनापत्ती”ति ते भिक्खू परिभुज्जिसूति । एत्थ “यथाधम्मो कारेतब्बो”ति वृत्तत्ता पन अञ्जनिमन्तनतो लद्धभोजनमेव भुज्जन्तस्स आपत्ति, नेतरन्ति अनुज्जातं । ततो पट्टाय तस्स अनापत्तिवारे “निच्चभत्ते सलाकभत्ते पक्खिके उपोसथिके पाटिपदिके”ति वृत्तं । पुब्बे वेसालिया पञ्चत्तकाले नत्थि, यदि अत्थि, अट्टुप्पत्तिमातिकाविभङ्गविरोधो, तस्मा “अपिच मयं कालस्सेव पिण्डाय चरित्वा भुज्जिम्हा”ति अट्टुप्पत्तियं वृत्तत्ता, पदभाजनेपि “अञ्जं पञ्चन्नं भोजनानं अञ्जतरं भोजनं भुज्जती”ति अविसेसेन वृत्तत्ता च पठमं वा पच्छा वा निमन्तितं भोजनं ठपेत्वा अनिमन्तितमेव भुज्जन्तस्स आपत्ति, नेतरन्ति किञ्चापि आपन्नं, “न, भिक्खवे, अञ्जत्र निमन्तितेन अञ्जस्स भोज्जयागु परिभुज्जितब्बा”ति वृत्तत्ता पन पठमनिमन्तितभोजनतो अञ्जं पच्छा लद्धं निमन्तितभोजनं, निच्चभत्तादीनि च भुज्जन्तस्स आपत्तीति आपज्जमानं विय जातन्ति अनुपञ्चत्तिप्पसङ्गनिवारणं, अनिमन्तनभोजने आपत्तिप्पसङ्गनिवारणञ्च करोन्तो, पठमपञ्चत्तिसिक्खापदमेव इमिना अत्थेन परिणामेन्तो च “यथाधम्मो कारेतब्बो”ति भगवा आह, तस्मा ततो पट्टाय पच्छा निमन्तनभोजनं भुज्जन्तस्सेव आपत्ति । तेसु न निच्चभत्तादीनीति आपन्नं । तेनेवायस्मा **उपालित्थेरो** तस्स अनापत्तिवारे “निच्चभत्ते”तिआदीनि पञ्च पदानि पक्खिपित्वा सङ्गायि । अधिप्पायञ्जू हि ते महानागा, तस्मा पठममेव यं भगवता वृत्तं “पञ्च भोजनानि ठपेत्वा सब्बत्थ अनापत्ती”ति वचनं, पच्छापि तं अनुरक्खन्तेन अभोजनं मधुगोळकं अपरामसित्वा भोज्जयागु एव वृत्ताति एवं आचरियो ।

एत्थाह — यथा पच्छालद्धलेसेन थरेन निच्चभत्तादिपक्खेपो कतो, एवं **कथिनकखन्धके** परम्परभोजनं पक्खिपित्वा “अत्थतकथिनानं वो, भिक्खवे, छ कप्पिस्सन्ती”ति किमत्थं न वुच्चन्ति? वुच्चते — यथावृत्तलेसिनदस्सनत्थं । अञ्जथा इदं सिक्खापदं वेसालियं, अन्धकविन्दे चाति उभयत्थ उपड्डुपट्टेन पञ्चत्तं सिया । नो चे, सापत्तिका भिक्खू सियुं, न च ते सापत्तिका अप्पटिक्खित्तेपि तेसं कुक्कुच्चदस्सनतो । “तेन हि, ब्राह्मण, भिक्खून् देहीति । भिक्खू कुक्कुच्चायन्ता न पटिग्गहन्ती”ति हि वृत्तं । तेसज्जि “परिभुज्जथा”ति भगवतो आणत्तिया परिभुत्तानम्मि “ओदिस्सकं नु खो इदं अम्हाक”न्ति विमतिप्पत्तानं विमतिविनोदनत्थं “अनुजानामि, भिक्खवे, यागुञ्च मधुगोळकञ्चा”ति वृत्तं । एवमिधापेते पञ्चत्तं परम्परभोजनसिक्खापदं ओमदित्वा परम्परभोजनं कथं भुज्जिस्सन्तीति । एत्थाहु केचि आचरिया परम्परभोजनसिक्खापदेनेव “अञ्जस्स भोजनं न कप्पती”ति जानन्तापि “अनुजानामि, भिक्खवे, यागुञ्चा”ति विसुं अनुज्जातत्ता “पटिग्गिदानमहाविकटादि विय कप्पती”ति सज्जाय भुज्जिसु । तेन वृत्तं “अपिच मयं कालस्सेव भोज्जयागुया धाता”तिआदि, तं अयुत्तं तत्थ अट्टुप्पत्तिमातिकाविभङ्गविरोधेन अनापत्तिवारे निच्चभत्तादीनं असम्भवप्पसङ्गतो, भिक्खून् सापत्तिकभावानतिकमनतो, मिच्छागाहहेतुप्पसङ्गेन भगवता अनुज्जातप्पसङ्गतो च । ते हि भिक्खू यस्मा भगवा कत्थचि विनयवसेन कप्पियम्मि “गाथाभिगीतं मे अभोजनेय्य”न्ति (सं० नि० १.१९४; सु० नि० ८१; मि० प० ४.५.९) पटिक्खिपति, तस्मा भगवतो अधिप्पायं पति “कुक्कुच्चायन्ता न पटिग्गहन्ती”ति वृत्तं, सिक्खापदं पति भगवापि अत्तनो अधिप्पायप्पकासनत्थमेव “अनुजानामि, भिक्खवे, यागुञ्चा”ति आह । दुरवग्गाहो हि भगवतो अधिप्पायो । तथा हि भारद्वाजस्स पायासं अभोजनेय्यन्ति अकतविज्जत्तिप्पसङ्गतो पटिक्खिपि । **आनन्दत्थेरेन** विज्जापेत्वा सज्जितं तेकटुलयागुं पन “यदपि, आनन्द, विज्जत्तं, तदपि अकप्पिय”न्ति अवत्वा “यदपि, आनन्द, अन्तोवुत्थ”न्तिआदिमेवाह । तेन नो चे तं अन्तोवुत्थं कप्पतीति अधिप्पायदस्सनेन पणीतभोजनसूपोदनविज्जत्तिसिक्खापदानि उपत्थम्भेति भगवतोपि कप्पति, पगेव अम्हाकन्ति ।

**२८४. गिलानस्सेव भगवता गुळो अनुज्जातोति** “यानि खो पन तानि गिलानानं भिक्खून् पटिसायनीयानी”ति (पारा० ६२२) वचनवसेन वुत्तं, तेनेव ते इध पटिग्गहणे कुक्कुच्चार्यिसु। इध पन “अनुजानामि, भिक्खवे, गिलानस्स गुळोदक”न्ति वत्तब्बे गुळाधिकारत्ता पुब्बे अनुज्जातञ्च वत्वा अगिलानस्स गुळोदकं अनुज्जातं, तेन गिलानेन सति पच्चये गुळो परिभुज्जितब्बो, गुळोदकं असति पच्चयेपि वट्टतीति इमं विसेसं दीपेति। तत्थ “गुळोदकं कालिकेसु सत्ताहकालिकं, भगवता ओदिस्सानुज्जातत्ता सत्ताहातिक्कमेन दुक्कट”न्ति वदन्ति, तं न युत्तं, उदकसम्भिन्नत्ता सत्ताहकालिकभावं जहति। “यथा अम्बादि उदकसम्भिन्नं यामकालिकं जातं, तथा सत्ताहकालिकं जहित्वा तदनन्तरे यावजीविके ठित”न्ति वदन्ति, तं युत्तं, तञ्च भगवता ओदिस्सानुज्जातत्ता पच्चवेक्खणाभावे दोसो नत्थि। “गुळोदक”न्ति वुत्तत्ता उदकगतिक”न्ति वदन्ति। यदि उदकमिस्सं उदकगतिकं होति, मधुपि सिया तं तथा अनुज्जातत्ता। मा होतु, अप्पटिग्गहेत्वा परिभुज्जितब्बं सिया उदकगतिकत्ता, तञ्च न होति, “सब्बत्थापि उपपरिक्खित्वा गहेतब्ब”न्ति अज्जतरस्मिं **गण्ठपदे** वुत्तं।

**२८५. सुज्जागारन्ति चतुत्थज्झानं।**

### कप्पियभूमिअनुजाननकथावण्णना

**२९५. ओरवसदन्ति महासदं। बहूहि सम्परिवारेत्वाति** एत्थ एकेनापि वट्टति। “बहूसु एकस्सपि वचनेन सह सियाति वुत्त”न्ति वदन्ति। “आमसित्वा”ति वुत्तत्ता अनामसिते न वट्टति। “दोसो नत्थी”ति वचनेन सेसापि अनुज्जाता। “भित्तिञ्चे उपसन्ते पच्छा तं पूरेन्ति, तत्थ कातुं न वट्टति, पकतिभूमियंयेव कातुं वट्टती”ति वदन्ति। तं उपरि **अट्टकथायं** “इट्ठकादीहि कताचयस्सा”तिआदिना विरुज्झति विय। **मत्तिकापिण्डं वाति** एत्थ “असतिया अनधिद्धिताय सरितट्ठानतो पट्टाय चे उपरि अधिद्धिता, हेट्ठा ठितं भण्डं अकप्पियं, उपरिट्ठितमेव कप्पियं, अयमेत्थ विसेसो”ति वुत्तं। **एत्थ कप्पियकुटि लब्धं वट्टतीति** एवंविधे पुन कातब्बाति अत्थो। **कप्पियकुटिं कातुं देमाति** एत्थ कप्पियकुटिकिच्चं कातुन्ति अधिप्पायो। भोजनसाला पन सेनासनमेव, तस्मा तत्थ कातब्बन्ति अपरे। “अकतेपि वट्टती”ति वुत्तं।

**“मुखसन्निधि** नाम भोजनकाले सन्निधी”ति लिखितं। मुखसन्निधीति तस्स नामं। “यदि सन्निधि होति, पाचित्तियं भवेत्थ, मुखसन्निधि पन दुक्कटं, तस्मा सन्निधि अनधिप्पेता”ति वुत्तं। “तस्स सन्तकं कत्वा”ति वुत्तत्ता अनपेक्खविस्सज्जनं नाधिप्पेतं। चीवरविकप्पने विय कप्पियमत्तं जातब्बन्ति केचि।

### केणियजटिलवत्थुकथावण्णना

**३००.** “अत्तना पटिग्गहितं पुरेभत्तमेव परिच्यजित्वा सामणेरादीहि पानकं कत्वा दिन्ने पुरेभत्तमेव वट्टति, न पच्छाभत्तं सवत्थुकपटिग्गहितत्ता”ति वदन्ति, तत्थ पुन पटिग्गहणे निदोसत्ता, पुरेभत्तमेव पटिग्गहणस्स निस्सट्ठत्ता, अत्तना च अग्गहितत्ता दोसो न दिस्सति, उपपरिक्खित्वा गहेतब्बं। **सालूका** नाम कन्दा, “इतो किञ्चित्तक”न्ति वोहरन्ति। “**फारुसकन्ति** गोळविसये एको रुक्खो”ति च लिखितं। “पक्कडाकरस”न्ति विसेसितत्ता “अपक्कं वट्टती”ति वुत्तं। **कुरुन्दि**वचनेनपि सिद्धमेव। तण्डुलधोवनोदकम्पि **धज्जरसो** एव। “निक्कसटो उच्छुरसो सत्ताहकालिको”ति लिखितं। **सावित्ती**ति गायति। **छन्दसो**ति वेदस्स। “न, भिक्खवे, पब्बजितेन अकप्पिये समादपेतब्ब”न्ति वुत्तत्ता अनुपसम्पन्नस्सापि न केवलं दससु एव सिक्खापदेसु, अथ खो यं भिक्खुस्स न कप्पति, तस्मिम्पीति अधिप्पायो”ति वुत्तं।

**३०५. द्वे पटा देसनामेनेवाति** चीनपट्टसोमारपट्टानि। **तीणी**ति पत्तुण्णेन सह तीणि। **इद्धिमयिकं** एहिभिक्खून् निब्बत्तं। देवदत्तियं **अनुरुद्धत्थेरेन** लब्धं। “यामातिक्कमे सन्निधिवसेन सत्ताहातिक्कमे भेसज्जसिक्खापदवसेना”ति लिखितं।

भेसज्जकखन्धकवण्णना निट्ठिता।

## ७. कथिनकखन्धकवण्णना

### कथिनानुजाननकथावण्णना

३०६. “कथिनन्ति पञ्चानिसंसे अन्तोकरणसमत्थताय थिरन्ति अत्थो”ति लिखितं। “पञ्च कप्पन्ती”ति अवत्वा “कप्पिस्सन्ती”ति अनागतवचनं “वो”ति इमस्स सामिवचनपक्खे युज्जति तेसं तस्मिं खणे अनत्थतकथिनत्ता। द्वीसु पनेतेसु अत्थविकप्पेसु पच्छिमो युत्तो सब्बेसम्पि तेसं पावेय्यकानं सब्बधुतङ्गधरत्ता। निमन्तनं सादियन्तस्सेव हि अनामन्तचारो पञ्चत्तो, तथा गणभोजनं। असमादानचारो अनधिद्विततिचीवरस्स नत्थि अतेचीवरिकस्स यावदत्थचीवरचतुत्थादिचीवरगगहणसम्भवतो। इतरस्सापि अनधिद्वानमुखेन लब्धति। चीवरुप्पादो अपंसुकूलिकस्सेव। “कथिनत्थतसीमाय”न्ति उपचारसीमं सन्धाय वुत्तं। उपचारसीमद्वस्स मतकचीवरादिभागियताय बद्धसीमाय तत्तुप्पादाभावतो विज्जेय्यमेतं उपचारसीमावेत्थ अधिप्पेताति। **कथिनत्थारं के लभन्तीति** के साधेन्तीति अत्थो। पञ्च जना साधेन्ति। कथिनदुस्सस्स हि दायका पच्छिमकोटिया चत्तारो होन्ति। एको पटिग्गाहकोति। “तत्र चे, भिक्खवे, ख्यायं चतुवग्गो भिक्खुसङ्घो ठपेत्वा तीणि कम्मनि उपसम्पदं पवारणं अब्भान”न्ति (महाव० ३८८) **चम्पेय्यकखन्धके** वुत्तत्ता “न पञ्चवग्गकरणीय”न्ति गहेतब्बं। “यस्स सङ्घो कथिनदुस्सं देति, तं हत्थपासे अकत्वापि बहिसीमाय ठितस्सपि दातुं वट्ठती”ति वदन्ति, तं हत्थपासे कत्वा एव दातब्बं। कस्मा? “तस्स कम्मप्पत्तत्ता”ति वुत्तं। “तत्तुप्पादेन तण्डुलादिना वत्थेसु चेतापितेसु अत्थतकथिनानमेव तानि वत्थानि पापुणन्ति। वत्थेहि पन तण्डुलादीसु चेतापितेसु सब्बेसं तानि पापुणन्ती”ति वुत्तं। **पठमपवारणाय पवारिता लभन्तीति** इदं उक्कट्टकोटिया वुत्तं। अन्तरायेन अप्पवारितानम्पि वुत्थवस्सानं कथिनत्थारसम्भवतो इतरे गणपूरके कत्वा कथिनं अत्थरितब्बन्ति कथं पञ्चायतीति चे? “द्विन्नं पुग्गलानं अत्थतं होति कथिनं अत्थारकस्स च अनुमोदकस्स चा”ति (परि० ४०३) **परिवारे** एकवचनकरणतो, तत्थेव “सङ्घस्स अत्थतं होति कथिनं, गणस्स पुग्गलस्स अत्थतं होति कथिन”न्ति (परि० ४१४) वचनतो च।

**अज्जस्मिं विहारे वुत्थवस्सापि न लभन्तीति** इदं किं एकसीमस्मिं, उदाहु नानासीमस्मिन्ति? किञ्चेत्थ — यदि ताव एकसीमस्मिं, परतो “सचे पन एकसीमाय बहू विहारा होन्ति, सब्बे भिक्खू सन्निपातेत्वा एकत्थ कथिनं अत्थरितब्बं, विसुं विसुं अत्थरितुं न वट्ठती”ति इमिना **अट्टकथा**वचनेन विरुज्झति। इदञ्हि वचनं सब्बेसंयेव एको कथिनत्थारोति दीपेति। अथ नानासीमस्मिं, उपनन्दस्स एकाधिप्पायदानानुमतिता विरुज्झति। वुत्तञ्हेतं “देथ, भिक्खवे, मोघपुरिसस्स एकाधिप्पाय”न्ति (महाव० ३६४)। इदञ्हि वचनं द्वीसुपि आवासेसु तस्स कथिनत्थारसिद्धिं दीपेतीति। अविरोधोव इच्छितब्बो अप्पटिसिद्धत्ता, तस्मा एकसीमस्मिं वा नानासीमस्मिं वा नानूपचारे अज्जस्मिं विहारे वुत्थवस्सापि न लभन्तीति अधिप्पायो वेदितब्बो। “पच्छिमिकाय उपसम्पन्नो पठमपवारणाय पवारेतुम्पि लभति, वस्सिको च होति आनिसंसज्ज लभतीति सामणेरां वस्सूपगमनं अनुज्जातं होति, सामणेरा कथिनानिसंसं लभन्ती”ति वदन्ति।

**तिण्णं चीवरानं अज्जतरप्पहो न कन्ति** इदं “न अज्जत्र सङ्घाटिया उत्तरासङ्गेन अन्तरवासकेन अत्थतं होति कथिन”न्ति इमाय **पाळिया** विरुज्जनं विय दिस्सति। अयञ्हि पाळि तिण्णं चीवरानं अज्जतरविरहेनापि न अत्थतं होति कथिनन्ति दीपेतीति चे? न, तदत्थजाननतो, न तिण्णं चीवरानं अज्जतरविरहेन न अत्थतं होति कथिनन्ति हि दीपेतुकामो भगवा तं पाळिमाह। यदि एवं “अज्जत्र सङ्घाटिया उत्तरासङ्गेन अन्तरवासकेना”ति न वत्तब्बा सियाति चे? न, अधिप्पायजाननतोव। यो सङ्घाटिया अत्थरितुकामो, तस्स अज्जत्र सङ्घाटिया न अत्थतं होति। एस नयो इतरत्थापीति अयमेत्थ अधिप्पायो। तेनेव सुक्कपक्खे “सङ्घाटिया अत्थतं होती”ति आदिना नयेन एकमेव चीवरं वुत्तं, एवं सन्ते “चतुवीसतिया आकारेहि अनत्थतं होति कथिनं, सत्तरसहि आकारेहि अत्थतं होति कथिन”न्ति यथारहं उक्कट्टकोटिया वुत्तन्ति वेदितब्बं, तस्मा कण्हपक्खे उल्लिखित...पे०... निस्सीमद्वानुमोदनानं चतुवीसतिया आकारानं सम्भवन्तानं सब्बेन सब्बं अभावेनपि निमित्तकतादीनं असम्भवन्तानं अज्जतरभावेनपि न अत्थतं होति कथिनन्ति एवमधिप्पायो वेदितब्बो। सुक्कपक्खेपि अहताहतकप्प...पे०... सीमद्वानुमोदनानं सत्तरसन्नं आकारानं सम्भवन्तानं अज्जतरभावेनपि इतरेसं सब्बेन सब्बं अभावेनपि अत्थतं होति कथिनन्ति एवमधिप्पायो वेदितब्बो। अज्जथा अज्जमज्जविरोधो, यथासम्भवं योजेत्वा

वेदितव्यो।

तत्रिदं मुखमत्तनिदस्सनं — कण्हपक्खे “उत्तरासङ्गेन अत्थते कथिने न अज्जत्र सङ्गाटिया न अज्जत्र अन्तरवासकेन अत्थतं होति कथिन”न्ति वचनप्पमाणतो तं कथिनं अनत्थतं सिया। सुक्कपक्खे च “अनिमित्तकतेन अत्थतं होति कथिन”न्ति वचनप्पमाणतो अनिमित्तकतेन कथिने अत्थते तज्जे परिकथा कतं, तथापि अत्थतमेव कथिनं होतीति अयं दुविधोपि विरोधो। यथावुत्तनयेन अधिप्पाये गहिते परिहारो होतीति वेदितव्यं।

**यो आनिसंसं बहुं देतीति** इमिना पच्चयलोलभावं विय दीपेति, तथापि भगवता यावदत्थचीवरपरियेसनपज्जापनमुखेन द्वारं दिन्नन्ति कत्वा सङ्गानुगहत्थं होति। “अकातुं न होतीति अनादरियेन अकरोन्तस्स दुक्कट”न्ति लिखितं। **अनुमोदामाति** एत्थ सब्बसङ्गाहिकवसेन एवं वुत्तं। “अनुमोदामी”ति एककेन वत्तव्वं, इतरथा “न वट्टती”ति **महाअट्टकथायं** किर वुत्तं। कथिनचीवरं अधिद्वहिक्वा “इमाय सङ्गाटिया कथिनं अत्थरामी”ति वाचाय भिन्नमत्ताय पुगलस्स अत्थतं होति। “**कम्मवाचा पन एकायेव वट्टतीति** कथिनदुस्सस्स एव कम्मवाचा, सेसचीवरदाने अपलोकनमेवाति अत्थो”ति लिखितं। **एकसीमायाति** एकउपचारसीमायाति अत्थो युज्जति। केचि पन “बद्धसीमा अधिप्पेता एकसीमाय एकद्वाने अत्थरिते सब्बत्थ अत्थरितं होति ‘सब्बे भिक्खू सन्निपतित्वा’ति वुत्तत्ता, तेहिपि अनुमोदन्तेहि अत्थरितमेव होति, उपचारपरिच्छिन्ने तत्थ तत्थ लद्धं तेहि तेहि लद्धव्वं होति। तत्थ पविट्ठेहिपि लभितव्वं सब्बेहिपि अत्थरितत्ता, अयं विसेसो। **महाअट्टकथायमि** एवमेव वुत्त”न्ति वदन्ति, वीमंसितव्वं।

**३०८.** चतुवीसति आकारवन्तताय **महाभूमिकं**। “**दीघसिब्बितन्ति** पच्छाकतसिब्बनं, ओवट्टित्वा सिब्बनं वा”ति लिखितं। **कण्डुसं** नाम पुब्बबन्धनं। **पठमचिमिलिका घटेत्वा ठपिता होतीति** कथिनदुस्सं दुब्बलं दिस्वा तं बलवता अत्तनो पकतिदुस्सेन सद्धिं घटेत्वा दुपट्टं कत्वा सिब्बितुकामेहि कथिनदुस्सतो पकतिदुस्सस्स महन्तताय पठमं तप्पमाणानुरूपं बन्धकण्डुसे घटेत्वा रज्जुकेहि बन्धित्वा कतं होतीति अधिप्पायो। कथिनचीवरस्स अप्पताय पठमं बद्धदुस्सं **कुच्छिचिमिलिका** होति, **महापच्चरियं, कुरुन्दियच्च** वुत्तवचननिदस्सनं, व्यज्जने एव भेदो, अत्थे नत्थीति दस्सनत्थं कतन्ति वेदितव्वं। “इमिना किं दीपेतीति चे? तथाकतं दुपट्टचीवरं पकतिचीवरस्स महन्तताय पकतिचीवरसङ्ख्यमेव गच्छति, न कथिनचीवरसङ्ख्यन्ति कस्सचि सिया, नेवं दट्ठव्वं। एवं कुच्छिचिमिलिकभावेन ठितमि कथिनचीवरं। महन्तमि तं पकतिचीवरं अत्तनो कथिनचीवरमेवाति। हेट्ठिमकोटिया पच्चकस्स इच्छितव्वत्ता कथिनदुस्सं खण्डाखण्डं बहुधा छिन्दित्वा सिब्बितुकामो कथिनचीवरतो पट्टं गहेत्वा अज्जस्मिं अकथिनचीवरे पट्टमारोपेती”ति लिखितं। अथ वा बहूनि कथिनदुस्सानि पंसुकूलानि खुद्दकखुद्दकानि एकचीवरत्थाय, महन्तानि च ऊनत्थाय दिन्नानि होन्ति। **कथिनचीवरतोति** भिक्खु एकच्चतो कथिनचीवरतो पट्टं गहेत्वा अज्जस्मिं आरोपेति। एत्थाह — किं पंसुकूलानि कथिनदुस्सानि विकप्पनुपगपच्छिमानि दातव्वानि, उदाह् खुद्दकानिपीति? एत्थ अचीवरसङ्ख्यत्ता खुद्दकानि दातुं न वट्टति। कम्मवाचा तत्थ न रुहतीति एके। “पंसुकूलेन अत्थतं होती”ति **पाळियं** नयदानतो कुच्छिचिमिलिकभावेन ठितस्स कथिनदुस्सस्स अत्तनो सभावेन अनधिद्वानुपगस्स पुराणचीवरभावेनेव अधिद्वानारहस्सपि कथिनचीवरभावानुमतिमुखेन **अट्टकथायं** पदानतो च खुद्दकानिपि दातुं वट्टति। तज्जि कथिनत्थारको घटेत्वा कथिनचीवरं करिस्सतीति कत्वा कप्पतीति एके, युत्ततरं गहेतव्वं।

**निचयसन्निधि** सङ्गायत्ता सङ्गेन कतत्ता। रत्तातिक्कन्तं निस्सज्जितव्वत्ता “**निस्सगिय**”न्ति वुच्चति। पच्च खण्डानि पट्टानि पमाणं अस्साति **पच्चकं**। तेन वा अतिरित्तेन वाति अत्थो। **तदहेव सज्जिन्नेनाति** सङ्गेन कथिनत्थारकस्स कम्मवाचं वत्वा दिन्नेनेव तदहेव सज्जिन्नेन समण्डलिकतेन भवितव्वं। एवं दिन्नयेव हि **परिवारे** “पुब्बकरणं सत्तिह धम्मेहि सङ्गहित”न्ति वुत्तं, न दायकेन दिव्यमानं, तस्मा परिनिद्वितपुब्बकरणमेव चे दायको सङ्गस्स देति, सम्पटिच्छित्वा कम्मवाचाय दातव्वं। तेन च तस्मिंयेव सीमामण्डले अधिद्वहिक्वा अत्थरित्वा सङ्गो अनुमोदापेतव्वो कतपुब्बकरणस्स पुन कत्तव्वाभावतो। अत्थारकस्स हत्थगतमेव हि सन्धाय “न उल्लिखितमत्तेना”तिआदि वुत्तं। परिनिद्वितपुब्बकरणमि पुन धोवित्वा विसिब्बित्वा कातव्वमेव वचनपमाणतोति चे? न, छिन्नस्स पुन छेदासम्भवतो। अज्जस्मिं ठाने छिन्दितव्वमेवाति चे? न, पब्बज्जाधिकारे “केसमस्सुं ओहारापेत्वा”ति वचनप्पमाणतो मुण्डकस्स छिन्नेपि केसे परियेसित्वा सिरस्मिं ठपेत्वा पुन ओहारापेत्वा पब्बाजेतव्वप्पसङ्गतो, न इध न-कारेन

पटिसिद्धताति चे? न, “न अञ्जत्र सङ्घाटिया”ति न-कारेण पटिसिद्धता उत्तरासङ्गेन अत्थते अनत्थतं होतीति अनिट्ठप्पसङ्गतो, तस्मा अभिनिवेसो न कातब्बो । “बहिउपचारसीमाय ठितो”ति वुत्तत्तापि पुब्बे वुत्तविनिच्छयोव गहेतब्बो ।

**३०९. असन्निधिकतेन अत्थतं होति कथिनन्ति** एत्थ किं कथिनत्थारमासेयेव दुविधोपि सन्निधि अधिप्पेतो, उदाहु ततो पुब्बेपि, दायकेन वा कदा दातब्बं, किं कथिनत्थारमासेयेव, उदाहु ततो पुब्बेपि, कथिनत्थारमासेपि असुकस्मिं दिवसेयेव अत्थारत्थाय दम्मीति दातुं वट्टति न वट्टतीति इदं विचारेतब्बं । कथिनत्थारमासे एव दुविधोपि सन्निधि । दायकेनापि वस्सावासिकं विय कथिनचीवरं उट्ठिस्स दिन्नं न वट्टति । कस्मा? “कथिनदायकस्स वत्तं अत्थी”ति आदिना (महाव० अट्ठ० ३०६) नयेन **अट्ठकथायं** वुत्तत्ता । उक्कट्टमत्तमेतन्ति चे? न, “कथिनं नाम अतिउक्कट्टं वट्टती”ति (महाव० अट्ठ० ३०८) वुत्तत्ता । न आगमनं सन्धाय वुत्तन्ति चे? न, इदम्पि आगमनमेव सन्धाय वुत्तं, पुब्बे दिन्नं न वट्टतीति ।

**३१०. कथिनस्साति** कथिनत्थारस्स । **उब्भारायाति** वूपसमाय, अप्पवत्ति याति अत्थो । किमत्थियं उब्भारनिदस्सनन्ति चे? पञ्चहि अनापत्तिकालपरियन्तदस्सनेन तेसु संवरुप्पादनत्थं । अञ्जथा “चीवरकालसमयो नाम अनत्थते कथिने वस्सानस्स पच्छिमो मासो, अत्थते कथिने पञ्च मासा”ति (पारा० ६४९) **विभङ्गे** वुत्तत्ता अन्तरापक्कमनन्तिकदिउब्भाराभावेपि पञ्चहि पञ्चसु मासेसु अनापत्तियेवाति मिच्छागाहो सिया । ततो आपत्तिखेत्ते अनापत्तिखेत्तसञ्जाय तं तं आपत्तिं आपज्जति, इतरेसञ्च भिक्खूनं लाभन्तरायं करोतीति वेदितब्बं ।

### आदायसत्तकथावण्णना

**३११. सन्निट्ठानन्तिके द्वेपि पलिबोधा एकतो छिज्जन्तीति** इध, **परिवारट्ठकथायञ्च** वुत्तं इमिस्सा खन्धकपाळिया समेति एकतो उभिन्नम्पि धुरनिक्खेपस्स कतत्ता । “इदं बहिसीमायमेव वुत्तं सन्निट्ठानन्तिकं सन्धाय वुत्तं । यं पन वुत्तं **परिवारे** चत्तारो कथिनुद्धारा सिया अन्तोसीमाय उट्ठरियन्ति, सिया बहिसीमाय उट्ठरियन्ति, निट्ठानन्तिको सन्निट्ठानन्तिको नासनन्तिको आसावच्छेदिको”ति (परि० ४१६) । तत्थ बहिसीमाय सन्निट्ठानन्तिको उट्ठरियतीति इध दस्सितनयोव । कथं अन्तोसीमाय सन्निट्ठानन्तिको? अकतचीवरमादाय ‘न पच्चेस्स’न्ति गतो, गतगतट्ठाने फासुविहारं अलभन्तो तमेव विहारं आगच्छति, तस्स चीवरपलिबोधो ठितो । सो च ‘नेविमं चीवरं कारेस्स’न्ति चित्ते उप्पन्नमत्ते छिज्जति, तस्मा अन्तोसीमाय उट्ठरियति, तस्मा दुविधो सन्निट्ठानन्तिको”ति **पोराणगण्ठपदे** लिखितं, तं युत्तं, अञ्जथा अन्तोसीमाय “नेविमं चीवरं कारेस्स”न्ति पवत्तउब्भारो इतरेसु समोधानं न गच्छतीति अतिरित्तो सिया । **सीमातिक्कन्तिको**ति चीवरकालसीमातिक्कन्तिको । सउब्भारे चीवरपलिबोधो पठमं छिज्जन्तो विय खायति, अथ खो सापेक्खताय चीवरकरणे सउस्साहोव होतीति लेसं सन्धाय **परिवारवसेन** “द्वे पलिबोधा अपुब्बं अचरिमं छिज्जन्ती”ति (महाव० अट्ठ० ३११) वुत्तं । “कतचीवरो”ति वुत्तत्ता इध न सम्भवति ।

**३१६. सब्बं** अत्तनो परिक्रारं अनवसेसेत्वा पक्कमन्तो “समादाय पक्कमती”ति वुच्चति । “कथिनुद्धारे विसेसो नत्थि । पुग्गलाधिप्पायविसेसेन केवलं वारदस्सनत्थं समादायवारा वुत्ता”ति सब्बेसु **गण्ठपदेसु** लिखितं । इध पन पुग्गलाधिप्पायेन पयोजनं वीमांसितब्बं । पक्कमनन्तिकस्स अभावा “**यथासम्भव**”न्ति वुत्तं । विष्पकतेपि धुरनिक्खेपवसेन पक्कमनन्तिकता सम्भवति, तस्मा पक्कमनन्तिकवारोपि वत्तब्बोति चे? न, सन्निट्ठानन्तिकलक्खणप्पसङ्गतो । अकतचीवरस्स न सवनन्तिकता च ।

तत्रायं आदितो पट्टाय वारविभावना — आदायवारा सत्त, तथा समादायवाराति द्वे सत्तकवारा । ततो पक्कमनन्तिकं वज्जेत्वा विष्पकतचीवरस्स आदायवारा, समादायवारा चाति द्वे छक्कवारा । ततो परं निट्ठानसन्निट्ठाननासनन्तिकानं वसेन तीणि तिकानि दस्सितानि, तत्थ पठमत्तिकं अन्तोसीमाय “न पच्चेस्स”न्ति इमं विधिं अनामसित्वा बहिसीमाय एव “न पच्चेस्स”न्ति पवत्तं, तस्मा पक्कमनन्तिकसीमातिक्कन्तिकसउब्भारा तत्थ न युज्जन्ति । “आसावच्छेदिको सम्भवन्तोपि यथावुत्तकारणेन न वुत्तो । दुतियत्तिकं अन्तोसीमाय ‘न पच्चेस्स’न्ति पवत्तं, एत्थ किञ्चापि पक्कमनन्तिको सम्भवति, तथापि येहि चीवरपलिबोधो छिज्जति, तेसंयेवाधिप्पेतत्ता न वुत्तो”ति **पोराणगण्ठपदे** वुत्तं । सब्बस्मिम्पि पन्नरसके विष्पकतचीवरस्सेवाधिप्पेतत्ताति तक्को । अधिट्ठानुपगे



च विष्पकते सति न निष्ठानन्तिको । निष्ठानावसेसे सति न नासनन्तिकोति **पोराणा** । ततियत्तिकं अनधिद्धित-पदेन विसेसेत्वा पवत्तं, अत्थतो पठमत्तिकेन समेति । तस्स अत्थदस्सनपयोजनं किर तं । यस्मा इमे तयो अत्थविकप्पा इमेहि एव तीहि कथिनुद्धारेहि सक्का दस्सेतुं, तस्मा इमेव योजिता एकसम्बन्धवसेन, अज्जथा पठमत्तिकं छक्कं भवेय्य इमस्स पन्नरसकस्स अन्ते छक्कं विय । ततियत्तिकानन्तरं चतुत्थत्तिकं सम्भवन्तं “अन्तोसीमायं ‘पच्चेस्स’”न्ति वचनविसेसेन सम्भवति । तथा च योजियमानं इतरेहि सवनन्तिकादीहि अविरुद्धक्कमं होति, तस्मा चतुत्थत्तिकं अहुत्वा छक्कं जातन्ति वेदितब्बं । एवं तीणि तिकानि एकं छक्कज्याति पठमं पन्नरसकं वेदितब्बं । इदानीं इदमेव पन्नरसकं उपसगगविसेसेन दुतियं समादायपन्नरसकं नाम कतं । पुन विष्पकतचीवरं आदायाति ततियं पन्नरसकं, समादायाति चतुत्थं पन्नरसकं दस्सितं । एवं चत्तारि पन्नरसकानि वेदितब्बानि । तत्थ पठमदुतियेसु पन्नरसकेसु सब्बेन सब्बं अकतचीवरं अधिप्पेतं, इतरेसु द्वीसु विष्पकतन्ति योजेतब्बं । “पुब्बे निबद्धुद्धाने चीवरासाय गहेतब्बं, अज्जत्थ न वट्ठति । उपच्छिन्नाय चे चीवरासाय चीवरं उप्पन्नं, न तं चीवरपलिबोधं करोती”ति **पोराणगण्ठपदे** वुत्तं । निस्सगगियेसु ततियकथिने आगतचीवरपच्चासा इध चीवरासाति तक्को । यत्थ चीवरासा, तं ठानं अधिकरणूपचारेन “चीवरासा”त्वेव वुच्चतीति कत्वा “तं चीवरासं पयिरुपासती”तिआदि वुत्तं, तस्मा **अनासाय लभती**ति अनासायितद्धाने लभतीतिआदिना अत्थो गहेतब्बो । एत्थ निष्ठानसन्निष्ठाननासनआसावच्छेदिकवसेन एको वारोति इदमेकं चतुक्कं जातं, तस्मा पुब्बे वुत्तानि तीणि तिकानि आसावच्छेदिकाधिकानि तीणि चतुक्कानीति एकं अनासायद्वादसकन्ति वेदितब्बं । तदनन्तरे आसायद्वादसके किज्यापि पठमद्वादसक्कमो लब्धति, तथापि तं निब्बिसेसन्ति तमेकं द्वादसकं अवुत्तसिद्धं कत्वा विसेसतो दस्सेतुं आदितो पट्टाय “अन्तोसीमाय पच्चेस्स”न्ति वुत्तं, तं दुतियचतुक्के “सो बहिसीमगतो सुणाती”तिआदिवचनस्स ततियचतुक्के सवनन्तिकादीनज्ज ओकासकरणत्थन्ति वेदितब्बं । इदं पन द्वादसकं अनासाय वसेन लब्धमानम्पि इमिना अवुत्तसिद्धं कत्वा न दस्सितन्ति वेदितब्बं । एवमेत्थ द्वे द्वादसकानि उद्धरितानि । करणीयद्वादसकेपि यथादस्सितअनासायद्वादसकं, अवुत्तसिद्धं आसायद्वादसकज्याति द्वे द्वादसकानि उद्धरितब्बानि । इदानीं दिसंगमिकनवकं होति । तत्थ यस्मा “दिसंगमिको पक्कमती”ति वचनेनेव “न पच्चेस्स”न्ति इदं अवुत्तसिद्धमेव, तस्मा तं न वुत्तं । एत्तावता आवासपलिबोधाभावो दस्सितो ।

**३२१.** “चीवरपटिवीसं अपविलायमानो”ति इमिना चीवरपलिबोधसमङ्गितमस्स दस्सेति । **पटिवीसो**ति अत्तनो पत्तब्बो चीवरभागो । **अपविलायमानो**ति आकङ्खमानो । तस्स चीवरलाभे सति वस्संवुत्थावासे निष्ठानसन्निष्ठाननासनन्तिकानं वसेन एकं तिकं, तेसंयेव वसेन अन्तरामग्गे एकं, गतद्धाने एकन्ति तिण्णं तिकानं वसेन एकं नवकं वेदितब्बं । ततो परं निष्ठानसन्निष्ठाननासनन्ति कसीमातिककन्तिकसउब्भारानं वसेन फासुविहारपज्जकं वुत्तं । उभयत्थ सेसकथिनुद्धारासम्भवो पाकटोव । अयं पनेत्थ पज्जके विसेसो — समादायवारो न सम्भवति “**पच्चेस्स**”न्ति पच्चागमनाधिप्पायतो ।

**३२५.** द्वेमे भिक्खवे कथिनस्स पलिबोधाति कथिनत्थारस्स अनुपबन्धनपच्चयाति ।

कथिनक्खन्धकवण्णना निट्ठिता ।

## ८. चीवरक्खन्धकवण्णना

### जीवकवत्थुकथावण्णना

**३२६.** राजगहकोति राजगहवासी ।

**३२८.** अमोहजातिकत्ता न चिरस्सेव विज्जुतं पापुणि । अहं ते पिता, केनट्ठेन? यस्मा त्वं मया पोसापितो ।

**३२९.** “सक्के विस्सट्ठमत्ते”ति पाठो, अट्ठमसिक्खापदे विस्सट्ठमत्तोव ।

### पज्जोतराजवत्थुकथावण्णना

३३४. भुज्जितुं निसिन्नस्साति एत्थ “धम्मपदे ‘बहिनगरे दिस्वा’ति वुत्तं, तस्मा द्वीसु दिवसेसु दिन्नं तेन तेसु एकेकं गहेत्वा द्वीसु अट्ठकथासु वुत्तन्ति युज्जती”ति वदन्ति ।

#### समत्तिसविरेचनकथावण्णना

३३६. कबळे कबळेति एत्थ किञ्चापि गुळादीसु पक्खित्तं, तं पन भगवाव परिभुज्जि, तस्मा नत्थि दोसो ।

#### वरयाचनकथावण्णना

३३७. महापिट्ठियकोजवं नाम अतिरेकचतुरङ्गुलपुष्पं किर ।

#### कम्बलानुजाननादिकथावण्णना

३४०. उपचारेति सुसानस्स उपचारे । बहिपि वट्टतीति एके । कतिककरणं दस्सेत्वा “मय्हं सन्तकं तव च मम च होतूति वत्वा इतरेन च तथावुत्ते वट्टती”ति समानपरिक्खारविधिं वदन्ति ।

३४२. “खण्डसीमायपि सम्मन्नितुं वट्टतीति वुत्तत्ता सेसकम्मानीपि तत्थ निसीदित्वा कातुं वट्टती”ति वुत्तं । “एवं सन्ते चोरिकाय कतसदिसं होति, तस्मा न वट्टती”ति दीपवासिनो वदन्ति किर । “चोरिकाय गहितत्ता न पापुणातीति सेनासनक्खन्धके आगतसुत्तञ्च साधक”न्ति वदन्ति, तस्मा तेसं मतेन इदं आवेणिकलक्खणन्ति वेदितब्बं ।

#### भण्डागारसम्मुतिआदिकथावण्णना

३४३. “इदं पन भण्डागारन्ति आवेणिकलक्खण”न्ति वुत्तं ।

#### चीवररजनकथावण्णना

३४४. गोमये आपत्ति नत्थि, विरूपत्तावारितं । “कुङ्कुमपुष्पं न वट्टती”ति वदन्ति । “अल्लिकाया”तिपि पाठो अत्थि ।

#### निसीदनादिअनुजाननकथावण्णना

३५३. अट्टानमेतन्ति एत्थ रूपकण्डे “चतुसमुद्धानिक”न्ति वुत्तत्ता कम्मसमुद्धानं रागचित्ताभावा न मुच्चतीति वा रागपच्चये सति कम्मसमुद्धानं होतीति वा विचारेत्वा गहेतब्बं कथावत्थुना च ।

३६२. अगगळगुत्तियेव पमाणन्ति इमेहि चतूहि निक्खेपकारणेहि ठपेन्तेन अगगळगुत्तिविहारेयेव ठपेतुं वट्टतीति अधिप्पायो ।

#### सङ्घिकचीवरुप्पादकथावण्णना

३६३. नो चे अत्थतं होति “एकं चीवरमास”न्ति न वत्तब्बं । कस्मा? “अनुजानामि, भिक्खवे, तस्सेव तानि चीवरानि याव चीवरमासा”ति वचनस्स अभावतो, तस्मा अनत्थतकथिनस्स अननुज्जातन्ति चे? न, हेट्ठा अनुज्जातत्ता, ततो लीनत्थदीपनत्थमिध तथा वुत्तत्ता च । हेट्ठा हि “अकालचीवरं नाम अनत्थते कथिने एकादसमासे उप्पन्नं, अत्थते कथिने सत्तमासे उप्पन्नं, कालेपि आदिस्स दिन्नं, एतं अकालचीवरं नामा”ति (पारा० ५००) वचनतो अनत्थतकथिनानं एकचीवरमासे उप्पन्नं, तेसंयेव होतीति सिद्धं, तस्मा इध तं अवत्वा एकोपि तयो गणपूरके लभित्वा कथिनं अत्थरितुं लभतीति इमं लीनत्थं पकासेतुं “याव कथिनस्स उब्भाराया”ति वुत्तं । इतरथा अयमत्थो न जायति । “जानितब्बो च विनयधरेहीति तथा वुत्तोति अपरे”ति वुत्तं । अत्थतं होति,

पञ्च मासे सब्बं तस्सेव भिक्खुनो होतीति सम्बन्धो । अच्चन्तसंयोगवसेन उपयोगवचनं । “इध वस्संवुत्थसङ्खस्सा”ति नियमितत्ता “वस्सावासिकं देमा”ति एत्थ च “इधा”ति अधिकारत्ता तस्मिं वुत्ते लभति । “पिट्टिसमये उप्पन्नत्ताति चीवरकालस्सासन्नत्ता च अनत्थतकथिनानम्पि वुत्थवस्सानञ्च अनुज्जातद्वानत्ता एव वुत्त”न्ति अञ्जतरस्मिं गण्ठपदे लिखितं । केचि पन “यं पन इदं ‘इध वस्संवुत्थसङ्खस्सा’तिआदिं कत्वा याव ‘अनागतवस्से’ति पदं, ताव पुच्छित्वा ‘कस्मा? पिट्टिसमये उप्पन्नत्ता’ति इदं परतो ‘तत्र सम्मुखीभूतानं सब्बेसं पापुणाती’ति इमस्स परियोसाने ‘कस्मा? पिट्टिसमये उप्पन्नत्ता’ति लिखितब्बं । कस्माति चे? परतो ‘चीवरमासतो पट्टाय याव हेमन्तस्सा’ति वुत्तेन निब्बिसेसत्ता, तस्मा एव एकच्चेसु पण्डितन्ति वदन्ती”ति वदन्ति । इध पन इध-सद्देन विसेसितं, तत्थ नत्थि, तस्मा अञ्जमञ्जविरोधो नत्थीति गहेतब्बं । “महिमानि चीवरानि पापुणन्ती”ति वचनमेवाधिद्वानं, इदमेत्थ उक्कट्टवसेन वुत्तं । “महिमानि चीवरानी”ति वुत्तेपि अधिद्वितमेव होती”ति वुत्तं । “महिमानी”ति वुत्ते तस्स चीवरानि नाम नत्थि, तस्मा ‘चीवरानि पापुणन्ती’ति वत्तब्बमेवा”ति वदन्ति । दुग्गहितानीति सङ्घिकानेव होन्ति । “गहितमेव नामा”ति इमस्स इदं पत्तन्ति किञ्चापि न विदितं, ते पन भागा तेसं अत्थतो पत्तायेवाति अधिप्पायो”ति लिखितं । “एकस्मिं अपतिते पुन आगता लभन्ती”ति वुत्तं ।

### उपनन्दसक्यपुत्तवत्थुकथावण्णना

३६४. “न, भिक्खवे, अञ्जत्र वस्संवुत्थेना”ति चीवरसमयं उपादाय पटिक्खेपो कतो । एकस्मिं विहारे “राजविहारे विय नानापरिवेणेषु वा इध वा वुत्था लभतू”ति वत्त्वा दिन्नं । “सत्ताहवारेन अरुणमेव उट्ठापेतीति एतं वचनमत्तमेव एकविहारे सत्ताहकिच्चाभावा”ति च लिखितं ।

### मतसन्तककथावण्णना

३६९. भिक्खुस्साति भिक्खुस्मिं कालंकते । तत्थ “पत्तचीवरे”ति पधानपरिक्खारदस्सनमुखेन सब्बपरिक्खारनिदस्सनन्ति वेदितब्बं । अधम्मेन उप्पन्नज्चेतं होति, सङ्खस्स कप्पियमेव मतत्ताति एके । नोति तक्को पत्तचतुक्के सब्बथा अकप्पियपत्तनयविरोधतो । अधम्मेन उप्पन्नसेनासने च वसतो अनापत्ति । अञ्जतरस्मिं आवासे द्वे भिक्खू वसन्ति, तत्थ चेको कालंकतो, इतरो तस्स परिक्खारं अपापेत्वा तं थेय्यचित्तेन गण्हाति, सङ्खसन्तकं गहितं होति, भण्डग्घेन कारेतब्बो । अनावासे गण्हाति, न कारेतब्बो अस्सामिकस्स गहितत्ता । मरणसमये वत्तुं असहन्तो चे चित्तेनेव देति, पुज्जं पसवति, सङ्खोव तस्स सामी । परो वा अविस्सासिको सयमेव गण्हाति, गहणं न रुहति, थेय्यचित्तेन चे, भण्डग्घेन कारेतब्बो । तस्स च आवासगतस्स को सामी । “सङ्खो सामी”ति वचनतो सङ्खेन बलक्कारेन सो वारेतब्बोति एके । जीवमानकाले गहितत्ता न सङ्खो सामीति एके । सामिको चे सयं पस्सित्वा अच्छिन्दितुं लभति, सङ्खोपि लभति सामिठाने ठितत्ताति इतरे, विचारेत्वा गहेतब्बं ।

मतकस्स हिरज्जादिकप्पियभण्डं होति । उग्गहितज्चेतं होति, उग्गहिते वुत्तनयेन पटिपज्जितब्बं । धम्मेन उप्पन्नं चे, कप्पियकारको आचिक्खितब्बो । दासो चे गहितो होति, न सङ्खो सामी, आरामिको चे, सङ्खो सामी । गावीमहिंसीआदयो होन्ति, आवासगतानं सङ्खो सामी, अनावासगतानं न सङ्खो सामी । सङ्खो चे आवासं आनेत्वा अत्तनो सन्तकं कत्वा पच्छा समीपे बहिंसीमाय ठपेति, कारकसङ्खो सामी, तथा आरामिके । मतकस्स परिक्खारो निक्खेपवसेन ठपितो होति, एसोव सामी । महग्घो चे होति, सेसस्स सङ्खो सामी । “केनचि गिलानुपट्टाकेना”ति वत्तब्बक्कमो एतेन दस्सितो । पुन उपट्टाकानं बहुभावे सति सब्बेसं दातब्बकम्मं दस्सेन्तेन भगवता कम्मवाचायं “गिलानुपट्टाकान”न्ति वुत्तं । सामणेवरारे “चीवर”न्ति पाठो । “इमं तुहं देमि ददामि दज्जामि ओणोजेमि परिच्चजामि विस्सज्जामि निस्सज्जामी”ति वा “इत्थन्नामस्स देमि...पे०... निस्सज्जामी”ति वा वदति, ‘सम्मुखा वा परम्मुखा वा वुत्ते दिन्नंयेव होती’ति दानलक्खणस्स च ‘तुहं गण्हाही’ति वुत्ते ‘महं गण्हामी’ति वदति, ‘सुदिन्नं सुग्गहितज्जा’ति (पारा० अट्ठ० २.४६९) गहणलक्खणस्स च वुत्तत्ता ‘मम सन्तकं तव च मम च होतू’ति एवमादिवचनेन समानपरिक्खारं कातुं वट्टतीति आचरिया”ति लिखितं ।

**अनुगण्ठपदे** पन अतीव पपञ्चं कत्वा पुन “इदमेत्थ आचरियानं सन्निट्ठानं — सचेसम्बहुला, द्वे वा समानपरिक्खारं कत्तुकामा होन्ति, ते सब्बे अत्तनो सन्तकं वत्तमानं उप्पज्जनकेन सङ्घि पेसलस्स एकस्स परिच्चजन्ति, सो पुन तेसमेव परिच्चजति, एत्तावता ते समानपरिक्खारिका होन्तीति । इदं समानपरिक्खारलक्खणं पाळिआदीसु वुत्तलक्खणेयेव पतनतो अचलप्पत्तं होति, तथापि पोराणविधिं अज्झोत्थरित्वा वत्तनतो पटिसेधेतब्बो, आचरियानं मतानुसारेण कातब्बं कातुकामेनाति अपरे”ति वुत्तं, “वस्संवुत्थसामणोरो पञ्चसु सिक्खापदेसु एकं अतिक्कमित्वा पुन गहितो लाभं न लभति, अन्तिमवत्थुं अज्झापन्नो नाम होती”ति वदन्ति ।

### वस्संवुत्थानंअनुप्पन्नचीवरकथावण्णना

**३७५. उप्पन्ने चीवरे अभजिते पक्कमतीति** एत्थ “सङ्घेन ततुप्पादतो एकेकस्स भिक्खुनो एत्तकं वस्सावासिकं दातुं सङ्घस्स रुच्चती”ति सावितेपि विब्भमति, ततो न लभति, पुन पब्बजित्वा उपसम्पज्जित्वा चीवरभाजनं सम्भावेन्तोपि न लभतियेव पुब्बपकतितो भट्ठत्ता । अथ पापिते विब्भमति, लभती”ति च वुत्तं ।

### सङ्घेभिन्नेचीवरुप्पादकथावण्णना

**३७६. परसमुद्धेति** जम्बुदीपे ।

### अट्टचीवरमातिकाकथावण्णना

**३७९.** यस्मा अपरिक्खित्तस्स परिक्खेपारहट्ठानं दुब्बिजानं, तस्मा “अपिचा”तिआदि वुत्तं । तत्थ धुवसन्निपातट्ठानम्पि परियन्तगतमेव गहेतब्बं । “महापच्चरियं पन भिक्खूसुपि...पे०... पापुणातीति ‘उपचारसीमाय देमा’ति एवं दिन्नमेव सन्धाया”ति लिखितं । “समानसंवासकसीमाया”ति वुत्ते खण्डसीमादीसु ठितानं न पापुणाति तासं विसुं समानसंवासकसीमत्ता । समानसंवासकअविप्पवाससीमानं इदं नानत्तं — “अविप्पवाससीमाय दम्मी”ति दिन्नं गामट्ठानं न पापुणाति । कस्मा? “ठपेत्वा गामञ्च गामूपचारञ्चा”ति वुत्तत्ता । “समानसंवासकसीमाया”ति दिन्नं पन यस्मिं ठाने अविप्पवाससीमा अत्थि, तत्थ ठितानं, इतरत्र ठितानञ्च पापुणाति । “खण्डसीमायं ठत्वा ‘सीमट्ठकसङ्घस्स दम्मी’ति वुत्ते उपचारसीमाय एव परिच्छिन्दित्वा दातब्ब”न्ति वुत्तं । “अविप्पवाससीमाय देमा”ति खण्डसीमायं ठत्वा दिन्ने तत्थेव पापुणातीति केचि । **योजनसतम्पि पूरेत्वा निसीदन्तीति** एत्थ विहारूपचारे हत्थपासेन, बहिगामादीसु द्वादसहत्थेन उपचारोति एके । “इमस्मिं विहारे सङ्घस्सा”ति वुत्ते एकाबद्धा हुत्वापि परिक्खेपपरिक्खेपारहट्ठानं अतिक्कमित्वा ठितानं न पापुणातीति एके । “भिक्खुनिविहारतो बहि यत्थ कत्थचि ठत्वा ‘सङ्घस्सा’ति वुत्ते भिक्खुसङ्घोव सामी”ति वदन्ति । **एकोपि गन्त्वाति** एत्थ सब्बेसं वा पापेत्वा गन्तब्बं, आनेत्वा वा पापेतब्बं, इतरथा गतस्स न पापुणाति । समानलाभकतिका मूलावासे सति सिया, मूलावासविनासेन कतिकापि विनस्सति । समानलाभवचनं सति द्वीसु, बहूसु वा युज्जति । तेनेव एकस्मिं अवसिट्ठे युज्जतीति नो मति ।

“तावकालिककालेन, मूलच्छेदवसेन वा ।

अज्जेसं कम्मं अज्जस्स, सिया नावाससङ्गमो”ति ॥ —

आचरियो ।

**सब्बत्थ दिन्नमेवाति** “समानभागोव होती”ति वदन्ति । “एकमेकं अम्हाकं पापुणातीति चे वदति, वट्ठती”ति वदन्ति विभागस्स कतत्ता । “भिक्खुसङ्घस्स चीवरे दिन्ने पंसुकूलिकानं न वट्ठती”ति वदन्ति । “उभतोसङ्घस्सा”ति वुत्ते “भिक्खुसङ्घस्सा”ति अवुत्तत्ता भिक्खुनिसङ्घेन मिसितत्ता, तत्थ अपरियापन्नत्ता च पुग्गलो विसुं लभति । एवं सन्ते “भिक्खुसङ्घस्स च भिक्खुनिसङ्घस्स च दम्मी”ति वुत्तेपि “उभतोसङ्घस्स दिन्नमेव होती”ति इमिना विरुज्जतीति चे? न विरुज्जति, तं द्विन्नं सङ्गानं

दिन्नभावमेव दीपेति, न उभतोसङ्गपञ्जति, तस्मा एव “भिक्षुसङ्गस्स च भिक्षुनिसङ्गस्स च तुहज्जा”ति वारो न वुत्तो। अथ वा अट्ठकथावचनमेव पमाणं, न विचारणाति एके। यस्मा एको अट्ठानादियको विय दुविधो न होति, तस्मा उभतोसङ्गगहणेन एको भिक्षु न गहितोति। “सब्बावासस्स च चेतियस्स च धम्मस्स चा”ति वुत्ते सब्बविहारेसु चेतियधम्मानं एकेकस्स भिक्षुनो भागो दातब्बो”ति वदन्ति। “भिक्षुसङ्गस्स च चेतियस्स चा”ति वुत्ते न विरुज्जतीति चे? न, तत्थ “भिक्षुसङ्गस्सा”ति वुत्तत्ता, इध विहारेन घटितत्ता च तम्हि तम्हि विहारे एकभागं लभितब्बमेवाति परिहरन्ति। **अत्तनो पापेत्वा**ति विकाले अपरिभोगत्ता सकलोपि वट्टेय्याति चे? “भिक्षुसङ्गस्स हरा”ति वुत्तत्ता, तेन “हरामी”ति गहितत्ता च न वट्टति। **पच्छिमवस्संवुत्थानम्पी**ति एत्थ **अपि**-सद्वो अवधारणत्थो, पच्छिमवस्संवुत्थानमेवाति अत्थो, इतरथा समुच्चयत्थे गहिते “लक्खणञ्जू वदन्ती”ति वचनं निरत्थकं सिया। **कस्मा**ति आरभित्वा पपञ्चं करोन्ति। किं तेन, परतो “चीवरमासतो पट्टाय... पे०... अतीतवस्संवुत्थानमेव पापुणाती”ति इमिना सिद्धत्ता न विचारितं, तेन वुत्तं “लक्खणञ्जू”ति अचलवसेन। **सचे पन बहिउपचारसीमाय ठितो... पे०... सम्पत्तानं सब्बेसं पापुणाती**ति यत्थ कत्थचि वुत्थवस्सानन्ति अधिप्पायो “यत्थ कत्थचि वुत्थवस्सानं सब्बेसं सम्पत्तानं पापुणाती”ति (कङ्का० अट्ठ० अकालचीवरसिक्खापदवण्णना) **कङ्कावितरणियं** वुत्तत्ता। गिम्हानं पठमदिवसतो पट्टाय वुत्ते पन यस्मा अनन्तरातीतं हेमन्तं एव वुत्था नाम होन्ति, न वस्सं, तस्मा “मातिका आरोपेतब्बा”ति वुत्तं। ये वा थेरेहि पेसिता, तेसं पापुणातीति किर अत्थो।

चीवरक्खन्धकवण्णना निट्ठिता।

## ९. चम्पेय्यक्खन्धकवण्णना

### द्वेनिस्सारणादिकथावण्णना

**३९५. अप्पत्तो निस्सारणन्ति** एत्थ निस्सारणं नाम कुलदूसकानयेव अनुज्जातं, अयं पन कुलदूसको न होति, तस्मा “अप्पत्तो”ति वुत्तो। यदि एवं कथं सुनिस्सारितो होतीति? **चूळवग्गे** “आकङ्कमानो सङ्गो पब्बाजनीयकम्मं करेय्या”ति (चूळव० २७) वुत्तत्ता। “तस्सपापियसिककम्मरहस्स तस्सपापियसिककम्मं करोन्ती”ति वचनतो चक्कं बन्धन्ति जातब्बं।

### उपालिपुच्छाकथावण्णना

**४००. “परतोति उपालिपुच्छतो पर”**न्ति लिखितं। **दोसारितपाळियं** “ऊनवीसतिवस्सो न आगतो विप्पन्नवत्थुकत्ता”ति वुत्तं। इमस्मिं चम्पेय्यक्खन्धके अधम्मकम्मनियेव द्विधा कत्वा पञ्चागतानीति वेदितब्बं। तेनेव **परिवारे** इमस्मिं खन्धके “पञ्च अधम्मिकानी”ति वुत्तं। “अन्धमूगबधिरो सोसारितो”ति इमिना अपब्बजितस्सपि उपसम्पदा रुहतीति सिद्धं।

चम्पेय्यक्खन्धकवण्णना निट्ठिता।

## १०. कोसम्बक्खन्धकवण्णना

### कोसम्बकविवादकथावण्णना

**४५१. सुत्तन्तिको**ति एत्थ किञ्चापि “विनयधरो मातिकाधरो”ति वुत्तं, उभतोविभङ्गं पन सन्धाय वुत्तं, न खन्धकभाणको होति। **आवुसो एत्थ आपत्ती**ति वचनं उपादाय “सो तस्सा आपत्तिया आपत्तिदिट्ठि होती”ति वुच्चति। पच्छा विनयधरो “वत्थुम्हि सति पमाणं, न पञ्जत्तिय”न्ति सति पटिलभित्वा तस्सा आपत्तिया आपत्तिदिट्ठि अहोसि, तेन वुत्तं अन्ते “अज्जे भिक्षू तस्सा आपत्तिया आपत्तिदिट्ठिनो होन्ती”ति।

**४५५.** “यथा मया जत्ती”ति लिखन्ति “पञ्जत्ता”ति एकवचनत्ता।

### दीघावुवत्थुकथावण्णना

४५८. “भूतपुब्बं, भिक्खवे, बाराणसियं ब्रह्मदत्तो”ति लिखन्ति । पुराणपोत्थकेसु “बाराणसिय”न्ति नत्थि, “नत्थिभावोव सुन्दरो”ति वदन्ति ।

### पालिलेय्यकगमनकथावण्णना

४६७. रक्खितवनसण्डेति सङ्गीतित्थेरेहि सुविज्जेय्यं कत्वा वुत्तं । “पालिलेय्योति गामो, तस्स वसेना”तिपि वदन्ति, तं धम्मपदट्ठकथाय न विरुज्झति ।

### अट्टारसवत्थुकथावण्णना

४७३. न त्वेव...पे०... पटिबाहितब्बन्ति वदामीति एत्थ सेनासनारहस्स यो सेनासनं पटिबाहति, तस्सेव आपत्ति दुक्कटस्स । “कलहकारकादीनमेत्थ ओकासो नत्थीतिआदिकं सङ्गस्स कतिकं वत्वा तं न पञ्चापेन्तस्स वा ‘अहं बुद्धो’ति पसय्हा अत्तना अत्तनो पञ्चापेत्वा गणहन्तं ‘युत्तिया गणहथा’ति वत्वा वारेन्तस्स वा दोसो नत्थि । इध कलहवूपसमनत्थं आगतानं कोसम्बिकानम्पि ‘यथावुड्ढ’न्ति अवत्वा ‘विवित्ते असति विवित्तं कत्वापि दातब्ब’न्ति वुत्तत्ता विवित्तं कत्वा देन्तं पटिबाहेन्तस्सेव आपत्तीति किर अयमत्थो पारिवासिकादीनं विहारपरियन्तदापनेन साधितब्बो”ति लिखितं ।

### सङ्गसामग्गीकथावण्णना

४७५. “अथ खो ते उक्खित्तानुवत्तका भिक्खू तं उक्खित्तकं भिक्खुं ओसारेत्वा येन उक्खेपका भिक्खू...पे०... तस्स वत्थुस्स वूपसमाय सङ्गसामग्गिं करोमा”ति वचनं दुविज्जेय्यविनिच्छयं विनयलक्खणकुसलस्स । विज्जमाने हि कारकसङ्गे इतरो सङ्गो ओसारितुं न लभति । ओसारेन्तो चे, ते भिक्खू कारकसङ्गेन समानलद्धिकभावं पत्तत्ता तेन समानसंवासका होन्ति, ततो उक्खेपकानं छन्दं अग्गहेत्वा ओसारेन्तानं कम्मं कुप्पति, तस्मा “तेन हि, भिक्खवे, तं भिक्खुं ओसारेथा”ति (महाव० ४७४) भगवतो वचनेन उक्खित्तानुवत्तका ओसारेसुं, उदाहु निस्सीमं गन्त्वा, उदाहु इतरेसं छन्दं गहेत्वा ओसारेसुं, ननु एतेसमज्जतरेनेत्थ भवितब्बं, न च पनेतं सङ्गगण्ठपदेसु विचारितं । अयं पनेत्थ तक्को —

“यस्मिं वत्थुस्मिं सङ्गेन, कतकम्मस्स भिक्खुनो ।  
सति तस्मिं न अज्जस्स, पटिप्पस्सम्भनं खमं ॥

“विरमन्ते ततो दोसो, अपि सङ्गो अकारको ।  
ओसारेतुं अलं यस्मा, कारको अनुलोमिको”ति ॥

४७७. “अट्ठ दूतङ्गानि नाम सोता च होति, सावेता च उग्गहेता च धारेता च विज्जाता च विज्जापेता च कुसलो च सहितासहितदस्सनो च अकलहकारको चाति एतानी”ति वुत्तं ।

कोसम्बकक्खन्धकवण्णना निट्ठिता ।

महावग्गस्स लीनत्थपकासना निट्ठिता ।

॥ नमो तस्स भगवतो अरहतो सम्मासम्बुद्धस्स ॥

## चूळवग्गवण्णना

### १. कम्मकखन्धकवण्णना

#### अधम्मकम्मद्वादसककथावण्णना

४. असम्मुखा कतं होतीति आदयो तिका केवलं देसनामतमेव । न हि तीहि एव अङ्गेहि समोधानेहि अधम्मकम्मं होति, एकेनपि होति एव, अयमत्थो “तिण्णं, भिक्खवे”ति आदिपाळिया (चूळव० ६) साधेतब्बो । “अप्पटिज्जाय कतं होती”ति लज्जिं सन्धाय वुत्तं । कण्हपक्खे “अदेसनागामिनिया आपत्तिया कतं होती”ति सुक्कपक्खे “देसनागामिनिया आपत्तिया कतं होती”ति इदं द्वयं परतो “तीहि, भिक्खवे, अङ्गेहि समन्नागतस्स भिक्खुनो आकङ्खमानो सङ्गो तज्जनीयकम्मं करेय्य । अधिसीले सीलविपन्नो होती”ति इमिना विरुज्जति, अदेसनागामिनिं आपन्नो हि “अधिसीले सीलविपन्नो”ति वुच्चतीति । युत्तमेतं, कत्तु अधिप्पायो एत्थ चिन्तेतब्बो । एत्थाह उपतिस्सत्थेरो “तज्जनीयकम्मस्स हि विसेसेन भण्डनकारकत्तं अङ्गं”न्ति अट्ठकथायं वुत्तं, तं पाळिया आगतनिदानेन युज्जति, तस्मा सब्बत्तिकेसुपि भण्डनं आरोपेत्वा भण्डनपच्चया आपन्नापत्तिवसेन इदं कम्मं कातब्बं, तस्मा ‘अधिसीले सीलविपन्नो’ति एत्थापि पुब्बभागे वा अपरभागे वा चोदनासारणादिकाले भण्डनपच्चया आपन्नापत्तिवसेनेव कारेतब्बं, न केवलं सङ्गादिसेसपच्चया कातब्बं”न्ति । “अदेसनागामिनिया आपत्तियाति पाराजिकापत्तिया”ति एत्तकमत्तं वत्वा परतो ‘अधिसीले पाराजिकसङ्गादिसेसे अज्झाचारा’ति पाराजिकगण्ठपदे वुत्तं”न्ति लिखितं । “अधिसीले सीलविपन्नो”ति सङ्गादिसेसं सन्धाया”ति गण्ठपदे लिखितं । इदं पाराजिकगण्ठपदे पुरिमवचनेन समेति, तस्मा तत्थ पच्छिमं पाराजिकपदं अत्थुद्धारवसेन वुत्तं सिया, अट्ठकथायञ्च “अदेसनागामिनियाति पाराजिकापत्तिया वा सङ्गादिसेसापत्तिया वा”ति वुत्तं, तत्थ पाराजिकापत्ति अत्थुद्धारवसेन वुत्ता सिया । यतो गण्ठपदे “अधिसीले सीलविपन्नो”ति सङ्गादिसेसं सन्धाया”ति एत्तकमेव लिखितं, तस्मा सब्बत्थ गण्ठपदे सकलेन नयेन पाराजिकापत्तिपच्चया उप्पन्नभण्डनहेतु न तज्जनीयकम्मं कातब्बं पयोजनाभावा, सङ्गादिसेसपच्चया कातब्बन्ति अयमत्थो सिद्धो होति । न, सुक्कपक्खे “देसनागामिनिया आपत्तिया कतं होती”ति (चूळव० ५) वचनतोति चे? न, एकेन परियायेन सङ्गादिसेसस्सपि देसनागामिनिवोहारसम्भवतो,

येन कम्मेन सन्तज्जनं करीयति, तं तज्जनीयकम्मं नाम । येन कम्मेन निस्साय ते वत्थब्बन्ति निस्सियति भजापियति नियस्सो, तं नियसकम्मं नाम । येन ततो आवासतो, गामतो च पब्बाजेन्ति कुलदूसकं, तं पब्बाजनीयकम्मं नाम । येन कम्मेन अक्कुट्टगहट्टसमईपमेव पटिसारियति सो अक्कोसको पच्छा पेसियति, तं पटिसारणीयकम्मं नाम । येन समानसंवासकभूमितो उक्खिपियति । छट्ठीयति सातिसारो भिक्खुसङ्गेन, तं कम्मं उक्खेपनीयकम्मं नामाति वेदितब्बं ।

११. “निस्साय ते वत्थब्बं”न्ति गरुनिस्सयं सन्धाय वुत्तं, न इतरन्ति ।

२१. अस्सजिपुनब्बसुकवत्थुस्मिं “तेसु विब्भन्तेसुपि कम्मं पटिप्पस्सम्भेतुं अनुज्जातम्पि सम्मावत्तन्तानंयेवा”ति लिखितं । सम्मुखा वुत्तमेव गिहिपटिसंयुत्तं नाम । परम्मुखा वुत्तं देसनं गच्छति ।

४१. खमापेन्तेन “खमाही”ति वत्तब्बमतमेव, न उक्कुट्टिकादिसामीचिना पयोजनन्ति । अनुदूतन्ति सहायन्ति अत्थो ।

५०. अदस्सनेयेव उक्खेपनीयं कातब्बं, न अज्जथा । “तज्जनीयादिकरणकाले आपत्तिं रोपेत्वा तस्सा अदस्सने, अप्पटिकम्मे वा भण्डनकारकादिअङ्गेहि कातब्बं”न्ति लिखितं ।

तज्जनीयकम्मादीसु अयं पकिण्णकविनिच्छयोति वेदितब्बो । किं तज्जनीयकम्मं, तज्जनीयकम्मस्स किं मूलं, किं वत्थु, किं परियोसानं, कस्मा “तज्जनीयकम्म”न्ति वुच्चतीति? किं तज्जनीयकम्मन्ति वत्थुस्मिं सति करणसम्पत्ति । तज्जनीयकम्मस्स किं

मूलन्ति सङ्गो मूलं । तज्जनीयकम्मस्स किं वत्थूति कलहजातापत्तिवत्थु । किं परियोसानन्ति भावनापरियोसानं । कस्मा तज्जनीयकम्मन्ति वुच्चतीति सङ्गो कलहकारकपुग्गलं कलहे च भेदे च भयं दस्सेत्वा खन्तिया जनेति, उपसमे जनेति, तस्मा “तज्जनीयकम्म”न्ति वुच्चति । कथं तज्जनीयकम्मं कतं होति, कथं अकतं । किन्ति च तज्जनीयकम्मं कतं होति, किन्ति च अकतं । केन च तज्जनीयकम्मं कतं होति, केन च अकतं । कथं च तज्जनीयकम्मं कतं होति, कथं च अकतं । काय वेलाय तज्जनीयकम्मं कतं होति, काय वेलाय अकतं होति? कथं तज्जनीयकम्मं कतं होतीति समग्गेन सङ्गेन अत्तिचतुत्थेन कम्मेन । कथं अकतं होतीति वग्गेन सङ्गेन अत्तिचतुत्थेन कम्मेन । किन्ति च कतं होतीति करणसम्पत्तिया । किन्ति च अकतं होतीति करणविपत्तिया । केन च कतं होतीति सङ्गेन । केन च अकतं होतीति गणेन पुग्गलेन । कथं च कतं होतीति यस्स पुग्गलस्स सङ्गो तज्जनीयकम्मं करोति, तस्स पुग्गलस्स सम्मुखीभूते । कथं च अकतं होतीति यस्स पुग्गलस्स सङ्गो तज्जनीयकम्मं करोति, तस्स पुग्गलस्स असम्मुखीभूते । काय वेलाय कतं होतीति यदा कलहजातापत्ति संविज्जति । काय वेलाय अकतं होतीति यदा कलहजातापत्ति न संविज्जति । कतिहाकारेहि तज्जनीयकम्मस्स पत्तकल्लं होति, कतिहाकारेहि अपत्तकल्लं? सत्तहाकारेहि तज्जनीयकम्मस्स पत्तकल्लं होति, सत्तहाकारेहि अपत्तकल्लं । कतमेहि सत्तहाकारेहि पत्तकल्लं, कतमेहि सत्तहाकारेहि अपत्तकल्लं होति? कलहजातापत्ति न संविज्जति, सो वा पुग्गलो असम्मुखीभूतो होति, सङ्गो वा वग्गो होति, असंवासिको वा पुग्गलो तस्सं परिसायं संविज्जति, अचोदितो वा होति असारितो वा, आपत्तिं वा अनारोपितो । इमेहि सत्तहाकारेहि तज्जनीयकम्मस्स अपत्तकल्लं होति, इतरेहि सत्तहाकारेहि पत्तकल्लं होति । एवं सेसकम्मेसूति ।

कम्मक्खन्धकवण्णना निड्डिता ।

## २. पारिवासिकक्खन्धकवण्णना

### पारिवासिकवत्तकथावण्णना

७५. पारिवासिकक्खन्धके “मा मं गामप्पवेसनं आपुच्छथाति वुत्ते अनापुच्छापि गामं पविसितुं वट्ठती”ति वदन्ति । सङ्गो अत्तनो पत्तद्धाने गहेतुं वट्ठति । ओणोजनं नाम विस्सज्जनं । “तं पन पारिवासिकेन पापितस्स अत्तना सम्पटिच्छितस्सेव पुनदिवसादिअत्थाय विस्सज्जनं कातब्बं, असम्पटिच्छित्वायेव चे विस्सज्जेति, न लभती”ति वुत्तं ।

७६. पकतियाव निस्सयोति एत्थ “अन्तेवासिकानं आलयसब्भावे याव वस्सूपनायिकदिवसो, ताव कप्पति, तस्स आलयस्स सब्भावे निस्सयो न पटिप्पस्सम्भतीति चे? न वट्ठति । तत्थ इदानीं खमापेय्यामीति आदिना वट्ठती”ति वुत्तं । तत्थ एकन्तेन विस्सट्ठत्ता, इध पन एकन्तेनेव द्विन्नम्पि समभावो इच्छितब्बो एवाति एके । पटिबलस्स वा भिक्खुस्साति एत्थ “लद्धसम्मुतिकेन आणत्तोपि गरुधम्मोहि, अज्जेहि वा ओवदितुं न लभती”ति लिखितं । ततो वा पापिट्ठतराति एत्थ “असज्जिच्च आपन्नसज्जरित्ततो सुक्कविस्सट्ठि पापिट्ठतराति अयम्पि नयो योजेतब्बो”ति वुत्तं । पच्चयन्ति वस्सावासिकं । सेनासनं न लभति सेय्यपरियन्तभागिताय । “उद्देसादीनि दातुम्पि न लभती”ति वदन्ति । “सचे द्वे पारिवासिका गतद्धाने अज्जमज्जं पस्सन्ति, उभोहिपि अज्जमज्जस्स आरोचेतब्बं अविसेसेन ‘आगन्तुकेन आरोचेतब्बं, आगन्तुकस्स आरोचेतब्बं’न्ति वुत्तत्ता”ति वुत्तं । अज्जविहारगतेनापि तत्थ पुब्बे आरोचितस्स पुनारोचनकिच्चं नत्थि । “अनिक्खित्तवत्तस्स बहि आरोचितस्स यथा पुन विहारे आरोचनकिच्चं नत्थि, एवं ‘आगन्तुकसोधनत्थं उपोसथदिवसे आरोचेतब्बं’न्ति वचनज्हेत्थ साधक”न्ति वदन्ति ।

८१. एकच्छन्ने निसिन्नस्सापि रत्तिच्छेददुक्कटापत्तियो होन्तीति एके । अविसेसेनाति पारिवासिकस्स उक्खित्तकस्साति इमं भेदं अकत्वा । “तदहुपसम्पन्नेपि पकतत्ते”ति वचनतो अनुपसम्पन्नेहि वसितुं वट्ठति । “समवस्साति एतेन अपच्छा अपुरिमं निपज्जने द्विन्नम्पि वत्तभेदापत्तिभावं दीपेती”ति लिखितं ।

पारिवासिकवत्तकथावण्णना निड्डिता ।



### मूलायपटिकस्सनारहवत्तकथावण्णना

८६. अत्तनो अत्तनो नवकतरन्ति पारिवासिकादिनवकतरं । पठमं सङ्गमज्झे परिवासं गहेत्वा निक्खित्तवत्तेन पुन एकस्सपि सन्तिके समादियितुं, निक्खिपितुञ्च वट्ठति । मानत्ते पन निक्खिपितुं वट्ठति । ऊने गणे चरणदोसत्ता न गहेतुन्ति एके । पठमं आदिन्नवत्तं एकस्स सन्तिके यथा निक्खिपितुं वट्ठति, तथा समादियितुम्पि वट्ठतीति **पोराणगण्ठपदे** ।

पारिवासिककखन्धकवण्णना निड्ठिता ।

### ३. समुच्चयकखन्धकवण्णना

#### सुक्कविस्सट्ठिकथावण्णना

९७. “वेदयामीति जानामि, चित्तेन सम्पटिच्छित्वा सुखं अनुभवामि, न तप्पच्चया अहं दुक्खितोति अधिप्पायो”ति लिखितं । यस्स माळके नारोचितं, तस्स आरोचेत्वा निक्खिपितब्बं । यस्स आरोचितं, तस्स पुन आरोचनकिच्चं नत्थि, केवलं निक्खिपितब्बमेव । वत्तं निक्खिपित्वा वसन्तस्स उपचारसीमागतानं सब्बेसं आरोचनकिच्चं नत्थि । दिट्ठरूपानं सुतसद्धानं आरोचेतब्बं, अदिट्ठअस्सुतानम्पि अन्तोद्वादसहत्थगतानं आरोचेतब्बं । “इदं वत्तं निक्खिपित्वा वसन्तस्स लक्खण”न्ति वुत्तं । “परिक्खित्तस्स विहारस्स परिक्खेपतो”तिआदि किञ्चापि **पाळियं** नत्थि, अथ खो अट्ठकथाचरियानं वचनेन तथा एव पटिपज्जितब्ब”न्ति च वुत्तं । “अत्थिभावं सल्लक्खेत्वा”ति द्वादसहत्थे उपचारे सल्लक्खेत्वा, अनिक्खित्तवत्तानं उपचारसीमाय आगतभावं सल्लक्खेत्वा सहवासादिकं वेदितब्ब”न्ति च वुत्तं । “निक्खिपन्तेन आरोचेत्वा निक्खिपितब्बं, पयोजनं अत्थी”ति च वुत्तं, न पन तं पयोजनं दस्सितं । **चिण्णमानत्तो भिक्खु अब्भेतब्बो**ति चिण्णमानत्तस्स च अब्भानारहस्स च निन्नानाकारणत्ता अञ्जथा “अब्भानारहो अब्भेतब्बो”ति वत्तब्बं सिया । उक्खेपनीयकम्मकतोपि अत्तनो लद्धिग्गहणवसेन सभागभिक्खुम्हि सति तस्स अनारोचापेतुं न लभति ।

#### परिवासकथावण्णना

१०२. “अनन्तरायिकस्स पन अन्तरायिकसञ्जाय छादयतो अच्छन्नावा”ति पाठो । अवेरिभावेन सभागो **अवेरिसभागो** । “सभागसङ्गादिसेसं आपन्नस्स पन सन्तिके आवि कातुं न वट्ठती”ति पसङ्गतो इधेव पकासितं । लहुकेसु पटिक्खेपो नत्थि । तत्थ जत्तिया आवि कत्वा उपोसथं कातुं अनुज्जातत्ता लहुकसभागं आवि कातुं वट्ठतीति । सभागसङ्गादिसेसं पन जत्तिया आरोचनं न वट्ठतीति किर । “तस्स सन्तिके तं आपत्तिं पटिकरिस्सती”ति (महाव० १७१) वुत्तत्ता लहुकस्सेवायमनुज्जाता । न हि सक्का सुद्धस्स एकस्स सन्तिके सङ्गादिसेसस्स पटिकरणं कातु”न्ति लिखितं । लहुकेसुपि सभागं आवि कातुं न वट्ठतीति, तस्मा एव हि जत्तिया आविकरणं अनुज्जातं, इतरथा तं निरत्थकं सिया । अज्जमज्जारोचनस्स वट्ठति, ततो न वट्ठतीति दीपनत्थमेव जत्तिया आविकरणमनुज्जातं, तेनेव इध “**सभागसङ्गादिसेसं आपन्नस्सा**”तिआदि वुत्तं । अयमत्थो “एत्तावता ते द्वे निरापत्तिका होन्ति, तेसं सन्तिके सेसेहि सभागापत्तियो देसेतब्बा”ति (कङ्का० अट्ठ० निदानवण्णना) वचनेन **कङ्कावितरणियं** पकासितोव । सङ्गादिसेसं पन जत्तिया आरोचेत्वा उपोसथं कातुं वट्ठति । तस्सा जत्तिया अयमत्थो यदा सुद्धं भिक्खुं पस्सिस्सति, तस्स सन्तिके आरोचनवसेन पटिकरिस्सति । एवं पटिकते “न च, भिक्खवे, सापत्तिकेन पातिमोक्खं सोतब्बं, यो सुणेय्य, आपत्ति दुक्कटस्सा”ति (चूळव० ३८६) वुत्तापत्तितो मोक्खो होतीति, तस्मा “गरुक्कं वा होतु लहुकं वा, जत्तिया आवि कातुं वट्ठती”ति वुत्तं, उभोसु नयेसु युत्ततरं गहेतब्बं ।

**नामञ्चेव आपत्ति चाति** “तेन तेन वीतिक्कमेनापन्नापत्ति **आपत्ति** । नामन्ति तस्सा आपत्तिया नाम”न्ति लिखितं । **आरोचेत्वा निक्खिपितब्बन्ति** एत्थ आरोचनं वत्तभेददुक्कटपअहरणप्ययोजनन्ति वेदितब्बं । **अकारणमेतन्ति** “सम्बहुला सङ्गादिसेसा आपत्तियो आपज्जि”न्ति वुत्ते वुट्ठानतो ।

दससतं रत्तिसतन्ति दससतं आपत्तियो रत्तिसतं छादेत्वाति योजेतब्बं। **अग्घसमोधानो नाम** सभागवत्थुकायो सम्बहुला आपत्तियो आपन्नस्स बहुरत्तिं पटिच्छादितापत्तियं निक्खिपित्वा दातब्बो, इतरो नानावत्थुकानं वसेनाति अयमेतेसं विसेसोति।

परिवासकथावण्णना निड्ढिता।

“**गामस्साति न वुत्त**”न्ति वचनतो किर गामूपचारेपि वट्ठतीति अधिप्पायोति लिखितं। वुत्तञ्च “**अयं पन विसेसो**”ति। “एत्थ अट्ठकथाचरियाव पमाणं। युत्तं न दिस्सती”ति लिखितं। **अनुगण्ठपदे** पन “अयं पन विसेसो, आगन्तुकस्स...पे०... ओक्कमित्वा गच्छति, रत्तिच्छेदो होतियेवा”ति वचने हेट्ठा “अन्तोअरुणे एव निक्खमित्वा गामूपचारतो द्वे लेट्ठुपाते अतिक्कमित्वा”तिआदिना नयेन गरं कत्वा वचनतो, भिक्खुनीनं गरुकवसेनेव तत्थ तत्थ सिक्खापदानं पञ्जत्तत्ता च तदनुरूपवसेनेव अट्ठकथाचरियेन भिक्खुनीनं गरं कत्वा मानत्तचरणविधिदस्सनत्थं “यत्तका पुरेभत्तं वा”तिआदि वुत्तं। **कुरुन्दि**आदीसु वुत्तवचनेन करोन्तस्सपि दोसो नत्थीति दस्सेतुं केवलं लक्खणमत्तमेव वुत्तं, तदुभयम्पि तेन तेन परियायेन युज्जति, विनिच्छये पत्ते लक्खणे एव ठातब्बतो **कुरुन्दि**आदीसु वुत्तवचनं पच्छा वुत्तं। पयोगो पन पुरिमोव। यथा चेत्थ, तथा सचे काचि भिक्खुनी द्वे लेट्ठुपाते अनतिक्कमित्वा अरुणं उट्ठपेति, दोसो नत्थि, तथापि **सब्बट्ठकथा**सु वुत्तत्ता “पुरिममेव आचिण्ण”न्ति वुत्तं। **परिवासवत्तादीनन्ति** “परिवासनिस्सयपटिप्पस्सद्भिआदीनं उपचारसीमाय परिच्छिन्नत्ता भिक्खुनुपस्सयस्स उपचारसीमाव गहेतब्बा, न गामो”ति लिखितं। “**तस्मिं गामे भिक्खाचारो सम्पज्जती**”तिआदि पवारितवसेन वुत्तं। न हि तत्थ अन्तोगामे विहारो अत्थी”ति च लिखितं, “तम्पि तेन परियायेन युज्जति, न अत्थतो”ति च।

#### पटिच्छन्नपरिवासादिकथावण्णना

१०८. “**विसुं मानत्थं चरितब्बन्ति** मूलाय पटिकस्सनं अकत्वा विसुं कम्मवाचाया”ति च लिखितं। “सङ्घादिसेसापत्ती”ति वुत्तत्ता एकोव, एकवत्थुम्हि आपन्ना सङ्घादिसेसा थुल्लच्चयदुक्कटमिस्सका नाम। **मक्खधम्मो** नाम छादेतुकामता।

१४३. **धम्मताति** धम्मताय, तथातायाति अत्थो “अलज्जिता”ति एत्थ विय।

१४८. **पुरिमं उपादाय द्वे मासा परिवसितब्बाति** एत्थ “परिवसितदिवसापि गणनूपगा होन्ती”ति लिखितं।

१८४. **तस्मिं भूमियन्ति तस्सं भूमियं। सम्बहुला सङ्घादिसेसा आपत्तियो आपज्जति परिमाणम्पीति**आदि जातिवसेनेकवचनं।

समुच्चयक्खन्धकवण्णना निड्ढिता।

#### ४. समथक्खन्धकवण्णना

##### सम्मुखाविनयकथावण्णना

१८६-१८७. यत्थ यत्थ कम्मवाचाय “अयं”न्ति वा “इमे”ति वा सम्मुखानिद्देसनियमो अत्थि, सब्बं तं कम्मं सम्मुखाकरणीयमेव, न केवलं तज्जनीयादिपञ्चविधमेव। पञ्चविधस्सेव पन उद्धरित्वा दस्सनं कम्मक्खन्धके ताव तस्सेव पाळिआरुहत्ता, चतुवीसतिया पाराजिकेसु विज्जमानेसु पाराजिककण्डे आगतानंयेव चतुन्नं उद्धरित्वा दस्सनं वियाति वेदितब्बं। तत्थ “पुगलस्स सम्मुखता हत्थपासूपगमनमेवा”ति वुत्तं, तं कारणं सम्मुखाकरणीयस्सपि सम्मुखानिद्देसनियमाभावतो। कामं अयमत्थो **कम्मक्खन्धके**येव “तीहि, भिक्खवे, अङ्गेहि समन्नागतं तज्जनीयकम्मं अधम्मकम्मञ्च होति...पे०... असम्मुखाकतं होती”ति (चूळव० ४) वचनेनेव सिद्धो, तत्थ पन आपत्ति न दस्सिता। इध “यो करेय्य, आपत्ति दुक्कटस्सा”ति तत्थ

भवितब्बापत्तिदस्सनत्थं इदं आरद्धन्ति वेदितब्बं । “सम्मुखाविनयपतिरूपकेन वूपसन्तम्पि सम्मुखाविनयेनेव वूपसन्तगणनं गच्छतीति दस्सेतुं ‘अधम्मवादी पुग्गलो’ति आदि आरद्धन्ति वुत्तं, लिखितञ्च । एवं वूपसन्तं सम्मुखाविनयपतिरूपकेन वूपसन्तं नाम होति, न सम्मुखाविनयेन च अञ्जेन केनचीति दस्सेतुं इदमारद्धन्ति आचरियो ।

### सतिविनयकथावण्णना

१९५. दब्बस्स कम्मवाचाय “सङ्घो इमं आयस्मन्तं दब्ब”न्ति सम्मुखानिद्देशो नत्थि, तथापि “पठमं दब्बो याचितब्बो”ति वचनेन सम्मुखाकरणीयता तस्स सिद्धा । तथा अञ्जत्थापि यथासम्भवं लेसो वेदितब्बो । सतिवेपुल्लप्पत्तस्स दातब्बो विनयो सतिविनयो ।

### अमूळहविनयकथावण्णना

१९६-७. “यस्स उम्मतकस्स तंतंवीतिककमतो अनापत्ति, तादिसस्सेव अमूळहविनयं दातुं वट्टतीति अमूळहस्स कत्तब्बविनयो अमूळहविनयो”ति लिखितं, तं युत्तं “सङ्घो गग्गस्स भिक्खुनो अमूळहस्स अमूळहविनयं देती”ति वचनतो । “तीणिमानि, भिक्खवे, अधम्मिकानि अमूळहविनयस्स दानानी”ति इमस्स विभङ्गे “न सरामी”ति वचनं वीतिककमकालं सन्धाय तस्स विभङ्गस्स पवत्तत्ता । अमूळहविनयदानकाले पनस्स अमूळहता विनिच्छित्तब्बा ।

### पटिज्जातकरणकथावण्णना

२००. “अप्पटिज्जाय भिक्खून् कम्मनि करोन्ती”ति आरभन्तस्स कारणं वुत्तमेव । पटिज्जातेन करणं पटिज्जातकरणं ।

### तस्सपापियसिकाकथावण्णना

२०७. “तीहि, भिक्खवे, अङ्गेहि समन्नागतं तस्सपापियसिकाकम्म”न्ति आरभित्वा पञ्च अङ्गानि दस्सेत्वा पाळि गता, “सा पेय्यालेन सङ्घिपित्वा गताति जातब्ब”न्ति लिखितं । तथा सुक्कपक्खेपि ।

### तिणवत्थारकादिकथावण्णना

२१४. “सब्बेहेव एकज्झं सन्निपतितब्ब”न्ति छन्ददानस्स पटिक्खित्तत्ता पवारणकखन्धकट्टकथायञ्च “भिन्नस्स हि सङ्घस्स समग्गकरणकाले, तिणवत्थारकसमथे, इमस्मिञ्च पवारणसङ्गहेति इमेसु तीसु ठानेसु छन्दं दातुं न वट्टती”ति (महाव० अट्ठ० २४१) वुत्तत्ता इध आगन्त्वा वा छन्दं दत्वा परिवेणादीसु निसिन्नाति इदं विरुज्झति विय खायतीति चे? न खायति अधिप्पायञ्चूनं । अयज्हेत्थ अधिप्पायो — विसुज्झितुकामेहि सब्बेहेव सन्निपतितब्बं, असन्निपतितस्स नत्थि सुद्धि छन्ददायकस्स । केवलं तं कम्मं सन्निपतितानं सम्पज्जति । अट्टकथायं विसुज्झितुकामानं छन्दं दातुं न वट्टतीति अधिप्पायो । इतरथा पाळिया च विरुज्झति । “ठपेत्वा ये न तत्थ होती”ति हि अयं पाळि सन्निपातं आगन्त्वा छन्दं दत्वा ठितानं अत्थितं दीपेति । निस्सीमगते सन्धाय वुत्तं सियाति चे? निस्सीमगते ठपेत्वा इध किं, तस्मा यो सामग्गीउपोसथे छन्दं दत्वा तिड्ढति चे, नानासंवासकभूमियंयेव तिड्ढति, तस्स छन्ददायकस्स पवारणसङ्गहोपि नत्थि । यो च तिणवत्थारककम्मे नागच्छति, सो ताहि आपत्तीहि न सुज्झतीति वेदितब्बं । यस्स एतं न रुच्यति, तस्स परिवारे वुत्तपरिसतो कम्मविपत्तिलक्खणं विरुज्झति, तत्थ हि केवलं छन्दारहानं छन्दो अनाहतो होति सचे, अकतं तब्बिपरीतेन सम्पत्तिदीपनतोति वुत्तं होति । तथा पत्तकल्ललक्खणम्पि विरुज्झति । तेसु तीसु ठानेसु कम्मप्पत्तायेव सब्बे, न तत्थ छन्दारहो अत्थीति चे? न, चतुवग्गादिकरणविभाजने अविसेसेत्वा छन्दारहस्स आगतत्ता, तं सामञ्जसतो वुत्तं । इदञ्च आवेणिकलक्खणं, तेनेव सतिपि दिट्ठाविकम्मे इदं पटिकुट्टकतं न होतीति चे? न, नानत्तसभावतो । इध हि ये पन “न मेतं खमती”ति अञ्जमञ्जं दिट्ठाविकम्मं करोन्ती”ति (चूळव० अट्ठ० २१४) वचनतो न सङ्घस्स दिट्ठाविकम्मं कतं । तस्मिं सति पटिकुट्टकतमेव

होति । अञ्जथा पुब्बभागा ता जत्तियो निरत्थिका सियुं, न च **परिवारदुक्कथायं** छन्दारहाधिकारे नयो दिन्नो ।

**पवारणकखन्धकदुक्कथायं** “तीसु ठानेसु छन्दं दातुं न वट्टती”ति (महाव० अट्ट० २४१) वुत्तत्ता विरुज्झतीति चे? न, अट्टकथाय पमाणभावे सति “इध छन्दं दत्वा परिवेणादीसु निसिन्ना”ति आदि वचने सुद्धिकामतो एव गहिते सब्बं न विरुज्झतीति एके । “आगन्त्वा वा छन्दं दत्वा परिवेणादीसु निसिन्ना, ते आपत्तीहि न वुट्टहन्ती”ति इदं न वत्तब्बं । कस्मा? हेट्ठा “सब्बेहेव एकज्झं सन्निपतितब्ब”न्ति छन्ददानस्स पटिकखेपवचनतो **अट्टकथायं** “तीसु ठानेसु छन्दं दातुं न वट्टती”ति वुत्तत्ता, **अन्धकदुक्कथायमि** तथेव वुत्तत्ता चाति? न, एकज्झमेव कम्मे करीयमाने यो इध “सुणातु मे, भन्ते, सङ्गो, अम्हाकं...पे०... गिहिपटिसंयुत्त”न्ति साधारणजत्तिं ठपेत्वा पुन “सुणन्तु मे, आयस्मन्ता”ति आदिना असाधारणजत्तियो ठपेत्वा “सुणातु मे, भन्ते सङ्गो, अम्हाकं...पे०... एवमेतं धारयामी”ति एकतोपक्खिकानं सन्धिया कताय तदनन्तरे केनचि करणीयेन छन्दं दत्वा गच्छति, तस्स आपत्तीहि वुट्टानं नत्थि । अपरेसमि एकतोपक्खिकानं अब्भन्तरे ठितत्ता विभूतत्ता करणस्स अयमत्थोव वुत्तो । साधारणवसेन दुतियाय जत्तिया ठपिताय ये तस्मिं खणे जत्तिदुतियकम्मवाचासु अनारद्धासु, अपरियोसितासु वा छन्दं दत्वा गच्छन्ति, तेसमि न वुट्टाति एव । **ये न तत्थ होन्तीति** पदस्स च ये वुत्तप्पकारेन नयेन तत्थ न होन्तीति अत्थो गहेतब्बो । वुत्तप्पकारत्थदीपनत्थञ्च **अट्टकथायं** “छन्दं दत्वा परिवेणादीसु निसिन्ना”ति इदमेव अवत्वा “ये पन तेहि वा सद्धिं आपत्तिं आपज्जित्वापि तत्थ अनागता, आगन्त्वा वा छन्दं दत्वा परिवेणादीसु निसिन्ना”ति वुत्तं, एवं पुब्बेनापरं सन्धीयति । “**पाळिया** च तत्थ दिट्ठाविकम्मेन कम्मस्स अकुप्पता वेदितब्बा”ति वुत्तं ।

### अधिकरणकथावण्णना

**२२०. चित्तुप्पादो विवादो** । विवादसद्दोपि कारणूपचारेन कुसलादिसङ्ख्यं गच्छति । तं सन्धाय “**समथेहि च अधिकरणीयताय अधिकरणं**”न्ति वुत्तं । अथ वा विवादहेतुभूतस्स चित्तुप्पादस्स वूपसमेन सम्भवस्स सद्दस्सपि वूपसमो होतीति चित्तुप्पादस्सपि समथेहि अधिकरणीयता परियायो सम्भवति । “कुसलचित्ता विवदन्ती”ति वुत्तविवादेपि “विपच्चताय वोहारो”ति वुत्तं, न वुत्तवचनहेतुवसेनाति वेदितब्बं ।

**२२२.** “आपत्तिज्झि आपज्जन्तो कुसलचित्तो वा”ति वचनतो कुसलमि सियाति चे? न तं आपत्ताधिकरणं सन्धाय वुत्तं, यो आपत्तिं आपज्जति, सो तीसु चित्तेसु अञ्जतरचित्तसमङ्गी हुत्वा आपज्जतीति दस्सनत्थं “यं कुसलचित्तो आपज्जती”ति आदि वुत्तं । यो “पज्जत्तिमत्तं आपत्ताधिकरणं”न्ति वदेय्य, तस्स अकुसलादिभावोपि आपत्ताधिकरणस्स न युज्जतेव विवादाधिकरणादीनं वियाति चे? न, “नत्थापत्ताधिकरणं कुसल”न्ति इमिना विरोधसम्भवतो । **अनुगण्ठपदे** पन “आपत्ताधिकरणं नाम तथापवत्तमानअकुसलचित्तुप्पादरूपकखन्धानमेतं अधिवचनं । अवसिट्ठेसु कुसलाब्याकतपज्जत्तीसु ‘आपत्ताधिकरणं सिया अकुसलं सिया अब्याकत’न्ति वचनतो पज्जत्तिताव पटिसिद्धा कुसलचित्ते अपरियापन्नत्ता । कुसलपटिसेधेनेव तेन समानगतिकत्ता किरियाब्याकतानमि पटिसेधो वेदितब्बो, किरियाब्याकतानं विय अनुगमनतो विपाकाब्याकतानमि पटिसेधो कतोव होति, तथापि अब्याकतसामञ्जतो रूपकखन्धेन सद्धिं विपाककिरियाब्याकतानमि अधिवचनन्ति वेदितब्ब”न्ति वुत्तं । तत्थ “कुसलचित्तं अङ्गं होती”ति विनये अपकतञ्जुनो सन्धाय वुत्तं अप्पहरितकरणादिके सति । **तस्माति** यस्मा “नत्थि आपत्ताधिकरणं कुसल”न्ति वत्तुं न सक्का, तस्मा कुसलचित्तं अङ्गं न होतीति अत्थो । यदि एवं कस्मा “तिचित्तं तिवेदन”न्ति वुच्चतीति चे? तं दस्सेतुं “**नयिद**”न्ति आदि आरद्धन्ति एके । आपत्तिसमुट्ठापकचित्तं अङ्गप्पहोनकचित्तं नाम । “**एकन्ततो**ति येभ्य्येनाति अत्थो, इतरथा विरुज्झति । कस्मा? ‘यस्सा सचित्तकपक्खे चित्तं अकुसलमेव होती’ति (कट्ठा० अट्ट० पठमपाराजिकवण्णना) वुत्तत्ता”ति वदन्ति । तेन किं? विपाको नत्थि, कस्मा? एकन्ताकुसलत्ता, तस्मा कथाव तत्थ नत्थि । यत्थ पन अत्थि, तं दस्सेन्तो “**यं पन पण्णत्तिवज्ज**”न्ति आदिमाह । **असज्जिच्च पन किञ्चि अजानन्तस्स...पे०... अब्याकतं** होतीति भिक्खुमि कम्मट्ठानगतचित्तेन निपन्ने, निद्वायन्ते वा मातुगामो चे सेय्यं कप्पेति, तस्स भिक्खुनो विज्जमानमि कुसलचित्तं आपत्तिया अङ्गं न होति, तस्मा तस्मिं खणे सेय्याकारेन वत्तमानरूपमेव आपत्ताधिकरणं नाम । भवङ्गचित्ते विज्जमानेपि एसेव नयो । तस्मिज्झि खणे उट्ठातब्बे जाते अनुट्ठानतो रूपकखन्धोव आपत्ति नाम, न विपाकेन सद्धिं । सचे पन वदेय्य, तस्स एवंवादिनो अचित्तकानं कुसलचित्तं आपज्जेय्य । किं वुत्तं होति? एळकलोमं गहेत्वा कम्मट्ठानमनसिकारेन तियोजनं अतिक्कमन्तस्स, पण्णत्तिं अजानित्वा पदसो धम्मं वाचेन्तस्स च

आपज्जितब्बापत्तिया कुसलचित्तं आपज्जेय्याति । आपज्जतिवेवाति चे? नापज्जति । कस्मा? “नत्थि आपत्ताधिकरणं कुसल”न्ति वचनतो ।

चलितो कायो, पवत्ता वाचा, **अञ्जतरमेव अङ्गन्ति** अञ्जतरमेव आपत्तीति अत्थो । केवलं पज्जत्तिया अकुसलादिभावासम्भवतो आपत्तिता न युज्जति । आपत्तिं आपज्जन्तो तीसु अञ्जतरसमङ्गी हुत्वा आपज्जतीति दस्सनत्थं “**यं कुसलचित्तो**”तिआदि वुत्तं । तस्सत्थो — पथवीखणनादीसु कुसलचित्तक्खणे वीतिक्कमवसेन पवत्तरूपसम्भवतो कुसलचित्तो वा अब्याकतापत्तिं आपज्जति । तथा अब्याकतचित्तो वा अब्याकतरूपसङ्घातं अब्याकतापत्तिं आपज्जति, पाणातिपातादीसु अकुसलचित्तो वा अकुसलापत्तिं आपज्जति, रूपं पनेत्थ अब्बोहारिकं । सुपिनपस्सनकालादीसु पाणातिपातादिं करोन्तो सहसेय्यादिवसेन आपज्जितब्बापत्तिं आपज्जन्तो अकुसलचित्तो अब्याकतापत्तिं आपज्जतीति वेदितब्बो । **इदं वुच्चति आपत्ताधिकरणं अकुसलन्ति** अकुसलचित्तुप्पादो । **पोराणगण्ठपदेसु** पन “पुथुज्जनो कल्याणपुथुज्जनो सेक्खो अरहाति चत्तारो पुग्गले दस्सेत्वा तेसु अरहतो आपत्ताधिकरणं अब्याकतमेव, तथा सेक्खानं, तथा कल्याणपुथुज्जनस्स असञ्चिच्च वीतिक्कमकाले अब्याकतमेव । इतरस्स अकुसलम्पि होति अब्याकतम्पि । यस्मा चस्स सञ्चिच्च वीतिक्कमकाले अकुसलमेव होति, तस्मा वुत्तं ‘नत्थि आपत्ताधिकरणं कुसल’न्ति । सब्बत्थ अब्याकतं नाम तस्स विपाकाभावमत्तं सन्धाय एवंनामकं जात”न्ति लिखितं, विचारेत्वा गहेतब्बं ।

**२२४. विवादो विवादाधिकरणन्ति** यो कोचि विवादो, सो सब्बो किं विवादाधिकरणं नाम होतीति एकपुच्छा । “**विवादो अधिकरणन्ति** विवादाधिकरणमेव विवादो च अधिकरणञ्चाति पुच्छति । तदुभयं विवादाधिकरणमेवाति पुच्छतीति वुत्तं होती”ति **पोराणगण्ठपदे** वुत्तं । केसुचि पोत्थकेसु अयं पुच्छा नत्थि । यदि एवं इमाय न भवितब्बं विवादो विवादाधिकरणं, विवादाधिकरणं विवादो, विवादाधिकरणं विवादो चेव अधिकरणञ्चाति पञ्चपञ्हाहि भवितब्बं सिया । केसुचि पोत्थकेसु तस्सो, केसुचि चतस्सो, पञ्च नत्थि । तत्थ द्वे विभत्ता । इतरासु **अधिकरणं विवादो**ति यं किञ्चि अधिकरणं, विवादसङ्ख्यमेव गच्छति, **विवादो अधिकरणन्ति** यो कोचि विवादो, सो सब्बो अधिकरणसङ्ख्यं गच्छतीति पुच्छति । एस नयो सब्बत्थ ।

**२२८. सम्मुखाविनयस्मिन्ति** सम्मुखाविनयभावे ।

**२३०.** “अन्तरेनाति कारणेना”ति लिखितं ।

**२३३.** उब्बाहिकाय खिय्यनके पाचित्ति न वुत्ता तत्थ छन्ददानस्स नत्थिताय ।

**२३६. तस्स खो एतन्ति** एसोति अत्थो “एतदग्ग”न्ति एत्थ विय ।

**२३८.** “का च तस्स पापियसिका”ति किर पाठो ।

**२४२.** “किच्चमेव किच्चाधिकरण”न्ति वचनतो अपलोकनकम्मादीनमेतं अधिवचनं, तं विवादाधिकरणादीनि विय समथेहि समेतब्बं न होति, किन्तु सम्मुखाविनयेन सम्पज्जतीति अत्थो ।

समथक्खन्धकवण्णना निड्डिता ।

**५. खुद्दकवत्थुक्खन्धकवण्णना**

**खुद्दकवत्थुकथावण्णना**

२४४. पुथुपाणिना कत्तब्बं कम्मं पुथुपाणिकं ।

२४५. “कण्णतो निक्खन्तमुत्तोलम्बकादीनं कुण्डलादीनं”न्ति लिखितं । “कायूर”न्ति पाळिपाठो । “केयूरादीनी”ति आचरियेनुद्धटं ।

२४६. “साधुगीतं नाम परिनिब्बुतद्वाने गीत”न्ति लिखितं । दन्तगीतं गायितुकामानं वाक्ककरणीयं । दन्तगीतस्स विभावनत्थं “यं गायिस्सामा”तिआदिमाह ।

२४७. चतुरस्सवत्तं नाम चतुष्पादगाथावत्तं । “तरङ्गवत्तादीनि उच्चारणविधानानि नट्टपयोगानी”ति लिखितं । बाहिरलोमिन्ति भावनपुंसकं, यथा तस्स उण्णपावारस्स बहिद्धा लोमानि दिस्सन्ति, तथा धारेन्तस्स दुक्कटन्ति वुत्तं होति ।

२५१. विरूपक्खेहीतिआदि सहयोगकरणवचनं । सरबूति गेहगोळिका । सा किर सेता सविसा होति । सोहन्ति यस्स मे एतेहि मेत्तं, सोहं नमो करोमि भगवतोति सम्बन्धो । अज्झम्हि...पे... छेतब्बम्हीति रागानुसये ।

२५२. उट्टित्वाति पक्खिपित्वा । ओतरतूति इद्धिया ओतारेत्वा गणहातु । अनुपरियायीति अनुपरिभमि ।

२५३. न अच्छुपियन्तीति न लग्गन्ति । रूपकाकिण्णानीति इत्थिरूपादीहि वोकिण्णानि ।

२५४. आलिन्दकमिड्डिकादीनन्ति पमुखमिड्डिकादीनं । परिवत्तेत्वा तत्थेवाति एत्थ “परिवत्तेत्वा ततियवारे तत्थेव मिड्डिया पतिट्ठाती”ति लिखितं । परिभण्डं नाम गेहस्स बहि कुट्टपादस्स थिरभावत्थं कता तनुकमिड्डिका वुच्चति । एत्थ “परिवट्टित्वा पत्तो भिज्जतीति अधिकरणभेदासङ्काय अभावे ठाने ठपेतुं वट्टती”ति लिखितं । पत्तमाळको वट्टित्वा पत्तानं अपतनत्थं वट्टं वा चतुरस्सं वा इड्डिकादीहि परिकिखपित्वा माळकच्छन्नेन कतो । “पत्तमण्डलिका पत्तपच्छिका तालपत्तादीहि कता”ति च लिखितं । मिड्डन्ते आधारके ठपेतुं वट्टति पत्तसन्धारणत्थं वुत्तत्ता । मज्जे आधारकेपि न वट्टति निसीदनपच्चया वारितत्ता । आसन्नभूमिकत्ता ओलम्बेतुं वट्टति ।

२५५. “अंसकूटे लग्गेत्वाति वचनतो अग्हत्थे लग्गेत्वा अङ्के ठपेतुं न वट्टती”ति केचि वदन्ति, न सुन्दरं, “न केवलं यस्स पत्तो”तिआदि यदि हत्थेन गहितपत्ते भेदसज्जा, पगेव अज्जेन सरीरावयवेनाति कत्वा वुत्तं । पाळियं पन पचुरवोहारवसेन वुत्तं । घटिकपालमयं घटिकटाहं । छवसीसस्स पत्तन्ति “सिलापुत्तकस्स सरीरं, खीरस्स धारातिआदिवोहारवसेन वुत्तं । मज्जे निसीदितुं आगतोति अत्थो । “पिसाचिल्लिकाति पिसाचदारका”तिपि वदन्ति । दिन्नकमेव पटिग्गहितमेव । चब्बेत्वाति खादित्वा । अट्टिकानि च कण्टकानि च अट्टिककण्टकानि । “एतेसु सब्बेसु पण्णात्तिं जानातु वा, मा वा, आपत्तियेवा”ति लिखितं ।

२५६. विष्फाळेत्वाति फाळेत्वा । किण्णेन पूरेतुन्ति सुराकिण्णेन पूरेतुं । बिदलकं नाम दिगुणकरणसङ्घातस्स किरियाविसेसस्स अधिवचनं । कस्स दिगुणकरणं? येन किलज्जादिना महन्तं कथिनमत्थत्तं, तस्स । तज्झि दण्डकथिनप्पमाणेन परियन्ते संहरित्वा दिगुणं कातब्बं । अज्जथा खुद्दकचीवरस्स अनुवातपरिभण्डादिविधानकरणे हत्थस्स ओकासो न होति । सलाकाय सति द्विन्नं चीवरानं अज्जतरं जत्वा सिब्बितासिब्बितं सुखं पज्जायति । दण्डकथिने कते न बहूहि सहायेहि पयोजनं । “असंकुटित्वा चीवरं समं होति । कोणापि समा होन्ती”ति लिखितं, “हलिद्विसुत्तेन सज्जाकरण”न्ति वुत्तत्ता हलिद्विसुत्तेन चीवरं सिब्बेतुम्पि वट्टतीति सिद्धं । तत्थ हि केचि अकप्पियसज्जिनो । पटिग्गहो नाम अङ्गुलिकोसो ।

२५७-८. पातीति पटिग्गहसण्ठानं । पटिग्गहत्थविकन्ति अङ्गुलिकोसत्थविकं । सूचिसत्थकानं पुब्बे आवेसनत्थविकाय अनुज्जातत्ता “अनुजानामि, भिक्खवे, भेसज्जत्थविक”न्ति वुत्तं । एत्थ सूचिसत्थकादीनिपि ठपेतब्बानीति निदानं सूचेति । सचेपि उपनन्दो भिक्खु अलज्जी, तथापि सन्तकमेतं अमूलच्छेदकतभिक्खुनो लज्जिनोपि समानस्स कप्पतीति युज्जति । न सम्मतीति न

पहोति ।

२६०-१. बहि कुट्टस्स समन्ततो नीचवत्थुकं कत्वा ठितं “मण्डलिक”न्ति वुच्चति । जन्ताघरप्पटिच्छादिना छन्नस्स नगियं यस्स न पज्जायति, तस्सेव परिकम्मं कातब्बं । एस नयो उदकवत्थपटिच्छादीसुपि ।

२६२-३. पणिया नाम पणियकारका । आकड्डनयन्तं आकड्डियमानं कूपस्स उपरिभागे परिब्भमति । अरहटघटियन्तं सकटचक्कसण्ठानयन्तं । तस्स अरे अरे घटिकानि बन्धित्वा एकेन, द्वीहि वा परिब्भमियमानस्स उदकनिब्बाहनं वेदितब्बं । आविद्धपक्खपासं नाम यत्थ मण्डलाकारेण पक्खपासा बज्झन्ति आविद्धवत्थता विय आविद्धपक्खपासका । पुब्बे पत्तसङ्गोपनत्थं, इदानि ठपेतब्बं भुज्जितुं आधारको अनुज्जातो ।

२७३. परगलं गच्छतीति इमस्स पयोगाभावा वट्ठति । कम्मसतेनाति महता उस्साहेन ।

२७७-८. लोहभण्डं नाम कंसतो सेसलोहभण्डं । मुद्दिककायबन्धनं नाम चतुरस्सं अकत्वा सज्जितं । पामङ्गदसा चतुरस्सा । मुदिङ्गसण्ठानेनाति सङ्घाटिया मुदिङ्गसिब्बनाकारेण वरकसीसाकारेण । पवनन्तोति पासन्तो । “दसामूल”न्ति च लिखितं । अकायबन्धनेन सज्जिच्च वा असज्जिच्च वा गामप्पवेसने आपत्ति । “सरित्ठानतो बन्धित्वा पविसितब्बं, निवत्तितब्बं वा”ति लिखितं ।

२७९. सत्तङ्गुलं वा अट्ठङ्गुलं वाति एत्थ “सुगतङ्गुलेना”ति अवुत्तत्ता पकतिअङ्गुलेन सारुप्पत्थाय वट्ठेत्वापि करोन्ति चे, न दोसो ।

२८०. तालवण्टाकारेण सीहळित्थीनं विय ।

खुद्दकवत्थुकबन्धकवण्णना निट्ठिता ।

#### ६. सेनासनक्खन्धकवण्णना

#### विहारानुजाननकथावण्णना

२९४. निलीयन्ति भिक्खू एत्थाति विहारादयो लेणानि नाम । आगत-वचनेन तस्सागतसङ्गोव सामी, न अनागतोति केचि, तं न युज्जति समानलाभकतिकाय सिद्धत्ता ।

२९६-७. दीपिनङ्गुट्टेनाति एत्थ “दीपिना अकप्पियचम्मं दस्सेती”ति लिखितं । थम्भकवातपानं नाम तिरियं दारूनि अदत्त्वा उजुकं ठितेहेव दारूहि कत्तब्बं । भिसीनं अनुज्जातं वट्ठतीति बिम्बोहने वट्ठतीति अत्थो । तूलपूरितं भिसिं अपस्सयितुं न वट्ठति उण्णादीनयेव अनुज्जातत्ता । निसीदननिपज्जनं सन्धाय वुत्तं, तस्मा अपस्सयितुं वट्ठतीति चे? अकप्पियन्ति न वट्ठतीति केचि । यदि एवं अकप्पियमज्ज्य अपस्सयितुं न वट्ठेय्य । यस्मा वट्ठति, तस्मा दोसो नत्थि । अपिच गिलानस्स बिम्बोहनं निपज्जितुम्पि अनुज्जातं, तस्मा भिसिपि वट्ठति अपस्सयितुं । आचरिया च अनुजानन्ति, वळ्ळेन्ति चाति एके । सिम्बलितूलसुत्तेन सिब्बितं चीवरं वट्ठति । कस्मा? कप्पासस्स अनुलोमतो । “अक्कफलसुत्तमयम्पि अक्कवाकमयमेव पटिक्खित्त”न्ति ते एव वदन्ति ।

२९८. अनिबन्धनीयो अलग्गो । पटिबाहेत्वाति मट्ठं कत्वा । “सेतवण्णादीनं यथासङ्ख्यं इक्कासादयो बन्धनत्थं वुत्ता”ति लिखितं ।

३००. पकुट्ठं समन्ततो आविद्धपमुखं ।

३०३. सुधालेपोति सुधामत्तिकालेपो ।

३०५. आसत्ति तण्हा । सन्ति अदरं ।

३०७. केतुन्ति कयेन गहेतुं ।

३०८. चिताति इडुकायो कबळेन निद्धमनवसेन छिन्दित्वा कताति अत्थो ।

३१०. छब्बगियानं भिक्खून् अन्तेवासिकाति एत्थ वीसतिवस्सं अतिक्कमित्वा छब्बगिया उप्पन्ना । “आराधयिंसु मे भिक्खू चित्तं”न्ति (म० नि० १.२२५) वुत्तत्ता अज्जस्मिं काले सावत्थिगमने उप्पन्नं वत्थुं इध आपत्तिदस्सनत्थं आहरित्वा वुत्तन्ति युत्तं विय, विचारेत्वा गहेतब्बं । वुद्धन्ति वुद्धतरं ।

३१३. सन्थरेति तिणसन्थरादयो ।

### सेनासनग्गाहकथावण्णना

३१८. “सेव्यग्गेनाति मज्जट्टानपरिच्छेदेन । विहारग्गेनाति ओवरकग्गेना”ति लिखितं । थावराति नियता । पच्चयेनेव हि तन्ति तस्मिं सेनासने महाथेरा तस्स पच्चयस्स कारणा अज्जत्थ अगन्त्वा वसन्तायेव नं पटिजग्गिस्सन्तीति अत्थो । अघट्टनकम्मं दस्सेतुं “न तत्थ मनुस्सा”ति आदिमाह । “वितक्कं छिन्दित्वा सुद्धचित्तेन गमनवत्तेनेव गन्तब्बं”न्ति पाठो । मुद्दवेदिका नाम चेतियस्स हम्मियवेदिका । पटिक्कम्माति अपसक्कित्वा । समानलाभकतिका मूलावासे सति सिया, मूलावासविनासेन कतिकापि विनस्सति । समानलाभ-वचनं सति द्वीसु, बहूसु वा युज्जति, तेनेव एकस्मिं अवसिट्ठेति नो मति । तावकालिकं कालेन मूलच्छेदनवसेन वा अज्जेसं वा कम्मं अज्जस्स सिया नावायं सङ्गमोति आचरियो । पुग्गलवसेनेव कातब्बन्ति अपलोकनकाले सङ्गो वस्संवुत्थभिक्खून् पाटेक्कं “एत्तकं वस्सावासिकं वत्थं देति, रुच्चति सङ्गस्सा”ति पुग्गलमेव परामसित्वा दातब्बं, न सङ्गवसेन कातब्बं । न सङ्गो सङ्गस्स एत्तकं देतीति । “एकस्मिं आवासे सङ्गस्स कम्मं करोती”ति वचनतो सङ्गवसेन कातब्बं”न्ति लिखितं । न हि तथा वुत्ते सङ्गस्स किञ्चि कम्मं कतं नाम होति । “सम्मत्सेनासनग्गाहापकतो अज्जेन गाहितेपि गाहो रुहति अग्गाहितुपज्जायस्स उपसम्पदा विया”ति लिखितं । “कम्मवाचायपि सम्मुति वट्टती”ति लिखितं ।

अट्ठपि सोळसपि जनेति एत्थ किं विसुं विसुं, उदाहु एकतोति? एकतोपि वट्टति । न हि ते तथा सम्मता सङ्गेन कम्मकता नाम होन्ति, तेनेव सत्तसतिकक्खन्धके एकतो अट्ठ जना सम्मताति । तेसं सम्मुति कम्मवाचायपीति जत्तिदुतियकम्मवाचायपि । अपलोकनकम्मस्स वत्थूहि सा एव कम्मवाचा लब्भमाना लब्भति, तस्सा च वत्थूहि अपलोकनकम्ममेव लब्भमानं लब्भति, न अज्जन्ति वेदितब्बं । इमं नयं मिच्छा गणहन्तो “अपलोकनकम्मं जत्तिदुतियकम्मं कातुं, जत्तिदुतियकम्मज्ज अपलोकनकम्मं कातुं वट्टती”ति गणहाति, एवज्ज सति कम्मसङ्करदोसो आपज्जति । मग्गो पोक्खरणीति एत्थ मग्गो नाम मग्गे कतदीघसाला, पोक्खरणीति नहायितुं कतपोक्खरणी । एतानि हि असेनासनानीति एत्थ भत्तसाला न आगता, तस्मा तं सेनासनन्ति चे? सापि एत्थेव पविट्ठा वासत्थाय अकतत्ता । भोजनसाला पन उभयत्थ नागता । किञ्चापि नागता, उपरि “भोजनसाला पन सेनासनमेवा”ति (चूळव० अट्ठ० ३१८) वुत्तत्ता सेनासनं । “कप्पियकुटि च एत्थ कातब्बा”ति वदन्ति, तं नेति एके । रुक्खमूलवेळुगुम्बा छन्ना कवाटबद्धाव सेनासनं । “अलाभकेसु आवासेसूति अलाभकेसु सेनासनेसू”ति लिखितं, तं युत्तं । न हि पाटेक्कं सेनासनं होति । तं सज्जापेत्वाति एत्थ पज्जति अगच्छन्ते बलक्कारेनपि वट्टति । अयम्पीति पच्चयोपि ।

उपनिबन्धित्वाति तस्स समीपे रुक्खमूलादीसु वसित्वा तत्थ वत्तं कत्वाति अधिप्पायो । परियत्तिपटिपत्तिपटिवेधवसेन तिविधम्पि । “दसकथावत्थुकं दसअसुभं दसअनुस्सति”न्ति पाठो । “पठमभागं मुञ्चित्वाति इदं चे पठमगाहितवत्थुतो महग्घं



होती”ति लिखितं । **छिन्नवस्सानं वस्सावासिकं** नाम पुब्बे गहितवस्सावासिकानं पच्छा छिन्नवस्सानं । **भतिनिविट्ठन्ति** भतिं कत्वा विय निविट्ठं परियिट्ठं । “**सङ्घिकं पन...पे०... विब्भन्तोपि लभतेवा**”ति इदं तत्तुप्पादं सन्धाय वुत्तं । इमिना अपलोकनमेव पमाणं, न गाहापनन्ति केचि । विनयधरा पन “अम्हाकं विहारे वस्सं उपगतानं एकेकस्स तिचीवरं सङ्घो दस्सती”तिआदिना अपलोकितेपि अभाजितं विब्भन्तको न लभति । ‘अपलोकनकम्मं कत्वा गाहित’न्ति वुत्तत्ता, ‘अभाजिते विब्भमती’ति एवं पुब्बे वुत्तत्ता चा”ति वदन्ति । “**पच्चयवसेना**ति गहपतिकं वा अज्जं वा वस्सावासिकं पच्चयवसेन गाहित’न्ति लिखितं । “**एकमेव वत्थं दातब्बन्ति** तत्थ निसिन्नानं एकमेकं वत्थं पापुणाती”ति लिखितं । **दुतियो थेरासने**ति अनुभागो । पठमभागो अज्जथा थेरेन गहितोति जानितब्बं ।

### उपनन्दवत्थुकथावण्णना

**३२०. ति वस्सन्तरेना**ति तिण्णं वस्सानं अन्तो ठितेन । हत्थिम्हि नखो अस्साति **हत्थिनखो** । पासादस्स नखो नाम हेट्ठिमपरिच्छेदो । **गिहिविकटनीहारेना**ति गिहीहि कतनीहारेनेव । “तेहि अत्थरित्वा दिन्नानेव निसीदितुं लब्भन्ति, न भिक्खुना सयं अत्थरित्वा विस्सज्जितब्बं सङ्घेन अत्थरापेत्वा वा”ति लिखितं ।

### अविस्सज्जियवत्थुकथावण्णना

**३२१.** “न विस्सज्जेतब्बं सङ्घेन वा गणेन वा पुग्गलेन वा”ति वचनं “यं अगुरुभण्डं विस्सज्जियं वेभङ्गियं सङ्घिकं, तं गणो चे तस्मिं आवासे वसति पुग्गलोपि वा, गणेन वा पुग्गलेन वा विस्सज्जितं सङ्घेन विस्सज्जितसदिसमेव होती”ति **अट्टकथायं** वुत्तवचनं साधेति, अज्जथा एत्थ गणपुग्गलग्गहणं निरत्थकं । **अरज्जरो** उदकचाटि, अलज्जलो, बहुउदकगणहनकोति अत्थो । “वट्टुचाटि विय हुत्वा थोकं दीघमुखो मज्झे परिच्छेदं दस्सेत्वा कतो”ति लिखितं । मंसदिब्बधम्मबुद्धसमन्तचक्खुवसेन **पज्ज** ।

**गरुभण्डेन च गरुभण्डन्ति** संहारिमं सन्धाय वुत्तं । **पत्तचीवरं निक्खिपितुन्ति** अट्टकच्छन्नेन कते मज्जे । **वट्टुलोहं** नाम पीतवण्णं । **पारिहारियं न वट्टतीति** आगन्तुकस्स अदत्त्वा परिचारिकहत्थतो अत्तनो नामं लिखापेत्वा गहेत्वा यथासुखं परिहरितुं न वट्टति । “**गिहिविकटनीहारेनेवा**ति याव अत्तनो कम्मनिब्बत्ति, ताव गहेत्वा देती”ति लिखितं । **सिखरं** नाम येन परिब्भमन्ता छिन्दन्ति । **पत्तबन्धको** नाम पत्तस्स गण्ठिआदिकारको । “पटिमानं सुवण्णादिपत्तकारको”तिपि वदन्ति । “**अट्टुबाहू**ति कप्परतो पट्टाय याव अंसकूट”न्ति लिखितं । **इतो पट्टायाति** इमं पाळिं आदिं कत्वा । **दण्डमुग्गरो** नाम येन रजितचीवरं पोथेन्ति । ‘पच्चत्थरणगतिक’न्ति वुत्तत्ता, “तम्पि गरुभण्डमेवाति वुत्तत्ता च **अपि**-सद्देन पावारादिपच्चत्थरणं सब्बं गरुभण्डमेवा”ति वदन्ति । एतेनेव सुत्तेन अज्जथा अत्थं वत्त्वा “पावारादिपच्चत्थरणं न गरुभण्डं, भाजनीयमेव, सेनासनत्थाय दिन्नपच्चत्थरणमेव गरुभण्ड”न्ति वदन्ति, उपपरिक्खितब्बं । **गण्ठिका**ति चीवरगण्ठिका । **भञ्चको** नाम सरको ।

### नवकम्मदानकथावण्णना

**३२३-४.** अग्गळबन्धसूचिद्वारकरणमत्तेनपि । “**कपोतभण्डिका** नाम वळ्ळभिया उपरि ठपेतब्बवलयं वा तिणच्छदनगेहस्स पिट्ठिवंसस्स हेट्ठा ठपेतब्बं वा उभयमस्स गता दारू”ति लिखितं । **कारन्तरा**ति तदा पुन पविसट्ठं पुब्बपयोजितानानं वचनपातसेनासनवासो । न पन पतिसट्ठतोति दट्ठब्बं । सब्बत्थ विनट्टुवासो न च पटिसेधको होतीति दट्ठब्बो । द्वारवातपानादीनि अपहरित्वा दातुं असक्कुणेय्यतो “**पटिदातब्बानियेवा**”ति वुत्तं । गोपानसिआदयो देन्तस्स विहारो पलुज्जतीति “**मूलं वा दातब्ब**”न्तिआदि वुत्तन्ति एके । “नेवासिका पकतिया अनत्थताय भूमिया ठपेन्ति चे, तेसम्पि अनापत्तियेवा”ति लिखितं । “द्वारवातपानादयो अपरिकम्मकतापि अपटिच्छादेत्वा न अपस्सयितब्बा”ति लिखितं ।

### सङ्गभत्तादिअनुजाननकथावण्णना

### उद्देसभक्तकथावण्णना

३२५. या भत्तुद्देसट्टानभूताय भोजनसालाय पकतिठितिका । दिन्नं पनाति यथा सो दायको देति, तं दस्सेन्तो “सङ्गतो भन्ते”तिआदिमाह । एकवळञ्जन्ति एकद्वारेन वळञ्जितब्बं । तिचीवरपरिवारन्ति एत्थ “उदकमत्तलाभी विय अञ्जोपि उद्देसभत्तं अलभित्वा वत्थादिमनेकप्पकारं लभति चे, तस्सेव तं”न्ति लिखितं । “उद्देसपत्ते देथा”ति वत्त्वा गहेत्वा आगतभावेन सङ्गस्स परिच्चत्तं न होतियेव तस्सेव हत्थे गतत्ता, तस्मा तेहि वुत्तक्कमेन सब्बेहि भाजेत्वा भुञ्जितब्बं”न्ति वुत्तं । पटिपाटिपत्तं वा ठितिकाय ठितपत्तं वा । “कूटट्टितिका नाम अग्गहेतब्बानम्पि गाहितत्ता”ति लिखितं, “पणीतभत्तट्टितिकञ्च अजानित्वा मिस्सेत्वा गाहितेपि एवमेव पटिपज्जितब्बं”न्ति च लिखितं । तञ्चे थेय्याय हरन्ति पत्तहारका, आणापकस्स गीवा होति । अतिक्कन्तम्पि ठितिकं ठपेत्वाति एत्थ “तंदिवसमेव चे भिक्खा लभ्भति, अपरदिवसतो पट्टाय न लभ्भति किरा”ति लिखितं । पच्छा “सब्बो सङ्गो परिभुञ्जतू”ति अवुत्तेपि भाजेत्वा परिभुञ्जितब्बं । “एत्तके भिक्खू सङ्गतो उद्दिसित्वा देथा”ति अवत्त्वा “एत्तकानं भिक्खूनं भत्तं गण्हथा”ति दिन्नं सङ्घिकनिमन्तनं नामा”ति लिखितं ।

### निमन्तनभक्तकथावण्णना

पटिपाटियाति यथालद्धपटिपाटिया । विच्छिन्दित्वाति भत्तं गण्हथाति पदं अवत्त्वा । आलोपसङ्केपेनाति अयं नयो निमन्तनायमेव, उद्देसभत्ते पन एकस्स पहोनकप्पमाणे एव ठितिका तिट्ठति । “एकवारन्ति याव तस्मिं आवासे वसन्ति भिक्खू, सब्बेव लभन्ती”ति लिखितं ।

### सलाकभक्तकथावण्णना

न हि बहिसीमाय सङ्गलाभोति एत्थ “उद्देसभत्तादीसु बहिसीमाय ठितस्सपि चे उपासका देन्ति, गहेतुं लभन्ति, अत्तनोपि पापेत्वा गहणं अनुज्जातं, तथा इध न वट्ठती”ति वुत्तं । न पापुणन्तीति उद्दिसित्वापि । वारगामन्ति दूरत्ता वारेन निग्गहेन गन्तब्बगामे । फातिकम्ममेवाति अतिरेकलाभा च भवन्ति । सम्मुखीभूतस्साति येभ्य्येन चे भिक्खू बहिसीमं गता, सम्मुखीभूतस्स पापेतब्बं । सभागत्ता हि एकेन लद्धं सब्बेसं पहाति, तस्मिम्पि असति अत्तनो पापेत्वा दातब्बं । “लद्धा वा अलद्धा वा”ति वचनसिलिट्ठवसेन वुत्तं । विहारे अपापितं पन...पे०... न वट्ठतीति सलाकभत्तं विहारे उद्दिसियति । तेन पन दिन्नसलाकेन । तस्साति गहेत्वा गतस्स । सलाका गहेतब्बाति युत्तं विय । सब्बपोत्थकेसु “गाहेतब्बा”ति पाठो, तस्मा तेनाति सलाकग्गाहापकेनाति अत्थो । “चोरिकाय गहितत्ता न पापुणाती”ति वचनतो “कुटिसोधनं वट्ठती”ति च दीपवासिनो वदन्ति किर । एकं महाथेरस्साति महाथेरो विहारतो येभ्य्येन न गच्छति, इतरे कदाचि गच्छति, तस्मा सभागा चे, अत्तनो पापेत्वा पुन इतरेसं दिव्यति । विहारे थेरस्स पत्तसलाकभत्तन्ति महाथेरो एककोव विहारे ओहीनो, “अवस्सं सब्बसलाका अत्तनो पापेत्वा ठितो”ति पटिस्सयं गन्त्वा आगन्तुकभिक्खूनम्पि अदस्सनतो कुक्कुच्चं अकत्वा भुञ्जन्ति ।

### पक्खिकभक्तकथावण्णना

उपोसथदिवसे आपत्तिदेसनं सन्धाय “परिसुद्धसीलान”न्ति आह । लेखं कत्वा निबद्धापितं । “आगन्तुकभत्तम्पि गमिकभत्तम्पी”ति आगन्तुकोव हुत्वा गच्छन्तं सन्धाय वुत्तं । अनाथगिलानुपट्ठाकोपि तेन दिन्नं भुञ्जति चे, तस्सपि पापेतब्बमेव । गुळपिण्डं तालपक्कमतं ।

सेनासनक्खन्धकवण्णना निट्ठिता ।

### ७. सङ्गभेदकक्खन्धकवण्णना

### छसक्यपब्बज्जाकथावण्णना

३३०. “अनुपियं नामा”ति एकवचनेन दिस्सति, सत्तमियं पन “अनुपियाय”न्ति । “काळुदायिप्पभुतयो दस दूता”ति पाठो । “न हेट्ठापासादा न हेट्ठापासादं वा”ति लिखितं ।

३३२. पुब्बे पुब्बकाले । “रज्जो सतो”ति च “रज्जोवसतो”ति च पाठो ।

३३३. न लाभतण्हा इध कामतण्हा, ज्ञानस्स नेसा परिहानि हेतु । बुद्धत्तसीलं पन पत्थयन्तो ज्ञानापि नट्ठोति । ननु पत्तभावना । मनोमयन्ति ज्ञानमनोमयं ।

३३४. सत्थारोति गणसत्थारो ।

३३९. पोत्थनिकन्ति छुरिकं ।

३४०. मनुस्सेति पुरिसे ।

३४१. एकरत्ताधिकारेन रक्खं पच्चासीसन्ता ईदिसाति दस्सनत्थं “पञ्चिमे”तिआदि वुत्तं । “पुब्बे रक्खस्सेत”न्ति वुत्तत्ता मय्हं पन रक्खणे किच्चं नत्थीति दस्सनत्थं वुत्तं । परूपक्कमेन तथागतं जीविता वोरोपेय्याति इदं आणत्तिया आगतत्ता एवं वुत्तं ।

३४२. मा आसदोति मा वधकचित्तेन उपगच्छ । इतोति इमम्हा जीवितम्हा । “यतोति यस्मा, यतोति वा गतस्सा”ति लिखितं । “पटिकुटितोति अपसक्कित्वा सङ्कुचितो हुत्वा वा पटिसक्कती”ति लिखितं ।

३४३. तिकभोजनन्ति तीहि भुज्जितब्बभोजनं । “तिकभोजनीय”न्तिपि पाठो । परिकप्पतो हि तिण्णं भुज्जितुं अनुजानामि, ततो उद्धं गणभोजनमेव होति, तस्सापि इदमेव वुत्तं । इध अपुब्बं नत्थि । “अकतविज्जत्तिलद्धं तिण्णं भुज्जन्तानं किञ्चापि तं गणभोजनं नाम न होति, विज्जत्तिवसेन पन न वट्ठती”ति लिखितं । तयो अत्थवसे पटिच्चाति एत्थापि “मा पापिच्छापक्खं निस्साय सङ्घं भिन्देय्यु”न्ति पेसलानं भिक्खूनं फासुविहारायाति योजेतब्बं । कुलानुद्वयताय चाति कुलानं पसादरक्खणत्थं । वज्जन्ति वज्जमेव । “वज्जमिमं फुसेय्या”ति लिखितं । “वज्जनीयं पुगलं फुसेय्या”ति वुत्तं । “इमस्स मनो न फुसेय्या”ति वत्तब्बम्पि सिया । चक्कभेदन्ति सासनभेदं । आयुकप्पन्ति एत्थ किञ्चापि अवीचिम्हि आयुपरिमाणं नत्थि, येन पन कम्मेन यत्तकं अनुभवितब्बं, तस्स आयुकप्पन्ति वेदितब्बं ।

३४५. “अज्जतरं आसनं गहेत्वा निसीदी”ति वचनतो विसभागट्ठानं गतस्स पेसलस्सपि भिक्खुनो तेसं आसने निसीदितुं वट्ठतीति सिद्धं । आगिलायतीति रुज्जति । आदेसनापाटिहारियानुसासनियाति तस्स तस्स चित्ताचारं आदिस्स आदिस्स देसना, आदेसनापाटिहारियानुसासनी । इद्धि एव पाटिहारियं इद्धिपाटिहारियं, इद्धिपाटिहारियसंयुत्ताय अनुसासनिया ओवदतीति अत्थो । ननु तं आवुसोति एत्थ तं वचनं ननु मया वुत्तोसीति अत्थो ।

३४६-९. सुविक्खालितन्ति सुधोतं । संखादित्वाति सुद्धु खादित्वा । “महिं विकुब्बतोति महाविसालो”ति लिखितं । तस्स भिसं घसमानस्स । तत्थ नदीसु जग्गतोति पालेन्तस्स । “किं? हत्थियूथं गन्तु”न्ति वदन्ति । “असंपातो”ति पाठो, अपत्तो हुत्वाति अत्थो”ति लिखितं । “अपायबहुत्ता पुन दस्सितो”ति वुत्तं । “एवंसतेति एवं अस्स ते आसवा”ति लिखितं ।

३५०. “वोसानं परिनिट्ठानं वा”ति च लिखितं । जातूति दळ्ढत्थे निपातो । मा उदपज्जथाति मा उप्पज्जेय्य । “सो पमादमनुयुज्जन्तो”ति पाठो । अनादरं कुसलेसु । उदधि महाति कित्तको महा? भेस्मा याव भयानको, ताव महाति वुत्तं होति ।

**३५१. न खो, उपालि, भिक्खुनी सङ्गं भिन्दतीति** एत्थ भिक्खु सङ्गं न भिन्दति, भिक्खुनी सङ्गं भिन्दतीति केचि, नेतं गहेतब्बं। केवलं “सङ्घो”ति वुत्ते भिक्खुसङ्घोव अधिप्पेतो। “सङ्घस्स देति, उभतोसङ्घस्स देति चा”ति (महाव० ३७९) मातिकावचनम्पि सार्धेति। तस्मिं अधम्मदिट्ठिभेदे धम्मदिट्ठि सिया। “सीलसतिभेदेसुपि समानो धम्मं कातुन्ति सङ्घभेदे वेमतिकोपि तादिसो वा”ति लिखितं। **विनिधायाति** अत्तनो वञ्चनाधिप्पायतं छादेत्वा।

सङ्घभेदकखन्धकवण्णना निट्ठिता।

## ८. वत्तखन्धकवण्णना

### आगन्तुकवत्तकथावण्णना

**३५७. एकस्मिं गामे अञ्जविहारतो आगतोपि आगन्तुकोव।** तत्थ केचि एवं वदन्ति “आवासिको कत्थचि गन्त्वा सचे आगतो, ‘तेनापि आगन्तुकभत्तं भुज्जितब्ब’न्ति वुत्तत्ता दूरागमनं वुत्तं होति, न गामे, तस्मा न युत्त”न्ति। ते वत्तब्बा “आगन्तुकभत्तं नाम गहट्ठेहि ठपितं। यस्मिं निबद्धं, ततो अञ्जगामतोति आपन्नं। तथा विहाराधिकारत्ता अञ्जविहारतो आगतोपि आगन्तुको वा”ति आचरियानं सन्निट्ठानं। **पानीयं पुच्छितब्बं, परिभोजनीयं पुच्छितब्बन्ति** उद्धरित्वा घटसरावादिगतं सन्धाय पठमं, दुतियं कूपतळाकादिगतन्ति आचरियो। दुतियवारे अत्तनो वसनट्ठानत्ता विसुं पुच्छितब्बमेव, तस्मा वुत्तं एतं “परिच्छिन्नभिक्खो वा गामो”ति। बहूसु पोत्थकेसु दुविधापि युज्जति।

### अनुमोदनवत्तकथावण्णना

**३६२-४. पञ्चमे अनुमोदनत्थाय निसिन्ने। “मनुस्सानं परिविसनट्ठानन्ति** यत्थ मनुस्सा सपुत्तदारा आवसित्वा देन्ती”ति लिखितं। इमस्मिं खन्धके आगन्तुकावासिकगमिकानुमोदनभत्तगपिण्डचारिकारञ्जकसेनासनजन्ताघरवच्चकुटिउपज्झाचरियसद्धिविहारिकन्तेवासिकवत्तानि **चुद्धस महावत्तानि** नाम। अग्गाहितग्गहणेन गणियमानानि **असीति खन्धकवत्तानि** नाम होन्ति।

वत्तखन्धकवण्णना निट्ठिता।

## ९. पातिमोक्खदुपनखन्धकवण्णना

### पातिमोक्खदुपनखन्धकवण्णना

**३८३-४. “नन्दिमुखी”ति लिखितं। आयतकेनेवाति** आदिमि एव। यन्ति यस्मा। सवन्तियो **महानदियो।** “महन्तभूतान”न्ति पाठो। **पत्ताति** पत्वा। “समूलिकाय ठपेति अकताया”ति ठपनकस्स सञ्जामूलवसेन वुत्तं। तं वत्थुं अविनिच्छिनित्वाव परिसा वुट्ठाति।

### अत्तादानअङ्गकथावण्णना

**३९८-९. “अत्तादानन्ति** सयं परेहि चोदितो अत्तानं सोधेतुं अनादियित्वा परेसं विप्पटिपत्तिं दिस्वा सासनं सोधेतुं अत्तना आदितब्ब”न्ति लिखितं। **वस्सारत्तोति** वस्सकालो। **सप्पटिमासोति** आकड्ढनयुत्तोति अधिप्पायो।

**४०१. उपदहातब्बोति** उप्पादेतब्बो, विप्पटिसारमुखेन धारेतब्बोति अधिप्पायो।

पातिमोक्खट्टपनक्खन्धकवण्णना निट्ठिता ।

## १०. भिक्खुनिक्खन्धकवण्णना

### महापजापतिगोतमीवत्थुकथावण्णना

४०२-३. सूनेहीति सुतेहि । “सेतट्टिका नाम रोगजाती”ति पाळि । “सेतट्टिका”ति अट्टकथा ।  
“पटिसम्भिदापत्तखीणासवग्गहणेन झानानिपि गहितानेव होन्ति । न हि निज्झानिकानं सब्बप्पकारा सम्पत्ति इज्झती”ति लिखितं ।

### भिक्खुनीउपसम्पदानुजाननकथावण्णना

४०४. यदग्गेन यं दिवसं आदिं कत्वा । तदेवाति तस्मिं एव दिवसे । “अनुजत्तिया”ति पाठो । “अनुपज्जत्तिया”ति न सुन्दरं ।

४०५. “पटिग्गहामि यावजीवं अनतिक्कमनीयो”ति वत्वा इदानीं किं कारणा वरं याचतीति चे? परूपवादविवज्जनत्थं ।  
दुब्बुद्धिनो हि केचि वदेय्युं “महापजापतिया पठमं सम्पटिच्छित्ता उभतोसङ्गस्स यथावुड्ढाभिवादनं न जातं । गोतमी चे वरं याचेय्य,  
भगवा अनुजानेय्या”ति ।

४०८. विमानेत्वाति अपरज्झित्वा ।

४१०-३. कम्मप्पत्तायोपीति कम्मरहापि । आपत्तिगामिनियोपीति आपत्तिं आपन्नायोपि । द्वे तित्थो भिक्खुनियोति द्वीहि  
तीहि भिक्खुनीहि । “मनोसिलिकाया”ति पाठो ।

४२०. “तेन च भिक्खु निमन्तेतब्बो”ति सामीचिवसेन वुत्तं ।

४२२-३. “अनुजानामि...पे०... तावकालिक”न्ति पुग्गलिकं सन्धाय वुत्तं, न सङ्घिकन्ति आचरियो । “अनुजानामि, भिक्खवे,  
उतुनिया कटिसुत्तक”न्ति वचनतो भिक्खुस्स विनिबन्धं कटिसुत्तकं न वट्ठति । पग्घरन्ती विसविणा । वेपुरिसिका मस्सुदाठी ।

४२५. तयो निस्सयेति रुक्खमूलज्झि सा न लभति ।

४२६. भत्तगो सचे दायका भिक्खुनिसङ्गस्स भुत्तवतो चतुपच्चये दातुकामा होन्ति, यथावुड्ढमेव ।

४२७. विकालेति याव विकाले होन्ति, ताव पवारेसुन्ति अत्थो । अज्जत्तनाति अज्जतना ।

४२८. अनुवादन्ति इस्सरियट्ठानं । इदं सब्बं “अज्जतगो ओवटो भिक्खुनीनं भिक्खूसु वचनपथो”ति पज्जत्तस्स गरुधम्मस्स  
वीतिक्कमआपत्तिपज्जापनत्थं वुत्तन्ति वेदितब्बं, अज्जथा येसं गरुधम्मानं पटिग्गहणेन भिक्खुनीनं उपसम्पदा अनुज्जाता, तेसं  
वीतिक्कमे अनुपसम्पन्नाव सियाति आसङ्गा भवेय्य ।

४२९. इत्थियुत्तेनाति इत्थीहि गावीआदीहि धुरट्ठाने युत्तेन । पुरिसन्तरेनाति पुरिसेन अन्तरिकेन । “पुरिसदुतियेना”ति  
लिखितं, पुरिससारथिनाति अधिप्पायो । “बाळहतरं अफासू”ति वचनतो गिलानाय वट्ठतिच्चेव सिद्धं, भगवन्तं आपुच्छित्वा  
अनुज्जातट्ठाने उपसम्पज्जिस्सामीति अधिप्पायो ।

४३०. सा केनचिदेव अन्तरायेनाति सब्बन्तरायसङ्गहनवचनं, तस्मा तं न अन्तरायं कित्तेत्वा, वुत्तन्तरायेन

“राजन्तरायेना”ति साधेतब्बन्ति आचरियो।

४३१-२. “नवकम्मन्ति कत्वा ‘एत्तकानि वस्सानि वसतू’ति अपलोकेत्वा सङ्घिकभूमिदान”न्ति लिखितं। “सागार”न्ति वुत्तत्ता अगारपटिसंयुत्तरहोनि सज्जसिक्खादिवज्जिताति केचि, युत्तमेतं। कस्मा? “सहागारसेय्यमत्तं ठपेत्वा”ति अट्टकथायं वुत्तत्ता। “अनुजानामि, भिक्खवे, पोसेतु”न्ति वचनतो पोसनयुत्तकम्मं सब्बं वट्ठति मातुया, न अज्जेसं। वसितुं चे न सक्कोति दुतियं विना, सम्मन्नित्वाव दातब्बा ताय इति नो मति। कित्तकं कालं? वसित्वा चे दुतिया गन्तुमिच्छति, अज्जं सम्मन्नितुं युत्ताव। सा विजाता लभेति आचरियो।

४३४. “इदं ओदिस्स अनुज्जातं वट्ठतीति एकतो वा उभतो वा अवस्सवे सतिपि वट्ठती”ति लिखितं। “केसच्छेदादिकं कम्मं अनुजानामि सादितुं”इच्चेव वुत्तत्ता वुत्तं “तदज्जे सादितु”न्ति। “केसच्छेदादिकं कम्मं अनुजानामि, भिक्खवे”ति अवत्त्वा एत्तकं यस्मा “सादितु”न्ति भासितं, तस्मा सा विचिकिच्छाय उभतोपि अवस्सवे अपि पाराजिकखेत्तेन सा पाराजिकं फुसति। इति अट्टकथास्वेतं सब्बासुपि विनिच्छितं। ओदिस्सकाभिलापो हि अज्जथा निब्बिसेसतो तं पमाणं। यदि तथा भिक्खुस्स कप्पति विचिकिच्छा।

कालमोदिस्स नं पदं, न सत्तोदिस्सकज्झि तं।  
अथ भिक्खुनिया एव, कालमोदिस्स भासितं॥

एवं पाराजिकापत्ति, सिथिलाव कता सिया।  
सब्बसो पिहितं द्वारं, सब्बपाराजिकस्मिन्ति॥

निरत्थकभावतो, उब्भजाणुमण्डले।  
तस्मा न सादियन्तीति, निदानवचनक्कमं॥

निस्साय सत्थुना वुत्तं, सादितुन्ति न अज्जथा।  
अत्तनो पण्हिसम्फस्सं, सादितुं येन वारितं॥

अपि पाराजिकखेत्ते, कथं द्वारं ददेय्य सो।  
तथापि बुद्धपुत्तानं, बुद्धभासितभासितं॥

वचनज्ज समानेन्तो, नो चेत्थ युत्तिकथा धीरा।  
केसच्छेदादिकम्मस्स, अवस्सं करणीयतो॥

चित्तस्स चातिलोलत्ता, गणस्स च अङ्गसम्पदा-  
भावा भिक्खुनीनं महेसिना, रक्खितुज्ज असङ्कत्ता।  
ननु मोदिस्सकं कतन्ति॥

भिक्खुनिक्खन्धकवण्णना निट्ठिता।

११. पञ्चसतिकक्खन्धकवण्णना

सङ्गीतिनिदानकथावण्णना

४३७. छिन्नपातन्ति भावनपुंसकं, तेनाकारेण पतन्तीति अत्थो। उपहुता च मयं होमाति अतीतत्थे वत्तमानवचनं, अहुम्हाति अत्थो। अथ वा तस्मिं सति होम। “पञ्च भिक्खुसतानी”ति गणनवसेन वत्त्वा “वस्सं वसन्ता”ति पुग्गलनिद्देशो कतो।

### खुद्दानुखुद्दकथावण्णना

४४३. “वस्सिकसाटिकं अक्कमित्वा”ति वचनतो भगवतो चतुत्थचीवरम्पि अत्थीति सिद्धं। तेनेवाह चीवरक्खन्धके “चतुत्थं चीवरं पारुपी”ति।

४४४. “अपिच यथेव मया”ति आदि सङ्गीतिया अग्गहणाधिप्पायवसेन वुत्तं, किन्तु सुसङ्गीता आवुसो थेरेहि धम्मो च विनयो च। अपिचाहं नाम तथेवाहं धारेस्सामीति यथेव मया भगवतो सम्मुखा सुतं सम्मुखा पटिग्गहितं, तथेव थेरेहि भगवता सयमेव एतदग्गं आरोपितेहि, तस्मा सुसङ्गहिता सङ्गीतीति वुत्तं होति।

### ब्रह्मदण्डकथावण्णना

४४५. “त्वंयेव आणापेही”ति एत्तकमेव वुत्तं, थेरा पन ब्रह्मदण्डं कत्वा वुत्तंयेव “छन्नस्सा”ति आदिमाहंसूति वेदितब्बं। एत्थ च आनन्दत्थेरो विय अज्जोपि सङ्घेन आणत्तो भिक्खु ब्रह्मदण्डकतेन भिक्खुना आलपितुं लभति, न अज्जो। उज्जवनिकायाति पटिसोतगामिनिया। आगमा नु खो इध आगमा नु ख्विध। आगमा खो इध, ते ओरोधा इध आगमा खो। “भिसिच्छवीति भिसिस्थविका”ति लिखितं। सब्बेविमेति सब्बमेव। कुलवं गमेन्तीति निरत्थकविनासं गमेन्ति। कुच्छित्तो लवो कुलवो, अनयविनासोति वुत्तं होति। इमाय खो पन “धम्मविनयसङ्गीतिया”ति वत्तब्बे विसेसेन विनयस्स सासनमूलभावदस्सनत्थं, तस्मिं ठिते सकलसासनठितिसिद्धिदीपनत्थञ्च “इदं वो कप्पति, इदं वो न कप्पती”ति वत्थुस्मिं आरद्धत्ता, इमिस्सा च परियत्तिया विनयपिटकत्ता “विनयसङ्गीतिया”ति इध वुत्तं।

पञ्चसतिकक्खन्धकवण्णना निद्धिता।

## १२. सत्तसतिकक्खन्धकवण्णना

### दसवत्थुकथावण्णना

४४६. निक्खित्तमणिसुवण्णाति सिक्खापदेनेव पटिक्खित्तमणिसुवण्णा। तत्थ मणिग्गहणेन सब्बं दुक्कटवत्थु, सुवण्णग्गहणेन सब्बं पाचित्तियवत्थु गहितं होति। भिक्खग्गेन भिक्खुगणनायाति वुत्तं होति।

४४७. महिकाति हिमं। पोसाति सत्ता। सरजाति सकिलेसरजा। मगाति मगसदिसा। तस्मिं तस्मिं विसये, भवे वा नेतीति नेत्ति, तण्हायेतं अधिवचनं, ताय सह वत्तन्तीति सनेत्तिका।

४५०-२. अहोगङ्गेति पब्बतस्स नामं। अनुमानेस्सामाति पज्जापेस्साम। आसुताति सज्जिता, “असुत्ता”ति वा पाठो, अनाविला अपक्का तरुणा।

४५३. उज्जविंसु पटिसोतेन गच्छिंसु।

४५५. अप्पेव नामाति साधु नाम। मूला दायका पेसलका। “कुल्लकविहारेनाति खुद्दकविहारेना”ति लिखितं। रूपावतारत्ता कुल्लकविहारो नाम। कथं पनेतं पज्जायति, येन सन्निधिकतं यावजीविकं यावकालिकेन तदहुपटिग्गहितेन सम्भिन्नरसं तदहुपटिग्गहितसङ्ख्यं आगन्त्वा सन्निधिकतामिससङ्ख्यमेव गच्छतीति? वुच्चते — “यावकालिकेन, भिक्खवे,

यावजीविकं तदहुपटिग्गहितं'न्ति वचनतो पुरेपटिग्गहितं यावजीविकं तदहुपटिग्गहितेनामिसेन चे सम्भिन्नं, पुरेपटिग्गहितसङ्ख्यमेव गच्छतीति सिद्धं । अज्जथा “सत्ताहकालिकेन, भिक्खवे, यावजीविकं पटिग्गहितं सत्ताहं कप्पती”ति (महाव० ३०५) वुत्तद्वाने विय इधापि “यावकालिकेन, भिक्खवे, यावजीविकं पटिग्गहितं काले कप्पती”ति वदेय्य, तज्चावुत्तं । तस्मा पुरेपटिग्गहितं तं आमिससम्भिन्नं आमिसगतिकमेवाति वेदितब्बं । **गण्ठपदे** पन “सन्निधिकारकं खादनीयं वा भोजनीयं वा”ति (पाचि० २५३) वुत्तं । व्यञ्जनमत्तं न गहेतब्बं ।

**४५७. इधाति** इमस्मिं पाठे । “काले कप्पति, विकाले न कप्पती”ति (महाव० ३०५) वुत्तवचनमत्तेन ‘विकाले कप्पती’ति विकालभोजनपाचित्तियं आवहं होतीति अत्थो, ‘**न कप्पती**’ति सन्निधिभोजनपाचित्तियं आवहं होतीति अत्थो, यदि सम्भिन्नरसं अज्जपटिग्गहितम्पि यावजीविकन्ति अत्थो’ति लिखितं । **सुत्तविभङ्गे**ति मातिकासङ्घाते सुत्ते च तस्स पदभाजनीयसङ्घाते विभङ्गे चाति अत्थो । इदं आगतमेव । कतरन्ति? “**अतिक्कामयतो छेदनकं**”न्ति इदं ।

तिविदत्थिपमाणज्जे, अदसं तं निसीदनं ।  
निसीदनं कथं होति, सदसं तज्हि लक्खणं ॥

तिविदत्थिपमाणं तं, दसा तत्थ विदत्थि चे ।  
तंनिसीदननामत्ता, तस्मिं छेदनकं सिया ॥

अनिसीदननामहि, कथं छेदनकं भवे ।  
इति चे नेव वत्तब्बं, निसीदनविदत्थितो ॥

कप्पते सदसामत्तं, निसीदनमिति कारणं ।  
कथं युज्जति नो चेतं, निसीदनस्स नामकं ॥

निसीदनन्ति वुत्तत्ता, पमाणसमतिक्कमा ।  
तस्सानुमतिहेतुत्ता, तत्थ छेदनकं भवे ॥

जातरूपकप्पे —

जातरूपं पटिक्खित्तं, पुग्गलस्सेव पाळियं ।  
न सङ्खस्साति सङ्खस्स, तज्जे कप्पति सब्बसो ॥

विकालभोजनज्चापि, पुग्गलस्सेव वारितं ।  
न सङ्खस्साति सङ्खस्स, कप्पतीति कथं समं ॥

सत्तसतिकक्खन्धकवण्णना निट्ठिता ।

चूळवग्गवण्णना निट्ठिता ।

॥ नमो तस्स भगवतो अरहतो सम्मासम्बुद्धस्स ॥

## परिवारवण्णना



## सोळसमहावारवण्णना

### पञ्जत्तिवारवण्णना

१-२. सीलसमाधिपञ्जाविमुत्तिविमुत्तिजाणदस्सनसङ्घातस्स **धम्मकखन्धसरीरस्स** सासनेति अत्थो। परिवारोति सङ्गहं यो समारुळ्हो, **तस्स** परिवारस्स। विनयभूता पञ्जत्ति **विनयपञ्जत्ति**। “पञ्जत्तिकालं जानता”ति दुक्कनयवसेन वत्त्वा पुन सुत्तन्तनयेन वत्तुं “**अपिच पुब्बेनिवासादीही**”ति वुत्तं। तत्थ **पस्सनं** नाम दस्सनत्ता दिब्बचक्खुना योजितं पटिवेधजाणदस्सनं। **देसनापञ्जाय पस्सताति** आसयानुसयादिके। **पुच्छायाति** सत्तमी। **पुनपि एत्थाति** पुच्छाविस्सज्जने। **मिच्छादिट्ठीति** नत्थिकदिट्ठि अन्तग्गाहिकदिट्ठि। “आजीवहेतु पञ्जत्तानी”ति वचनतो इमानि छ सिक्खापदानि ठपेत्वा सेसा आचारविपत्ति नामाति वेदितब्बं। **कायेन पन आपत्तिं आपज्जतीति** एत्थ “पुब्बभागे सेवनचित्तमङ्गं कत्वा कायद्वारसङ्घातं विज्जत्तिं जनयित्वा पवत्तचित्तुप्पादसङ्घातं आपत्तिं आपज्जति, किञ्चापि चित्तेन समुट्ठापिता विज्जत्ति, तथापि चित्तेन अधिप्पेतस्स अत्थस्स विज्जत्तिया साधितत्ता ‘कायद्वारेन आपज्जती’ति वुत्त”न्ति इममत्थं सन्धाय वुत्तं, न भण्डनादित्तयवूपसमं। **आपाणकोटिकन्ति** जीवितपरियन्तं कत्वा। **पोराणकेहि महाथेरेहीति** सीहळदीपे महाथेरेहि पोत्थकं आरोपितकाले ठपिताति अत्थो। “चतुत्थसङ्गीतिसदिसा पोत्थकारुळ्हसङ्गीति अहोसी”ति वुत्तं।

महाविभङ्गे पञ्जत्तिवारवण्णना निट्ठिता।

### कतापत्तिवारादिवण्णना

१६६. कतापत्तिवारे “सङ्घिकं मज्जं वा”तिआदि अज्झोकासत्ता विहारब्भन्तरेपि आपज्जनतो लेडुपातातिक्कमवसेन वुत्तं। दुत्तिये **सेय्यं सन्थरित्वा**ति अब्भन्तरे सन्थरितभावतो विहारतो बहिगमनेपि तंदिवसानागमे आपज्जनतो “परिक्खेपं अतिक्कामेती”ति वुत्तं।

१७१. **सज्जिच्च पाणं जीविता वोरोपेन्तो चतस्सो आपत्तियोति** एत्थ किञ्चापि तस्मिं सिक्खापदे तिरच्छानगतपाणोव अधिप्पेतो, अथ खो पाणोति वोहारसामज्जतो अत्थुद्धारवसेन “चतस्सो”ति वुत्तं। एस नयो अज्जेसुपि एवरूपेसु ठानेसु।

१७३. विकाले गामप्पवेसने “पठमं पादं परिक्खेपं अतिक्कामेति, आपत्ति दुक्कटस्सा”ति वुत्तत्ता उपचारे नापज्जति, परिक्खेपं अतिक्कमित्वाव आपज्जतीति सिद्धमेवा”ति वदन्ति।

१९३. पच्चयवारे पुरिमवारतो विसेसो अत्थियेव, “मेथुनं धम्मं पटिसेवन्तो कति आपत्तियो आपज्जती”ति वुत्ते जतुमट्ठकस्सोकासो न जातो, इध पन “मेथुनं धम्मं पटिसेवनपच्चया”ति वुत्ते पुग्गलनिद्वेसाभावा जतुमट्ठकज्च पविट्ठं, एवं विसेसो अत्थि। तथा एवरूपेसु ठानेसु।

महाविभङ्गे च भिक्खुनिविभङ्गे सोळसमहावारवण्णना निट्ठिता।

### समुट्ठानसीसवण्णना

२५७. **अनत्ताति** अत्तविरहिता “अलवणभोजन”न्तिआदीसु विय। करुणासीतलभावेन चन्दसदिसो। किलेसतिमिरप्पहानतो **आदिच्चो**। यस्मा ते देसयन्ति, तस्मा **अङ्गीरसोपि**। **पिटके तीणि देसयि** तेसं अज्जतरत्ताति अत्थो। विनयो यदि तिट्ठति, एवं पटिपत्तिसद्धम्मादि **नीयति** पवत्ततीति अत्थो। अयं पन कथं तिट्ठतीति? आह “**उभतो चा**”तिआदि। परिवारेन गन्थिता तिट्ठन्तीति अत्थो। तस्सेव परिवारस्स सुत्ते। नियतसमुट्ठानं कतं, वुत्तन्ति अधिप्पायो। **असम्भिन्नसमुट्ठानानि** असङ्करसमुट्ठानानि, अज्जेहि

असदिससमुद्धानानीति अत्थो । यस्मा परिवारे सति विनयो तिष्ठति, विनये सति सद्धम्मो तिष्ठति, यस्मा समुद्धानानि च सुत्ते दिस्सन्ति, तस्मा सिक्खेति अत्थो । “**धम्मकामो सुपेसलो**”ति परिवारे गारवजननत्थं वुत्तं । **तत्था**ति “दिस्सन्ती”ति तत्थ । “**एकेन समुद्धानेन समुद्धाती**ति पठमपाराजिकं एकेन समुद्धानेन समुद्धाती”ति वुत्तं । **पाळियज्झि** निद्धिद्वसमुद्धानञ्च दिस्सति । “तस्सेव परिवारस्स, समुद्धानं नियतो कत”न्ति वुत्तं पुरिमनयेति अत्थो । **यथाजायन्ति** यथाभूतं । “सञ्चरित्ताभासनञ्चा”ति पाठो । “सञ्चरित्तानुभासनञ्चा”तिपि अत्थि । **नयवज्जेहि** विनयवज्जेहीति अत्थो ।

### पठमपाराजिकसमुद्धानवण्णना

**२५८. नानुबन्धे पवत्तिनिन्ति** “या पन भिक्खुनी वुत्थापितं पवत्तिनिं द्वे वस्सानि नानुबन्धेय्या”ति वुत्तसिक्खापदञ्च । अयं पाठो एकच्चेसु पोत्थकेसु न दिस्सति । **छसत्तति** पठमपाराजिकसमुद्धाना ।

### दुतियपाराजिकसमुद्धानवण्णना

**२५९. “कुक्कुच्चं चीवरं दत्त्वा**ति कुक्कुच्चुप्पादनञ्च धम्मिकानं कम्मानं छन्दं दत्त्वा खीयनञ्च चीवरं दत्त्वा खीयनञ्चा”ति पाठो । “**दत्त्वा**”ति उप्पटिपाटिया वुत्तं, तस्मा “कुक्कुच्चं धम्मिकं दत्त्वाति पाठो सुन्दरो”ति वदन्ति, विचारेत्वा गहेतब्बं ।

**२६९. अकतन्ति** अभिनवं ।

### अन्तरपेय्यालं

### कतिपुच्छावारवण्णना

**२७१. पटिनिद्देसन्ति** पुनप्पुनं निद्दिसनं । आपत्तिक्खन्धेहि **विनीतानि** संवरानीति अत्थो । **एतेहि** आपत्तिक्खन्धेहि । “**आरका**”ति निवत्तिअत्थेन वुत्तत्ता तं पुन सरूपेन वत्तुकामो “**भुसा वा**”ति आह । “गेहं धूमेन पुण्णं आधूमित”न्तिआदीसु विय रागादिवेरं मणति विनासेति । **एतायाति विरतिया** । वेल चलने । **निय्यानं** मग्गं सिनोति बन्धतीति सेतु । “**सेतुघातो**ति वीतिक्कमपटिपक्खभूता विरति, तदत्थनिब्बत्तिकरचित्तुप्पादो वा”ति वुत्तं । “**धम्मस्सवनगन्ति** धम्मं सुणन्तानं समूह”न्ति लिखितं । सचे न गच्छति, विक्खित्तो वा निसीदति । **कायप्पागब्भियं** कायदुच्चरितं । “पमादे”ति वत्त्वा तदत्थं दस्सेतुं “**सतिविप्पवासे**”ति वुत्तं ।

**२७२-३. सपरसन्ताने वाति** ससन्ताने वा परसन्ताने वा । **तथा विवदन्ता पनाति** भेदकरवत्थूनि निस्साय विवदन्ता । **उभयेहिपीति** थेरनवेहि । नन्ति मेत्तं कायकम्मं । येसं पुग्गलानं पियं करोति, तेसं **मेत्ताकायकम्मसङ्घातो धम्मो** । **एत्तकन्ति** आमिसविभत्तिदस्सनं । **असुकस्स चाति** पुग्गलविभत्तिदस्सनं । “दुस्सीलस्स अदातुम्पि वट्टी”ति वुत्तत्ता एव अलज्जिपरिभोगो वारितो । **सब्बेसं दातब्बमेवाति** सन्निद्धानेन अजानन्तेन विभागं अकत्वा दातब्बभावं दीपेतीति एके । “सब्बेसं दातब्बमेवा”ति वुत्तं **अट्टकथासु** । तत्थ “अलज्जिउक्खित्तकानं परिभोगसीसेन सहत्था न दातब्बं, दापेतब्बन्ति अपरे”ति वुत्तं । विचिनित्वा दानं **विचेय्य दानं** । यस्मा अयं विसेसो कातब्बोयेवाति अयं करोति, तस्मा पुग्गलविभागो न कतोति सम्बन्धो । पकतिवण्णेन **विसभागवण्णेन** । “इदं नाम आपन्नो”ति परेहि अपरामसितब्बतो **अपरामद्धानि** । अनुलोमेहि गहितसङ्खारारम्मणेहि निब्बानारम्मणं कत्वा **निय्याति** ।

### छआपत्तिसमुद्धानवारादिवण्णना

**२७६. “पठमेन आपत्तिसमुद्धानेन दुब्भासितं आपज्जेय्याति न हीति वत्तब्ब”**न्ति वुत्तं वाचाचित्तवसेनेवापज्जितब्बतो ।

**२७७. कुटिं करोतीति** एत्थ सञ्चरित्तमवत्त्वा दुक्कटथुल्लच्चयसङ्खादिसेसानं एकस्मिं वत्थुस्मिं पटिपाटिया

उपपत्तिदस्सनत्थमिदं वुत्तं । न हि सञ्जरित्ते एव आपज्जति । “इमिना पन नयेन सब्बत्थ पटिपाटिया अग्गहणे कारणं वेदितब्ब”न्ति वुत्तं ।

२८३. विवेकदस्सिनाति तदङ्गविवेकादिपञ्चविधविवेकदस्सिना ।

२८४. अत्तनो दुडुल्लन्ति सङ्गादिसेसं ।

२८८. विवादाधिकरणपच्चयाति अज्जेहि, अत्तना वा पुब्बभागे आपन्नपच्चयाति अत्थो । ओमसतीति “अयं धम्मो, अयं विनयो”ति विवदन्तो “त्वं किं जानासी”तिआदिना ओमसति । तीहि समथेहि सम्मुखाविनयपटिज्जातकरणतिणवत्थारकेहि । “सम्मुखाविनयज्चेत्थ सब्बत्थ इच्छितब्बतो ‘सम्मुखाविनयेन चेव पटिज्जातकरणेन चा’तिआदिना द्वीहिपि योजितं । एस नयो सब्बत्था”ति वुत्तं ।

२९१. ठपेत्वा सत्त आपत्तियोति एत्थ “किञ्चापि अवसेसा नत्थि, तथापि पटिपाटिया पाटवजननत्थं पुच्छा कता”ति वुत्तं ।

अन्तरपेय्यालं निड्डितं ।

समथभेदवण्णना

अधिकरणपरियायवारादिवण्णना

२९३-४. लोभकारणा विवादन्तो “लोभो पुब्बङ्गमो”ति वुत्तं । एवं सेसेसु । ठानानीतिआदीनि कारणवेवचनानि । कारणज्झि तिड्डन्ति एत्थाति ठानं, वसन्ति एत्थाति वत्थु, भवन्ति एत्थाति भूमीति वुच्चति । के तिड्डन्ति वसन्ति भवन्ति चाति? विवादाधिकरणादयो । कुसलाकुसलाव्याकतचित्तो हुत्वा विवदन्तो “नव हेतू”ति वुत्तं । कोधनो होति उपनाहीतिआदीनि द्वादस मूलानि । अक्कोसन्तेन हि चतूसु विपत्तीसु एकेन अनुवदन्तो “चतस्सो विपत्तियो ठानानी”ति वुत्तं । चुद्दस मूलानीति विवादाधिकरणे वुत्ता द्वादस, कायो, वाचा च ।

२९५-६. सत्त आपत्तिक्खन्धा ठानानीति एत्थ “आपत्तिं आपज्जित्वा पटिच्छादेन्तस्स या आपत्ति होति, तस्सा आपत्तिया पुब्बे आपन्ना आपत्ति ठानं होती”ति वुत्तं । “नत्थि आपत्ताधिकरणं कुसलन्ति वचनतो नत्थि आपत्ताधिकरणस्स कुसलहेतु, कुसलचित्तं पन अङ्गं होती”ति लिखितं । चत्तारि कम्मानि ठानानीति एत्थ “एवं कत्तब्बन्ति ठितपाळि कम्मं नाम । ‘यथाठितपाळिवसेन करोन्तानं किरिया किच्चाधिकरणं नामा’”ति वुत्तं, “पाळिअनुसारेण पटिकातब्बलक्खणं वा कम्मं । तथेव करणं किच्चाधिकरण”न्ति च । जत्तिजत्तिदुतियजत्तिचतुत्थकम्मानि जत्तितो जायन्ति, अपलोकनकम्मं अपलोकनतो, “किच्चाधिकरणं एकेन समथेन सम्मति सम्पज्जतीति अत्थो”ति लिखितं । सियुन्ति होन्ति । कथञ्च सियाति कथं होति । विवादाधिकरणस्स द्वेति ते द्वे ठपेत्वा अज्जेहि न सम्मति ।

२९७. साधारणाति तं समेतब्बा ।

२९८. तब्भागियाति तंकोट्टासा ।

२९९. एकाधिकरणं सब्बे समथा समग्गा हुत्वा समेतुं भब्बाति पुच्छन्तो “समथा समथस्स साधारणा”ति आह । समथा समथस्सा सिया साधारणा सिया असाधारणा ।

३००. समथा समथस्स तब्भागियवारेपि एसेव नयो ।

३०१. इमे समथा समथा, न सम्मुखाविनयोति अत्थो ।

३०२. “समथा विनयो”तिपि वुच्चति, तस्मा विनयो सम्मुखाविनयोति विनयवारो उद्धटो सिया । न सम्मुखाविनयोति सम्मुखाविनयं ठपेत्वा सतिविनयादयो सेससमथा ।

३०३. सङ्खस्स सम्मुखा पटिज्जाते तं पटिजाननं सङ्खस्स सम्मुखता नाम होतीति “तस्स पटिजाननचित्तं सन्धाय ‘सम्मुखाविनयो कुसलो’तिआदि वुत्त”न्ति वदन्ति । नत्थि सम्मुखाविनयो अकुसलोति “धम्मविनयपुग्गलसम्मुखताहि तिवङ्गिको सम्मुखाविनयो एतेहि विना नत्थि । तत्थ कुसलचित्तेहि करणकाले कुसलो, अरहन्तानं करणकाले अब्याकतो, एतेसं अकुसलपटिपक्खत्ता अकुसलस्स सम्भवो नत्थि, तस्मा ‘नत्थि सम्मुखाविनयो अकुसलो’ति वुत्त”न्ति लिखितं । “येभुय्यसिका अधम्मवादीहि वूपसमनकाले सलाकग्गाहापके धम्मवादिहि कुसला, धम्मवादीनम्पि अधम्मवादिहि सलाकग्गाहापके जाते अकुसला, सब्बत्थ अरहतो वसेनेव अब्याकतता, अनरहतो सज्जिच्च सतिविनयदाने सतिविनयो अकुसलो, अमूळहविनयो अनुम्मत्तकस्स दाने, पटिज्जातकरणं मूळहस्स अजाननतो पटिज्जायकरणे, तस्सपापियसिका सुद्धस्स करणे, तिणवत्थारकं महाकलहे, सज्जिच्च करणे च अकुसल”न्ति लिखितं ।

### यत्थवारपुच्छावारवण्णना

३०४. लब्भतीति पुच्छा ।

### समथवारविस्सज्जनावारवण्णना

३०५. यस्मिं समये सम्मुखाविनयेन चातिआदि तस्सा विस्सज्जनं । यस्मिं समये सम्मुखाविनयेन च येभुय्यसिकाय च अधिकरणं वूपसम्मति, तस्मिं समये यत्थ येभुय्यसिका लब्भति, तत्थ सम्मुखाविनयो लब्भतीति एवं सब्बत्थ सम्बन्धो । यत्थ पटिज्जातकरणं लब्भति, तत्थ सम्मुखाविनयो लब्भतीति एत्थ एकं वा द्वे वा बहू वा आपत्तियो आपन्नो भिक्खु “इमं नाम आपत्तिं आपन्नोसी”ति पुच्छितो “आमा”ति आपत्तिं पटिजानाति, द्वेपि लब्भन्ति । तत्थ सङ्खसम्मुखता धम्मविनयपुग्गलसम्मुखताति एवं वुत्तसम्मुखाविनये सङ्खस्स पुरतो पटिज्जातं कतं चे, सङ्खसम्मुखता । तत्थेव देसितं चे, धम्मविनयसम्मुखतायोपि लब्धा होन्ति । अविवदन्ता अज्जमज्जं पटिजानन्ति चे, पुग्गलसम्मुखता । तस्सेव सन्तिके देसितं चे, धम्मविनयसम्मुखतायोपि लब्धा होन्ति । एकस्सेव वा एकस्स सन्तिके आपत्तिदेसनकाले “पस्ससि, पस्सामी”ति वुत्ते तत्थ धम्मविनयपुग्गलसम्मुखतासज्जितो सम्मुखाविनयो च पटिज्जातकरणञ्च लब्धं होति ।

### संसद्वारादिवण्णना

३०६. अधिकरणानं वूपसमोव समथो नाम, सो अधिकरणं विना नत्थि, तस्मा न च लब्भा विनिभुज्जित्वा नानाकरणं कातुं ।

३०९-३१०. समथा समथेहि सम्मन्तीति एत्थ सम्मन्तीति सम्पज्जन्ति । अधिकरणा वा पन सम्मन्ति वूपसम्मन्तीति अत्थो, तस्मा “येभुय्यसिका सम्मुखाविनयेन सम्मती”ति इमाय सम्मुखाविनयेन सद्धिं सम्पज्जति, न सतिविनयादीहि तेसं तस्सा अनुपकारत्ताति अत्थो । समथा अधिकरणेहि सम्मन्तीति एत्थ समथा अभावं गच्छन्तीति अत्थो ।

३११. “सम्मुखाविनयो विवादाधिकरणेन न सम्मती”ति पाठो । येभुय्यसिकाय समानभावतो च अवसाने “सम्मुखाविनयो न केनचि सम्मती”ति (परि० ३१३) वुत्तत्ता च सम्मुखाविनयो सयं समथेन वा अधिकरणेन वा समेतब्बो न होतीति कत्वा वुत्तो । सतिविनयो किच्चाधिकरणेन सम्मति । अमूळहविनयतस्सपापियसिकतिणवत्थारकापि किच्चाधिकरणेन सम्मन्ति ।

**३१३. विवादाधिकरणं किच्चाधिकरणेन सम्मतीति** “सुणातु मे, भन्ते... पे०... पठमं सलाकं निक्खिपामी”ति एवं विवादाधिकरणं किच्चाधिकरणेन सम्मति । अनुवादाधिकरण आपत्ताधिकरणापि किच्चाधिकरणेन सम्मन्ति । “अकतं कम्मं दुक्कटं कम्म”न्ति एवं किच्चाधिकरणमपि किच्चाधिकरणेन सम्मतीति एवं पाठो वेदितव्यो”ति लिखितं । अञ्जतरस्मिं पन गण्ठपदे “समथा अधिकरणेहि सम्मन्ती”ति एत्थ यस्मा सब्बे समथा किच्चाधिकरणेन सम्मन्ति, तस्मा ‘समथा किच्चाधिकरणेन सम्मन्ती’ति पाठो गहेतव्यो”ति वुत्तं ।

**३१४. विवादाधिकरणं कतमं अधिकरणं समुट्ठापेतीति** “नायं धम्मो”ति वुत्तमत्तेन किञ्चि अधिकरणं न समुट्ठापेति ।

**३१८-९.** “कतमाधिकरणपरियापन्न”न्ति पाठो । **विवादाधिकरणं विवादाधिकरणं भजतीति** पठमुपपन्नविवादं पच्छा उपपन्नो भजति । **विवादाधिकरणं द्वे समथे भजतीति** “इमं वूपसमेतुं समथा तुम्हे”ति वदन्तं विय भजति “मयं तं वूपसमेस्सामा”ति वदन्तेहि विय द्वीहि समथेहि सङ्गहितं ।

समथभेदवण्णना निट्ठिता ।

**खन्धकपुच्छावारवण्णना**

**पुच्छाविस्सज्जनावण्णना**

**३२०. निदानं** नाम कालञ्च नगरञ्च देसो च भगवा च । वत्थुपुग्गलादि **निद्देसो** । यानि **तत्थ** उपसम्पदकखन्धके “न, भिक्खवे, ऊनवीसतिवस्सो पुग्गलो उपसम्पादेतव्वो”ति आदिना नयेन उत्तमानि पदानि वुत्तानीति सम्बन्धो । **सा सा तस्स तस्स पदस्स आपत्तीति वुच्चतीति** या “न, भिक्खवे, ऊनवीसतिवस्सो पुग्गलो उपसम्पादेतव्वो”ति पदेन पञ्जत्ता आपत्ति, सा तस्स पदस्साति अधिप्पायो । **चम्मसंयुत्तेति** चम्मकखन्धके ।

**एकुत्तरिकनयवण्णना**

**एककवारवण्णना**

**३२१. एकुत्तरिकनये आपत्ति जानितव्वीति** एत्थ **आपत्ति** नाम किं परमत्थसभावा, उदाहु न वत्तव्वसभावाति? न वत्तव्वसभावा । वुत्तज्झि **परिवारे** “वत्थु जानितव्वं, गोत्तं जानितव्वं, नामं जानितव्वं, आपत्ति जानितव्वी”ति एतेसं पदानं **विभङ्गे** “मेथुनधम्मोति वत्थु च गोत्तञ्च । पाराजिकन्ति नामञ्चेव आपत्ति चा”ति । नामञ्च गोत्तञ्च “नामगोत्तं न जीरती”ति (सं० नि० १.७६) वचनतो सम्मुतिमत्तं, तस्मा “कुसलत्तिकविनिमुत्ता न वत्तव्वधम्मभूता एकच्चा सम्मुति एवा”ति वुत्तं । यं पन वुत्तं **समथकखन्धके** “आपत्ताधिकरणं सिया अकुसलं, सिया अब्याकत”न्ति (चूळव० २२२), तं “विवादाधिकरणं सिया कुसलं, सिया अकुसलं, सिया अब्याकत”न्ति (चूळव० २२०) एत्थ विय परियायतो वुत्तं । अत्थतो हि विवादो नाम एकच्चो सम्मुतिविसेसो । यो चित्तसमङ्गिनो, सो “तं चित्तपरियायेन पन सिया कुसल”न्ति आदि वोहारलद्धो, तथा आपत्ताधिकरणम्पीति दट्ठव्वं । तेनेव वुत्तं **अट्ठकथायं** “आपत्तिं आपज्जमानो हि अकुसलचित्तो वा आपज्जति कुसलाव्याकतचित्तो वा”ति (कङ्खा० अट्ठ० पठमपाराजिकवण्णना) । अञ्जथा समथेहि अधिकरणीयता न सम्भवति । न हि समथा कुसलादिं अकुसलादिं वा अधिकिच्चपवत्तन्ति, समथवसेन वा कुसलादि सम्मति । न च कुसलस्स विवादस्स, अनुवादस्स वा कुसलादिसमथेहि वूपसमेतव्वता आपज्जतीति तेसं अधिकरणमत्तमेव न सम्भवेय्य, तस्मा अधिकरणानं, समथानञ्च कुसलादिभावो परियायदेसनाय लब्धति, नो अञ्जथा, तेनेव सम्मुखाविनये विय आपत्ताधिकरणे तिकं न पूरितं । सञ्चिच्च आपत्तिं आपज्जमानस्स यस्मा सञ्चेतना एकन्ततो अकुसलाव होति । इतरस्स सचित्तकस्स वा अचित्तकस्स वा तदाभावमत्तं उपादाय “अव्याकत”न्ति वुत्तं । यथा हि “तिक्खत्तुं चोदयमानो तं चीवरं अभिनिप्फादेय्य, इच्चेतं कुसल”न्ति आदीसु (पारा० ५३८) न कुसलसद्दो सुखविपाको,

“सम्परायिकानं अकुसलानं धम्मानं पटिघाताया”ति आदीसु (परि० ४९८) न अकुसला वा होति । इतरस्स सचित्तकस्स वा अचित्तकस्स वा तदाभावमत्तं उपादाय “अब्याकत”न्ति वुत्तं । यथा हि द्विखत्तुं चोदयमानो तं चीवरं अभिनिष्पादेय्य, यं पनेत्थ “आपत्ताधिकरणं अकुसल”न्ति वुत्तं, तस्स वसेन तदकुसलतो सत्त विनीतवत्थूनि वेदितब्बानि, ततो चीवरन्ति सम्भवतो अचीवरका, अन्तरापत्तिका च । अनन्तरिकलक्खणप्पत्तस्स वसेन नियता च नामाति वेदितब्बं । सम्मुतिनिद्वेसे गरुकलहुकनिद्वेसोपि सम्भवति । अञ्जथा “अनन्तरायिका पण्णत्तिवज्जा, अनवज्जापण्णत्ती”ति च वुत्ता । कुटिकारमहल्लकापत्ति अन्तरायिका लोकवज्जसावज्जपण्णत्तितो । सम्पजानमुसावादो ओमसवादादितो गरुकादि न सम्भवेय्य, ततो वा अयं लहुकादीति इदं सब्बं एकच्चानं आचरियानं मतं, “सब्बं अयुत्त”न्ति वदन्ति । कस्मा? यस्मा “पाराजिकन्ति नामञ्चेव आपत्तिचा”ति वचनेन चे आपत्ति न वत्तब्बधम्मो सिया, वत्थु च न वत्तब्बधम्मो सिया गोत्तेन समानाधिकरणभावेन वुत्तत्ता, तस्मा “मेथुनधम्मो”ति पदं अज्झाचारसङ्घातं वत्थुञ्च दीपेति । अज्झाचारवसेनेव आपत्तिया लद्धनामं असाधारणनामत्ता “गोत्त”न्ति च वुच्चतीति अयं तत्थ अत्थो ।

“आपत्ताधिकरणस्स किं पुब्बङ्गमन्ति? लोभो पुब्बङ्गमो, दोसो, मोहो, अलोभो, अदोसो, अमोहो पुब्बङ्गमो”ति “कति हेतूति? छ हेतू तयो अकुसलहेतू, तयो अब्याकतहेतू”ति च वुत्तत्ता निष्परियायेनेव “आपत्ताधिकरणं सिया अकुसलं, सिया अब्याकत”न्ति वुत्तं । **समथक्खन्धके** पन सन्धायभासितवसेन तथा एव वुत्तं । तस्मा आपत्ताधिकरणं सभावतो निष्परियायेनेव अकुसला चत्तारो खन्धा, रूपअब्याकता च होन्ति । “नत्थि आपत्ताधिकरणं कुसल”न्ति (चूळव० २२२) वुत्तत्ता कुसलमेव पटिक्खित्तं, खीणासवानं किरियाब्याकतं नाम होतीति कुसले पटिक्खित्ते किरियाब्याकतम्पि पटिक्खित्तमेव होति । तस्मिं पटिक्खित्ते सब्बथा अवावटं विपाकाब्याकतं पटिक्खित्तमेव होति । निब्बानाब्याकते वत्तब्बमेव नत्थीति एके, तं अयुत्तं “छ हेतुयो”ति वुत्तत्ता । किञ्चापि वुत्तं सामञ्जेन, तथापि विपाकहेतुयेव तत्थ अधिप्पेतो, न किरियाहेतु, ते हि कुसलसभावा च, तस्मा रूपं, विपाकाब्याकतञ्चापत्ति । तत्थ अकुसलापत्तितो विनीतवत्थूनि । इतरस्सापि आदितो छादना कुसलचित्ततोति वुत्तं होति । अन्तरायिकनियतसावज्जपञ्चत्तिभावोपि चस्सा वेवचनवसेन वेदितब्बो पण्णत्तिवज्जाय, सज्जिच्च आपन्नाय च, तस्मा “जीवित्तिन्द्रियं सिया सारम्मणं सिया अनारम्मण”न्ति वचनं विय एकन्ताकुसलं अनेकन्ताकुसलञ्च लोकवज्जं, एकन्ताब्याकतं भूतारोचनं अनेकन्ताब्याकतञ्च सेसं पण्णत्तिवज्जं एकतो सम्पिण्डेत्वा “आपत्ताधिकरणं सिया अकुसलं सियाब्याकत”न्ति वुत्तं । **समथक्खन्धके** पन पण्णत्तिवज्जमेव सन्धाय तथा वुत्तं । वुत्तत्तेतं **अट्ठकथायं, गण्ठपदे च** “आपत्ताधिकरणं सिया अकुसलं, सिया अब्याकतं, नत्थि आपत्ताधिकरणं कुसल”न्ति एत्थ सन्धायभासितवसेन अत्थो वेदितब्बो । यस्मिञ्हि पथविखणनादिके आपत्ताधिकरणे अपकतञ्जुनो सन्धाय अप्पहरितकरणादिकाले कुसलचित्तं अङ्गं होति, खणनादिपयोगसङ्घातं रूपाब्याकतं आपत्तिसमुद्वापेत्तं होतीति अधिप्पायो”ति । यं सन्धाय वुत्तं “**अत्थापत्ति कुसलचित्तो आपज्जति, कुसलचित्तो वुट्ठाती**”ति आदि । तस्मिञ्हि सति न सक्का वत्तुं “नत्थि आपत्ताधिकरणं कुसल”न्ति । यस्मा आपत्तिसमुद्वापकं चित्तं सन्धाय वुत्तं न होति, तस्मा न यिदं अङ्गप्पहोनेकचित्तं सन्धाय वुत्तं । यदि तं सन्धाय वुत्तं, “सिया कुसल”न्ति च वत्तब्बं भवेय्य, न च वुत्तं । तस्मा इदं पन सन्धाय वुत्तं — यं ताव आपत्ताधिकरणं लोकवज्जं, तं एकन्ततो अकुसलमेव, तत्थ “सिया अकुसल”न्ति विकप्पो नत्थि । यं पन पण्णत्तिवज्जं, तं यस्मा सज्जिच्च “इमं आपत्तिं वीतिक्कमामी”ति वीतिक्कमन्तस्सेव अकुसलं होति, असज्जिच्च पन किञ्चि अजानन्तस्स सहसेय्यादिवसेन आपज्जतो रूपविपाकं अब्याकतं होति अनुद्धानतो । तस्मा तस्स पण्णत्तिवज्जस्स सज्जिच्चासज्जिच्चवसेन इमं विकप्पभावं सन्धाय इदं वुत्तं “आपत्ताधिकरणं सिया अकुसलं, सिया अब्याकतं, नत्थि आपत्ताधिकरणं कुसल”न्ति ।

सचे पन कोचि विनये अपकतञ्जू “यं कुसलचित्तो आपज्जति, इदं वुच्चति आपत्ताधिकरणं कुसल”न्ति वदेय्य, तस्सेवादिनो अचित्तकानं एळकलोमादिसमुद्धानानम्पि कुसलचित्तसमङ्गिकाले तासं आपत्तीनं कुसलचित्तो आपज्जेय्य, न वा आपज्जति । किं कारणं? न च तत्थ विज्जमानम्पि कुसलचित्तं आपत्तिया अङ्गं । अत्तभावो सभावो पकतीति वुत्तं होति । कतरं पन तस्सा आपत्तिया तदा अङ्गसभावोति? वुच्चते — कायवचीविज्जत्तिवसेन पन चलितस्स कायस्स, पवत्ताय वाचाय चाति एतेसं द्विन्नं चलितप्पवत्तानं कायवाचानं अञ्जतरमेव अङ्गसभावो, तज्ज रूपक्खन्धपरियापन्नता अब्याकतन्ति । किं वुत्तं होति? कायो, वाचा च तदा आपत्ताधिकरणन्ति वुत्तं होति । या पनेत्थ अकुसलापत्तिक्खणे कायवाचायो अब्याकतभावो, ता अब्बोहारिका होन्ति

कायवचीकम्मकाले मनोकम्मं विय । तदा हि कायवाचायो आपत्तिकरादिद्वाने तिद्वन्ति । यं सन्धाय वुत्तं “आपत्तिकरा धम्मा जानितब्बा । कति मूलानीति छ आपत्तिसमुद्धानानि मूलानी”तिआदि । यदा पन कायवाचायो आपत्तिया अङ्गमेव होन्ति, तदा “चित्तं चित्ताधिपतेय्य”न्ति (ध० स० अट्ठ० १ कामावचरकुसलवण्णना) वचनं विय पुब्बपयोगानं अपरपयोगस्स पच्चयभावतो आपत्तिकरादिपज्जत्तिं न विजहन्ति । यथा तब्भावेपि “आपत्ताधिकरणस्स कति वत्थूनीति? सत्त आपत्तिक्खन्धा वत्थूनि । कति भूमियोति? सत्त आपत्तिक्खन्धा भूमियो”ति वुत्तं । तथा तब्भावेपि आपत्तिकरा “आपत्तिसमुद्धाना”इच्चेव वुच्चन्तीति वेदितब्बा । एत्तावता आपत्ति नाम चत्तारो अकुसलक्खन्धा सज्जिच्च वीतिक्कमकाले भूतारोचनं ठपेत्वा सब्बापि अविसेसतो, विसेसतो पन सब्बापि एकन्ताकुसला अकुसला, अनेकन्ताकुसला पन गिरग्गसमज्जचित्तागारसङ्गानिइत्थालङ्कारगन्धवण्णकवासितपिज्जाकप्पभेदा, भिक्खुनिआदीनं उम्मह्नपरिमह्नप्पभेदा चाति दसप्पभेदा सकनामेहि परिच्छिन्दित्वा वत्थुजाननसचित्तककाले एव अकुसला, तदभावतो अचित्तककाले विना अनापत्ताधिकरणेन कम्मद्वानादिसीसेन कुसलचित्तेन तं वत्थुं वीतिक्कमन्तस्स आपत्ति केवलं रूपअव्याकतमेव ।

केचि पनेत्थ “अप्पकासे ठाने कटिसुत्तकसज्जाय सङ्गाणि, मत्तिकासज्जाय गन्धवण्णकादिं वा धारेन्तियापि आपत्ति, तस्मा अचित्तकायेवा”ति वण्णयन्ति । ते “सङ्गाणिआ असङ्गाणिसज्जाय धारेति, आपत्ति पाचित्तियस्सा”ति पाठाभावं दस्सेत्वा पटिक्खिपितब्बा । सुरापानापत्ति पन अचित्तकापि एकन्ताकुसलाव । तेनेव “मज्जे अमज्जसज्जी पिवति, आपत्ति पाचित्तियस्सा”ति (पाचि० ३२८) वुत्तं । यस्मा पनेत्थ आबाधपच्चयापि न सक्का विना अकुसलेन सुरापानं पातुं, तस्मा यथावुत्तेसु अनेकन्ताकुसलेसु विय लोकवज्जेसु इध “सुरापानेसु अनापत्ति आबाधपच्चया”ति न वुत्तं । सूपसंपाकादि पन अमज्जमेव । तत्थ कुक्कुच्चविनोदनत्थं “अनापत्ती”ति वुत्तं उदकदन्तपोणे विय । भूतारोचनापत्ति रूपाव्याकतमेव, अचित्तककाले सहसेय्यादि रूपाविपाकाव्याकतमेव, तत्थ सुपिनन्तो विज्जमानम्पि अकुसलं अनङ्गत्ता अब्बोहारिकं होति । कुसले कथाव नत्थि अनापत्ति सभावत्ता कुसलस्स । तथा किरियाति इमिना नयेन सब्बत्थ यथासम्भवं अकुसलं वा सुद्धरूपं वा सविपाकं वाति तिधा भिज्जतीति अयमत्थो दस्सितो होति ।

तत्थ ठपेत्वा सुरापानं एकच्चज्ज पण्णत्तिवज्जं, एकन्ताकुसलज्ज सचित्तकमेव, भूतारोचनं अचित्तकमेव, सेसं सह सुरापानेन अनेकन्ताकुसलं लोकवज्जज्ज अनेकन्ताव्याकतं पण्णत्तिवज्जज्ज येभुय्येन सचित्तकाचित्तकन्ति सब्बसिक्खापदं तिप्पभेदं होति । यं पनेत्थ सचित्तकमेव, तं मेथुनादिवत्थुजाननचित्तेनेव सचित्तकं, सब्बं सेखियं पण्णत्तिजाननचित्तेनेव सचित्तकं “अनादरियं पटिच्चा”ति वचनतोति सचित्तकं दुविधं होति । एकन्ताचित्तकं पण्णत्तिजाननचित्ताभावेन, न वत्थुजाननचित्ताभावेन । तदभावतो एकन्ताकुसलं सुरापानं, एकन्ताव्याकतं सज्जरित्तं, वत्थुजाननचित्तस्स वा पण्णत्तिजाननचित्तस्स वा उभिन्नं अभावेन अचित्तकभावेन अचित्तकं होति । सुरापानं पन सचित्तकं होति वत्थुजाननचित्तेनेव । अरियपुग्गलानं इतरेसं उभिन्नं वा अज्जतरस्स भावेन सेसं चित्तकाचित्तकं । विसेसतो च वत्थुजाननचित्ताभावेन, अपकतज्जुनो पण्णत्तिजाननचित्ताभावेन वा अचित्तकभावेन अचित्तकं होति । तत्थ एकन्ताचित्तकज्ज सचित्तकज्ज “अचित्तक”मिच्चेव वुच्चति । अयं ताव “आपत्ति जानितब्बा”ति एत्थ विनिच्छयो ।

**मूलविसुद्धिया अन्तरापत्तीति** अन्तरापत्तिं आपज्जित्वा मूलायपटिकस्सनं कत्वा ठितेन आपन्नापत्ति । अयं **अग्घविसुद्धिया अन्तरापत्तीति** सम्बहुला आपत्तियो आपज्जित्वा तासु सब्बचिरपटिच्छन्नवसेन अग्घसमोधानं गहेत्वा वसन्तेन आपन्नापत्ति । “पुनपि आपज्जिस्सामी”ति **सउस्साहेनेव चित्तेन** । “अयं भिक्खुनिया एवा”ति लिखितं । “**पाराजिकमेवा**”ति इदज्ज भूतवसेन दस्सेतुं वुत्तं । “एवं देसिते पन या काचि आपत्ति न वुद्धातीति अपरे, तं न गहेतब्ब”न्ति वुत्तं । “धम्मिकस्स पटिस्सवस्स असच्चापने”ति वुत्तत्ता अधम्मिकपटिस्सवे दुक्कटं न होति । “पुब्बे सुद्धचित्तस्स ‘तुम्हे विब्भमथा’ति वुत्ते ‘साधू’ति पटिस्सुणित्वा सचे न विब्भमति अनापत्ति, एवं सब्बत्था”ति च वुत्तं । “आविकरो जानितब्बो”तिपि **पाळि** । कालेन वक्खामि, नो अकालेना”तिआदीसु **पज्जदससु धम्मेसु** । **भब्बापत्तिका** नाम आपत्तिं आपज्जितुं भब्बा ।

### दुक्कारवण्णना

**३२२. निदहने** आतपे। “एकरत्तम्पि चे भिक्खु तिचीवरेन विप्पवसेय्य (पारा० ४७२)। छारत्तपरमं तेना”ति आदिना (पारा० ६५३) वृत्तापत्तिको **गणपूरको** हुत्वापि **कम्मं कोपेति** नानासंवासकत्ता। **कम्मेन वा सलाकग्गाहेन वाति एत्थ उद्देसो चेव कम्मञ्च एकन्ति** एत्थ पातिमोक्खुद्देसोति वा कम्मन्ति वा अत्थतो एकमेव, तेसु यं किञ्चि कते सङ्गभेदो होतीति अत्थो। **पुब्बभागाति** सङ्गभेदतो पुब्बभागा। “**पमाणं**”न्ति इमेसं द्विन् अञ्जतरेन भेदो होति, न इतरेहीति वृत्तं। विनये सिद्धा **विनयसिद्धा**, रोमजनपदे जातं **रोमकं**, अनुज्जातलोणत्ता दुकेसु वृत्ताति।

### तिकवारवण्णना

**३२३. वो** तुम्हेहि न समुदाचरितब्बं। **वचीसम्पयुत्तं कायकिरियं कत्वाति** कायेन निपच्चकारं कत्वाति अत्थो। **उपघातेति** विनासेति। **ओमद्वित्वाति** अभिभवित्वा। **वदतोति** वदन्तस्स। “बालस्स निस्सयो दातब्बो”ति दुके आगतं, इध पन “**न दातब्बो**”ति वृत्तं, आपत्तिबाहुल्लं सन्धाय नादातब्बं, “इमस्मा विहारा परं मा निक्खमाहि, विनयधरानं वा सन्तिकं आगच्छ विनिच्छयं दातु”न्ति वृत्ते तस्स वचनं न गहेतब्बन्ति अत्थो। **तिकभोजनं** नाम सचे तयो हुत्वा भुञ्जन्ति, गणभोजनेन अनापत्ति, इदं सन्धाय तिकं। “**पसुत्तो**”ति बाहुल्लतो वृत्तं। अथ वा निपज्जित्वाति अत्थो। “इदं ठपेत्वा गच्छामि, तावकालिकं भन्ते देथाति वृत्ते ‘नवकम्मादिअत्थं विना दातुं न वट्टती’ति लिखितं। विकप्पेत्वा ठपितं वस्सिकसाटिकं पच्छिमे पाटिपददिवसे निवासेन्तो दुक्कटं आपज्जतीति अत्थो। **अपच्युद्धरित्वाति** पच्युद्धरणं अकत्वाति अत्थो। “विकप्पेतु”न्ति वचनतो अविकप्पनपच्चया आपत्ति हेमन्ते आपज्जति, विकप्पना पन कत्तिकपुण्णमदिवसे कातब्बाति दस्सनत्थं वृत्तन्ति जातब्बं। अयं नयो अविकप्पनं सन्धाय, पुरिमो विकप्पितपरिभोगपच्चयापत्तिं सन्धाय। **वत्थपटिच्छादि सब्बकप्पियतायाति** वत्थपटिच्छादि सब्बत्थ कप्पियत्ताति अत्थो। केचि इममत्थं असल्लक्खेत्वा “वत्थपटिच्छादि सब्बकप्पियता ताया पटिच्छन्नेना”ति लिखन्ति। “वत्थमेव पटिच्छादि वत्थपटिच्छादी”ति विगगहत्ता “ताया”ति न युज्जति। “तेना”ति भवितब्बत्ताति इदं सब्बं अञ्जतरस्मिं **गण्ठपदे** लिखितं, विचारेत्वा गहेतब्बं।

### चतुक्कवारवण्णना

**३२४. चतूहाकारेहि आपत्तिं आपज्जति...पे०... कम्मवाचाय आपज्जतीति** एत्थ यज्झि आपत्तिं कम्मवाचाय आपज्जति, न तत्थ कायादयोति आपन्नं, ततो कम्मवाचाय सद्धिं आपत्तिकरा धम्मा सत्ताति आपज्जति, एवं सति “छ आपत्तिसमुद्धानानी”ति वचनविरोधो, तानि एव आपत्तिकरा धम्मा नाम। अथ तत्थापि कायादयो एकतो वा नानातो वा लब्धन्ति, चतूहाकारेहीति न युज्जतीति “छहाकारेहि आपत्तिं आपज्जती”ति वत्तब्बं सियाति एवं एतानि सुत्तपदानि विरोधितानि होन्ति। कथं अविरोधितानि? सविज्जत्तिकाविज्जत्तिकभेदभिन्नत्ता। कायादीनं या किरिया आपत्ति, नं एकच्चं कायेन सविज्जत्तिकेन आपज्जति, एकच्चं सविज्जत्तिकाय वाचाय, एकच्चं सविज्जत्तिकाहि कायवाचाहि आपज्जति, या पन अकिरिया आपत्ति, तं एकच्चं कम्मवाचाय आपज्जति, तज्ज खो अवसिद्धाहि अविज्जत्तिकाहि कायवाचाहियेव, न विना “नो चे कायेन वाचाय पटिनिस्सज्जति, कम्मवाचापरियोसाने आपत्ति सङ्घादिसेसस्सा”ति (पारा० ४१४) वचनतो, अविसेसेन वा एकच्चं आपत्तिं कायेन आपज्जति, एकच्चं वाचाय, एकच्चं कायवाचाहि। यं पनेत्थ कायवाचाहि, तं एकच्चं केवलाहि कायवाचाहि आपज्जति, एकच्चं कम्मवाचाय आपज्जतीति अयमत्थो वेदितब्बोति एवं अविरोधितानि होन्ति।

तत्रायं समासतो अत्थविभावना — **कायेन आपज्जतीति** कायेन सविज्जत्तिकेन अकत्तब्बं कत्वा एकच्चं आपज्जति, अविज्जत्तिकेन कत्तब्बं अकत्वा आपज्जति, तदुभयम्पि कायकम्मं नाम। अकत्तम्पि हि लोके “कत”न्ति वुच्चति “दुक्कटं मया, यं मया पुज्जं न कत”न्ति एवमादीसु, सासने च “इदं ते, आवुसो आनन्द, दुक्कटं, यं त्वं भगवन्तं न पुच्छी”ति (चूळव० ४४३) एवमादीसु, एवमिध विनयपरियायेन कायेन अकरणम्पि “कायकम्म”न्ति वुच्चति। अयमेव नयो “वाचाय आपज्जती”ति आदीसु। पुरतीति **पुरिसो**, पुर अगगमने। **पुरतीति** पुरतो गच्छति सब्बकम्मेसु पुब्बङ्गमो होति। **पठमुप्पन्नवसेनाति** पठमकप्पियेसु हि पठमं पुरिसलिङ्गं उप्पज्जति, “पुरिम”न्ति सङ्घं गतं पुरिसलिङ्गं जायतीति अत्थो। **सतं तिस चाति** एत्थ असाधारणापि पाराजिका नो अन्तोगथायेव जाता पाराजिकापन्नानं भिक्खुभावाय अभब्बत्ता। “असाधारणवचनेन पन सामज्जेन उद्धटानी”ति वदन्ति।



“सतञ्चेव तिसञ्च सिक्खापदानीति पाठो”ति च वदन्ति । **भिक्षुस्स च भिक्षुनिया च चतूसु पाराजिकेसूति** साधारणेसु एव । **अत्थि वत्थुनानत्तता नो आपत्तिनानत्तताति** पठमपञ्चो इध दितियो नाम । **अत्थि आपत्तिसभागता नो वत्थुसभागताति** एतेन विसेसो नत्थि । **मन्ताभासाति** मतिया भासा । “**अभिवादनारहाति** यथानिसिन्नाव सीसं उक्खिपित्वा वन्दन्ति । नवमभिक्षुनितो पट्टाय अनुद्धितब्बतो आसना न पच्चुट्टेन्ति । **अविसेसेनाति** उपज्झायस्स, इतरस्स वा विप्पकतभोजनस्स, समीपगतो यो कोचि वुडुतरोति अत्थो । विप्पकतभोजनेनापि हि उडुहित्वा आसनं दातब्बं । **इध न कप्पन्तीति वदन्तोपीति** पच्चन्तिमजनपदेसु ठत्वा “इध न कप्पन्ती”ति वदन्तो विनयातिसारदुक्कटं आपज्जति । कप्पियञ्हि “न कप्पती”ति वदन्तो पञ्चत्तं समुच्छिन्दति नाम । तथा **इध कप्पन्तीति** आदीसुपि ठत्वा “इध कप्पन्ती”ति वदन्तो विनयागतभिक्षु विनयो पुच्छितब्बोति अत्थो ।

### पञ्चकवारवण्णना

**३२५. न उपेति** पुग्गलो । “निमन्तितो सभत्तो समानो सन्तं भिक्षुं अनापुच्छा”ति (पाचि० २९९) वचनतो निमन्तनाभावा पिण्डपातिकस्स अनामन्तचारो वट्टति । “गिलानसमयो”ति आदिना आभोगं कत्वा भोजनं अधिद्वित्वा **भोजनं** नाम । “मय्हं भत्तपच्चासं इत्थन्नामस्स दम्मी”ति एवं **अविकप्पना** । परम्मुखे अगुणवचनं **अयसो** । सम्मुखे **गरहा** । सीलदिट्ठिव्यसनानं विनयपरियापन्नता तेहि सद्धि इतरे पञ्चकं पूरेतुं वुत्ता । “विनयधरपञ्चमेन गणेना”ति (महाव० २५९) वुत्तता पञ्चकं जातं । अञ्जतरस्मिं विहारे एको थेरोति अत्थो । “**यो न कविसयतोति चीनट्टाना**”ति लिखितं । **अट्ट कप्पे अनुस्सरीति** पुब्बेनिवासजाणं निब्बत्तेसीति अत्थो । अनन्तरे ठाने ठत्वाति अत्थो । **जत्तिया कम्मप्पत्तो हुत्वाति** जत्तिट्ठपितकाले कम्मप्पत्तो होति । पुन कम्मवाचाय कम्मसिद्धि । **जत्तिखेत्तन्ति** जत्तियाव कातब्बट्टानं तस्सा खेत्तं, जत्तिदुतियादिकम्मे पठमट्टपनं तस्सा **ओकासो** नाम । आरञ्जके इदञ्चिदञ्चानिसंसन्ति एवं **इदमत्थितन्ति** अत्थो ।

### छक्कवारवण्णना

**३२६. “छब्बस्सपरमता धारेतब्ब”**न्ति विभङ्गे पाठत्ता एवं वुत्तं । **चुदसपरमानि** नव छक्कानि होन्ति । कथं? पठमं एकं छक्कं, सेसेसु अट्टसु एकेकेन सद्धि एकेकन्ति एवं तीणि छक्कानि अन्तरपेय्याले वुत्तानि । कथं? “चतुत्थेन आपत्तिसमुद्धानेन छ आपत्तियो आपज्जती”ति आदिना नयेन पञ्चमेन, छट्ठेन च तीणि **छक्कानि** । लोभादयो **छ विवादमूलानि**, तथा अनुवादस्स । **दीघसो छ विदत्थियो** वस्सिकसाटिकाय । **तिरियं छ विदत्थियो** सुगतचीवरस्स । विप्पकतचीवरं आदाय पक्कमने निट्टानन्तिको, सन्निट्टाननासन सवन सीमातिक्कन्तिकसहुब्भाराति छ, समादाय वारेपि छाति छक्कद्वयं । **सत्तके** पक्कमनन्तिकेन सह सत्त ।

### सत्तकवारवण्णना

**३२७. छक्के वुत्तानियेव सत्तकवसेन योजेतब्बानीति** छक्के वुत्तचुदसपरमानि सत्तकवसेन योजेतब्बानि । **सत्तमे अरुणुग्गमने निस्सगियन्ति** “छारत्तपरमं तेन भिक्षुना तेन चीवरेन विप्पवसितब्बं, ततो चे उत्तरि विप्पवसेय्या”ति एवं वुत्तं निस्सगियं होति । **चम्पेय्यक्खन्थके** सुगतचीवरभाणवारस्स परतो “इध पन, भिक्षवे, भिक्षुस्स न होति आपत्ति दट्टब्बा, तमेनं चोदेति सङ्घो वा सम्बहुला वा एकपुग्गलो वा”ति आदिना नयेन वुत्तसत्तकाति ।

### अट्टकवारवण्णना

**३२८. तेन सद्धि उपोसथादिकरणं आनिसंसो**, अकरणं **आदीनवो**, तस्मा एते अट्टानिसंसंसे सम्पस्समानेनाति अत्थो । “**अयसो** अक्कोसो”ति वुत्तं । पुब्बेवस्स होति “मुसा भणिस्स”न्ति, भणन्तस्स होति “मुसा भणामी”ति, भणितस्स होति “मुसा मया भणित”न्ति, विनिधाय दिट्ठिं खन्तिं रुचिं भावं सञ्जन्ति एवं अकप्पियकतं होति अप्पटिग्गहितकतन्ति आदयो **अट्ट अनतिरित्ता** । सप्पिआदि अट्टमे अरुणुग्गमने निस्सगियं होति । **अट्टवाचिका** भिक्षुनीनं उपसम्पदा उभतो जत्तिचतुत्थत्ता ।

वस्सिकसाटिकदानादीनि अट्ट वरानि ।

### नवकवारवण्णना

३२९. नवहि भिक्खूहि भिज्जति । मनुस्समंसवज्जेहि नव मंसेहि विनिच्छयो । सुन्दरं न सुन्दरन्ति सङ्घाटिआदीनि नव चीवरानि । तानेव अधिद्धितकालतो पट्टाय न विकप्पेतब्बानि, अधिद्धितकालतो पट्टाय अपच्चुद्धरित्वा न विकप्पेतब्बानीति अधिष्पायो । नव विदत्थियो सुगतचीवरस्स । “वग्गं भिक्खुनिसङ्गं वग्गसज्जी ओवदती”तिआदिना नयेन अधम्मकम्मे द्वे नवकानि पाचित्तियवसेन वुत्तानि ।

### दसकवारवण्णना

३३०. “ओरमत्तकञ्च अधिकरणं होति, न च गतिगत”न्तिआदिना (चूळव० २०४) दस अधम्मिका सलाकग्गाहा । विपरीता धम्मिका । समथक्खन्धके वुत्तेहि समन्नागतो होतीति सम्बन्धो । “संकच्चिकं वा पक्खिपित्वा दसा”ति वुत्तं कप्पियत्ता एतेसं । मातुरक्खितादयो दस इत्थियो । धनक्कीतादयो दस भरिया । “सिक्खासम्मुतिं दत्त्वा दसवस्साय तस्सा द्वादसवस्सकाले सयम्पि द्वादसवस्सा भविस्सती”ति वुट्ठापनसम्मुति सादितब्बा । “विनयधरस्सेव ‘आपत्तानापत्तिं न जानाती’ति आरब्भ याव ‘उभयानि खो पनस्स...पे०... अनुव्यञ्जनसो’ति पञ्चङ्गानि वत्त्वा पुनपि ‘आपत्तानापत्तिं न जानाति’च्चेव आरब्भ याव ‘अधिकरणे च न विनिच्छयकुसलो होती’ति पञ्च वुत्ता, ते तथा तथा पञ्च पञ्च कत्त्वा दस होन्ती”ति लिखितं । “दसवस्साय भिक्खुनिया निस्सयो दातब्बो”ति एकच्चेसु पोत्थकेसु नत्थि, किञ्चापि नत्थि, पाठो एव पन होति ।

### एकादसकवारवण्णना

३३१. न वोदायन्ति न पकासेन्ति । रोगमेव रोगातङ्कं । रोगन्तरायं वा ।

एकुत्तरिकनयवण्णना निद्धिता ।

### उपोसथादिपुच्छाविस्सज्जनावण्णना

३३२. “सङ्गं, भन्ते, पवारेमी”तिआदि पवारणकथा नाम विनीतगाथासु विय ।

### अत्थवसपकरणवण्णना

३३४. दस अत्थवसे पटिच्चाति एत्थ तस्स तस्स सिक्खापदस्स पञ्जापने गुणविसेसदीपनतो, अपञ्जापने आदीनवदस्सनतो च सङ्गसुद्धता होति । तत्थ यथासम्भवं लोकवज्जस्स अपण्णत्तिसम्भवस्स पञ्जापने पयोगविसुद्धि गुणो । पण्णत्तिसम्भवस्स पन सेखियस्स लोकवज्जस्स पञ्जापने पटिपत्तिविसुद्धि गुणो, पण्णत्तिवज्जस्स आसयविसुद्धि गुणो अप्पिच्छादिगुणावहनतो, तेनेवाह “सुभरताय सुपोसताय अप्पिच्छताय अप्पिच्छस्स वण्णं भासित्वा”ति । समणाचारविसुद्धि चस्स गुणोति वेदितब्बं । अथ वा लोकवज्जस्स पञ्जापने सङ्गसुद्धता होति पाकटादीनवतो, पण्णत्तिवज्जस्स पञ्जापने सङ्गफासुता होति पाकटानिसंसत्ता । तथा पठमेन दुम्मङ्कनं निग्गहो, दुत्तियेन पेसलानं फासुविहारो, पठमेन सम्परायिकानं आसवानं पटिघातो, दुत्तियेन दिट्ठधम्मिकानं, तथा पठमेन अप्पसन्नानं पसादो, दुत्तियेन पसन्नानं भिय्योभावो, तथा पठमेन सद्धम्मद्विति, दुत्तियेन विनयानुग्गहो होतीति वेदितब्बो । परिवारनयेन वा पठमेन पापिच्छानं भिक्खूनं पक्खुपच्छेदो, दुत्तियेन गिहीनं अनुकम्पा होति । वुत्तज्हेतं “द्वे अत्थवसे पटिच्च तथागतेन सावकानं सिक्खापदं पञ्जत्तं गिहीनं अनुकम्पाय पापिच्छानं पक्खुपच्छेदाया”ति (परि० ४९८) । तथा दिट्ठधम्मिकसम्परायिकानं वेरानं वज्जानं अकुसलानं वसेनपि योजना कातब्बा । वुत्तज्हेतं “द्वे अत्थवसे...पे०... पञ्जत्तं

दिट्ठधम्मिकानं वेरानं सम्परायिकानं वेरानं पटिघाताया'तिआदि (परि० ४९८)। अपिचेत्थ सब्बम्पि अकतविज्जत्तिपटिसंयुत्तं, गिहीनं पीळापटिसंयुत्तं, तेसं पसादभोगक्खयरक्खापटिसंयुत्तञ्च गिहीनं **अनुकम्पाय पज्जत्तं** नाम, कुलदूसकगणभोजनानि पापिच्छानं पक्खुपच्छेदाय पज्जत्तं। सब्बं लोकवज्जं दिट्ठधम्मिकसम्परायिकवेरादिपटिघाताय, मातुगामेन संविधानं दिट्ठधम्मिकवेरादिसंवराय पज्जत्तन्ति वेदितब्बं। अपिचेत्थ आदितो पट्ठाय दसअत्थवसपकरणमेव निस्साय विनिच्छयो वेदितब्बो।

वत्थुवीतिक्कमेन यं, एकन्ताकुसलं भवे।  
तं सङ्खसुट्ठभावाय, पज्जत्तं लोकवज्जतो॥

पाराजिकादिं,

पज्जत्तिजाननेनेव, यत्थापत्ति न अज्जथा।  
तं धम्मद्वितिया वापि, पसादुप्पादबुद्धिया॥

धम्मदेसनापटिसंयुत्तं इतरञ्च सेखियं, इदं पण्णत्तिसम्भवं **लोकवज्जं** नाम। वत्थुनो, पज्जत्तिया वा वीतिक्कमचेतनायाभावेपि पटिक्खित्तस्स करणे, कत्तब्बस्स अकरणे वा सति यत्थ आपत्ति पहाति, तं सब्बं ठपेत्वा सुरापानं **पण्णत्तिवज्जन्ति** वेदितब्बं। तत्थ उक्कोटनके पाचित्तियं, “यो पन भिक्खु धम्मिकानं कम्मानं छन्दं दत्त्वा पच्छा खीयनधम्मं आपज्जेय्य, पाचित्तियं (पाचि० ४७५), यो पन भिक्खु सङ्गे विनिच्छयकथाय वत्तमानाय छन्दं अदत्त्वा उट्ठायसना पक्कमेय्य, पाचित्तियं (पाचि० ४८०), यो पन भिक्खु समग्गेन सङ्गेन चीवरं दत्त्वा पच्छा खीयनधम्मं आपज्जेय्य... पे०... पाचित्तियं”न्ति (पाचि० ४८५) एवमादि सङ्गफासुताय पज्जत्तं। “अज्जवादके विहेसके पाचित्तियं (पाचि० १०१), पाराजिकादीहि अनुद्धंसने सङ्गादिसेसादि च दुम्मङ्कनं निग्गहाय, अनुपखज्जनिक्कड्ढनउपस्सूतिसिक्खापदादि पेसलानं फासुविहाराय, सब्बं लोकवज्जं दिट्ठधम्मिकसम्परायिकानं आसवानं पटिघाताय, सब्बं पण्णत्तिवज्जं दिट्ठधम्मिकानमेव संवराय। सब्बं गिहिपटिसंयुत्तं अप्पसन्नानं वा पसादाय पसन्नानं वा भिय्योभावाय च। विसेसेन अरिट्ठसमणुद्देससिक्खापदं, सामज्जेन पच्चयेसु मरियादपटिसंयुत्तञ्च सद्धम्मद्वितिया, “अप्पिच्छस्सायं धम्मो, नायं धम्मो महिच्छस्सा”ति (दी० नि० ३.३५८; अ० नि० ८.३०) आदिसुत्तमेत्थ साधकं। “सिक्खापदविवण्णके (पाचि० ४३९) मोहनके पाचित्तियं”न्तिआदि (पाचि० ४४४) विनयानुग्गहाय पज्जत्तन्ति वेदितब्बं। “भूतगामपातव्यताय पाचित्तियं”न्ति (पाचि० ९०) इदं किमत्थन्ति चे? अप्पसन्नानं पसादाय, पसन्नानं भिय्योभावाय च। कथं?

“भूतगामो सजीवोति, अविपल्लत्तदिट्ठिनो।  
तस्स कोपनसज्जाय, पसादो बुद्धसावके॥

“निज्जीवसज्जितंपेतं, अकोपेन्तो कथं मुनि।  
जीवं कोपेय्य निद्वोसो, मच्छमंसानुजाने॥

एवम्पि —

“तस्स कोपनसज्जाय, पसादो बुद्धसावके।  
यतो तित्थकराविमे, विरता भूतगामतो।  
लोकस्स चित्तरक्खत्थं, ततोपि विरतो मुनी”ति॥ —

पसन्नानं भिय्योभावो होति।

विवित्तसेनासनभोगतण्हावसेननिज्जीवमितारक्खं।

बुद्धोभिनिन्नञ्च विवज्जयन्तो ।  
सिक्खापदं तत्थ च पञ्जपेसि ॥

निज्जीवस्सापि मंसस्स, खादनकं यतिं पति ।  
निन्दमानं जनं दिस्वा, भूतगामं परिच्चजि ॥

तिकोटिपरिसुद्धत्ता, मच्छमंसानुजानने ।  
पटिच्च मंसानुजाननं, कम्मे दिट्ठिप्पसङ्गभया ॥

अपरिक्खकस्स लोकस्स, परानुदयताय च ।  
भूतगामपातब्यताय, पाणातिपातप्पसङ्गभया ॥

तत्थ परियायवचनं अनुजानि भगवा, उद्दिस्स कतं पटिक्खिपि परस्स वा पाप्पसङ्गभयेन । इध पन भूतगामपातब्यताय पापाभावजापनत्थं अत्तुद्देसिकं विहारं, कुटिञ्च अनुजानीति वेदितब्बं । पकिरियन्ति एत्थ ते ते पयोजनविसेससङ्घाता अत्थवसाति अत्थवसपकरणन्ति ।

महावग्गवण्णना निड्ढिता ।

पठमगाथासङ्गणिकवण्णना

सत्तनगरेसु पञ्जत्तसिक्खापदवण्णना

३३५. वचनसम्पटिच्छनत्थे वा निपातोति अत्थो । **अड्डुसतानीति** तीणि सतानि, पञ्जासानि च । **विग्गहन्ति** मनुस्सविग्गहं । **अतिरेकं वाति** दसाहपरमं अतिरेकचीवरं । **काळकन्ति** “सुद्धकाळकान”न्ति (पारा० ५५२-५५४) वुत्तकाळकं । **भूतन्ति** भूतारोचनं । **परम्परभत्तन्ति** परम्परभोजनं । **भिक्षुनीसु च अक्कोसोति** या पन भिक्षुनी भिक्षुं अक्कोसेय्य वा परिभासेय्य वा (पाचि० १०२९) । **अन्तरवासकन्ति** अज्जातिकाय भिक्षुनिया चीवरपटिग्गहणं । **रूपियन्ति** रूपियसब्बोहारं । **सुत्तन्ति** सामं सुत्तं विज्जापेत्वा तन्तवायेहि । **उज्झापनकेति** उज्झापनके खीयनके । **पाचितपिण्डन्ति** भिक्षुनीपअपाचितपिण्डपातं । **चारित्तन्ति** निमन्तितो सभत्तो समानो सन्तं । **चीवरं दत्त्वाति** समग्गेन सङ्गेन चीवरं दत्त्वा । **वोसासन्तीति** भिक्षू पनेव कुलेसु निमन्तिता भुज्जन्ति (पाचि० ५५८), तत्थ चेसा । **गिरग्गचरियाति** “या पन भिक्षुनी नच्चं वा गीतं वा”ति (पाचि० ८३४) च, “अन्तोवस्सं चारिकं चरेय्या”ति (पाचि० ९७०) च वुत्तद्वयं । **छन्ददानेनाति** पारिवासिकछन्ददानेन सिक्खमानं वुट्ठापेय्य (पाचि० ११६७) । पाराजिकानि चत्तारि, भिक्षुनीनं सज्जाचिककुटिञ्च कोसियमिस्ससन्थतञ्च सेय्या च अनुपसम्पन्नेन सह पथवीखणनं । **गच्छ देवतेति** भूतगामपातब्यता सप्पाणकउदकसिञ्चनन्ति अत्थो । **महाविहारोति** महल्लकविहारो । **अज्जन्ति** अज्जवादकं । **द्वारन्ति** यावद्वारकोसा । “अनादरियपाचितीति च सहधम्मिकं वुच्चमानो”ति पाठो । **पयोपानन्ति** सुरुसुरुकारकं । **एळकलोमानि पत्तो चाति** एळकलोमधोवापनञ्च ऊनपञ्चबन्धनपत्तो च । **ओवादो चेव भेसज्जन्ति** भिक्षुनुपस्सयं उपसङ्गमित्वा ओवादो तदुत्तरिभेसज्जविज्जापनञ्च । **सूचि अरज्जकोति** “अट्ठिमयं वा दन्तमयं वा विसाणमयं वा सूचिघर”न्ति (पाचि० ५१७) च “यानि खो पन तानि आरज्जकानि सेनासनानि सासङ्क...पे०... पटिदेसेतब्ब”न्ति (पाचि० ५७०) च । **ओवादोति** या पन भिक्षुनी ओवादाय वा संवासाय वा न गच्छेय्य (पाचि० १०५५) । **पाराजिकानि चत्तारीति** आदि द्वीसु नगरेसु पञ्जत्तसम्पिण्डनं ।

चतुविपत्तिवण्णना

३३६. एकत्तिंसा ये गरुकाति उभतो अट्ठ पाराजिका, भिक्षुनं तेरस, भिक्षुनीनं दस च सङ्घादिसेसा ।

साधारणासाधारणवसेन अट्ट अनवसेसा नाम पाराजिकानि । तदेवाति सीलविपत्तियेव । वित्थारतो दस्सेतुं “पाराजिक”न्तिआदिना अपुच्छितमेव विस्सज्जितं । “तत्थ यो चायं, अक्कोसति हसाधिप्पायो”ति पाठो । दुट्ठुल्लविभावनवसेनागतविपत्तिं ठपेत्वा पुच्छापटिपाटिया यावततियकपञ्चं विस्सज्जितुमारभि । उक्खित्तानुवत्तिका भिक्खुनी अट्ट यावततियकसङ्घादिसेसा इध पुच्छितत्ता अनन्तरपञ्हा नाम जाता ।

### छेदनकादिवण्णना

३३७. पमाणातिक्कन्तमञ्चनिसीदनकण्डुपटिच्छादिवस्सिकसाटिकासुगतचीवरप्पमाणं भिक्खुनीनं उदकसाटिकाति छेदनकानि । चीवरविप्पवाससम्मुतिआदयो चतस्सो सम्मुतियो । “अयं तत्थ सामीची”ति एवं आगता सत्त सामीचियो ।

### असाधारणादिवण्णना

३३८. पुब्बे वुत्तचुद्धसपरमानेव अन्तरपञ्हे निट्ठपेत्वा पुरिमपञ्हं विस्सज्जेन्तो । धोवनञ्च पटिग्गहोति गाथा अट्टकथाचरियानं । द्वे लोमानि एळकलोमतियोजनपरमानि ।

द्वेवीसति खुदकाति —

“सकलो भिक्खुनिवग्गो, परम्परञ्च भोजनं ।  
अनतिरित्तं अभिहटं, पणीतञ्च अचेलकं ।  
जानं दुट्ठुल्लछादनं ॥

“ऊनं मातुगामेन सद्धिं, या च अनिक्खन्तराजके ।  
सन्तं भिक्खुं अनापुच्छा, विकाले गामप्पवेसनं ॥

“निसीदने च या सिक्खा, वस्सिकाय च साटिका ।  
द्वेवीसति इमा सिक्खा, खुदकेसु पकासिता”ति ॥ —

पाठो । “कुलेसु चारित्तापत्ती”ति पाठो न गहेतब्बो साधारणत्ता तस्स सिक्खापदस्स । छचत्तारीसा चिमेति छचत्तारीस इमे । “पाराजिकानि सङ्घादिसेसो”ति एवं वुत्तसिक्खापदे एव विभजित्वा वुत्तत्ता विभत्तियो नाम । साधारणन्ति अट्टन्नम्पि साधारणं । पाराजिकभूता विभत्तियो पाराजिकविभत्तियो । साधारणे सत्तवज्जो सङ्घादिसेसो । अज्जतरस्मिं गण्ठपदे “अथ वा ‘द्वे उपोसथा द्वे पवारणा चत्तारि कम्मानी पञ्चेव उद्देसा चतुरो भवन्ति, नज्जथा’ति पाळिं उद्धरन्ति । तत्थ ‘चत्तारि कम्मानी’ति विसेसाभावा उद्धरितपोत्थकमेव सुन्दरं, पुब्बेपि विभत्तिमत्तदस्सनवसेनेव चेतं वुत्तं । ‘न समथेहि वूपसमनवसेना’ति वत्त्वा चत्तारि कम्मविभजने ‘समथेहि वूपसम्मती’ति न विसेसितं उपोसथप्पवारणानंयेव विभागत्ता । कस्मा? एत्थापि ‘उपोसथप्पवारणानंयेव विसेसेत्त्वा नयं देथा’ति वुत्तत्ता, अधम्मेन वग्गादिकम्मेन आपत्तियोपि वूपसम्मन्तीति आपज्जनतोति वेदितब्ब”न्ति वुत्तं, विचारेतब्बं । द्वीहि चतूहि तीहि किच्चं एकेनाति द्वीहि विवादाधिकरणं, चतूहि अनुवादाधिकरणं, तीहि आपत्ताधिकरणं, एकेन किच्चाधिकरणं सम्मतीति अत्थो ।

### पाराजिकादिआपत्तिवण्णना

३३९. निब्बचनमत्तन्ति वेवचनमत्तं । सेसेति आदितो सेसा मज्झन्ता । पदन्ति सिक्खापदं । सद्धाचित्तं पसन्नचित्तन्ति अत्थो, “सन्ताचित्त”न्ति वा पाठो । अनाळियन्ति दलिदं । किज्चापि इदं निब्बचनं “गरुकं लहुकज्जा”तिआदिपञ्हे नत्थि, “हन्द वाक्यं

सुणोम ते’ति इमिना पन वचनेन सङ्गहितस्सत्थस्स दीपनत्थं वुत्तन्ति वेदितब्बं । “आकासो पक्खिनं गती”ति च पाठो अत्थि, सो जातिवसेन युज्जति । **पक्खीनन्ति उजुकमेव ।**

पठमगाथासङ्गणिकवण्णना निद्धिता ।

### अधिकरणभेदवण्णना

#### उक्कोटनभेदादिवण्णना

**३४०. अधिकरणउक्कोटेन समथानं उक्कोटं दस्सेतुन्ति** अधिकरणानि सत्तहि समथेहि सम्मन्ति, तानि उक्कोटेन्तो सत्त समथे उक्कोटेति नामाति अधिप्पायो । **पसवतीति** सम्भवति । “अनुवादाधिकरणे लब्भन्ती”ति आदीनि “धम्मो अधम्मो”ति आदीनं समानत्ता तेसु विसेसतो लब्भन्ती”ति वुत्तं । **अनिहतन्ति** सुत्तादिना । **अविनिच्छितन्ति** “आपत्तिअनापत्ती”ति आदिना । “तत्थ जातकं अधिकरणं उक्कोटेति...पे०... तिणवत्थारकं उक्कोटेती”ति दसेव वुत्ता । “सम्मुखाविनयपटिज्जातकरणयेभ्य्यसिका अवुत्तत्ता उक्कोटेतुं न सक्का, कम्मवाचापि तेसं नत्थि । तस्मा ते उक्कोटेतुं न सक्काति वदन्ती”ति लिखितं । **पाळिमुत्तकविनिच्छयेनेवाति** विनयलक्खणं विना केवलं धम्मदेसनामत्तवसेनेवाति अत्थो । खन्धकतो वा परिवारतो वा आनीतसुत्तेन । **निज्झापेन्ति** दस्सेन्ति । पुब्बे धम्मविनयेन विनिच्छितं अधिकरणं उपज्झायादीनं अत्थाय “अधम्मं धम्मो”ति आदीनि दीपेत्वाति अत्थो । विसमानि कायकम्मादीनि निस्सितत्ता **विसमनिस्सितो** । एवं सेसेसु ।

#### अधिकरणनिदानादिवण्णना

**३४२-३. किंसम्भारन्ति** किंपरिक्खारं, एत्थ किन्ति लिङ्गसामञ्जमव्ययं । पुब्बे उप्पन्नविवादं निस्साय पच्छा उप्पज्जनकविवादो **विवादनिदानं** नाम । **आपत्ताधिकरणपच्चया चतस्सो आपत्तियो आपज्जतीति** भिक्खुनी जानं पाराजिकं धम्मं पटिच्छादेति पाराजिकं, वेमतिका पटिच्छादेति थुल्लच्चयं, भिक्खु सङ्घादिसेसं पटिच्छादेति पाचित्तियं, आचारविपत्तिं पटिच्छादेति दुक्कटं । पुब्बे कतउक्खेपनियादिकिच्चं निस्साय उप्पज्जनककिच्चानं । कीदिसानं? समनुभासनादीनं वसेन । **तं हीति** अधिकरणं ।

**३४४. अधिकरणेसु येन अधिकरणेन सम्मन्ति, तं दस्सेतुन्ति** यदा अधिकरणेहि सम्मन्ति, तदा किच्चाधिकरणेनेव सम्मन्ति, न अज्जेहीति दस्सनत्थं वुत्तं, न एकन्ततो अधिकरणेनेव सम्मन्तीति दस्सनत्थं ।

**३४८. आपत्ताधिकरणे सङ्घो विवदतीति** आपत्तानापत्तीति एवं ।

**३५३. समुद्धानाभावतो सम्मुखाविनये कम्मस्स किरियाकरणमिच्चादिना अविभजित्वाव सतिविनयादीनं छन्नंयेव छ** समुद्धानानि विभत्तानि । तं कस्मा? कम्मसङ्गहाभावेन, सतिविनयादीनं विय सङ्घसम्मुखतादीनं किच्चयता नाम नत्थीति अधिप्पायो ।

अधिकरणभेदवण्णना निद्धिता ।

#### दुतियगाथासङ्गणिकवण्णना

#### चोदनादिपुच्छाविस्सज्जनावण्णना

**३५९. विग्गाहिककथन्ति** अत्थो । **निसामयाति** सल्लक्खेहि । “कारय” इति पाठो । पुब्बापरं न जानाति, तस्मा अकोविदो होतीति एके । अयं पन दुविधेपि किच्चे केनचि इरियापथेन ।

### चोदनाकण्डवण्णना

#### अनुविज्जककिच्चवण्णना

३६०. अनुविज्जकपुच्छने आजीवविपत्ति न पुच्छिता । पञ्चापत्तिकवन्धवसेन आचारविपत्ति पुच्छिता । “आजीवविपत्तियापि तथेव, सङ्गहगमनतो”ति वदन्ति । “अज्झापज्जन्तो”ति पाठो ।

३६३. तस्मा न च आमिसं निस्सायाति सम्बन्धितब्बं ।

#### चूळसङ्गामवण्णना

#### अनुविज्जकस्सपटिपत्तिवण्णना

३६५. ठाननिसज्जवत्थादिनिस्सिताति “एवं ठातब्बं एवं निसीदितब्बं”न्ति एवमादिका । सज्जाजननत्थन्ति “एवं वत्तब्बं”न्ति एवं सज्जाननत्थं । अनुविधियन्तेनाति चित्ते ठपेन्तेनाति अत्थो । लज्जा सा नु खोति किं सा लज्जा अयं परिसाति अधिप्पायो । अनुयोगवत्तं कथापेत्वाति “किमनुयोगवत्तं जानासी”ति पुच्छित्वा तेनेव कथापेत्वा । अजाननप्पसङ्गा नाम अज्जाणं ।

३६७. “भयेन भया गच्छती”ति भयेन भयहेतु भया गच्छतीति हेतुवसेन वुत्तं । यथा “रत्तत्ता पन दुट्ठत्ता च छन्दा दोसा च गच्छती”ति हि वुत्तं, एवं ।

#### महासङ्गामवण्णना

#### वोहरन्तेनजानितब्बादिवण्णना

३७५. वण्णावण्णोति नीलादिवण्णवसेन च आरोग्यत्थादिवण्णवसेन च वुत्तसुक्कविस्सट्ठि ।

४०२. भूमिपुच्छाति भूमि पुथवी जगती चाति सब्बानि पथविवेवचनानि ।

#### कथिनभेदवण्णना

#### कथिनअत्थतादिवण्णना

४०३-४. किन्ति कथं । अनादियदानं तावकालिकवत्थु । “अनागतवसेन अनन्तरा हुत्वा”ति उदकाहरणादिपयोगस्स धोवनादिपुब्बकरणस्स पच्छा उप्पज्जनतो, धोवनादिकिरियञ्च सन्धाय पयोगकरणतो वुत्तं । पुरेजातपच्चये पनेस पयोगोति अत्थो । एकं धम्मप्पि न लभति अत्तनो पुरेजातस्स नत्थिताय ।

#### कथिनादिजानितब्बविभागवण्णना

४१२. रूपादिधम्मेसूति वण्णगन्धादिअट्ठकेसु । “वस्सानस्स पच्छिमो मासो”ति (पारा० २१८) वुत्तत्ता पच्छिमे मासे यस्मिं वा तस्मिं वा दिवसे अत्थरितुं वट्ठतीति सिद्धं ।

४१५. “आदिच्चबन्धुनाति वुत्तत्ता थेरवचन”न्ति वदन्ति ।

#### पलिबोधपञ्हाव्याकरणकथावण्णना

४१५-६. सन्निधानन्तिको कथं बहिसीमाय उद्धरीयति? भिक्खु अकतचीवरं समादाय पक्कमति “न पच्चेस्स”न्ति, तस्स बहिसीमागतस्स एवं होति “नेविमं चीवरं कारेस्स”न्ति, एवमेतस्स बहिसीमागतस्स उद्धरीयति । कथं अन्तोसीमाय? अकतचीवरं समादाय पक्कमति “न पच्चेस्स”न्ति, ततो तत्थ फासुविहारं अलभन्तो तमेव विहारं आगच्छति, तस्स चीवरपलिबोधोयेव ठितो, सो च “नेविमं चीवरं कारेस्स”न्ति चित्ते उप्पन्ने छिज्जति, तस्मा “अन्तोसीमाय उद्धरीयती”ति वुत्तं । सन्निधानन्तिकं दुविधं “न पच्चेस्स”न्ति आवासपलिबोधं छिन्दित्वा ततो पुनपि तमेव विहारं आगन्त्वा “नेविमं चीवरं कारेस्स”न्ति सन्निधानं करोति, बहिसीमाय ठत्वा “नेविमं चीवरं कारेस्सं न पच्चेस्स”न्ति चित्तुप्पादेन सन्निधानन्तिकं होति । गाथायम्पि “द्वे पलिबोधा अपुब्बं अचरिम”न्ति इदं इममेव सन्धाय । “आसावच्छेदिको कथं अन्तोसीमाय? आसीसितेन ‘तुम्हे विहारमेव पत्थेथ, अहं पहिणिस्सामी’ति वुत्तो पुब्बे ‘न पच्चेस्स’न्ति आवासपलिबोधं छिन्दित्वा गतो पुन तं विहारं गन्त्वा तेन ‘नाहं सक्कोमि दातु’न्ति पहितो होती”ति लिखितं । “अत्थारे हि सति उद्धारो नामा”ति अत्थारं विना उद्धारं न लभन्ति, तस्मा वुत्तं । पुरिमा द्वेति “द्वे कथिनुद्धारो एकुप्पादा एकनिरोधो”ति वुत्ताधिकारे पठमं वुत्ता अन्तरब्भारसहुब्भारा । न पक्कमनन्तिकादयो द्वे । एकतो निरुज्झन्तीति उद्धारभावं पाप्पुणन्तीति अत्थो ।

कथिनभेदवग्गवण्णना निट्ठिता ।

पञ्जत्तिवग्गवण्णना निट्ठिता ।

उपालिपञ्चकवग्गवण्णना

अनिस्सितवग्गवण्णना

४१९. कायिकउपघातिका नाम कायेन वीतिक्कमो ।

नप्पटिप्पस्सम्भनवग्गवण्णना

४२०. ओमद्वकारकोति ओमद्वित्वा अभिभवित्वा कारको ।

वोहारवग्गवण्णना

४२४. भेदकरवत्थूनि निस्साय विवादाधिकरणं समुट्ठाति, एवं यथासङ्ख्यं गच्छति । कोधोपनाहादिद्वादसमूलपयोगं विवादाधिकरणं, तथा सेसेसु । ओसारणादीसु नवसु ठानेसु कम्मजत्तिया करणं । द्वीसु ठानेसु जत्तिदुतियजत्तिचतुत्थकम्मेसु । यस्मा महाअट्ठकथायं वुत्तनयेनेव उभतोविभङ्गा असङ्गहिता, तस्मा यं कुरुन्दियं वुत्तं, तं गहेतब्बन्ति सम्बन्धो ।

दिट्ठाविकम्मवग्गवण्णना

४२५. तिण्णन्नं उपरि सह आपत्तिं देसेतुं न लब्धन्ति । कम्मनानासंवासकानं लद्धिग्गहितकोव लद्धिनानासंवासको । “अविप्पवाससीमाय ठितस्सा”ति महासीमं किर सन्धाय वुत्तं ।

४३३. “उम्मादा चित्तक्खेपा”ति पाठो ।

मुसावादवग्गवण्णना

४४४. परियायेन जानन्तस्साति यस्स कस्सचि जानन्तस्स परियायेन वुत्तमुसावादोति अत्थो ।



४४६. अनुयोगो न दातव्योति तेन वृत्तं अनादित्वा तुण्ही भवितव्यन्ति अत्थो ।

### भिक्षुनोवादवग्गवण्णना

४५४. वोहारनिरुत्तियं सद्दनिरुत्तियं । मग्गपच्चवेक्खणादयो एकूनवीसति ।

### उब्बाहिकवग्गवण्णना

४५५. पसारेता मोहेता ।

### अधिकरणवूपसमवग्गवण्णना

४५८. “यथारत्तन्ति अनुपसम्पन्ने अपेक्खती”तिपि वदन्ति । “यथावुड्ढन्ति उपसम्पन्ने अपेक्खती”ति लिखितं ।

### कथिनत्थारवग्गवण्णना

४६७. “एकावत्तो”तिपि पठन्ति, तस्स कुद्धो कोधाभिभूतोति किरत्थो । एकवत्थोतिपि केचि, उत्तरासङ्गं अपनेत्वा ठितोति किरत्थो, तं सब्बं अट्ठकथायं उद्धटपाळिया विरुज्झतीति । एकावट्ठोति हि उद्धटं, तस्मा न गहेतव्वं । अन्तरा वुत्तकारणेनाति “किच्चयपसुतत्ता वन्दनं असमन्नाहरन्तो नलाटं पटिहज्जेय्या”तिआदिवुत्तकारणेन ।

उपालिपञ्चकवण्णना निड्ढिता ।

### आपत्तिसमुद्धानवण्णना

४७०. पुब्बे वुत्तमेवाति सहसेय्यादिपण्णत्तिवज्जं । इतरन्ति सचित्तकं । देसेन्तो, दोमनस्सिको अज्जेहि भिंसापनादीनि कत्वा आपत्तिं आपज्जित्वाति अधिप्पायो ।

### दुतियगाथासङ्गणिकवण्णना

### कायिकादिआपत्तिवण्णना

४७४-५. निदानुद्देसं विना सेसुद्देसाभावा “सब्बपातिमोक्खुद्देसानञ्च सङ्गहो होती”ति वुत्तं । विनये गरुका विनयगरुका । इदं पन द्वीसु गाथासु किञ्चापि आगतं, अज्जेहि पन मिस्सेत्वा वुत्तभावा नानाकरणं पच्चेतव्वं । नवसु ठानेसु कम्मं होतीति कम्मजत्ति होति । वाचाति वचीसम्भवा । अद्धानहीनो ऊनवीसतिवस्सो । “अपिचेत्थाति कुरुन्दिवादो”ति वुत्तं । वनप्पतिन्ति एवं अदिन्नादाने आगतं वनप्पतिं । विस्सट्ठिछट्ठुनेति सुक्कविस्सट्ठियं । दुक्कटा कताति दुक्कटं वुत्तं । आमकधज्जं विज्जापेत्वा भुज्जन्तिया पुब्बपयोगे दुक्कटं, अज्झोहारे पाचित्तियं ।

### पाचित्तियवण्णना

४७६. महासङ्घिका सामणरेपि आपत्तिं देसापेन्ति किर, तेन वुत्तं “न देसापेतव्वा”ति, दण्डकम्मं पन तेसं कातव्वं तथारूपे ओळारिकवीतिक्कमे ।

### अवन्दनीयपुग्गलादिवण्णना

**४७७. दससतं आपत्तियोति सहस्सं आपत्तियो। चम्पायं विनयवत्थुस्मिन्ति चम्पेय्यक्खन्धके। अधम्मेन वग्गन्तिआदीनि चत्तारि कम्मनियेव भगवता वुत्तानीति अत्थो। न केवलं आपत्तियेव, अथ खो छ समथा...पे०... सम्मुखाविनयेन सम्मन्ति, समायोगं गच्छन्ति सम्मुखाविनयेन सम्पयोगं गच्छन्तीति अत्थो। विना समथेहि सम्मति, समथभावं गच्छति। पटिसेधत्थे सति विना समथेहीति समथेहि विनाति अत्थो।**

### सोळसकम्मादिवण्णना

**४७८. असुत्तकन्ति सुत्तविरहितं, उसुत्तं तत्र नत्थीति अधिष्णायो।**

दुतियगाथासङ्गणिकवण्णना निट्ठिता।

### सेदमोचनगाथावण्णना

### अविष्णवासपञ्हावण्णना

**४७९. तहन्ति तस्मिं पुग्गले। अकप्पियसम्भोगो** नाम मेथुनधम्मादि। “वरसेनासनरक्खणत्थाय विस्सज्जेत्वा परिभुज्जितुं वट्ठती”ति **गरुभण्डविनिच्छये** वुत्तो। एकादसावन्दिये पण्डकादयो **एकादस**। **उपेति** सपरिसं। **न जीवति** निमित्तरूपत्ता। “उब्भक्खकेन वदामी”ति इमिना मुखे मेथुनधम्माभावं दीपेति। अधोनाभिविवज्जनेन वच्चमग्गप्पस्सावमग्गेषु। **गामन्तरपरियापन्नं नदिपारं ओक्कन्तभिक्खुनिं सन्धायाति** भिक्खुनिया गामापरियापन्नपरतीरे नदिसमीपमेव सन्धाय वुत्ता। तत्थ परतीरे गामूपचारो एकलेड्डुपातो नदिपरियन्तेन परिच्छिन्नो, तस्मा परतीरे रतनमत्तम्पि अरज्जं न अत्थि, तच्च तिणादीहि पटिच्छन्नत्ता दस्सनूपचारविरहितं करोति। तत्थ अत्तनो गामे आपत्ति नत्थि। परतीरे पन एकलेड्डुपातसङ्घाते गामूपचारेयेव पदं ठपेति। अन्तरे अभिधम्मवसेन अरज्जभूतं सकगामं अतिक्कमति नाम, तस्मा गणम्हा ओहीयना च होतीति जातब्बं। एत्तावतापि सन्तोसमकत्वा विचारेत्वा गहेतब्बं। भिक्खून् सन्तिके उपसम्पन्ना पच्चसता महापजापतिप्पमुखा। महापजापतिपि हि आनन्दत्थेरेन दिन्नओवादस्स पटिग्गहितत्ता भिक्खून् सन्तिके उपसम्पन्ना नाम।

### पाराजिकादिपञ्हावण्णना

**४८०. “दुस्सकुटिं सन्धाया”**ति सह दुस्सेन वीतिक्कमनस्स सक्कुण्येय्यताय वुत्तं। लिङ्गपरिवत्ते पटिग्गहणस्स विजहनतो सामं गहेत्वा भुज्जितुं न वट्ठति। **काकऊहदनं वाति** काकेन ऊहदनं वा। “तयो पुरिसेपि उपगन्त्वा”ति पाठसेसो।

### पाचित्तियादिपञ्हावण्णना

**४८१. मेथुनधम्मपच्चया** नाम कायसंसग्गो। तंहेतु मेथुनधम्मस्स पुब्बभागभूतं कायसंसग्गं वायामन्तियाति अट्ठवत्थुपूरणं सन्धाय। **परिभोगप्पच्चयाति** परिभोगकारणा। **तस्माति** यस्मा परिभोगप्पच्चया आपज्जति, तस्मा भोजनपरियोसाने होतीति अत्थो। **पोराणपोत्थकेसु** “तस्सा”ति पाठो। “कारणवचनं सुन्दरं भोजनपरिच्छेददस्सनतो”ति वदन्ति।

सेदमोचनगाथावण्णना निट्ठिता।

### पच्चवग्गो

### कम्मवग्गवण्णना

४८३. “उम्मत्तकसम्मुतिं उम्मत्तके याचित्वा गते असम्मुखापि दातुं वट्टती”ति वुत्तं । तत्थ निसिन्नेपि न कुप्पति नियमाभावा । असम्मुखा कते दोसाभावं दस्सेतुं “असम्मुखाकतं सुकतं होती”ति वुत्तं । दूतेन उपसम्पदा पनेत्थ सम्मुखा कातुं न सक्का । कम्मवाचानानत्तसभावा पत्तनिककुज्जनादयो हत्थपासतो अपनेत्वा कातब्बा, तेन वुत्तं “असम्मुखा कतं सुकतं होती”ति । “पुच्छित्वा चोदेत्वा सारेत्वा कातब्बं अपुच्छित्वा अचोदेत्वा असारेत्वा करोती”ति अयं वचनत्थो । **ठपेत्वा कत्तिकमासन्ति** सो पवारणामासो, **द्वे च पुण्णमासियो**ति पठमदुतियवस्सूपगतानं पवारणा पुण्णमासा द्वे ।

४८५. पदं वा छट्ठेतीति अत्थो । क-वग्गादीसु **पञ्चसु** । **गरुक्कन्ति** दीघं, संयोगपरञ्च । “बुद्धरक्खितत्थेरस्स यस्स नक्खमती”ति एत्थ त-कारक-कारा संयोगपरा । **दीघे वत्तब्बे रस्सन्ति** “सो तुण्ही अस्सा”ति वत्तब्बे सो तुण्ही अस्साति वचनं ।

४८६. सेसट्ठकथासु वुत्तवचनं **कुरुन्दियं** पाकटं कत्वा “**निसीदितुं न सक्कोन्ती**”ति वुत्तं ।

४८७-८. **परिसुद्धसीला चत्तारो भिक्खू**ति पाराजिकं अनापन्ना । **न तेसं छन्दो वा पारिसुद्धि वा एतीति** तीसु, द्वीसु वा निसिन्नेसु एकस्स, द्विन्नं वा छन्दपारिसुद्धि आहटापि अनाहटाव ।

### अपलोकनकम्मकथावण्णना

४९५-६. कायसम्भोगसामगिदानसहसेय्यपटिग्गहणादि इमस्स अपलोकनकम्मस्स ठानं होतीति एवम्पि अपलोकनकम्मं पवत्ततीति अत्थो । कम्मञ्जेव लक्खणन्ति कम्मलक्खणं । ओसारणनिस्सारणभण्डुकम्मादयो विय कम्मञ्च हुत्वा अञ्जञ्च नामं न लभति, कम्ममेव हुत्वा उपलक्खीयतीति कम्मलक्खणं उपनिस्सयो विय । हेतुपच्चयादिलक्खणविमुत्तो हि सब्बो पच्चयविसेसो तत्थ सङ्गहति, एवम्पि “कम्मलक्खणमेवा”ति वुत्तं । कम्मलक्खणं दस्सेतुं “**अच्छिन्नचीवरजिण्णचीवरनट्टचीवरान**”न्तिआदि वुत्तं । “ततो अतिरेकं देन्तेन अपलोकेत्वा दातब्ब”न्ति वुत्तं अपलोकनं कम्मलक्खणमेव । एवं सब्बत्थ लक्खणं वेदितब्बं । **इणपलिबोधम्पी**ति सचे तादिसं भिक्खुं इणायिका पलिबुज्झन्ति । तत्तुप्पादतो दातुं वट्टति । **अन्तरसन्निपातो**ति उपोसथप्पवारणादिमहासन्निपाते ठपेत्वा अन्तरा मङ्गलुच्चारणादि । **उपनिक्खेपतो**ति चेतियस्स आपदत्थाय निक्खित्ततो । “**अज्जा कतिका कातब्बा**”ति ये रुक्खे उट्ठिस्स पुब्बे कतिका कता, तेहि इमेसं अञ्जत्ताति वुत्तं । “सचे तत्थ मूले”ति पुब्बे “इतो पट्ठाय भाजेत्वा खादन्तू”ति वचनेन पुगलिकपरिभोगो पटिक्खित्तो होति । **अनुविचरित्वा**ति पच्छतो पच्छतो गन्त्वा । तेसं सन्निका पच्चयं पच्चासीसन्तेनाति अत्थो । **मूलभागन्ति** दसमभागं कत्वा । पुब्बकाले दसमभागं कत्वा अदंसु, तस्मा “**मूलभागो**”ति वुत्तं । **अकतावासं वा कत्वा**ति उप्पन्नआयेन । **जग्गितकालेयेव न वारेतब्बा**ति जग्गिता हुत्वा पुप्फफलभरितकालेति अत्थो । **जग्गनकाले**ति जग्गितुं आरब्धकाले । **जत्तिकम्मट्टानभेदे पनाति** जत्तिकम्मस्स ठानभेदे ।

इदं पनेत्थ पकिण्णकं — अत्थि सङ्गकम्मं सङ्गो एव करोति, न गणो, न पुगगलो, तं अपलोकनकम्मस्स कम्मलक्खणेकदेसं ठपेत्वा इतरं चतुब्बिधम्पि कम्मं वेदितब्बं । अत्थि सङ्गकम्मं सङ्गो च करोति, गणो च करोति, पुगगलो च करोति, तं पुब्बे ठपितं । वुत्तज्हेतं “यस्मिं विहारे द्वे तयो जना वसन्ति, तेहि निसीदित्वा कतम्पि सङ्गेन कतसदिसमेव । यस्मिं पन विहारे एको भिक्खु होति, तेन भिक्खुना”तिआदि (परि० अट्ठ० ४९५-४९६) । अत्थि गणकम्मं सङ्गो च करोति, गणो च करोति, पुगगलो च करोति, तं यो पारिसुद्धिउपोसथो अञ्जेसं सन्निके करीयति, तस्स वसेन वेदितब्बं । अत्थि गणकम्मं गणोव करोति, न सङ्गो, न पुगगलो, तं यो पारिसुद्धिउपोसथो अञ्जमञ्जं आरोचनवसेन करीयति, तस्स वसेन वेदितब्बं । अत्थि पुगगलकम्मं पुगगलोव करोति, न सङ्गो, न गणो, तं अधिद्वानुपोसथवसेन वेदितब्बं । अत्थि गणकम्मं एकच्चोव गणो करोति, एकच्चो न करोति, तत्थ अजत्तिकं द्वेयेव करोन्ति, न तयो । सजत्तिकं तयोव करोन्ति, न ततो ऊना वा अधिका वाति ।

### अपञ्जत्तेपञ्जत्तवग्गवण्णना

५००. ककुसन्धकोणागमनकस्सपा एव हि सत्त आपत्तिकखन्धे पञ्जपेसुं । विपस्सीआदयो पन ओवादपातिमोक्खं उद्दिंसिं, न सिक्खापदं पञ्जपेसुं ।

### निगमनकथावण्णना

उभतोविभङ्गखन्धकपरिवारेहि विभत्तं देसनं अत्थि तस्स विनयपिटकस्स, नामेन **समन्तपासादिका नाम संवण्णना** “समन्तपासादिका नामा”ति वुत्तवचनसंवण्णना समत्ताति आह । तत्थ पधानघरे । **इद्धा** अत्थविनिच्छयादीहि ।

सम्मा उदितो समुदितो, ते गुणे अकिच्छेन अधिगतो अधिकप्पमाणगुणेहि वा समुदितो, तेन **समुदितेन** “गतानं धम्मानं गतियो समन्नेसती”ति वुत्ताय सतिया उप्पादिता सद्भादयो **परमविसुद्धा** नाम समन्नारक्खत्ता । इति सतिपि सद्भादीहि वुत्ता होति । एवं सन्ते एत्थ वुत्ते चतुब्बिधे सीले पातिमोक्खसंवरसीलं सद्भा मण्डेति । सद्भासाधनञ्चि तं । इन्द्रियसंवराजीवपारिसुद्धिपच्चयपरिभोगसीलानि पटिमण्डेति सतिवीरियपञ्जायोति यथायोगं वेदितब्बं । अपिच सद्भा च बुद्धिरहिता अविसुद्धा होति बुद्धिया पसादहेतुत्ता । बुद्धियो पन तस्सानुभावेन परमविसुद्धा नाम होन्ति । पञ्जा सद्भारहिता केराटिकपक्खं भजति, सद्भायुत्ता एव विसुद्धा होति । वीरियञ्च समाधिरहितं उद्धच्चाय संवत्तति, न समाधियुत्तन्ति वीरियस्स सुद्धवचनतो समाधिपि वुत्तो होति, एवं परमविसुद्धा सद्भादयोपि पातिमोक्खं पटिमण्डेन्तीति जातब्बं । कथं? पटिपत्तिदेसके सत्थरि च पटिपत्तियञ्च पटिपत्तिफले च सद्भाय विना सीलसमादानं, समादिन्नविसोधनञ्च कातुं न सक्काति सद्भा पातिमोक्खं पटिमण्डेति । तत्थ “इतिपि सो भगवा”तिआदिना (दी० नि० १.२५५; म० नि० १.७४; सं० नि० १.२४९) सत्थरि च पूजेतुं सक्कोति । पटिपत्तियं सीलविपत्तिसम्पत्तिमूलके सन्दिट्टिकसम्परायिकफले च सद्भापवत्ति वित्थारतो जातब्बा, सीलविपत्तिसम्पत्तिनिमित्तं आदीनवमानिसंसञ्च आदीनवपरिच्चागे, आनिसंससम्पादने च उपायं दिस्वा तथा पवत्तमाना पञ्जा पातिमोक्खसंवरं पटिमण्डेति । “अतिसीत”न्तिआदिना अप्पवत्तनारहं कोसज्जं “यो च सीतञ्च उण्हज्जा”ति वुत्तानुसारेण पजहित्वा अनुप्पन्नुप्पन्नानं असंवरसंवराणं अनुप्पादनपजहनउप्पादनवड्डनवसेन पवत्तमानवीरियं पातिमोक्खं पटिमण्डेति, इमिना नयेन इन्द्रियसंवरादीसुपि योजेतब्बं । चतुन्नम्पि सङ्गहवत्थूनं अनुकूलसमुदाचारो इध **आचारो**ति वेदितब्बो । **अज्जव**-वचनेन लाभसक्कारहेतु कायदुच्चरितादिकुटिलकरमायासाठेय्यपटिपक्खअज्जवधम्मसमायोगदीपनेन अलोभज्झासयता दीपिता । **मद्व**-वचनेन कक्खळभावकरपटिघादिपटिपक्खभूतमेत्तादिमद्वधम्मसमायोगदीपनेन हितज्झासयादीनि दीपितानि होन्ति । **आदि**-सद्देन “खन्ति च सोरच्चञ्च साखल्यञ्च पटिसन्धारो चा”तिआदिना (ध० स० दुक्कमातिका १२५-१२६) वुत्तधम्मोहि समायोगो दीपितो होति । इध वुत्ता अज्जवमद्ववादयो गुणा सीलसम्पत्तिया हेतू च होन्ति सीलसम्पत्तिफलञ्च तंसम्पादनतो । **सकसमयो**ति चतुपरिसा । एतेन सभागदुक्खभावाभावो सूचितो । अथ वा **सकसमयो**ति सोगतं पिटकत्तयं सकसमयो एव गहनं दुद्धीपनत्ता, सकसमयस्स सन्निट्ठानं सकसमयगहनं —

“सच्चं सत्तो पटिसन्धि, पच्चयाकारमेव च ।

दुद्धसा चतुरो धम्मा, देसेतुञ्च सुदुक्करा”ति ॥ (विभ० अट्ठ० २२५) —

वुत्तत्ता यथा सकसमयस्स गहनपदेन योजना वुत्ता, तथा परसमयस्सपि । **पञ्जावेय्यत्तियेना**ति अनेन तिखिणेन जाणेन कतसिलानिसितसत्थसदिससभावपञ्जा वुत्ता । तिपिटकसङ्घाताय परियत्तिया पभेदो **तिपिटकपरियत्तिपभेदो** । तस्मिं पभेदे । तन्ति च तन्तिअत्थो च **सासनं** नाम । इध “तन्ति एवा”ति वदन्ति । यस्मिं अयं संवण्णना निट्ठापिता, तस्मिं काले पटिवेधजाणाभावतो सुतमयं सन्धाय “**अप्पटिहतजाणप्पभावेना**”ति वुत्तं । करणसम्पत्तिया जनितत्ता **सुखविनिगतं** । सुखविनिगतत्ता मधुरोदातवचनलावण्ययुत्तेनापि योजेतब्बं, ईदिसं वचनं सोतसुखञ्च सन्निवेससम्पत्तिसुखञ्च होति । “वेय्याकरणेना”ति अवत्वा “महावेय्याकरणेना”ति वुत्तत्ता सिक्खानिरुत्तिछन्दोविचित्यादिपटिमण्डितपाणिनियन्यासाधारणधारणसभावो सूचितो भवति । **युत्तवादिना**तिआदीसु युत्तमुत्तवादिना ठानुप्पत्तियपञ्जाय समन्नागतेनाति अत्थो । ओजाभेदेपि आयुसत्तिकरणतादिसामत्थयोगानं महाकविना रचितगन्थस्स महन्तत्ता वा “तिपिटकपरियत्तिपभेदे”तिआदीहि सासने, हेतुविसये, सद्दे चाति इमेसु तीसु ठानेसु

पाटवभावं दीपेन्तो वेनयिकबुद्धिसम्पत्तिसम्भावमस्स सूचेति । येसं पुग्गलानं पभिन्ना पटिसम्भिदादि, ते पभिन्नपटिसम्भिदादयो धम्मा । तेहि परिवारितो उक्खित्तसन्ततिउपच्छेदमकत्वा अत्तनो सन्ताने उप्पादनवड्डनवसेन वारितो सो पभिन्नपटिसम्भिदापरिवारो । तस्मिं **पभिन्नपटिसम्भिदापरिवारे** उत्तरिमनुस्सधम्मेति अत्थो । छळभिज्जचतुपटिसम्भिदादिप्पभेदगुणपटिमण्डिते पन छळभिज्जा उत्तरिमनुस्सधम्मा एव । चतूसु पटिसम्भिदासु अत्थपटिसम्भिदाय एकदेसोव । तदुभयं सयं उत्तरिमनुस्सधम्मपरियापन्नं कथं उत्तरिमनुस्सधम्मं पटिमण्डेतीति चे? रुक्खं रुक्खस्स अवयवभूतपुष्पादयो विय सयज्च येसं उत्तरिमनुस्सधम्मानं अवयवत्ताति । कामावचरधम्मपरियापन्नपटिसम्भिदाजाणं उत्तरिमनुस्सधम्मानं अनवयवभूतं उत्तरिमनुस्सधम्मं पटिमण्डेति, पुरिसस्स अनवयवभूतो अलङ्कारो विय पुरिसं । अथ वा कामावचरपअसम्भिदापरिवारो छळभिज्जापटिसम्भिदादिप्पभेदगुणे पटिमण्डेति । लोकुत्तरपटिसम्भिदं सन्धाय पुन पटिसम्भिदावचनज्च । सासने उप्पज्जित्वा सासनस्स अलङ्कारभूतेन, यस्मिं वंसे उप्पन्नो, तस्सेव वा अलङ्कारभूतेन । सङ्खेपवित्थारेसु इतरीतरकरणं, अप्पसन्नपसन्नानं पसादुप्पादनाभिवुड्ढिकरणं, वुत्तानं गम्भीरानं गम्भीरुत्तानभावकरणन्ति एवं छब्बिधाचरियगुणयोगतो **विपुलबुद्धि** नाम । ये धम्मचिन्तनं अतिधावन्ता केचि उच्छेदादिनानप्पकारं अन्तं वा गणहन्ति, “सब्बं जेय्यं पज्जति एवा”ति वा “परमत्थो एवा”ति वा गणहन्ति, तेसं बुद्धि मिच्छादिट्ठिपच्चयत्ता समला नाम होति, इमस्स पन बुद्धि धम्मचिन्तातिधावनरहितत्ता विसुद्धा नाम होति । तेन वुत्तं “**विपुलविसुद्धबुद्धिना**”ति । **गरूहि** “पियो गरु भावनीयो”तिआदिना (अ० नि० ७.३७; नेत्ति० ११३) वुत्तगुणेहि युत्तगरूहि । गुणेहि थिरभावं गतत्ता **थेरेन** ।

सीलेन सीलस्स वा विसुद्धिया **सीलविसुद्धिया** । अविज्जण्डकोसं पदालेत्वा पठमं अभिनिब्बत्तत्ता **लोकजेट्टस्स** । लोकस्स वा गम्भीरे महन्ते सीलादिक्खन्थे एसि गवेसीति **महेसीति** ।

एत्तावता समधिकसत्तवीसतिसहस्सपरिमाणाय समन्तपासादिकसज्जिताय **विनयडुकथाय** सब्बपदेसु विनिच्छयजातं सङ्घिपित्वा **गण्ठिठानविकासना** कता होति, तथापि यं एत्थ लिखितं, तं सुट्ठु विचारेत्वा **पाळिज्च अडुकथज्च** सल्लक्खेत्वा ये आचरिया बुद्धस्स भगवतो महानुभावं, विनयपिटकस्स च विचित्रनयगम्भीरत्थतं सल्लक्खेत्वा पोराणानं कथामग्गं अविनासेत्वा अत्तनो मतिं पहाय केवलं सद्धम्मट्ठितिया, परानुग्गहकामताय च विनयपिटकं पकासेन्ता ठिता, तेसं पादमूले वन्दित्वा खन्तिसोरच्चादिगुणसमन्नागतेन हुत्वा वत्तसम्पत्तिया तेसं चित्तं आराधेत्वा पवेणिया आगतं विनिच्छयं कथापेत्वा उपधारेत्वा यं तेन संसन्दति, तं गहेतब्बं, इतरं छुट्टेतब्बं । इतरथा तुण्हीभूतेन भवितब्बं । विनिच्छयसङ्करकरेन पन न भवितब्बमेव । कस्मा? सासनस्स नासहेत्तुत्ता । होति चेत्थ —

“असम्बुधं बुद्धमहानुभावं,  
धम्मस्स गम्भीरनयत्थतज्च ।  
यो वण्णये तं विनयं अविज्जू,  
सो दुट्ठसो सासननासहेत्तु ॥

पाळिं तदत्थज्च असम्बुधज्हि,  
नासेति यो अडुकथानयज्च ।  
अनिच्छयं निच्छयतो परेहि,  
गाहेति तेहेव पुरक्खतो सो ॥

अनुक्कमेनेव महाजनेन,  
पुरक्खतो पण्डितमानिभिक्खु ।  
अपण्डितानं विमतिं अकत्वा,  
आचरियलीळं पुरतो करोती”ति ॥

समन्तपासादिकाय गण्ठपदाधिप्पायप्पकासना समत्ता ।

वजिरबुद्धिटीका निट्ठिता ।